



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.1.50





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.1.50



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.1.50



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.1.50

Ab. 2/1
Della libreria
Raysoni




Ex Libris Joannis Nencini
1874


MALE CENTRALE FIRENZE
DINI
II
I
50
TA NEN



am
3




M. TVLLII CICERONIS ORA-
tionum uolumen primum, in quo multa,
quæ in aliarum editionum libris cor-
rupte legebantur, ex diligenti
uetustorum exemplariū
collatione sunt
emendata.



PAVLVS MANVTIVS ALDI F.

M. D. XL.

Cy. Ioannes Baptista Gallo. June
Abbas. 1645



REVERENDISSIMO, ET ILLVSTRIS
SIMO S. R. E. PRESBITERO,
CARDINALI RAVENNAE,
BENEDICTO ACCOLTO
PAVLVS MANVTIVS
ALDIF. S. D.

MAXIME esset optandum Accolte clarissime, ut, quæ olim à doctissimis uiris magno labore, magnisq; uigilijs sunt elucubrata, ea nostram ad ætatem omnia peruenire potuissent. artium plurimarum scientia, quarum adiumento ad uitam recte instituendam indigemus, non desideraretur. uerum ita casu nescio quo accidit, ut ex ijs scriptis, quæ ueteres illi, homines sapientissimi, reliquerunt, non solum multa prorsus interierint, sed etiam, quæ in hunc diem seruata sunt, ita deprauata, ita mutila legantur, ut sæpissime uix, aut ne uix quidem intelligi possint. hoc incommodum pater olim meus magna ex parte sustulit. cuius industria multos excitauit, ut eandem rem aggressi, iacentem literarum laudem pro suis quisque uiribus subleuaret. quod si alij fecerunt tantum æmulatione gloriæ permoti, certe, cur ego id faciam, hoc plus habeo causæ, quòd cum pater studiosis id, quod in hoc genere promiserat, morte præuentus præstare non potuerit, hoc me nomine ita appellant, quasi ad filios soleat non paternæ solum rei, sed uoluntatis etiam hæreditas peruenire. hæc me res, ut debet, multum mouet, sed auctoritas tua plurimum, quam ego tanti soleo fa

A ij

cere, ut quamcunque tu probas rationem, ea demum
& utilis mihi, & honesta uideatur esse. tu igitur cum
nos ad hoc posteritatis adiuuandæ studium & uehemen-
ter, & sæpe sis cohortatus, effecisti, ut in eam rem tan-
to alacrius incumbamus, quanto pluris apud me tua,
quàm reliquorum omnium, consilia sunt. quòd si la-
bore, studio, diligentia profici in hoc genere quicquam
potest, ut certe potest: magnopere spero fore, ut ne-
que officij tui in me admonendo, neque liberalitatis in
adiuando pœniteat. cuius rei quasi specimen erit hæc
prima Ciceronis orationum pars, quam ex ueterum
exemplarium collatione diligenter emendatam, in ma-
nus hominum sub tuo nomine emittimus. nā cum usu,
& consuetudine ita comparatum sit, ut, quibus rebus
principes uiri delectentur, in ijs rebus multi suum stu-
dium probare uelint, ex quo fit, ut ab alijs canes, ab
alijs equos, aut aues nobiles dono dari uideamus: com-
mode me facturum existimaui, siquid ego eius generis
ad te mitterem, quod omnibus te præferre uoluptati-
bus intellexissem: soles enim quotidie ferè à grauissimarum
artium tractatione, in hæc studia, quæ sibi ab hu-
manitate nomen asciuerunt, quasi in hortum amœnis-
simum diuertere: ubi te modo oratorum & poetarum
flores, modo dulcium amicorum colloquia mirifice de-
lectant: ut præter id temporis, quod ualitudini dare
soles, quod sanè pusillum est, hora nulla sit, quam
non in literis, & cum uirtute traducas. quam tuæ ui-
tæ rationem qui ignorant, mirantur scilicet, unde il-
la tibi in aduersis rebus fortitudo tanta, unde animi
robur illud inuicti, quod ne illa quidem ipsa, quæ in

rebus
infring
oris.
me con
sunt ma
alijs re
dem po
ne uide
dem, qu
rator, s
nim ha
rior ad
propet
homini
etiam cu
lari qu
cuiusqu
plurim
amplius
cum d
propet
confor
in qu
liberati
ficeret
quā
meum
gentis
laude
exita

rebus humanis Fortuna dominatur, ullo pacto poterit
infringere, contra cuius vim duplici te praesidio muni-
ueris, artium maximarum cognitione, & mentis opti-
mae conscientia. haec est aliarum uirtutum, quae in te
sunt multae, quasi princeps & regina quadam, ut in
alijs neminem tibi antepondere, in hac ne conferre qui-
dem possim. nam de prudentia, de pietate, de iustitia,
ne uidear assentari, nihil dicam: ne de liberalitate qui-
dem; quae tamen ita nota est, ut nō, qui eam laudet, assen-
tator, sed, qui non laudet, maleuolus existimetur. cum e-
nim haec dandi beneficij ratio eiusmodi sit, ut nulla cer-
tior ad laudem, nulla item magis lubrica uideatur uia,
propterea q̄ in beneficijs collocandis plerique fortunam
hominum spectare solent, ut eandem gratiam, aut
etiam cum fœnore recipiant: non est, quod in hoc te
labi quisquam arbitretur, cum & rarissime contingat,
cuiusquam opera ut egere uidearis, & tu tamen quam-
plurimis ob eximiam naturae tuae liberalitatem, atque
amplitudinem benigne facere & soleas, & possis. &
cum de omnibus ad bene merendum natura es maxime
propensus, tum uero ipsa te ratio atque doctrina ita
conformauit, ut ad eos honestandos, qui se ijs artibus,
in quibus ipse excellis, dedidere, tuum soleas studium
libentissime conferre. quae quidem humanitas & bene-
ficientia tua non sanè uideo qui possit in ullo maior esse,
quàm in me tuendo fuit. quae est enim à te res, quae ad
meum commodum attineret, praetermissa? quis dili-
gentius est adhortatus, ut hanc restituenda antiquitatis
laudem, qua pater meus olim excelluit, penè afflictam
excitarem? quis eam ipsam ad rem perficiendam plura

contulit? cum etiam magnis Principibus, tui simillimis, ita me commendaris, ut iudicii tui testimonio per moti non minimis ad se premijs euocarint. quæ cum recordor, etsi me ipsum probe noui, tamen interdum mihi assentor, & mihi aliquid uideor esse, quod à te sim ornatus. hæc me inanis ambitio ita delectat, ut illum dolorem, quem ex difficultate capio remunerandi, si non tollat, minuat quidem certe. quanquam tu is es, qui te satis superque remuneratum existimas, si modo id, quod dedisti, ab eo, qui accepit, intelligis memoria teneri. quo in officio præstando noli credere quenquam esse qui me uincat. & huius quidem rei confido fore ut aliquando eiusmodi à me signa dentur, quæ nullum cuiquam de mea in te uoluntate dubitandi locum relinquunt. nunc earum rerum, quas ipsi quidem hoc tempore possumus, maxima, primum, ut dixi, Ciceronis orationum uolumen in tuo nomine apparebit. omnino neque amplitudine tua, neque ijs officijs, quæ in me contulisti, digna res uidetur, sed, ut spero, muneris nostri tenuitatem humanitatis tuæ magnitudo subleuabit. Vale.

.XX. francia. et fran. .co.

A iii

M. TVLLII CICERONIS ORATIO=
NVM, QVAE PRIMO VOLV=
MINE CONTINENTVR,

I N D E X.

Pro P. Quintio, Oratio prima,		I
Pro Sex. Roscio Amerino, oratio	II.	18
Pro Q. Roscio comædo, oratio	III.	45
Divinatio in C. Verrem, oratio	IIII.	55
In C. Verrem liber II. oratio	V.	66
In C. Verrem liber III. oratio	VI.	76
In C. Verrem liber IIII. oratio	VII.	109
In C. Verrem liber V. oratio	VIII.	148
In C. Verrem liber VI. oratio	IX.	200
In C. Verrem liber VII. oratio	X.	236
Pro M. Fonteio, oratio	XI.	276
Pro A. Cæcina, oratio	XII.	284

I

M. TVLLII CICERONIS
PRO P. QVINTIO,
ORATIO I.

VAE RES In ciuitate duæ plurimū
possunt, eæ contra nos ambæ faciunt in
hoc tempore, summa gratia, & eloquen-
tia. quarum alteram C. Aquili uereor,
alteram metuo. eloquentia Q. Horten-

si ne me dicendo impediat, non nihil commoueor. gratia
Sex. Neuij ne P. Quintio noceat, id uero non mediocriter
pertimesco. neq; hoc tantopere querendū uideretur, hac
summa in illis esse, si in nobis essent saltem mediocria. ue-
rum ita se res habet, ut ego, qui neq; usu satis, & ingenio
parum possum, cum patrono disertissimo comparer; P.
Quintius, cui tenues opes, nullæ facultates, exigua ami-
corum copia sunt, cum aduersario gratiosissimo conten-
dat. illud quoq; nobis accedit incōmodum, qd M. Iunius,
qui hanc causam Aquili aliquoties apud te egit, homo et
in alijs causis exercitatus, & in hac multum & sæpe uer-
satus, hoc tempore abest, noua legatione impeditus: et ad
me uentum est, qui ut summa haberem cætera, temporis
quidem certe uix satis habui, ut rem tantam, tot contro-
uersus implicatam, possem cognoscere. ita, quod mihi con-
suevit in cæteris causis esse adiumentum, id quoq; in hac cau-
sa deficit: nam quo minus ingenio possum, subsidio mi-
hi diligentiam comparavi. quæ quanta sit, nisi tempus, et
spatium datum sit, intelligi non potest. Quæ quo plura
sunt C. Aquili, eo te, & hos, qui tibi in consilio adsunt,
meliori mente nostra uerba audire oportebit, ut multis

ORATIO

incommodis ueritas debilitata, tandem æquitate talium
uirorum recreetur. quod si tu iudex nullo præsidio fuisse
uidebere contra uim, & gratiam solitudini, atq; ino-
piæ; si apud hoc consilium ex opibus, nō ex ueritate cau-
sa pendetur: profecto nihil est iam sanctum, atq; since-
rum in ciuitate; nihil, quod humilitatem cuiusquam gra-
uitas & uirtus iudicis consoletur. certe aut apud te, &
eos, qui tibi adsunt, ueritas ualebit: aut ex hoc loco re-
pulsæ uis, & gratia, locum, ubi consistat, reperire non po-
terit. non eo dico C. Aquili, quo mihi ueniat in dubium
tua fides & constantia: aut quo non in iis, quos tibi ad-
uocasti, uiris electissimis ciuitatis spem summam habere
P. Quintius debeat. quid ergo est? primum magnitudo
periculi summo timore hominem afficit, q̄ uno iudicio
de fortunis omnibus decernit. idq; dum cogitat, non mi-
nus sæpe ei uenit in mentem potestatis, quàm æquitatis
tuæ: propterea q̄ omnes, quorum in alterius manu ui-
ta posita est, sæpius illud cogitant, quid possit is, cuius in-
dicatione ac potestate sunt, quàm quid debeat facere. dein-
de habet aduersarium P. Quintius uerbo Sex. Neuium,
re uera huiusce ætatis homines disertissimos, fortissimos,
ornatissimos nostræ ciuitatis, qui cōmuni studio summis
opibus Sex. Neuium defendunt, si id est defendere, cupi-
ditati alterius obtemperare, quo is facilius, quē uelit, ini-
quo iudicio opprimere possit: nam quid hoc iniquius, aut
indignius C. Aquili dici aut commemorari potest, quàm
me, qui caput alterius, famam, fortunasq; defendam,
priori loco causam dicere? cum præsertim Q. Horten-
sius, qui hoc iudicio partes accusatoris obtinet, contra me
sit dicturus, cui summam copiam facultatemq; dicendi

maximè
merito
cium ad
impugn
estis ad
sunt fau
lam, iue
Præco
omnium
de re ma
cium, ut
sam ad
etiam e
ter Sex
eiusmod
propter
posuit
affectu
tem, m
ei pro
potest
rit; e
infest
orat, a
tam a
mari p
ram, p
Et a f
frater
denis

natura largita est. ita fit, ut ego, qui tela depellere, et uul-
neribus mederi debeam, cum id facere cogar, cum etiam
telum aduersarius nullum iecerit: illis autem id tempus
impugnandi detur, cum et uitandi illorum impetus po-
testas adempta nobis erit, et, si qua in re, id quod parati
sunt facere, falsum crimē, quasi uenenatum aliquod te-
lum, iecerint, medicinae faciendae locus non erit. id accidit
Prætoris iniquitate, et iniuria: primum quod contra
omnium cōsuetudinem iudicium prius de probro, quā
de re maluit fieri: deinde quod ita constituit id ipsum iudi-
cium, ut reus, ante quā uerbū accusatoris audisset, cau-
sam dicere cogeretur. quod eorum gratia, et potētia fa-
ctum est, qui, quasi sua res, aut honos agatur, ita diligen-
ter Sex. Neuij studio et cupiditati morem gerunt, et in
eiusmodi rebus opes suas experiuntur, in quibus quo plus
propter uirtutē nobilitatemq; possunt, eo minus, quantū
possint, debent ostendere. cum tot tantisq; difficultatibus
affectus atq; afflictus, in tuam C. Aquili fidem, uerita-
tem, misericordiam P. Quintius confugerit; cum adhuc
ei propter uim aduersariorum non ius par, non agendi
potestas eadem, non magistratus æquus reperiri potue-
rit; cum ei summam per iniuriam omnia inimica, atq;
infecta fuerint: te C. Aquili, uosq;, qui in consilio adestis,
orat, atq; obsecrat, ut multis iniurijs iactatam atq; agita-
tam æquitatem, in hoc tandem loco consistere, et confir-
mari patiamini. id quo facilius facere possitis, dabo ope-
ram, ut, à principio res quemadmodum gesta et cōtra-
cta sit, cognoscatis. C. Quintius fuit P. Quintij huius
frater, sanè cæterarum rerum paterfamilias et pru-
dens et attentus, una in re paulo minus consideratus,

ORATIO

qui societatem cum Sex. Neuius fecerit, uiro bono, uerum
tamen non ita instituto, ut iura societatis, & officia certi
patrisfamilias nosse posset: non quo ei deesset ingenium:
(nam neq; parum facetus scurra Sex. Neuius, neq; inhu
manus præco est unquam existimatus:) quid ergo est?
cum ei natura nihil melius, quam uocem, dedisset, pater
nihil præter libertatem reliquisset: uocem in quæstû con
tulit, libertate usus est, quo impuni dicax esset. quare,
q̃ socium tibi eum uelles adiungere, nihil erat, nisi ut in
tua pecunia condisceret, qui pecuniæ fructus esset. tamen
inductus consuetudine, ac familiaritate Quintius fecit,
ut dixi, societatem earum rerum, quæ in Gallia compa
rabantur. erat ei pecuaria res ampla, & rustica sanè be
ne culta, & fructuosa. tollitur ab atrijs Licinij atq; à
præconum confessu in Galliam Neuius, & trans alpes
usq; transfertur. fit magna mutatio loci, non ingenij: nā
qui ab adolescentulo quæstum sibi instituisset sine impen
dio; posteaquam nescio quid impendit, & in commune
contulit, mediocri quæstu contentus esse non poterat: nec
mirum, si is, qui uocem uenalem habuerat, ea, quæ uoce
quæsiuerat, magno sibi quæstui fore putabat. itaq; hercu
le haud mediocriter de communi, quicquid poterat, ad se
in priuatam domum seuocabat. qua in re ita diligens
erat, quasi y, qui magna fide societatem gererent, arbitriū
pro socio condemnari solerent. uerum his de rebus nō ne
cesse habeo dicere ea, quæ me P. Quintius cupit comme
morare. tametsi causa postulat, tamen, quia postulat, non
flagitat, præteribo. cum annos iam complures societas es
set, & cum sæpe suspectus Quintio Neuius fuisset, neq;
ita commode posset rationem reddere earū rerum, quas

libidine
tius, can
dem test
summa
mus hom
post, in
Necio f
& de fo
ta libe
illum in
debere
ni aliq
pam
hic Qu
rum re
mai Sex
clomet
proscrip
tatem
pro fr
te, man
Necio
cere op
tius, ex
quod
mam p
uius. u
per se
dijol
riam y

libidine, non ratione gesserat : moritur in Gallia Quintius, cum adesset Neuus, & moritur repentino. haredem testamento reliquit hunc P. Quintium, ut ad quem summus mæror morte sua ueniebat, ad eundem summus honos quoq; perueniret. quo mortuo, nec ita multo post, in Galliam proficiscitur Quintius. ibi cum isto Neuio familiariter uiuit : annum ferè unà sunt, cum & de societate inter se multa communicarent, & de tota illa ratione atq; re Gallicana : neque interea uerbum ullum interposuit Neuus, aut societatem sibi quippiam debere, aut priuatim Quintium debuisse. cum æris alieni aliquantulum esset relictum, quibus nominibus pecuniam Romæ curari oporteret : auctionem in Gallia P. hic Quintius Narbone se facturum esse proscribit earum rerum, quæ ipsius erant priuatæ. ibi tum uir optimus Sex. Neuus hominem multis uerbis deterret ne auctionetur : cum non ita commode posse eo tempore, quæ proscrispsisset, uendere : Romæ sibi nummorum facultatem esse, quam, si saperet, communem existimaret pro fraterna illa necessitudine, & pro ipsius affinitate : nam P. Quintii consobrinam habet in matrimonio Neuus, & ex ea liberos. quia, quod uirum bonum facere oportebat, id loquebatur Neuus, credidit Quintius, eum, qui orationem bonorum imitaretur, facta quoq; imitaturum. auctionem uelle facere desistit : Romam proficiscitur : decedit ex Gallia Romam simul Neuus. cum pecuniam C. Quintius P. Scapulæ debuisset : per te C. Aquili decidit P. Quintius, quod liberis eius dissolueret. hoc eo per te agebatur, quod propter arariam rationem non satis erat in tabulis inspexisse quan-

ORATIO

tum deberetur, nisi à Quæstoribus quæsisset quantum solueretur. decidis, statuisq; tu propter necessitudinem, quæ tibi cum Scapulis est, quid us ad denarium solueretur. hæc omnia Quintius agebat auctore, & consuasore Nevio: nec mirum, si eius utebatur cōsilio, cuius auxilium sibi paratum putabat: non modo enim pollicitus erat in Gallia, sed Romæ quotidie, simul atq; sibi hic annuisset, numeraturum se dicebat. Quintius porro istum posse facere uidebat: debere, intelligebat: mentiri, quia causa, cur mentiretur, non erat, non putabat. quasi domi nummos haberet, ita constituit Scapulis se daturum: Nevium certiore facit: rogat, ut curet, quod dixisset. tum iste uir optimus (uereor ne se derideri putet, quòd iterum iam dico optimus) qui hunc in summas angustias adductum putaret, ut eum suis conditionibus in ipso articulo temporis astringeret, assem sese negat daturum, nisi prius de rebus rationibusq; societatis omnibus decidisset, & scisset sibi cum Quintio controuersie nihil futurum. posterius, inquit, ista uidebimus, Quintius: nunc hoc uelim cures (si tibi uideretur) quod dixisti. negat se alia ratione facturum: quod promississet, non plus sua referre, quam si, cum auctionem uederet, domini iussu quippiam promississet. destitutione illa perculsus Quintius, à Scapulis paucos dies aufert, in Galliam mittit, ut ea, quæ proscripta uenirent. deteriore tempore absens auctionatur: Scapulis difficiliore conditione dissoluit. tunc appellat ultro Nevium, ut, quoniam suspicaretur aliqua de re fore controuersiam, uideret, ut quamprimum, & quam minima cum molestia tota res transigeretur. dat iste amicum M. Trebellium: nos cōmunem necessarium, qui istius

domi erat educatus, et quo utebatur iste plurimum, pro
 pinquum nostrum Sex. Alphenum. res conuenire nullo
 modo poterat: propterea quod hic mediocrem iacturam fa-
 cere cupiebat, iste mediocri præda contentus non erat. itaque
 ex eo tempore res esse in uadimonium coepit. cum uadi-
 monia sæpe dilata essent, et cum aliquantum temporis
 in ea re esset consumptum, neque quicquam perfectum es-
 set: uenit ad uadimonium Neuus. obsecro C. Aquili, uosque,
 qui adestis in consilio, ut diligenter attendatis, ut singu-
 lare genus fraudis, et nouam rationem insidiarum co-
 gnoscere possitis. ait se auctionatum esse in Gallia: quod
 sibi uideretur, se uendidisse: curasse, ne quid sibi societas
 deberet: se iam neque uadari amplius, neque uadimonium
 promittere: si quid agere secum uelit Quintius, non re-
 cusare. hic, cum rem Gallicanam cuperet reuifere, homi-
 nem in præsentia non uadatur. ita sine uadimonio disce-
 ditur. deinde Romæ dies XXX ferè Quintius commo-
 ratur: cum cæteris, quæ habebat, uadimonia differt, ut
 expeditus in Galliam proficisci posset. proficiscitur: Ro-
 ma egreditur ante diem IIII. Cal. Februarij Scipione
 et Norbano Coss. quæso, ut eum diem memoriæ mande-
 tis. L. Albius Sex. filius Quirina, uir bonus et cum-
 primis honestus, una profectus est. cum uenissent ad
 Vada Volaterrana quæ nominantur, uident perfa-
 miliarem Neuij, qui ex Gallia pueros uenales isti ad-
 ducebat, L. Publicium. qui ut Romam uenit, narrat
 Neuio, quo in loco uiderit Quintium. quod nisi ex Pu-
 blicio narratum Neuio esset, non tam cito res in contem-
 tionem uenisset. tum Neuus ipse pueros circum ami-
 cos dimittit: ipse suos necessarios ab atrijs Licinijs, et à

ORATIO

faucibus macelli corrogat, ut ad tabulam Sestiam sibi
 adsint hora secunda postridie. ueniunt frequentes: testifi-
 cantur isti P. Quintium non stetisse, & se stetisse. tabulae
 maximae signis hominum nobilium consignantur. disce-
 ditur. postulat à Burrieno Praetore Neniū, ut ex edicto
 bona possidere liceat. iussit bona proscribi eius, quicum
 familiaritas fuerat, societas erat, affinitas liberis istius
 uiuis diuelli nullo modo poterat. qua ex re intelligi faci-
 le potuit, nullum esse officium tam sanctum, atq; solen-
 ne, quod non auaritia comminuere, atq; uiolare soleat.
 etenim si ueritate amicitia, fide societas, pietate propin-
 quitas colitur: necesse est, iste, qui amicum, socium, affi-
 nem fama ac fortunis spoliare conatus est, uanum se,
 & perfidiosum, & impium esse fateatur. libellos Sex. Al-
 phenus procurator P. Quintij, familiaris & propinquus
 Sex. Neniū, deijcit: seruulum unum, quem iste prehende-
 rat, abducit: denuntiat, sese procuratorem esse, istum
 æquum esse famae fortunisque P. Quintij consulere, et ad-
 * uentum eius expectare. quod si facere nolit, atq; inhibue-
 rit eiusmodi rationibus illum ad suas condiciones perdu-
 cere: sese nihil precari, & si quid agere uelit, iudicio de-
 fendere. hæc dum Romae geruntur, Quintius interea con-
 tra ius et consuetudinem edicto Praetoris de saltu agroq;
 communi à seruis communibus ui detruditur. existima-
 C. Aquili id, modo, & ratione omnia Romae Neniūm fe-
 cisse, si hoc, quod per literas istius in Gallia gestum est,
 recte, atq; ordine factum uidetur. expulsus atq; eiectus è
 prædio Quintius, accepta insigni iniuria, confugit ad C.
 Flaccum imperatorem, qui tum erat in prouincia: quem,
 ut ipsius dignitas poscit, honoris gratia nomino. is eam

rem

rem quàm uehementer uindicandam putarit, ex decre-
tis eius poteritis cognoscere. Alphenus interea Romæ
cum isto gladiatore uetulo quotidie pugnabat: uteba-
tur populo sanè suo, propterea quòd iste caput petere
non desinebat. iste postulat, ut procurator iudicatum
solui satisfaret. negat Alphenus æquum esse procurato-
rem satisfacere, quod reus satisfacere non deberet, si ipse
adesset. appellantur Tribuni: à quibus cum esset cer-
tum auxilium petatum, ita tamen disceditur, ut Idibus
Sept. P. Quintium sisti Sex. Alphenus promitteret. uenit
Romam Quintius, uadimonium sistit: iste, homo acerr-
mus, bonorum possessor, expulsor, ereptor, annum et sex
menses nihil petit, quiescit, conditionibus hunc, quoad
potest, producit. à Cn. Dolabella deniq; Prætore postu-
lat, ut sibi Quintius iudicatum solui satisfaret, ex for-
mula, quòd ab eo petat, cuius ex edicto Prætoris Ro-
mani bona dies XXX possessa sint. non recusabat
Quintius, quin ita satisfacere iuberet, si bona possessa es-
sent ex edicto. decernit: quàm æquum, nihil dico: unum
hoc dico, nouum: & hoc ipsum tacuisse mallet, quoniã
utrumque quicuis intelligere potuisset. iubet P. Quintium
sponsonem cum Sex. Neuius facere, si bona sua ex edi-
cto P. Burrieni Prætoris dies XXX possessa essent. re-
cusabant qui aderant tum Quintio: demonstrabant,
de re iudicium fieri oportere, ut aut uterq; inter se, aut
neuter satisfaret: non necesse esse famam alterius in
iudicium uenire. clamabat porro ipse Quintius, sese ic-
circo nolle satisfacere, ne uideretur iudicasse, bona sua ex
edicto possessa esse: sponsonem porro si istiusmodi fa-
ceret, se (id quod nunc euenit) de capite suo priore lo-

Cic. Orat.

B

ORATIO

co causam esse dicturum. Dolabella (quē admodum solent homines nobiles: seu recte seu perperā facere cœperunt, ita in utroque excellunt, ut nemo nostro loco natus assequi posset) iniuriā facere fortissime perseverat; aut satisfacere, aut sponsonem iubet facere, & interea recusantes nostros aduocatos acerrime submoueri. conturbatus sanē discedit Quintius: neq; mirum, cui hæc optio tam misera tamq; iniqua daretur, ut aut ipse se capitis dānaret, si satisfacere: aut causam capitis, si sponsonem fecisset, priore loco diceret. cū in altera re causæ nihil esset, quin secus iudicaret ipse de se, quod iudicium grauis simū est: in altera spes esset ad talem tamen uirum iudicem ueniendi, unde eo plus opis auferret, quo minus attulisset gratiæ: sponsonem facere maluit, fecit, te iudicē C. Aquili sumpsit, ex sponso egit. in hoc summa iudicij, causaq; tota consistit. iudiciū esse C. Aquili nō de re pecuniaria, sed de fama fortunisq; P. Quintij uidet. cum maiores ita constituerint, ut, qui pro capite diceret, is posteriori loco diceret: nos, inaudita criminatione accusatorū, priore loco causam dicere intelligis: eos porro, qui defendere consuerunt, uidet accusare, & ea ingenia conuerti ad perniciē, quæ antea uersabantur in salute atq; auxilio ferendo. illud etiā restiterat, quod hesterno die fecerunt, ut te in ius adducerēt, ut nobis tēpus, q̄ diu diceremus, præstitueres: quā rem facile à Pratore imperassent, nisi tu, quod esset tuū ius, & officium, partesq; docuisses. neq; nobis adhuc præter te quisquam fuit, ubi nostrum ius contra illos obtineremus: neq; illis unq̄ satis fuit illud obtinere, quod probari omnibus posset: ita sine iniuria potentiā leuem, atq; inopem esse arbitratur.

uerum
lium
ut pri
rari po
rem iud
causam
su: ne
et do
me. qu
sum. b
est. f
totam
tu id se
faciam
bi nam
die poss
quos ex
propo
ad qua
fficer
te bon
uis. in
fuisse
dever
mo. nū
lio. ne
enim
facile
los ex
causa

uerum quoniam tibi instat Hortensius, ut eas in consi-
 lium; à me postulat, ne dicendo tempus absumam; queri-
 tur, priore patrono causam defendente, nunquam pero-
 rari potuisse: non patiar istam manere suspicionem, nos
 rem iudicari nolle. nec illud mihi arrogabo, me posse
 causam commodius demonstrare, q̃ antea demonstrata
 sit: neq; tamen tam multa uerba faciam: propterea q̃
 & ab illo, qui ante dixit, informata iam causa est; & à
 me, qui neq; excogitare, neque pronunciare multa pos-
 sum, breuitas postulatur, quæ mihi met ipsi amicissima
 est. faciam, quod te sæpe animaduerti facere Hortensi:
 totam causæ meæ dictionem certas in partes diuidam.
 tu id semper facis, quia semper potes: ego in hac causa
 faciam, propterea q̃ in hac uideor posse facere. quod ti-
 bi natura dat ut semper possis, id mihi causa dat ut ho-
 die possim. certos mihi fines, terminosq; constituā, extra
 quos egredi non possim, si maxime uelim: ut & mihi sit
 propositum de quo dicā; & Hortensius habeat exposita,
 ad quæ respondeat; & tu C. Aquili iam ante animo pro-
 spicere possis, quibus de rebus auditurus sis. Negamus,
 te bona P. Quintij Sexte Neui possedisse ex edicto Præto-
 ris. in eo sponsio facta est. ostendam, primū causam non
 fuisse, cur à Præatore postulares, ut bona P. Quintij possi-
 deres: deinde, ex edicto te possidere non potuisse: postre-
 mo, nō possedisse. quæso C. Aquili, uosq; qui estis in consi-
 lio, ut, quid pollicitus sim, diligēter memoriæ mādētis: et=
 enim rē facilius totā accipietis, si hæc memineritis: et me
 facile uestra existimatione reuocabitis. si extra hos cācel-
 los egredi conabor, quos mihi ipse circūdedi. nego fuisse
 causā, cur postularer: nego ex edicto possidere potuisse:

ORATIO

nego, possedisse. hæc tria cū docuero, perorabo. non fuit
 cā, cur postulares, qui hoc intelligi potest? q̄a Sex. Neuius
 neq; ex societatis rōne, neq; priuatim quicq̄ debuit Quin-
 tius. quis huic rei testis est? idem, qui acerrimus aduer-
 sarius. in hac re te, te inquam testem Neui citabo. an-
 num, & eo diutius post mortem C. Quinti fuit in Gal-
 lia tecum simul Quintius. doce, te petisse ab eo istam
 nescio quam innumerabile pecuniam. doce, aliquando
 mentionem fecisse, dixisse deberi: debuisse concedam. mo-
 ritur C. Quintius, qui tibi, ut ais, certis nominibus gran-
 dem pecuniam debuit: hæres eius P. Quintius in Galliā
 ad te ipsum uenit, in agrum communem, eodē deniq; ubi
 non modo res erat, sed ratio quoq; omnis, & omnes li-
 teræ. quis tam dissolutus in re familiari fuisset, quis tā
 negligens, quis tam tuī Sexte dissimilis, qui, cum res ab
 eo, qui contraxisset, recessisset, & ad heredem peruenis-
 set, non heredem, cum primum uidisset, certiore face-
 ret? appellaret? rationem afferret? si quid in controuer-
 siam ueniret, aut intra parietes, aut summo iure experi-
 retur? ita ne est? quod uiri optimi faciunt, si qui suos
 propinquos ac necessarios caros & honestos esse atq; ha-
 beri uolunt, id Sex. Neuius non faceret? qui usq; eodē fer-
 uet, ferturq; auaritia, ut de suis commodis nolit aliquā
 partem amittere, ne quam partem huic propinquo suo
 ullius ornamenti relinquat. & is pecuniam, si qua debe-
 retur, nō peteret, qui, quia, quod debitum nunquam est,
 id datum non est, non pecuniam modo, uerum etiam ho-
 minis propinqui sanguinem, uitamq; eripere conatur.
 huic tu molestus esse uidelicet noluisti, quē nunc respira-
 re libere non sinis. quem nunc interficere nefarie cupis,

cum tum pudenter appellare nolebas. ita credo, hominem propinquum, tui observantem, uirum bonum, pudentem, maiorem natu, nolebas, aut non audebas appellare. sæpe, ut fit, cum ipse te confirmasses, cum statuisses de pecunia mentionem facere, cum paratus meditatusque uenisses, homo timidus, uirginali uerecundia, subito ipse te retinebas, excidebat repente oratio; cum cuperes appellare, non audebas, ne inuitus audiret. id erat profecto. credamus hoc, Sex. Neuium, cuius caput oppugnet, eius auribus pepercisse. si debuisset Sexte, petisses statim: si non statim, paulo quidem post: si non paulo, at aliquando, sex quidem illis mensibus profecto, anno uertente sine controversia. anno & sex mensibus uero, cum tibi quotidie potestas hominis fuisset admonendi, uerbum nullum facis: biennio iam confecto ferè, appellas. quis tam perditus ac profusus nepos, non adesa iam, sed abundanti pecunia sic dissolutus fuisset, ut fuit Sex. Neuius? cum hominem nomen, satis mihi uideor dicere. debuit tibi C. Quintius: nunquam petisti. mortuus est ille, res ad heredem uenit: cum eum quotidie uideres, post biennium denique appellas. dubitabitur, utrum sit probabilius, Sex. Neuium statim, si quid deberetur, petiturum fuisse, an ne appellaturum quidem biennio? appellandi tempus non erat? at tecum anno plus uixit. in Gallia agi non potuit? at & in provincia ius dicebatur, et Romæ iudicia fiebant. restat, ut aut summa negligentia tibi obstiterit, aut unica liberalitas. si negligentiam dices, mirabimur: si bonitatem, ridebimus: neque præterea quid possis dicere, inuenio. Satis est argumēti, nihil esse debitum Neuius, quod tam diu nihil petiuit. quid, si hoc ipsum, quod nunc facit, ostēdo testimonio esse, nihil

O R A T I O

deberi? quid enim nunc agit Sex. Neuius? qua de re con-
 trouersia est? quod est hoc iudicium, in quo iam bienniu
 uersamur? quid negotij geritur, in quo ille tot et tales ui-
 ros defatigat? pecuniam petit: nunc deniq;? ueruntamen
 petit: audiamus. de rationibus & controuersiis societatis
 uult dijudicari, sero, uerum aliquando tamen: conceda-
 mus. non, inquit, id ago C. Aquili, neq; in eo nunc labo-
 ro. pecunia mea tot annos utitur P. Quintius. utatur sa-
 ne, nō peto. quid igitur pugnas? an, quod saepe multis in
 locis dixisti, ne in ciuitate sit? ne locū suum, quem adhuc
 honestissime defendit, obtineat? ne numeretur inter ui-
 uos? decernat de uita, & ornamentis suis omnibus? apud
 iudicem causam priore loco dicat? & eam cum orarit,
 tum deniq; uocem accusatoris audiat? quid hoc quō per-
 tinet? ut ocyus ad tuum peruenias? at, si id uelles, iam pri-
 dem actum esse poterat. ut honestiore iudicio conflicte-
 re? at sine summo scelere P. Quintium propinquum tuū
 iugulare non potes. ut facilius iudicium sit? at neq; C.
 Aquilius de capite alterius libenter indicat, & Q. Hor-
 tensius contra caput non didicit dicere. quid à nobis au-
 tem C. Aquili refertur? pecuniam petit: negamus deberi.
 iudicium fiat statim: non recusamus. nū quid præterea?
 si ueretur ut res iudicio factō parata sit, iudicatum sol-
 ui satis accipiat. quibus à me uerbis satis accipiet, ysdem
 ipse, quod peto, satisfet. actum iam potest esse C. Aquili:
 iam tu potes discedere liberatus molestia propè dicam
 non minore, q̃ Quintius. quid agimus Hortensius? quid de
 hac conditione dicimus? possumus aliquando depositis ar-
 mis, sine periculo fortunarum, de re pecuniaria discepta-
 re? possumus ita re nostram persequi, ut hominis propin-

qui caput incolume esse patiamur? possumus petitoris personā capere, accusatoris deponere? immo, inquit, abs te satis accipiam, ego autē tibi non satis dabo. quis tandem nobis ista iura tam æqua describit? quis hoc statuit, quod æquum sit in Quintium, id iniquū esse in Neuiū? Quintū bona, inquit, ex edicto Prætoris possessa sunt. ergo, id ut confitear, postulas: ut, quod nunq̄ factum esse iudicio defendimus, id, perinde quasi factum sit, nostro iudicio cōfirmemus. inueniri ratio C. Aquili non potest, ut ad suū quisq; q̄ primum sine cuiusq; dedecore, infamia, perniciēq; perueniat? profecto, siquid deberetur, peteret: non omnia iudicia fieri mallet, q̄ unū illud, unde hæc omnia nascūtur. qui inter tot annos ne appellarit quidē Quintium, cum potestas esset agendi quotidie; qui, quo tempore primum male agere cœpit, in uadimonijs differendis tempus omne consumpserit; qui postea quoq; uadimoniū missum fecerit, hunc per insidias ui de agro cōmuni deiecerit; qui, cū de re agendi nullo recusante potestas fuisset, sponsonē de probro facere maluerit; qui, cum reuocetur ad id iudicium, unde hæc nata sunt omnia, conditionem æquissimam repudiet, fateatur, se nō pecuniam, sed uitam & sanguinem petere: is non hoc palām dicit? mihi si quid deberetur, peterē, atq; adeo iam pridem abstulissem: nihil hoc tanto negotio, nihil tam inuidioso iudicio, nihil tā copiosa aduocatione uterer, si petendū esset: extorquendum est inuito atq; ingratīs, quod non debet; eripiedum, atq; exprimendum est: de fortunīs omnibus P. Quintius deturbandus est: potentes, disertī, nobiles omnes aduocādi sunt: adhibēda uis est ueritati: minæ iactentur: pericula intēdātur: formidines opponātur, ut

ORATIO

his rebus aliquando uictus, & perterritus ipse cedat.
 quæ me hercule omnia, cum, qui contra pugnent, uideo,
 & cum illū confessum considero, adesse atq; impendere
 uidentur, neq; uitari ullo modo posse. cum autem ad te
 C. Aquili oculos animumq; retuli; quo maiore conatu
 studioq; aguntur, eo leuiores infirmioresq; existimo. ni-
 hil igitur debuit, ut tu ipse prædicas. quid, si debuisset?
 cōtinuo ne causa fuisset, cur à Prætorē postulares, ut bo-
 na possideres? non opinor id quidē neq; ius esse, neq; cui-
 quā expedire. quid igitur demonstrat? uadimonium sibi
 ait esse desertum. antequā doceo id factū non esse, libet
 mihi C. Aquili ex officij ratione, atq; ex omnium cōsue-
 tudine rem ipsam, & factū simul Sex. Neui considera-
 re. ad uadimonium non uenerat, ut ais, is, quicum tibi
 affinitas, societas, omnes deniq; causæ, & necessitudines
 ueteres intercedebant: ilico ne ad Prætorē ire conue-
 nit? continuo ne uerū fuit postulare, ut ex edicto bona
 possidere liceret? ad hæc extrema & inimicissima iura
 tam cupide decurrebas, ut tibi nihil in posterum, quod
 grauius atq; crudelius facere posses, reseruares? nā quid
 homini potest turpius, quid uiro miserius, aut acerbius
 usu uenire? quod tantum euenire dedecus? quæ tanta
 calamitas inueniri potest? pecuniā si cuipiā fortuna ade-
 mit, aut si alicuius eripuit iniuria, tamē, dum existima-
 tio est integra, facile consolatur honestas egestatem. at
 non nemo aut ignominia affectus, aut iudicio turpi con-
 uictus, bonis quidem suis utitur, alterius opes, id quod
 miserrimum est, non exspectat: hoc tamē in miserijs ad-
 iumento & solatio subleuatur. cuius uero bona ue-
 nuerunt, cuius non modo illæ amplissimæ fortunæ, sed

etiam uictus uestitusq; necessarius sub pracone cum de-
decore subiectus est; is non modo ex numero uiuorum
exturbatur, sed, si fieri potest, infra etiā mortuos aman-
datur: etenim mors honesta saepe uitam quoque turpem
exornat, uita turpis ne morti quidem honestae locū re-
linquit. ergo hercule cuius bona ex edicto possidentur,
huius omnis fama & existimatio cum bonis simul possi-
detur: de quo libelli in celeberrimis locis proponuntur,
huic ne perire quidem certe tacite obscureq; conceditur.
cui magistri sunt, & domini constituuntur, qui, qua le-
ge & qua conditione pereat, pronuncient, de quo homi-
ne praconis uox praedicat, & pretium conficit; huic acer-
bissimum uiuo uidentiq; funus ducitur; si funus id ha-
bendum sit, quod non amici conueniunt ad exequias coho-
nestandas, sed bonorum emptores, ut carnifices, ad reli-
quias uitae lacerandas & distrahendas. itaque maiores
nostri raro id accidere uoluerunt: Praetores, ut conside-
rate fieret, comparauerunt. uiri boni cum palam frau-
dantur, cum experiundi potestas non est, timide tamen
& pedetentim istuc descendunt, ui ac necessitate coacti,
inuiti, multis uadimonijs desertis, saepe illusi ac destituti:
considerant enim, quid & quantum sit, alterius bona pro-
scribere. iugulare ciuem ne iure quidem quisquam bo-
nus uult: mauult enim commemorare, se, cum posset
perdere, pepercisse, quam, cum parcere potuerit, perdi-
disse. haec in homines alienissimos, denique inimicissimos
uiri boni faciunt & hominum existimationis, & com-
munis humanitatis causa, ut, cum ipsi nihil alteri scien-
tes incommodarint, nihil ipsis iure incōmodi cadere pos-
sit. ad uadimonium non uenit: quis? propinquus. si

O R A T I O

res ista grauissima sua sponte uideretur, tamen eius atrocitas necessitudinis nomine leuaretur. ad uadimonium non uenit: quis? socius. etiam grauius aliquid ei debes concedere, quicum te aut uoluntas congregasset, aut fortuna coniunxisset. ad uadimonium non uenit: quis? is, qui tibi praesto semper fuit. ergo in eum, qui semel hoc commisit, ut tibi praesto non esset, omnia tela coniecisti, quae parata sunt in eos, qui permulta male agendi causa fraudandi; fecerunt? si de praedys tuis ageretur Sex. Neui, si in paruula re captionis aliquid uerere, non statim ad C. Aquilium, aut ad eorum aliquem, qui consuluntur, concurrisses? cum ius amicitiae, societatis, affinitatis ageretur, cum officij rationem atque existimationis duci conueniret, eo tempore tu non modo ad C. Aquilium, aut L. Lucullum, sed ne ipse quidem te consuluisti, sed ne ipse quidem ad te retulisti, ne haec quidem tecum locutus es: horae duae fuerunt: Quintius ad uadimonium non uenit, quid ago? si mehercule haec tecum duo uerba fecisses, quid ago? respirasset cupiditas, atque auaritia paululum: aliquid loci rationi et consilio dedisses: tu te collegisses: non in eam turpitudinem uenisses, ut hoc tibi esset apud tales uiros confitendum, quia tibi uadimonium non sit obitum, eadem te hora consilium cepisse, hominis propinqui fortunas funditus euertere. ego pro te nunc hoc consulo post tempus in aliena re, quod tu in tua re, cum tempus erat, consulere oblitus es. quaero abs te C. Aquili, L. Luculle, P. Quintili, M. Marcelle, uadimonium mihi non obijt quidam socius et affinis meus, quicum mihi necessitudo uetus, controuersia de re pecuniaria recens intercedit. postulo ne

à Prætorē, ut eius bona mihi possidere liceat? an, cum
 Romæ domus eius, uxor, liberi sint, domum potius denun-
 ciam? quid est, quod hac tandem de re uobis possit uide-
 ri? profecto si recte uestram bonitatem atque pruden-
 tiam cognoui, non multū me fallit, si consulamini, quid
 sitis responsuri. primum, expectare: deinde, si latitare, ac
 diutius ludificare uideatur, amicos conuenire; querere,
 quis procurator sit; domum denunciare. dici uix po-
 test, quā multa sint, quæ respondeatis ante fieri oportere,
 quā ad hanc rationem extremam necessariam deue-
 nire. quid ad hæc Neuius? ridet scilicet nostram amen-
 tiam, qui in uita sua rationē summī officij desideremus,
 & instituta bonorum uirorum requiramus. quid mihi,
 inquit, cum ista summa sanctimonia ac diligentia? ui-
 derint ista officia uiri boni. de me autem ita consi-
 derent: non quid habeam, sed quibus rebus inuenerim,
 querant, & quemadmodum natus, & quo pacto educa-
 tus sim. memini: uetus est de scurra, multo facilius diui-
 tem, q̄ patrem familias fieri posse. hæc ille si uerbis nō au-
 det, re quidem uera palam loquitur: etenim si uult ui-
 rorum bonorum instituto uiuere, multa oportet discat
 atque dediscat: quorū illi ætati utrunque difficile est. non
 dubitauit, inquit, cum uadimonium desertum esset, bona
 proscribere. improbe: uerum, quoniam tu id tibi arro-
 gas, & concedi postulas, concedamus. quid, si nunq̄ dese-
 ruit? si ista causa abs te tota per summam fraudem et
 malitiam ficta est? si uadimonium omnino tibi cum P.
 Quintio nullum fuit, quo te nomine appellemus? im-
 probum? at, etiam si desertum uadimonium esset, ta-
 men in ista postulatione & proscriptione bonorum

ORATIO

improbissimus reperiebare: num malitiosum? negas. fraudulentum? iam id quidem arrogas tibi, & præclarum putas. audacem? cupidum? perfidiosum? uulgaria & obsoleta sunt, res autem noua & inaudita. quid ergo est? uereor mehercule, ne aut grauioribus utar uerbis, quàm natura fert, aut leuioribus, quàm causa postulat. ais esse uadimonium desertum. quæsiuit a te statim, ut Romam redyt, Quintius, quo die uadimonium istuc factum esse diceres. respondi. statim, Nonis Febr. discedens in memoriam redyt Quintius, quo die Roma in Galliam profectus sit: ad ephemeridem reuertitur: inuenitur dies profectionis, pridie Cal. Febr. Nonis Febr. si Romæ fuit, causæ nihil dicimus, quin tibi uadimonium promiserit. quid? hoc inueniri qui potest? profectus unâ L. Albius homo in primis honestus. dicet testimonium. profecti sunt familiares & Albi & Quintij. dicent hi quoque testimonium. literæ P. Quintij, testes tot. quibus omnibus causa iustissima est cur scire potuerint, nulla cur metiantur: cum ad stipulatorem tuo comparabuntur. & in hac eiusmodi causa P. Quintius laborabit? & diutius in tanto metu miser, periculoque uersabitur? et uehementius eum gratia aduersarij perterrebit, quàm fides iudicis consolabitur? uixit enim semper inculte atque horride: natura tristi ac recondita fuit: non ad solarium, non in campo, non in conuiujs uersatus est: id egit, ut amicos obseruatiâ rem parsimonia retineret: antiquam officij rationem dilexit, cuius splendor omnis his moribus obsoleuit. at si in causa parui discedere inferior uideretur, tamen esset non mediocriter conquerendum. nunc in causa superiore, ne ut par

quidem
usque
Non
mam
fuit
xime
tionem
bona
Etum
LAT
qui ad
tior
i quidem
VERT
quo
tum
bona
nate
id
locus
tus
bellos
dne
uide
ty
tior
catu
ratoris
progr

quidem sit, postulat: inferiorem esse patitur, duntaxat
usque eo, ne cum bonis, fama, fortunisque omnibus Sex.
Neui cupiditati crudelitatiq; dedatur. Docui, quod pri-
mum pollicitus sum, C. Aquili, causam omnino, cur po-
stularet non fuisse: q; neq; pecunia debebatur, & si ma-
xime deberetur, commissum nihil esse, quare ad istam ra-
tionem perueniretur. attende nunc, ex edicto Pratoris
bona P. Quintij possidere nullo modo potuisse. recita edi-
ctum. QVI FRAVDATIONIS CAUSA
LATITARIT. non est is Quintius: nisi latitant,
qui ad negotium suum relicto procuratore profiscun-
tur. CUI HAERES NON EXTABIT. ne
is quidem. QVI EXILII CAUSA SOLVM
VERTERIT.

*

quo tempore existimas oportuisse Neui absentem Quin-
tium defendi? aut quomodo? tum, cum postulabas, ut
bona possideres? nemo affuit: neq; enim quisquam diui-
nare poterat te postulaturum: neq; quēquam attinebat
id recusare, quod Prator, sed ex edicto suo iubebat. qui
locus igitur absentis defendendi procuratori primus da-
tus est? cum proscribebas. ergo affuit, non passus est, li-
bellos deiecit Sex. Alphenus: qui primus erat officij gra-
dus, servatus est à procuratore summa cum diligentia.
uideamus, quæ deinde sint consecuta. hominem P. Quin-
tij deprehendis in publico, conaris abducere: non pa-
titur Alphenus, ut tibi ademitt, curat ut domum redu-
catur ad Quintium. hic quoque summe constat procu-
ratoris diligentis officium. debere tibi dicis Quintium,
procurator negat: uadari uis, promittit: in ius uocas,

O R A T I O

sequitur : iudicium postulas, non recusat . quid aliud sit
absentem defendi, ego non intelligo . at quis erat procu-
rator ? credo aliquem eiectum hominem, egentem , liti-
giosum, improbum, qui posset scurræ diuitis quotidia-
num conuicium sustinere . nihil minus . eques R. locu-
ples , sui negotij bene gerens, denique is, quem, quoties
Neuius in Galliam profectus est, procuratorem Romæ
reliquit. & audes Sex. Neui negare absentem defensum
esse Quintium, cum eum defenderit idem, qui te sole-
bat ? & cum is iudicium acciperet pro Quintio, cui tu
& rem & famam tuam commendare proficiscens &
concredere solebas : conaris hoc dicere , neminem exti-
risse, qui Quintium iudicio defenderet ? postulabam, in-
* quit, ut satisfaceret : iniuria postulabas, ita uidebare, re-
cusabat Alphenus . ita : uerum Prætor decernebat. Tri-
buni igitur appellabantur . hic te, inquit, teneo : non est
istud iudicium pati, neque iudicio defendere, cum auxi-
lium à Tribunis petas . hoc ego, cum attendo qua pru-
dentia sit Hortensius, dicturum esse eum non arbitror :
cum autem antea dixisse audio, & causam ipsam consi-
dero, quid aliud dicere possit, non reperio: fatetur enim
libellos Alphenum deiecisse, uadimonium promisisse, iu-
diciū quin acciperet in ea ipsa uerba, quæ Neuius ede-
bat, non recusasse, ita tamen, more & instituto per eum
magistratum, qui auxilij causa constitutus est . aut hæc
facta non sint, necesse est ; aut C. Aquilius talis uir iu-
ratus hoc ius in ciuitate constituat ; cuius procurator
non omnia iudicia acceperit, quæ quisq; in uerba postu-
larit ; cuius procurator à Prætorē ad Tribunos appel-
lare ausus sit, eum non defendi , eius bona recte possi-

deri posse; ei misero,absenti,ignaro fortunarum suarum,omnia uitæ ornamenta per summum dedecus & ignominiam diripi conuenire. quod si probari nemini potest,illud certe probari omnibus necesse est, defensum esse iudicio absentem Quintium. quod cum ita est, ex edicto bona possessa non sunt. at enim Tribuni pl. ne audierunt quidem? fateor, si ita est,procuratorem decreto Prætoris R. oportuisse parere. quid, si M.Brutus intercessurum se dixit palam,nisi quid inter ipsum Alphenum & Neuium conueniret? uidetur ne intercessisse appellatio Tribunorum non more, sed auxilij causa? quid deinde fit? Alphenus, ut omnes intelligere possent iudicio defendi Quintium, nequa subesse posset aliena aut ipsius officio, aut huius existimatione suspicio, uiros bonos cōplures aduocat: testatur isto audiente, se pro communi necessitudine id primum petere, ne quid atrocius in P. Quintium absentem sine causa facere conetur: sin autem inimicissime atq; infestissime contendere persequeretur, se paratum esse omni recta atq; honesta ratione defendere: quod petat, nō deberi: se iudicio id, quod edat, accipere. eius rei, conditionisq; tabellas obsignauerunt uiri boni cōplures. res in dubium uenire non potest. fit rebus omnibus integris, neq; proscriptis, neq; possessis bonis ut Alphenus promittat Neuiο sisti Quintium. uenit ad uadimonium Quintius: iacet res in controuersijs isto calumniante biennij, usq; dum inueniretur, qua ratione res ab usitata consuetudine recederet, & in hoc singulare iudicium causa omnis concluderetur. quod officium Aquili commemorari procuratoris potest, quod ab Alphenο præteritum esse uideatur? quid affertur, quare

O R A T I O

P. Quintius absens negatur esse defensus? an uero id, quod Hortensius, quia nuper iniecit, & quia Neuus semper id clamat, dicturum arbitror, non fuisse Neuus partem certationem cum Alphenus, illo tempore, illis dominantibus? quod si uelim confiteri, illud opinor concedet, non procuratorem P. Quinti neminem fuisse, sed gratiosum fuisse. mihi autem ad uincendum satis est, fuisse procuratorem, quicum experiri posset. qualis is fuerit, si modo absentem defendebat per ius & magistratum, nihil ad rem arbitror pertinere. erat, inquit, illarum partium. quid nisi qui apud te esset educatus, quem tu à puero sic instituis, ut nobili ne gladiatori quidem haberet. sicut tu semper summe concupisti, idem uolebat Alphenus: ea re tibi cum eo par contentio erat. Brutus, inquit, erat familiaris, itaque is intercedebat. tu contra Burrieni, qui iniuriam decernebat; omnium denique illorum, qui tum & poterant per uim et scelus plurimum, & quod poterant, id audebant. an omnes tu istos uincere uolebas, qui nunc, tu ut uincas, tantopere laborant? aude id dicere, non palam, sed his ipsis quos aduocasti: tamen nolo eam rem commemorando renouare, cuius omnino rei memoriam omnem tolli funditus ac deleri arbitror oportere. unum illud dico, si propter partium studium potens erat Alphenus, potentissimus Neuus: si fretus gratia postulabat aliquid iniquius Alphenus, multo iniquiora Neuus impetrabat: neque enim inter studium nostrum quicquam, ut opinor, interfuit: ingenio, uetustate, artificio tu facile uicisti. ut alia omittam, hoc satis est: Alphenus cum istis, & propter eos periit, quos diligebat: tu, postquam, qui tibi erant amici, non poterant uincere; ut amici

tibi

P
tibi esse
ius cum
contra
partem
tempore
ad hoc
tatum
tercessit
ne fandi
dere: ne
net: ca
est: nam
ris: dicit
trium
quem
splendor
gnabit
tissimus
biliter
mi de
no mo
qui ex
ratio
ne uol
aut do
esse, non
cum ha
sedisse
bona re
conuict

tibi essent, qui uincebant, effecisti. quod si tum par tibi
 ius cum Alpheno fuisse non putas, quia tamen aliquem
 contra te aduocare poterat; quia magistratus aliquis re=
 periebatur, apud quem Alpheni causa cōsisteret: quid hoc
 tempore Quintio statuendum est? cui neq; magistratus
 adhuc æquus inuentus est; neq; iudiciū redditum est usi=
 tatum; non conditio, non sponsio, nō deniq; ulla unq̄ in=
 tercessit postulatio, mitto aqua, uerum ante hoc tempus
 ne fando quidem audita. de re pecuniaria cupio conten=
 dere: non licet. at ea controuersia est: nihil ad me atti=
 net: causam capitis dicas, oportet. accusa, ubi ita necesse
 est: non, inquit, nisi tu ante nouo modo priore loco dixe=
 ris: dicendum necessario est: præstituendæ horæ ad arbi=
 trium nostrum: iudex ipse arcessetur. quid tum? tu ali=
 quem patronum inuenies hominem antiqui officij, qui
 splendorem nostrum & gratiam negligat? pro me pu=
 gnabit L. Philippus, eloquentia, grauitate, honore, floren=
 tissimus ciuitatis: dicet Hortensius, excellens ingenio, no=
 bilitate, existimatione: aderunt autem homines nobilissi=
 mi ac potentissimi, quorum frequentiam & consessum
 nō modo P. Quintius, qui de capite decernit, sed qui uis,
 qui extra periculum sit, perhorrescat. hæc est iniqua cer=
 tatio, nō illa, qua tu contra Alphenum uelitabaris. huic,
 ne ubi cōsisteret quidem contra te, locū reliquisti. quare
 aut doceas oportet, Alphenum negasse se procuratorem
 esse, non deiecisse libellos, iudicium accipere noluisse: aut,
 cum hæc facta sint, ex edicto te bona P. Quintij nō pos=
 sedisse concedas: etenim, si ex edicto possedisti, quæro, cur
 bona non uenierint? cur ceteri sponsores & creditores
 conuenerint? nemo ne fuit, cui deberet Quintius? fue=

Orat. Cic.

C

O R A T I O

runt, & complures fuerunt: propterea quòd Caius fra-
 ter aliquantum æris alieni reliquerat. quid ergo est? ho-
 mines erant ab hoc omnes alienissimi, & ijs debebatur,
 neq; tamen quisquam inuentus est tam insignite impro-
 bus, qui uiolare P. Quintij existimatione absentis aude-
 ret. unus fuit, affinis, socius, necessarius Sex. Neuius, qui,
 cum ipse ultro deberet, quasi eximio præmio sceleris ex-
 posito, cupidissime contenderet, ut per se afflictum atq;
 euersum propinquum suum non modo honeste partis bo-
 nis, uerum etiam còmuni luce priuaret. ubi erant cæteri
 creditores? denique hoc tempore ubi sunt? quis est, qui
 fraudationis causa latuisse dicat? quis, qui absentem de-
 fensum neget esse Quintium? nemo inuenitur. at contra
 omnes, quibuscum ratio huic aut est, aut fuit, adsunt, de-
 fendūt; fides huius multis locis cognita ne perfidia Sex.
 Neuij derogetur, laborant. in huiusmodi sponsonem te-
 stes dare oportebat, ex eo numero qui hæc dicerent: uadi-
 monium mihi deseruit: me fraudauit: à me nominis
 eius, quod inficiatus esset, diem petiuit: ergo experiri non
 potui, latitauit, procuratorem nullum reliquit. horum ni-
 hil dicitur. parantur testes, qui hæc dicant. uerum opi-
 nor uiderimus, cum dixerint. unum tamen hoc cogitent,
 ita se graues esse, ut, si ueritatem uolent retinere, graui-
 ratem possint obtinere; si eam negligent, ita leues sint, ut
 omnes intelligant, non ad obtinendum mendaciū, sed ad
 uerum probandū auctoritatem adiuuare. ego hæc duo
 quæro: primum, qua ratione Neuius susceptum nego-
 tium nō transegerit, hoc est cur bona, quæ ex edicto pos-
 sidebat, non uendiderit: deinde, cur ex tot creditoribus
 alijs ad istam rationem nemo accesserit: ut necessario

confec-
 fuisse,
 per cau-
 Non
 que i
 esset,
 debet
 uendit
 plur a
 bas
 eum
 fortu
 cule
 se in
 dictur
 rus Pl
 labora
 P. Q
 ret.
 ficile
 sam
 cupi
 xi, n
 strum
 eos, c
 id am
 tra t
 Ro f
 me
 dio

confiteare, neque eorum tam temerarium quenuquam
fuisse, neque te ipsum id, quod turpissime suscepisses,
perseuerare & transigere potuisse. quid, si tu ipse Sex.
Neui statuisti bona P. Quinti ex edicto possessa non
esse? opinor, tuum testimonium, quod in aliena re leue
esset, id in tua, quoniam contra te est, grauissimum
debet esse. emisti bona Sex. Alpheni L. Sylla Dictatore
uendente: socium tibi in his bonis edidisti Quintium.
plura non dico. cum eo tu uoluntariam societatem coi=
bas, qui te in hereditaria societate fraudarat: &
eum iudicio tuo comprobabas, quem spoliatum fama
fortuniq; omnibus arbitrabare. Diffidebam meher=
cule C. Aquili satis animo certo & confirmato me pos=
se in hac causa consistere: sic cogitabam, cum contra
dicturus esset Hortensius, & cum esset attente auditu=
rus Philippus, fore, uti permultis in rebus timore pro=
laberer. dicebam huic Q. Roscio, cuius soror est cum
P. Quintio, cum à me peteret, & summe contende=
ret, ut propinquum suum defenderem, mihi perdis=
ficile esse contra tales oratores non modo tantam cau=
sam perorare, sed omnino uerbum facere conari. cum
cupidius instaret, homini pro amicitia familiarius di=
xi, mihi uideri ore durissimo esse qui presente eo ge=
stum agere conaretur; qui uero cum ipso cōtenderent,
eos, etiā si quid antea recti aut uenusti habere uisi sunt,
id amittere: ne quid mihi eiusmodi accideret, cum con=
tra talem artificem dicturus essem, me uereri. tum mihi
Roscius & alia multa confirmandi mei causa dixit: &
mehercule si nihil diceret, tacito ipso officio & siu=
dio, quod adhibebat erga propinquum suum, quemuis

C ij

ORATIO

commoueret. etenim cum artifex eiusmodi sit, ut solus dignus uideatur esse, qui in scena spectetur: tum uir eiusmodi est, ut solus dignus uideatur, qui eò non accedat. ueruntamen, quid si, inquit, habes eiusmodi causam, ut hoc tibi planum sit faciendum, neminem esse, qui possit biduo, ad summū triduo septingenta millia passuum ambulare? tamen ne uereris, ut possis hæc contra Hortensium contendere? minime, inquā. sed quid id ad rem? nimium, inquit, in eo causa consistit. quo modo? docet me eiusmodi rem, & factum simul Sex. Neuij: quod si solū proferretur, satis esse deberet. quod abs te C. Aquili, & à uobis, qui adestis in cōsilio, quaeso, ut diligenter attendatis: profecto intelligetis, illinc ab initio cupiditatem pugnasse & audaciam; hinc ueritatem & pudorem, quoad potuerit, restitisse. Bona postulas ut ex edicto possidere liceat: quo die? te ipsum Neui uolo audire: uolo inauditum facinus ipsius, qui id commisit, uoce conuinci. dic Neui diem. ante V. Cal. intercalares. bene agis. quā longē est hinc in saltum uestrum Gallicanum? Neui te rogo. D C C millia passuum. optime. de salto deiçitur Quintius, quo die? possumus hoc quoque ex te audire: quid taces? dic inquam diem. pudet dicere. intelligo: uerum & sero, & nequicquam pudet. deiçitur de saltu C. Aquili pridie Cal. intercalares. biduo post, aut, ut statim de iure aliquis cucurrerit, non toto triduo D C C millia passuum conficiuntur. ò rem incredibilem: ò cupiditatem inconsideratam: ò nuntium uo lucrem. administri & satellites Sex. Neuij Roma trans alpeis in Sebusianos biduo ueniunt. ò hominem fortunatum, qui eiusmodi nuntios, seu potius pegafos habeat.

hic ego, si Crassi omnes cū Antonijs existant, si tu L. Philippe, qui inter illos florebas, hāc causam uoles cum Hortensio dicere, tamen superior sim necesse est: non enim, quemadmodum putatis, omnia sunt in eloquentia: est quaedam tamen ita perspicua ueritas, ut eam infirmare nulla res possit. an, anteq̃ postulasti ut bona possideres, misisti, qui curarent ut dominus de suo fundo à sua familia ui deiceretur? utrunlibet elige. alterum incredibile est, alterum nefarium; & ante hoc tempus utrunq; inauditū. DCC millia passuum uis esse decursa biduo? dic. negas? ante igitur misisti. malo: si. n. illud diceres, improbe mentiri uiderere: cum hoc confiteris, id te admisisse concedis, quod ne mendacio quidem tegere possis. hoc consilium Aquilio & talibus uiris tam cupidū, tam audax, tam temerarium probabitur? quid hēc amentia? quid hēc festinatio? quid hēc immaturitas tanta significat? non uim? non scelus? non latrocinium? non deniq; omnia potius, quā ius, quā officium, quā pudorē? mittis iniussu Prætoris: quo consilio? iussurum sciebas? quid? cum iussisset, tum mittere non ne poteras? postulatursus eras: quando? post dies XXX: nempe si te nihil impediret, si uoluntas eadem maneret, si ualeres, denique si uiueres. Prætor iussisset: opinor si uellet, si ualeret, si ius diceret, si nemo recusaret, qui ex ipsius decreto & satisfaret, & iudiciū accipere uellet. nam per deos immortales si Alphenus procurator P. Quintij tibi tum satisfaret, et iudiciū accipere uellet, deniq; omnia, quæ postulares, facere uoluisset, quid ageres? reuocares eum, quem in Galliam miserat? at hic quidem iam de fundo expulsus, iam à suis dijs penetibus præceps eiectus,

C iij

ORATIO

iam, quod indignissimum est, suorum seruorum manibus, nuntio atque imperio tuo uiolatus esset. corrigeres hæc scilicet tu postea. de cuiusquam uita dicere audes, qui hoc concedas necesse est, ita te cæcum cupiditate & auaritia fuisse, ut, cum, postea quid futurum esset, ignorares (accidere autem multa possent) spem maleficij præsentis in incerto reliqui temporis euentu collocares? atq; hæc perinde loquor, quasi ipso illo tempore, cum te Prætor iussisset ex edicto possidere, si in possessionem mississes, debueris aut potueris P. Quintium de possessione deturbare. omnia sunt C. Aquili eiusmodi, quiuis ut perspicere possit, in hac causa improbitatem & gratiã cum inopia & ueritate cõtendere. Prætor te quemadmodum possidere iussit? opinor, ex edicto. sponsio quæ in uerba facta est? ni ex edicto Prætoris bona P. Quintij possessa non sint. redeamus ad edictum. id quidem quemadmodum iubet possidere? nũ quid est causæ C. Aquili, quin, si lōge aliter possedit, quàm Prætor edixit, iste ex edicto non possederit, ego sponsione uicerim? nihil, opinor. cognoscamus edictum. QVI EX EDICTO MEO IN POSSESSIONEM VENERIT. de te loquitur Neui, quemadmodum tu putas: ais enim te ex edicto uenisse: tibi, quid facias, definit, te instituit, tibi præcepta dat. EOS ITA VIDETVR IN POSSESSIONE ESSE OPORTERE. quomodo? QVOD IBIDEM RECTE CVSTODIRE POTERVNT, ID IBIDEM CVSTODIANT: QVOD NON POTERVNT, ID AVFERRE ET ABDVCERE LICEBIT. quid tum? DOMINVM (inquit) INVITVM

DETRUDERE NON PLACET. cum ipsum, qui fraudandi causa latitet; cum ipsum, quem iudicio nemo defendat; cum ipsum, qui cum omnibus creditoribus suis male agat, inuitum de prædio detrudi uetat. proficiscenti tibi in possessionem Prætor ipse Sex. Neui palam dicit, ita possideto, ut tecum simul possideat Quintius: ita possideto, ut Quintio ius non auferatur. quid? tu id quemadmodum obseruas? mitto illud dicere, eum, qui non latitarit, cui Romæ domus, uxor, liberi, procurator esset; eum, qui tibi uadimonium non deseruisset: hæc omnia mitto, illud dico, dominum expulsus esse de prædio, domino à familia sua manus allatas esse ante suos lares familiares res. hoc dico,

*

Neuium ne appellauisse quidem Quintium, cum simul esset, experiri posset quotidie: deinde quòd omnia iudicia difficillima cum summa sua inuidia, maximoq; periculo P. Quintij fieri mallet, quàm illud pecuniarium iudicium, quod uno die transigi posset: ex quo uno hæc omnia nata, & profecta esse concedit. quo in loco conditionem tuli, si uellet pecuniam petere, P. Quintium iudicatum solui satisfaturum, dum ipse, si quid peteret, pari conditione uteretur: ostendi, quàm multa ante fieri conuenerit, quàm hominis propinqui bona possideri postularentur, præsertim cum Romæ domus eius, uxor, liberi essent, & procurator æque utriusque necessarius. docui, cum desertum esse dicat

C iiij

ORATIO

uadimonium, omnino uadimonium nullum fuisse: quo die hunc sibi promississe dicat, eo die ne Romæ quidē eum fuisse, id testibus me pollicitus sum planum facturum, qui & scire deberent, & causam, cur mentirentur, non haberent. ex edicto autem nō potuisse bona possideri, demonstrauī: q̄ neque fraudandi causa latitasset, neque exiliū causa solum uertisse diceretur. reliquū est, ut eum nemo iudicio defenderit: quod contra copiosissime defensum esse contendi, non ab homine alieno, neque ab aliquo calumniatore atque improbo, sed ab equite R. propinquo & necessario suo, quem ipse Sex. Neuius procuratorem relinquere antea consueisset: neq; eum, si Tribunos appellaret, ideo minus iudicio pati paratum fuisse; neq; potentia procuratoris Neuii ius ereptum: contra istum potentia sua tum tantummodo superiorem fuisse, nunc nobis uix respirandi potestatem dare. quæsiui, quæ causa fuisset, cur bona non uenissent, cum ex edicto possiderentur. deinde illud quoq; requisui, quæ ratione ex tot creditoribus nemo neque tum idem fecerit, neque nunc cōtra dicat, omnesq; pro P. Quintio pugnent, præsertim cum in tali iudicio testimonia creditorum existimentur ad rem maxime pertinere. postea sum usus aduersarij testimonio, qui sibi eum nuper edidit socium, quem, quomodo nūc intendit, ne in uiuorum quidem numero tum demonstrat fuisse. tum illam incredibilem celeritatem seu potius audaciam protuli: confirmari necesse esse aut biduo DCC millia passuū esse decursa, aut Sex. Neuium diebus cōpluribus ante in possessionem misisse, quàm postularēt, ut ei liceret bona possidere. postea recitauī edictum, quod aperte dominum de prædio detrudi uetaret:

in qua
fuerunt
autem
fissa
ueri
quo
bus
fuisse
uisse
Sex.
per
non
His
nihil
in
muri
rei
tur
stetur
nihil
ni
pos
tem
min
sa
pro
sita
esse
atur
ruffian

in quo constitit Neuium ex edicto nō possedisse, cum confiteretur ex prædio uī detrusum esse Quintium: omnino autem bona possessa non esse constitui, quod bonorū possessio spectetur non in aliqua parte, sed in uniuersis, quæ teneri ac possideri possint. dixi Romæ domum fuisse, quò iste ne aspirarit quidem; seruos complures, ex quibus iste possederit neminem, ne attigerit quidem; unum fuisse quem attingere conatus sit, prohibitum fuisse, quie uisse. in ipsa Gallia cognostis in prædia priuata Quintij Sex. Neuium nō uenisse: denique ex hoc ipso saltu, quem per uim expulso socio possedit, seruos priuatos Quintij non omnes eiectos esse. ex quo, & ex cæteris dictis, factis, cogitatisq; Sex. Neuij quiniis potest intelligere, istum nihil aliud egisse, neque nunc agere, nisi uti per uim, per iniuriam, per iniquitatem iudicij totum agrum, qui communis est, suum facere possit. Nunc, causa perorata, res ipsa & periculi magnitudo C. Aquili cogere uideatur, ut te, atq; eos, qui tibi in consilio sunt, obsecret, obtesteturq; P. Quintius per senectutem, ac solitudinem suā, nihil aliud, nisi ut uestre naturæ bonitatiq; obsequamini: ut, cum ueritas cum hoc faciat, plus huius inopia possit ad misericordiam, quàm illius opes ad crudelitatem. quo die ad te iudicem uenimus, eodem die illorum minas, quas ante horrebamus, negligere cœpimus. si causa cum causa contenderet, nos nostram per facile cuius probaturos statuebamus. quòd uitæ ratio cum ratione uitæ decerneret, iccirco nobis etiam magis te iudice opus esse arbitrati sumus: ea res enim nunc in discrimen uersatur, utrum ne possit se contra luxuriam, ac licentiam rusticana illa atque inculta parsimonia defendere; an

ORATIO

deformata atq; ornamentis omnibus spoliata, nuda cupiditati, petulantiaq; addicatur. non comparat se tecum gratia P. Quintius Sex. Neui, non opibus, non facultate contendit: omnes tuas artes, quibus tu magnus es, tibi concedit. fatetur se non belle dicere, non ad uoluntatem loqui posse, non ab afflictâ amicitia transfugere, atque ad florentem aliam deuolare, non profusis sumptibus uiuere, non ornare magnifice splendideq; conuiuium, non habere domum clausam pudori & sanctimoniam, patentem atq; adeo expositam cupiditati & uoluptatibus: contra, sibi officium, fidem, diligentiam, uitam omnino semper horridam atq; aridam cordi fuisse. ista superiora esse, ac plurimum posse his moribus sentire. quid ergo est? non usque eò tamen, ut in capite fortunisq; hominum honestissimorum dominetur, qui, relictâ bonorum uirorum disciplina, & questum, & sumptum Galloni sequi maluerunt, atq; etiam, quod in illo non fuit, cum audacia perfidiaq; uixerunt. si licet uiuere eum, quem Sex. Neuius non uult, si est homini honesto locus in ciuitate inuito Neui, si fas est respirare P. Quintium contra nutum dicionemq; Neui, si, quæ pudore ornamenta sibi peperit, ea potest contra petulantiam te defendente obtinere: spes est, & hunc miserum, atque infelicem aliquando tamen posse consistere. sin et poterit Neuius id quod libet, et ei libebit quod non licet: quid agendum est? qui deus appellandus est? cuius hominis fides imploranda est? qui denique questus, qui mæror dignus inueniri calamitate tanta potest? miserum est, exturbari fortunis omnibus: miseriùs est, iniuria. acerbum est, ab aliquo circumueniri: acerbius, à propinquo.

P
calamitas
re. fangit
nellino, ab
grum q
rute, atq
nis: luc
cere: harr
Quintius
rem mod
adde ne
amicos q
des iacm
secum iac
fieri imp
biffimam
apprehen
citatem
nomen q
quibus q
ricordia
sua, si m
cum ali
bili, com
eius no
terrific
sua om
stimatio
lys. plur
cofugit
bus app

calamitosum est, bonis eueriti: calamitosius, cum dedecore. funestum est, à forti atq; honesto uiro iugulari: funestius, ab eo, cuius uox præconio quæstu prostitit. indignum est, à pari uinci, aut superiore: indignius, ab inferiore, atq; humiliore. luētiosum est, tradi alteri cum bonis: luētiosius, inimico. horribile est, causam capitis dicere: horribilius, priore loco dicere. omnia circumspectit Quintius, omnia periclitatus est C. Aquili: non Prato-rem modo, à quo ius impetraret, inuenire nō potuit, atq; adeo ne unde arbitrati quidem suo postularet: sed ne amicos quidem Sex. Neuij, quorum sæpe & diu ad pedes iacuit stratus, obsecrans per deos immortales, ut aut secum iure contenderent, aut iniuriam sine ignominia sibi imponerent. denique ipsius inimici uultum superbissimum subiit: ipsius Sex. Neuij lacrymans manum apprehendit, in propinquorum bonis proscribendis exercitatum: obsecrauit per fratris sui mortui cinerem, per nomen propinquitatis, per ipsius coniugem & liberos, quibus propior P. Quintio nemo est, ut aliquando misericordiam caperet: aliq, si non propinquitatis, at ætatis suæ, si nō hominis, at humanitatis rationē haberet: ut secum aliquid integra sua fama, qualibet, dūmodo tolerabili, conditione transigeret. ab ipso repudiatus, ab amicis eius nō subleuatus, ab omni magistratu agitato atq; perterritus, quē præter te appellet, habet neminē. tibi se, tibi suas omnes opes, fortunasq; cōmendat: tibi cōmittit existimationē ac ssem reliquæ uitæ: multis uexatus cōtume-lyis, plurimis iactatus iniurijs, nō turpis ad te, sed miser cōfugit. è fundo ornatissimo deiectus, ignominij omnibus appetitus, cū illū in suis paternis bonis dominari ui-

ORATIO

deret, ipse filiae nubili dotē cōficere nō posset, nihil alienū
tamen uita superiore cōmisit. itaq; te hoc obsecrat C. A=
quili, ut quā existimationē, quā honestatē in iudiciū tuū
propē acta iam ætate decursaq; attulit, eam liceat ei se=
cum ex hoc loco offerre, ne is, de cuius officio nemo un=
quam dubitauit, sexagesimo denique anno dedecore, ma=
cula, turpissimāq; ignominia notetur: ne ornamentis
eius omnibus Sex. Neniū pro spolijs abutatur; ne per te
ferat, quo minus quæ existimatio P. Quintiū usq; ad se=
nectutē perduxit, eadem usq; ad rogam prosequatur.

PRO SEX. ROSCIO AMERINO. ORATIO II.

C REDO EGO vos iud. mirari,
quid sit, quod, cum tot summi orato=
res hominesq; nobilissimi sedcant, ego
potissimum surrexerim, is, qui neque
ætate, neq; ingenio, neq; auctoritate sim
cum his, qui sedcant, cōparandus. omnes enim hi, quos ui=
detis adesse in hac causa, iniuriam nouo scelere cōflatam
putāt oportere defendi, defendere ipsi propter iniquita=
tem temporum non audent. ita fit, ut adsint, propterea
q̄ officium sequuntur: taceant autem iccirco, quia pe=
riculum metuūt. quid ergo? audacissimus ego ex omni=
bus? minime. at tanto officiosior, quā cæteri? ne istius
quidem laudis ita sum cupidus, ut alijs eam præreptam
uelim. quæ me igitur res præter cæteros impulit, ut cau=
sam Sex. Rosci recipere? quia, si quis istorum dixisset,
quos uidetis adesse, in quibus summa auctoritas est, atq;

amplitudo, si uerbū de Rep. fecisset, id quod in hac cau-
sa fieri necesse est, multo plura dixisse, quā dixisset, pu-
taretur: ego etiam si omnia, quæ dicenda sunt, libere di-
xero, nequaquam tamen similiter oratio mea exire, atq;
in uulgus emanare poterit. deinde, quod cæterorum ne-
que dictum obscurum potest esse propter nobilitatem,
& amplitudinem, neque temere dicto concedi pro-
pter ætatem & prudentiam: ego si quid liberius dixe-
ro; uel occultum esse propterea, quod non dum ad
Remp. accessi; uel ignosci adolescentiæ meæ poterit. tam-
etsi non modo ignoscendi ratio, uerum etiam cognoscen-
di consuetudo iā de ciuitate sublata est. accedit illa quo-
que causa, quod à cæteris; forsitan ita petitum sit, ut di-
cerent, ut utrumuis salubri officio se facere posse arbitra-
rentur: à me autem contemderunt, qui apud me &
amicitia, & beneficijs, & dignitate plurimum possunt:
quorum ego neq; beneuolentiā erga me ignorare, nec au-
toritatem aspernari, nec uolūtatem negligere debeam.
his de causis ego huic causæ patronus extiti: non electus
unus, qui maximo ingenio; sed relictus ex omnibus, qui
minimo periculo possem dicere: neq; uti satis firmo præ-
sidio defensus Sex. Roscius, uerū uti ne omnino desertus
esset. forsitan quærat, qui iste terror sit, & quæ tanta
formido, quæ tot ac tales uiros impediat, quo minus pro
capite & fortunis alterius, quemadmodum consueue-
runt, causam uelint dicere. quod adhuc uos ignorare nō
mirum est, propterea q̄ consulto ab accusatoribus, eius
rei, quæ conflauit hoc iudiciū, mentio facta non est. quæ
res ea est: bona patris huiusce Sex. Roscij, quæ sunt sexa-
gies, quæ de uiro fortissimo & clarissimo L. Sylla, quem

ORATIO

honoris causa nomino, duobus millibus nummū sese dicit emisse adolescens uel potentissimus hoc tēpore nostrae ciuitatis L. Cornelius Chrysogonus. is à uobis iudices hoc postulat, ut, quoniam in alienam pecuniam tā plenam, atq; praeclaram nullo iure inuaserit, quoniamq; ei pecuniae uita Sex. Roscij obstare, atq; officere uideatur, delectis ex animo suo suspicionem omnē, metumq; tollatis. sese hoc incolumi nō arbitratur huius innocentis patrimonium tam amplū, & copiosum posse obtinere: damnato et eiecto, sperat se posse, quod adeptus est per scelus, id per luxuriā effundere atq; consumere. hunc sibi ex animo scrupulum, qui se dies noctesq; stimulat ac pungit, ut euellatis postulat: ut ad hanc suam praeda tam nefariam adiutores uos profiteamini. si uobis aequa et honesta postulatio uidetur iudices: ego cōtra breuem postulationē afferro, & (quomodo mihi persuadeo) aliquanto equiorē. primum à Chrysogono peto, ut pecunia fortunisq; nostris contentus sit, sanguinē et uitā ne petat: deinde à uobis iudices, ut audaciū sceleri resistatis, innocentium calamitatem leuetis, & in causa Sex. Roscij periculum, quod in omnes intenditur, propulsetis. q̄ si aut causa criminis, aut facti suspicio, aut quaelibet deniq; uel minima res reperietur, quamobrem uideatur illi nō nihil tamen in deferendo nomine secuti; postremo si prater eam praeda, quam dixi, quicquā aliud causae inueneritis: non recusamus, quin illorum libidini Sex. Roscij uita dedatur. sin aliud agitur nihil, nisi ut his ne quid desit, quibus satis nihil est; si hoc solum hoc tēpore pugnatur, ut ad illā opimā praeclaramq; praedam dānatio Sex. Roscij, uelut cumulus, accedat: nōne cum multa indigna, cum uel hoc indignissimum est,

P
uos idem
affegunt
uerunt
seuam
hoc postel
ut supplic
re atq; ho
iudicio or
atrocibus
coqueri
modit
pedimē
pudor
riori
seco iudi
tis, fide
re me po
uobis
à uobis
ciam
perfer
quod
fidiā
quod
populo
si, tale
quane
uidet
cas, ut
teru

uos idoneos habitos, per quorū sententias, iusq; iurādū id
assequantur, quod antea ipsi scelere & ferro assequi con-
suerunt? qui ex ciuitate in senatū propter dignitatē, ex
senatu in hoc cōsiliū delecti estis propter seueritatē: ab his
hoc postulare homines sicarios atq; gladiatores, nō modo,
ut supplicia uitēt, quæ à uobis pro maleficijs suis metue-
re atq; horrere debēt, uerū etiā ut spolijs Sex. Rosci hoc
iudicio ornati aucti; discedāt? his de rebus tātis, tamq;
atrocibus neq; satis me cōmode dicere, neq; satis grauitē
cōqueri, neq; satis libere uociferari posse intelligo: nā cō-
moditati ingeniū, grauitati ætas, libertati tēpora sunt im-
pedimēto. huc accedit summus timor: quē mihi natura
pudorq; meus attribuit, et uestra dignitas, et uis aduersa-
riorū, et Sex. Rosci pericula. quapropter uos oro atq; ab-
secro iudices, ut attēte, bonāq; cū uenia uerba mē audia-
tis. fide sapiētiāq; uestra fretus, plus oneris sustuli, q̄ fer-
re me posse intelligo. hoc onus si uos aliqua ex parte alle-
uabitis, feram, ut potero, studio et industria iudices. sin
à uobis (id quod nō spero) deserar, tamē animo nō defi-
ciam, et id, quod suscepi, quoad potero, perferam. q̄ si
perferre nō potero, opprimi me onere officij malo, q̄ id,
quod mihi cum fide semel impositū est, aut propter per-
fidiā abicere, aut propter infirmitatē animi deponere. te
quoq; magnopere M. Fanni quæso, ut, qualē te iam antea
populo R. præbuiisti, cū huic idē quæstioni iudex præes-
ses, talem te et nobis, et populo R. hoc tempore impertias.
quanta multitudo hominum cōuenerit ad hoc iudicium,
uides: quæ sit omniū mortalium expectatio, quæ cupidi-
tas, ut acris ac seuera iudicia fiant, intelligis. longo in-
teruallo iudicium inter sicarios hoc primum cōmittitur,

O R A T I O

cum interea cædes indignissimæ maximæq; factæ sint. omnes hanc quæstionem te Prætor de manifestis maleficijs, quotidianoq; sanguine haud remissius sperant futuram. qua uociferatione in cæteris iudicijs accusatores uti consueuerunt, ea nos hoc tempore utimur, qui causam dicimus. petimus abs te M. Fanni, à uobisq; iud. ut quã acer rime maleficia uindictis, ut quamfortissime hominibus audacissimis resistatis, ut hoc cogitetis, nisi in hac causa, qui uester animus sit, ostendetis, eò prorupere hominum cupiditatem, & scelus, et audaciam, ut non modo clam, uerum etiam hic in foro, ante tribunal tuum M. Fanni, ante pedes uestros iudices, inter ipsa subsellia cædes futuræ sint: etenim quid aliud hoc iudicio têtatur, nisi ut id fieri liceat? accusant ij, qui in fortunas huius inuaserunt: causam dicit is, cui præter calamitatem nihil reliquerunt. accusant ij, quibus occidi patrem Sex. Roscij bono fuit: causam dicit is, cui non modo luctum mors patris attulit, uerum etiam egestatem. accusant ij, qui hunc ipsum iugulare summe cupierunt: causam dicit is, qui etiã ad hoc ipsum iudiciũ cum præsidio uenit, ne hic ibidem ante oculos uestros trucidetur. deniq; accusant ij, quos populus poscit: causam dicit is, qui unus relictus ex illorum nefaria cæde restat. atq; ut facilius intelligere possitis iudices, ea, quæ facta sunt, indigniora esse, q̃ hæc sunt, quæ dicimus: ab initio res quemadmodum gesta sit, uobis exponemus, quo facilius & huius hominis innocentissimi miseras, & illorum audaciam cognoscere possitis, & Reip. calamitatem. Sex. Roscius pater huiusce, municipis Amerinus, fuit cum genere, & nobilitate, & pecunia non modo sui municipij, uerum etiam eius uicini-

tatis

P R
tatis fact
minum m
Scipionib
domestica
milia hom
ex suis om
patrimoni
fama et
defendit
fuisse et
dignit
ea uicini
ritate def
uoluntate
suos nam
ab armis
atq; ex om
puerorum
ore omni
etoria m
mitatis
bus Rosci
torum su
fidere
metuere
bat: nam
ni cognom
nes eius
bilis gladi
nista con

tatis facile primus, tum gratia atq; hospitij florens ho-
 minum nobilissimorum: nam cum Metellis, Seruijs,
 Scipionibus erat ei non modo hospitium, uerum etiam
 domesticus usus & consuetudo: quas (ut æquum est) fa-
 milias honestatis amplitudinisq; gratia nomino. itaque
 ex suis omnibus commodis hoc solum filio reliquit: nam
 patrimonium domestici prædones ui ereptum possident:
 fama & uita innocentis ab hospitibus, amicisq; paternis
 defenditur. hic cum omni tempore nobilitatis fautor
 fuisset, tum hoc tumultu proximo, cum omnium nobiliū
 dignitas, & salus in discrimen ueniret, præter ceteros in
 ea uicinitate eam partem, causamq; opera, studio, aucto-
 ritate defendit: etenim rectum putabat, pro eorum ho-
 nestate se pugnare, propter quos ipse honestissimus inter
 suos numerabatur. posteaquam uictoria constituta est,
 ab armisq; recessimus: cum proscriberentur homines,
 atq; ex omni regione caperentur ij, qui aduersarij fuisse
 putabantur, erat ille Romæ frequens, atq; in foro, & in
 ore omnium quotidie uersabatur, magis ut exultare ui-
 ctoria nobilitatis uideretur, q̃ timere ne quid ex ea cala-
 mitatis sibi accideret. erant ei ueteres inimicitie cū duo-
 bus Roscijs Amerinis, quorum alterum sedere in accusa-
 torum subsellijs uideo, alterum tria huiusce prædia pos-
 sidere audio. quas inimicitias si tam cauere potuisset, q̃
 metuere solebat, uiueret: neq; enim iud. iniuria metue-
 bat: nam duo isti sunt T. Roscij, quorum alteri Capito-
 ni cognomen est: iste, qui adest, Magnus uocatur: homi-
 nes eiusmodi, alter plurimarum palmarum uetus ac no-
 bilis gladiator habetur: hic autem nuper se ad eum la-
 nistā contulit, qui, cū ante hāc pugnam tyro esset scien-

Cic. Orat.

D

O R A T I O

tia, facile ipsum magistrū scelere, audaciāq; superauit.
 nā cum hic Sex. Roscius esset Ameriā, T. autē iste Rosci-
 us Romæ; cū hic filius assiduus in prædijs esset, cumq; se
 uolūtate patris rei familiari, uitāq; rusticā dedisset, iste
 autē frequēs Romæ esset: occiditur ad balneas Palatinas
 rediēs à cœna Sex. Roscius. Spero ex hoc ipso nō esse ob-
 scurū, ad quē suspicio maleficij pertineat. uerū id, quod
 adhuc est suspiciosum, nisi perspicuū res ipsa fecerit, hūc
 affinem culpæ iudicatote. Occiso Sex. Roscio primus
 Ameriā nuntiat Mālius Glaucia quidā, homo tenuis, li-
 bertinus, cliens, & familiaris istius T. Rosci: & nuntiat
 domū, nō filiū, sed T. Capitonis inimici. & cum post ho-
 ram primā noctis occisus esset, primo diluculo nuntius
 hic Ameriā uenit. decē horis nocturnis sex & quinquā
 ginta millia passuū cisjys peruolauit: nō modo ut exopta-
 tum inimico nuntium primus afferret, sed etiam cruorē
 inimici quā recētissimum, telumq; paulo ante ē corpore
 extractū ostēderet. quatrīduo, quo hæc gesta sunt, res ad
 Chrysogonū in castra L. Syllæ Volaterras defertur: ma-
 gnitudo pecuniæ demonstratur: bonitas prædiorum (nam
 fundos decem & tres reliquit, qui Tyberim fere omnes
 tangūt) huius inopia & solitudo cōmemoratur. demon-
 strant, cū pater huiusce Sex. Roscius, homo tā splendidus
 & graciosus, nullo negotio sit occisus, per facile hūc, ho-
 minē incautum, & rusticū, et Romæ ignotum, de medio
 tolli posse. ad eā rem operam suā pollicentur. ne diuti-
 us uos teneā iud. societas coitur, cū iam proscriptionis
 mentio nulla fieret, & cū, etiam qui antea metuerant, re-
 dirent, ac iam defunctos sese periculis arbitrentur: ho-
 minis studiosissimi nobilitatis manceps fit Chrysogonus:

P
 tria pre
 qua nū
 scius nom
 cum facit
 libus nom
 esse ceres
 qua p
 ret; cū
 testatē
 minia g
 spirare
 praeser
 aucup
 modi ma
 cur est
 gna fam
 probū
 rator
 dit. hūc
 terno
 cis par
 ipse am
 genti
 domum
 non par
 qua com
 ed uisū
 ret: et
 homin
 tem cū

tria pradia uel nobilissima Capitori propria traduntur,
quæ hodie possidet: in reliquas omnes fortunas iste T. Ro-
scius nomine Chrysogoni, quemadmodum ipse dicit, impe-
tum facit. hæc bona sexagies HS, emuntur duobus mil-
libus nummum. hæc omnia iud. imprudens L. Sylla facta
esse certo scio. neq; n. mirum, cum eodem tempore et ea,
quæ præterita sunt, et ea, quæ uidentur instare, præpa-
ret; cum et pacis constituendæ ratione, et belli gerendi po-
testate solus habeat; cum omnes in unum spectent, unus o-
mnia gubernet; cum tot tantisque negotiis distentus sit, ut re-
spirare libere non possit: si aliquid non animaduertat: cum
præsertim tam multi occupatione eius obseruet, tempusq;
aucupetur; ut, simul atq; ille despexerit, aliquid huiusce-
modi moliantur. huc accedit, quod quamuis ille felix sit, si-
cut est, tamen in tanta felicitate nemo potest esse in ma-
gna familia, qui neminem neq; seruum, neq; libertum im-
probum habeat. interea iste T. Roscius uir optimus, procu-
rator Chrysogoni, Ameriam uenit, in prædia huius inua-
dit, hunc miserum, luctu perditum, qui non dum etiam pa-
terno funerali iusta soluisset, nudum eicit domo; atq; fo-
cis patris, dysq; penatibus præcipitem iudices exturbat:
ipse amplissimæ pecuniæ fit dominus: qui in sua re fuisset
egentissimus, erat (ut fit) insolens in aliena: multa palam
domum suam auferebat, plura clauis de medio remouebat:
non pauca suis adiutoribus large effusisq; donabat, reli-
qua constituta auctione uendebat. quod Amerinis usq;
eod uisum est indignum, ut urbe tota fletus gemitusq; fie-
ret: etenim multa simul ante oculos uersabantur: mors
hominis florentissimi Sex. Roscij crudelissima: filij au-
tem eius egestas indignissima, cui de tanto patrimonio

ORATIO

prædo iste nefarius ne iter quidem ad sepulcrum patriū reliquisset: bonorum emptio, flagitiosa possessio, furta, rapina, donationes. nemo erat, qui nō ardere omnia mallet, q̄ uidere in Sex. Rosciū uiri optimi, atq; honestissimi bonis iactantem se, ac dominantē T. Roscium. itaq; decurionum decretum statim fit, ut decemprimi proficiiscātur ad L. Syllam; doceatq; eum, qui uir Sex. Roscius fuerit; conquerantur de istorum scelere & iniurijs; orēt, ut & illius mortui famam, & filij innocentis fortunas cōseruatas uelit. atque ipsum decretum quaeso cognoscite.

DECRETVM DECVRIONVM. Legati in castra ueniunt. intelligitur iud. id quod iam ante dixi, imprudente L. Sylla scelera hæc & flagitia fieri: nā statim Chrysogonus & ipse ad eos accedit, & homines nobiles allegat us, qui peterent, ne ad Syllam adirent, & omnia Chrysogonum, quæ uellent, esse facturum polliceretur. usq; adeo autem ille pertimuerat, ut mori mallet, q̄ de his rebus Syllam doceri. homines antiqui, qui ex sua natura cæteros fingerent, cum ille confirmaret sese nomē Sex. Rosci de tabulis exēpturum, prædia uacua filio traditurum, cumq; id ita futurū T. Roscius Capito, qui in X. legatis erat, adpromitteret, crediderunt, Ameriam re inorata reuenterunt. ac primo rem differre quotidie ac procrastinare isti cœperunt, deinde aliquāto lentius, nihil agere atq; deludere, postremo (id quod facile intelletū est) insidias uitæ huiusce Sex. Rosci parare, neq; sese arbitrari posse diutius alienam pecuniam domino incolumi obtinere. quod is simul atq; sensit, de amicorum cognatorumq; sententia Romam confugit, & sese ad Cæciliam Nepotis filiam, quā honoris causa nomino, cōtulit,

qua pater usus erat plurimum. in qua muliere iud. etiā
nunc, id quod omnes semper existimauerunt, quasi exem-
pli causa uestigia antiqui officij remanent. ea Sex. Ro-
scium inopem, eiectum domo, atq; expulsū ex suis bo-
nis, fugientem latronum tela & minas, recepit domum,
hospitiq; oppresso iam, desperatoq; ab omnibus opitula-
ta est. eius uirtute, fide, diligentia factum est, ut hic po-
tius uiuus in reos, q̄ occisus in proscriptos referretur. nā
postquam isti intellexerunt, summa diligētia uitam Sex.
Rosci custodiri, neq; sibi ullam cedis faciundæ potestātē
dari: consilium ceperunt plenum sceleris, & audaciæ, ut
nomen huius de parricidio deferrent, ut ad eam rem ali-
quem accusatorem ueterem compararent, qui de ea re
posset dicere aliquid, in qua re nulla subesset suspicio, de-
niq; ut, quoniam crimine non poterant, tempore ipso pu-
gnarent: ita loqui homines, q̄ iudicia tam diu facta nō
essent, condemnari eum oportere, qui primus in iudiciū
adductus esset: huic autem patronos propter Chrysogo-
ni gratiam defuturos: de bonorum uenditione, & de
ista societate uerbum esse facturum neminem: ipso no-
mine parricidij, & atrocitate criminis, fore, ut hic nullo
negotio tolleretur, cum ab nullo defensus esset. hoc con-
silio atq; adeo hac amentia impulsī, quem ipsi, cum cupe-
rent, non potuerunt occidere, cum iugulādum uobis tra-
diderunt. quid primum querar? aut unde potissimum
exordiar iud? aut quod, aut à quibus auxilium petam?
deorum ne immortalium? populi ne Romani? uestrā ne,
qui summam potestatem habetis, hoc tempore fidem im-
plorem? pater occisus nefarie, domus obsessa, ab inimicis
bona adēpta, possēsa, direpta: filij uita infesta, saepe ferro

D iij

ORATIO

atq; insidijs appetita. qd ab his tot maleficijs sceleris abesse uidetur? tamē hęc alijs nefarijs cumulāt atq; adaugent: crimen incredibile confingunt: testes in hūc & accusatores huiusce pecunia cōparant: hanc conditionē misero ferunt, ut optet utrū malit, cervices Roscio dare, an insutus in culeū supplicium parricidarū per summum dedecus uitā amittere. patronos huic defuturos putauerūt, desunt. qui libere dicat, qui cū fide defendat, id quod in hac causa est satis, quoniā quidē suscepi, nō deest profecto iudices. et forsītā in suscipienda causa temere impulsus adolescentia fecerim: quoniā quidem semel suscepi, licet hercules undiq; omnes terrores, minā, periculaq; impendeāt omnia, succurrā, atq; subibo. certū est, deliberatumq; quæ ad causam pertinere arbitror, omnia nō modo dicere, uerū etiam libenter, audacēter, libereq; dicere. nulla res tāta existat iudices, ut possit uim mihi maiorem adhibere metus, q̄ fides: etenim quis tā dissoluto animo est, qui, hęc cū uideat, tacere ac negligere possit? patrem meū, cū proscrip̄tus nō esset, iugulastis: occisum in proscrip̄torū numerum retulistis: me domo mea per uim expulistis: patrimoniū meum possidetis. quid uultis amplius? etiā ne ad subsellia cū ferro atq; telis uenistis, ut hic aut iuguletis, aut condemnetis Sex. Rosciū: hominem longe audacissimū nūper habuimus in ciuitate C. Fimbriā, & quod inter omnes constat, nisi inter eos qui ipsi quoq; insaniūt, insanissimū. is cum curasset in funere C. Marij, ut Q. Scauola uulneraretur, uir sanctissimus atque ornatissimus nostræ ciuitatis, de cuius laude neq; hic locus est ut multa dicantur, neq; plura tamen dici possunt, q̄ populus R. memoria retinet: diē Scauolæ

dixit, posteaq̃ comperit eū posse uiuere. cum ab eo quare
 retur, quid tādē accusaturus esset eū, quem pro digni-
 tate ne laudare quidem quisquā satis cōmode posset: aiūt
 hominem (ut erat furiosus) respondisse, q̃ nō totū telum
 corpore recepisset. quo populus R. nihil uidit indignius,
 nisi eiusdem uiri mortem: quā tantū potuit, ut omnes ci-
 ues suos perdiderit & affligerit: quos quia seruare per
 cōpositionem uolebat, ipse ab ijs interceptus est. est ne hoc
 illi dicto atq; factō Fimbriæ nō simillimū? accusatis Sex.
 Rosciū: quid ita? quia de manibus uestris effugit, quia se
 occidi passus nō est. illud, quia in Scauola factū est, mā-
 gis indignū uidetur: hoc, quia fit à Chrysogono, nō est
 ferendū. nam per deos immortales, quid est in hac causa
 quod defensionis indigeat? qui locus ingeniū patroni re-
 quirat, aut oratoris eloquentiā magnopere desiderat? to-
 tā causam iud. explicemus, atq; ante oculos expositā con-
 sideremus. ita facillime, quā res totū iudiciū cōtineat,
 & quibus de rebus nos dicere oporteat, & quid uos se-
 qui cōueniat, intelligetis. Tres sunt res, quantū ego exi-
 stimare possum, quæ obstat hoc tempore Sex. Roscio, cri-
 men aduersariorū, & audacia, et potentia. criminis cōfi-
 tionem accusator Erucius suscepit. audaciæ partes Ro-
 sci sibi poposcerunt. Chrysogonus autem, is, qui pluri-
 mū potest, potētia pugnat. de hisce omnibus rebus me di-
 cere oportere intelligo. quid igitur est? non eodem mo-
 do de omnibus: ideo quod prima illa res ad meum offi-
 cium pertinet, duas autem reliquas uobis populus R.
 imposuit. ego crimen oportet diluam. uos & audaciæ
 resistere, & hominum eiusmodi perniciosam atque in-
 tolerādam potētiā primo quoque tempore extinguere,

D iij

O R A T I O

atq; opprimere debetis. occidisse patrem Sex. Roscius arguitur. scelestū dii immortales ac nefariū facinus, atq; eiusmodi, quo uno maleficio scelera omnia complexa esse uideantur. etenim si, id quod præclare à sapientibus dicitur, uultu sæpe leditur pietas: quod supplicium satis acre reperietur in eū, qui mortem obtulerit parēti? pro quo mori ipsum, si res postularet, iura diuina atq; humana cogebant. in hoc tanto, tam atroci, tā singulari maleficio, quod ita raro exitit, ut, siquādo auditum sit, portenti ac prodigij simile numeretur, quibus tandem te C. Eruci argumentis accusatorem censes uti oportere? nonne & audaciam eius, qui in crimen uocetur, singularem ostendere, & mores feros, immanemq; naturam, et uitā uitis flagitijsq; omnibus deditā, & deniq; omnia ad perniciem profligata atq; perditā? quorum tu nihil in Sex. Roscium, ne obijciendi quidem causa, contulisti. patrem occidit Sex. Roscius: qui homo? adolescentulus corruptus, & ab hominibus nequam inductus? annos natus magis quadraginta. uetus uidelicet sicarius, homo audax, & sæpe in cæde uersatus? at hoc ab accusatore ne dici quidē audistis. luxuries igitur hominem nimirum, et æris alieni magnitudo, & indomita animi cupiditates ad hoc scelus impulerunt. de luxuria purgauit Erucius, cum dixit hunc ne in conuiuio quidem ullo fere' interfuisse. nihil autem unquam debuit. cupiditates porro quæ possunt esse in eo, qui (ut ipse accusator obiecit) ruri semper habitaret, & in agro colendo uixerit? quæ uita maxime disjuncta à cupiditate, & cum officio coniuncta. quæ res igitur tantū istum furorē Sex. Roscio obiecit? patri, inquit, non placebat. patri non placebat? quam ob cau-

Samēneceſſe eſt enim eam quoq; iuſtam, & magnam, et
perſpicuam fuiſſe. nam ut illud incredibile eſt, mortem
oblatam eſſe patri à filio ſine plurimis & maximis cau-
ſis: ſic hoc ueriſimile non eſt, odio fuiſſe parenti filium
ſine cauſis multis, & magnis, & neceſſarijs. rursus igi-
tur eodem reuertamur, & quæramus, quæ tanta uitia
fuerint in unico filio, quare is patri diſpliceret. at per-
ſpicuum eſt, nullum fuiſſe. pater igitur amens, qui odiſ-
ſet eum ſine cauſa, quem procrearat. at is quidem fuit
omnium conſtantiſſimus. ergo illud iam perſpicuū pro-
fecto eſt, ſi neq; amens pater, neq; perditus filius fuerit,
neq; odij cauſam patri, neq; ſcleris filio fuiſſe. neſcio, in-
quit, quæ cauſa odij fuerit: fuiſſe odium intelligo, quia
antea, cum duos filios haberet, illum alterum, qui mor-
tuus eſt, ſecum omni tempore uolebat eſſe, hunc in præ-
dia ruſtica relegarat. quod Erucio accidebat in mala nu-
gatoriâq; accuſatione, idem mihi uſu uenit in cauſa opti-
ma. ille, quomodo crimen cōmentitium confirmaret, nō
inueniebat: ego, res tam leues qua ratione infirmem ac-
diluam, reperire non poſſum. quid ais Eruci? tot prædia,
tam pulchra, tam fructuoſa Sex. Roſcius filio ſuo relega-
tionis ac ſupplicij gratia colenda ac tuenda tradiderat?
quid hoc? patres familias, qui liberos habēt, præſertim ho-
mines illius ordinis, ex municipijs ruſticanis, non ne opta-
tiſſimum ſibi putant eſſe, filios ſuos rei familiari maxi-
me ſeruire, & in prædijs colendis operæ plurimum ſtu-
diq; conſumere? an amandarat hūc ſic, ut eſſet in agro,
ac tantūmodo aleretur ad uillam? ut cōmodis omnibus
careret? quid, ſi conſtat, hunc non modo colendis prædijs
præfuiſſe, ſed certis fundis patre uiuo frui ſolitum eſſe?

ORATIO

tamen ne hæc attentæ uita & rusticana, relegatio atque amandatio appellabitur? uides Eruci, quantū distet argumentatio tua ab re ipsa, atq; a ueritate. quod cōsuetudine patres faciunt, id quasi nouū reprehēdis: quod beneuolentia fit, id odio factū criminari. quod honoris causa pater filio suo concessit, id eum supplicij causa fecisse dicis. neq; hæc tu nō intelligis, sed usq; eō, quid arguas, nō habes, ut non modo tibi contra nos dicendū putes, uerū etiam contra rerū naturam, contrāq; cōsuetudinem hominū, contrāq; opiniones omnium. at. n. cum duos filios haberet, alterū a se non dimittebat, alterū ruri esse patiebatur. quæso Eruci, ut hoc in bonam partem accipias: nō .n. exprobrandi causa, sed cōmonendi gratia dicā. si tibi fortuna nō dedit ut patre certo nascere, ex quo intelligere posses, qui animus patrius in liberos esset: at natura certe dedit, ut humanitatis nō parū haberes: eō accessit studiū doctrinæ, ut ne a literis quidē alienus esses. ecquid tādē, tibi uidetur (ut ad fabulas ueniamus) senex ille Cæcilianus minoris facere Eutychni filiū rusticū, q̄ illū alterū Cherestratū? (nā, ut opinor, hoc nomine est) alterū in urbe secū honoris causa habere, alterū rus supplicij causa relegasse? quid ad istas ineptias abis, inges? quasi uero mihi difficile sit quāuis multos nominatim proferre (ne lōgius abeā) uel tribules, uel uicinos meos, qui suos liberos, quos plurimū faciūt, agricolas assiduos esse cupiūt. uerū homines notos sumere odiosum est: cū & illud incertū sit, uelint ne hi sese nominari; et nemo uobis magis notus futurus sit, q̄ est hic Eutychnus; & certe ad rem nihil intersit, utrū hunc ego comicum adolescentem, an aliquem ex agro Veiente nominem: etenim hæc cōficta ar-

P. R.
bitor a
per son
uiderem
der, nō
ueteribus
xime la
summa
do hoc p
noua, &
ipsi ince
tamq; h
oportet
quid e
religenti
hominu
cusatam
riam in
reliquie
licet b
tamen
potest
in hac
& me
xime f
sibi; m
Eruci
esses, cu
etenim
sto illu
qui mi

bitror a poetis esse, ut effictos nostros mores in alienis personis, expressamq; imaginem nostrā uitæ quotidianæ uideremus. age nunc, refer animū, sis, ad ueritatē, et cōsidera, nō modo in Vmbria atq; in ea uicinitate, sed in his ueteribus municipiis quæ studia a patribus familias maxime laudentur: iā profecto te intelliges inopia criminū summā laudē Sex. Roscio uitio et culpæ dedisse. at nō modo hoc patrū uolūtate liberi faciūt, sed permultos et ego noui, & (nisi me fallit animus) unusquisq; uestrū, qui et ipsi incensi sunt studio, quod ad agrū colendū attinet, uī tamq; hanc rusticā, quā tu probro & crimini putas esse oportere, & honestissimā et suauissimā esse arbitratur. quid cēses hunc ipsum Sex. Rosciū, quo studio, et qua intelligentia esse in rusticis rebus, ut ex his propinquis eius hominibus honestissimis audio, nō tu in isto artificio ac-
cusatorio callidior es, q̄ hic in suo. uerū, ut opinor, quoniam ita Chrysogono uidetur, qui huic nullum prædiū reliquit, & artificium obliuiscatur, et studium deponat, licebit. quod tametsi miserum, & indignum est, feret tamen æquo animo iudices, si per uos uitam & famam potest obtinere. hoc uero est, quod ferri non potest, si et in hanc calamitatem uenit propter prædiorum bonitatē & multitudinem, & q̄ ea studiose coluit, id erit ei maxime fraudi: ut parum miseriæ sit, quod alijs coluit, nō sibi; nisi etiam, q̄ omnino coluit, crimini fuerit. nā tu Eruci accusator esses ridiculus, si illis temporibus natus esses, cum ab aratro arcesserantur, qui Consules fierent: etenim, qui præesse agro colendo flagitium putes, profecto illum uilium, quem sua manu spargentem semen, qui missi et ant, cōuenerunt, hominem turpissimum, atq;

ORATIO

inhonestissimum iudicares. at hercule maiores nostri longe aliter et de illo, et de cæteris talibus uiris existimabāt. itaq; ex minima tenuissimāq; Rep. maximam & florentissimā nobis reliquerunt: suos. n. agros studiose colebāt, nō alienos cupide appetebant: quibus rebus, & agris, & urbibus, et nationibus Remp. atq; hoc imperiū, & populi R. nomen auxerunt. neq; ego hæc eo profero, quo cōferenda sint cū hisce, de quibus nunc quærimus: sed ut illud intelligatur, cū apud maiores nostros summi uiri, clarissimiq; homines, qui omni tempore ad gubernacula Reip. sedere debebant, tamen in agris quoq; colendis aliquantū operæ, temporisq; consumpserint; ignosci oportere ei homini, qui se fateatur esse rusticum, cum ruri assiduus semper uixerit; cum præsertim nihil esset, quod aut patri gratius, aut sibi iucundius, aut re uera honestius facere posset. odium igitur acerrimum patris in filium ex hoc opinor ostenditur Eruci, q̄ hūc ruri esse patiebatur. nunquid est aliud? immo uero, inquit, est: nam istū exhæredare in animo habebat. audio. nunc dicis aliquid, quod ad rem pertineat. nā illa opinor tu quoq; concedis leuia esse atq; inepta. conuiuia cum patre non inibat: quippe qui ne in oppidum quidem nisi perraro ueniret. domū suam istum non ferè quisquam uocabat: nec mirū, quē neq; in urbe uideret, neq; rure uocaturus esset. uerum hæc quoq; tu intelligis esse nugatoria. illud, quod cœpi mus, uideamus, quo certius argumentū ody reperiri nullo modo potest. exhæredare pater filium cogitabat. mitto quærere, qua de causa: quæro, qui scias? tametsi te dicere atq; enumerare causas omnes oportebat: & id erat certi accusatoris officium, qui tanti sceleris argueret,

P R

explicare
patris pot
ceret, ut d
in deniq; p
gni huius
concedo tibi
cedis. illū
facere dabi
mus: uerū
de, ut ne p
ius miseri
ludere. ex
scio. exha
gredat. cū
bus, ac māt
ne, nisi hoc
facere non
mo nostrū
Roscio m
micus uir
quid ergo
ut horum
aliquid n
te utile e
ita est ut
nocens e
sufficiat
ei, qui h
enim ali
dicere.

explicare omnia uitia, atq; peccata filij, quibus incensus parens potuerit animū inducere, ut naturam ipsam uinceret, ut amorem illum penitus insitū eijceret ex animo, ut deniq; patrem esse sese obliuisceretur. quæ sine magnis huiusce peccatis accidere potuisse nō arbitror. uerū concedo tibi, ut ea prætereas, quæ cum taces, nulla esse cōcedis. illū quidem uoluisse exheredare, certe tu planum facere debes. quid ergo affers, quare id factum putemus? uere nihil potes dicere. finge aliquid saltem cōmode, ut ne planē uidearis id facere, quod aperte facis, huius miseri fortunis, & horū uirorum talium dignitati illudere. exheredare filium uoluit: quam ob causam? nescio. exheredauit ne? non. quis prohibuit? cogitabat, cogitabat. cui dixit? nemini. quid est aliud, iudicio, ac legibus, ac maiestate uestra abuti ad quæstum, atq; ad libidinē, nisi hoc modo accusare, atq; id obijcere, quod planū facere non modo non possis, uerū ne coneris quidem? nemo nostrum est Eruci, quin sciat tibi inimicitias cū Sex. Roscio nullas esse: uident omnes, qua de causa huic inimicus uenias: sciunt huiusce pecunia te adductum esse. quid ergo est? ita tamē quæstus te cupidū esse oportebat, ut horum existimationem, & legem Memmiam putares aliquid ualere oportere. accusatores multos esse in ciuitate utile est, ut metu contineatur audacia. ueruntamē hoc ita est utile, ut ne planē illudamur ab accusatoribus. innocens est quispiam: ueruntamen, quanq̃ abest à culpa, suspitione tamen non caret. tametsi miserum est, tamē ei, qui hunc accuset, possim aliquo modo ignoscere: cum enim aliquid habeat quod possit criminosè ac suspiciosè dicere, aperte ludificari, & calumniari sciens nō uideat.

ORATIO

tur. quare facile omnes patimur esse q̄ plurimos accusa-
tores, q̄ innocens, si accusatus sit, absolui potest; nocens,
nisi accusatus fuerit, condemnari nō potest. utilius est au-
tem absolui innocentem, q̄ nocentem causam nō dicere.
anseribus cibaria publice locantur, & canes aluntur in
Capitolio, ut significant si fures uenerint. at fures inter-
noscere non possunt, significant tamen, si qui noctu in Ca-
pitoliū uenerint: & quia id est suspiciosum, tametsi be-
stiae sunt, tamen in eā partem potius peccāt, quae est cau-
tior. q̄ si luce quoq; canes latrent, cū deos salutatum ali-
qui uenerint: opinor, ijs crura suffringātur, q̄ acres sint
etiā tum, cum suspicio nulla sit. simillima est accusatorū
ratio. alij uestrum anseres sunt, qui tantūmodo clamāt,
nocere non possunt: alij canes, qui & latrare, & morde-
re possunt. cibaria uobis praeberi uidemus: uos autem ma-
xime debetis in eos impetum facere, qui merentur. hoc
populo gratissimū est. deinde si uoletis, etiam tum, cū ue-
risimile erit aliquem cōmisisse, in suspitione latratote. id
quoq; concedi potest. sin autem sic agetis, ut arguatis ali-
quem patrem occidisse, neq; dicere possitis aut quare, aut
quomodo, ac tantūmodo sine suspitione latrabitis: crura
quidem uobis nemo suffringet: sed, si ego hos bene noui,
literam illam, cui uos usq; eō inimici estis, ut etiā eas o-
mnēs oderitis, ita uehementer ad caput affigent, ut po-
stea neminē aliū nisi fortunas uestras accusare possitis.
quid mihi ad defendendum dedisti bone accusator? quid
hisce autem ad suspicandum? ne exhaereditur, ueritus
est. audio. sed qua de causa uereri debuerit, nemo dicit.
habebat pater in animo: planū fac. nihil est: nō, qui cum
deliberarit, quē certiorē fecerit, unde istud uobis suspi-

P
cari in
ne hoc
scio, uia
illi pater
tate uerit
hac te op
le uerba
repretu
in accus
in hisce
surus est
publica
ram, qui
cū in mem
nunquā
ret, prorsu
ma solutio
surta est
ceret. q̄
ri, atq; e
ai. quem
uifus est
min. au
terat, cr
tate, qui
sam agi
uexari p
gligi; iux
uideri
uides u

cari in mentem uenerit. cū hoc modo accusas Eruci, nō
ne hoc palā dicis? ego, quid acceperim, scio: quid dicā, ne-
scio. unū illud spectauī, q̄ Chrysogonus diebat, neminem
isti patronū futurū: de bonorū emptione, deque ea socie-
tate neminem esse, qui uerbū facere hoc tēpore auderet:
hæc te opinio falsa in istā fraudem impulit. nō mehercu-
le uerbū fecisses, si tibi quēq̄ responsurū putasses. ope-
ræpretiū erat, si animaduertistis iudices, negligentia eius
in accusando considerare. credo, cū uidisset, qui homines
in hisce subsellijs sederent, quāsisse, nū ille, aut ille defen-
surus esset: de me ne suspicatu quidem, q̄ antea causam
publicā nullam dixerim. posteaquā inuenit, neminē eo-
rum, qui possunt, & solent: ita negligens esse cœpit, ut,
cū in mentem ueniret ei, resideret, deinde spatia retur, nō
nunquā etiam puerum uocaret, credo cui cœnā impera-
ret, prorsus ut uestro confessu, & hoc conuētū pro sum-
ma solitudine abuteretur. perorauit aliquando, assedit.
surrexi ego. respirare uisus est, quōd non alius potius di-
ceret. cœpi dicere. usq; eō animaduerti iudices eum ioca-
ri, atq; alias res agere, antequam Chrysogonum nomina-
ui. quem simul atq; attigi, statim homo se erexit, mirari
uisus est. intellexi, quid eū pupugisset. iterū, ac tertio no-
minauī. postea homines cursare ultro, & citro nō desti-
terūt, credo, qui Chrysogono nūtiarent, esse aliquē in ciui-
tate, qui contra uolūtatem eius dicere auderet; aliter cau-
sam agi, atq; ille existimaret; aperiri bonorū emptionem;
uexari pessime societatem; gratiam, potentiamq; eius ne-
gligi; iudices diligenter attendere; populo rem indignam
uideri. quæ quoniam te fefellerunt Eruci; quoniamq;
uides uersa esse omnia; causam pro Sex. Roscio si

ORATIO

non commode, at libere dici; quem dedi putabas, defendi intelligis; quos tradituros sperabas, uides iudicare: restitue nobis aliquando ueterem tuā illam calliditatem, atq; prudentiā: confitere huc ea spe uenisse, q̄ putares hic latrocinium, non iudiciū futurum. de parricidio causa dicitur. ratio ab accusatore reddita non est, quam ob causam patrē filius occiderit. quod in minimis noxis, & in his leuioribus peccatis, quæ magis crebra, & iam propè quotidiana sunt, maxime, & primū quæritur, quæ causa maleficiū fuerit: id Erucius in parricidio quæri nō putat oportere. in quo scelere iudices, etiam cū multæ causæ conuenisse unum in locum, atq; inter se congruere uidentur; tamen nō temere creditur, neq; leui cōiectura responditur, neq; testis incertus auditur, neq; accusatoris ingenio res iudicatur; cum multa antea cōmissa maleficia tum uita hominis perditissima, tum singularis audacia ostēdatur, necesse est; neq; audacia solum, sed summus furor, atq; amentia. hæc cū sint omnia, tamen extent oportet expressa sceleris uestigia, ubi, qua ratione, per quos, quo tempore maleficium sit admissum. quæ nisi multa, & manifesta sunt, profecto res tam scelestæ, tam atrox, tam nefaria credi nō potest: magna est. n. uis humanitatis: multum ualet cōmunio sanguinis: reclamitat istiusmodi suspicionibus ipsa natura: portētum atq; mōstrum certissimum est, esse aliquem humana specie, & figura, qui tantum immanitate bestias uicerit, ut, propter quos hanc suauissimam lucem aspexerit, eos indignissime luce priuarit, cū etiam feras inter sese partus, atq; educatio, & natura ipsa cōciliet. nō ita multis ante annis ciuitas T. Clæliū quendā Terracinensem, hominē nō obscurū,

cum

P R
cum ca
lescent
que ser
es suffi
cubines
de parr
sticio su
se in id
dem esse
ferre
sticio con
tum, q
absoluti
nemo crim
uina atque
mum sta
tum faci
sed ne ff
nobis po
de mat
sis atq; e
furie, p
sine sce
gnam u
nem pat
la cocep
mandat
quarur
numero
runt, agi

cum cœnatus cubitum in idem conclaue cū duobus adolescentibus filijs isset, inuentū esse mane iugulatū. cū neque seruus quisquam reperiretur, neq; liber, ad quem ea suspicio pertineret; id ætatis autem duo filij propter cubantes ne sensisse quidē se dicerent: nomina filiorum de parricidio delata sunt. quid postea? erat sanè suspiciosum. neutrū sensisse? ausum autem esse quenquā se in id conclaue cōmittere, eo potissimū tempore, cū ibidem essent duo adolescentes filij, qui & sentire, & defendere facile possent? erat porrō nemo, in quem ea suspicio conueniret. tamen cum planū iudicibus esset factum, aperto ostio dormientes eos repertos esse: iudicio absoluti adolescentes, & suspicione omni liberati sunt: nemo enim putabat quenquam esse, qui, cum omnia diuina atque humana iura scelere nefario polluisset, somnum statim capere potuisset: propterea quod qui tantum facinus cōmiserunt, non modo sine cura quiescere, sed ne spirare quidē sine metu possunt. uidetis ne, quos nobis poetæ tradiderūt patris ulciscendi causa suppliciū de matre sumpsisse, cū præsertim deorū immortalīū iussis atq; oraculis id fecisse dicantur; tamen ut eos agitent furia, neq; cōsistere usquā patiantur? q̄ ne p̄i quidem sine scelere esse potuerunt. sic se res habet iudices, magnam uim, magnā necessitatem, magnā possidet religio: nem paternus, maternusq; sanguis. ex quo siqua macula cōcepta est, non modo elui nō potest, uerū usq; eò permanat ad animū, ut summus furor, atq; amentia consequatur: nolite. n. putare, quemadmodū in fabulis sæpe numero uidetis, eos, qui aliquid impie scelerateq; cōmiserint, agitari, & perterriti furiarū tedis ardentibus. sua

Cic. Orat.

E

ORATIO

quenq; fraus, et suus terror maxime uexat: suū quenq;
 scelus agitat, amentiaq; afficit: suæ malæ cogitationes, cō
 scientiaq; animi terrent. hæ sunt impijs assidue domesti
 cæq; furia, quæ dies noctesq; parentū pœnas à cōscelera
 tiſſimis filijs repetant. hæc magnitudo maleficij facit, ut,
 nisi penè manifestum parricidiū proferatur, credibile nō
 sit; nisi turpis adolescentia, nisi omnibus flagitijs uita in
 quinata, nisi sumptus effusi cū probro atq; dedecore, nisi
 prorupta audacia, nisi tāta temeritas, ut nō procul abhor
 reat ab insania. accedat huc oportet odiū parētis, animad
 uersionis paternæ metus, amici improbi, serui cōscij, tem
 pus idoneū, locus opportune captus ad eā rem: penè di
 cam, respersas manus sanguine paterno iudices uideant,
 oportet, si tantū facinus, tā immane, tam acerbū creditu
 ri sunt. quare hoc quo minus est credibile, nisi ostēditur;
 eo magis est, si cōuincitur, uindicandū. itaq; cum multis
 ex rebus intelligi potest, maiores nostros nō modo armis
 plus, quàm ceteras nationes, uerū etiā cōsilio sapientiaq;
 potuisse: tum ex hac re uel maxime, q̄ in impios singu
 lare supplicium inuenerunt. qua in re quantū prudentia
 præstiterint ijs, qui apud ceteros sapientissimi fuisse dicū
 tur, considerate. prudētissima ciuitas Atheniensis, dum
 ea rerū potita est, fuisse traditur. eius porrò ciuitatis sa
 pientissimū Solonē dicunt fuisse, eū, qui leges, quibus ho
 die quoq; utuntur, scripserit. is cum interrogaretur, cur
 nullum suppliciū constituisset in eum, qui parentem ne
 casset: respondit, se id neminem facturū putasse. sapien
 ter fecisse dicitur, cum de eo nihil sanxerit, quod antea
 cōmissum non erat; ne nō tam prohibere, quàm admo
 nere uideretur. quāto maiores nostri sapientius, qui, cum

intellig
 do uol
 excogit
 non pot
 reat: in
 mer dei
 dentur
 puiſſe, c
 merita
 reat iſ
 tur nola
 rationem
 sic nuda
 re, iſ ſum
 ri puer
 re eſt, cū
 eſt com
 ſuſcitau
 ut ducet
 ut cor
 bus, u
 ne ad
 men, c
 bare te
 malefic
 ſos acc
 ligenti
 des; an
 ſine ma
 tem pri

intelligerent, nihil esse tam sanctum, quod non aliquando uiolaret audacia, supplicium in parricidas singulare excogitauerunt: ut, quos natura ipsa retinere in officio non potuisset, ejus magnitudine poenae maleficio summoveantur: insui uoluerunt in culleum uiuos, atque ita in flumen deiici. o singularem sapientiam iudices. non ne uidentur hunc hominem ex rerum natura sustulisse & eripuisse, cui repente caelum, solem, aquam, terramque ademerunt? ut, qui eum necasset, unde ipse natus esset; careret ijs rebus omnibus, ex quibus omnia nata esse dicuntur. noluerunt feris corpus obycere, ne bestiis quoque, quae tantum scelus attigissent, immanioribus uteremur: non sic nudos in flumen deiicere, ne, cum delati essent in mare, ipsum polluerent, quo caetera, quae uiolata sunt, expiari putantur. denique nihil tam uile, neque tam uulgare est, cuius partem ullam reliquerint: etenim quid tam est commune, quam spiritus uiuis? terra mortuis? mare fluctuantibus? litus eiecitis? ita uiuunt dum possunt, ut ducere animam de caelo non queant: ita moriuntur, ut eorum ossa terra non tangat: ita iactantur fluctibus, ut nunquam abluantur: ita postremo eiciuntur, ut ne ad saxa quidem mortui coquiescant. tanti maleficii crimen, cui maleficio tam insigne supplicium est constitutum, probare te Eruci censes posse talibus uiris, si ne causam quidem maleficii protuleris? si hunc apud bonorum emptores ipsos accusares, eique iudicio Chrysogonus praesset, tamen diligentius paratiusque uenisses. utrum, quid agatur, non uides; an, apud quos agatur? agitur de parricidio: quod sine multis causis suscipi non potest. apud homines autem prudentissimos agitur: qui intelligunt neminem ne

E ij

ORATIO

minimum quidem maleficiū sine causa admittere. esto :
causam proferre non potes. tamen si statim uicisse debeo:
tamen de meo iure decedam, & tibi, quod in alia causa
non concederem, in hac concedam, fretus huius innocen-
tia. non quæro abs te, quare patrem Sex. Roscius occide-
rit : quæro, quomodo occiderit. ita quæro abs te C. Eruci
quomodo, et sic tecum agam, ut in eo loco uel responden-
di, uel interpellandi tibi potestatem faciam, uel etiam, si
quid uoles, interrogādi. quomodo occidit ? ipse percussit,
an alijs occidendum dedit ? si ipsum arguis, Romæ non
fuit. si per alios fecisse dicis : quæro, seruos ne, an liberos ?
quos homines ? indidem ne Ameria, an hosce ex Vrbe si-
carios ? si Ameria, qui sunt hi ? cur non nominantur ? si
Roma, unde eos nouerat Roscius ? qui Romā multis an-
nis non uenit, neq; unquā plus triduo fuit. ubi eos conue-
nit ? quicum locutus est ? quomodo persuasit ? pretium
dedit ? cui dedit ? per quem dedit ? unde, aut quantum
dedit ? nō ne his uestigijs ad caput malefici perueniri so-
let ? & simul tibi in mentem ueniat facito, quemadmo-
dum uitā huiusce depinxeris : hūc hominē ferū, atq; agre-
stem fuisse : nunquā cum homine quoquā collocutū esse,
nūquā in oppido cōstitisse. qua in re prætereo illud, quod
mihi maximo argumēto ad huius innocentia poterat esse :
in rusticis moribus, in uictu arido, in hac horrida, incul-
tāq; uita, istiusmodi maleficia gigni non solere. ut non
omne frugē neq; arborē in omni agro reperire possis : sic
nō omne facinus in omni uita nascitur. in urbe luxuries
creatur : ex luxuria existat auaritia necesse est, ex auaritia
erumpat audacia : inde omnia scelera ac maleficia
gignuntur. uita autem hac rustica, quā tu agrestem uo-

cas, et
hac mihi
māg in
facinus
multa su
sunt in
cedam. E
rino esse
ma non
cium m
missi i
est : &
ne per se
& cedam
la esse, q
facere m
habetur
familia
pio, te
duos se
scius p
u serū
sunt in
ego po
satis ?
Roscius
stare &
te patr
fugit
indica

cas, parsimonia, diligentia, iustitia magistra est. uerum
 hæc missa facio: illud quero, is homo, qui, ut tute dicis,
 nunquam inter homines fuerit, per quos homines hoc tantum
 facinus, tam occultum, absens praesertim, conficere potuerit.
 multa sunt falsa iudices, quæ tamē argui suspiciose pos=
 sunt. in his rebus si suspicio reperta erit, culpā inesse con=
 cedam. Romæ Sex. Roscius occiditur, cum in agro Ame=
 rino esset filius. literas, credo, misit alicui sicario, qui Ro=
 mæ nouerat neminem. arcessiuit aliquem: at quando? nun=
 cium misit: quē? aut ad quē? pretio, gratia, spe, pro=
 missis induxit aliquem: nihil horum ne confingi quidē po=
 test: & tamen causa de parricidio dicitur. reliquū est,
 ut per seruos id admiserit. o diu immortales, re miseram
 & calamitosam. quod in tali crimine, innocentī saluti so=
 let esse, ut seruos in quæstionē polliceatur: id Sex. Roscio
 facere nō licet: uos, qui hūc accusatis, omnes eius seruos
 habetis: unus puer uictus quotidiani administer ex tāta
 familia Sex. Roscio relictus nō est. te nūc appello P. Sci=
 pio, te Metelle: uobis aduocatis, uobis agētibus, aliquoties
 duos seruos paternos in quæstionē ab aduersariis Sex. Ro=
 scius postulauit. meministis ne T. Rosciū recusare? quid?
 ij serui ubi sunt? Chrysogonū iudices sectantur, apud eū
 sunt in honore, et in pretio. etiā nūc, ut ex his quærat,ur,
 ego postulo, hic orat, atq; obsecrat. quid facitis? cur recu=
 satis? dubitate etiā nūc iudices, si potestis, a quo sit Sex.
 Roscius occisus: ab eo ne, qui propter illius mortē in ege=
 state & insidijs uersatur, cui ne quæredi quidē de mor=
 te patris potestas permittitur; an ab ijs, qui quæstionem
 fugitāt, bona possidēt, in cæde, atq; ex cæde uiuūt. omnia
 iudices in hac causa sunt misera, atq; indigna: tamen hoc

ORATIO

nihil neq; acerbius, neq; iniquius proferri potest. mortis paternæ de seruis paternis quæstionem habere filio non licet. ne tandiu quidem dominus erit in suos, dum ex ijs de patris morte quærat. ueniam, neq; ita multo post, ad hunc locum: nam hoc totum ad Roscios pertinet: de quorum audacia tum me dicturum pollicitus sum, cum Eruci crimina diluisssem. Nunc Eruci ad te uenio. conueniat mihi tecum, necesse est; si ad hunc maleficiũ istud pertinet, aut ipsum sua manu fecisse, id quod negas; aut per aliquos liberos, aut seruos. liberos ne? quos neq; ut conuenire potuerit, neq; qua ratione inducere, neq; ubi, neq; per quos, neq; qua spe, aut quo pretio, potes ostendere. ego contra ostendo, nõ modo nihil eorum fecisse Sex. Roscium, sed ne potuisse quidem facere, quod neq; Romæ multis annis fuerit, neq; de prædijs unquam temere discesserit. restare tibi uidebatur seruorum nomen, quod, quasi in portum reiectus à cæteris suspicionibus, confugere posses: ubi scopulum offendis eiusmodi, ut non modo ab hoc crimine resilire uideas, uerum omnem suspicionem in uosmet ipsos recidere intelligas. quid est ergo, quod tandem accusator inopia argumentorum confugerit? eiusmodi tempus erat, inquit, ut homines uulgo impune occiderentur. quare tu hoc, propter multitudinẽ sicariorum, nullo negotio facere potuisti. interim mihi uideris Eruci una mercede duas res assequi uelle, nos iudicio perfundere, accusare autẽ eos ipsos, à quibus mercedem accepisti. quid ais? uulgo occidebatur? per quos? et à quibus? non ne cogitas te à secloribus huc adductum esse? quid postea? nescimus, per ista tempora eosdem ferẽ secltores fuisse collorum, & bonorum? ij deniq; qui cum armati

dies not
omni ter
Roscio re
et illam
principes
do Roma
sciret, pr
fueris, fi
ne inger
rebus di
dijs locat
peculam
bis ante h
ex alia or
retur: it
sam dicit
uerbo sa
ibi nos q
bat.
des: ni
quibus
uerum
uirtute
rins in
ea scra
et est, et
g multi
dicam;
nisi nec
prosequ

dies noctesq; concursabant, qui Romæ erant assidui, qui omni tempore in præda & sanguine uersabantur, Sex. Roscio temporis illius acerbitatē iniquitatemq; obijcient? & illam sicariorum multitudinem, in qua ipsi duces ac principes erant, huic crimini putabunt fore? qui nō modo Romæ nō fuit, sed omnino, quid Romæ ageretur, ne sciret, propterea q̄ ruri assiduus, quemadmodū tute confiteris, fuit. uereor, ne aut molestus sim uobis iudices, aut ne ingenijs uestris uidear diffidere, si de tam perspicuis rebus diutius differā. Erucij criminatio tota, ut arbitror, dissoluta est: nisi forte expectatis, ut illa diluā, quæ de peculatu, ac de eiusmodi rebus cōmentitijs, inaudita nobis ante hoc tēpus ac noua, obiecit. quæ mihi iste uisus est ex alia oratione declamare, quam in aliū reum cōmentaretur: ita neq; ad crimen parricidij, neq; ad eū, qui causam dicit, pertinebant. de quibus quoniā uerbo arguit, uerbo satis est negare. siquid est, quod ad testes referret; ibi nos quoq; ut in ipsa causa, paratiores reperiet, q̄ putabat. Venio nunc eō, quōd me nō cupiditas ducit, sed fides: nā si mihi liberet accusare, accusarē alios potius, ex quibus possem crescere: quod certū est non facere, dum utrumuis licebit: is. n. mihi uidetur amplissimus, qui sua uirtute in altiorē locum peruenit, nō qui ascēdit per alterius incōmodum & calamitatem. desinamus aliquando ea scrutari, quæ sunt inania: quæramus, ubi maleficcium est, et inueniri potest. iā intelliges Eruci, certum crimē q̄ multis suspicionibus coarguatur. tamen si neq; omnia dicam, et leuiter unumquodq; tāgam: neq; n. id facerē, nisi necesse esset: et id erit signi me inuitum facere, q̄ non prosequar longius, q̄ salus huius, et mea fides postulabit.

E iiij

O R A T I O

causam tu nullā reperiēbas in Sex. Roscio : at ego in T. Roscio reperio : tecū. n. mihi res est T. Rosci, quoniā istic sedes, ac te palām aduersariū esse profiteris. de Capitone post uiderimus, si, quemadmodū paratū esse audio, testis prodierit. tum alias quoq; suas palmas cognoscet, de quibus me ne audisse quidē suspicatur. L. Cassius ille, quē populus R. uerissimū et sapientissimū iudicē putabat, idē tīdem in causis quærere solebat, cui bono fuisset. sic uita hominū est, ut ad maleficiū nemo conetur sine spe, atque emolumēto accedere. hūc quāsitorē, ac iudicē fugiebāt, atq; horrebāt ij, quibus periculū creabatur: ideo q, tam et si ueritatis erat amicus, tamē natura nō tam propēsus ad misericordiā, q̄ implicatus ad seueritatē uidebatur. ego, quanquā præst huic quæstioni et cōtra audaciā fortissimus, & ab innocētia clemētissimus, tamen facile me paterer, uel illo ipso acerrimo iudice quærēte, uel apud Cassianos iudices, quorū etiā nunc ij, quibus causa dicenda est, nomē ipsum reformidāt, pro Sex. Roscio dicere: in hac. n. causa cū uiderent illos amplissimā pecuniā possidere, hūc in summa mēdicitate esse, illud quidē nō quærerent, cui bono fuisset; sed eō perspicuū crimen, & suspicionē potius ad prædā adiungerēt, q̄ ad egestatē. quid, si accedit eodē, ut tenuis antea fueris? quid, si, ut auarus? quid, si, ut audax? quid, si, ut illius, qui occisus est, inimicissimus? num quærēda causa, quæ te ad tantū facinus adduxerit? quid ergo horū negari potest? tenuitas hominis eiusmodi est, ut dissimulari nō queat, atq; eo magis eluceat, quo magis occultatur. auaritiā præfers, qui societate coieris de municipis, cognatiq; fortunis cum alienissimo. quā sis audax (ut alia obliuiscar) hinc omnes

P R
 intellig
 caru
 atque
 cū
 cōtiner
 bue
 te
 ante
 mus
 is
 quem
 et
 rum
 sam
 sen
 hac
 cer
 or
 ries
 sum
 ut
 sit
 rer
 tos
 mus
 se
 mer
 ma
 et
 igno

intelligere potuerūt, q̄ ex tota societate, hoc est ex tot sicarijs, solus tu inuētus es, qui cum accusatoribus sederes, atq; os tuū non modo ostenderes, sed etiā offerres. inimicitias tibi fuisse cū Sex. Roscio, & magnas rei familiaris cōtrouersias, cōcedas necesse est. restat iudices ut hoc dubitemus, uter potius Sex. Rosciū occiderit: is, ad quē morte eius diuitia uenerint; an is, ad quē mendicitas: is, qui antea tenuis fuerit; an is, qui postea factus sit egētissimus: is, qui ardēs auaritia feratur infestus in suos; an is, qui semper ita uixerit, ut quāstū nosset nullū, fructum autem eū solum, quē labore peperisset: is, qui omnium seetorū audacissimus sit; an is, qui propter fori iudiciorumq; insolentiā nō modo subsellia, uerū etiā urbem ipsam reformidat: postremo iudices, id quod ad rem mea sentētia maxime pertinet, uerū inimicus potius, an filius. hęc tu Eruci tot & tāta si nactus esses in reo, quādiu diceres? quo te modo iactares? tēpus hercule te citius, quā oratio deficeret: etenim in singulis rebus eiusmodi materies est, ut dies singulos possis cōsumere: neq; ego nō possum: nō enim mihi tantū derogo, tametsi nihil arrogo, ut te copiosius, quā me, putē posse dicere. uerū ego forsitan propter multitudinē patronorū in grege annumerer: te pugna Cannēsis accusatorē sat bonū facit. multos casos non ad Thrasimenū lacū, sed ad Seruiliū uidimus. quis ibi nō est uulneratus ferro Phrygio? nō necesse est omnes cōmemorare, Curtios, Marios, denique Mamercos, quos iā atas à praelijs auocabat: postremo Priamum ipsum, senem Antistiū, quem non modo atas, sed etiā leges pugnare prohibebāt. iam quos nemo propter ignobilitatem nominat, sexcenti sunt, qui inter sica-

ORATIO

rios, & de ueneficijs accusabant. qui omnes (quod ad me attinet) uellem uiuerent: nihil. n. mali est, canes ibi quā plurimos esse, ubi permulti obseruandi, multa; seruanda sunt. uerum (ut fit) multa sepe imprudentibus imperatoribus uis belli, ac turba molitur. dum is in alijs rebus erat occupatus, qui summam rerum administrabat: erant interea, qui suis uulneribus mederentur, qui, tanq̃ si offusa Reip. sempiterna nox esset, ita ruebant in tenebris, omniaq; miscebāt. à quibus miror, ne quod iudiciorum esset uestigium, non subsellia quoq; esse combusta: nam & accusatores, & iudices sustulerunt. hoc cōmodi est, q̃ ita uixerunt, ut testes omnes, si cuperent, interficere non possent: nam, dum hominum genus erit, qui accuset eos, non deerit: dum ciuitas erit, iudicia fient. uerum, ut cœpi dicere, et Erucius hæc si haberet in causa, quæ cōmemorauit, posset ea quāuis diu dicere, et ego iudices possum: sed in animo est (quemadmodum ante dixi) leuiter transire, ac tantūmodo perstringere unāquāq; rem: ut omnes intelligant, me non studio accusare, sed officio defendere. Video igitur causas esse permultas, quæ istum impellerent. uideamus nunc, ecquæ facultas suscipiendi maleficij fuerit. ubi occisus est Sex. Roscius? Romæ. quid tu Rosci ubi tunc eras? Romæ. uerum quid ad rem? & alij multi. quasi nunc id agatur, quis ex tanta multitudine occiderit, ac non hoc queratur, eum, qui Romæ sit occisus, utrum uerisimilius sit ab eo esse occisum, qui assiduus eo tempore Romæ fuerit; an ab eo, qui multis annis Romam omnino non accesserit. age nunc, ceteras facultates quoq; consideremus. erat tum multitudo sicciorum, id quod cōmemorauit Erucius: & homines im-

P
pune
nor
qui
qui
pecunia
per
mibi
tu
facili
pos
no
ti
no
pro
sum
sunt
le
ip
de
ista
ad
stric
T. Ro
med
cu
tibi
bi
sus
tem
cult

pune occidebantur. quid? ea multitudo quæ erat? opinor, aut eorum qui in bonis erant occupati, aut eorum qui ab ijs cōducebantur, ut aliquem occiderent. si cos putas, qui alienū appetebant, tu es in eo numero, qui nostra pecunia diues es: sin eos, quos, qui leuiore nomine appellāt percussores uocant; quere, in cuius fide sint, & clientela: mihi crede, aliquē de societate tua reperies. & quicquid tu contra dixeris, id cum defensione nostra contēdito. ita facillime causa Sex. Rosci cum tua cōferetur. dices, quid postea, si Romæ assiduus fui? respondebo: at ego omnino non fui. fateor me sectorem esse, uerum & alij multī: at ego (ut tute arguis) agricola & rusticus. non continuo, si me in gregē sicariorū contuli, sum sicarius: at ego profecto, qui ne noui quidē quenquā sicarium, lōge absum ab eiusmodi crimine. permulta sunt, quæ dici possunt, quare intelligatur summā tibi facultatē fuisse malefici suscipiendi: quæ nō modo iccirco prætereo, quod te ipsum nō libenter accuso: uerum eo magis etiam, quod si de illis cædibus uelim cōmemorare, quæ tum factæ sunt ista eadem ratione, qua Sex. Roscius occisus est, uereor ne ad plures oratio mea pertinere uideatur. uideamus nūc strictim, sicut cætera, quæ post mortem Sex. Rosci abs te T. Rosci facta sunt: quæ ita aperta et manifesta sunt, ut mediūfidius iudices inuitus ea dicam: uereor enim cuiusmodi es Rosci, ne ita hunc uidear uoluisse seruare, ut tibi omnino nō pepercerim. cum hoc uereor, & cupio tibi aliqua ex parte (quod salua fide possim) parcere, rursus immuto uoluntatem meam: uenit enim mihi in mentem oris tui. te ne, cum cæteri socij tui fugerent ac se occultarent, ut hoc iudicium non de illorum præda, sed de

O R A T I O

huius maleficio fieri uideretur ; potissimum tibi partes istas depoposcisse, ut in iudicio uersarere, & sederes cum accusatore ? qua in re nihil aliud assequeris, nisi ut ab omnibus mortalibus audacia tua cognoscatur, & impudentia. occiso Sex. Roscio, qui primus Ameriam nuntiat ? Mallius Glaucia, quē iam antea nominauī, tuus cliens et familiaris. quid attinuit eum potissimū nuntiare, quod, si nullū iam ante consiliū de morte, ac de bonis eius inieras, nullamq; societate neq; sceleris, neq; præmij cum homine ullo coieras, ad te minime omniū pertinebat ? sua sponte Mallius nuntiat ? quid, quæso, eius intererat ? an, cum Ameriā non huiusce rei causa uenisset, casu accidit, ut id, quod Romæ audierat, primus nuntiaret ? cuius rei causa uenerat Ameriā ? nō possum, inquit, diuinare. eō rem iam adducā, ut nihil diuinatione opus sit. qua ratione Roscio Capitori primum nunciauit ? cum Ameriæ Sex. Roscij domus, uxor, liberiq; essent, cū tot propinqui cognatiq; optime cōuenientes, qua ratione factum est, ut iste tuus cliens, sceleris tui nuntius T. Roscio Capitori potissimum nuntiaret ? occisus est à cœna rediens. nōdum lucebat, cum Ameriæ scitū est. quid hic incredibilis cursus ? quid hæc tanta celeritas, festinatioq; significat ? non quæro, quis percusserit. nihil est Glaucia, quod metuas : nō excutio te, si quid forte ferri habuisti, nō scrutor : nihil ad me arbitror pertinere. quoniā, cuius consilio occisus sit, inuenio ; cuius manu sit percussus, nō laboro. unū hoc sumo, quod mihi apertum tuū scelus, resq; manifesta dat : ubi, aut unde audiuit Glaucia, qui tam cito sciuit ? fac audisse statim. quæ res eum nocte una tantū itineris cōtendere coegit ? quæ necessitas cū tāta premebat, ut, si

sua sponte
fieri ceret
tam per
etiam cap
oculis uid
sui, redit
perum re
Glaucia
curru co
mi, nefar
peruigile
primus
noluerit
socii de
eū uideo
nunc pri
palmas
feratur
aliquot
etiam d
L. X. d
adeo cū
modo, e
possum
intente
esse dict
gnam ex
benetibus
accōmo
uiderem

sua sponte iter Ameriam faceret, id tēporis Roma proficisceretur? nullam partē noctis requiesceret? etiā ne in tam perspicuis rebus argumētatio quærenda, aut coniectura capiēda sit? nō ne uobis hæc, quæ audistis, cernere oculis uidemini iudices? nō illum miserū, ignarū casus sui, redeūtem à cœna uidetis? nō positas insidias? nō impetum repentinū? nō uersatur ante oculos uobis in cæde Glaucia? nō adest iste T. Roscius? non suis manibus in curru collocat Autumedonem illum, sui sceleris acerbissimū, nefariāq; uictoriæ nunciū? nō orat, ut eam noctem peruigilet? ut honoris sui causa laboret? ut Capitonē q̄ primum nuntiet? quid erat, quod Capitonē primū scire uoluerit? nescio: nisi hoc uideo, Capitonē in his bonis esse sociū: de tribus et decem fundis tres nobilissimos fundos eū uideo possidere. audio præterea, nō hanc suspicionem nunc primū in Capitonem cōferri, multas esse infamers palmas, hæc primā esse tamē lemniscatā, quæ Romæ deferatur: nullum modū esse hominis occidendi, quo ille nō aliquot occiderit: multos ferro, multos ueneno. habeo etiam dicere, quē, contra morem maiorū, minorem annis L X. de pōte in Tyberim deiecerit. quæ, si prodierit, atq; adeo cū prodierit, scio enim proditurū esse, audiet ueniat modo, explicet suū uolumen illud: quod ei planū facere possum Eruciū conscripsisse: quod aiūt illum Sex. Roscio intentasse, & minitatu esse, se omnia illa pro testimonio esse dicturū. ò præclarū testem iudices: ò grauitatem dignam expectatōne: ò uitā honestam, atq; eiusmodi, ut libentibus animis ad eius testimoniū uestrū iusiurandum accōmodetis. profecto nō tam perspicue istorū maleficia uideremus, nisi ipsos cecos redderet cupiditas, & auari-

ORATIO

ria, et audacia. alter ex ipsa cæde uolucrum nuncium Ameriam ad socium, atq; ad magistrum suum misit, ut, si dissimulare omnes cuperēt se scire ad quem maleficium pertineret, tamē ipse apertum suum scelus ante omnium oculos poneret. alter (si dys immortalibus placet) testimonium etiam in Sex. Roscium dicturus est: quasi uero id nunc agatur, utrū id, quod dixerit, credendum, an, quod fecerit, uindicandū sit. itaq; more maiorum comparatum est, ut in minimis rebus homines amplissimi testimonium de sua re nō dicerent. Africanus, qui suo cognomine declarat tertiam partē orbis terrarū se subegisse; tamen, si sua res ageretur, testimonium non diceret. nam illud in talem uirum nō audeo dicere: si diceret, nō crederetur. uide nunc, q̄ uersa et mutata in peiorē partē sint omnia. cum de bonis, & de cæde agatur, testimonium dicturus est is, qui & sēctor est, & sicarius, hoc est, qui et illorum ipsorum bonorū, de quibus agitur, emptor atq; possessor est, & eum hominē occidēdum curauit, de cuius morte queritur. quid tu uir optime? ecquid habes, quod dicas? mihi ausculta, uide ne tibi desis: tua quoq; res permagna agitur. multa scelerate, multa audaciter, multa improbe fecisti: unū stultissime, profecto tua spē, nō de Erucij sentētia. nihil opus fuit te isti credere: neq; n. accusatore muto, neque teste quisquam utitur eo, qui de accusatoris subsellio surgit. huc accedit, q̄ paulo tamē occultior, atq; rectior uestra ista cupiditas esset. nūc quid est, quod quisquam ex uobis audire desideret? cum, quæ facitis, eiusmodi sint, ut ea dedita opera a uobis cōtra uosmet ipsos facere uideamini. Age, nūc illa uideamus indices, quæ statim consecuta sunt. ad Volaterras in castra L. Syllæ

P
mors
no nunc
misit
rat
rat hominē
cupiscere
letis, cum a
ceter, necessi
i plerumq;
hil est, quod
disputabo
gonum de
tea amicitia
scij patrom
obseruare
telam com
in hac cau
non negat
su suo
netis: p
sunt igit
dederis
iudices
predam
runt?
rum fac
scij, quod
sam a Ch
aliud fe
his grat

mors Sex. Roscij quatriduo, quo is occisus est, Chrysogono nunciatur. queritur etiam nunc, quis eum nuntium miserit. nō ne perspicuum est, eundē qui Ameriam? curat Chrysogonus, ut eius bona ueneant statim. qui nō norat hominē, aut rem? atqui ei uenit in mentē prædia concupiscere hominis ignoti, quē omnino nunquā uiderat. soletis, cum aliquid huiusmodi auditis iudices, cōtinuo dicere, necesse est aliquem dixisse municipem, aut uicinum. ij plerunq; indicant, per eos pleriq; produntur. hic nihil est, quod suspicionem hanc putetis. non enim ego ita disputabo: uerisimile est Roscios istam rem ad Chrysogonum detulisse: erat enim eis cum Chrysogono iam antea amicitia: nam cum multos ueteres à maioribus Roscij patronos, hospitesq; haberent, omnes eos colere atq; obseruare destiterūt, ac se in Chrysogoni fidem et clientelam contulerunt. hæc possum omnia uere dicere: sed in hac causa coniectura nihil opus est: ipsos certo scio non negare, ad hæc bona Chrysogonum accessisse impulsu suo. si eum, qui indicij partem acceperit, oculis cernetis: poteritis ne dubitare iudices, qui indicarit? qui sunt igitur in istis bonis, quibus partem Chrysogonus dederit? duo Roscij. num quisnam præterea? nemo est iudices. num ergo dubium est, quin ij obtulerint hanc prædam Chrysogono, qui ab eo partem prædæ tulerunt? Age, nunc ex ipsius Chrysogoni iudicio Roscorum factum consideremus. si nihil in ista pugna Roscij, quod operæpretium esset, fecerant, quam ob causam à Chrysogono tantis præmijs donabantur? si nihil aliud fecerunt, nisi rem detulerunt, non ne satis fuit his gratias agi? denique, ut perliberaliter ageretur,

ORATIO

honoris aliquid haberi? cur tria prædia, tantæ pecuniæ statim Capitori dantur? cur, quæ reliqua sunt, iste Roscius omnia cū Chrysogono cōmuniter possidet? non ne perspicuū est iudices, has manubias Roscius Chrysogonū re cognita concessisse? uenit in decemprimis Legatus in castra Capito. totā uitā, naturā, moresq; hominis ex ipsa legatione cognoscite. nisi intellexeritis iudices, nullum esse officiū, nullū ius tam sanctū atq; integrū, quod non eius scelus, atq; perfidia uiolarit, & imminuerit: uirū optimum esse cum iudicatote. impedimēto est, quo minus de his rebus Sylla doceatur: ceterorū Legatorū consilia, & uoluntatē Chrysogono enūciat: monet, ut provideat, ne palām res agatur: ostēdit, si sublata sit uēditio bonorū, illum pecuniā grandem amissurū, sese capitis periculum aditurū: illum acuerē, hos, qui simul cōmissi, fallere: illum identidem monere, ut caueret; hisce insidiosē spem falsam ostendere: cū illo contra hos inire cōsilia, horū consilia illi enūciare: cum illo partem suam depascisci, hisce, aliqua fretus hora semper, omnis aditus ad Syllam intercludere. postremo isto hortatore, auctore, intercessore ad Syllam Legati non adierunt: istius fide, ac potius perfidia decepti, id quod ex ipsis cognoscere poteritis, si accusator uoluerit testimoniū eis denūciare, pro re certa spem falsam domū retulerunt. in priuatis rebus si qui rem mandatā non modo malitiosius gessisset sui quæstus, aut cōmodi causa, uerū etiam negligētius; eū maiores summū admisisse dedecus existimabāt. itaq; mandati constitutū est iudiciū, non minus turpe q̄ furti, credo propterea, q̄ quibus in rebus ipsi interesse non possumus, in his operæ nostræ uicaria fides amico-

rum

rum supponitur: quam qui lædit, oppugnat omnium cõ-
mune præsidium, & quantum in ipso est, disturbat uitæ
societatem: non. n. possumus omnia per nos agere: alius
in alia est re magis utilis: iccirco amicitia comparatur,
ut cõmune commodũ mutuis officijs gubernetur. quid
recipis mandatũ, si aut neglecturus, aut ad tuum cõmo-
dum conuersurus es? cur mihi te offers, ac meis cõmodis
officio simulato officis, et obstas? recede de medio, per aliũ
transigam. suscipis onus officij, quod te putas sustinere
posse: quod minime uidetur graue ijs, qui minime ipsi le-
ues sunt. ergo iccirco turpis hac culpa est, quòd duas res
sanctissimas uiolat, amicitiam, & fidem. nã neq; mādāt
quisquā ferē, nisi amico: neq; credit, nisi ei, quem fidelem
putat. perditissimi est igitur hominis simul & amicitia
dissoluere, & fallere eũ, qui latus non esset, nisi credidis-
set. ita ne est? in minimis rebus, qui mandatũ neglexerit,
turpissimo iudicio condēnetur necesse est: in re tanta, cū
is, cui fama mortuũ, fortunæ uiuũ cõmendatæ sunt, atq;
concreditæ, ignominia mortuũ affecerit, is inter honestos
homines, atq; adeo inter uiuos numerabitur? in minimis
* priuatisq; rebus etiam negligentia in crimen mādātū iu-
diciũq; infamia reuocatur, propterea quòd, si recte fi-
at, illum negligere oporteat qui mādārit, non illum, qui
mandatũ receperit: in re tanta, quæ publice gesta, atq; cõ-
missa sit, qui non negligentia priuatũ aliquod cõmodum
laserit; sed perfidia, legationis ipsius cerimonia polluerit,
maculaq; affecerit; qua is tādē pœna afficietur? aut quo
iudicio damnabitur? si hanc ei rem priuatim Sex. Rosci-
us mandauisset, ut cum Chrysogono transigeret, atq; de-
cideret; inq; eam rem fidem suam, si quid opus esse puta-

Cic. Orat.

F

ORATIO

ret, interponeret: ille, qui sese facturum recepisset, nō ne,
si ex eo negotio tantulum in rem suā cōuertisset, damna-
tus per arbitrum, & rē restitueret, & honestatē omnē
amitteret? nunc non hanc ei rem Sex. Roscius manda-
uit: sed, id quod multo grauius est, ipse Sex. Roscius cum
fama, uita, bonisq; omnibus à decurionibus publice Ro-
scio mandatus est: & ex eo T. Roscius nō paulum nescio
quid in rem suam cōuertit, sed hunc funditus euerit bo-
nis: ipse tria prædia sibi depactus est, uoluntatē decurio-
num ac municipum omniū tantidē, quanti fidem suam,
fecit. uidete iam porro cetera iudices, ut intelligatis fin-
gi maleficium nullum posse, quo iste sese nō contamina-
rit. in rebus minoribus socium fallere turpissimum est,
æqueq; turpe, atq; illud, de quo ante dixi: neque iniuria,
propterea q̃ auxilium sibi se putat adiunxisse, qui cū al-
tero rem cōmunicauit. ad cuius igitur fidē confugiet, cū
per eius fidem læditur, cui se cōmiserit? atqui ea sunt ani-
maduertenda peccata maxime, quæ difficillime præcauē-
tur. tecti esse ad alienos possumus: intimi multa apertio-
ra uideant necesse est: socium uero cauere qui possumus?
quē etiam si metuimus, ius officij lædimus. recte igitur
maiores eum, qui socium fefellisset, in uirorum bonorū
numero nō putarunt haberi oportere. at uero T. Roscius
nō unum rei pecuniariæ sociū fefellit (quod tametsi gra-
ue est, tamen aliquo modo posse ferri uidetur) uerum no-
uem homines honestissimos, eiusdem muneris, legationis,
officij, mādatorumq; socios induxit, decepit, destituit, ad-
uersarijs tradidit, omni fraude & perfidia fefellit. qui
de eius scelere suspicari nihil potuerunt, sociū officij me-
tuere nō debuerunt: eius malitiam nō uiderunt, oratio=

P B
ni uase
propter
fuit: fuit
primo loci
dicitur con
nax, tri
eiusmodi
maleficium
re ita del
improbe
latere in
nime lat
maleficium
ex hoc, et
tur. quid
iam a g
stro tam
improbi
quonia
puli a
esse ab
sci rec
erant,
quo pe
labant
uitatis
lesq; d
esset, q
homin
se in

ni uanæ crediderunt. itaq; nunc illi homines honestissimi propter istius insidias parum putantur cauti, prouidiq; fuisse. iste, qui initio proditor fuit, deinde perfuga, qui primo sociorum cōsilia aduersarijs enunciauit, deinde societate cum ipsis aduersarijs coit: terret etiam nos, ac minatur, tribus prædijs, hoc est præmijs sceleris, ornatus. in eiusmodi uita iudices, in his tot tātisq; flagitijs hoc quoq; maleficiū, de quo iudicium est, reperietis. etenim quære ita debetis: ubi multa auare, multa audacter, multa improbe, multa perfidiose facta uideris, ibi scelus quoq; latere inter illa tot flagitia putatote. tætsi hoc quidē minime latet, q̄ ita prōptum, et propositū est, ut non ex illis maleficijs, quæ in illo cōstat esse, hoc intelligatur; uerum ex hoc, etiam si quod illorum forte dubitabitur, cōuincatur. quid tandē quaeso iudices? nū aut ille lanista omnino iam à gladijs recessisse uidetur, aut is discipulus magistro tantulum de arte concedere? par est auaritia, similis improbitas, eadem impudentia, gemina audacia: etenim quoniam fidem magistri cognostis, cognoscite nunc discipuli æquitatem. dixi iam antea, sæpenumero postulatos esse ab istis duos seruos in quæstionem: tu semper T. Rosci recusasti. quaero abs te, ij ne, qui postulabant, indigni erant, qui impetrarent; an iste non commouebat, pro quo postulabant? an res ipsa tibi iniqua uidebatur? postulabant homines nobilissimi, atque integerrimi nostræ ciuitatis, quos iam antea nominaui: qui ita uixerunt, talesq; à populo R. putantur, ut, quicquid dicerent, nemo esset, qui non æquum putaret. postulabant autem pro homine miserrimo, atque infelicissimo, qui uel ipse se in cruciatum dari cuperet, dum de patris morte

ORATIO

quereretur. res porro abs te eiusmodi postulabatur, ut nihil interesset, utrum eam rem recusares, an de maleficio confiterere. quæ cum ita sint, quæro abs te, quam ob causam recusaris. cum occiditur Sex. Roscius, ibidem fuerunt. seruos ipsos, quod ad me attinet, neq; arguo, neq; purgo. q̃ a uobis hoc pugnari uideo, ne in quæstionem dentur, suspiciosum est: q̃ uero apud uos ipsos in honore tanto sunt, profecto necesse est, sciant aliquid, quod si dixerint, perniciosum uobis futurum sit. in dominos quæri de seruis, iniquum est. an ne quæritur? Sex. enim Roscius reus est: neq; n. cum de hoc quæritur, uos dominos esse dicitis. cum Chrysogono sunt. ita credo: literis eorū, & urbanitate Chrysogonus ducitur, ut inter suos omnium deliciarum atq; omnium artium puerulos ex tot elegantissimis familijs lectos, uelit hos uersari, homines penè operarios ex Amerina disciplina patrisfamilie rusticani. non est ita profecto iudices, non est uerisimile, ut Chrysogonus horum literas adamarit, aut humanitatē, non, ut rei familiaris negotio diligentia cognorit eorū & fidem. est quiddam, quod occultatur: quod quo studiosius ab ipsis opprimitur & absconditur, eo magis eminent & appareret. quid igitur? Chrysogonus sui malefici occultandi causa quæstionem de his haberi non uult? minime iudices. nō in omneis arbitror omnia cōuenire. ego in Chrysogono, quod ad me attinet, nihil eiusmodi suspicor, neq; hoc mihi nūc primū in mentem uenit dicere. meministis me ita distribuisse initio causam: in crimen, cuius tota argumentatio permissa Erucio est: & in audaciā, cuius partes Roscijs impositæ sunt. quicquid maleficij, sceleris, cædis erit, proprium id Rosciorum esse debet. nimia gratiam po-

tentiamq; Chrysogoni dicimus & nobis obstare, et per=
 ferri nullo modo posse, & à uobis, quoniā potestas data
 est, nō modo infirmari, uerū etiā uindicari oportere. ego
 sic existimo, qui quæri uelit ex ijs, quos constat, cū cades
 facta sit, affuisse, eū cupere uerū inuenire: qui recuset, eū
 profecto, tamen si uerbo nō audeat, tamen re ipsa de ma=
 leficio suo confiteri. dixi initio iudices, nolle me plura de
 istorū scelere dicere, q̄ causa postularet, ac necessitas ipsa
 cogeret: nā & multæ res afferri possunt, et unaquaq; ea=
 rum multis cū argumentis dici potest. uerū ego, quod in=
 uitus ac necessario facio, neq; diu, neq; diligenter facere
 possum. quæ præteriri nullo modo poterant, ea leuiter in=
 dices attingi. quæ posita sunt in suspicionibus, de quibus si
 cæpero dicere, pluribus uerbis sit differendum: ea uestris
 ingenijs coniecturæq; cōmitto. Venio nūc ad illud no=
 men aureū Chrysogoni: sub quo nomine tota societas sta=
 tuitur: de quo iudices neq; quomodo dicā, neq; quomodo
 taceā, reperire possum: si. n. taceo, uel maximā partē re=
 linquo: si. n. dico, uereor ne non ille solus (id quod ad
 me nihil attinet) sed alij quoq; plures læsos se esse putet.
 tamen si ita res se habet, ut mihi in cōmunem causam se=
 ctorū dicendum nihil magnopere uideatur: hæc. n. causa
 noua profecto & singularis est. bonorū Sex. Roscij em=
 ptor est Chrysogonus. primum hoc uideamus, eius homi=
 nis bona qua ratione uenierunt, aut quomodo uenire po=
 tuerunt. atq; hoc non ita quæram iudices, ut id dicā, esse in=
 dignū hominis innocentis bona uenisse: si. n. hæc audien=
 tur, ac libere dicentur, non fuit tātus homo Sex. Roscius
 in ciuitate, ut de eo potissimū conqueramur. uerum ego
 hoc quæro: qui potuerunt ista ipsa lege, quæ de proscrip=

ORATIO

ptione est, siue Valeria est, siue Cornelia (non. n. noui, nec scio) uerum ista ipsa lege bona Sex. Roscij uenire qui potuerunt: scriptum. n. ita dicunt esse, ut eorum bona ueneant, qui proscripti sunt: quo in numero Sex. Roscius non est: aut eorum, qui in aduersariorum praesidijs occisi sunt. dum praesidia ulla fuerunt, in Syllae praesidijs fuit. posteaquam ab armis recesserunt, in summo otio rediens à cœna Romae occisus est. si lege, bona quoque, lege, uenisse fateor. sin autem constat contra omnes non modo ueteres leges, uerum etiam nouas occisum esse: bona quo iure, aut quomodo, aut qua lege uenerint, quaero. in quem hoc dicam, quaeris Eruci? non in eum, quem uis, et putas: nam Syllam et oratio mea ab initio, et ipsius eximia uirtus omni tempore purgauit. ego hæc omnia Chrysogonum fecisse dico, ut ementiretur, ut malum ciuem Roscium fuisse fingeret, ut eum apud aduersarios occisum esse diceret, ut his de rebus à legatis Amerinorum doceri L. Syllam passus non sit. denique etiam illud suspicor, omnino hæc bona non uenisse: id quod postea, si per uos iudices licitum erit, aperietur: opinor. n. esse in lege, quam ad diem proscriptiones, uenditionesque fiant, nimirum ad Cal. Iun. aliquot post menses et homo occisus est, et bona uenisse dicuntur. profecto aut hæc bona in tabulas publicas nullas redierunt, nosque ab isto nebulone facilius eludimur, quam putamus: aut si redierunt, tabulae publicae corruptae aliqua ratione sunt: nam lege quidem bona uenire non potuisse constat. intelligo, me ante tempus iudices hæc scrutari, et propemodum errare, qui, cum capiti Sex. Roscij mederi debeam, rediuuiam curem: non. n. laborat de pecunia, non ullius rationem sui comodi ducit: facile ege-

statem suam se laturū putat, si hac indigna suspitione, et ficto crimine liberatus sit. uerum quaeso à uobis iudices, ut hæc pauca, quæ restant, ita audiat, ut partim me dicere pro me ipso putetis, partim pro Sex. Roscio: quæ. n. mihi ipsi indigna & intolerabilia uidentur, quæq; ad omnes, nisi prouidemus, arbitror pertinere; ea pro me ipso, ex animi mei sensu ac dolore pronuntio: quæ ad huius uitæ casum, causamq; pertineant, & quid hic pro se dici uelit, & qua cōditione cōtentus sit, iam in extrema oratione nostra iudices audietis. Ego hæc à Chrysogono mea sponte remoto Sex. Roscio quaero: primum, quare ciuis optimi bona uenerint: deinde, quare hominis eius, qui neq; apud aduersarios occisus est, bona uenerint, cū in eos solos lex scripta sit: deinde quare aliquāto post eā diem uenerint, quæ dies in lege præfinita est: deinde cur tantulo uenerint. quæ omnia si, quemadmodum solent liberti nequam, et improbi facere, in patronū suum uoluerit cōferre, nihil egerit: nemo est. n. qui nesciat, propter magnitudinē rerum multa multos partim cōiūte, partim imprudente L. Sylla cōmisisse. placet igitur in his rebus aliquid imprudentia præteriri? nō placet iudices, sed necesse est: etenim si Iupiter Optimus Maximus, cuius nutu & arbitrio cælum, terra, mariaq; reguntur, sæpe uētis uehementioribus, aut immoderatis tēpestatibus, aut nimio calore, aut intolerabili frigore hominibus nocuit, urbes deleuit, fruges perdidit, quorū nihil perniciæ causa diuino cōsilio, sed ui ipsa, & magnitudine rerum factum putamus; at contra, cōmoda, quibus utimur; lucemq; qua fruimur; spiritumq; quē ducimus, ab eo nobis dari, atq; impertiri uidemus: quid miramur, L. Syllā,

ORATIO

cum solus Remp. regeret, orbemq; terrarū gubernaret, imperiūq; maiestatem, quam armis receperat, legibus cōfirmaret, aliqua animaduertere non potuisset nisi hoc mirum est, quod uis diuina assequi non possit, si id mens humana adepta non sit. uerum ut hæc missa faciam, quæ iam facta sunt: ex ijs, quæ nunc maxime fiunt, non ne quiuis potest intelligere, omnium architectum, & machinatorem unum esse Chrysogonum, qui Sex. Roscij nomē deferendum curauit? hoc iudicium, cuius honoris causa accusare se dixit Erucius.

desunt non pauca.

aptam, & ratione dispositam se habere existimāt, qui in Salentinis aut in Brutijs habet, unde uix ter in anno audire nuntium possunt. alter tibi descendit de Palatio, & ædibus suis: habet animi relaxandi causa rus amœnum & suburbanum, plura præterea prædia, neq; tamen ullum nisi præclarum & propinquum: domus referta uasis Corinthijs & Deliacis, in quibus est authepsa illa, quā tanto pretio nuper mercatus est, ut, qui prætereuntes pretiū enumerari audiebāt, fundum uenire arbitrantur. quid præterea calati argenti? quid stragulæ uestis? quid pictarū tabularū? quid signorū? quid marmoris apud illum putatis esse? tantū scilicet, quantū è multis splendidisq; familijs, in turba et rapinis coaceruari una in do-

mo potuit. familiam uero quātam, & q̄ uarijs cum ar-
ticipijs habeat, quid ego dicam? mitto hasce artis uulga-
res, coquos, pistoros, leſticarios: animi & aurium causa
tot homines habet, ut quotidiano cantu uocū, & neruo-
rū, & tibiārum, nocturnisq; cōuiuijs tota uicinitas per-
sonet. in hac uita iudices quos sumptus quotidianos, quas
effusiones fieri putatis? quae uero cōuiuias honesta, credo,
in eiusmodi domo: si domus haec habēda est. potius, q̄ of-
ficina nequitiae, & diuersoriū flagitiorum omnium. ipse
uero quēadmodum composito et delibuto capillo passim
per forum uolitet cum magna caterua togatorū, uide-
tis iudices; ut omnes despiciat, ut hominē prae se neminē
putet, ut se solum beatū, solum potentem putet. quae uero
efficiat, & quae conetur, si uelim cōmemorare, uereor iu-
dices, ne quis imperitior existimet me causam nobilitatis
uictoriamq; uoluisse lādere. tamen si meo iure possum, si
quid in hac parte mihi non placeat, uituperare: non. n.
uereor, ne quis alienum me animū habuisse à causa no-
bilitatis existimet. sciunt ij, qui me norunt, me pro illa te-
nui infirmāq; parte, posteaq; id, quod maxime uolui, fie-
ri non potuit, ut cōponeretur; id maxime defendisse, ut ij
uincerent, qui uicerunt: quis. n. erat, qui non uideret hu-
militatem cū dignitate de amplitudine contendere? quo
in certamine periti ciuis erat nō se ad eos iungere, qui-
bus incolumibus, et domi dignitas, et foris auctoritas re-
tineretur. quae perfecta esse, & suum cuiq; honorē, &
gradum redditum, gaudeo iudices, uehementerq; letor:
eaq; omnia deorum uoluntate, studio populi R. consilio,
& imperio, et felicitate L. Syllae gesta esse intelligo. q̄ ani-
maduersum est in eos, qui contra omni ratione pugna-

runt: non deo reprehendere. q̄ uiris fortibus, quorum
opera eximia in rebus gerendis extitit, honos habitus est:
laudo. quæ ut fierent, ideo pugnatum esse arbitror, meq;
in eo studio partium fuisse cōfiteor. sin autem id actum
est, et ideo arma sumpta sunt, ut homines postremi pe-
cunijs alienis locupletarentur, & in fortunas uniuscu-
iusq; impetum facerent, & id nō modo re prohibere nō
licet, sed ne uerbis quidem uituperare: tum uero in isto
bello nō recreatus, neq; restitutus, sed subactus oppres-
susq; populus R. est. uerū longe aliter est: nihil horum est
iudices: nō modo nō lædetur causa nobilitatis, si istis ho-
minibus resistetis, uerū etiam ornabitur: etenim qui hæc
uituperare uolunt, Chrysogonū tantum posse querūtur:
qui laudare uolunt, concessum ei non esse cōmemorant.
ac iam nihil est, quod quisquā aut tam stultus, aut tam
improbis sit, qui dicat: uellem quidem liceret, hoc dixis-
sem: dicas licet. hoc fecissem: facias licet, nemo prohibet.
hoc decreuissem: decerne, modo recte: oēs approbabit.
hoc iudicissem: laudabunt omnes, si recte & ordine iudi-
caris. dū necesse erat, resq; ipsa cogebat, unus omnia po-
terat. qui posteaq; magistratus creauit, legesq; constituit:
sua cuiq; procuratio auctoritasq; est restituta. quā si re-
tinere uolunt, qui receperunt: in perpetuum poterunt
obtinere. sin has cades, & rapinas, & hos tantos, tamq;
profusos sumptus aut facient, aut approbabit: nolo in
eos grauius quicq; ne ominis quidem causa dicere: unum
hoc dico, nostri isti nobiles, nisi uigilantes, et boni, & for-
tes, & misericordes erunt, ijs hominibus, in quibus hæc
erunt, ornamenta sua concedant necesse est. quapropter
desinant aliquando dicere, male aliquem locutum esse, si

quis uere
Chrysogon
quid dicit
si, eos qui
si nequiss
natio iudi
qui uiam
iustitiam
in ciuitat
pauat ali
o rem m
que ferre
et, quod
ciam possi
Et a nobili
libidinem
uultu, q
erit esse q
seruicim
ria nobi
R. debet
oratione
& se, q
retur:
causa ex
tur: illi
cum illo
ab hoc si
tio: ne i
lor me

quis uere ac libere locutus sit: desināt suam causam cum Chrysogono cōmunicare: desinant, si ille lēsus sit, de se ali quid detractum arbitrari: uideant, ne turpe miserumq; sit, eos, qui equestrem splendorē pati non potuerunt, ser= ui nequissimi dominationē ferre posse. quæ quidē domi= natio iudices in alijs rebus antea uersabatur: nunc uero quā uiam munitet, quō iter affectet, uidetis: ad fidem, ad iusiurādum, ad iudicia uestra, ad id, quod solum propē in ciuitate sincerum, sanctumq; restat. hic ne etiam sese putat aliquid posse Chrysogonus: hic etiā potēs esse uult? o rem miseram, atq; acerbam: neq; mehercules hoc indi gne fero, quōd uerear, ne quid possit: uerum, quōd ausus est, quōd sperauit sese apud tales uiros aliquid ad perni ciem posse innocentis, id ipsum queror: iccirco ne experre eta nobilitas, armis, atq; ferro Remp. recuperauit, ut ad libidinem suam liberti seruuliq; nobiliū, bona, fortunas uestras, nostrasq; uexare possent: si id actū est, fateor me errasse, qui hoc maluerim: fateor insanisse, qui cum illis senserim: tametsi inermis iudices sensi: sin autem uicto= ria nobiliū ornamento, atq; emolumento Reip. populoq; R. debet esse: tum uero optimo, & nobilissimo cuiq; mea orationem gratissimam esse oportet. quōd si quis est, qui & se, & causam lēdi putet, cum Chrysogonus uitupe= retur: is causam ignorat, se ipsum propē non nouit: causa enim splendidior fiet, si nequissimo cuique resiste tur: ille improbissimus Chrysogoni fautor, qui sibi cum illo rationem communicatam putat, lēditur, cum ab hoc splendore causæ separatur. uerum hæc omnis ora tio (ut iam ante dixi) mea est: qua me uti Resp. & do= lor meus, & istorum iniuria coegit: sed Roscius ho=

ORATIO

rum nihil indignum putat : neminem accusat : nihil de suo patrimonio queritur : putat homo imperitus morū, agricola, & rusticus, ista omnia, quæ uos per Syllam gesta esse dicitis, more, lege, iure gentiū facta : culpa liberatus, & crimine nefario solutus, cupit à uobis discedere : si hac indigna suspitione careat, animo æquo se carere suis omnibus cōmodis dicit : rogat, oratq; te Chrysegone, si nihil de patris fortunis amplissimis in suam rem conuertit, si nulla in re te fraudauit, si tibi optima fide sua omnia concessit, adnumerauit, appendit, si uestitum, quo ipse tectus erat, annulumq; dedit, os suum tibi tradidit, si ex omnibus rebus se ipsum nudū, neq; præterea quicq; excepit; ut sibi per te liceat innocenti amicorū opibus uitam in egestate degere. prædia mea tu possides : ego aliena misericordia uiuo. cōcedo : et quod animus æquus est, et quia necesse est. mea domus tibi patet, mihi clausa est. fero. familia mea maxima uteris : ego seruū habeo nullū. patior, & ferendū puto. quid uis amplius? quid insequeris? quid oppugnas? qua in re tuā uoluntatem lædi à me putas? ubi tuis cōmodis officio? quid tibi obsto? si spoliolorum causa uis hominem occidere, spoliasti. quid quæris amplius? si inimicitiarum, quæ sunt tibi inimicitia cū eo, cuius antea prædia possedisti, q̄ ipsum cognosti : sin me tuis : ab eo ne aliquid metuis, quæ uides ipsum ab sese tam atrocem iniuriam propulsare nō posse? sin, q̄ bona, quæ Roscy fuerunt, tua facta sunt, iccirco hunc illius filium studes perdere : non ne ostendis id te uereri, quod præter ceteros tu metuere non debeas, ne quando liberis proscriptorum bona patria reddantur? facis iniuriam Chrysegone, si maiorem spem emptionis tuæ in huius exitio po-

P R
uis, q̄ in
la est. cur
bi omnia
certum p
immortale
immortale
quis pira
sanguine
scis hanc
cōtra rem
neq; met
reliqui
putat. q̄
morio t
nescias h
Neptis
ri sum
ret. tam
nore ip
ornam
dicitur
parris
adesse
deretur
summa
dicatur
ret. ma
uer scrip
que don
fori ind

nis, q̄ in ijs rebus, quas L. Sylla gessit. q̄ si tibi causa nul-
 la est, cur hunc miserū tanta calamitate affici uelis; si ti-
 bi omnia sua prater animam tradidit, nec sibi quicq̄ pa-
 ternum, ne monumenti quidē causa, reseruauit: per deos
 immortales, quæ ista tanta crudelitas est? quæ tam fera
 immanisq̄; natura? quis unquam prædo fuit tā nefarius,
 quis pirata tam barbarus, ut, cum integram prædā sine
 sanguine habere posset, cruenta spolia detrudere mallet?
 scis hunc nihil habere, nihil audere, nihil posse, nihil unq̄
 cōtra rem tuam cogitasse: & tamen oppugnās eū: quem
 neq; metuere potes, neq; odisse debes, nec quicq̄ habere iā
 reliqui uides, quod ei detrudere possis: nisi hoc indignum
 putas, q̄ uestitū sedere in iudicio uides, quem tu ē patri-
 monio tanquā ē naufragio nudū expulisti. quasi uero
 nescias hunc & ali. & uestiri a Cæcilia Balearici filia,
 Nepotis sorore, spectatissima fæmina: quæ cū patre cla-
 rissimū, amplissimos patruos, ornatissimum fratrem habe-
 ret, tamen, cū esset mulier, uirtute perfecit, ut, quāto ho-
 nore ipsa ex illorū dignitate afficeretur, non minora illis
 ornamenta ex sua laude redderet. an q̄ diligenter defen-
 ditur, id tibi indignū facinus uidetur? mihi crede; si pro
 patris eius hospitij, & gratia uellent oēs huius hospites
 adesse, & auderent libere defendere, satis copiose defen-
 deretur: sin autem pro magnitudine iniuriæ, proq̄; eo, q̄
 summa Reip. in huius periculo tentatur, hæc omnes uin-
 dicarent, consistere mehercule uobis isto in loco non lice-
 ret: nunc ita defenditur, non sanè ut moleste ferre ad-
 uersarij debeant; neque ut se potentia superari putent:
 quæ domi gerenda sunt, ea per Cæciliam transiguntur.
 fori iudiciq̄; rationem Messala, ut uidetis indices, susce-

ORATIO

pit. qui si iam satis ætatis atq; roboris haberet, ipse pro Sex. Roscio diceret: quoniam ad dicendum impedimento est ætas, & pudor, qui ornat ætatem: causam mihi tradidit, quæ sua causa cupere ac debere intelligebat. ipse assiduitate, consilio, auctoritate, diligentia perfecit, ut Sex. Roscij uita erepta de manibus sectorum, sententijs iudicum permitteretur. nimirum iudices pro hac nobilitate pars maxima ciuitatis in armis fuit: hæc acta res est, uti nobiles restituerentur in ciuitate, qui hoc facerent, quod facere Messalam uideris, qui caput innocētis defenderet, qui iniuriæ resisterent, qui, quantum possent, in salute alterius, quàm in exitio mallent ostendere. quod si omnes, qui eodem loco nati sunt, facerent: et Resp. ex illis, & ipsi ex inuidia minus laborarent. uerum si à Chrysogono iudices non impetramus, ut pecunia nostra contentus sit, uitam ne petat; si ille adduci non potest, ut, cum ademerit nobis omnia, quæ nostra erant propria, ne lucē quoq; hanc, quæ cōmunis est, eripere cupiat; si nō satis habet auaritiā suā pecunia explere, nisi etiā crudelitate sanguinis perlitus sit: unum perfugium iudices, una spes reliqua est Sex. Roscio, eadē quæ Reip. uestra pristina bonitas, & misericordia. quæ si manet, salui etiā nunc esse possumus. sin ea crudelitas, quæ hoc tempore in Rep. uersata est, uestros quoq; animos (id q̄ fieri profecto non potest) duriores acerbioresq; reddidit: actū est iudices: inter feras satius est ætatem degere, q̄ in hac tanta immanitate uersari. ad eam ne rem uos reseruati estis, ad eam ne rem delecti, ut eos cōdemnaretis, quos sectores, ac sicarij iugulare non potuissent? solent hoc boni imperatores facere: cum prælium cōmittunt, ut in eo loco, quo fugam

P R
hostium
ex acie
ter arbor
ros sedere
rim. du p
publicum
metur. an
nisi ut pro
eius rei in
scy pericu
tineat, cui
sicarium,
egentem,
pa nulla,
quid hic al
na ueniret
operam u
adducam
uere per
crudeli
illam p
re potui
acrimo
consilio
beros, et
nisi hoc
per deos
turam p
& pote
maxime

hostium fore arbitrentur, milites collocent, in quos, si qui ex acie fugerint, de improviso incidant. nimirum similiter arbitrantur isti bonorum emptores, uos hic tales uiros sedere, qui excipiat eos, qui de suis manibus effugerint. di prohibeāt iudices, ut hoc, quod maiores consiliū publicum uocari uoluerunt, præsidium seclorum existimetur: an uero iudices uos nō intelligitis, nihil aliud agi, nisi ut proscriptorum liberi quauis ratione tollantur? & eius rei initium in uestro iureiurando, atq; in Sex. Rosci periculo quæri? dubium est, ad quem maleficium pertineat, cum uideatis ex altera parte seclorem, inimicum, sicarium, eundemq; accusatorem hoc tempore; ex altera egentem, probatum suis filium, in quo non modo culpa nulla, sed ne suspicio quidem potuit consistere? nunquid hic aliud uidetis obstare Roscio, nisi quod patris bona uenierunt? quod si id uos suscipitis, & eadem in re operam uestram profitemini; si iccirco sedetis, ut ad uos adducantur eorum liberi, quorum bona uenierunt: caue te per deos immortales iudices, ne uoua, & multo crudelior per uos proscriptio instaurata esse uideatur. illam priorem, quæ facta est in eos, qui arma capere potuerunt, tamen senatus suscipere noluit, ne quid acrius, quàm more maiorum comparatum est, publico consilio factum uideretur. hanc uero, quæ ad eorum liberos, atque infantium puerorum incunabula pertinet, nisi hoc iudicio à uobis reijcitis, & aspernamini: uidete per deos immortales, quem in locum Remp. peruenturam putetis, homines sapientes, & ista auctoritate, & potestate præditos, qua uos estis, ex quibus rebus maxime Resp. laborat, ijs maxime mederi conuenit.

ORATIO

uestrum nemo est, quin intelligat populum R. qui quon-
dam in hostes lenissimus existimabatur, hoc tempore do-
mestica crudelitate laborare. hanc tollite ex ciuitate iu-
dices: hanc pati nolite diutius in hac Rep. uersari: quæ
non modo id habet in se mali, quod tot ciues atrocissi-
me sustulit; uerum etiam hominibus lenissimis ademit
misericordiam consuetudine incommodorum: nam cum
omnibus horis aliquid atrociter fieri uidemus, aut au-
dimus, etiam qui natura mitissimi sumus, assiduitate
molestiarum sensum omnem humanitatis ex animis
amittimus.

Desit fortasse quippiam.

PRO Q.

malitiam
singula-
bus uti ex
minis homi-
nem uirum
codicem re-
ne utatur
digitos me-
mei quod
que Ro-
non erit
set ille
hic quo
dum ex
est non
nancur
per(cip)
de quo
pensi pro
quo min
hoc fra

PRO Q. ROSCIO COMOEDO.
ORATIO III.

Multa, quæ defunt, quærenda.

malitiam naturæ, crederetur. is scilicet uir optimus, & singulari fide præditus, qui suo iudicio tabulis suis testibus uti conatur. solent ferè dicere qui per tabulas hominis honesti pecuniam expensam tulerunt: ego ne talem uirum corrumpere potui, ut mea causa falsum in codicem referret? expecto, quàm mox Cherea hac oratione utatur. ego ne hanc manum plenam perfidiæ, & hos digitos meos impellere potui, ut falsum perscriberent nomen? quòd si ille suas proferet tabulas, proferet suas quoque Roscius. erit in illius tabulis hoc nomen: at in huius non erit. cur potius illius, quàm huius credetur? scripsisset ille, si nõ iussu huius expensum tulisset? non scripsisset hic, quod sibi expensum ferri iussisset? nam quemadmodum turpe est scribere, quod non debeat: sic improbius est non referre, quod debeas: æque enim tabulae condemnantur eius, qui uerum non retulit, & eius, qui falsum perscripsit. sed ego copia & facultate causæ confisus, uide, quò progrediar. si tabulas C. Fannius accepti & expensi proferat suas, in suam rem, suo arbitratu scriptas: quo minus secundum illum iudicetis, non recuso. quis hoc frater fratri, quis parens filio tribuit, ut, quodcunq;

G

ORATIO

retulisset, id ratum haberet? ratum habebit Roscius, profer. quod tibi fuerit persuasum, huic erit persuasum: quod tibi fuerit probatum, huic erit probatum. paulo ante à M. Perpenna P. Saturi tabulas poscebamus, nunc tuas C. Fanni Cherea solius flagitamus: & quo minus secundum eas lis detur, non recusamus. quid ita non profers? non conficit tabulas? immo diligentissime. nō refert parua nomina in codices? immo omnes summas. leue, et tenue hoc nomen HS CCCIDDD sunt? quomodo tibi tāta pecunia extraordinaria iacet? quomō HS CCCIDDD in codice accepti & expensi non sunt? pro diu immortales, esse ne quenquam tāta audacia prāditum, qui, quod nomen referre in tabulas timeat, id petere audeat? quod in codice iniuratus referre noluit, id iurare in litem nō dubitet? quod sibi probare non possit, id persuadere alteri conetur? nimium cito ait me indignari de tabulis: non habere se hoc nomen in codice accepti & expensi relatū confitetur, sed in aduersarijs patere contendit. usq; eō ne te diligis, & magnifice circumspicis, ut pecuniam non ex tuis tabulis, sed aduersarijs petas? suum codicem testis loco recitare, arrogantia est: suarum perscriptionum, & liturarum aduersaria proferre, non amentia est? q̄ si eandem uim, diligentiam, auctoritatemq; habent aduersaria, quam tabulae: quid attinet codicem instituere, conscribere? ordinem conseruare? memoria tradere literarū uetustatem? sed si, q̄ aduersarijs nihil credimus, iccirco codicem scribere instituimus: quod etiam apud omnes leue & infirmum est, id apud iudicem graue et sanctum esse ducetur? quid est, quod negligenter scribamus aduersaria? quid est, quod diligenter conficiamus tabulas? qua

P R
de causa
delentur
ris memo
ligionem
confecti
codicem
uirtute
pecunia
tudine
uel eme
Fanni in
ar, ne sc
is iam
sum refe
diu iacet
plus tri
conficiat
rant, et
iacere
pii &
do tab
ra non
ampli
rius rei
cur scr
uerari
ma esse
sum, ne
pecunia
difficile

de causa? quia hæc sunt menstrua, illæ sunt æternæ: hæc delentur statim, illæ seruantur sancte: hæc parui temporis memoriam, illæ perpetuæ existimationis fidem & religionem amplectuntur: hæc sunt deiecta, illæ in ordinem confectæ, itaque aduersaria in iudicium protulit nemo: codicem protulit, tabulas recitauit. tu C. Piso tali fide, uirtute, gravitate, auctoritate ornatus, ex aduersariis pecuniam petere non auderes. ego, quæ clara sunt cōsuetudine, diutius dicere non debeo: illud uero, quod ad rem uehementer pertinet, quæro: quàm pridem hoc nomen Fanni in aduersaria retulisti? erubescit: quid respondeat, nescit: quid fingat extēplo, non habet. sunt duo menses iam, dices: tamen in codicem acceptum & expensum referri debuit. amplius sunt sex menses: cur tandiu iacet hoc nomen in aduersariis? quid, si tandem amplius triennium est? quomodo, cum omnes, qui tabulas conficiant, menstruas penè rationes in tabulas transferant, tu hoc nomen triennium amplius in aduersariis iacere pateris? utrum cetera nomina in codicem accepti & expensi digesta habes, an non? si non, quomodo tabulas conficis? si etiam: quamobrem, cum cetera nomina in ordinem referebas, hoc nomen triennio amplius, quod erat in primis magnum, in aduersariis relinquebas? nolebas sciri, debere tibi Roscium: cur scribebas? rogatus eras, ne referres: cur in aduersariis scriptum habebas? sed hæc quanquam firma esse uideo: tamen ipse mihi satisfacere non possum, nisi à C. Fannio ipso testimonium sumo, hanc pecuniam ei non deberi. magnum est, quod conor: difficile est, quod polliceor: nisi eundem & aduersariū,

ORATIO

Et testem habuerit Roscius, nolo uincat. pecunia tibi debebatur certa, quæ nunc petitur per iudicem, in qua legitime partis sponsio facta est. hic tu si amplius HS nūmo petisti, q̄ tibi debitum est: causam perdidisti: propterea quod aliud est iudiciū, aliud est arbitrium. iudicium est pecuniæ certæ, arbitriū incertæ. ad iudicium hoc modo uenimus, ut totam litem aut obtineamus, aut amittamus. ad arbitrium hoc animo adimus, ut neq; nihil, neq; tantum, quantum postulauimus, consequamur. eius rei ipsa uerba formulæ testimonio sunt. quid est in iudicio? directum, asperum, simplex. si peteret HS IDDD dari: hic, nisi planum facit HS IDDD ad libellam sibi deberi, causam perdit. quid est in arbitrio? mite, moderatū, quātū æquius & melius sit dari. ille tamen confitetur plus se petere, quàm debeat: sed satis superq; habere dicit, quod sibi ab arbitro tribuatur. itaq; alter causæ cōfidit, alter diffidit. quæ cum ita sint, quæro abs te, quid ita de hac pecunia, de his ipsis HS IDDD, de tuarum tabularū fide cōpromissum feceris, arbitrum sumpseris, quantum æquius, et melius sit dari repromitti ue, si pateret. quis in hanc rem fuit arbiter? utinam is quidem Romæ esset: Romæ est. iam utinam adesset in iudicio: adest. utinam sederet in consilio C. Pisonis: ipse C. Piso est. eundem ne tu arbitrum, & iudicē sumebas? eidem & infinitam largitionem remittebas, & eūdem in angustissimam formulam sponsonis concludebas? quis unquam ad arbitrum, quātum petijt, tantum abstulit? nemo: quātum. n. æquius esset sibi dari, petijt. de quo nomine ad arbitrum adisti, de eo ad iudicē uenisti. ceteri cum ad iudicem causam labe factari animaduertunt, ad arbitrum confugiunt: hic ab

arbitr
ria, de
nia mo
meti
no reu
n. quæ
perio, si
requis
dicendi
trouer
cisse ui
petita
coni, n
ta se. da
esse, codi
nias re
& peti
per: &
stimar
tio ad
uonum
mria
officia
dicendi
lunari
hac pra
sa comp
audacti
tur, an
tata: qu

arbitro ad iudicem uenire est ausus: qui cum de hac pecunia, de tabularū fide arbitrum sumpsit, indicauit sibi pecuniā nō deberi. iā duæ partes causæ sunt confectæ: adnumerasse sese negat: expensum tulisse non dicit, cū tabulas nō recitat. reliquū est, ut stipulatū se esse dicat: præterea .n. quemadmodum certam pecuniā petere possit, nō reperio. stipulatus es? ubi? quo die? quo tēpore? quo præsente? quis spondidisse me dicit? nemo. hic ego si finem faciā dicendi, satis fidei & diligentiae meæ, satis causæ & controuersiae, satis formulæ & sponsioni, satis etiā iudici fecisse uidear, cur secundū Rosciū iudicari debeat. pecunia petita est certa, cū tertia parte sponsio facta est. hæc pecunia, necesse est, aut data, aut expensa lata, aut stipulata sit. datam nō esse, Fānius cōfiteatur: expensam latā non esse, codices Fānij confirmant: stipulatā non esse, taciturnitas testiū concedit. quid ergo est? quod et reus is est, cui & pecunia leuissima, et existimatio sanctissima fuit semper: & index est is, quē nos non minus bene de nobis existimare, quā secundū nos iudicare uelimus: & aduocatio ea est, quā propter eximium splendorem, ut iudicem unum, uereri debeamus: perinde ac si in hāc formulā omnia iudicia legitima, omnia arbitria honoraria, omnia officia domestica, conclusa, & comprehensa sint, perinde dicemus. illa superior fuit oratio necessaria, hæc erit uoluntaria: illa ad iudicem, hæc ad C. Pisonē: illa pro reo, hæc pro Roscio: illa uictoriæ, hæc bonæ existimatiōis causa comparata. pecuniam petis Fanni à Roscio, quam? dic audacter & aperte: utrum, quæ tibi ex societate debeatur, an, quæ ex liberalitate huius promissa sit & ostentata? quorum alterum est grauius, & odiosius: alterum

leuius et facilius. quæ ex societate debeat? quid ais? hoc iam non leuiter ferendum est, neq; negligenter defendendum: si qua. n. sunt priuata iudicia summæ existimationis, & penè dicam capitis, tria hæc sunt, fiducia, tutela, societatis: æque. n. perfidiosum & nefariū est, fidem fraudare, quæ continet uitam; & pupillum fraudare, qui in tutelam peruenit; & socium fallere, qui se in negotio cōiunxit. quæ cum ita sint: qui sit qui socium fraudarit, et fefellerit, consideremus: dabit. n. nobis iā tacite uita acta in alterutram partem firmum & graue testimonium.

Q. Roscius? quid ais? non ne ut ignis in aquam cōiectus continuo restinguitur, & refrigeratur: sic referuēs falsum crimen in purissimam & castissimam uitam collatum statim concidit, et extinguitur? Roscius socium fraudauit? potest hoc homini hūc herere peccatum? qui mediū fidius (audacter dico) plus fidei, q̄ artis; plus ueritatis, q̄ disciplinæ possidet in se: quem populus R. meliorem uirum, q̄ histrionem esse arbitratur: qui ita dignissimus est scena propter artificium, ut dignissimus sit curia propter abstinentiam. sed quid ego ineptus de Roscio apud Pisonem dico? ignotum hominem scilicet pluribus uerbis commendo. est ne quisquam omnium mortalium, de quo melius existimes tu? est ne quisquā, qui tibi purior, pudentior, humanior, officiosior, liberalior uideatur? quid tu Saturi, qui cōtra hunc uenis, existimas aliter? nō ne, quotiescunq; in causa in nomen huius incidisti, toties hunc & uirum bonum esse dixisti, & honoris causa appellasti? quod nemo nisi aut honestissimo, aut amicissimo facere consueuit. qua in re mihi ridicule es uisus esse inconstans, qui eundem & lederes, et laudares; & uirum

optimum, & hominē improbissimū esse diceret. eundem
 tu & honoris causa appellabas, & uirum primariū esse
 dicebas; & sociū fraudasse arguebas. sed, ut opinor, lau-
 dem ueritati tribuebas: crimē gratiā cōcedebas: de hoc,
 ut existimabas, pradicabas: Chereā arbitrari causam
 agebas. fraudauit Roscius. est hoc quidem auribus, ani-
 misq; hominū absurdū. quid, si tādē aliquē timidū, de-
 mentē, diuitē, inertē nactus esset, qui experiri nō posset?
 tamē incredibile esset. uerūtamen, quē fraudarit, uidea-
 mus. C. Fanniū Chereā Roscius fraudauit. oro, atq; obse-
 cro, uos, qui nostis, uitā inter se utriusq; cōferte: qui non
 nostis, faciē utriusq; cōsiderate. nō ne ipsum caput, & su-
 percilia illa penitus abrasa olere malitiā, & clamitare
 calliditatē uidetur? nō ne ab imis unguibus usq; ad uer-
 ticem summū, si quā coniecturam affert hominibus ta-
 cita corporis figura; ex fraude, fallacijs, mendacijs con-
 stare totus uidetur? qui iccirco capite & supercilijs sem-
 per est rasis, ne ullum pilum uiri boni habere dicatur. cu-
 ius personam praeclare Roscius in scena tractare consue-
 uit. neq; tamen pro beneficio ei par gratia refertur:
 nam Ballionem illum improbissimū, & periurissimum
 lenonem cum agit, agit Cheream. persona illa, lutulen-
 ta, impura, inuisa, in huius moribus, natura, uitāq; est
 expressa. qui quamobrem Roscium similem sui in frau-
 de & malitia existimarit, nihil uidetur: nisi forte, quod
 praeclare hunc imitari se in persona lenonis animad-
 uertit. quamobrem etiam atque etiam considera C. Pi-
 so, quis quem fraudasse dicatur. Roscius Fannium?
 quid est hoc? probus improbum, pudens impudē-
 tem, periurum castus, callidum imperitus, liberalis

O R A T I O

avidum. incredibile est. quē admodum, si Fānius Roscium
 fraudasse diceretur, utrunq; ex utriusq; persona uerisi-
 mile uideretur, & Fanniū per malitiā fecisse, & Rosciū
 per imprudentiā deceptū esse: sic, cū Roscius Fāniū frau-
 dasse arguatur, utruq; incredibile est, et Rosciū quicquā
 per auaritiā appetisse, & Fānium quicquā per se bonita-
 te amisisse. principia sunt huiusmodi: spectemus reliqua.
 HS 1000 Q. Roscius fraudauit Fānium, qua de cau-
 sa subridet Saturius ueterator, ut sibi uidetur. ait, pro-
 pter ipsa HS 1000. uideo: sed tamē, cur ipsa HS 1000
 tā uehementer concupierit, quæro. nā tibi M. Perpenna,
 C. Piso certe tanti non fuisset, ut socium fraudaretis. Ro-
 scio cur tanti fuerit, causam requiro. egebat? immo locu-
 ples erat. debebat? immo in suis nummis uersabatur. aua-
 rus erat? immo etiam ante, quā locuples, semper libera-
 lissimus munificentissimusq; fuit. pro deum hominumq;
 fidē, qui HS 100000. 100000. 100000 quæ-
 stus facere noluit (nā certe HS 100000. 100000.
 100000 merere & potuit, & debuit, si potest Diony-
 sia HS 100000. 100000 merere) is per summā
 fraudem, & malitiā, & perfidiam HS 1000 appetit?
 & illa fuit pecuniā immanis, hæc paruula: illa honesta,
 hæc sordida: illa iucunda, hæc acerba: illa propria, hæc in
 causa, & in iudicio collocata. decem his annis proximis
 HS sexagies honestissime consequi potuit, noluit: laborē
 quæstus recepit, quæstū laboris reiecit: populo R. adhuc
 seruire non destitit, sibi seruire iam pridem destitit. hoc
 tu unquam Fāni faceres? sed si hos quæstus recipere pos-
 ses, non eodem tempore & gestum, & animam ageres?
 dic nunc te ab Roscio HS 1000 circumscriptum esse:

qui tantas, & tam infinitas pecunias non propter iner-
 tiam laboris, sed propter magnificentiam liberalitatis re-
 pudiarit. quid ego nunc illa dicā, quæ uobis in mentem
 uenire certo scio? fraudabat te in societate Roscius. sunt
 iura, sunt formulæ de omnibus rebus cōstitutæ, ne quis
 aut in genere iniuriæ, aut ratione actionis errare possit:
 expressæ sunt. n. ex uniuscuiusq; damno, dolore, incōmo-
 do, calamitate, iniuria publicæ à Prætorē formulæ, ad
 quas priuata lis accōmodatur. quæ cum ita sint: cur non
 arbitrium pro socio adegeris Q. Roscium, quæro. formu-
 lā non noras? notissima erat. iudicio graui experiri nole-
 bas? quid ita? propter familiaritatem ueterem? cur ergo
 ledis, propter integritatem hominis? cur igitur insimu-
 las? propter magnitudinē criminis? ita ne uero, quæ per
 arbitriū circumuenire non posses, cuius de ea re propriū
 erat iudiciū, hunc per iudicem condemnabis, cuius de ea
 re nullū est arbitriū? quā tu hoc crimen aut obijce, ubi
 licet agere: aut iacere noli, ubi non oportet. tamen si iam
 hoc tuo testimonio crimen sublatū est: nam quo tu tēpo-
 re illa formula uti noluisti, nihil hūc in societatem frau-
 dis fecisse ostendisti. fecit pactionem: num tabulas habet,
 an non? si non habet, quæ admodū pactionis est? si habet, cur
 non nominas? dic nunc, Rosciū abs te petisse, ut familiarē
 suū sumeres arbitriū: non petijt. dic pactionem fecisse, ut
 absolueretur: nō pepigit. quære, quare sit absolutus: quod
 erat summa innocentia, & integritate: quid. n. factū est?
 uenisti domū ultro Roscij: satisfecisti: quod temere com-
 misisses in iudiciū ut denuntiaret, rogasti ut ignosceret:
 te affuturum negasti: deberi tibi ex societate nihil, clami-
 tasti. iudici hic denuntiavit: absolutus est. tamen frau-

O R A T I O

dis ac furti mentionem facere audes? perstat in impudentia: pactionem enim, inquit, mecum fecerat. iccirco uidelicet ne cōdemnaretur? quid erat causæ, cur metueret ne cōdemnaretur? res erat manifesta: furtum erat apertum. cuius rei furtum factum erat? exorditur magna cū expectatione ueteris histrionis exponere societatem. Panurgus, inquit, fuit Fannij. is fuit ei cum Roscio cōmunis. hic primū questus est nō leuiter Saturius, cōmunē factum esse gratis cū Roscio, qui pretio proprius fuisset Fannij. largitus est scilicet homo liberalis, & disolutus, et bonitate affluēs Fannius Roscio. sic puto. quoniam ille hic cōstitit paulisper, mihi quoq; necesse est paulum cōmorari. Panurgum tu Saturi propriū Fannij dicis fuisse: at ego totum Roscij fuisse cōtendo: quid erat enim Fannij? corpus: quid Roscij? disciplina. facies non erat, ars erat pretiosa. ex qua parte erat Fannij, nō erat HS 1000: ex qua parte erat Roscij, amplius erat HS 10000. nemo enim illum ex trunco corporis spectabat, sed ex artificio comico aestimabat. nam illa membra merere per se nō amplius poterant duodecim æris: disciplina, quæ erat ab hoc tradita, locabat se non minus HS 10000. ò societatem captiosam & indignam. ubi alter HS 1000, alter, 10000 quod sit, in societatem affert. nisi iccirco moleste pateris, q̃ HS 1000 tu ex arca proferebas, HS 10000 ex disciplina & artificio Roscius promebat: quam enim rem, & expectationē, quod studium, & quem fauorem secum in scenam attulit Panurgus? quod Roscij fuit discipulus. qui diligebant hūc, illi fauebant: qui admirabantur hunc, illum probabant: qui deniq; huius nomen audierant, illum eruditum &

perfectum existimabant: sic est uulgus, ex ueritate pauca, ex opinione multa aestimat. quid sciret ille, per pauci animaduvertebant: ubi didicisset, omnes querebant: nihil ab hoc prauum & peruersum produci posse arbitrabantur. si ueniret ab Statilio, tametsi artificio Roscium superaret, aspicere nemo posset: nemo enim, sicut ex improbo patre probum filium nasci, sic ex pessimo histrione bonum comædum fieri posse existimaret. quia ueniebat à Roscio, plus etiam scire, quàm sciebat, uidebatur. quod itè nuper in Erote comædo usu uenit: qui postea quàm è scena non modo sibilis, sed etiam cōuicio explodebatur, sicut in aram confugit in huius domum, disciplinam, patrociniū, nomen. itaq; per breui tempore, quine in nouissimis quidē erat histriōibus, ad primos peruenit comædos. quæ res extulit eum? una cōmendatio huius: qui tamen Panurgum illum nō solum, ut Rosciū discipulus fuisse diceretur, domum recepit, sed etiā summo cum labore, stomacho, miseriāq; erudit: nam quo quisq; est solertior, & ingeniosior, hoc docet iracundius & laboriosius: quod enim ipse celeriter arripuit, id cum tarde percipi uidet, discruciat. paulo longius oratio mea prouecta est hac de causa, ut cōditionē societatis diligenter cognosceretis. quæ deinde consecuta? Panurgum, inquit, hunc seruum communem Q. Flauius Tarquiniensis quidam interfecit. in hanc rem, inquit, me cognitorem dedisti: lite contestata, iudicio damni iniuria constituto, tu sine me cum Flauio decidisti: utrum pro dimidia parte, an pro tota societate? planius dicam, utrum pro me, an pro me & pro te? pro me? potui. exemplo multorum licitum

ORATIO

est: iure fecerunt multi: nihil in ea re tibi iniuriæ
feci: pete tu tuum: exige, & aufer quod debetur: suam
quisq; partem iuris possideat, et persequatur. at enim tu
tuum negotium gessisti bene: gere & tu tuum bene. ma-
gno tuam dimidiâ partem decidisti: magno & tu tuam
partem decide. HS CCC CIOOO tu abstulisti: si fit hoc
uero, HS CCC CIOOO tu quoq; aufer. sed hanc deci-
sionem Roscij, oratione, & opinione augere licet: re &
ueritate mediocrem & tenuem esse inuenietis: accepit
enim agrum temporibus ijs, cum iacerent pretia prædio-
rum: qui ager neq; uillam habuit, neq; ex ulla parte fuit
cultus: qui nunc multo pluris est, quàm tunc fuit: neq;
id est mirum: tum enim propter Reip. calamitates o-
mnium possessiones erant incertæ, nunc deum immorta-
lium benignitate, omnium fortunæ sunt certæ: tum erat
ager incultus sine tecto, nunc est cultissimus cum optima
uilla. ueruntamen, quoniam natura tam maleuolus es,
nunquā ista te molestia et cura liberabo. præclare suum
negotiū gessit Roscius, fundum fructuosissimum abstu-
lit: quid ad te? tuam partem dimidiâ, quemadmodum
uis, decide. uertit hic rationem, & id, quod probare non
potest, fingere conatur. de tota re, inquit, decidisti. ergo
huc uniuersa causa deducitur, utrum Roscius cum Fla-
uio de sua parte, an de tota societate fecerit pactionem.
nam ego Roscium, siquid cōmuni nomine tetigit, confi-
teor præstare debere societati. societatis, non suas lites re-
demit, cum fundum à Flauio accepit. quid, ita satis non
dedit, amplius à se neminem petiturum? qui de sua par-
te decedit, reliquis integram relinquit actionem. qui pro
socijs transigit, satisfacit neminem eorū postea petiturū.

quid in
bar uidi
scilicet
eo lium
stipulan-
dit, & in
nec Rosci
absolut
cōsuetu
mentum
alia cert
forte mi
Fanni ab
natio tunc
disse: qui
est i Rosci
mittis tu
pulatione
huc, atq;
re cogi
FLA
MIDI
TVR
auferre
porro m
quid uer
quod deb
cōfecto, i
terponit
arbitrari



PRO Q. ROSCIO COM. 51

quid ita Flavio sibi cauere non uenit in mentem? nesciebat uidelicet Panurgum fuisse in societate: sciebat. nesciebat Fanniū Roscio esse sociū: praclare: nam iste cum eo litem cōtestatam habebat. cur igitur decidit, et nō restipulatur, neminē amplius petiturū? cur de fundo decidit, & iudicio nō absoluitur? cur tam imperite facit, ut nec Roscium stipulatione alliget, neq; à Fannio iudicio se absoluat? est hoc primum & ex conditione iuris, & ex cōsuetudine cautionis grauissimum, & firmissimū argumentum: quod ego pluribus uerbis amplecterer, si non alia certiora et clariora testimonia in causa haberē. et ne forte me hoc frustra pollicitū esse praedices, te, te inquā Fanni ab tuis subsellis cōtra te testem suscitabo. criminatio tua quæ est? Rosciū cum Flavio pro societate decidisse: quo tēpore? abhinc annis XV. defensio mea quæ est? Rosciū pro sua parte cum Flavio trāsegisse. repromittis tu ab hinc triēnium Roscio. quid? recita istā restipulationē clarius. attende quæso Piso: Fanniū inuitū, & huc, atq; illuc tergiuersantem, testimoniū contra se dicere cogo. quid enim restipulatio clamat? QVOD A FLAVIO ABSTVLERO, PARTEM DIMIDIAM INDE ROSCIO ME SOLVTVRVM SPONDEO. tua uox est Fāni. quid tu auferre potes à Flavio, si Flavius nihil debet? quid hic porrò nunc restipulatur, quod iam pridem ipse exegit? quid uero Flavius tibi daturus est, qui Roscio omne, quod debuit, dissoluit? cur in re tā ueteri, in negotio tā cōfecto, in societate dissoluta, noua hæc restipulatio interponitur? quis est huius restipulationis scriptor? testis? arbiter? quis? tu Piso: tu. n. Q. Rosciū pro opera, pro lae

ORATIO

bore, q̄ cognitor fuisset, q̄ uadimonia obisset, rogasti ut Fannio daret HS CCCIDDD hac conditione, ut, si quid ille exegisset à Flauio, partem eius dimidiam Roscio dissolueret. satis ne ista restipulatio dicere tibi uidetur aperte, Rosciū pro se decidisse? at enim forsitan hoc tibi ueniat in mētē, repromississe Fanniū Roscio, si quid à Flauio exegisset, eius partem dimidiam: sed omnino exegisse nihil. quid? tu nō exitum exactionis, sed initium repromissionis spectare debes: neq; si ille persequi noluit, non, quod in se fuit, iudicauit Roscium suas, nō societatis lites redemisse. quid, si tandem planum facio, post decisionem ueterem Rosci, post repromissionem recētem hanc Fanni, HS CCCIDDD Fannium à Q. Flauio Panurgi nomine abstulisse? tamen diutius illudere uiri optimi existimationi Q. Rosci audebit? paulo ante querebam, id quod uehemēter ad rem pertinebat, qua de causa Flauius, cum de tota lite faceret pactionem, neq; satis acciperet à Roscio, neq; iudicio absolueretur à Fannio. nunc uero (id quod mirū et incredibile est) requiro, quamobrē, cum de rota re decidisset cū Roscio, HS CCCIDDD separatim Fannio dissoluit. hoc loco Saturi quid pares respondere, scire cupio: utrū, omnino Fanniū à Flauio HS CCCIDDD nō abstulisse? an alio nomine, & alia de causa abstulisse? si alia de causa, quæ ratio tibi cum eo intercesserat? nulla. addictus erat tibi? non. frustra tempus cōtero: omnino, inquit, HS CCCIDDD à Flauio nō abstulit neq; Panurgi nomine, neq; cuiusquam. si planum facio post hanc recentem stipulationē Rosci HS CCCIDDD à Flauio te abstulisse: nūquid causæ est, quin ab iudicio abeas turpissime uictus? quo teste igitur hoc planum faciam? uenerat,

ut opinor, hæc res in iudicium? certe. quis erat petitor?
 Fannius. quis reus? Flavius. quis iudex? Cluvius. ex his
 unus mihi testis est producendus, qui pecuniam datam di-
 cat. quis est ex his gravissimus? sine controuersia, qui o-
 mnium iudicio comprobatus est, iudex. quem igitur ex his
 tribus à me testem spectabis? petitorum? Fannius est. con-
 tra se nunquam testimonium dicet. reum? Flavius est. is
 iam pridem est mortuus: si uiueret, uerba eius audire-
 tis. iudicem? Cluvius est. quid is dicit? HS CCCIDDD
 Panurgi nomine Flauium Fannio dissoluisse. quem tu si
 ex censu spectas, eques R. est: si ex uita, homo clarissimus
 est: si ex te, iudicem sumpisti: si ex ueritate, id, quod sci-
 re potuit & debuit, dixit. nega, nega nunc, equiti R. ho-
 mini honesto, iudici tuo, credi oportere. circūspicit, æstuat
 negat nos Cluij testimonium recitatuos. recitabimus.
 erras: inani, & tenui spe te cōsolaris. recita testimonium
 T. Manilij, et C. Lusciy Ocreæ, duorum senatorum, homi-
 num ornatissimorum, qui ex Cluuiō audierunt. utrum
 dicis, Lusciō & Manilio, an & Cluuiō non esse creden-
 dum? planius atq; apertius dicam. utrū Luscius & Ma-
 nilius nihil de HS CCCIDDD ex Cluuiō audierunt? an
 Cluuius falsum Lusciō & Manilio dixit? hoc ego loco,
 soluto & quieto sum animo: &, quorsum recidat re-
 sponsum tuum, non magnopere laboro: firmissimis
 enim, & sanctissimis testimonijs uirorum optimorum
 causa Rosciy communita est. si iam tibi deliberatum est,
 quibus abroges fidem iurisiurandi: responde. Mani-
 lio & Lusciō negas esse credendum? dic, aude, est tuæ
 contumaciæ, arrogantia, uitæq; uniuersæ uox. quid
 expectas, quàm mox ego Lusciū & Maniliū di-

ORATIO

cam ordine esse senatores, atate grandes natu, natura sanctos & religiosos, copiis rei familiaris locupletes, & pecuniosos? nō faciā: nihil mihi detrahā, cū illis exacte atatis seuerissime fructū, quē meruerūt, retribuā. magis mea adoleſcētia indiget illorū bona existimatione, q̄ illorum seuerissima senectus desiderat meā laudē. tibi uero Piso diu deliberādū, & cōcoquendū est, utrū potius Chereæ iniurato in sua lite, an Manilio & Luscio iuratis in alieno iudicio credas. Reliquū est, ut Cluuiū falsum dixisse Luscio & Manilio cōtēdat. quod si facit, qua impudēcia est? eum ne testem improbabit, quē iudicē probabit? ei negabit credi oportere, cui ipse crediderit? eius testis ad iudicē fidē infirmabit, cuius propter fidē & religionē iudicis testes cōparabat? quē ego si ferrē iudicē, refugere nō deberet: cū testē producā, reprehēdere audebit? dixit. n. inquit, iniuratus Luscio & Manilio. si diceret iuratus, crederes? at quid interest inter periurū, & mendacē? qui mētiri solet, peierare cōsuevit. quē ego, ut mētiatur, inducere possum; ut peieret, exorare facile poterō: nā qui semel a ueritate deflexit, hic nō maiore religione ad periuriū, q̄ ad mēdaciū perducī cōsuevit: quis enim deprecatione deorū, nō cōscientiæ fide cōmouetur? propterea, quæ pœna ab dijs immortalibus periuro, hac eadem mēdaci cōstitutā est: nō. n. ex pœtione uerborū, quibus iusiurandū cōprehēditur, sed ex perfidia & malitia, per quā insidie tēduntur alicui, dij immortales hominibus irasci, & succēdere cōsuerunt. at ego hoc ex contrario cōtendo. leuior esset auctoritas Cluuij, si diceret iuratus, quā nunc est, cū dicit iniuratus: tum enim forsitan improbis nimis cupidus uideretur, qui, qua de re

iudex

P
index
castissim
fuit. fam
sa patim
ut ipse
fere, &
conspic
calidus
Famili
et R. orn
cat dec
1000 d
hoc prim
fuit, quid
uenit ad
sumam
immo ab
capit
utis op
cum Fe
Hs ce
ille? eg
& sup
dy faci
laborem
quod era
numq; fi
si Hs m
petenti co
medius fu

iudex fuisset, testis esset: nunc omnibus inimicis necesse est
castissimus, & constantissimus esse uideatur, qui id, quod
scit, familiaribus suis dicit. dic nunc, si potes, si res, si cau-
sa patitur, Cluuium esse mentitum. mentitus est Cluui-
us? ipsa mihi ueritas manum iniecit, & paulisper consi-
stere, & commorari cogit. unde hoc totum ductum, et
conflatum mendacium est? Roscius est uidelicet homo
callidus & uersutus: hoc initio cogitare cepit: quonia
Fannius a me petit HS 1000, petam a C. Cluui equi-
te R. ornatissimo homine, ut mea causa mentiatur: di-
cat decisionem facta esse, quae facta non est: HS CCC-
1000 a Flavio data esse Fannio, quae data non sunt. est
hoc principium improbi animi, miseri ingenij, nullius co-
siliij. quid deinde? posteaquam se praeclare confirmauit,
uenit ad Cluuium, quem hominem? leuem? immo graui-
ssimum: mobilem? immo constantissimum: familiarem?
immo alienissimum. hunc posteaquam salutauit, rogare
cepit, blande & concinne scilicet: mentire mea causa,
uiris optimis tuis familiaribus praesentibus dic Flavium
cum Fannio de Panurgo decidisse, qui nihil transigit: dic
HS CCC1000 dedisse, qui assem nullum dedit. quid
ille? ego uero cupide & libenter mentiar tua causa:
&, si quando me uis peierare, ut paululum tu compen-
dy facias, paratum fore scito. non fuit causa, cur tantum
laborem caperes, & ad me uenires. per nuntium hoc,
quod erat tam leue, transigere potuisti. pro deum homi-
numque fidem: hoc aut Roscius unquam a Cluui petisset,
si HS millies in iudicium haberet: aut Cluuius Roscio
petenti concessisset, si uniuersae praedae particeps esset? uix
mediusfidius tu Fanni a Ballione, aut aliquo eius simili

Cic. Orat.

H

DIVINATIO

hoc postulare auderes, et impetrare posses: quod cum est
 ueritate falsum, tum ratione quoque est incredibile: obliui
 scor. n. Roscium & Cluuium uiros esse primarios: impro-
 bos, temporis causa esse fingo. falsum subornauit testem
 Roscius Cluuium: cur tam sero? cur, cum altera pensio
 soluenda esset; non tum, cum prima? nam iam antea HS
 IDDD dissoluerat. deinde, si iam persuasum erat Cluui
 ut mentiretur: cur potius HS CCCIDDD, q̄ CCCIDDD
 CCCIDDD CCCIDDD data dixit Fannio a Flauio, cum
 ex restipulatione pars eius dimidia Roscij esset? iam in-
 telligis C. Piso, sibi soli, societati nihil Roscium petisse. hoc
 eum sentit Saturius esse apertum, resistere, & repugna-
 re contra ueritatem nō audet: aliud fraudis & insidia-
 rum in eodem uestigio diuerticulum reperit. petisse, in-
 quit, suam partem Roscium a Flauio confiteor: uacua, &
 integram reliquisse Fannij, concedo: sed quod sibi exegit,
 id comune societatis factum esse cōtenda. quo nihil ca-
 ptiosius, neque indignius potest dici: quaro. n. potuerit ne
 Roscius ex societate suam partem petere, nec ne? si nō po-
 tuit: quemadmodum abstulit? si potuit: quemadmodum nō
 sibi exegit? nam quod sibi petitur, certe alteri nō exigi-
 tur. an ita est? si, quod uniuersae societatis fuisset, petisset:
 quod tum exactum esset, aequaliter omnes partirentur.
 nunc cum petierit quod sua partis esset: nō quod abstu-
 lit, soli sibi exegit? quid interest inter eum qui per se liti-
 gat, & qui cognitor est datus? qui per se litem conte-
 statur, sibi soli petit. alteri nemo potest, nisi qui cognitor
 est factus. ita ne uero? cognitor si fuisset tuus; quod uicis-
 set iudicio, ferres tuum. suo nomine petijt: quod abstulit,
 sibi, non tibi exegit. quod si quisquam petere potest alte-

ri, qui cognitor non est factus: quæro, quid ita, cum Pa-
nurgus esset interfectus, & lis contestata cum Flavio
damni iniuria effecti, tu in eam litem cognitor Rosci sis
factus? cum præsertim ex tua oratione, quodcunque ti-
bi peteres, huic peteres: quodcunque tibi exigeres, id in so-
cietatem recideret. quod si ad Roscium nihil perueni-
ret, quod tu à Flavio abstulisses, nisi te in suam litem de-
disset cognitorem: ad te pervenire nihil debet, quod Ro-
scius pro sua parte exegit, quoniam tuus cognitor non
est factus. quid enim huic rei respondere poteris Fanni?
cum de sua parte Roscius transegit cum Flavio, actio-
nem tibi tuam reliquit, an non? si non reliquit, quemad-
modum HS CCCIDDD ab eo postea exegisti? si reliquit,
quid ab hoc petis, quod per te persequi & petere debes?
simillima enim, & maxime gemina societas hereditatis
est. quemadmodum socius in societate habet partem: sic
heres in hereditate habet partem. ut heres sibi soli, non
coheredibus petit: sic socius sibi soli, non socijs petit: &
quemadmodum uterque pro sua parte petit, sic pro sua
parte dissolvit; heres ex sua parte, qua hereditatē adiit;
socius ex ea, qua societatem coijt. quemadmodum su-
am partem Roscius suo nomine condonare potuit Fla-
vio, ut eam tu non peteres: sic cum exegit suam par-
tem, & tibi integram petitionem reliquit, tecum par-
tiri non debet. nisi forte tu perverso more, quod huius
est, ab alio extorquere non potes, huic eripere potes.
perstat in sententia Saturius; quodcunque sibi petat so-
cius, id societatis fieri. quod si ita est: quæ (malum) stul-
titia fuit? Roscius qui ex iuris peritorum consilio &
auctoritate restipularetur à Fannio diligenter, ut, quod

ORATIO.

is exegisset à Flauio , dimidiam partem sibi dissolueret,
siquidem sine cautione, & repromissione nihilo minus id
Fannius societati, hoc est Roscio, debebat ?

desiderantur non pauca.

luno
sam r
babie
ponend
fuit
lis om
stare
mum
in me
rentu
blice
causa
sape
pore
defuta
sua, se
se ian
geret
res ex
ries in

ACCUSATIONIS IN C. VERREM
LIBER PRIMVS, QVI DIVI-
NATIO DICITVR.
ORATIO IIII.

S I QVIS uestrum iudices, aut eorū,
qui adsunt, forte miratur, me, qui tot
annos in causis iudicijsq; publicis ita
sim uersatus, ut defenderim multos, læ-
serim neminem, subito nūc mutata uo-
luntate ad accusandum descendere: is, si mei consilij cau-
sam rationemq; cognouerit, una & id, quod facio, pro-
babit, & in hac causa profecto neminem mihi esse præ-
ponendum auctorem putabit. Cum Quæstor in Sicilia
fuissem iudices, itaq; ex ea prouincia decessissem, ut Sici-
lis omnibus iucundam diuturnamq; memoriam Quæ-
sturæ nominisq; mei relinquerem: factū est, uti cū sum-
mum in ueteribus patronis multis, tum nonnullum etiā
in me præsidium suis fortunis constitutum esse arbitra-
rentur. qui nunc populati, atq; uexati, cuncti ad me pu-
blice sæpe uenerunt, ut suarum fortunarum omnium
causam defensionemq; susciperem. me sæpe esse pollicitū,
sæpe ostendisse dicebant, si quod tempus accidisset, quo tē-
pore aliquid à me requirerent, commodis eorum me nō
defuturum. uenisse tempus aiebant, non iam ut cōmoda
sua, sed ut uitam salutemq; totius prouinciæ defenderē:
sefe iam ne deos quidem in suis urbibus, ad quos confu-
gerēt, habere, quod eorum simulacra sanctissima C. Ver-
res ex delubris religiosissimis sustulisset: quas res luxu-
ries in flagitijs, crudelitas in supplicijs, auaritia in ra-

H ij

pinis, superbia in contumelijs efficere potuisset, eas omnes
sepe hoc uno Pratore per triennium pertulisse: rogare, et
orare, ne illos supplices aspernarer, quos me incolumi
nermini supplices esse oporteret. tuli grauiter, & acerbe
iudices, in eum me locum adductum, ut aut eos homines
spes falleret, qui opem à me, atq; auxilium expectassent;
aut ego, qui me ad defendendos homines ab ineunte ado
lescentia dedissem, tempore atq; officio coactus ad accu
sandum traducerer. dicebam, habere eos actorem Q.
Cecilium, qui praesertim Quaestor in eadem provincia
post me Quaestorem fuisset. quo ego adiumento spera
bam hanc à me molestiam posse dimoueri, id mihi erat
aduersarium maxime: nam illi multo mihi hoc facilius
remisissent, si istum non nossent, aut si iste apud eos Quae
stor non fuisset. adductus sum iudices officio, fide, mise
ricordia, multorum bonorum exemplo, ueteri consuetu
dine, institutoq; maiorum, ut onus hoc laboris, atq; offi
cij non ex meo, sed ex meorum necessariorum tempore
mihi suscipiendum putarem. quo in negotio tamen illa
me res iudices consolatur, quod haec, quae uidetur esse,
accusatio mea, non potius accusatio, quam defensio est
existimanda: defendo enim multos mortales, multas ci
uitates, provinciam Siciliam totam. quam ob rem si
mihi unus est accusandus, propemodum manere in
instituto meo uideor, & non omnino à defendendis
hominibus subleuandisq; discedere. quod si hanc cau
sam tam idoneam, tam illustrem, tam grauem non
haberem; si aut hoc à me siculi non petissent, aut
mihi cum siculis causa tanta necessitudinis non in
tercederet, & hoc, quod facio, me Reip. causa fa

cere profiterer, ut homo singulari cupiditate, audacia, scelere præditus, cuius furta atq; flagitia non in Sicilia solum, sed in Achaia, Asia, Cilicia, Pamphylia, Romæ denique ante oculos omnium maxima turpissimæq; nossemus, me agente in iudicium uocaretur: quis tandem esset, qui meum factum aut consilium posset reprehendere? quid est, pro deû hominumq; fidem, in quo ego Reip. plus hoc tempore prodesse possim: quid est, quod aut populo R. gratius esse debeat, aut socijs exterisq; nationibus optatius esse possit, aut saluti fortunisq; omnium magis accommodatum sit: populatæ, uexatæ, funditus euerse provincie: socij, stipendiarij; populi R. afflictî, miseri, iam non salutis spem, sed exitij solatium quærunt. qui iudicia manere apud ordinem senatorium uolunt, quæruntur accusatores se idoneos non habere. qui accusare possunt, iudiciorum seueritatem desiderant. populus R. interea, tametsi multis incommodis difficultatibusq; affectus est, tamen nihil æque in Rep. atque illam ueterem iudiciorum uim grauitatemq; requirit. iudiciorum desiderio tribunitia potestas efflagitata est. iudiciorum leuitate ordo quoque alius ad res iudicandas postulatur. iudicium culpa atque dedecore etiam censorium nomen, quod asperius antea populo uideri solebat, id nunc poscitur, id iam populare, atque plausibile factum est. in hac libidine hominum nocentissimorum, in populi R. quotidiana querimonia, iudiciorum infamia, totius ordinis offensione, cum hoc unum his tot incommodis remedium esse arbitrarer, ut homines idonei, atque integri causam Reip. legumq; susciperent: fateor me salutis omnium causa ad eam partem

H iij

DIVINATIO

accessisse Reip. subleuanda, quæ maxime laboraret. nunc, quoniam, quibus rebus adductus ad causam accesserim, demonstravi, dicendum necessario est de contentione nostra, ut in constituendo accusatore, quod sequi possitis, habeatis. Ego sic intelligo iudices: cum de pecuniis repetundis nomen cuiuspiam deferatur, si certamen inter aliquos sit, cui potissimum delatio detur, hæc duo in primis spectari oportere: quem maxime uelint actorem esse i, quibus factæ esse dicantur iniuriæ: & quem minime uelit is, qui eas iniurias fecisse arguatur. in hac causa iudices, tametsi utrunq; esse arbitror perspicuum, tamen de utroq; dicam, et de eo prius, quod apud nos plurimum debet ualere, hoc est de uoluntate eorum, quibus iniuriæ factæ sunt: quorum causa iudicium de pecuniis repetundis est constitutum. Siciliam prouinciam C. Verres per triennium depopulatus esse, Siculorum ciuitates uastasse, domos exinanisse, fana spoliasse dicitur. adsunt, queruntur Siculi uniuersi: ad meam fidem, quam habent spectatam iam, & diu cognitam, confugiunt: auxilium sibi per me à uobis atq; à populo R. legibus petunt: me defensorum calamitatum suarum, me ultorem iniuriarum, me cognitorum iuris sui, me actorem causæ totius esse uoluerunt. utrum Q. Cæcili hoc dices, me non Siculorum rogatu ad causam accedere, an optimorum fidelissimorumq; sociorum uoluntate apud hos graue esse non oportere: si id audebis dicere, quod C. Verres, cui te inimicum esse simulas, maxime existimari uult, Siculos hoc à me non petisse: primum causam inimici tui subleuabis: de quo non præiudicium, sed planè iudicium iam factum putatur, quod ita percrebruit, Siculos omnes actorem suæ causæ contra illius ini-

iurias quassisse. hoc si tu, inimicus eius, factum negabis, quod ipse, cui maxime hæc res obstat, negare non audet: uideo, ne nimium familiariter inimicitias exercere uidear. deinde sunt testes uiri clarissimi nostræ ciuitatis: quos omnes à me nominari non est necesse. eos, qui adsunt, appello: quos, si mentirer, testes esse impudentiæ meæ minime uelle. scit is, qui est in consilio, C. Marcellus: scit is, quæ adesse uideo, Cn. Lentulus Marcellinus: quorum fide atque præsidio Siculi maxime nituntur, quod omnino Marcellorum nomini tota illa prouincia adiuncta est. hi sciunt, hoc non modo à me petitiu esse, sed ita saepe, et ita uehementer esse petitiu, ut aut causa mihi suscipienda fuerit, aut officiu necessitudinis repudiandum. sed quid ego his testibus utor? quasi res dubia aut obscura sit. adsunt homines ex tota prouincia nobilissimi, qui præsentibus uos orant atque obsecrant iudices, ut in actore causæ suæ diligendo uestru iudiciu à suo iudicio ne discrepet. omniu ciuitatu totius Siciliæ legationes adsunt, præter duas ciuitates: quarum duaru si adessent, duo crimina uel maxima minuerentur, quæ cum his ciuitatibus C. Verri comunicata sunt. at enim cur à me potissimu hoc præsidiu petiuerunt? si esset dubiu, petissent à me præsidiu, nec ne: dicere, cur petissent. nunc uero, cum id ita perspicu sit, ut oculis iudicare possitis: nescio, cur hoc mihi detrimento esse debeat. si id mihi obiciatur, me potissimum esse delectum. uerum id mihi non sumo iudices, et hoc non modo in oratione mea non pono, sed ne in opinione quidem cuiusquam relinquo, me omnibus patronis esse præpositum. non ita est: sed uniuscuiusque, temporis, ualitudinis, facultatis ad agendum, ducta ratio est. mea fuit semper hæc in hac re uoluntas, et sen-

DIVINATIO

tentia, quemuis ut hoc mallent, de his qui essent idonei, suscipere, quam me; me ut mallent, quam neminem. Reliquum est iam, ut illud queramus, cum hoc constet, Siculos à me petisse: ecquid hanc rem apud uos, animosq; uestros ualere oporteat, ecquid auctoritatis apud uos in suo iure repetendo socij populi R. supplices uestri habere debeant, de quo quid ego plura comemorem? quasi uero dubium sit, quin tota lex de pecunijs repetundis sociorum causa constituta sit. nam ciuibus cum sunt ereptae pecuniae, ciuili ferè actione, & priuato iure repetuntur. haec lex socialis est: hoc ius nationum exterarum est, hanc habent arcem, minus aliquanto nunc quidem munitam quam antea: uerūtamen, si qua reliqua spes est, quae sociorum animos consolari possit, ea tota in hac lege posita est. cuius legis non modo à populo R. sed etiam ab ultimis nationibus iampridem seueri custodes requiruntur. quis igitur est, qui neget oportere eorum arbitratu lege agi, quorum causa lex sit constituta? Sicilia tota, si una uoce loqueretur, hoc diceret: quod auri, quod argenti, quod ornamentorum in meis urbibus, sedibus, delubris fuit, quod in unaquaq; re beneficio senatus populiq; R. iuris habui, id mihi tu C. Verres eripuisti, atq; abstulisti. quo nomine abs te sestertiū millies ex lege repeto. si uersa, ut dixi, prouincia loqui posset, hac uoce uteretur. quoniam id nō poterat, harum rerū actorem quem idoneum esse arbitrata est, ipsa delegit. in huiusmodi re quisquam tam impudens reperietur, qui ad alienam causam inuitis ijs, quorum negotium est, accedere, aut aspirare audeat? si tibi Q. Caeli hoc Siculi dicerent; te non nouimus, nescimus, qui sis, nunquam te antea uidi-

mus; sine nos per eum nostras fortunas defendere, cuius fides est nobis cognita: non ne id dicerent, quod cuius probare deberent? nunc hoc dicunt, utrumque se nosse, alterum se cupere defensorem esse fortunarum suarum, alterum planè nolle. cur nolint, etiam si tacent, satis dicunt. verum nò tacent. tamen his inuitissimis te offeres? tamen in aliena causa loquere? tamen eos defendes, qui se ab omnibus desertos potius, quàm abs te defendi esse malunt? tamen his operam tuam pollicebere, qui te neque uelle sua causa, nec, si cupias, posse arbitrantur? cur eorum spem exiguam reliquarum fortunarum, quàm habent in legis et iudicii seueritate positam, ui extorquere conaris? cur te interponis inuitissimis uis, quibus maxime lex consultum esse uult? cur, de quibus in provincia non optime es meritis, eos nunc planè fortunis omnibus conaris euertere? cur uis non modo persequendi iuris sui, sed etiam deploranda calamitatis adimis potestatem? nam te actore quem eorum affuturum putas, quos intelligis, non ut per te alium, sed ut per aliquem te ipsum ulciscantur, laborare? At enim solum id est, ut me Siculi maxime uelint: alterum illud credo obscurum est, à quo Verres minime se accusari uelit. ecquis unquam tam palàm de honore, tam uehementer de salute sua contendit, quàm ille atque illius amici, ut ne hæc mihi delatio detur? sunt multa, quæ Verres in me esse arbitratur, quæ scit in te Q. Cæcili nò esse: quæ cuiusmodi in utroque nostrum sunt, paulo post comemorabo. nunc tantum id dicam, quod tacitus tu mihi assentiare: nullam rem in me esse, quàm ille conténat; nullam in te, quàm pertimescat. itaque magnus ille defensor,

DIVINATIO

et amicus eius tibi Hortensius suffragatur, me oppugnat: aperte ab iudicibus petit, ut tu mihi antepone: Et ait, hoc se honeste, sine ulla invidia, ac sine ulla offensione contendere: non enim, inquit, illud peto, quod soleo, cum uehementius contendere, impetrare; reus ut absoluaatur; non peto: sed ut ab hoc potius, quam ab illo accusetur, id peto. da mihi hoc: concede, quod facile est, quod honestum, quod non inuidiosum: quod cum dederis, sine ullo tuo periculo, sine infamia illud dederis, ut is absoluaatur, cuius ego causa laboro. Et ait idem, ut aliquis metus adiunctus sit ad gratiam; certos esse in consilio, quibus ostendi tabellas uelit: id esse perfacile: non enim singulos ferre sententias, sed uniuersos constituere: ceratam unicuique tabellam dari cera legitima, non illa infami ac nefaria. atque is non tam propter Verrem laborat, quam quod eum minime res tota delectat: uidet enim, si a pueris nobilibus, quos adhuc elusit, si a quadruplatoribus, quos non sine causa contempsit semper, ac pro nihilo putauit, accusandi uoluntas ad uiros fortes, spectatosque homines translata sit, se in iudicijs dominari non posse. huic ego homini iam ante denuncio: si a me causam hanc uos agi uolueritis, rationem illi defendendi totam esse mutandam, et ita tamen mutandam, ut meliore et honestiore conditione sit, quam qua ipse esse uult; ut imitetur homines eos, quos ipse uidit, amplissimos, L. Crassum, et M. Antonium, qui nihil se arbitrabantur ad iudicia causasque amicorum praeter fidem, et ingenium asferre oportere. nihil erit, quod me agente arbitretur iudicium sine magno multorum periculo posse corrumpi. ego in hoc iudicio mihi siculorum causam receptam, populi R. susceptam esse arbitror: ut mihi non unus homo im-

probi
omni
gita
am
qui
quo
quod
bi
uic
iudic
nate
gum
quom
esse
aliqu
peti
innoc
rendu
no
illud
a
dem
actore
non
quidem
cio
le
qua
liter
esse

probus opprimendus sit, id quod Siculi petierunt, sed
 omnino omnis improbitas, id quod populus R. iā diu fla-
 gitat, extinguenda atq; delenda sit. in quo ego quid eniti;
 aut quid efficere possim, malo in aliorum spe relinquere,
 quā in oratione mea ponere. Tu uero Cæcili quid potes?
 quo tēpore, aut qua in re non modo specimen ceteris ali-
 quod dedisti, sed tute tui periculum fecisti? in mētem tibi
 nō uenit, quid negotij sit, causam publicam sustinere?
 uitā alterius totā explicare? atq; eā non modo in animis
 iudicium, sed etiam in oculis, conspectuq; omnium expo-
 nere? sociorum salutem, cōmoda prouinciarum, uim le-
 gum, gravitatem iudiciorū defendere? cognosce ex me,
 quoniā hoc primū tempus discendi nactus es, q̄ multa
 esse oporteat in eo, qui alterū accuset: ex quibus si unum
 aliquod in te cognoueris, ego iam tibi ipse istuc, quod ex-
 petis, mea uoluntate concedam. primū integritatem atq;
 innocētiā singularem: nihil est enim, quod minus fe-
 rendum sit, q̄ rationem ab altero uitæ reposcere eū, qui
 nō possit suæ reddere. hic ego de te plura nō dicam: unū
 illud credo omnes animaduvertere, te adhuc ab nullis nisi
 à Siculis potuisse cognosci: Siculos hoc dicere, cum ei-
 dem sint irati, cui tu te inimicum esse dicis, sese tamen te
 actore ad iudicium non affuturos. quare negent, ex me
 non audies: hos patere id suspicari, quod necesse est. illi
 quidem, ut est hominum genus nimis acutum et suspi-
 ciosum, nō te ex Sicilia literas in Verrem deportare uel-
 le arbitrantur, sed, cum iisdem literis illius Prætura, et
 tua Quæstura consignata sit, asportare te uelle ex Sicilia
 literas suspicantur. deinde accusatorem firmū, uerumq;
 esse oportet, cum ego si te putem cupere esse, facile intel-

D I V I N A T I O

ligo esse non posse. nec ea dico, quæ si dicam, tamen infr-
 mare non possis: te, antequam de Sicilia decesseris, in gra-
 tiam redisse cum Verre: Potamonem scribam, & fami-
 liarem tuum retentum esse à Verre in prouincia, cum tu
 decederes: M. Cæcilium fratrem tuum, lectissimum, atq;
 ornatissimū adolescentem, non modo non adesse, neq; te-
 cum tuas iniurias persequi, sed esse cum Verre, cum illo
 familiarissime atq; amicissime uiuere. sunt hæc, et alia in
 te falsi accusatoris signa permulta: quibus ego nunc nō
 utor. hoc dico, te, si maxime cupias, tamen uerum accu-
 satores esse non posse: uideo enim permulta esse crimi-
 na, quorum tibi societas cum Verre eiusmodi est, ut ea in
 accusando attingere non audeas. Queritur Sicilia tota
 C. Verrem ab aratoribus, cum frumentum sibi in cellam
 imperauisset, & cum esset tritici modius HS II, pro fru-
 mento in modios singulos duodenos sestertios exegisse.
 magnum crimen, ingens pecunia, furtum impudens, in-
 iuria nō ferenda. ego hoc uno crimine illum cōdemnem
 necesse est. tu Cæcili quid facies? utrum hoc tantum cri-
 men prætermittes, an obicies? si obicies: id ne alteri cri-
 mini dabis, quod eodem tempore in eadem prouincia tu
 ipse fecisti? audebis ita accusare alterum, ut, quo minus
 tute cōdemnere, recusare nō possis? si prætermittes, qua-
 lis erit ista tua accusatio? quæ domestici periculi metu,
 certissimi & maximi criminis nō modo suspicionem, ue-
 rum etiā mentionem ipsam pertimescat. emptum est ex
 S. C. frumentum ab Siculis Prætor Verre, pro quo fru-
 mento pecunia omnis soluta nō est. graue est hoc crimen
 in Verrem, graue me agente, te accusante nullum: eras
 enim tu Quæstor, pecuniā publicā tu tractabas: ex qua,

etiam
 gra
 nis te
 mo
 de Ca
 si qui
 po a
 hoc Ve
 Quæ
 quod
 tum
 no
 esset
 com
 istius
 re suo
 delat
 nobis
 sed ne
 si tibi
 cedo
 cimus
 tur, q
 uide, q
 nem. e
 datur
 re pote
 qua ex
 li? con
 sa susti

etiam si cuperet Prator, tamē, nequa deductio fieret, magna ex parte tua potestas erat. huius quoque igitur criminis te accusante metio nulla fiet. sillebitur toto iudicio de maximis, & notissimis illius furtis, & iniurijs. mihi crede Cæcili, non potest in accusando, socios uere defendere is, qui cum reo criminum societate cōiunctus est. mancipēs à ciuitatibus pro frumento pecuniā exegerunt. quid? hoc Verre Pratore factum est solum? non, sed etiam Quæstore Cæcilio. quid igitur? daturus es huic crimini, quod & potuisti prohibere ne fieret, & debuisti? an totum id relinques? ergo id omnino Verres in iudicio suo nō audiet, quod cum faciebat, quemadmodū defensurus esset, nō reperiebat. atque ego hæc, quæ in medio posita sūt, cōmemoro. sunt alia magis occulta furtiva: quæ ille, ut istius credo animos, atque impetus retardaret, cū Quæstore suo benignissime cōmunicauit. hæc tu scis ad me esse delata: quæ si uelim proferre, facile omnes intelligent, uobis inter uos nō modo uoluntatem fuisse cōiunctam, sed ne prædam quidem adhuc esse diuisam. quapropter si tibi iudicium postulas dari, quod tecum unā fecerit: concedo, si id lege permittitur. sin autem de accusatione dicimus: cōcedas oportet ijs, qui nullo suo peccato impediuntur, quo minus alterius peccata demonstrare possint. ac uide, quantum intersuturū sit inter meā, atque tuā accusatio nem. ego, etiā quæ tu sine Verre cōmisisti, Verri crimini daturus sum, quod te nō prohibuerit, cū summā ipse haberet potestatem. tu contra, ne quæ ille quidē fecit, obijcies, nequa ex parte cōiunctus cum eo reperiare. quid illa Cæcili? contemnenda ne tibi uidentur esse? sine quibus causa sustineri, præsertim tanta, nullo modo potest. aliqua

DIVINATIO.

facultas agendi, aliqua dicendi consuetudo; aliqua in foro, iudicijs, legibus aut ratio, aut exercitatio. intelligo, q̄ scopuloso, difficiliq; in loco uerser: nā cum omnis arrogantia odiosa est, tum illa ingenij, atq; eloquentiæ multo molestissima. quamobrem nihil dico de meo ingenio; neq; est, quod possim dicere; neq; si esset, dicerem: aut enim id mihi satis est, quod est de me opinionis, quicquid est: aut, si id parū est, ego maius id cōmemorando facere nō possum. de te Cæcili iam mehercule hoc extra hanc cōtentionem certamenq; nostrum familiariter tecum loquar. tu ipse quemadmodum existimes, uide etiam, atq; etiam: Et tu te collige: Et, qui sis, Et quid facere possis, considera. putas ne te posse de maximis, acerbissimisq; rebus, cū causam sociorū, fortunasq; provinciae, ius populi R. grauitatem iudicii, legumq; suscepis, tot res, tam uarias, uoce, memoria, cōsilio, ingenio sustinere? putas ne te posse, quæ C. Verres in Questura, quæ in Legatione, quæ in Prætura, quæ Romæ, quæ in Italia, quæ in Achaia Asia, Pamphyliaq; patrarit, ea, quemadmodum locis, tēporibusq; diuisa sint, sic criminibus Et oratione distinguere? putas ne posse, id quod in eiusmodi reo maxime necessarium est, facere, ut, quæ ille libidinosè, quæ crudeliter fecerit, ea æque acerba Et indigna uideantur esse ijs, qui audient, atq; illis uisa sunt, qui senserunt? magna sunt ea, quæ dico. mihi, mihi crede, noli hæc contēnere. dicenda, demonstranda, explicāda sunt omnia: causa nō solum exponenda, sed etiam grauitèr copiosèq; agenda est: perficiendū est, si quid agere aut perficere uis, ut homines te nō solum audiant, uerum etiā libenter studio seq; audiant. in quo si te multū natura adiunxerit, si opti-

mis à

mis à
elabor
Romæ
tam
mem
uirtut
omni
magn
hæc p
non p
ab his
quæ co
quæ
sciunt
nemo
temp
dis
sem
prop
citari
sed e
copit
curfu
dici
infam
mea
timeo
fensiq
rerum
cogita

mis à pueritia disciplinis atq; artibus studuisses, & in his elaborasses, si literas græcas Athenis, nō Lilybæi, latinas Romæ, non in Sicilia didicisses: tamen esset magnum, tantam causam, tam expectatā & diligentia consequi, & memoria complecti, & oratione exponere, & uoce, & uiribus sustinere. fortasse dices, quid? ergo hæc in te sunt omnia? utinam quidem essent: uerūtamen, ut esse possent, magno studio mihi à pueritia est elaboratum. q̄ si ego hæc propter magnitudinem rerū, ac difficultatē assequi non potui, qui in omni uita nihil aliud egi: q̄ longe tu te ab his rebus abesse arbitrare, quas non modo antea nunquā cogitasti, sed ne nunc quidem, cū in eas ingrederis, quæ & quantæ sint, suspicari potes? ego, qui, sicut omnes sciunt, in foro iudicysq; ita uerser, ut eiusdem ætatis aut nemo, aut pauci plures causas defenderint, & qui omne tempus, quod mihi ab amicorū negotijs datur, in his studijs, laboribusq; consumā, quo paratior ad usum forenssem, promptiorq; esse possim: tamen ita deos mihi uelim propitios, ut, cū illius diei mihi uenit in mentem, quo die citato reo mihi dicendum sit, non solū cōmoueor animo, sed etiam toto corpore perhorresco. iam nunc mente, & cogitatione prospicio, quæ tum studia hominum, qui cōcursus futuri sint, quantā expectationem magnitudo iudicij sit allatura, quantā auditorū multitudinē C. Verris infamia concitatura, quantā deniq; audientiam orationi meæ improbitas illius facturā sit. quæ cū cogito, iā nunc timeo, quidnā pro offensione hominū, qui illi inimici, infensiq; sunt, & expectatione omnium, & magnitudine rerum dignū eloqui possim. tu horum nihil metuis, nihil cogitas, nihil laboras: & si quid ex uetere aliqua oratio=

Cic. Orat.

I

D I V I N A T I O

ne; I O V E M ego Optimū Maximū; aut, V E L L E M;
 si fieri potuisset iudices; aut aliquid eiusmodi ediscere po-
 tueris; præclare te paratū in iudiciū uenturū arbitra-
 ris. ac si nemo tibi respōsurus esset, tamē ipsam causam,
 ut ego arbitror, demonstrare nō posses. nunc ne illud qui-
 dem cogitas, tibi cū homine disertissimo, & ad dicendū
 paratissimo futurū esse certamen? quicum modo differē-
 dū, modo omni ratione pugnandū, certandumq; sit. cu-
 ius ego ingeniū ita laudo, ut nō pertimescam: ita probo,
 ut me ab eo delectari facilius, q̄ decipi putem posse. nun-
 quam ille me opprimet consilio: nunq̄ ullo artificio per-
 uertet: nunq̄ ingenio me suo labefactare atq; infirmare
 conabitur: noui omnes hominis petitiones, rationesq; dicē-
 di: sæpe in iisdem, sæpe in cōtrarijs causis uersati sumus.
 ita contra me ille dicet, quāuis sit ingeniosus, ut nonnul-
 lū etiam de suo ingenio iudiciū fieri arbitretur. te uero
 Cæcili quemadmodum sit elusurus, quā omni ratione
 iactaturus, uidere iam uideor: quoties ille tibi potestātē
 optionemq; facturus sit, ut eligas utrū uelis; factū esse,
 nec ne; uerū esse, an falsum: utrū dixeris, id cōtra te futu-
 rum. qui tibi æstus, qui error, quæ tenebræ diu immor-
 tales erunt, homini minime malo? quid, cum accusationis
 tuæ membra diuidere cœperit, & in digitis suis singu-
 las partes causæ constituere? quid, cum unūquodq; trāsfi-
 gere, expedire, absolueret? ipse profecto metuere incipies,
 ne innocenti periculum facefferis. quid, cum commiserari,
 conqueri, & ex illius inuidia deonerare aliquid, & in
 te traicere cœperit? commemorare Quæstoris cum Præ-
 tore necessitudinem constitutam? morem maiorum? sor-
 tis religionem? poteris ne eius orationis subire inuidiam?

uide modo, etiam atq; etiam considera : mihi. n. uidetur
 periculū fore, ne ille non modo uerbis te obruat, sed ge=
 stu ipso ac motu corporis præstringat acie ingenij tui,
 teq; ab institutis tuis, cogitationibusq; abducatur. atq; hu=
 iusce rei iudiciū iam continuo uideo futurū . si. n. mihi
 hodie respondere ad hæc, quæ dico, potueris; si ab isto li=
 bro, quem tibi magister ludi nescio quis ex alienis oratio=
 nibus compositū dedit, uerbo uno discesseris: posse te et il=
 li quoq; iudicio non deesse, & causæ atq; officio tuo sa=
 tisfacere arbitrabor . sin mecum in hac prolusione nihil
 fueris, quem te in ipsa pugna cum acerrimo aduersario
 fore putemus? esto: ipse nihil est, nihil potest: at uenit pa=
 ratus cū subscriptoribus exercitatis & disertis. est tamē
 hoc aliquid, tametsi non est satis: omnibus. n. rebus is, qui
 princeps in agendo est, ornatissimus et paratissimus esse
 debet. uerūtamen L. Apuleium esse uideo proximū sub=
 scriptorem, hominem nō ætate, sed usu forensi atq; exer=
 citatione tyronem. deinde, ut opinor, habet Allienū, hunc
 tamen à subsellis: qui quid in dicendo possit, nunquam
 satis attendi : in clamando quidem uideo eum esse bene
 robustum atq; exercitatum. in hoc spes tuæ sunt omnes.
 hic, si tu eris actor constitutus, totum iudicium sustine=
 bit. ac ne is quidem tantum contendet in dicendo, quan=
 tum potest; sed consulet laudi & existimationi tuæ, et ex
 eo, quod ipse potest in dicendo, aliquantum remittet, ut
 tu tamen aliquid esse uideare . ut in actoribus Græcis
 fieri uidemus; sæpe illum, qui est secundarum, aut tertia=
 rum partiū, cum possit aliquanto clarius dicere, quàm
 ipse primarum, multum summittere, ut ille princeps
 quāmaxime excellat: sic faciet Allienus, tibi seruiet, tibi

DIVINATIO

lenocinabitur: minus aliquanto contendet, q̄ potest. iam hoc considerate, cuiusmodi accusatores in tanto iudicio simus habituri, cum et ipse Allienus ex ea facultate, si quā habet, aliquantum detracturus sit, & Cæcilius tum denique se aliquid futurum putet, si Allienus minus uehemens fuerit, & sibi primas in dicēdo partes concefferit. quartum quem sit habiturus, non uideo, nisi quem forte ex illo grege oratorū, qui subscriptionē sibi postularunt, cuicumq; uos delationem dedissetis. ex quibus alienissimis hominibus ita paratus uenis, ut tibi hospes aliquis sit recipiendus. quibus ego non sum tantum honorem habiturus, ut ad ea, quæ dixerint, certo loco, aut singulatim unicuiq; respondeā. sic breuiter, quoniā non consulto, sed casu in eorum mentionem incidi, quasi præteriens satisfaciam uniuerfis. tanta ne uobis inopia uideor esse amicorum, ut mihi non ex his, quos mecum adduxerim, sed de populo subscriptor addatur? uobis autem tanta inopia reorum est, ut mihi causam præripere conemini potius, q̄ aliquos à columna Menia uestri ordinis reos reperiat? custodē, inquit, Tullio me apponite. quid? mihi q̄ multis custodibus opus erit, si te semel ad meas capsas admittero? qui, non solum ne quid enunties, sed etiam ne quid auferas, custodiendus sis. sed de isto custode toto sic uobis breuissime respondebo: non esse hos tales uiros cōmissuros, ut ad causam tantam à me susceptam, mihi credi tam quisquam subscriptor me inuito aspirare possit: etenim fides mea custodem repudiat, diligentia speculato-rem reformidat. uerum ut ad te Cæcili redeam, quàm multa te deficiant, uides: quàm multa sint in te, quæ reus nocens in accusatore suo cupiat esse, profecto iam in-

tellig
dictu
spont
nere
bum
ctus
esset u
illi an
li ule
inior
gis, u
ta. &
debeat
se, cum
is uelit
mam
macti
censu
sum
opis
fer
tur
is e
rem
tibi
mos
id qu
tur, q
me
profa

telligis. quid ad hæc dici potest? non enim quæro, quid tu dicturus sis. uideo, mihi non te, sed hunc librum esse responsurum, quem monitor tuus hic tenet. qui si recte monere uolet, suadebit tibi, ut hinc discedas, neque mihi uerbum ullum respondeas: quid enim dices? an id, quod dicitas, iniuriam tibi fecisse Verrem? arbitror: neque enim esset uerisimile, cum omnibus Siculis faceret iniurias, te illi unum eximium, cui consuleret, fuisse. sed ceteri Siculi ultorem suarum iniuriarum inuenerunt: tu, dum tuas iniurias per te, id quod non potest, persequi conaris, id agis, ut ceterorum quoque iniuriæ sint impunitæ atque inultæ. Et hoc te præterit, non id solum spectari solere, qui debeat, sed etiam illud, qui possit ulcisci: in quo utrumque sit, cum superiorem esse in quo alterum, in eo, non quid is uelit, sed quid facere possit, quæri solere. quod si ei potissimum censes permitti oportere accusandi potestatem, cui maximam C. Verres iniuriam fecerit: utrum tandem censes hos iudices grauius ferre oportere; te ab illo esse læsum, an provinciam Siciliam esse uexatam ac perditam? opinor, concedis, multo hoc esse grauius, Et ab omnibus ferri grauius oportere. concede igitur, ut tibi anteponatur in accusando provincia: nam provincia accusat, cum is agit causam, quem sibi illa defensorem sui iuris, ultorem iniuriarum, actorem totius causæ adoptauit. at eam tibi C. Verres fecit iniuriam, quæ ceterorum quoque animos posset alieno incommodo commouere. minime: nam id quoque ad rem pertinere arbitror, qualis iniuria dicatur, quæ causa inimicitiarum proferatur. cognoscite ex me: nam iste eam profecto, nisi planè nihil sapit, nunquam proferet. Agonis est quædam Lilybatana, liberta Ve-

DIVINATIO

neris Erycina, quæ mulier ante hunc Quæstorem copiosa planè & locuples fuit. ab hac præfectus Antonij quidam symphoniacos seruos abducebat per iniuriam, quibus se in classe uti uelle dicebat. tum illa, ut mos in Sicilia est omnium Venericorum, & eorum qui à Veneris se liberauerunt: ut præfecto illi religionem Veneris, nomenq; obijceret, dixit & se, & omnia sua Veneris esse. ut hoc Quæstori Cæcilio uiro optimo, & homini æquissimo nuntiatum est: uocari ad se Agonidem iubet: iudicium dat statim, si pateret eam se, & sua Veneris esse dixisse. iudicant Recuperatores id, quod necesse erat: neque enim erat cuiquam dubium, quin illa dixisset. iste in possessionem bonorum mulieris mittit: ipsam Veneri in seruitutem adiudicat: deinde bona uendit: pecuniam redigit. ita dum pauca mancipia Veneris nomine Agonis ac religione retinere uult, fortunas omnes libertatemq; suam istius iniuria perdidit. Lilybæū Verres uenit postea: rem cognoscit: factum improbat: cogit Quæstorem suum pecuniam, quam ex Agonidis bonis redegisset, eam mulieri omnem adnumerare & reddere. est adhuc, id quod uos omnes admirari uideo, nō Verres, sed Q. Murius: quid enim facere potuit elegātius ad hominum estimationem? æquius ad leuandam mulieris calamitatem? uehementius ad Quæstoris libidinem coercendam? summe hæc omnia mihi uidentur esse laudanda. sed repente è uestigio ex homine, tanquam aliquo Circæo poculo, factus est Verres: redit ad se, atq; ad mores suos: nam ex illa pecunia magnam partem ad se auertit: mulieri reddidit, quantulum uisum est. hic tu si læsum te à Verre esse dices, patiar, & concedam: si iniuriam tibi factam que-

veris
Ela
et
in
quid
ca
sed
lis
Ela
qua
nisi
illius
uic
scip
am
deri
as
uic
Eti
sta
ren
qu
am
rat
scel
sit
te
quid
rebu
opor

veris, defendam, et negabo. deinde de iniuria, quæ tibi fa-
 cta sit, neminem nostrum grauiorem uindicem esse oportet,
 quam te ipsum, cui facta dicitur. si tu cum illo postea
 in gratiam redisti, si domi illius aliquoties fuisti, si ille apud
 te postea cenauit: utrum, te perfidiosum, an prauari-
 catorem existimari mauis? uideo esse necesse alterutrum.
 sed ego tecum in eo non pugnabo, quo minus, utrum ue-
 lis, eligas. quid, si ne iniuriæ quidem, quæ tibi ab illo fa-
 cta sit, causa remanet? quid habes, quod possis dicere,
 quam ob rem non modo mihi, sed cuiquam antepone-
 nisi forte illud, quod dicturum te esse audio: Quæstorē
 illius fuisse. quæ causa grauis esset, si certares mecum,
 uter nostrum illi amicior esse deberet. in contentione su-
 scipiendarum inimicitiarum ridiculum est putare, cau-
 sam necessitudinis ad inferendum periculum iustam ui-
 deri oportere: etenim si plurimas à tuo Pratore iniuri-
 as accepisses, tamen eas ferendo maiorem laudem, quam
 ulciscendo mererere: cum uero nullum illius in uita re-
 ctius factum sit, quam id quod tu iniuriam appellas; hi
 statuent, hanc causam, quam ne in alio quidem proba-
 rent, in te iustam ad necessitudinem uiolandam uideri?
 qui si summam iniuriam ab illo accepisti: tamen, quoni-
 am Quæstor eius fuisti, non potes eum sine ulla uitupe-
 ratione accusare. si uero nulla tibi facta est iniuria: sine
 scelere eum accusare non potes. quare cum incertum
 sit de iniuria: quenquam esse horum putas, qui non malit
 te sine uituperatione, quam cum scelere discedere? at uide,
 quid differat inter meam opinionem, ac tuam. tu cum omnibus
 rebus inferior sis, hac una in re te mihi anteferri putas
 oportere, quod Quæstor illius fueris. ego, si superior ceteris

DIVINATIO

rebus esses, te hāc unā ob causam accusatorē repudiari putare oportere: sic. n. a' maioribus nostris accepimus, Prætorem Quæstori suo parentis loco esse oportere, nullam neq; iustiores, neq; grauiorem causam necessitudinis posse reperiri, q̄ coniunctionem sortis, q̄ prouinciæ, q̄ officij, q̄ publicam muneris societatem. quam ob rem si iure eum possis accusare, tamen, cum is tibi parentis numero fuisset, id pie facere non posses. cum uero neq; iniuriam acceperis, & Prætori tuo periculum crees: fatearis, necesse est, te illi iniustum impiumq; bellum inferre conari. etenim ista Quæstura ad eam rem ualet, ut elaborandum tibi in ratione reddenda sit, quamobrem, qui Quæstor eius fueris, accuses: non ut ob eam ipsam causam postulandum sit, ut tibi potissimum accusatio detur. neq; ferè unquam uenit in contentionem de accusando qui Quæstor fuisset, quin repudiaretur. itaq; neque L. Philoni in C. Seruiliū nominis deferendi potestas est data, neq; M. Aurelio Scauro in L. Flaccum, neq; Cn. Pompeio in T. Albutium: quorum nemo propter indignitatem repudiatus est, sed ne libido uiolandæ necessitudinis auctoritate iudicium comprobaretur. atq; ille Cn. Pompeius ita cum C. Iulio contendit, ut tu mecum: Quæstor enim Albutij fuerat, ut tu Verris. Iulius hoc secum auctoritatis ad accusandum afferebat, quod ut hoc tempore nos ab Siculis, sic tum ille ab Sardis rogatus ad causam accesserat. semper hæc causa plurimum ualuit: semper hæc ratio accusandi fuit honestissima, pro socijs, pro salute prouinciæ, pro exterarum nationum commodis inimicitias suscipere, ad periculum accedere, operam, studiū, laborem interponere. etenim si probabilis est eorū

causa, quæ
ri suo, no
honestior,
ca esse deb
atq; amico
nuper cum
tissimus L.
tra Q. C.
susceptas
Pisonis na
ma, quod
cum lex ip
corum pop
rum legis in
quem actor
sarium po
mor aram
uideri deb
stior com
fueram, q
me deora
sani roga
unius sa
dubitare q
sa, apud q
stor fueris,
poribus op
ducebant, a
nibus, quæ
rias propu

causa, qui iniurias suas persequi uolunt, qua in re dolore suo, non Reip. commodis seruiunt: quanto illa causa honestior, quæ nō solum probabilis uideri, sed etiam grata esse debet; nulla priuatim accepta iniuria, sociorum atq; amicorum populi R. dolore atq; iniurijs cōmoueri? nuper cum in P. Gabinium uir fortissimus & innocentissimus L. Piso delationem nominis postularet, & contra Q. Cæcilius peteret, isq; se ueteres inimicitias iādiu susceptas persequi diceret: cum auctoritas & dignitas Pisonis ualebat plurimum, tum illa erat causa iustissima, quòd eum sibi Achæi patronum adoptarant: etenim cum lex ipsa de pecunijs repetundis sociorum, atq; amicorum populi R. causa comparata sit; iniquum est, non eum legis iudiciq; actorem idoneum maxime putari, quem actorem causæ suæ socij, defensoremq; fortunarū suarum potissimum esse uoluerunt. an quod ad cōmemorandum est honestius, id ad probandum non multo uideri debet æquius? utra igitur est splēdidior, utra illu-
strior commemoratio? accusaui eum, quicum Quæstor fueram, quicum me sors cōsuetudoq; maiorum, quicum me deorum hominumq; iudicium coniunxerat: an, accusaui rogatu sociorum atq; amicorum? delectus sum ab uniuerſa provincia, qui eius iura fortunasq; defenderē. dubitare quisquam potest, quin honestius sit, eorum causa, apud quos Quæstor fueris, quàm eum, cuius Quæstor fueris, accusare? clarissimi uiri nostræ ciuitatis, temporibus optimis, hoc sibi amplissimum pulcherrimumq; ducebant, ab hospitibus clientibusq; suis, ab exteris nationibus, quæ in amicitiam populi R. ditionemq; essent, iniurias propulsare, eorumq; fortunas defendere. M. Cato =

DIVINATIO

nem illum sapientem, clarissimū uirū, & prudentissimū, cum multis graues inimicitias gessisse accepimus propter Hispanorū, apud quos Cōsul fuerat, iniurias. nuper Cn. Domitium scimus Decimo Syllano diem dixisse propter unius hominis Egritomari paterni amici, atque hospitis iniurias: neq; n. magis animos hominū nocentiū res unquam ulla cōmouit, quā hāc maiorū consuetudo longo intervallo repetita, atq; relata. sociorū querimoniae delatæ ad hominē non inertissimū: susceptæ ab eo, qui uidebatur eorū fortunas fide, diligentiaq; sua posse defendere. hoc timent homines: hoc laborant: hoc institui, atque adeo institutū referri, ac renouari moleste ferūt. putant fore, uti, si paulatim hāc consuetudo serpere, ac prodire cōperit, per homines honestissimos uirosq; fortissimos, nō imperitos adolescētulos, aut illiusmodi quadruplatores leges iudiciaq; administrentur. cuius consuetudinis, atq; instituti patres maioresq; nostros nō pœnitebat, uī cū P. Lētulus, is, qui princeps senatus fuit, accusabat M. Aquiliū subscriptore C. Rutilio Rufo; aut cū P. Africānus, homo uirtute, fortuna, gloria, rebus gestis amplissimus, posteaq; bis Consul & Censor fuerat, L. Cottam in iudiciū uocabat. iure tum florebat populi R. nomē: iure auctoritas huius imperij, ciuitatisq; maiestas grauis habebatur. nemo mirabatur in Africano illo, quod in me nūc homine paruis opibus, ac facultatibus prædito simulant sese mirari: cū moleste ferant: quid sibi iste uult? accusatorē ne se existimari, qui antea defendere cōsueuerat? nūc præsertim, ea iam ætate, cū Aedilitatem petat. ego uero ætatis non modo meæ, sed multo etiā superioris, & honoris amplissimi puto esse, & accusare impro-

boi, & m
hoc reme
cujq; cor
dine homi
tem quāto
accedere: a
nulla unqu
salus Rep.
de laude, d
de capite. a
ligitissime,
men exiūm
statuere iud
opinio fuer
ra sit, qui ne
reliqui rep
sam seuerē
rum: hab
turpissim
bus ornat
pulus R. q
ac recupe
habet bon
tam nobis
labore, nig
ficiū, ac dil
re per pop
tulū offe
ac diu co
mus. quāq

bos, & miseros calamitososq; defendere. & profecto aut
 hoc remediū est agrotæ, ac propè desperatæ Reip. iudi-
 cijsq; corruptis, ac cõtaminatis paucorū uitio ac turpitu-
 dine, homines ad legū defensionē iudiciorumq; auctorita-
 tem quā honestissimos, & integerrimos, diligentissimosq;
 accedere: aut, si ne hoc quidē prodesse poterit, profecto
 nulla unquā medicina his tot incōmodis reperietur. nulla
 salus Reip. maior est, q̃ eos, qui alterū accusant, nō minus
 de laude, de honore, de fama sua, q̃ illos, qui accusantur,
 de capite, ac fortunis suis pertimescere. itaq; semper i; di-
 ligētissime, laboriosissimeq; accusarūt, qui se ipsos in disci-
 men existimationis uenire arbitrati sunt. quāobrem hoc
 statuere iudices debetis, Q. Caciū, de quo nulla unquā
 opinio fuerit, nullaq; in hoc ipso iudicio expectatio futu-
 ra sit, qui neq; ut ante collectam famā cōseruet, neq; uti
 reliqui tēporis spem cōfirmet, laborat; nō nimis hāc cau-
 sam seuerē, nō nimis accurate, nō nimis diligenter actū-
 rum: habet enim nihil, quod in offensione deperdat, ut
 turpissime flagitiosissimeq; discedat: nihil de suis ueteri-
 bus ornamētis requiret. à nobis multos obsides habet po-
 pulus R. quos ut incolumes cōseruare, tueri, confirmare,
 ac recuperare possimus, omni ratione erit dimicandum.
 habet honorē, quem petimus: habet spem, quā proposi-
 tam nobis habemus: habet existimationē multo sudore,
 labore, uigilijsq; collectam: ut, si in hac causa nostrū of-
 ficiū, ac diligentiam probauerimus, hac, quæ dixi, retine-
 re per populum R. incolumia, ac salua possimus: si tan-
 tulum offensum titubatumq; sit, ut ea, quæ singulatim
 ac diu collecta sunt, uno tempore uniuersa perda-
 mus. quapropter iudices uestrum est, deligere quem

LIBER II.

existimetis facillime posse magnitudinem causæ, ac iudicij sustinere fide, diligentia, cōsilio, auctoritate. uos si mihi Q. Cæcilium anteposueritis, ego me dignitate superarum non arbitrabor: populus R. ne tam honestā, tam seueram, diligentemq; accusationem neq; uobis placuisse, neq; ordini uestro placere arbitretur, provideat.

ACCUSATIONIS IN C. VERRE
REM LIBER II.

ORATIO V.

Q. VOD erat optandum maxime iudices, & quod unum ad inuidiam uestri ordinis, infamiamq; iudiciorum sedandam maxime pertinebat: id non humano consilio, sed propè diuinitus datum, atq; oblatum uobis summo Reip. tempore uidetur: inuenerat enim iam opinio perniciosa Reip. uobisq; periculosa, quæ non modo Romæ, sed & apud exteras nationes omnium sermone percrebruit, his iudicijs, quæ nūc sint, pecuniosum hominem, quamuis sit nocēs, neminem posse damnari. nunc in ipso discrimine ordinis iudiciorumq; uestrorum, cum sint parati qui concionibus & legibus hanc inuidiam senatus inflammare conentur: reus in iudicium adductus est C. Verres; homo uita atq; factis, omnium iam opinione damnatus; pecuniæ magnitudine, sua spe, ac prædicatione absolutus. huic ego causæ iudices cum summa uoluntate, & expectatione populi R. actor accessi: non ut augerem inuidiam ordinis, sed ut infamiæ cōmuni succurrerem: adduxi enim hominem,

in quo re
redire in
tionibus p
atq; ampl
niam pro
iudicauerit
bet, heret
nem, uerit
ut iudicium
culator reo
iudices, cum
facta sunt, q
amicorum
tanti pericu
timui, ut nūc
mea, cocur
hementissim
nefaria, qu
tori, sociu
torio face
qui, quod
puisse, ut i
quod non
ri pecunia
esse obscur
quando fe
quod cū inc
iuncta est: n
sic in spe co
natusq; om

in quo recôciliare existimationem iudiciorum amissam, redire in gratiam cum populo R. satisfacere exteris nationibus possetis: depeculatorem ærarij, uexatorẽ Asiæ, atq; Pamphylia, prædonem iuris urbani, labem atq; perniciem provinciæ Sicilia. de quo si uos seuerè, religiosèq; iudicaueritis: auctoritas ea, quæ in uobis remanere debet, hærebit. sin istius ingêtes diuitiæ iudiciorum religionem, ueritatemq; perfregerint: ego hoc tamen assequar, ut iudicium potius Reip. quã aut reus iudicibus, aut accusator reo defuisse uideatur. equidem, ut de me cõfitear iudices, cum multæ mihi à C. Verre insidiæ terra mariq; factæ sint, quas partim mea diligetia deuitarim, partim amicorũ studio, officioq; repulerim: nũquam tamẽ neq; tantũ periculũ mihi adire uisus sum, neq; tantopere peritui, ut nũc in ipso iudicio. neq; tantũ me expectationis meæ, cõcursusq; tantæ multitudinis, quibus ego rebus uehementissime perturbor, cõmouet; quantũ istius insidiæ nefariæ, quas uno tempore mihi, uobis, M. Glabrioni Prætori, socijs, exteris nationibus, ordini, nomini deniq; senatorio facere conatur. qui ita dictitat, ijs esse metuendum, qui, quod ipsis solis satis esset, surripuissent: se tantum rapuisse, ut id multis satis esse possit: nihil esse tam sanctũ, quod non uiolari; nihil tam munitũ, quod nõ expugnari pecunia possit. q. si, quàm audax est ad conandũ, tam esset obscurus in agendo: fortasse aliqua in re nos aliquando fefellisset. uerũ hoc adhuc percommode cadit, quòd cũ incredibili eius audacia singularis stultitia coniuncta est: nam ut apertus in corripiendis pecunijs fuit, sic in spe corrumpendi iudicij perspicua sua consilia, conatusq; omnibus fecit. semel ait se in uita perituisse,

LIBER II.

tum, cum primum reus à me factus sit: quòd, cū è pro-
 vincia recens esset, inuidiaq; & infamia non recenti, sed
 uetere ac diuturna flagraret, tum ad iudiciū corrūpen-
 dum tempus alienū offenderet. itaq; cū ego diem in Sici-
 liam inquirendi perexiguam postulauissem, inuenit iste
 qui sibi in Achaia biduo breuiorem diem postularet:
 non ut idem conficeret diligentia, & industria sua, quod
 ego meo labore, & uigilijs consecutus sum: etenim ille
 Achaicus inquisitor ne Brūdusium quidem peruenit: ego
 Siciliam totam quinquaginta diebus sic obij, ut omnium
 populorū, priuatorumq; literas, iniuriasq; cognoscerem:
 ut perspicuū cuius esse possit, hominem ab isto quæsitiū
 esse, non qui reū suū adduceret, sed qui meū tempus obsi-
 deret. nūc homo audacissimus, atq; amentissimus hoc co-
 gitat. intelligit me ita paratū, atq; instructum in iudiciū
 uenire, ut non modo in auribus uestris, sed in oculis o-
 mniū sua furta, atq; flagitia defixurus sim: uidet sena-
 tores multos esse testes audaciæ suæ: uidet multos equi-
 tes R. frequētes, præterea ciues atq; socios, quibus ipse insi-
 gnes iniurias fecerit: uidet etiam tot graues ab amicissi-
 mis ciuitatibus legationes cū publicis auctoritatibus, ac
 testimonijs conuenisse. quæ cū ita sint: usq; eò de omni-
 bus bonis male existimat, usq; eò senatoria iudicia perdi-
 ta profligataque esse arbitratur, ut hoc palam dicat, et
 non sine causa se cupidum pecuniæ fuisse, quoniam tan-
 tum in pecunia præsidium experiatur esse: sese (id quod
 difficillimū fuerit) tēpus ipsum emisit iudiciū sui, quo cæ-
 tera facilius emere posset, ut, quonia criminū uim subter
 fugere nullo modo poterat, procellam tēporis deuicaret.
 quòd si nō modo in causa, uerū in aliquo honesto præsi-

dio, aut in
 collocasset
 cuparetur,
 nem senato
 qui reus fi
 causam in
 iste speret
 quamobrem
 Pratore, &
 lud intelli
 dicant: ea
 tu in pecu
 rem aditu
 genium tam
 quæ istius
 dem omnia
 parte poss
 ignominia
 noris quid
 liatum a
 & produ
 Etam pro
 uiolatam
 Pamphyl
 rimas urbe
 Cn. Dola
 uauit, &
 gatus, &
 maleficijs
 deseruit,

dio, aut in alicuius eloquentia aut gratia spem aliquam collocasset: profecto non hæc omnia colligeret, atque aucuparetur, non usque eò despiceret, contemneretq; ordinem senatorium, ut arbitratu eius deligeretur ex senatu qui reus fieret, qui, dum hic, quæ opus essent, cõpararet, causam interea ante eum diceret. quibus ego rebus quid iste speret, & quò animum intendat, facile perspicio. quamobrem uero se confidat aliquid perficere posse hoc Prætore, & hoc consilio, intelligere non possum. unum illud intelligo, quod populus R. in reiectione iudicum iudicauit: ea spe istū fuisse præditū, ut omnē rationē salutis in pecunia poneret; hoc erepto præsidio, ut nullā sibi rem adiumento fore arbitraretur: etenim quod est ingenium tantum, quæ tanta facultas dicendi, & copia, quæ istius uitam tot uitis flagitijsq; conuietam, iam pridem omnium uoluntate, iudicioq; damnatam, aliqua ex parte possit defendere? cuius ut adolescentiæ maculas ignominiasq; præteream, Quæstura primus gradus honoris quid aliud habet in se, nisi Cn. Carbonem spoliatum à Quæstore suo pecunia publica? nudatum & proditum Consulem? desertum exercitum? relictam provinciam? sortis necessitudinem, religionemq; uiolatam? cuius Legatio exitium fuit Asiæ totius, & Pamphyliae. quibus in provincijs multas domos, plurimas urbes, omnia fana depeculatus est, cum in Cn. Dolabellam scelus suum illud pristinum renouauit, & instaurauit quæstorium, cum eum, cui Legatus, & Proquæstore fuisset, & in inuidiam suis maleficijs adduxit, & in ipsis periculis non solum deseruit, sed etiam oppugnavit, ac prodidit. cuius

LIBER II.

Prætura urbana ædium sacrarum fuit, publicorumq; operum depopulatio : simul in iure dicendo bonorum possessionumq; contra omnium instituta addictio, & condonatio. iam uero omnium uitiorum suorum plurima & maxima constituit monimenta, & indicia in prouincia Sicilia: quæ iste per triennium ita uexauit, ac perdidit, ut ea restitui in antiquum statum nullo modo possit, uix autem per multos annos, innocentescq; Prætores aliqua ex parte recreari aliquando posse uideatur. hoc Prætor Siculi neq; suas leges, neq; nostra S. C. neq; communia iura tenuerunt. tantum quisq; habet in Sicilia, quantum hominis auarissimi, & libidinosissimi aut imprudentiam subterfugit, aut satietati super fuit. nulla res per triennium, nisi ad nutum istius, iudicata est : nulla res cuiusquam tam patria, atq; auita fuit, quæ non ab eo, imperio istius abiudicaretur. innumerabiles pecuniæ ex aratorum bonis nouo nefarioq; instituto coactæ: socij fidelissimi in hostium numero existimati : ciues Romani seruilem in modum cruciati, et necati : homines nocentissimi propter pecuniam iudicio liberati, honestissimi, atq; integerrimi absentes rei facti, indicta causa damnati, et ciecti : portus munitissimi, maxime tutissimæq; urbes piratis, prædonibusq; patefactæ: nautæ, militesq; Siculorum, socij nostri, atq; amici fame necati : classes optimæ, atq; opportunissimæ cum magna ignominia populi R. amissæ & perditæ. idem istæ Prætor monumenta antiquissima partim Regum locupletissimorum, quæ illi ornamento urbibus esse uoluerunt, partim etiam nostrorum imperatorum, quæ uictores ciuitatibus Siculis aut dederunt, aut reddiderunt, spoliavit, nudauitq; omnia, neque hoc solum in statuis publicis,

blicis, or
etissim
deniq; m
tquo ar
& fugiet
deterror
gere nolo
us petula
comissa
minem e
quin fac
hi magis
re, q; nequ
hac mutati
me casam
re, quæ cas
cum ratio
tiam mil
non pote
uideo, qu
nia mibi
mina: qu
adiuam
re, cū int
spē nunc
iam iudic
stima sit
redijt, red
mansit in
iudices re

blicis, ornamētisq; fecit: sed etiam delubra omnia sanctissimis religionibus consecrata depeculatus est: deum deniq; nullū Siculis, qui ei paulo magis affabre, atq; antiquo artificio factus uideretur, reliquit. in stupris uero, & flagitijs nefarias eius libidines cōmemorare, pudore deterreor: simul illorū calamitatem cōmemorando augere nolo, quibus liberos coniugesq; suas integras ab istius petulantia conseruare non licitū est. at enim hæc ita cōmissa sunt ab isto, ut non cognita sint ab omnibus. hominem esse arbitror neminem, qui nomē istius audierit, quin facta quoq; eius nefaria cōmemorare possit: ut mihi magis timendum sit, ne multa crimina prætermittere, q̃ nequa in istū fingere existimer: neq; n. mihi uidetur hæc multitudo, quæ ad audiendū cōuenit, cognoscere ex me causam uoluisse, sed ea, quæ scit, mecum recognoscere. quæ cum ita sint: iste homo amēs ac perditus alia mecum ratione pugnat: non id agit, ut alicuius eloquentiam mihi opponat: nō gratia, non auctoritate cuiusquā, non potentia nititur: simulat, his se rebus confidere. sed uideo, quid agat: neq; n. agit occultissime: proponit inania mihi nobilitatis, hoc est hominum arrogantium nomina: qui non tam me impediunt, q̃ nobiles sunt; quàm adiuuant, q̃ noti sunt: simulat se eorum præsidio confidere, cū interea aliud quiddam iandiu machinetur. quam spē nunc habeat in manibus, & quid moliatur, breuiter iam iudices exponam: sed prius, ut ab initio res ab eo cōstituta sit, quæso cognoscite. Ut primum è provincia redijt, redemptio est huius iudicij facta grādi pecunia: mansit in conditione atq; pacto usq; ad eum finem, dum iudices reiecti sunt. posteaquam reiectio iudicum facta

Cic. Orat.

K

LIBER II.

est: q̄ & in sortitione, istius spem fortuna populi R. & in reiciendis iudicibus, mea diligentia istorum impudentiam uicerat; renuntiata est tota conductio. præclare se res habebat: libelli nominum uestrorum consiliūq; huius in manibus erant omnium: nulla nota, nullus color, nulla sordes uidebantur his sententijs allini posse: cum iste repēte ex alacri, atq; læto sic erat humilis, atq; demissus ut non modo populo R. sed etiam sibi ipse condemnatus uideretur. ecce autem repente, his diebus paucis, comitijs consularibus factis, eadem illa uetera consilia pecunia maiore repetuntur, eademq; uestre famæ, fortunisq; omnium insidiæ per eosdem homines comparantur. quæ res primo iudices pertenui nobis argumēto, indicioq; patefacta est: post aperto suspicionis introitu ad omnia intima istorum consilia sine ullo errore peruenimus: nam ut Hortensius Cos. designatus domum reducebatur è cāpo, cum maxima frequentia, à multitudine; fit obuiam casu ei multitudini C. Curio: quem ego hominem honoris potius, quàm contumeliæ causa nominatum uolo: etenim ea dicam, quæ ille si commemorari noluisset, non tanto in conuentu, tam aperte, palàmq; dixisset: quæ tamen à me pedetentim cautèq; dicentur, ut amicitia nostra, & dignitatis illius habita ratio esse intelligatur. uidet ad ipsum fornicem Fabianum in turba Verrem: appellat hominem, & ei uoce maxima uictoriam gratulatur: ipsi Hortensio, qui Consul erat factus, propinquis necessarijsq; eius, qui tum aderant, uerbum nullum facit: cum hoc consistit, hunc amplexatur, hunc iubet sine cura esse. renuntio, inquit, tibi, te hodiernis comitis esse absolutum. quod cum tam multi homines honestissimi au-

disfor
uidera
uidera
da in
mij
is, qui
iudiciu
sic rati
mecum
iudiciu
bat, p
nirar
negotia
mili ne
iudices
puli R.
ratione
hæc re
iste qu
diuina
dis in
tam i
mi no
re, me
regere
diebus
Metella
reret :
se fact
ri sua

dissent, statim ad me deferretur, immo uero, ut quisq; me uiderat, narrabat. alijs illud indignum, alijs ridiculum uidebatur: ridiculum ijs, qui istius causam in testium fide, in criminum ratione, in iudicum potestate, non in comitijs consularibus positam arbitrabantur: indignum ijs, qui altius perspiciebant, & hanc gratulationem ad iudicium corruppendum spectare arbitrabantur: etenim sic ratiocinabantur, sic honestissimi homines inter se, & mecum loquebantur, aperte iam & perspicue nulla esse iudicia; qui reus pridie iam ipse se condemnatum putabat, is, posteaquam defensor eius Consul est factus, absolutus. quid igitur? quod tota Sicilia, quod omnes Siculi, omnes negotiatores, omnes publicæ priuatæq; literæ Romæ sunt, nihil ne id ualebit? nihil, inuito Consule designato. quid iudices? non crimina, non testes, non existimationem populi R. sequentur? non: omnia in unius potestate, ac moderate uertentur. uere loquar iudices, uehementer me hæc res commouebat: optimus enim quisq; ita loquebatur: iste quidem tibi eripietur, sed nos non tenebimus iudicia diutius: etenim quis poterit Verre absoluto de transferendis iudicijs recusare? erat omnibus molestum: neque eos tam istius perditæ subita latitia, quam hominis amplissimi noua gratulatio commouebat. cupiebam dissimulare, me id moleste ferre: cupiebam animi dolorem uultu tegere, & taciturnitate celare. ecce autem illis ipsis diebus, cum Prætores designati sortirentur, & M. Metello obtigisset, ut is de pecunijs repetundis quaereret: nuntiatur mihi, tantam isti gratulationem esse factam, ut is quoque domum mitteret, qui uxori suæ nuntiarent. sanè ne hæc quidem res mihi pla-

LIBER II.

cebat: neque tamen, quid tantopere in hac sorte metuendum mihi esset, intelligebam: unum illud ex hominibus certis, ex quibus omnia comperi, reperiēbam, fiscos complures cū pecunia Siciliensi à quodam senatore ad equitem Romanū esse translatos: ex his quasi X fiscos ad senatorē illum relictos esse comitiorū meorū nomine: diuisores omnīū tribuū noctu ad istū uocatos. ex quibus quidā, qui se omnia mea causa debere arbitrabatur, eadem illa nocte ad me uenit, demonstrat qua iste oratione usus esset: commemorasse istū, quā liberaliter eos tractasset iam antea, cum ipse Præturam petisset, & proximis cōsularibus, prætorisq; comitis: deinde esse pollicitum, quantum uellent, pecuniā, si me Aedilitate deiecissent: hoc alios negasse audere; alios respondisse, non putare perfici posse: inuentū tamen esse fortem amicum, ex eadem familia Q. Verrem Romilia, ex optima diuisorū disciplina, patris istius discipulum, atq; amicū, qui, HS quingentis millibus depositis, id se perfecturum polliceretur: & fuisse tamen nonnullos, qui se unā facturos esse dicerent. quæ cum ita essent: sanè beneuolo animo me, ut magnopere cauerem, præmonebat. sollicitabar rebus maximis uno, atq; eo perexiguo tempore. urgebāt comitia: & his ipsis oppugnabar grandi pecunia. instabat iudiciū: ei quoq; negotio fisci Sicilienses minabantur: agere, quæ ad iudiciū pertinebant, libere, comitiorū metu deterrebar: petitioni toto animo seruire, propter iudiciū nō licebat. minari deniq; diuisoribus, ratio nō erat, propterea qd eos intelligere uidebam, me hoc iudicio districtum, atque obligatum futurum. atq; hoc ipso tempore Siculis denuntiātum esse audio, primum ab Hortensio, domum

ad illu
quam
senat
hoc an
capta
gratio
appella
et an
ne cui
eius de
titioni
magis
et cogi
confirma
tur, ut
esse huc
de Hort
qui qua
nam
reddi
magis
lo cui
ti mea
nonnul
cum ip
rū Sici
de pecc
tionib
corru
dos hom

ad illum ut uenirét: Siculos sanè in eo liberos fuisse, qui,
 quam ob rem accerferentur, cum intelligerent, nò uenis-
 sent. interea comitia nostra, quorù iste se, ut cæterorum
 hoc anno comitiorù, dominum esse arbitrabatur, haberi
 cæpta sunt. cursare iste homo potens cū filio blando &
 gratioso circū tribus paternos amicos, hoc est diuifores,
 appellare omnes, & còuenire. quod cum esset intellectu,
 & animaduersum: fecit animo libentissimo populus R.
 ut cuius diuitiæ me de fide deducere non potuissent, ne
 eiusdem pecunijs de honore deicerer. posteaquam illa pe-
 titionis magna cura liberatus sum, animo cæpi multo
 magis uacuo, ac soluto nihil aliud nisi de iudicio agere,
 & cogitare. reperio iudices hæc ab istis consilia inita, &
 constituta, ut, quacunq; opus esset ratione, res ita ducere-
 tur, ut apud M. Metellū Prætorem causa diceretur: in ea
 esse hæc commoda, primū M. Metellū amicissimum, dein
 de Hortensium Consulem, non solū, sed etiam Q. Metellū:
 qui quàm isti sit amicus, attendite: dedit enim prærogati-
 uam suæ uoluntatis eiusmodi, ut isti pro prærogatiuis iā
 reddidisse uideatur. an me taciturū tantis de rebus existi-
 mauistis? & in tanto Reip. existimationisq; meæ pericu-
 lo cuiquā consulturum potius, quàm officio & dignita-
 ti meæ? accersit alter Consul designatus Siculos: ueniunt
 nōnulli, propterea q̃ L. Metellus esset Prætor in Sicilia:
 cum is ita loquitur, se Consulem esse; fratrem suū, alte-
 rū Siciliam prouinciam obtinere, alterum esse quasiturū
 de pecunijs repetundis: Verri ne noceri possit, multis ra-
 tionibus esse prouisum. quid est quæso Metelle iudicium
 corrumpere, si hoc non est testes, præsertim Siculos, timi-
 dos homines, & afflictos, non solum auctoritate deter-

LIBER II.

rere, sed etiam consulari metu, & duorum Prætorum potestate? quid faceres pro homine innocente, & propinquo, cum propter hominem perditissimum, atque alienissimum de officio, ac dignitate decedis, et cõmittis, ut, quod ille dictitat, alicui, qui te ignorat, uerum esse uideatur? nam hoc Verrem dicere aiebant: te non fateri, ut ceteros ex uestra familia, sed opera sua Consulem factum. duo igitur Consules, & Quæstor erunt ex illius uoluntate. non solum effugiemus, inquit, hominem in quærendo nimium diligentem, nimium seruientem populi existimationi, M. Glabronem: accedet nobis etiam illud: iudex est M. Cæsonius collega nostri accusatoris, homo in rebus iudicandis spectatus, & cognitus: quem minime expediat esse in eo consilio, quod conemur aliqua ratione corrumpere: propterea quod iam antea, cum iudex in Iuniano consilio fuisset, turpissimum illud facinus non solum grauius tulit, sed etiam in medium protulit. hunc iudicem ex Cal. Ian. non habebimus. Q. Manlium, & Q. Cornificium, duos seuerissimos, atque integerrimos iudices, quod Tribuni pl. tum erunt, iudices non habebimus. P. Sulpitius, iudex tristis & integer, magistratum ineat necesse est Nonis Dec. M. Crepereius ex acerrima illa equestri familia, & disciplina; L. Cassius ex familia tum ad ceteras res, tum ad iudicandum seuerissima; Cn. Tremellius, homo summa religione, & diligentia; tres hi homines ueteres Tribuni militares sunt designati, ex Cal. Ian. non iudicabunt. subfortiemur etiam in M. Metelli locum, quoniam is huic ipsi quæstioni præfaturus est. ita secundum Cal. Ian. & Prætore, & propè toto consilio commutato, magnas accusatoris minas, magnamque iudicii expectatio-

nem d
na su
hunc d
ant lu
ludic
consequ
denique
esse arb
casand
conuian
agendi
casati
necesse
sem, in
sum, ut
malim
las com
mili fi
tacti
intellig
mei la
& ex
minua
iudici
reus re
tur, qu
dictum
percipi
bulu, re
accuse

nem ad nostrum arbitrium, libidinemq; eludemus. Nonæ sunt hodie Sextiles : hora nona convenire cœpistis . hunc diem iam ne numerant quidem . decem dies sunt ante ludos uotiuos, quos Cn. Pompeius facturus est . hi ludi dies quindecim auferent : deinde continuo Romani consequentur . ita propè XL diebus interpositis , tum denique se ad ea, quæ à nobis dicta erunt , responsuros esse arbitrantur : deinde se ducturos & dicendo, & excusando facile ad ludos victoriæ : cum his plebeios esse coniunctos , secundum quos aut nulli, aut pauci dies ad agendum futuri sunt : ita defessa , ac refrigerata accusazione rem integram ad M. Metellum Prætorem esse uenturam . quem ego hominem, si eius fidei diffisus essem , iudicem non retinuissem . nunc tamen eo animo sum , ut eo iudice , quàm Prætore , hanc rem transigi malim , & iurato suam, quàm iniurato aliorum tabellas committere . nunc ego iudices iam uos consulo, quid mihi faciendum putetis : id enim consilij mihi profecto taciti dabitis, quod egomet mihi necessario capiendum intelligo . si utar ad dicendum meo legitimo tempore : mei laboris , industriæ , diligentiaq; capiam fructum , & ex accusatione perficiam, ut nemo unquam post hominum memoriam paratior, uigilantior, compositior ad iudiciũ uenisse uideatur . sed in hac laude industriæ meæ reus ne elabatur, summum periculum est . quid est igitur, quod fieri possit non obscurum, opinor, neq; absconditum, fructum istum laudis, qui ex perpetua oratione percipi potuit, in alia tēpora reseruemus . nũc hominẽ tabulis, testibus, priuatis, publicisq; literis, auctoritatibusq; accusemus . res omnis mihi tecũ erit Hortẽsi, dicã aperte.

K iiij

LIBER II.

si te mecū dicendo, ac diluendis criminibus in hac causa
 cōtendere putarē, ego quoq; in accusando, atq; in explicā
 dis criminibus operam consumerem. nunc quoniam pu-
 gnare contra me instituisti, non tā ex tua natura, quā
 ex istius tempore, & causa, malitiose: necesse est istiusmo-
 di rationi aliquo consilio obsistere. tua ratio est, ut secun-
 dū binos ludos mihi respondere incipias: mea, ut ante pri-
 mos ludos cōperendinem. ita fiet, ut tua ista ratio existi-
 metur astuta, meū hoc consiliū necessariū. uerum illud,
 quod institueram dicere, mihi rem tecū esse, huiusmodi
 est. ego cū hanc causam Sicularū rogatu recepissem, idq;
 mihi amplū, & praeclarū existimasset, eos uelle meā fi-
 dei diligentiaq; periculum facere, qui innocentia, abstinē-
 tiaq; fecissent: tū suscepto negotio maius mihi quiddam
 proposui, in quo meam in Remp. uoluntatē populus R.
 perspicere posset. nam illud mihi nequaquam dignū in-
 dustria, conatuq; meo uidebatur, istū a me in iudiciū iā
 omnium iudicio condemnatū uocari, nisi ista tua intolera-
 bilis potentia, & ea cupiditas, qua per hosce annos in qui-
 busdam iudicys usus es, etiam in istius hominis desperati
 causa interponeretur. nunc uero, quoniam hac te omnis
 dominatio, regnumq; iudiciorū tantopere delectat; &
 sunt homines, quos libidinis, infamiaq; suae neq; pudeat,
 neq; tædeat, qui quasi de industria in odiū offensionemq;
 populi R. irruere uideantur: hoc me profiteor suscepisse,
 magnum fortasse onus, & mihi periculosum, uerunta-
 men dignū in quo omnes neruos ætatis, industriaq; meae
 contenderem. quoniam totus ordo paucorum improbi-
 tate, et audacia premitur, et urgetur infamia iudiciorū:
 profiteor, huic generi hominū me inimicū, accusatorem,

odio su-
 mo: h-
 agam e-
 cu agere
 mihi Aed-
 munaq;
 deponere
 quæstres
 quiaq; e-
 professi
 ab hoc
 sum me
 paulo an-
 est, quā n-
 atq; in-
 etiam si
 non me
 bus agi
 ad sen-
 flagitiū
 sit, quæ
 pē qu-
 te ne re-
 iudican-
 natorū
 quenaq;
 rit, mihi
 non poss-
 damnat-
 diu, si a-

odiosum, assiduum, acerbum aduersarium. hoc mihi summo: hoc mihi deosco: quod agam in magistratu, quod agam ex eo loco, ex quo me populus R. ex Cal. Ian. secum agere de Rep. de hominibus improbis uoluit. hoc munus Aedilitatis meae populo R. amplissimum, pulcherriumque polliceor. moneo, praedico, ante denuntio: qui aut deponere, aut accipere, aut recipere, aut polliceri, aut sequestres, aut interpretes corrumpendi iudicii solent esse, quique ad hanc rem aut potentiam, aut impudenciam suam professi sunt, abstineant in hoc iudicio manus, animosque ab hoc scelere nefario. erit tum Consul Hortensius cum summo imperio, et potestate: ego autem Aedilis, hoc est paulo amplius, quam priuatus. tamen haec huiusmodi res est, quam me acturum esse polliceor, ita populo R. grata, atque iucunda, ut ipse Consul in hac causa praeme minus etiam, si fieri possit, quam priuatus esse uideatur. omnia non modo commemorabuntur, sed etiam expositis certis rebus agetur, quae intra decem annos, posteaquam iudicia ad senatum translata sunt, in rebus iudicandis nefarie, flagitioseque facta sunt. cognoscet ex me populus R. quid sit, quamobrem, cum equester ordo iudicaret, annos prope quinquaginta continuos nullo iudice equite R. iudicante ne tenuissima quidem suspicio acceptae pecuniae ob rem iudicandam constituta sit: quid sit, quod iudicis ad senatoriū ordinem translatis, sublataque populi R. in unum quenque nostrum potestate, Q. Calidius damnatus dixerit, minoris HS XXXM praetorium hominem honeste non posse damnari: quid sit, quod P. Septimio senatore damnato, Q. Hortensio Praetore, de pecuniis repetundis, lis aestimata sit in eo nomine, quod ille ob rem iudi-

LIBER II.

candam pecuniam accepisset: q̄ in C. Herennio, quod in C. Popilio senatoribus, qui ambo peculatus dānati sunt; q̄ in M. Attilio, qui de maiestate damnatus est, hoc planum factum est, eos pecuniam ob rem iudicandam accepisse: q̄ inuenti sunt senatores, qui C. Verre Præt. urbano sortiente, exirent in eum reū, quem incognita causa condemnarent: q̄ inuentus est senator, qui cum iudex esset, in eodem iudicio ab reo pecuniam acciperet, quā iudicibus diuideret, & ab accusatore, ut reum damnavet. iam uero quomodo illam labem, ignominiam, calamitatemq; totius ordinis conquerar? hoc factum esse in hac ciuitate, cum senatorius ordo iudicaret, ut discoloribus signis, iuratorum hominum sententiā notarētur. hæc omnia me diligenter, seuerēq; acturū esse polliceor. quo me tandem animo fore putetis, si quid in hoc ipso iudicio intellexero simili aliqua ratione esse uiolatum, atque commissum? cum præsertim planum facere multis testibus possim, C. Verrem in Sicilia multis audientibus sæpe dixisse, se habere hominem potentem, cuius fiducia prouinciam spoliaret: neq; sibi soli pecuniā quærere, sed ita triennium illud Præturæ Siciliensis distributum habere, ut secū præclare agi diceret, si unius anni quæstum in rem suam cōuerteret, alterū patronis, et defensoribus sui traderet, tertium illum uberrimum quæstuosissimumq; annum totum iudicibus reseruaret. ex quo mihi uenit in mentē illud dicere, quod apud M. Glabronem nuper cū in reiciendis iudicibus cōmemorassē, intellexi uehementer populum R. cōmoueri: me arbitrari fore, uti nationes exteræ legatos ad populum R. mitterent, ut lex de pecunijs repetundis iudiciumq; tolleretur. si enim iudicia nulla sint:

conuincit
liberis
cia sunt
ni, adu
profecto
satisfacer
morand
dinis, con
fieri nol
parata
de nobis
re etiam
apud pop
sui similes
iudices cō
intelligo
tum esse
dinem li
nulla di
R. contra
gramia
pulus R
quam et
uera iud
(spientis)
peto uir
te referen
summa e
male et
li R. existi

tantum unumquenq; ablaturum putant, quātum sibi ac
 liberis suis satis esse arbitretur. nunc quòd eiusmodi iudi-
 cia sint: tantum unumquenq; auferre, q̄tum sibi patro-
 nis, aduocatis, Prætoribus, iudicibus satis futurū sit: hoc
 profecto infinitum esse: se auarissimi hominis cupiditatē
 satisfacere posse, nocentissimæ uictoriæ nō posse. ò cōme-
 moranda iudicia, præclaramq; existimationem nostri or-
 dinis, cum socij populi R. iudicia de pecunijs repetundis
 fieri nolunt, quæ à maioribus nostris sociorū causa com-
 parata sunt. an iste unq; de se bonam spem habuisset, nisi
 de uobis malam opinionem animo imbibisset? quo maio-
 re etiam, si fieri potest, apud uos odio esse debet, quàm est
 apud populum R. cum in auaritia, scelere, periurio uos
 sui similes esse arbitretur. cui loco per deos immortales
 iudices cōsultite, ac prouidete. moneo, prædicoq; id, quod
 intelligo, tempus opportunissimū uobis hoc diuinitus da-
 tum esse, ut odio, inuidia, infamia, turpitudine totum or-
 dinem liberetis. nulla in iudicijs seueritas, nulla religio,
 nulla deniq; iam existimatur esse iudicia. itaq; à populo
 R. contemnimur, despiciimur, graui, diuturnaq; iam fla-
 gramus infamia: neq; enim ullam aliam ob causam po-
 pulus R. tribunitiam potestatem tanto studio requisuit:
 quam cum poscebat, uerbo illam poscere uidebatur, re-
 uera iudicia poscebat. neq; hoc Q. Catulum hominem
 sapientissimum, atq; amplissimum fugit: qui, Cn. Pom-
 peio uiro fortissimo, & clarissimo de tribunitia potesta-
 te referente, cum esset sententiam rogatus, hoc initio est
 summa cum auctoritate usus: patres cōscriptos iudicia
 male & flagitiose tueri: q̄ si in rebus iudicandis popu-
 li R. existimationi satisfacere uoluissent, non tantopere

LIBER II.

homines fuisse tribunitiam potestatem desideraturos. ipse denique Cn. Pompeius, cum primum concionem ad Urbem Consul designatus habuit: ubi (id quod maxime expectari uidebatur) ostendit se tribunitiam potestatem restitutum, factus est in eo strepitus, & grata concionis admurmuratio. idem in eadem concione cum dixisset, populatas, uexatasque esse provincias, iudicia autem turpia, & flagitiosa fieri, ei rei se prouidere, ac consulere uelle: tum uero non strepitu, sed maximo clamore suam populus R. significauit uoluntatem. nunc autem homines in speculis sunt: obseruant, quemadmodum se unusquisque uestrum gerat in retinenda religione, conseruandisque legibus. uident, adhuc post legem tribunitiam unum senatorem uel tenuissimum esse damnatum. quod tamen non reprehendunt, tamen magnopere, quod laudent, non habent: nulla est enim laus, ibi esse integrum, ubi nemo est, qui aut possit, aut conetur corrumpere. hoc est iudicium, in quo uos de reo, populus R. de uobis iudicabit. in hoc homine statuetur, possit ne senatoribus iudicantibus homo nocentissimus, pecuniosissimusque damnari. deinde est huiusmodi reus, in quo homine nihil sit, praeter summa peccata, maximamque pecuniam: ut, si liberatus sit, nulla alia suspicio, nisi ea, quae turpissima est, residere possit. non gratia, non cognatione, non alijs recte factis, non denique aliquo mediocri uitio tot tantaque eius uitia subleuata esse existimabuntur. postremo ego causam sic agam iudices: eiusmodi res, ita notas, ita testatas, ita magnas, ita manifestas proferam, ut nemo a uobis, ut istum absoluat, per gratiam conetur contendere. habeo autem certam uiam, atque rationem, qua omnes illorum conatus inuesti-

gare, &
rum et
etiam et
per ann
famili de
hac cōstit
dore, atq
offensam
magis id
ordinem
quapropt
mini uia
mo impi
reperiat
hoc popu
prius, qu
tatem pe
ribus, q
dedecus
ciat, et
potes p
sam sen
sam sen
in laude
quid der
fac tibi p
ge populi
uerissim
floritates
qua te di

gare, & consequi possim. ita res à me agetur, ut in eorum consilijs omnibus non modo aures hominum, sed etiam oculi populi R. interesse uideatur. uos aliquot iam per annos conceptam huic ordini turpitudinem, atq; infamiam delere, ac tollere potestis. constat inter omnes, post hæc constituta iudicia, quibus nunc utimur, nullum hoc splendore, atque hac dignitate consilium fuisse. hic si quid erit offensum; omnes homines non iam ex eodem ordine alios magis idoneos, quod fieri non potest; sed alium omnino ordinem ad res iudicandas querendum arbitrabuntur. quapropter primum ab dijs immortalibus, quod sperare mihi uideor, hoc idem iudices peto, ut in hoc iudicio nemo improbus præter eum, qui iam pridem inuentus est, reperiatur. deinde, si plures improbi fuerint, hoc uobis, hoc populo R. iudices confirmo, uitam mehercule mihi prius, quam uim perseuerantiamq; ad illorum improbitatem persequendam defuturam. uerum quod ego laboribus, periculis, inimicitijsq; meis tum, cum admissum erit, dedecus seuerè me persecuturum esse polliceor; id ne accidat, tu tua sapientia, auctoritate, diligentia M. Glabrio potes providere. suscipe causam iudiciorum: suscipe causam seueritatis, integritatis, fidei, religionis: suscipe causam senatus, ut is hoc iudicio probatus, cum populo R. et in laude, & in gratia esse possit. cogita, qui sis, quo loco, quid dare populo R. quid reddere maioribus tuis debeas. fac tibi paternæ legis Aciliæ ueniat in mentem: qua lege populus R. de pecunijs repetundis, optimis iudicijs, seuerissimisq; iudicibus usus est. circumstant te summæ auctoritates, quæ te obliuisci laudis domesticæ non sinant, quæ te dies noctesq; comoneant, fortissimum tibi patrem,

LIBER II.

sapientissimum auum, grauiissimum socerum fuisse. quare si Glabrionis patris uim, & acrimoniam ceperis ad resistendum hominibus audacissimis; si aui Scæuolæ prudentiam ad prospiciendas insidias, quæ tuæ, atq; horum famæ cōparantur; si soceri Scæuri constantiam, ut ne quis te de uera, & certa possit sententia dimouere: intelliget populus R. integerrimo, atque honestissimo Prætorē, delectoq; consilio, nocenti reo magnitudinem pecuniæ plus habuisse momenti ad suspicionem criminis, quàm ad rationem salutis: mihi certum est non cōmittere, ut in hac causa Prætor nobis, consiliumq; mutetur. non patiar rem in id tempus adduci, ut Siculi, quos adhuc serui designatorum Consulū non mouerunt, cum eos nouo exemplo uniuerfos arcescerent, eos tum lictores Consulū uocent, ut homines miseri, antea socij, atque amici populi R. nūc serui ac supplices, non modo ius suū fortunæq; omnes eorum imperio amittant, uerū etiam deplorandi iuris sui potestatem non habeant. non sinam profecto, causa à me perorata, XL diebus interpositis, tum nobis denique respondeant, cum accusatio nostra in obliuionem diuturnitate adducta sit. non cōmittam, ut tum res iudicetur, cum hæc frequentia totius Italiæ Roma discesserit, quæ conuenit uno tempore undique, comitiorum, ludorum, censendiq; causa. huius iudicij & laudis fructum, & offensionis periculum, uestrum; laborem, sollicitudinemq; nostram; scientiam quid agatur, memoriamq; quid à quoq; dictum sit, omnium puto esse oportere. faciam hoc non nouū, sed ab ijs, qui nunc principes nostræ ciuitatis sunt, ante factum, ut testibus utar statim, illud à me nouum indices cognoscetis, q̃ ita testes

confit
gando,
ad crim
culat
tunc, cu
lura d
culas, a
petuam
ne audi
* malitia
fieri im
cimus C
et in cu
nefarie f
ex Sicilia
lis, prima
faciemus
nostro
tione lo

constituam, ut crimen totum explicem : ubi id interro-
gando, argumentis atq; oratione firmavero, tum testes
ad crimen accommodem, ut nihil inter illam usitatam ac-
cusationem, atque hanc novam intersit, nisi quod in illa
tunc, cum omnia dicta sunt, testes dantur, hic in singu-
las res dabuntur, ut illis quoque eadem interrogandi fa-
cultas, argumentandi, dicendiq; sit. si quis erit, qui per-
petuam orationē, accusationemq; desideret: altera actio-
ne audiet. nunc id, quod facimus, ea ratione facimus, ut
* malitiæ illorum consilio nostro occurramus, necessario
fieri intelligat. hæc primæ actionis erit accusatio. Di-
cimus C. Verrem, cum multa libidinoſe, multa crudeli-
ter in ciues R. atque in socios, multa in deos, hominesq;
nefarie fecerit, tum præterea quadringenties sestertium
ex Sicilia contra leges abstulisse. hoc testibus, hoc tabu-
lis, priuatis publicisq; auctoritatibus ita vobis planum
faciemus, ut hoc statuatis, etiam si spatium ad dicendum
nostro commodo, uacuosq; dies habuissemus, tamen ora-
tione longa nihil opus fuisse. Dixi.

ACCUSATIONIS IN C. VER-
REM LIBER III.
ORATIO VI.

EMINEM uestrum ignorare arbi-
tror iudices, hunc per hosce dies sermo-
nem uulgi, atq; hanc opinionem populi
R. fuisse, C. Verrem altera actione re-
sponsurum nō fuisse, neq; ad iudicium
affuturum. quæ fama non iccirco solum emanarat, q̃
iste certe statuerat, ac deliberauerat, non adesse: uerum
etiam, quod nemo quenquam tam audacem, tam amen-
tem, tam impudentem fore arbitrabatur, qui tam nefas-
rijs criminibus, tam multis testibus cuiectus, ora iudicum
aspicere, aut os suū populo R. ostēdere auderet. est idem
Verres, qui fuit semper, ut ad audendum proiectus, sic
paratus ad audiendū: præsto est, respondet, defenditur:
ne hoc quidem sibi reliqui fecit, ut in rebus turpissimis,
cum manifesto teneatur; si reticeat, & absit, tamen im-
pudentiæ suæ pudētem exitum quæsisse uideatur. patior
iudices, & non moleste fero, me laboris mei, uos uirtutis
uestræ fructum esse laturos: nam si iste id fecisset, quod
primo statuerat, ut non adesset; minus aliquanto, quā
mihi opus esset, cognosceretur, quid ego in hac accusatio-
ne coparanda, constituendāq; elaborassem: uestra uero
laus tenuis planè, atq; obscura iudices esset: neq; n. hoc
à uobis populus R. expectat, neque eo potest esse conten-
tus, si condemnatus sit is, qui adesse noluerit, & si for-
tes fueritis in eo, quem nemo sit ausus defendere. immo
uero adsit, respondeat, summis opibus, summo studio
potentissimorum

potenti-
ligentia
tas cum
trouari
decurti
sem si is
inuadisse
ior Reip
intelligi
cios, leg
di neq;
re, quæ
tanti, fol
uideo n
tam Reip
uestre la
diam uo
ut, cui
aliqua
diciot
finis a
etenim
adduc
tur, de
rimum
transfe
ipse iam
gulari
hi pro e
randū

potentissimorum hominum defendatur: certet mea diligentia cum illorum omnium cupiditate, uestra integritas cum istius pecunia, testium constantia cum illius patronorum minis, atq; potentia. tum demum illa uicta uidebuntur, cum in contentionem certamenq; uenerint. absens si iste esset damnatus, non tam ipse sibi consuluisse, q̃ inuidisse uestræ laudi uideretur: neq; enim salus ulla maior Reip. hoc tempore reperiri potest, quàm populum R. intelligere, diligenter reiectis ab accusatore iudicibus, socios, leges, Remp. senatorio consilio maxime posse defendi. neq; tanta fortunis omnium perniciēs potest accidere, quàm opinione populi R. rationem ueritatis, integritatis, fidei, religionis ab hoc ordine abiudicari. itaq; mihi uideor magnam, & maxime agram, & propè depositam Reip. partem suscepisse, neq; in eo magis meæ, quàm uestræ laudi existimationiq; seruisse: accessi enim ad inuidiam iudiciorum leuandam, uituperationemq; tollendā, ut, cum hæc res pro uoluntate populi R. esset iudicata, aliqua ex parte mea diligentia constituta auctoritas iudiciorum uideretur: postremo, ut esset hoc iudicatum, ut finis aliquando iudiciariæ controuersię constitueretur: etenim sine dubio iudices in hac causa ea res in discrimē adducitur: reus est enim nocentissimus: qui si condemnatur, desinent homines dicere, his iudicijs pecuniam plurimum posse: sin absoluitur, desinemus nos de iudicijs transferendis recusare. tametsi de absolutione istius neq; ipse iam sperat, nec populus R. metuit. de impudētia singulari, quòd adest, quòd respōdet, sunt qui mirentur: mihi pro cætera eius audacia atq; amentia ne hoc quidē mirandū uidetur: multa. n. & in deos, & in homines impie

Cic. Orat.

L

LIBER III.

nefarieq; cōmisit. quorum scelerum pœnis agitur, &
 à mente consilioq; deducitur. agūt eum præcipitem pœ
 næ ciuiū R. quos partim securi percussit, partim in uin-
 culis necauit, partim implorantes iura libertatis & ciui-
 tatis in crucem sustulit. rapiunt eum ad supplicium dy-
 patrij: q̄ iste inuentus est, qui è complexu parentum ab-
 reptos filios ad necem duceret, & parentes pretium pro
 sepultura liberū posceret. religiones uero, cerimoniaq; o-
 mnium sacrorum, fanorumq; uiolata, simulacra q; deo-
 rum, quæ non modo ex suis templis ablata sunt, sed etiā
 iacent in tenebris ab isto retrusa, atq; abdita, consistere
 eius animum sine furore atq; amentia non sinunt. neq;
 iste mihi uidetur se ad damnationem offerre solum, ne-
 que hoc auaritiæ supplicio communi, qui tot sceleribus se
 obstrinxerit, contentus esse: singularem quandam pœnā
 istius immanis, atq; importuna natura desiderat. non id
 solum queritur, ut isto damnato bona restituantur ijs,
 quibus erepta sunt: sed & religiones deorum immorta-
 lium expiandæ, & ciuium R. cruciatus, multorumq; in-
 nocentium sanguis istius supplicio luendus est: non enim
 furem, sed ereptorem; non adulterum, sed expugnatore
 pudicitiae; non sacrilegum, sed hostem sacrorum religio-
 numq; non sicarium, sed crudelissimum carnificem ciui-
 um, sociorumq; in uestrum iudicium adduximus: ut ego
 hunc unum eiusmodi reum post hominum memoriam
 fuisse arbitrer, cui damnari expediret: nam quis hoc non
 intelligit? istum absolutum dijs hominibusq; inuitis, tamē
 ex manibus populi R. eripi nullo modo posse? quis hoc
 non perspicit, præclare nobiscū actum iri, si populus R.
 istius unius supplicio contentus erit: ac non sic statuerit,

non ist
 liarit,
 re, cruci
 pecunia
 rpi sceler
 non est,
 dices: no
 rno, ne
 ne a fto
 tam vi
 his ego
 curias
 equitib
 ex tam
 teris non
 stineant
 perduc
 stura
 tiffic
 storit
 abstru
 dant
 dū fu
 tasse i
 dicant
 nimen
 & ha
 ciorum
 scrie
 hostia

non istum maius in sese scelus concepisse, cum fana stoli-
liarit, cū tot homines innocētes necarit, cum ciues R. mor-
te, cruciatu, cruce affecerit, cum prædonū duces accepta
pecunia dimiserit; q̄ eos, si qui istum tot, tantis, tam nefa-
rys sceleribus coopertum iurati sententia sua liberarent?
non est, nō est in hoc homine cuiquam peccandi locus iu-
dices: non is est reus, nō id tempus, non id consilium (me-
tuo, ne quid arrogātius apud tales uiros uidear dicere)
ne actor quidem est is, cui reus tam nocēs, tam perditus,
tam uictus aut occulte surripi, aut impune eripi possit.
his ego iudicibus non probabo C. Verrem cōtra leges pe-
cunias cepisse: sustinebunt tales uiri, se tot senatoribus, tot
equitibus R. tot ciuitatibus, tot hominibus honestissimis
ex tam illustri prouincia, tot populorū, priuatorumq; li-
teris non credidisse? tantæ populi R. uolutati restitisse? su-
stineant. reperiemus, si istum uinum ad aliud iudicium
perducere potuerimus, quibus probemus, istum in Quæ-
stura pecuniā publicam Cn. Carboni Cos. datam auer-
tisse: quibus persuadeamus, istum alieno nomine à Quæ-
storibus urbanis, quod priore actiōe didicistis, pecuniā
abstulisse. erunt, qui & in eo quoq; audaciā eius reprehē-
dant, q̄ aliquot nominibus de capite, quantum commo-
dū fuerit, frumenti decumani detraxerit. erunt etiā for-
tasse iudices, qui illum eius peculatum uel acerrime uin-
dicandum putent, q̄ iste M. Marcelli, & P. Africani mo-
nimenta, quæ nomine, illorū; re uera, populi R. & erant,
& habebantur, ex fanis religiosissimis, ex urbibus so-
ciorum, atq; amicorum non dubitauerit auferre. emer-
serit ex peculatus etiam iudicio: meditetur de ducibus
hostium, quos accepta pecunia liberauit: uideat, quid

LIBER III.

de illis respondeat, quos in eorum locum subditos domi
suae reseruauit. quærat, non solum quemadmodum nostro
crimini, uerum etiam quo pacto suæ confessioni possit me
deri. meminerit, se priore actione clamore populi R. in=
festo, atq; inimico excitatum, confessum esse, duces à se
prædonum securi non esse percussos: se iam tum esse ueritum,
ne sibi crimini daretur, eos ab se pecunia liberatos. fatea
tur id, quod negari non potest, se priuatum hominem præ
donum duces uiuos, atq; incolumes domi suæ, posteaquam
Romam redierit, usq; dum per me licuerit, tenuisse. hoc in il
lo maiestatis iudicio si licuisse sibi ostenderit, ego oportui
se concedam. ex hoc quoq; euaserit. proficiscar eò, quod me
iam pridem uocat populus R. de iure. n. libertatis, & ci
uitatis suum putat esse iudicium, et recte putat. confrin
gat iste sanè ui sua consilia senatoria, quæstiones omnium
perrumpat, euolet ex uestra seueritate. mihi credite, ar
etioribus apud populum R. laqueis tenebitur. credet ijs
equitibus R. populus R. qui ad uos antea producti testes,
ipsis inspectantibus ab isto ciuem R. qui cognitores homi
nes honestos daret, sublatum esse in crucem dixerunt. cre
dent omnes V & XXX tribus homini grauiissimo,
atq; ornatissimo M. Annio, qui se præsentem ciuem R. secu
ri percussum esse dixit. audietur à populo R. uir prima
rius eques R. L. Flauius, qui suum familiarem Herennium
negotiatorem ex Africa, cum eum Syracusis amplius cẽ
tum ciues R. cognoscerent, lacrymantesq; defenderent, pro
testimonio dixit, securi esse percussum. probabit fidem, et
auctoritatem, & religionem suam L. Suetius homo omni
bus ornametis præditus, qui iuratus apud uos dixit, mul
tos ciues R. in Latinijs istius imperio crudelissime per

uim mor
beneficio
istum ui
ulla m
esse poss
mi am
quam, m
in præter
ta, atq; p
lo tempo
suetudin
populi R.
dactissimi
ornatissim
probarunt
sui inimici
nominis
facere
profecti
ditionis
clarauit
sem sen
stor sui
munis d
auxilium
sumptui
do tanta
habere p
ne ex Si
latini, &

uim morte esse mulctatos. hanc ego causam cum agam beneficio populi R. de loco superiore: non uereor, ne aut istum uis ulla ex populi R. suffragijs eripere, aut à me ullū munus Aedilitatis amplius, aut gratius populo R. esse possit. quapropter omnes in hoc iudicio conentur omnia: nihil est iā, quod in hac causa peccare iudices quisquam, nisi uestro periculo, possit. mea quidem ratio cū in prāteritis est rebus cognita, tum in reliquis explorata, atq; prouisa est. ego meum studium in Remp. iam illo tempore ostendi, cum longo interuallo ueterem consuetudinem retuli, & rogatu sociorum, atq; amicorum populi R. meorum autem necessariorū, nomē hominis audacissimi detuli. quod meum factum lectissimi uiri, atq; ornatissimi, quo in numero ē uobis complures fuere, ita probarunt, ut ei, qui istius Quæstor fuisset, & ab isto laesus inimicitias iustas persequeretur, non modo deferendi nominis, sed ne subscribendi quidem, cum id postularet, facerent potestatem. in Siciliam sum inquirendi causa profectus: quo in negotio industriam meam celeritas reditionis, diligentiam multitudo literarum, & testium declarauit: pudorem uero, ac religionem, quod cum uenissem senator ad socios populi R. qui in ea prouincia Quæstor fuissem, ad hospites meos, ac necessarios causæ communis defensor diuertere potius, quā ad eos, qui à me auxilium petiuissent. nemini meus aduentus labori aut sumptui neq; publice, neq; priuatim fuit. uim in inquirendo tantam habui, quantam mihi lex dabat, non quantā habere poteram istorum studio, quos iste uexarat. Romā ut ex Sicilia redij, cum iste, atque istius amici homines lauti, & urbani, sermones huiusmodi dissipassent, quo

LIBER III.

animos testium retardarent; me magna pecunia à uera accusatione esse deductum: tametsi probabatur nemini, q̃ & ex sicilia testes erant ij, qui Quæstorē me in provincia cognouerant, & hinc homines maxime illustres, qui ut ipsi noti sunt, sic nostrum unumquenq; optime norunt; tamen usq; eò timui, ne quis de mea fide, atq; integritate dubitaret, donec ad reijciendos iudices uenimus. sciebam, in reijciendis iudicibus nonnullos memoria nostra pactionis suspicionem non uitasse, cum in ipsa accusatione eorum industria, ac diligentia probaretur. ita reieci iudices, ut hoc cōstet, post hunc statum Reip. quo nūc utimur, simili splendore, & dignitate consilium nullum fuisse. quam iste laudem cōmunem ait sibi esse mecum: qui cum P. Galbam iudicem reiecisset, M. Lucretium retinuit: & cum eius patronus ex eo quæreret, cur suos familiarissimos Sex. Peduceum, Q. Confidium, Q. Iunium reijci passus esset, respondit, q̃ eos in iudicando nimium sui iuris, sententiæq; cognosceret. itaq; iudicibus reiectis sperabam iam onus meum uobiscum esse cōmune: putabam, nō solū notis, sed etiam ignotis probatam meā fidem esse, & diligentiam. quod me non fefellit: nam comitijs meis, cum iste infinita largitione contra me uteretur, populus R. iudicauit istius pecuniam, quæ apud me contra fidem meam nihil potuisset, apud se contra honorem meum nihil posse debere. quo quidem die primum iudices citati in hunc reum consedistis, quis tam inimicus huic ordini fuit, quis tam nouarum rerum, iudiciorum, iudicumq; cupidus, qui non conspectu, confessuq; uestro commoueretur? cum in eo uestra mihi dignitas fructū diligentiae referret, id sum affecutus, ut una hora, qua

capit
iudicij
tanto
Romp
scribit
defensio
neret, ut
admodu
diebus,
cialib
bus int
demon
ne iudi
tionem
dere ad
illustri
consulen
iudicia
ne tota
posse
tem a
ex pri
rum
tur, ut
nos, qu
commo
splende
trimen
rate pe
dicare

cœpi dicere, reo audaci, pecunioso, profuso, perduto spem
iudicij corrumpendi præciderem: ut primo die testium
tanto numero citato populus R. iudicaret, ipso absoluto
Remp. stare non posse: ut alter dies amicis istius, et defen-
sibus non modo spem uictoriæ, sed etiam uoluntatem
defensionis auferret: ut tertius dies sic hominem proster-
neret, ut morbo simulato, non quid responderet, sed quæ
admodum non responderet, deliberaret. deinde reliquis
diebus, his criminibus, his testibus, & urbanis, & provin-
cialibus, sic obrutus, atq; oppressus est, ut his ludorū die-
bus interpositis, nemo istum comperendinatum, sed con-
demnatum iudicaret. quapropter ego, quod ad me atti-
net iudices, uici: non enim spolia C. Verris, sed existima-
tionem populi R. concupiui. meum fuit, cum causa acce-
dere ad accusandum: quæ causa fuit iustior, quàm à tã
illustri provincia defensorem constitui & deligi? Reip.
consulere: quid iam Reip. honestius, quàm in tanta in-
uidia iudiciorum adducere hominem, cuius damnatio-
ne totus ordo cum populo R. & in laude, & in gratia
possit esse? ostendere, ac persuadere hominem nocen-
tem adductum esse: quis est in populo R. qui hoc non
ex priore actione abstulerit, omnium ante damnato-
rum scelera, furta, flagitia, si in unum locum conferan-
tur, uix cum huius parua parte æuari, cõferriq; posse?
uos, quod ad uestram famam, existimationem, salutemq;
communem pertinet iudices, prospicite, atque consulite.
splendor uester facit, ut peccare sine summo Reip. de-
trimento, ac periculo non possitis: non enim potest spe-
rare populus R. esse alios in senatu, qui recte possint iu-
dicare, uos si non potueritis. necesse est, cum de toto

LIBER III.

ordine desperarit, aliud genus hominū, atq; aliam rationem iudiciorum requirat. hoc si uobis ideo leuius uideatur, q̄ putatis onus esse graue, & incōmodum, iudicare: intelligere debetis, primum inter esse, utrum id onus uosmet ipsi reieceritis, an, quòd probare populo R. fidem uestram, & religionem non potueritis, eo uobis iudicandi potestas erepta sit. deinde etiam illud cogitate, quanto periculo uenturi simus ad eos iudices, quos propter odium uestri populus R. de uobis uoluerit iudicare. uerum uobis dicam id, quod intellexi iudices. homines scitote esse quosdam, quos tantum odium uestri ordinis teneat, ut hoc palam iam dicant, se istum, quem sciant esse hominem improbissimū, hoc uno nomine absolui uelle, ut ab senatu iudicia per ignominia, turpitudinemq; auferatur. hæc me iudices pluribus uerbis uobiscum agere coegit nō timor meus de uestra fide, sed spes illorum noua: quæ cum Verrem à porta subito ad iudicium retraxisset, nonnulli suspicati sunt nō sine causa illius consilium tam repente esse mutatum. nūc ne nouo querimonie genere uti possit Hortensius, et ea dicere, opprimi reum, de quo nihil dicat accusator; nihil esse tam periculosum fortunis innocentium, q̄ tacere aduersarios; & ne aliter, q̄ ego uelim, meum laudet ingenium; cum dicat, me, si multa dixissem, subleuaturum fuisse eum, quem contra dicerem; quia nō dixerim, perdidisse: morem illi geram: utar oratione perpetua: nō quoniam hoc sit necesse: uerum ut experiar, utrum ille ferat molestius, me tunc tacuisse, an nunc dicere. hic tu fortasse eris diligens, ne quam ego horam de meis legitimis horis remittam: nisi omni tēpore, quod mihi lege cōcessum est, abusus ero, querere, deū at-

que ho
accu
mea
hie
mina
riam
causa
ter col
tux
tus
mole
test
mole
potius
quam
com
accu
ut op
reus
mura
lam
liceb
mole
sibu
tis cr
atro
respo
si lex
stine
st. p

que hominum fidem implorabis: circūueniri C. Verrē, q̄
accusator nolit tādū, q̄ diu liceat, dicere. quod mihi lex
mea causa det, eo mihi nō uti nō licebit: nā accusandi mi
hi tēpus mea causa datū est, ut possem oratione mea cri=
mina causamq; explicare. hoc si non utor, non tibi iniu=
riam facio, sed de meo iure aliquid, & cōmodo detraho.
causam enim, inquit, cognosci oportet. ea re quidē, q̄ ali=
ter cōdemnari reus, quāuis sit nocens, non potest. id igi=
tur tu moleste tulisti, à me aliquid factum esse, quo mi=
nus iste condemnari posset? nam causa cognita possunt
multi absolui: incognita quidem cōdemnari nemo po=
test. adimo enim cōperendinatum: quod habet lex in se
molestissimū: bis ut causa dicatur. quod aut mea causa
potius est cōstitutum, quā tua: aut nihilo tua potius,
quā mea. nā si, bis dicere, est cōmodum: certe utriusq;
cōmune est. si eum, qui posterius dixit, opus est redargui:
accusatoris causa, ut bis ageretur, cōstitutum est. uerum,
ut opinor, Glaucia primus tulit, ut comperendinaretur
reus: antea uel iudicari primo poterat, uel, amplius, pro=
nuntiari. utrā igitur putas legem molliorem? opinor, il=
lam ueterem: qua uel cito absolui, uel tarde cōdemnari
licebat. ego tibi illam Aciliam legem restituo: qua lege
multi semel accusati, semel dicta causa, semel auditis te=
stibus, cōdemnati sunt, nequaquā tam manifestis, neq; tā=
tis criminibus, quantis tu cōuinceris. puta te nō hac tam
atroci, sed illa lege mitissima causam dicere. accusabo:
respondebis. testibus editis, ita mittā in consiliū, ut, etiam
si lex ampliandi faciat potestātē, tamen isti turpe sibi exi=
stiment, nō primo iudicare. uerū si causam cognosci opus
est, parum ne cognita est? dissimulamus Hortensi: quod

LIBER III.

Sæpe in dicendo experti sumus. quis nos magnopere atten-
 dit unquam, in hoc quidem genere causarū, ubi aliquid
 ereptum aut ablatum à quopiam dicitur? non ne aut
 in tabulis, aut in testibus omnis expectatio iudicum est?
 dixi prima actione, me planū esse facturum, C. Verrem
 HS quadringenties cōtra legem abstulisse. quid? hoc pla-
 nius egissem, si ita narrassem. Dio quidā fuit Halesinus:
 qui, cum eius filio Prætoris Sacerdote hæreditas à propin-
 quo per magna uenisset, nihil habuit neq; negotij, neq; cō-
 trouersie. Verres simul ac tetigit provinciam; statim
 Messanam literas dedit, Dionem euocauit, calumniato-
 res ex sinu suo apposuit, qui illam hæreditatem Veneri
 Erycinæ cōmissam esse dicerent. hac de re ostendit se ip-
 sum cogniturum. possum deinceps totam rem explicare,
 deinde ad extremū id, quod accidit, dicere: Dionem HS
 decies centena millia numerasse, ut causam certissimam
 obtineret: præterea greges equarū eius istum abigendos
 curasse: argenti uestisq; stragulae quod fuerit, curasse au-
 ferendū. hæc neq; cum ego dicerem, neq; cū tu negares,
 magni momenti nostra esset oratio. quo tempore igitur
 aures iudex erigeret, animumq; attenderet? cum Dio
 ipse prodiret, cū ceteri, qui tum in Sicilia negotijs Dio-
 nis interfuisent: cum per eos ipsos dies, per quos causam
 Dio diceret, reperiretur, pecunias sumpsisse mutuas, no-
 mina sua exegisse, prædia uendidisse: cum tabulae uiro-
 rum bonorū proferrentur: cū, qui pecuniam Dioni de-
 derunt, dicerent se iam tum audisse, eo nummos sumi, ut
 Verri darentur: cum amici, hospites, patroni Dionis, ho-
 mines honestissimi, hæc eadem se audisse dicerent. opinor,
 cum hæc fierent, tum uos audiretis, sicut audistis; tum

causa agi uideretur. sic à me sunt acta omnia priore actione, ut in criminibus omnibus nullum esset, in quo quisquā uestrū perpetuam accusationem requirat. nego esse quicquā à testibus dictum, quod aut uestrū cuiquam esset obscurū, aut cuiusquā oratoris eloquentiā quæreret: etenim sic me ipsum egisse memoria tenetis, ut in testibus interrogandis omnia crimina proponere, et explicarem; ut, cū rem totā in medio proposuissem, tum deniq; testem interrogarem. itaq; nō modo uos, quibus est iudicādum, nostra crimina tenetis: sed etiā populus R. totā accusationē causamq; cognouit. tāctsi ita de meo facto loquor, quasi ego illud mea uolūtate potius, q̄ uestra iniuria adductus fecerim. interposuistis accusatorē, qui, cū ego mihi C et X dies solos in Sicilia postulasse, C et VIII sibi in Achaiā postularet: mēses mihi tres cū eripuissetis ad agēdum maxime appositos, reliquū omne tēpus huius anni me uobis remissurū putastis: ut, cū horis nostris nos essemus usi, tu, binis ludis interpositis, quadragesimo post die responderes: deinde ita tēpus duceretur, ut à M. Glabrio ne Præt. et à magna parte horum iudicū ad Pratorem aliū, iudicesq; alios ueniremus. hāc si ego nō uidissem; si me nō omnes noti ignoti; monuissent, id agi, id cogitari, in eo laborari, ut res in illud tēpus reijceretur: credo, si meis horis in accusando uti uoluisset, uereret, ne mihi crimina nō suppeterent, ne oratio deesset, ne uox uiresq; deficeret, ne, quem nemo prima actione defendere ausus esset, cū ego bis accusare nō possem. ego meū consiliū tum iudicibus, tum populo R. probaui. nemo est, qui alia ratione istorum iniuriæ, atq; impudentiæ potuisse obsisti arbitretur: etenim qua stultitia fuisset, si, quam diem qui

LIBER III.

istum eripiendum redemerunt, in cautione uiderūt, cum ita cauerent, si post Cal. Ian. in consilium iretur; in eam diem ego, cum potuissem uitare, incidissem? nunc mihi temporis eius, quod mihi ad dicendum datur, quoniam in animo est causam omnem exponere, habenda ratio est diligenter. itaque primum illum actum istius uitæ turpissimum, & flagitiosissimum pratermittam: nihil à me de pueritiæ suæ flagitis, peccatisq; audiet: nihil ex illa impura adolescentia sua: quæ qualis fuerit, aut meministis, aut ex eo, quem sui simillimū produxit, recognoscere potestis. omnia prateribo, quæ mihi turpia dictū uidebuntur: neq; solum, quid istum audire, uerum etiam quid me deceat dicere, considerabo. uos quaeso date hoc, & concedite pudori meo, ut aliquā partem de istius impudētia reticere possim. omne illud tēpus, quod fuit antequam iste ad magistratus, remq; publicam accessit, habeat per me solutū, ac liberū. sileatur de nocturnis eius bacchationibus, ac uigilijs: lenonum, aleatorū, perductorum nulla mentio fiat: damna, dedecora, quæ res patris eius, ætas ipsius pertulit, praterēatur: lucretur indicia ueteris infamiæ: patiatur eius uita reliqua me hāc tantam iacturam criminū facere. Quæstor Cn. Papirio Cos. fuisti abhinc annos quatuordecim: ex ea die ad hāc diē quæ fecisti, in iudiciū uoco. horanulla uacua à furto, à scelere, crudelitate, flagitio reperietur. hi sunt anni cōsumpti in Quæstura, & Legatione Asiatica, et Prætura urbana, & Prætura Siciliensi. quare hāc eadē erit quadripartita distributio totius accusationis meæ. Quæstor ex S. C. prouinciā sortitus es: obtrigit tibi consularis: ut cum Cos. Cn. Carbone esses, eamq; prouinciā obtineres.

erat tum dissensio ciuium : de qua nihil sum dicturus,
quid sentire debueris : unum hoc dico, in eiusmodi tem=
pore ac sorte statuere te debuisse, utrum malles sentire,
atq; defendere. Carbo grauiter ferebat, sibi Quaestorem
obtigisse hominem singulari luxuria, atq; inertia: uerum
tamen ornabat eum beneficijs officijsq; omnibus. ne diu=
tius teneam, pecunia attributa numerata est : profectus
est Quaestor in prouinciã : uenit in Galliam expectatus
ad exercitum cõsularem cū pecunia : simul ac primum
ei occasio uisa est (cognoscite hominis principiū magistra=
tum gerendorū, & Reip. administrandæ) auersa pecu=
nia publica Quaestor Consulem, exercitū, prouinciãq;
deseruit. uideo, quid egerim: erigit se: sperat sibi auram
posse aliquā afflari in hoc crimine uoluntatis, assensio=
nisq; eorum, quibus Cn. Carbonis mortui nomen odio sit:
quibus illam relictionem, proditionemq; Cõsulis sui gra=
tam sperat fore. quasi uero id cupiditate defendendæ no=
bilitatis, aut studio partiū fecerit, ac nō apertissime Con=
sulem, exercitū, prouinciãq; cõpilarit, & propter impu=
dentissimū furtum aufugerit : est. n. obscurum, & eius=
modi factum eius, ut possit aliquis suspicari, C. Verrem,
quod ferre novos homines nō potuerit, ad nobilitatē, hoc
est ad suos, transisse, nihil fecisse propter pecuniã. uidea=
mus, rationes quemadmodū retulerit : iam ipse ostendet,
quamobrem Cn. Carbonem reliquerit : iam se ipse indi=
cabit. primū breuitatem cognoscite. ACCEPI, inquit,
VICIES DVCENTA TRIGINTA QVIN=
QVE MILLIA QVADRINGENTOS
XVII NUMMOS: DEDI STIPENDIO,
FRUMENTO, LEGATIS, PROQVAE

LIBER III.

STORIBVS, COHORTI PRAETORIAE
 HS MILLE SEXCENTA TRIGINTA=
 QVINQVE MILLIA, QVADRINGEN=
 TOS XVII NUMMOS: RELIQVI ARI=
 MINI HS SEXCENTA MILLIA. hoc est
 rationes referre? hoc modo aut ego, aut tu Hortēsi, aut
 quisquam hominū retulit? quid hoc est? quæ impuden=
 tia? quæ audacia? quod exemplū ex tot hominū ratio=
 nibus relatis huiusmodi est? illa tamen HS sexcenta mil=
 lia, quæ ne falso quidē potuit, quibus data essent, describe=
 re, quæ se Arimini scribit reliquisse, quæ ipsa HS sexcēta
 millia reliqua facta sunt; neq; Carbo attigit, neq; Sylla
 uidit; neq; in ærariū relata sunt. oppidū sibi elegit Ari=
 minū, quod tum, cum iste rationes referebat, oppressum
 direptumq; erat. nō suspicabatur id, quod nūc sentiet, sa=
 tis multos ex illa calamitate Ariminēsiū testes nobis in
 hanc rem reliquos esse. recita denuo. P. LENTVLO,
 L. TRIARIO QVÆSTORIBVS VRBA=
 NIS, RATIONVM RES RELATARVM.
 recita. EX S. C. ut hoc pacto rationē referre liceret, eo
 Syllanus repente factus est, nō ut honos, & dignitas nobi=
 litati restitueretur. quōd si illinc inanīs profugisses; tamē
 ista tua fuga, nefaria; proditio Cōsulis tui, scelerata iu=
 dicaretur. malus ciuis, improbus Consul, seditiosus homo
 Cn. Carbo fuit. fuerit alijs: tibi quādo esse cœpit? postea=
 quā tibi pecuniā, rem frumentariā, rationes omnes suas,
 exercitumq; cōmisit: nam si tibi antea displicuisset, idem
 fecisses, quod anno post M. Piso Quæstor, cum L. Scipioni
 Cōsuli obtigisset: non attigit pecuniā: nō ad exercitum
 profectus est: quod de Rep. sensit, ita sensit, ut nec fidem

suam, nec morem maiorū, nec necessitudinem sortis lade-
ret. etenim si hæc perturbare omnia, & permiscere uolu-
mus: totā uitā periculosam, infestāq; reddemus, si nul-
lam religionē sors habebit, nullam societate coniūctio se-
cunda, dubiaq; fortunæ, nullam auctoritatē mores, atq;
instituta maiorum. omnium est cōmunis inimicus, qui fuit
hostis suorum. nemo unquā sapiens proditori credendū pu-
tauit. ipse Sylla, cui aduentus istius gratissimus esse de-
buit, ab se hominem, atq; ab exercitu suo remouit, Bene-
uenti esse iussit apud eos, quos suis partibus amicissimos
esse intelligebat, ubi iste summæ rei, causaq; nocere nihil
posset. ei postea præmia tamen liberaliter tribuit: bona
quædā proscriptorū in agro Beneuentano diripienda con-
cessit: habuit honorē ut proditori, nō ut amico fidē. nūc,
quāuis sint homines, qui mortuū Cn. Carbonem oderint:
tamen hi debent, nō quid illi accidere uoluerint, sed quid
ipsis in tali re metuendū sit, cogitare. cōmune est hoc ma-
lum, cōmunis metus, cōmune periculum. nullæ sunt occul-
tiores insidiæ, quàm eæ, quæ latent in simulatione officij,
aut in aliquo necessitudinis nomine: nam eum, qui pa-
lām est aduersarius, facile cauendo uitare possis: hoc
uero occultum, intestinū, ac domesticum malum nō mo-
do non existit, uerū etiam opprimit, antequā perspicere,
atq; explorare potueris. ita ne uero? tu, cū Quæstor ad
exercitū missus sis, custos nō solum pecuniæ, sed etiā Con-
sulis, particeps omnium rerum, consiliorumq; fueris, habi-
tus sis in liberū loco, sicut mos maiorum ferebat: repen-
te relinquas? deferas? ad aduersarios transeas? o sce-
lus: o portentū in ultimas terras exportandū: nō enim
potest ea natura, quæ tantum facinus cōmiserit, hoc uno

LIBER III.

scelere esse contenta : necesse est, semper aliquid eiusmodi
 moliatur : necesse est, in simili audacia, perfidiaq; uerse-
 tur. itaq; idē iste, quem Cn. Dolabella postea C. Malleolo
 occiso pro Quæstore habuit (haud scio, an maior etiam
 hæc necessitudo fuerit, q̄ illa Carbonis, ac plus iudiciū uo-
 luntatis ualere, q̄ sortis debeat) idem in Cn. Dolabellam,
 qui in Cn. Carbonē, fuit : nā, quæ in istū ualebant crimi-
 na, contulit in illum, causamq; illius omnem ad inimicos
 accusatoresq; detulit: ipse in eū, cui Legatus, cui Proquæ-
 store fuerat, inimicissimū, atq; improbissimū testimoniū
 dixit. ille miser cum esset ; tum proditione istius nefaria,
 tum improbo, & falso eiusdē testimonio, tum multo ex
 maxima parte istius furtorū, ac flagitiorū inuidia con-
 flagrauit. quid hoc homine faciatis ? aut ad quam spem
 tam perfidiosum, tam importunū animal reseruetis ? qui
 in Cn. Carbone sortem, in Cn. Dolabella uoluntatē negle-
 xerit, ac uiolarit, eosq; ambos non solum deseruerit, sed
 etiam prodiderit, atq; oppugnarit. nolite, quæso iudices,
 breuitate orationis meæ potius, q̄ rerū ipsarū magnitudi-
 ne crimina pōdere : mihi. n. properandū necessario est,
 ut omnia uobis, quæ mihi cōstituta sunt, possim expone-
 re. quāobrem Quæstura istius demonstrata, primiq; ma-
 gistratus & furto, & scelere perspecto, reliqua attendi-
 te. in quibus illud tempus Syllanarū proscriptionū ac ra-
 pinarū prætermittam : neq; ego istum sibi ullam ex cō-
 muni calamitate defensionem sinā sumere : suis eum cer-
 tis proprijsq; criminibus accusabo . quāobrem hoc omni
 tempore Syllano ex accusatione circumscripto , legatio-
 nem eius præclaram cognoscite. Posteaquam Cn. Do-
 labellæ provincia Cilicia constituta est, ò dy immortales,
 quanta

quāda
 gation
 maxim
 conq;it
 sed ut q
 id (prati
 alius qu
 singula
 bile uic
 (cit. me
 non d
 genus
 homine
 humilit
 um, dom
 excrucia
 tabulas
 est alia
 (seruat
 pondi
 cio: di
 partic
 Delun
 clam)
 in omē
 die con
 bant, q
 ni relig
 natum
 bant, q

quāta iste cupiditate, quibus allegationibus illam sibi Legationem expugnauit: id quod Cn. Dolabellæ principium maximæ calamitatis fuit: nā ut iste profectus est, quacūq; iter fecit, eiusmodi fuit, non ut Legatus populi R. sed ut quædam calamitas peruadere uideretur. in Achaia (prætermittam minora omnia, quorum simile forsitan alius quoque aliquid aliquando fecerit: nihil dicam, nisi singulare, nisi quod, si in alium reum diceretur, incredibile uideretur) magistratum Sicyonium nummos poposcit. ne sit hoc crimen in Verrem: fecerunt alij. cum ille non daret, animaduertit. improbum, sed nō inauditum. genus animaduersionis uidete: quæretis, ex quo genere hominem istum iudicetis. ignem ex lignis uiridibus, atq; humidis in loco angusto fieri iussit: ibi hominem ingenuum, domi nobilem, populi R. socium, atq; amicum, fumo excruciatum semiuivum reliquit. iam quæ iste signa, quas tabulas piætas ex Achaia sustulerit, non dicam hoc loco, est alius mihi locus ad hanc cupiditatem demonstrandam seruatus. Athenis audistis ex æde Minervæ grande auripondus ablatum. dictum hoc est in Cn. Dolabellæ iudicio: dictum? etiam æstimatum. huius consilij non modo participem C. Verrem, sed principem fuisse reperietis. Delum uenit: ibi ex fano Apollinis religiosissimo noctu clam sustulit signa pulcherrima, atq; antiquissima, eaq; in onerariam nauem suam coniicienda curauit. postridie cum spoliatum fanum uiderent ij, qui Delum incolebant, grauius ferebant: est enim tanta apud eos eius fani religio, atq; antiquitas, ut in eo loco ipsum Apollinem natum esse arbitrentur. uerbum tamen facere non audebant, ne forte ea res ad Dolabellam ipsum pertineret. tū

Cic. Orat.

M

LIBER III.

subito tempestates coortæ sunt maximæ iudices, ut non modo proficisci, cum cuperet, Dolabella non posset, sed uix in oppido consisteret: ita magni fluctus eiciebantur. hic naus illa prædonis istius, onusta signis religiosis, expulsa, atque eiecta fluctu, frangitur: in litore signa illa Apollinis reperiuntur: iussu Dolabellæ reponuntur: tempestas sedatur: Dolabella Delo proficiscitur. non dubito, quin, tamen si nullus in te sensus humanitatis, nulla ratio unquam fuit religionis, nunc tamen in metu periculoq; tuo tuorum tibi scelerum ueniat in mentem. potest ne tibi ulla spes salutis commoda ostendi, cum recordaris, in deos immortales q̄ impius, quàm sceleratus, quàm nefarius fueris? Apollinem ne tu Delium spoliare ausus es? ille ne tu templo, tam antiquo, tam sancto, tam religioso manus impias, ac sacrilegas afferre conatus es? si in pueritia non is artibus, & disciplinis institutus eras, ut ea, quæ literis mandata sunt, disceres, atq; cognosceres: ne postea quidem, cum in ea ipsa loca uenisti, potuisti accipere id, quod est proditum memoriæ, ac literis? Latonā ex longo errore, et fuga grauidam, & iam ad pariendum uicinam, temporibus exactis fugisse Delum, atq; ibi Apollinem Dianamq; peperisse. qua ex opinione hominum illa insula eorum deorum sacra putatur: tantaq; eius auctoritas religionis et est, & semper fuit, ut ne Persæ quidē, cum bellum toti Graciæ, dijs, hominibusq; indixissent, & mille numero nauium classē ad Delū appulissent, quicquam conarentur aut uiolare, aut attingere. hoc tu fanum depopulari homo improbissime, atque amentissime audebas? fuit illa cupiditas tanta, quæ tantam extingueret religionem? & si tū hæc non cogitabas, ne nunc qui-

dem
tibi p
postq
equo
ridiam
cherri
Tened
qui ap
illam
natio
quem
gemit
et ma
acerba
uoftra
C. Ner
eius m
neren
re. q
ui e
grat
quæ
etiam
no u
iudici
consil
steaq
le uid
quæ i
sunt

dem recordaris, nullum esse tantum malum, quod non tibi pro sceleribus tuis iandiu debeat? in Asiam uero postquam uenit, quid ego aduentus istius prædia, cænas, equos, muneraq; commemorem? nihil cum Verre de quotidianis criminibus acturus sum. Chio per uim signa pulcherrima dico abstulisse: item Erythris, & Halicarnasso. Tenedo (prætereo pecuniam, quam eripuit) Tenē ipsum, qui apud Tenedios sanctissimus deus habetur, qui urbē illam dicitur condidisse, cuius ex nomine Tenedus nominatur: hūc ipsum inquam Tenem, pulcherrime factum, quem quondam in comitio uidistis, abstulit magno cum gemitu ciuitatis. illa uero expugnatio fani antiquissimi, & nobilissimi Iunonis Samiæ q̄ luētiosa Samijs fuit? q̄ acerba toti Asiæ? quā clara apud omnes? quā nemini uestrum inaudita? de qua expugnatione cum Legati ad C. Neronem in Asiā Samo uenissent, responsum tulerūt, eiusmodi querimonias, quæ ad Legatum populi R. pertinerent; non ad Prætorem, sed Romam deferri oportere. quas iste tabulas illinc, quæ signa sustulit? quæ cognoui egomet apud istum in ædibus nuper, cum obsignandi gratia uenissem. quæ signa nunc Verres ubi sunt? illa quaero, quæ apud te nuper ad omnes columnas, omnibus etiam intercolumnijs, in sylua denique disposita sub diuo uidimus. cur ea, quandiu alium Prætorem cum ijs iudicibus, quos in horum locum subfortitus es, de te in consilium iturum putasti, tandiu domi fuerunt: posteaquam nostris testibus nos, quā horis tuis, uti male uidisti, nullum signum domi reliquisti, præter duo, quæ in medys ædibus sunt, quæ ipsa Samo sublata sunt? non putasti me tuis familiarissimis in hanc

M ij

LIBER III.

rem testimonia denuntiaturum? qui tuæ domi sæpe fuissent, ex quibus quærerem, signa scirent ne fuisse quæ non essent. quid tum hos de te iudicaturos arbitratus es, cum uiderent, te iam non contra accusatorem tuum, sed contra Quæstorem, sectoremq; pugnare? qua de re Caridemum Chium testimoniū priore actione dicere audistis: sese, cum esset Trierarchus, & Verrem ex Asia decedentem prosequeretur, iussu Dolabellæ fuisse unā cum isto Sami, seseq; tum scire spoliatum esse fanum Iunonis, & oppidum Samum, posteaq; se causam apud Chios ciues suos Samijs accusantibus publice dixisse, eoq; se esse absolutum, & planum fecisset, ea, quæ legati Samiorum dicerent, ad Verrem, non ad se pertinere. Aspidum uetus oppidum, & nobile in Pamphylia scitis esse, plenissimum signorum optimorum. non dicam illinc hoc signum ablatum esse, & illud: hoc dico, nullum te Aspendi signū Verres reliquisse, omnia ex fanis, ex locis publicis, palam, spe Etantibus omnibus, plostris euecta, asportataq; esse. atq; etiam illum Aspidium citharistam, de quo sæpe audistis id, quod est Græcis hominibus in prouerbio, quem omnia intus canere dicebant, sustulit, & in intimis suis ædibus posuit, ut etiam illū ipsum artificio suo superasse uideatur. Pergæ fanum antiquissimum, & sanctissimum Dianæ scimus esse. id quoq; à te nudatum, & spoliatum esse, ex ipsa Diana, quod habebat auri, detractum, atque ablatum esse dico. quæ (malū) est ista tanta audacia, atq; amentia? quas enim sociorum, atq; amicorum urbes adisti Legationis iure, & nomine; si in eas uic cum exercitu, imperioq; inuasisses, tamen opinor quæ signa, atq; ornamenta ex his urbibus sustulisses, hæc non in tuam domū,

neq; in suburbana amicorum, sed Romam in publicum deportasses. quid ego de M. Marcello loquar? qui Syracusas urbem ornatissimā cepit. quid de L. Scipione? qui bellum in Asia gessit, Antiochumq; Regem potentissimum uicit. quid de Flaminiō? qui Regem Philippum, & Macedoniā subegit. quid de L. Paulo? qui Regem Persen ui, ac uirtute superauit. quid de L. Mūmio? qui urbem pulcherrimā, atq; ornatissimam Corinthum, plenissimam rerū omniū sustulit, urbesq; Achaia, Bæotiaq; multas sub imperium populi R. ditionemq; subiunxit. quorum domus cum honore, & uirtute florerent, signis & tabulis pietis erant uacuae. at uero urbem totā, templa deorū, omnesq; Italiae partes illorum donis, ac monimentis exornatas uidemus. uereor, ne hæc forte cuiquam nimis antiqua, & iam obsoleta uideantur: ita enim tum æquabiliter omnes erant huiusmodi, ut hæc laus eximia uirtutis, & innocentie non solum hominum, uerum etiam temporum illorū esse uideatur. P. Seruilius uir clarissimus, maximis rebus gestis, adest, de te sententiam laturus est: Olympū ui, copus, consilio, uirtute cepit, urbem antiquam, & omnibus rebus auclam, & ornatam. recens exemplum fortissimi uiri profero: nam postea Seruilius imperator populi R. Olympum urbem hostium cepit, q̄ tu in iisdem illis locis Legatus quæstorius oppida pacata sociorū, atq; amicorum diripienda, ac uexanda curasti. tu quæ ex fanis religiosissimis per scelus, & per latrocinium abstulisti, ea nos uidere, nisi in tuis, amicorumq; tuorum tectis, non possumus. P. Seruilius quæ signa atq; ornamenta ex urbe hostium, & uirtute capta, belli lege, atq; imperatorio iure sustulit, ea populo R. apportauit, per triumphū

M iij

LIBER III.

uexit, in tabulas publicas ad ararium perscribenda curauit. cognoscite ex literis publicis hominis amplissimi diligentiam. recita. RATIONES RELATAE P. SERVILII. nō solum numerum signorum, sed etiam uniuscuiusq; magnitudinem, figuram, statum literis definiri uides. certe maior est uirtutis, uictoriæq; incūditas, quā ista uoluptas, quæ percipitur ex libidine, & cupiditate. multo diligentius habere dico Seruilium prædam populi R. quā te tua furtiua notata, atq; descripta. dices, tua quoq; signa, & tabulas pictas ornamento urbi, foroq; populi R. fuisse. memini: uidi simul cum populo R. forum, comitiumq; adornatum ad speciem magnifico ornatu, ad sensum, cogitationemq; acerbo, & lugubri: uidi collucere omnia furtis tuis, præda provinciarū, spolijs sociorum, atq; amicorum. quo quidem tempore iudices iste spem maximam reliquorum quoq; peccatorum nactus est: uidit enim eos, qui iudiciorum dominos se dici uolebant, harum cupiditatum esse seruos. socij uero, nationesq; exteræ, spem omnium tum primum abiecerer rerum, ac fortunarum suarum: propterea q̄ casu legati ex Asia, atq; Achaia plurimi Romæ tunc fuerunt, qui deorum simulacra ex suis fanis sublata in foro uenerabantur: itemq; cetera signa, & ornamenta cum cognoscerent, alia alio in loco lacrymantes intuebantur. quorum omnium hunc sermonem tum esse audiebamus, nihil esse, quod quisquam dubitaret de exitio sociorum, atque amicorum, cum quidem uiderent in foro populi R. quo in loco antea qui socijs iniurias fecerant, accusari, & cōdemnari solebant, ibi esse palam posita ea, quæ ab socijs per scelus ablata, ereptaq; essent. hic ego nō ar=

bitror illum negaturum, signa sese plurima, tabulas pietas innumerabiles habere. sed, ut opinor, solet hæc, quæ rapuit, & furatus est, non nunquā dicere se emissee, quoniam quidem in Achaiam, Asiam, Pamphylia sumptu publico, & legationis nomine, cum imperio, et securibus mercator signorum tabularumq; pietarum missus est. habeo & istius & patris eius accepti tabulas omnes, quas diligentissime legi, atq; digessi: patris, quoad uixit: tuas, quoad ais te confecisse. nam in isto indices hoc nouū reperiētis. audimus aliquem tabulas nunquam confecisse: quæ est opinio hominum de Antonio, falsa: nam fecit diligentissime. uerum sit hoc genus aliquod minime probandum. audimus alium non ab initio fecisse, sed ex tempore aliquo cōfecisse. est aliqua etiam huiusce rei ratio. hoc uero nouum, & ridiculum est, quid hic nobis restōdit, cum ab eo tabulas postularem: usq; ad M. Terentium, & C. Cassium Cōsules confecisse, postea destitisse. alio loco, hoc cuiusmodi sit, considerabimus. nūc nihil ad me attinet: horum enim temporum, in quibus nunc uersor, habeo tabulas & tuas, & patris. plurima signa pulcherrima, plurimas tabulas deportasse te, negare non potes: atq; utinam neges. unum, ostende in tabulis aut tuis, aut patris tui, emprum esse: uicisti. ne hæc quidem duo signa pulcherrima, quæ nunc ad impluuium tuum stant, quæ multos annos ad ualuas Iunonis Samiæ steterunt, habes quomodo emeris: hæc inquam duo, quæ in adibus tuis sola iam sunt: quæ sectorem expectant, relicta, ac destituta à cæteris signis. At credo in hisce solis rebus indomitas cupiditates, atque effrenatas habebat: cæteræ libidines eius ratione aliqua, aut modo continebantur.

M iiij

LIBER III.

quàm multis istum ingenuis, q̄ multis matribus famili-
as in illa tetra, atq; impura Legatione uim attulisse exi-
stimatis? ecquo in oppido pedem posuit, ubi nō plura stu-
prorum, flagitiorumq; suorum, q̄ aduentus sui uestigia
reliquerit? sed ego omnia, quæ negari poterunt, præter-
mittam. etiā hæc, quæ certissima sunt, & clarissima, re-
linquam. unum aliquod de nefarijs istius factis eligā,
quo facilius ad Siciliam possim aliquando, quæ mihi hoc
oneris, negotijq; imposuit, peruenire. Oppidum est in
Helleponto Lampsacum iud. in primis Asiæ provincie
clarum, & nobile: homines autem ipsi Lampsaceni tum
summe in omnes ciues Romanos officiosi, tum præterea
maxime sedati, & quieti, propè præter ceteros ad sum-
mum Græcorum otium potius, q̄ ad ullam uim, aut tu-
multum accommodati. accidit, cum iste a Cn. Dolabella
efflagitasset, ut se ad Regem Nicomedem, Regemq; Sada-
lam mitteret, cumq; iter hoc sibi magis ad quæstum su-
um, q̄ ad Reip. tempus accommodatum depoposcisset; ut
illo itinere ueniret Lampsacum, cum magna calamitate,
& propè pernicio civitatis. deducitur iste ad Ianitorem
quendam hospitem: comitesq; eius item apud ceteros ho-
spites collocantur. ut mos erat istius, atq; ut eum suæ libi-
dines flagitiosæ facere admonuerant, statim negotium
dat illis suis comitibus, nequissimis, turpissimisq; homini-
bus, ut uideant, & inuestigent, ecquæ uirgo sit, aut mu-
lier, digna, quamobrem iste Lampsaci diutius commo-
raretur. erat comes eius Rubrius quidam, homo factus
ad istius libidines: qui miro artificio, quocunq; uenerat,
hæc inuestigare omnia solebat. is ad eū rem istam defert:
Philodamū esse quēdā genere, honore, copijs, existimatio-

ne facile principem Lampfacenorum : eius esse filiam, quæ cum patre habitaret, propterea quod uirum non haberet, mulierem eximia pulchritudine, sed eam summa integritate pudicitiaq; existimari. homo ut hæc audiuit, sic exarsit ad id, quod non modo ipse nunquam uiderat, sed ne audierat quidem ab eo, qui ipse uidisset; ut statim ad Philodamum migrare se diceret uelle. hospes Ianitor, qui nihil suspicaretur, ueritus ne quid in ipso se offenderit, hominem summa ui retinere cepit. iste, qui hospitum relinquendi causam reperire non posset, alia sibi ratione uiam munire ad stuprum cepit: Rubrium, delicias suas, in omnibus eiusmodi rebus adiutorem suum, et conscium, parum laute diuersari dicit, ad Philodamum deduci iubet. quod ubi est Philodamo nuntiatur: tamen si non erat ignarus, quantum sibi ac liberis suis iam tum mali constitueretur, tamen ad istum uenit, ostendit munus illud suum non esse: se, cum suæ partes essent hospitum recipiendorum, tum ipsos tantum Praetores et Consules, non Legatorum asseclas, recipere solere. iste, qui una cupiditate raperetur, totum illius postulatum causamq; neglexit: per uim ad eum, qui recipere non debebat, Rubrium deduci imperauit. hic Philodamus, posteaquam ius suum obtinere non potuit; ut humanitatem consuetudinemq; suam retineret, laborabat. homo, qui semper hospitalissimus amicissimusq; nostrorum hominum existimatus esset, noluit uideri ipsum illum Rubrium inuitus in domum suam recepisse: magnifice et ornate, ut erat in primis inter suos copiosus, conuiuium comparat: rogat Rubrium, ut, quos ei commodum sit, inuitet: locum sibi soli, si uideatur, relinquat: ut etiam filium suum, lectissimum adolescentem, foras ad propinquum

LIBER III.

suum quendam mitteret ad cœnam. tum Rubrius istius
 comites inuitat. eos omnes Verres certiores facit, quid o-
 pus esset. mature ueniunt: discumbitur: fit sermo inter
 eos, & inuitatio, ut græco more biberetur: hospes horta-
 tur: poscunt maioribus poculis: celebratur omnium sermo-
 ne letitiaq; cōuiuiū. posteaquā satis calere res Rubrio ui-
 sa est: quæso, inquit, Philodame, cur ad nos filiā tuā non
 intro uocari iubes? homo, qui & summa grauitate, &
 iam id ætatis, & parēs esset, obstupuit hominis improbi
 dicto. instare Rubrius. tum ille, ut aliquid responderet, ne-
 gavit moris esse Græcorū, ut in conuiuiū uirorū accum-
 berent mulieres. hic tum alius ex alia parte: enimuero fe-
 rendū hoc non est: uocetur mulier. & simul seruis suis
 Rubrius, ut ianuā clauderent, & ipsi ad fores assisterēt,
 imperat. quod ubi ille intellexit, id agi, atq; id parari, ut
 filiæ suæ uis afferretur, seruos suos ad se uocat, his impe-
 rat, ut se ipsum negligant, filiā defendant, excurret ali-
 quis, qui hoc tantū domestici mali filio suo nūtiat. clamor
 interea fit tota domo inter seruos Rubrii, atq; hospitris: ia-
 etatur domi suæ uir optimus, et homo honestissimus. pro
 se quisq; manus affert: aqua deniq; feruenti à Rubrio
 ipso Philodamus perfunditur. hæc ubi filio nūtiata sunt:
 statim exanimatus ad ædes cōtendit, ut & uitæ patris, et
 pudicitie sororis succurreret. omnes eodē animo Lampsa-
 ceni, simul ut hoc audiuerūt, q̃ eos tum Philodami digni-
 tas, tum iniuriæ magnitudo mouebat, ad ædes noctu con-
 uenerunt. hic lictor istius Cornelius, qui cum eius seruis
 erat à Rubrio, quasi in præsidio, ad auferendā mulierem
 collocatus, occiditur: serui nōnulli uulnerantur: ipse Ru-
 brius in turba sauciatur. iste, qui sua cupiditate tantos

tumultus cōcitatos uideret, cupere aliquā euolare, si pos-
 set. postridie mane homines in cōcionem ueniūt: quærūt,
 quid optimū factū sit: pro se quisq; ut in quoq; erat au-
 thoritatis plurimū, ad populū loquebatur: inuētus est ne-
 mo, cuius nō hac & sentētia esset, & oratio: nō esse me-
 tuendū, si istius nefariū scelus Lampfaceni ulti ui, ma-
 nuq; essent, ne senatus populusq; R. in eam ciuitatē ani-
 maduertendū putaret: q; si hoc iure Legati populi R. in
 socios, nationesq; exterarū uterentur, ut pudiciā liberorū
 seruare ab eorū libidine tutam non liceret; quiduis esse
 perpeti satius, quā in tanta ui, atq; acerbitate uersari. hāc
 cū omnes sentiret, & cū in eam rationem pro suo quisq;
 sensu, ac dolore loqueretur: omnes ad eam domū, in qua
 iste diuersabatur, profecti sunt. cedere ianuā saxis, in-
 stare ferro, ligna & sarmēta circundare, ignē subycere
 cœperūt. tum ciues R. qui Lampfaci negotiabātur, cōcur-
 rūt, orāt Lampfacenos, ut grauius apud eos nomē Lega-
 tionis, q̄ iniuria Legati putaretur: sese intelligere, hominē
 illum esse impurū, ac nefariū: sed quoniā nec perfecisset,
 quod conatus esset, neq; futurus esset Lampfaci postea,
 lenius eorum peccatum fore, si homini scelerato peper-
 cissent, quā si Legato non pepercissent. sic iste multo
 sceleratior, & nequior, quā ille Adrianus, aliquanto
 etiam felicior fuit. ille, quod eius auaritiā ciues R. fer-
 re non potuerant, uticā domi suā uiuus exustus est: idq;
 ita illi merito accidisse existimatum est, ut letarentur o-
 mnes, neque ulla animaduersio constitueretur. hic so-
 ciorum ambustus incendio, tamen ex illa flamma, peri-
 culoq; euolauit: neque adhuc causam ullam excogita-
 re potuit, quamobrem commiserit, aut quid euene-

LIBER III.

rit, ut in tantum periculum ueniret: non enim potest dicere, cum seditionem sedare uellem, cum frumentum imperarem, cum stipendiū cogerem, cū aliquid denique Reip. causa gererē, quōd acrius imperaui, quōd animaduerti, quōd minatus sum. quæ si diceret: tamē ignosci non oporteret, si nimis atrociter imperando socys, in tantū adductus periculum uideretur. nūc, cum ipse causam illius tumultus neq; ueram dicere, neq; falsam confingere audeat; homo autem ordinis sui frugalissimus, qui tum accensus C. Neroni fuit, P. Tettius hæc eadē se Lampfaci cognosse dixerit; uir omnibus rebus ornatissimus C. Varro, qui tum in Asia Tribunus militū fuit, hæc eadem ipsa se ex Philodamo audisse dicat: potestis dubitare, quin istum fortuna nō tam ex illo periculo eripere uoluerit, quā ad uestrum iudiciū reseruare? nisi uero illud dicet, quod & in testimonio Tettij priore actione interpellauit Hortensius: quo tempore quidem signi satis dedit, si quid esset, quod posset dicere, se tacere non posse: ut, quā diu in cæteris rebus tacuerit, scire omnes possemus, nihil habuisse quod diceret. hoc tum dixit, Philodamum & eius filiū à Cn. Nerone esse damnatos. de quo ne multa differam, tantū dico, secutū id esse Neronē, et eius cōsiliū, q̄ Cornelii lictorem occisum esse cōstaret, putasse nō oportere esse, ne in ulciscenda quidē iniuria, cuiusquam hominis occidendi potestatē. in quo uideo Neronis iudicio nō te absolutum esse improbitatis, sed illos dānatos esse cædis. uerū ista damnatio tamen cuiusmodi fuit? audite quæso iudices, & aliquādo miseremini sociorū, et ostendite aliquid his in uestra fide præsidij esse oportere. quōd toti Asiæ iure occisus uidebatur istius ille uerbo li-

Etor,
muit
gat
Neron
posse
re licit
reprehe
ret,
uincit
tendit
ipse, q
duerit
quos N
equiss
dicere
bissim
defenso
togarū
& im
cuis
xisset
lo per
tantū
rent,
Eli p
ret; i
accusa
minem
tanta
plum

Etor, re uera minister improbiſſimæ cupiditatis : perti-
 mit iſte, ne Philodamus Neronis iudicio liberaretur. ro-
 gat & orat Dolabellam, ut de ſua prouincia decedat, ad
 Neronē proficiſcatur: ſe demōſtrat incolumem eſſe non
 poſſe, ſi Philodamo uiuere, atq; aliquando Romam ueni-
 re licuiſſet. cōmotus eſt Dolabella : fecit id, quod multi
 reprehenderūt, ut exercitum, prouinciā, bellum relinque-
 ret, & in Aſiā hominis nequiſſimi cauſa, in alienā pro-
 uinciā proficiſceretur. poſteaquā ad Neronem uenit, con-
 tendit ab eo, ut Philodami cauſam cognosceret. uenerat
 ipſe, qui eſſet in cōſilio, & primus ſententiā diceret : ad-
 duxerat etiam præfectos, & Tribunos militares ſuos,
 quos Nero omnes in cōſiliū uocauit : erat in cōſilio etiā,
 æquiſſimus iudex, ipſe Verres : erant nōnulli togati cre-
 ditores Græcorū : quibus ad exigendas pecunias impro-
 biſſimi cuiuſq; Legati plurimū prodeſt gratia. ille miſer
 deſenſorem reperire neminem poterat : quis. n. eſſet aut
 togatus, qui Dolabellæ gratia, aut Græcus, qui eiꝰdē ui-
 & imperio nō moueretur ? accuſator autem apponitur
 ciuis Romanus de creditoribus Lampsacenorū : quī, ſi di-
 xiſſet quod iſte iuſſiſſet, per eiꝰdem iſtius liētores à popu-
 lo pecuniā poſſet exigere. cū hæc omnia tanta cōtentione
 tantis copiꝰ agerētur, cum illum miſerum multi accuſa-
 rent, nemo defenderet ; cumq; Dolabella cum ſuis præfe-
 ctis pugnaret in cōſilio ; Verres fortunas agi ſuas dice-
 ret ; idem testimoniū diceret ; idem eſſet in cōſilio ; idem
 accuſatorem parafſet ; hæc cū omnia fierent ; & cū ho-
 minem cōſtaret occiſum : tamen tanta uis iſtius iniuriæ,
 tanta in iſto improbitas putabatur, ut de Philodamo, am-
 plius, pronūciaretur. quid ego nūc in altera aēione Cn.

LIBER III.

Dolabellæ spiritus? quid huius lacrymas, & concursio-
 nes proferam? quid C. Neronis, uiri optimi, atq; innocen-
 tissimi, nonnulli in rebus animū nimis timidum, atq; de-
 missum? qui, in illa re quid facere potuerit, nō habebat:
 nisi forte id, quod omnes tum desiderabāt, ut ageret eam
 rem sine Verre, et Dolabella. quicquid esset sine his actū,
 omnes probarent. tum uero quod pronuntiatum est, non
 per Neronem iudicatū, sed per Dolabellam ereptum exi-
 stimabatur: cōdemnatur enim per paucis sententijs Phi-
 lodamus, & eius filius. adest, instat, urget Dolabella, ut
 quamprimum securi feriatur, quo quāminime multi ex
 illis de istius nefario scelere audire possent. cōstituitur in
 foro Laodiceæ spectaculum acerbum, & miserum, &
 graue toti Asiæ prouinciæ, grandis natu parens addu-
 ctus ad supplicium, ex altera parte filius; ille quod pu-
 dicitiam liberorū, hic quod uitam patris, famamq; soror-
 is defenderet. flebat uterq; non de suo supplicio, sed pa-
 ter de filij morte, de patris filius. quid lacrymarum ip-
 sum Neronem putatis profudisse? quem fletum totius
 Asiæ fuisse? quem luctum, & gemitū Lampſacenorum?
 securi esse percussos homines innocētes, nobiles, socios po-
 puli R. atq; amicos, propter hominis flagitiosissimi singu-
 larem nequitiam, atq; improbiſſimā cupiditatem. nemo
 iam Dolabella neq; tui, neq; tuorum liberū, quos tu mise-
 ros in egestate, atq; in solitudine reliquisti, misereri po-
 test. Verres ne tibi tanti fuit, ut eius libidinem hominum
 innocentū sanguine lui uelles? iccirco ne exercitū, atque
 hostem relinquebas, ut tua ui, & crudelitate istius homi-
 nis improbiſſimi pericula subleuares? q. n. eū tibi Quæ-
 storis in locū constitueras, iccirco tibi amicū in perpetuū

fore putasti? nesciebas, ab eo Cn. Carbonem Cos. cuius re uera Quæstor fuit. non modo relictum, sed etiam spoliatum auxilium, nefarie oppugnatum, & proditum? expers igitur es istius perfidiam tum, cum se ad inimicos tuos cōtulit, cum in te homo ipse nocēs acerrimū testimonium dixit, cum rationes ad ærariū nisi damnato te referre noluit. tantæ ne tuæ Verres libidines erunt, ut eas capere, ac sustinere nō prouinciæ populi R. non nationes extræ possint? tu ne quod uideris, quod audieris, quod concupieris, quod cogitaris, nisi id ad nutum tuū præstofuerit, nisi libidini tuæ cupiditatiq; paruerit, immittentur homines? expugnabuntur domus? ciuitates non modo pacatæ, uerum etiam sociorum, atque amicorum ad uim, atque ad arma confugient, ut ab se, atque ab liberis suis Legati populi R. scelus, atque libidinem propulsare possint? nam quæro abs te, circumsessus ne sis Lampsaci? cœperit ne domum, in qua diuersabare, illa multitudo incendere? uoluerint ne Legatum populi R. comburere uiuum Lampsaceni? negare non potes: habeo enim testimonium tuum, quod apud Neronem dixisti: habeo quas ad eundem literas misisti. recita hunc ipsum locum de testimonio. TESTIMONIUM C. VERRIS IN ARTEMIDORVM. NON MVLTQ POST IN DOMVM. bellum ne populo R. Lampsaceni ciues facere conabantur? deficere ab imperio ac nomine nostro uolebant? uideo enim, & ex ijs, quæ legi, & audiui, intelligo; in qua ciuitate non modo Legatus populi R. circumsessus, non modo igni, ferro, manu, copijs oppugnatus, sed aliqua ex parte uiolatus sit, nisi publice satisfactum sit, ei

LIBER III.

civitati bellum indici, atq; inferri solere. quæ fuit igitur
 causa, cur cuncta civitas Lampfacenorum de concione,
 quemadmodum tute scribis, domum tuam concurreret? tu. n.
 neq; in literis, quas Neroni mittis; neq; in testimonio cau-
 sam tanti tumultus ostendis ullam. obsessum te dicis: ignem
 allatum, sarmenta circumdata, licitorem tuum occisum esse di-
 cis: prodeundi tibi in publicum potestatem factam negas:
 causam huius tanti terroris occultas. nam si quam Rubrius
 iniuriam suo nomine, ac non impulsu tuo, et tua cupidi-
 tate fecisset: de tui comitis iniuria questum ad te potius,
 quam te oppugnatum uenirent. cum igitur, quæ causa il-
 lius tumultus fuerit, testes à nobis producti dixerint, ipse
 celarit: non ne causam hanc, quam nos proposuimus, tum
 illorum testimonia, tum istius taciturnitas perpetua confir-
 mat? huic homini parcetis igitur iudices? cuius tanta
 peccata sunt, ut quibus iniurias fecerit, neq; legitimum
 tempus expectare ad ulciscendum, neq; uim tantam do-
 loris in posterum differre potuerint. circumfessus es. à qui-
 bus? à Lampfacenis: barbaris hominibus credo, aut istis,
 qui populi R. nomen contemnerent: immo uero ab homi-
 nibus et natura, et consuetudine, et disciplina lenissimis:
 porro autem populi R. conditione sociis, fortuna seruis,
 uoluntate supplicibus: ut perspicuum sit omnibus, nisi
 tanta acerbitas iniuriæ, tanta uis sceleris fuisset, ut Lam-
 psaceni moriendum sibi potius, quam perpetiendum pu-
 tarent, nunquam illos in eum locum progressuros fuisse, ut
 uehementius odio libidinis tuæ, quam metu Legationis
 mouerentur. nolite per deos immortales cogere socios,
 atque exteris nationes hoc uti per fugio: quo, nisi uos uin-
 dicatis, utentur necessario, Lampfacenos in istum nun-
 quam

quam ulla res mitigasset, nisi cum pœnas Romæ daturū credidissent. & si talem acceperant iniuriam, quam nulla lege satis digne persequi poterant: tamen incommoda sua uestris committere legibus, & iudicijs, quàm dolori suo permittere maluerunt. tu mihi, cum circumfessus à tam illustri ciuitate sis propter tuum scelus, atque flagitium; cum coegeris homines miseros, et calamitosos, quasi desperatis nostris legibus, & iudicijs, ad uim, ad manus, ad arma confugere; cū te in oppidis, & ciuitatibus amicorum non Legatum populi R. sed tyrannum libidinose, crudelemq; præbueris; cum apud exterarum nationum imperij, nominisq; nostri famam tuis probris, flagitijsq; uiolaris; cum te ex ferro amicorum populi R. eripueris, atq; e flamma sociorum euolaris: hic tibi per fugiū speras futurū? erras. ut huc incideres, non ut hic conquiesceres, illi te uiuum exire passi sunt. & ais, iudicium esse factum, te iniuria circumfessum esse Lampfaci, quod Philodamus cum filio condemnatus sit. quid, si doceo, si planum facio, teste homine nequam, uerū ad hanc rem tamen idoneo (te ipso inquam teste docebo) te huius circumfessionis tuæ causam, & culpam in alios transtulisse, neq; in eos, quos tu insimularis, esse animaduersum? iam nihil te iudiciū Neronis adiuuat. recita quas ad Nerone literas misit. EPISTOLA C. VERRIS AD NERONEM. THEMISTAGORAS ET THESSALVS. Themistagoram, & Thessalū scribit populum concitasse: quem populum? qui te circumfedit, qui te uiuum comburere conatus est. ubi hos persequeris? ubi accusas? ubi defendis ius, nomenq; Legati? in Philodami iudicio dices id actum, cedo mihi ipsius Ver-

Cic. Orat.

N

LIBER III.

ris testimonium. uideamus, quid idem iste iuratus dixerit. recita. AB ACCVSATORE ROGATUS, RESPONDIT: IN HOC IUDICIO NON PERSEQUI: SIB IN ANIMO ESSE ALIO TEMPORE PERSEQUI. quid igitur te iuuat Neronis iudicium? quid Philodami damnatio? Legatus cum esses circūfessus, cumq; quē admodum tute ad Neronem scripsisti, populo R. cōmuniq; causæ Legatorū facta esset iniuria insignis: non es persecutus: dicis tibi in animo esse alio tempore persequi. quod fuit id tempus? quando es persecutus? cur imminuisti ius Legationis? cur causam populi R. deseruisti, ac prodidisti? cur iniurias tuas coniunctas cum publicis reliquisti? nō ne te ad senatū causam deferre, non de tā atrocibus iniurijs conqueri, non eos homines, qui populū concitarant, Consulū literis euocādos curare oportuit? nuper M. Aurelio Scauro postulante, quod is Ephesi se Quæstorem ui prohibitum esse dicebat, quo minus ē fauo Dianæ seruum suum, qui in illud asylum confugisset, abduceret: Pericles Ephesius homo nobilissimus Romam euocatus est, q̄ auctor iniuriæ illius fuisse argueretur. tu, si te Legatum ita Lampsacī tractatum esse senatum docuisses, ut tui comites uulnerarentur, licet occideretur, ipse circūfessus penē incenderere, eius autē rei duces, & auctores, & principes fuisse, quos scribis, Themistagoram & Thessalum: quis non cōmoueretur? quis nō ex iniuria, quæ tibi esset facta, sibi prouideret? quis nō in ea re causam tuam, periculum cōmune agi arbitraretur? etenim nomen Legati eiusmodi esse debet, quod non modo inter sociorum iura, sed etiam inter hostium tela

incolum
est lib
au. r
fui n
sequer
se. orn
profect
item de
in mag
uiter,
eas; om
ceri alio
milita
ipse m
salus el
uendit
num
puli R
nope
les in
nem
pro
male
quid
nefar
tur an
præf
tuo r
publi
te ex

incolume uersetur. magnum hoc Lampsacenum crimen est libidinis, atq; improbissimæ cupiditatis. accipite nunc auaritiæ propemodū in suo genere non leuius. Milesios nauem poposcit, quæ eum præsidij causa Myndū prosequeretur. illi statim myoparonem egregiū de sua classe, ornatum, atq; armatū dederunt. hoc præsidio Myndū profectus est. nam quid Milesijs lanæ publicæ abstulerit, item de sumptu in aduentum, de cōtumelijs, & iniurijs in magistratum Milesium, tametsi dici tum uere, tum grauius, & uehementer potest, tamē dicere prætermittam, eaq; omnia testibus integra reseruabo. illud, quod neq; taceri ullo modo potest, neq; dici pro dignitate, cognoscite. milites remigesq; Miletū Myndo pedibus reuerti iubet: ipse myoparonem pulcherrimum de decem Milesiorū nauibus electū, L. Magio, et L. Rabio, qui Myndi habitabāt, uendidit. hi sunt homines, quos nuper senatus in hostium numero censuit habendos. hoc illi nauigio ad omnes populi R. hostes usq; ab Dianio, quod in Hispania est, ad Sinopem, quæ in Ponto est, nauigauerunt. o' dū immortalēs, incredibilem auaritiā, singularemq; audaciā. nauem tu de classe populi R. quā tibi Milesia ciuitas, ut te prosequeretur, dedisset, ausus es uendere? si te magnitudo maleficij, si te hominū existimatio non mouebat, ne illud quidem cogitabas, huius improbissimi furti, huius adeo nefariæ prædæ tā illustrē, ac tā nobile ciuitatē testem futuram? an, quia tū Cn. Dolabella in eū, qui ei myoparonē præfuerat, Milesijsq; rē gestā renūtiarat, animaduertere tuo rogatu conatus est, renūtiationemq; eius, quæ erat in publicas literas relata illorū legibus, tolli iusserat: iccirco te ex hoc crimine elapsum esse arbitrare? multū te ista

LIBER III.

fefellit opinio, & quidē multis in locis: semper enim exi-
 stimasti, et maxime in Sicilia, satis cautum tibi ad defen-
 sionem fore, si aut referri aliquid in literas publicas ue-
 tuisses, aut, quod relatum esset, tolli coegisses. hoc quā-
 nihil sit, tametsi ex multis Siciliae ciuitatibus priore actio-
 ne didicisti, tamen etiam in hac ipsa ciuitate cognosce.
 sunt illi quidem dicto audientes, quandiu adsunt ii, qui
 imperant. simul ac discesserunt, non solum illud perscri-
 bunt, quod tum prohibiti sunt, sed etiam causam adscri-
 bunt, cur non tum in literas relatum sit. manent istae li-
 terae Mileti: manent, & dum erit illa ciuitas, manebunt:
 decem enim naues iussu L. Murenæ populus Milesius ex
 pecunia uectigali populi R. fecerat, sicut pro sua quaq;
 parte Asiae ceterae ciuitates. quam ob rem unam ex decē
 non praedonum repentino aduētū, sed Legati latrocinio,
 non uī tempestatis, sed hac horribili tempestate sociorum
 amissam, in literas publicas retulerunt. sunt Romae Le-
 gati Milesii, homines nobilissimi, ac principes ciuitatis:
 qui tametsi mensem Februarium & Consulū designa-
 torum nomen expectant, tamen hoc tantum facinus nō
 modo negare interrogati, sed ne producti quidem retice-
 re poterunt. dicent inquam & religione adducti, & le-
 gum domesticarum metu, quid illo myoparone factum
 sit. ostendent, C. Verrem in ea classe, quae contra piratas
 aedificata sit, piratā ipsum cōsceleratum fuisse. C. Mal-
 leolo Quaestore Cn. Dolabellae occiso, duas sibi heredita-
 tes uenisse arbitratus est, unam quaestoriae procurationis
 (nam a Dolabella statim Proquaestore iussus est esse) al-
 teram tutelae: nam cum pupilli Malleoli tutor esset, in bo-
 na eius imperum fecit: nam Malleolus in prouinciam sic

copiose
 ret. prae
 graphas
 cu. cu. cu.
 bo. & cu.
 gni. mal
 iste. quod
 abduxit
 tur. qua
 curiam
 stare. cu.
 metri. cu.
 pui. cu.
 so. & li.
 et. & a
 niam. p.
 Malleo
 HS d
 in. fia
 sexce
 do. ex
 dem
 reliq
 sa. lat
 stima
 set. &
 rem. f
 culia
 tuel
 cui. fo

copiose profectus erat, ut domi prorsus nihil relinqueret. præterea pecunias occuparat apud populos, & singraphas fecerat: argenti optimi calati grande pondus secum tulerat (nam ille quoque sodalis istius erat in hoc morbo, & cupiditate) grande pondus argenti, familiam magnam, multos artifices, multos formosos homines reliquit. iste, quod argenti placuit, inuasit: quæ mancipia uoluit, abduxit: uina, cæteraque, quæ in Asia facillime comparantur, quæ ille reliquerat, asportauit: reliqua uendidit, pecuniam exegit. cum ad HS XX quinquies rede gisse constaret: ut Romam redyt, nullam literam pupillo, nullam matri eius, nullam tutoribus reddidit: seruos artifices pupilli cum haberet domi, circūpedes autem homines formosos, & literatos, suos esse dicebat, se emisse. cum sæpius mater, & auia pueri postularent, uti, si non redderet pecuniam, nec rationem daret, diceret saltē, quantum pecuniæ Malleoli deportasset: multis efflagitatus aliquando dixit, HS decies: deinde in codicis extrema cera nomen infimū in flagitiosa litura fecit: expensa Chrysogono seruo HS sexcenta millia, accepta pupillo Malleolo retulit. quomodo ex decies HS sexcenta sint facta, quomodo DC eodem modo quadrarint (ut illa de Cn. Carbonis pecunia reliqua HS sexcenta facta) quomodo Chrysogono expensa lata sint, cur id nomen infimū, in lituraque sit, uos existimabitis. tamen HS sexcenta millia cum accepta retulisset, HS quinq; millia soluta non sunt. homines, posteaque reus factus est, alij reddit, alij etiam nunc retinentur: peculia omnium, uicarijque retinentur. hæc est istius præclara tutela. en cui tuos liberos committas, en memoria mortui sodalis, en metus uiuorum existimationis. cum tibi se

LIBER III.

tota Asia spoliandam ac uexandam tradidisset; cum tibi
 exposita esset omnis ad prædandum Pamphylia: conten-
 tus his tam opimis rebus non fuisti? manus à tutela, ma-
 nus à pupillo, manus à sodalis filio abstinere non potui-
 stis: iam te non siculi, non aratores (ut dictitas) circūue-
 niunt, non ii, qui decretis, edictisq; tuis in te concitati,
 infestiq; sunt: Malleolus à me productus, et mater eius
 atq; auia: quæ miserae, flentes, euersum à te puerū patrijs
 bonis esse dixerunt. quid expectas? an, dum ab inferis ille
 Malleolus existat, atq; abs te officia tutelæ, sodalitatæ, fa-
 miliaritatisq; flagitet? ipsum putato adesse. homo auarif-
 sime et spurcissime, redde bona sodalis filio, si non, quæ
 abstulisti; at, quæ confessus es. cur cogis sodalis filiū hanc
 primam in foro uocem cum dolore et querimonia emit-
 tere? cur sodalis uxorem, sodalis socrum, domum deniq;
 totam sodalis mortui contra te testimonium dicere? cur
 prudentissimas, lectissimasq; fœminas in tantum uirorū
 conuentum insolitas, inuitasq; prodire cogis? recita omni-
 um testimonia. TESTIMONIUM MATRIS
 ET AVIAE. Proquestore uero quomodo iste cō-
 mune Miliadum uexarit, quomodo Lyciam, Pamphylia,
 Pisidiam, Phrygiamq; totam frumento imperando, æsti-
 mando hac sua, quā tum primum excogitauit, Siciliensi
 æstimatione, afflixerit, non est necesse demonstrare uer-
 bis. hoc scitote, his nominibus, quæ res per eū gestæ sunt,
 cum iste ciuitatibus frumentum, coria, cilicia, saccos im-
 peraret, neque ea sumeret, pro his rebus pecuniam exi-
 geret, his nominibus solis Cn. Dolabellæ HS ad tricies li-
 tem esse æstimatam. quæ omnia, etiam si uoluntate Dola-
 bellæ fiebant, per istum omnia tamen gerebantur. consi-

stam in uno nomine: multa sunt ex eodem genere. recita.
 DE LITIBVS AESTIMATIS CN. DO
 LABELLAE PR. POPVLO R. PECV-
 NIAE REDACTAE. QVOD A' COM-
 MVNI MILIADVM. te hæc coegisse, te aestimas-
 se, tibi pecuniã numeratam esse dico: eademq; ui, & in-
 iuria cum pecunias maximas cogeres, per omnes partes
 prouinciæ te, tanquam aliquam calamitosam tempestas-
 tem, pestemq; peruasisse demonstro. itaq; M. Scaurus, qui
 Cn. Dolabellam accusauit, istum in sua potestate ac ditio-
 ne tenuit. homo adolescens, cum istius in inquirendo mul-
 ta furta, ac flagitia cognosceret, fecit perite, & callide,
 uolumen eius rerum gestarum maximum isti ostendit,
 ab homine, quæ uoluit, in Dolabellam abstulit, istum te-
 stem produxit: dixit iste, quæ uelle accusatorem putauit.
 quo ex genere mihi testium, qui cum isto furati sunt, si
 uti uoluisssem, magna copia fuisset, qui, ut se periculo li-
 tium, coniunctione criminum liberarent, quo ego uellẽ,
 descensuros pollicebantur. eorum ego uoluntatem omni-
 um repudiaui: non modo proditori, sed ne perfugæ qui-
 dem locus in meis castris cuiquam fuit. forsitan melio-
 res illi accusatores habẽdi sunt, qui hæc omnia fecerunt.
 sed ego defensorem in mea persona, non accusatorẽ ma-
 xime laudari uolo. rationes ad ærariũ, antequã Dolabel-
 la condemnatus est, non audet referre. impetrat a' sena-
 tu, ut dies sibi prorogaretur, q̃ tabulas suas ab accusato-
 ribus Dolabellæ obsignatas diceret: perinde quasi exscri-
 bendi potestatem non haberet. solus est hic, qui nunquam
 rationes ad ærariũ referat. audistis quæstoriã rōnem tri-
 bus uersiculis relatam: Legationis, non nisi condemnato,

LIBER III.

Et electo eo, qui posset reprehendere: nunc denique Prætu-
 ra: quam ex S. C. statim referre debuit, usque ad hoc tem-
 pus non retulit, Quæstorem se in senatu expectare dixit.
 perinde quasi non, ut Quæstor sine Prætoris posset refer-
 re, ut tu Hortensi, ut omnes, eodem modo sine Quæstore
 Prætor. dixit, idem Dolabellam impetrasse. omen magis
 patribus conscriptis, quam causa placuit. probauerunt. ne-
 rui Quæstores quoque iam pridem uenerunt: cur non retu-
 listi: illarum rationum ex ea fece legationis, quæstoris quoque
 tuæ procurationis illa sunt nomina, quæ Dolabellæ neces-
 sario sunt aestimata. EX LITIBVS AESTI-
 MATIS DOLABELLAE PR. ET PRO-
 PR. quod minus Dolabella Verri acceptum retulit, quam
 Verres. illi expensum tulerit, HS quingenta triginta
 quinque millia: et quod plus fecit Dolabella Verrem acce-
 pisse, quam iste in suis tabulis habuit, HS ducenta tri-
 ginta duo millia: et quod plus frumenti fecit accepisse istum
 HS decies et octingenta millia, quod tu homo castissi-
 mus aliud in tabulis habebas. hinc illæ extraordinariæ
 pecuniæ, quas nullo duce, tamen aliqua ex particula inue-
 stigamus, redundarunt. hinc ratio cum Q. et Cn. Posthu-
 mijs, Curtijs, multis nominibus, quorum in tabulis iste ha-
 bet nullum. hinc HS quater decies P. Tadio numerata
 Athenis, testibus planum faciam. hinc emptæ apertissime
 Prætura: nisi forte id etiam dubium est, quomodo iste Præ-
 tor factus sit. homo scilicet aut industria, aut opera pro-
 bata, aut frugalitatis existimatione præclara, aut deni-
 que, id quod leuissimum est, assiduitate, qui ante Quæstu-
 ram cum meretricibus lenonibusque uixisset, Quæsturam
 ita gessisset, quemadmodum cognouisti, Romæ post Quæ-

sturam illam nefariam uix triduum constitisset, absens non in obliuione iacuisset, sed in assidua cōmemoratione omnibus omnium flagitiorum fuisset: is repente, ut Romam uenit, gratis Prator factus est. alia porro pecunia, ne accusaretur, data. cui sit data, nihil ad me, nihil ad rem pertinere arbitror: datam quidem esse, tum inter omnes recenti negotio facile constabat. homo stultissime & amentissime, tabulas cum conficeres, & cum extraordinaria pecunia crimē subterfugere uelles: satis te elapsurum omni suspicione arbitrabare, si, quibus pecuniā credebas, is expensum nō ferres, neq; in tuas tabulas ullum nomen referres, cum tot tibi nominibus acceptum Curtij referrent? quid proderat tibi te expensum illis non tulisse? an tuis solis tabulis te causam dicturum existimasti? Verum ad illam iam ueniamus præclaram Praturam, criminaq; ea, quæ notiora sunt his, qui adsunt, q̄ nobis, qui meditati ad dicendū paratiq; uenimus. in quibus, non dubito, quin offensionem negligentia uitare, atq; effugere non possim. multi. n. ita dicent: de illo nihil dixit, in quo ego interfui: illam iniuriam non attigit, quæ mihi, aut quæ amico meo facta est: quibus ego in rebus interfui. his omnibus, qui istius iniurias norunt, hoc est populo R. uniuerso, me uehementer excusatum uolo, non negligentia mea fore, ut multa præteream, sed q̄ alia testibus integra reseruari uelim, multa autē propter rationem breuitatis, ac tēporis prætermittenda existimem. fatebor etiā illud inuitus, me prorsus, cum iste punctum tēporis nullū uacūū peccato præterire passus sit, omnia, quæ ab isto cōmissa sunt, nō potuisse cognoscere. quapropter ita me de Praturæ criminibus auditote, ut ex utroq;

LIBER III.

que genere, & iuris dicendi, & sartorum tectorum exigendorum, ea postuletis, quæ maxime digna sunt eo reo, cui parvum ac mediocre obici nihil oporteat. nam ut Prætor factus est, qui auspicato à Chelidone surrexisset, sortem nactus est urbanæ provinciæ, magis ex sua & Chelidonis, quàm ex populi R. uoluntate. qui principio qualis in edicto cõstituendo fuerit, cognoscite. P. Annius Asellus mortuus est C. Sacerdote Prætore. is cū haberet unicam filiam, neq; census esset: quod eum natura hortabatur, lex nulla prohibebat, fecit, ut filiam bonis suis hæredem institueret. hæres erat filia: faciebant omnia cū pupilla, legis æquitas, uoluntas patris, edicta Prætorū, consuetudo iuris eius, quod erat tum, cum Asellus est mortuus. iste Prætor designatus (utrum admonitus, an tentatus, an, quæ est iste sagacitate in his rebus, sine duce ullo, sine iudice perueniret ad hanc improbitatem, nescio: uos tantū hominis audaciam, amentiamq; cognoscite) appellat hæredem L. Annium, qui erat institutus secundum filiam: nō enim mihi persuadetur, istum ab illo prius appellatū. dicit, se posse ei cōdonare edicto hæreditatem: docet hominem, quid possit fieri. illi bona res, huic uendibilis uidebatur. iste tametsi singulari est audacia, tamē ad pupillæ matrem summittebat, malebat pecuniā accipere, ne quid noui ediceret, quàm ut hoc edictum tam improbum, & inhumanū interponeret. tutores, pecuniā Prætori si pupillæ nomine dedissent, grandem præsertim, quemadmodū in rationem inducerent, quemadmodum sine periculo suo dare possent, non uidebant: simul & istum fore tam improbum non arbitrabantur. sæpe appellati, pernegauerunt. iste ad arbitrium eius, cui condo-

narat hereditatem ereptam liberis, quàm æquum edi-
 ctum scripserit, quæso cognoscite. CVM INTELLI-
 GAM, LEGEM VOCONIAM. quis unquam
 crederet Verrem mulierum aduersarium futurum? an ideo
 aliquid contra mulieres fecit, ne totum edictum ad Chelido-
 nis arbitrium scriptum uideretur? cupiditati hominum ait se
 obuiam ire. quid potius non modo his temporibus, sed etiam
 apud maiores nostros? quis tam remotus fuit à cupidi-
 tate? dic quæso cetera: delectat. n. me hominis grauitas,
 scientia iuris, auctoritas. QVI AB APOSTHV-
 MIO, Q. FVLVIO CENSORIBVS PO-
 STVE EA, FECIT, FECERIT. fecit, fecerit?
 quis unquam edixit isto modo? quis unquam eius rei frau-
 dem, aut periculum proposuit edicto, quæ neq; post edi-
 ctum, neq; ante edictum provideri potuit? iure, legibus,
 auctoritate omnium, qui consulebantur, testamentum P. An-
 nius fecerat non improbum, non inofficiosum, non inhumana-
 num. quod si ita fecisset, tamen post illius mortem nihil
 de testamento illius noui iuris constitui oporteret. Voconia
 lex te uidelicet delectabat: imitatus esses illum ipsum C.
 Voconium, qui lege sua hereditatem ademit nulli neq;
 uirgini, neq; mulieri: sanxit in posterum: qui post eos Cen-
 sores census esset, ne quis heredem uirginem, ne uel mulie-
 rem faceret. in lege Voconia non est, fecit, fecerit: neque
 in ulla præteritum tempus reprehenditur, nisi eius rei,
 quæ sua sponte scelerata ac nefaria est, ut, etiam si lex
 non esset, magnopere uitanda fuerit. atque in his rebus
 multa uidemus ita sancta esse legibus, ut ante facta in
 iudicium non uocentur. Cornelia, testamentaria, numma-
 ria, ceteræ complures, in quibus non ius aliquod nouum

LIBER III.

populo cōstituitur, sed sancitur, ut quod semper malum facinus fuerit, eius quæstio ad populum pertineat ex certo tempore. de iure uero civili si quis noui quid instituit, omnia, quæ ante acta sunt, rata esse patitur. cedo mihi leges Atinias, Furias, Fuffias, ipsam, ut dixi, Voconiam, omnes præterea de iure civili: hoc reperiēs in omnibus statui ius, quo post eam legem populus utatur. qui plurimū tribuunt edicto, Prætoris edictum legem annuā dicunt esse. tu edicto plus cōplecteris, q̄ lege. si finem edicto Prætoris afferunt Calendæ Ianuarij, cur non initium quoq; edicti nascitur à Calendis Ianuarij? an in eum annum progredi nemo poterit edicto, quo Prætor alius futurus est: in illū, quo alius Prætor fuit, regredietur? ac si hoc iuris nō unius causa hominis edixisses, cautius cōposuisses. scribis, si quis hæredem fecit, fecerit. quid, si plus legarit, q̄ ad hæredem, hæredes uē perueniat, quod per legem Voconiā ei, qui census sit, licet? cur hoc, cū in eodem genere sit, nō caues? quia non generis, sed hominis causam uerbis amplecteris: ut facile appareat, te pretio esse cōmotum. atq; hoc si in posterum edixisses, minus esset nefarium, tamen esset improbum. sed tum uituperari posset, in dubiū uenire non posset: nemo enim cōmitteret. nunc est eiusmodi edictum, ut quiuis intelligat, nō populo esse scriptum, sed P. Annij secundis hæredibus. itaq; cum à te caput illud tam multis uerbis mercenario pro cæmio esset ornatum: ecquis est inuentus postea Prætor, qui illud idem ediceret? nō modo nemo edixit, sed ne metuit quidem quisquā, ne quis ediceret: nam post te Prætorem multi testamenta eodem modo fecerūt, in his nuper Antonia ea de multorum propinquorum sententia, pecuniosa

mulier
itaq;
impro-
nem
qui
corrigere
morum
si, ex
decernere
ed mact
edicto
ne mact
tur, a
atq; unde
ra nobis
gnitas
mactat
nio m
stibus
iure
cond
Præ
nec p
popul
lum
contr
de pro
aliena
in for
ment

mulier, q̄ censa non erat, testamento fecit heredem filiā.
itaq; hoc magnum iudiciū hominum de istius singulari
improbate, quod Verres sua sponte instituisset, id nemi-
nem metuisse, ne quis reperiretur, qui istius institutū se-
qui uellet: solus enim tu inuentus es, cui non satis fuerit
corrigere uoluntates uiuorū, nisi etiam rescinderes mor-
tuorum. tu ipse ex Siciliensi edicto hoc susulisti: uolui-
sti, ex improviso si quæ res natæ essent, ex urbano edicto
decernere. quā postea tu tibi defensionem relinquebas, in
ea maxime offendisti, cum tuam auctoritatem tute ipse
edicto provinciali repudiabas. atq; ego non dubito, quin
ut mihi, cui filia maxime cordi est, res hæc acerba uidea-
tur, atq; indigna, sic unicuiq; uestrum, qui simili sensu,
atq; indulgentia filiarum comouemini: quid enim natu-
ra nobis incundius, quid charius esse uoluit? quid est di-
gnius, in quo omnis nostra diligentia, indulgentiaq; consu-
matur? homo importunissime cur tantā iniuriam P. An-
nio mortuo fecisti? cur hūc dolorem cineri eius, atq; os-
sibus inuulsi, ut liberis eius bona patria, uolūtate patris,
iure, legibus tradita, eriperes, & cui tibi esset comodum,
condonares? quibuscum uiui bona nostra partimur, ijs
Prætor adimere nobis mortuis bona, fortunasq; poterit?
nec petitionem, inquit, nec possessionē dabo. eripies igitur
pupillæ togam prætextam? detrahes ornāmēta non so-
lum fortunæ, sed etiā ingenuitatis? miramur ad arma
contra istū hominem Lampſacenos isse? miramur istum
de provincia decedentē clam Syracusis profugisse? nos si
alienā uicē pro nostra iniuria doleremus, uestigiū istius
in foro esset relictum? pater dat filiæ: prohibes. leges si-
nunt: tamē te interponis. de suis bonis ita dat, ut ab iure

LIBER III.

non abeat : quid habes, quod reprehendas ? nihil opinor.
 at ego concedo : prohibe, si potes, si habes qui te audiat,
 si potest tibi dicto audiens esse quisquam . eripias tu vo-
 luntatem mortuis ? bona uiuis ? ius omnibus ? hoc popu-
 lus R. non manu uindicasset, nisi te huic tēpori, atq; huic
 iudicio reseruasset ? posteaquam ius prætorium constitu-
 tum est, semper hoc iure usi sumus, si tabulæ testamenti
 nō proferrentur, tum uti proximum quēq; potissimum
 heredem esse oporteret : si is intestato mortuus esset, ita
 secūdum eum possessio daretur. quare hoc sit æquissimū,
 facile est docere : sed in re tam usitata, satis est ostēdere,
 omnes antea ius ita dixisse, et hoc uetus edictum, transla-
 titiumq; esse. cognoscite aliud hominis in re uetere edictū
 nouū: et simul, dum est unde ius ciuile discatur, adolescen-
 tes ei in disciplinā tradite. mirum est hominis ingenium,
 mira prudētia. Minutius quidā mortuus est ante istum
 Prætorem. eius testamētum erat nullum: lege hereditas
 ad gentem Minutiam ueniebat. si habuisset iste edictum,
 quod ante istum, & postea omnes habuerunt : possessio
 Minutiæ genti esset data . si quis testamento se heredem
 esse arbitraretur, quod tum nō extaret, lege ageret in hæ-
 reditatem, aut, pro præde litis uindicarū cum satis acce-
 pissent, sponsionem faceret, ita de hereditate certaret. hoc
 opinor iure et maiores nostri, et nos semper usi sumus. ui-
 dete, ut hoc iste correxerit. cōponit edictum ijs uerbis, ut
 quiuis intell gere possit, unius hominis causa cōscriptum
 esse: tantū q̄ hominem nō nominat: causam quidem totā
 perscribit: ius, consuetudinē, æquitatē, edicta omniū negli-
 git. EX EDICTO VRBANO. SI DE HÆ-
 REDITATE AMBIGITVR: SI POSSES-

SOR
 quid id
 et, ut
 no man
 n. scribi
 ei causat
 est. si d
 ET TA
 TAE
 QVA
 PRO
 LAS
 HAE
 est. sequi
 tur, qui
 quid er
 signo u
 sionem
 dicam
 sit mi
 let. ip
 iam
 lia da
 quod
 CIL
 BIG
 de bo
 sione
 redita
 bus, et

SOR SPONSIONEM NON FACIET. iā
quid id ad Pratorē, uter possessor sit? nō ne id quari oportet, utrū possessorē esse oporteat? ergo quia possessor est, nō moues possessione: si possessor nō esset, nō dares: nusquā .n. scribis, neq; tu aliud quicquā edicto amplecteris, nisi eā causam, pro qua pecuniā acceperas. iā hoc ridiculum est. SI DE HAEREDITATE AMBIGITVR; ET TABVLAE TESTAMENTI OBSIGNATAE NON MINVS MULTIS SIGNIS, QVAM E' LEGE OPORTEAT, AD ME PROFERENTVR: SECVNDVM TABVLAS TESTAMENTI POTISSIMVM HAEREDITATEM DABO. hoc translaticium est. sequi illud oportet: si tabulae testamenti non proferentur. quid ait? se ei daturum qui se dicat heredem esse. quid ergo interest, proferatur, nec ne? si protulerit, uno signo ut sit minus, quam ex lege oportet: non des possessionem: si omnino tabulas non proferet, dabis. quid nūc dicam? neminem unquam postea alium edixisse? ualde sit mirum, neminem fuisse, qui istius se similem dici uellet. ipse in Siciensi edicto hoc non habet: exegerat enim iam mercedē. item, ut illo edicto, de quo ante dixi in Sicilia de hereditatum possessionibus dandis, edixit idem, quod omnes Romae prater istū. EX EDICTO SICILIENSI. SI DE HAEREDITATE AMBIGITVR. at per deos immortales quid est, quod de hoc dici possit? iterum enim iam quaero abs te, sicut modo in illo capite Anniano de mulierum hereditatibus, nunc in hoc de hereditatum possessionibus, cur ea capita in edictum provinciale transferre

LIBER III.

nolueris. utrum, digniores homines existimasti eos, qui habitabant in provincia, q̄ nos, qui æquo iure uteremur: an aliud Romæ æquum est, aliud in Sicilia? nō enim hoc potest hoc loco dici, multa esse in provincijs aliter edicenda, non de hæreditatum quidem possessionibus, nō de mulierum hæreditatibus: nam utroq; genere uideo non modo ceteros, sed te ipsum totidem uerbis edixisse, quot uerbis edici Romæ solet. quæ Romæ magna cū infamia, pretio accepto edixeras, ea sola te, ne gratis in provincia male audires, ex edicto Siciliensi sustulisse uideo. Et cum edictum totum eorum arbitrato, quandiu fuit designatus, componeret, qui ab isto ius ad utilitatem suam nundinarentur: tum uero in magistratu contra illud edictum suum sine ulla religione decernebat. itaq; L. Piso multos codices impleuit earum rerum, in quibus ita intercessit, quod iste aliter, atque ut edixerat, decreuisset. quod uos oblitos esse non arbitror, quæ multitudo, qui ordo ad Pisonis sellam isto Prætoris solitus sit conuenire. quem iste collegam nisi habuisset, lapidibus coopertus esset in foro. sed eo leuiore istius iniuriæ uidebatur, quod erat in æquitate, prudentiaq; Pisonis paratissimum perfugium, quo sine labore, sine molestia, sine impensa, etiam sine patrono homines uterentur. nam quæso redite in memoriam iudices, quæ libido istius in iure dicendo fuerit, quæ uarietas decretorum, quæ nundinatio, quàm inanes domus eorum omnium, qui de iure ciuili consuli solent, quàm plena, atque referta Chelidonis: à qua muliere, cum erat ad eum uentum, et in aurem eius insusurratū, aliàs renocabat eos, inter quos iam decreuerat, decretumq; mutabat; aliàs inter alios contrarium sine ulla religione

religion
hinc
ex dolo
officiu
cum sac
religio
te dicit
lud uel
tum in
sacram
prius
grauior
esse, quæ
nam com
ne egre
populi
suo ter
ignor
ris, ad
ninus
his fe
rat p
iurare
dimidi
peruen
rem: d
tra leg
petra
henda

religione decernebat, ac proximis paulo ante decreuerat. hinc illi homines erant, qui etiam ridiculi inueniebantur ex dolore. quorum alij, ut audistis, negabant mirandum esse, ius tam nequam esse Verrinū: alij etiam frigidiores erant: sed quia stomachabantur, ridiculi uidebātur esse, cum Sacerdotem execrabantur, qui Verrem tam nequā reliquisset. quæ ego non cōmemorarem (neq; n. perface- te dicta, neq; porro hac scueritate digna sunt) nisi uos il- lud uellem recordari, istius nequitiam, & iniquitatem tum in ore uulgi, atq; in cōmunibus prouerbijs esse uer- satam. In plebem uero Romanam utrum superbiam prius memorem, an crudelitatem? sine dubio crudelitas grauior est, atque atrocior. oblitus ne igitur hos putatis esse, quemadmodum sit iste solitus uirgis plebem Roma- nam concidere? quam rem etiam Tribunus pl. in concio- ne egit, cū eum, quem uirgis iste ceciderat, in prospectū populi R. produxit. cuius rei cognoscendæ faciam uobis suo tempore potestatem. superbia uero qua fuerit, quis ignorat? quemadmodum is tenuissimū quēq; contempse- rit, despexerit, liberum esse nunquam duxerit. P. Trebo- nius uiros bonos, & honestos complures fecit hæredes: in his fecit suum libertum. is A. Treboniū fratrem habue- rat proscriptum. ei cum cautū uellet, scripsit, ut hæredes iurarent, se curaturos, ut ex sua cuiusq; parte ne minus dimidium ad A. Trebonium fratrem illum proscriptū perueniret. libertus iurat: ceteri hæredes adent ad Ver- rem: docent, nō oportere se iurare facturos esse quod cō- tra legē Corneliā esset, quæ proscriptū iuari uetat: im- petrant, ut ne iurent. dat his possessionē. id ego nō repre- hendo: etenim erat iniquum, homini proscripto, egeni,

Cic. Orat.

O

LIBER III.

de fraternis bonis quicquam dari: & ille libertus, nisi ex testamento patroni iurasset, scelus se facturum arbitrabatur. itaq; ei Verres possessionē hereditatis negat se daturum, ne posset patronum suum proscriptum iuuare: simul ut esset pœna, q̃ alterius patroni testamento obtemperasset. das possessionē ei, qui non iurauit. concedo: prætoriu est. adimis tu ei, qui iurauit? quo exemplo? proscriptum iuuat: lex est: pœna est. quid ad eum, qui ius dicit? utrum reprehendis, quod patronum iuuabat eum, qui tū in miseris erat: an, q̃ alterius patroni mortui uoluntatem conseruabat, à quo summum beneficium acceperat? utrum horum reprehendis? & hoc tum de sella uir optimus dixit, equiti R. tam locupleti libertinus sit homo hæres? modestum ordinem, q̃ illinc uiuus surrexit. possum sexcenta decreta proferre, in quibus, ut ego pecuniam nō dicam intercessisse, ipsa decretorum nouitas iniquitasq; declarat. uerū ut ex uno de cæteris coniecturam facere possitis, id quod priore actione cognostis, audite. C. Sulpitius Olympius fuit. is mortuus est C. Sacerdote Pratore, nescio an ante, q̃ Verres Praturam petere cœperit. fecit heredem M. Octauium Ligurem. Ligur hereditatē adiit, possedit Sacerdote Pratore sine ulla controuersia. posteaquam Verres magistratum inijt: ex edicto istius, quod edictum Sacerdos non habuerat, Sulpitij patroni filia sextam partem hereditatis ab Ligure petere cœpit. Ligur non aderat. L. frater eius causam agebat: aderant amici, propinqui. dicebat iste, nisi cum muliere decideretur, in possessionem se ire iussurū. L. Gellius causam Liguris defendebat: docebat, edictum eius non oportere ad eas hereditates ualere, quæ ante eum Pratorem ue-

nissent: si hoc tum fuisset edictum, fortasse Ligurem hæreditatem aditurum non fuisse. æqua postulatio, summa hominum auctoritas pretio superabatur. uenit Romam. Ligur: non dubitabat, quin, si ipse Verrem conuenisset, æquitate causæ, et auctoritate sua comouere hominem posset: domum ad eum uenit: rem demonstrat: quàm prius sibi hæreditas uenisset, docet: quod facile in causâ æquissima hominî ingenioso fuit: multa, quæ quemuis mouere possent, dixit: ad extremum petere cœpit, ne usq; eò suam auctoritatem despiceret, gratiamq; contemneret, ut se tanta iniuria officeret. homo Ligurē accusare cœpit, qui in re aduentitia, atq; hæreditaria tam diligens, tam attentus esset: debere eum aiebat suam quoq; rationē ducere: multa sibi opus esse, multa canibus suis, quos circa se haberet. non possum illa planius commemorare, quàm ipsum Ligurē pro testimonio dicere audistis. quid enim Verres? utrum ne his quidem testibus credetur, an hæc ad rem non pertinent? non M. Octauio? non L. Liguri? quis nobis credet? cui nos? quid est Verres, quod planū fieri testibus possit, si hoc non sit? an id, quod dicunt, leue est? nihil leuius, quàm Prætorem urbis hoc iuris in suo magistratu constituere, omnibus ijs, quibus hæreditas uenerit, cohæredem Prætorem esse oportere. an uero dubitamus, quo ore iste ceteros homines inferiore loco, auctoritate, ordine, quo ore homines rusticanos ex municipijs, quo denique ore, quos nunquam liberos putauit, libertinos homines solitus sit appellare, qui ob ius dicendum M. Octauium Ligurem, hominem ornatissimum loco, ordine, nomine, uirtute, ingenio, copijs, poscere pecuniam non dubitauit? In sartis tectis uero

LIBER III.

quemadmodū sese geſſerit, quid ego dicam? dixerūt, qui ſenſerūt. ſunt alij, qui dicant. notæ res, ac manifeſtæ pro-
lata ſunt, & proferuntur. dixit C. Fannius eques R. fra-
ter germanus Q. Titinij iudicis tui, tibi ſe pecuniam de-
diſſe. recita teſtimonium C. Fannij. nolite C. Fannio dicē-
ti credere: noli inquam tu Q. Titini C. Fānio fratri tuo
credere: dicit enim rem incredibilem, C. Verrem in ſimu-
lat auaritiæ, & audaciæ: quæ uitia uidentur in quēuis
potius, q̃ in iſtum conuenire. dixit Q. Tadius, homo fa-
miliariſſimus patris iſtius, non alienus a matris eius ge-
nere, & nomine: tabulas protulit, quibus pecuniam ſe de-
diſſe oſtendit. recita nomina Q. Tadij. recita teſtimoniū
Q. Tadij. ne tabulis quidem Q. Tadij, nec teſtimonio
credetur. quid igitur in iudijs ſequemur? quid ē aliud,
omnibus omnia peccata, & maleficia cōcedere, niſi hoc,
hominum honeſtiſſimorum teſtimonijs, & uirorum bo-
norum tabulis non credere? nam quid ego de quotidiana
ſermone, querimoniaq; populi R. loquar? de iſtius im-
pudentiſſimo furto, ſeu potius nouo, ac ſingulari latroci-
nio cauſum eſſe in æde Caſtoris, celeberrimo, clariſſimoq;
monimento, quod templum in oculis, quotidianoq; aſpe-
ctu populi R. eſt poſitum, quod ſæpenumero ſenatus con-
uocatur, quod maximarum rerum frequentiſſimæ quo-
tidie aduocationes fiunt, in eo loco, in ſermone hominum
audaciæ ſuæ monumentum æternum relinquere. Aedem
Caſtoris iudices P. Iunius habuit tuendam, L. Sylla;
Q. Metello Conſulibus. is mortuus eſt: reliquit pupillū
paruum filium. cum L. Octauius, C. Aurelius Coſſ. ædes
ſacras locuiſſent, neq; potuiſſent omnia ſarta teſta exi-
gere, neq; ij Prætores, quibus erat negotium datum, C.

Sacerdos, & M. Celsus: factum est S. C. quibus de fartis
 teētis cognitum & iudicatum non esset, uti C. Verres, P.
 Celius Praetores cognoscerent, & iudicaret. qua potesta
 te iste permissa, ut ex C. Fannio, & ex Q. Tadio cogno
 uistis, ueruntamen, cum esset omnibus in rebus apertissi
 me impudentissimeq; praedatus, hoc uoluit clarissimum
 relinquere indicium latrociniorum suorum, de quo non
 audire aliquādo, sed uidere quotidie possemus. quāsiuit,
 quis aedem Castoris fartam teētā deberet tradere. Iuni
 um ipsum mortuū esse sciebat: scire uolebat, ad quem il
 la res pertineret. audit pupillū esse filium. homo, qui sem
 per ita palām dictitasset, pupillos, & pupillas certissimā
 praedam esse Praetoribus, optatum negotium sibi in sinū
 delatum esse dicebat. monumentum illa amplitudine, illo
 opere quamuis fartum teētum, integrumq; esset, tamen
 aliquid se inuenturū in quo moliri, praedariq; posset, ar
 biterabatur. L. Rabonio aedem Castoris tradi oportebat.
 is casu pupilli Iunij tutor erat testamento patris. cū eo
 sine ullo intertrimento conuenerat iam, quemadmodum
 traderetur. iste ad se Rabonium uocat, quærit, ecquid sit,
 quod à pupillo traditum non sit, quod exigi debeat. cum
 ille id, quod erat, diceret, facilem pupillo traditionem es
 se, signa, & dona comparere omnia, ipsum templum o
 mni opere esse integrum: indignum isti uideri cæpit, ex
 tanta aede, tantoq; opere se non opimum praeda, præser
 tim à pupillo, discedere. uenit ipse in aedem Castoris: con
 siderat templum: uidet undique teētum, pulcherrime la
 queatum: præterea cætera noua, atque integra: uersat se:
 quærit, quid agat. dicit ei quidam ex illis canibus, quos
 iste Liguri dixerat esse circa se multos: tu Verres, hic

quod moliare, nihil habes: nisi forte uis ad perpendiculū columnas exigere. homo omnium rerum imperitus quaerit, quid sit, ad perpendiculum. dicunt ei, ferē nullam esse columnam, quā ad perpendiculum esse possit. iam me hercule, inquit, sic agamus: columnae ad perpendiculum exigantur. Rabonius, qui legem nossit, quā in lege numerus tantum columnarum traditur, perpendiculi mentio fit nulla; & qui non putaret sibi expedire, ita accipere, ne eodem modo reddendum esset: negat, id sibi deberi: negat, oportere exigi. iste Rabonium quiescere iubet: & simul ei nonnullam spem societatis ostendit. hominem modestum, & minime pertinacem facile coercet: columnas ita se exacturum esse cōfirmat. noua res, atq; improuisa, pupilli calamitas nuntiatur statim C. Mustio utrico pupilli, qui nuper est mortuus; M. Iunio patruo, P. Potitio tutori, homini frugalissimo. hi rem ad uirum primariū summo officio, ac uirtute praeditum M. Marcellum, qui erat pupilli tutor, deferunt. uenit ad Verrem M. Marcellus: petit ab eo pro sua fide, ac diligētia pluribus uerbis, ne per summam iniuriam pupillū Iunium fortunis patriis conetur euertere. iste, qui iam spe, & opinione praedam illam deuorasset, neq; ulla aequitate orationis, neq; auctoritate M. Marcelli commotus est: itaq; quemadmodum ostendisset, se id exacturum esse respondit. cum sibi omnes ad istum allegationes difficiles, omnes aditus arduos, ac potius interclusos uiderent, apud quem non ius, non aequitas, non misericordia, non propinqui oratio, non amici uoluntas, non cuiusquam auctoritas pro pretio, non gratia ualeret: statuunt id sibi optimum esse factu, quod cuius uenisset in mentem; petere auxilium à Che-

lidone: quæ isto Prætorē non modo in iure civili, privato
 rumq; omnium controuersus populo R. præfuit, uerum
 etiam in his sartis tectis dominata est. uenit ad Chelido-
 nem C. Mustius eques R. publicanus, homo cum primis
 honestus: uenit M. Iunius patruus pueri, frugalissimus
 homo, & castissimus: uenit homo summo honore, pудо-
 re, & summo officio, spectatissimus ordinis sui. Poti-
 tius tutor. o multis acerbam, o miseram, atq; indignam
 Præturam tuam. ut mittam cætera, quo tandem pудо-
 re tales uiros, quo dolore meretricis domum uenisse arbi-
 traminē qui nulla conditione istam turpitudinem subis-
 sent, nisi officij, necessitudinisq; ratio coegisset. ueniunt, ut
 dico, ad Chelidonem. domus erat plena: noua iura, noua
 decreta, noua iudicia petebantur: mihi det possessionem,
 mihi ne adimat: in me iudicium ne det: mihi bona addi-
 cat. alij nummos numerabant: alij tabulas obsignabant.
 domus erat non meretricio conuentu, sed prætoria tur-
 ba referta. simul ac potestas primum data est, adēnt hi,
 quos dixi loquitur Mustius: rem demonstrat: petit auxi-
 lium: pecuniam pollicetur. respondit illa, ut meretrix, nō
 inhumane: libenter ait se esse facturam, & se cū isto di-
 ligenter sermocinatur: reuerti iubet. tum discedunt. po-
 stridie reuertuntur. negat illa posse hominē exorari. per-
 magnā eū dicere ex illa re pecuniā confici posse. uercor,
 ne quis forte de populo, qui priori actione nō affuit, hæc,
 quia propter insignē turpitudinē sunt incredibilia, fingi
 a me arbitretur. ea uos antea iudices cognouistis. dixit
 iuratus P. Potitius tutor pupilli Iuny, dixit M. Iunius tu-
 tor, & patruus. Mustius dixisset, si uiueret: sed pro Mu-
 stio, recēti re de Mustio auditū dixit L. Domitius: qui cū

sciret me ex Mustio uiuo audisse, q̄ eo sum usus pluri-
mū (etenim id iudiciū, quod prope omnium fortunarū
suarum C. Mustius habuit, me uno defendente uicit) cū
hoc, ut dico, sciret L. Domitius me scire, ad eū res omnes
Mustium solitum esse deferre; tamen de Chelidone reti-
cuit, quoad potuit; aliō responsionem suam deriuauit. tā-
tus in adolescente clarissimo, ac principe iuuentutis pu-
dor fuit, ut aliquandiu, cum à me premeretur, omnia
potius responderet, quā Chelidone nominaret. primo
necessarios istius ad eum allegatos esse dicebat: deinde ali-
quando coactus Chelidone nominauit. non te pudet Ver-
res, eius mulieris arbitrati gessisse Praturam, quam L.
Domitius ab se nominari uix sibi honestum esse arbitra-
batur? reiecti à Chelidone, capiunt consiliū necessariū,
ut suscipiant ipsi negotium. cum Rabonio tutore, quod
erat uix HS quadraginta millium, transigunt HS du-
centis millibus. refert ad istum rem Rabonius; ut sibi ui-
debatur, satis grandem pecuniam, & satis impudentem
esse. iste, qui aliquanto plus cogitasset, male accipit uerbis
Rabonium, negat eum sibi illa decisione satisfacere pos-
se. ne multa, locaturū se esse confirmat. tutores hac nesci-
unt: quod actum erat cum Rabonio, putant id esse certis-
simum: nullam maiorem pupillo metuunt calamitatem.
iste uero non procrastinat: locare incipit nō proscripta,
neq; edicta die, alienissimo tēpore, ludis ipsis Romanis, fo-
ro ornato. itaq; renuntiat Rabonius illā decisione tutori-
bus: accurrūt tamen ad tēpus tutores: digitū tollit Iunius
patruus. isti color immutatus est: uultus, oratio, mens de-
niq; excidit: quid ageret, cœpit cogitare. si opus pupillo
redimeretur, si res abiret ab eo mācipe, quem ipse appo-

sciret
bil in
uel a
Elam
impu
misi
dium
rudo
sulam
opit
clut
Elam
curia
id quo
esse al
pradi
licet
meda
pret
scrip
RE
NI
VR
quod
tius
runt
QVI
CEN
NE
DA

suisset, sibi nullam prædam esse. itaq; excogitat: quid? nihil ingeniose, nihil quod quisquam possit dicere improbe, uel callide: nihil ab isto relictum, nihil ueteratorum expe-
ctaueritis: omnia aperta, omnia perspicua reperientur, impudentia, amentia, audacia. si pupillo opus redimitur, mihi præda de manibus eripitur. quod est igitur remedium? quod? ne liceat pupillo redimere. ubi illa consuetudo in bonis, prædibus, prædijsq; uendendis omnium Consulium, Censorum, Prætorum, Quæstorum denique? ut optima conditione sit is, cuius res sit, cuius periculum? excludit eum solum, cui propè dicam soli potestatem factam esse oportebat: quid enim quisquam ad meam pecuniam me inuito aspirat? quid accedit? locatur opus id, quod ex mea pecunia reficiatur. ego me refecturum esse dico. probatio futura est tua, qui locas: prædibus & prædijs populo cautum est. & si non putas cautum: scilicet tu Prætor in mea bona, quos uoles, immittes? me ad meas fortunas defendendas accedere non sinas? operæpretium est ipsam legem cognoscere. dicetis eundem conscripsisse, qui illud edictum de hereditate. EX OPERE FACIENDO. QUAE PUPILLI IV-
NII. dic, dic quæso clarius. C. VERRES PRAET. VRBIS. ADDIDIT. corriguntur leges censoriae: quod enim uideo in multis ueteribus legibus, Cn. Domitius, L. Metellus, L. Cassius, Cn. Seruilius Censores addiderunt, uult aliquid eiusmodi C. Verres. dic quid addidit. QVI DE L. MARTIO, M. PERPENNA CENSORIBVS REDEMERIT, SOCIVM NE ADMITTITO, NEVE EI PARTEM DATO, NEVE EI REDIMITO. quid ita? ne

LIBER III.

uitiosum opus fieret? at erat probatio tua. ne parum lo-
cuples esset? at erat, & esset amplius, si uelles, populo
cautum prædibus, et prædys. hic te si res ipsa, si indigni-
tas iniuriæ tuæ non comouebat, si pupilli calamitas, pro-
pinquorum lacrymæ, D. Bruti, cuius prædia subierant pe-
riculum, M. Marcelli tutoris auctoritas apud te ponde-
ris nihil habebat: ne illud quidem animaduvertebas, eius-
modi fore hoc peccatum tuum, quod tu neq; negare pos-
ses (in tabulas enim retulisti) nec cum defensione ali-
qua confiteri. addicitur id opus HS D L X millibus,
cum tutores HS L X X X millibus id opus ad illius ho-
minis iniquissimi arbitrium se effecturos esse clamarent.
etenim quid erat operis? id, quod uos uidistis. omnes illæ
columnæ, quas dealbatas uidetis, machina apposita, nulla
impensa deiectæ, eisdemq; lapidibus repositæ sunt. hoc tu
HS D L X millibus locauisti. atqui in illis columnis di-
co esse quæ à tuo redemptore comotæ non sint, dico esse
ex qua tantum tectorium uetus delitum sit, & nouum
inductum. quod si tanta pecunia columnas dealbari pu-
tassem, certe nunquam Aedilitatem petuissem. at ut ui-
deatur tamen res agi, & non eripi pupillo: S I QUID
OPERIS CAUSA RESCIDERIS, REFI-
CITO. quid erat, quod rescinderet, cum suo quenq; lo-
co lapidem reponeret? QVI REDEMERIT, SA-
TIS DET DAMNI INFECTI EI, QVIA
VETERE REDEMPTORE ACCEPERIT.
deridet, cum sibi ipsum iubet satisfacere Rabonium. PE-
CVNIA PRAESENS SOLVATVR. qui-
bus de bonis? eius, qui, quod tu HS D L X millibus lo-
casti, HS L X X X millibus effecturum esse clamauit.

quibus de bonis? pupilli. cuius aetatem, & solitudinem,
etiam si tutores non essent, defendere Praetor debuit: tu-
toribus defendentibus, non modo patrias eius fortunas, sed
etiam bona tutorum ademisti. HOC OPVS BO-
NO SVO QVOQVE FACTO. lapis ali-
quis cadendus, & apportandus fuit machina sua? an il-
lo non saxum, non materies aduecta est: tantum operis in
ista locatione fuit, quantum pauca opera fabrorum mer-
cedis tulerunt, & manupretij machina? utrum existima-
tis, minus operis esse, unam columnam efficere ab integro
nouam, nullo lapide rediuiuo; an quatuor illas reponere?
nemo dubitat, quin multo maius sit nouam facere. osten-
dam, in aedibus priuatis, longa difficultate; uentura, columnas
singulas ad impluuium LXXL millibus non minus ma-
gnas locata. sed ineptum est de tam perspicua istius im-
pudentia pluribus uerbis disputare, praesertim cum iste
aperte tota lege omnium sermonem, atque existimatio-
nem contempserit, qui etiam ad extremum conscripserit,
REDIUIVA SIBI HABETO. quasi quicquam
rediuiui ex opere illo tolleretur, ac non totum opus ex re-
diuiuis constitueretur. at enim pupillo redimi non lice-
bat, non necesse erat rem ad ipsum peruenire, poterat ali-
quis ad id negotium de populo accedere. omnes exclusi
sunt non minus aperte, quam pupillus. diem praestituit
operi faciundo Cal. Dec. locat circiter Idus Sept. angu-
stis temporis excluduntur omnes. quid ergo? Rabonius
ista die quomodo assequitur? nemo Rabonio molestus est,
neq; Cal. Dec. neq; Nonis, neq; Idibus. deniq; aliquanto in
prouinciam iste proficiscitur prius, quam opus effectum
est. posteaquam reus factus est, primo negabat opus in

LIBER III.

acceptum referre posse. cū instaret Rabonius, in me cau-
sam conferebat, q̄ tum codicem obsignassem. petit à me
Rabonius, & amicos allegat: facile impetrat. iste, quid
ageret, nesciebat. si in acceptum non retulisset, putabat se
aliquid defensionum habiturum: Rabonium porro in-
telligebat rem totam esse patefacturū: tametsi quid po-
terat esse apertius, quàm nunc est, ut uno minus teste ha-
beret Rabonio? opus in acceptum retulit quadriennio
post, q̄ diem operi dixerat. hac conditione, si quis de popu-
lo redemptor accessisset, cum die ceteros redēptores ex-
clusisset, tum in eius arbitrium ac potestatem uenire no-
lebat, qui sibi ereptam prædam arbitraretur. nā quid ar-
gumentamur, quò ista pecunia peruenerit? fecit iste in-
diciū. primū cum uehementius cum eo D. Brutus con-
tenderet, qui de sua pecunia HS D X L millia numera-
uit: quod iam iste ferre nō poterat: opere addiçto, præ-
dibus acceptis, de HS D L X millibus remisit D. Bruto
HS C X millia. hoc, si aliena res esset, certe facere nō po-
tuisset. deinde nūmi numerati sunt Cornificio: quem scri-
bam suum fuisse, negare non potest. postremo ipsius Ra-
bonij tabule prædam illam istius fuisse clamant. recita
nomina Rabony. hic etiā priore actione Q. Hortensius
pupillum Iunium uenisse prætextatum in uestrum con-
spectum, & testes secum, patruo testimoniū dicente, que-
stus est: & me populariter agere, atq; inuidiam cōmo-
uere, q̄ puerum producerem, clamitauit. quid erat Hor-
tensi tandem in illo puero popolare? quid inuidiosum?
Gracchi credo, aut Saturnini, aut alicuius hominis eius-
modi produxeram filiū, ut nomine ipso, & memoria pa-
tris animos imperitæ multitudinis concitarem. P. Iunij

erat, hominis de plebe Romana, filius : quem pater moriens cum tutoribus, et propinquis, tum legibus, tum aequitati magistratuum, tum iudicijs uestris commendandum putauit. hic istius scelerata locatione, nefarioque latrocinio, bonis patris fortunisque omnibus spoliatus, uenit in iudicium ; si nihil aliud, saltem ut eum, cuius opera ipse multos annos est in sordibus, paulo tamen obsoletius uestitum uideret. itaque tibi Hortensi non illius aetas, sed causa ; non uestitus, sed fortuna popularis uidebatur. neque te tam commouebat, quod ille cum toga praetexta, quam quod sine bulla uenerat : uestitus enim neminem commouebat is, quem illi mos, et ius ingenuitatis dabat : quod ornamentum pueritiae pater dederat, indicium, atque insigne fortunae, hoc ab isto praedone ereptum esse, grauius et acerbius homines ferebant. neque erant haec lacrymae populares magis, quam nostrae, quam tuae Q. Hortensi, quam horum, qui sententiam laturi sunt : ideo quod communis est causa, commune periculum : communi praesidio talis improbitas, tanquam aliquod incendiū, restinguenda est : habemus enim liberos paruos : incertum est, quam longa nostrum cuiusque uita futura sit : consulere uiui ac prospicere debemus, ut illorum solitudo, et pueritia quam firmissimo praesidio munita sit : quis est enim, qui tueri possit liberum nostrorum pueritiam contra improbitatem magistratum ? mater credo, scilicet magno praesidio fuit Anniae pupillae mater familia primaria : minus, illa deos hominesque implorante, iste infanti pupillae fortunas patrias ademit. tutores ne defenderent ? per facile uero apud istiusmodi Praetorem, a quo M. Marcelli tutoris in causa pupilli Iunij et oratio, et uoluntas, et auctoritas repudiata est. queremus etiam,

LIBER III.

quid iste in ultima Phrygia, quid in extremis Pampylia
 partibus fecerit? qualis in bello prædonum prædo ipse
 fuerit? qui in foro populi R. pirata nefarius reperia-
 tur? dubitamus, quid iste in hostium præda molitus sit,
 qui manubias sibi tantas ex L. Metelli manubys fecerit,
 qui maiore pecunia quatuor columnas dealbādas, quā
 ille omnes ædificandas locauerit? expectemus, quid di-
 cant ex Sicilia testes? quis unquam templum illud aspe-
 xit, quin auaritiæ tuæ, quin iniuriæ, quin audaciæ testis
 esset? quis à signo Vertumni in circum maximum ue-
 nit, quin is in unoquoq; gradu de auaritiā tua cōmone-
 retur? quam tu uiam thensarum, atque pompæ eiusmo-
 di exegisti, ut tu ipse illā ire nō audeas. te putet quisquā,
 cum ab Italia freto disunctus esses, socijs temperasse, qui
 ædem Castoris testem furtorum tuorum esse uolueris,
 quam populus R. quotidie, iudices etiam tum, cum de te
 sententiam ferrent, uiderent? atque etiam iudicium in
 Prætura publicum exercuit: non enim prætereundum
 est ne id quidē. petita mulcta est apud istum Prætorem
 à Q. Opimio, qui adductus est in iudicium uerbo, q,
 cum esset Tribunus pl. intercessisset contra legem Corne-
 liam, quod in Tribunatu dixisset contra alicuius hominis
 nobilis uoluntatem. de quo iudicio si uelim dicere omnia,
 multi appellandi ledendiq; sunt: quod mihi non est ne-
 cesse. tantum dicam, paucos homines arrogātes hoc adiu-
 tore Q. Opimiū per ludum, et iocum fortunis omni-
 bus euertisse. is mihi etiam queritur, quod à nobis IX so-
 lis diebus prima actio sui iudicij transacta sit, cum apud
 ipsum tribus horis Q. Opimius senator populi R. bo-
 na, fortunas, ornamenta omnia amiserit. cuius propter

indign
 genus
 tollere
 que ille
 rū, long
 num hor
 me hoc
 lamitara
 praesuf
 detrahe
 teria de
 cum rā
 calisti
 lum et i
 scriba tu
 est. hoc
 primari
 quod f
 anius
 per eum
 profici
 publica
 semper
 pareat,
 defenfo
 leficijs
 mo am
 rante po
 fionis:
 re, atq

indignitatem iudicij, sæpiſſime eſt actum in ſenatu, ut
 genus hoc totum mulctarum, ac iudiciorum eiſmodi
 tolleretur. iam uero in bonis Q. Opimij uendendis
 quas iſte prædas, quàm aperte, quàm improbe fece-
 rit, longum eſt dicere. hoc dico: niſi uobis id homi-
 num honeſtiſſimorum tabulis planum fecero, fingi à
 me hoc totum temporis cauſa putatote. iam qui ex ca-
 lamitate ſenatoris populi R. cum Prætor iudicio eiſ
 præſuiſſet, ſpolia domum ſuam referre, & manubias
 detrudere conatus ſit: iſ ullam ab ſeſe calamitatem po-
 terit deprecari? nam de ſubſortitione illa Iuniana iudi-
 cum niſi dico. quid enim? contra tabulas, quas tu pro-
 tulisti, audeam dicere? difficile eſt: non enim me tua ſo-
 lum & iudicum auctoritas, ſed etiam annulus aureus
 ſcribæ tui deterret. non dicam id, quod probare difficile
 eſt. hoc dicam, quod oſtendam: multos ex te uiros
 primarios audiſſe, cum diceres, ignoſci tibi oportere,
 quòd falſum codicem protuleris: nam qua inuidia C.
 Annius conflagrat, ea, niſi prouidiſſes, tibi ipſi tum
 pereundum fuiſſe. hoc modo iſte ſibi, & ſaluti ſuæ
 proſpicere didicit, referendo in tabulas & priuatas &
 publicas quod geſtum non eſſet, tollendo quod eſſet, &
 ſemper aliquid demendo, mutando, curando ne litura ap-
 pareat, interpolando: eò enim uſque progreditur, ut ne
 deſenſionem quidem maleficiorum ſuorum ſine alijs ma-
 leficys reperire poſſet. eiſdem modi ſortitionem ho-
 mo amentiffimus ſuorum quoque iudicum fore pu-
 tauit per ſodalem ſuum Q. Curtium iudicem quæ-
 ſtionis: cui niſi ego ui populi, & hominum clamo-
 re, atque conuiſio reſtituiſſem, ex hac decuria noſtra,

LIBER III.

cuius mihi copiam quam largissime factam oportebat,
erepta esset facultas bonorū, cum is annuerat: in suum
consilium sine causa sub sortiebatur. *

Desideratur quippiam.

dit. ego
liersi. an
enim ca
put ab
reus imp
accusator
alia cau
ac fragi
dicenda
quam
esse de
nam o
dilige
plurim
tionari
deniq;
mentis
cuius ma
tibz in
pulv
nostra

ACCUSATIONIS IN C. VER-
REM LIBER IIII.
ORATIO VII.

M VLT A mihi necessario iudices præ-
termittenda sunt, ut possim aliquo mo-
do de ijs rebus, quæ meæ fidei cõmissæ
sunt, dicere: recepi. n. causam Sicilia: ea
me ad hoc negotium provincia attra-
xit. ego tamen hoc onere suscepto, & recepta causa Sici-
liensi, amplexus animo sum aliquanto amplius: suscepi
enim causam totius ordinis: suscepi causam populi R. q̃
putabam tum denique recte iudicari posse, si non modo
reus improbus adduceretur, sed etiã diligens, & firmus
accusator ad iudicium ueniret. quo mihi maturius ad Si-
ciliae causam ueniendum est, relictis cæteris eius furtis,
ac flagitijs, ut & uiribus quam integerrimis agere, et ad
dicendum temporis satis habere possim. atq; adeo ante-
quam de incommodis Siciliae dico, pauca mihi uidentur
esse de provincia dignitate, uerustate, uilitate dicenda:
nam cum omnium sociorum prouinciarumq; rationem
diligenter habere debetis, tum præcipue Siciliae iudices,
plurimis iustissimisq; de causis: primum q̃ omnium na-
tionum exterarum princeps Sicilia se ad amicitiam fi-
demq; populi R. applicuit: prima omnium, id quod orna-
mentum imperij est, prouincia est appellata: prima do-
cuit maiores nostros, quàm præclarum esset exteris gen-
tibus imperare: sola fuit ea fide beneuolentiãq; erga po-
pulum R. ut ciuitates eius insulæ, quæ semel in amicitia
nostram uenissent, nunquam postea deficerent, pleraque

Cic. Orat.

P

LIBER IIII.

autem, & maxime illustres in amicitia perpetuo manerent. itaq; maioribus in Africam ex hac provincia gradus imperij factus est: neq; enim tam facile opes Carthaginis tantæ concidissent, nisi illud et rei frumentariæ subsidium, & receptaculum classibus nostris pateret. quare P. Africanus Carthagine deleta, Siculorum urbes signis, monumentisq; pulcherrimis exornauit, ut, quos uictoria populi R. maxime lætari arbitrabatur, apud eos monumenta uictoriæ plurima collocaret. denique ille ipse M. Marcellus, cuius in Sicilia uirtutem hostes, misericordiā uicti, fidem ceteri Siculi perspexerunt, non solum socijs in eo bello consuluit, uerum etiam superatis hostibus tēperauit, urbem pulcherrimam Syracusas, quæ cum manu munitissima esset, tū loci natura terra, ac mari claudabatur, cum uī, consilioq; cepisset, non solum incolumē passus est esse, sed ita reliquit ornatam, ut esset idem monumentum uictoriæ, mansuetudinis, continentiae, cum homines uiderent, & quid expugnasset, & quibus pepercisset, & quæ reliquisset. tantum ille honorem Siciliae habendum putauit, ut ne hostium quidem urbem ex sociorum insula tollendam arbitraretur. itaq; ad omnes res Sicilia prouincia semper usi sumus: ut, quicquid ex sese posset efferre, id non apud eos nasci, sed domi nostræ conditum putaremus. quando illa frumentum, quod deberet, non ad diem dedit? quando id, quod opus esse putaret, nō ultero pollicita est? quando id, quod imperaretur, recusa uit? itaq; ille M. Cato sapiens cellam penariam Reip. nostræ, nutricem plebis Romanæ Siciliam nominauit. nos uero experti sumus Italico maximo difficillimoq; bello, Siciliam nobis non pro penaria cella, sed pro ærario illo

maior
nostr
exercit
for
multis
pinqu
exc
tim me
mittit
libeat
modu
nume
rebus
li R. so
dum
ni sic
cia. ia
tuo. f
illam
tur
des
cis,
gend
lis na
gistr
tuler
guam
rene
eos d
qua

maiorum uetere ac referto fuisse: nam sine ullo sumptu nostro corijs, tunicis, frumentoq; suppeditato, maximos exercitus nostros uestiuit, aluit, armavit. quid, illa, quæ forsitan ne sentimus quidem iudices, quanta sunt? quòd multis locupletioribus ciuibus utimur: quòd habent propinquam, fidelem, fructuosamq; provinciam, quò facile excurrant, ubi libenter negotium gerant: quos illa partim mercibus suppeditandis cum quæstu, compendioq; dimittit, partim retinet, ut arare, ut pascere, ut negotiari libeat, ut denique sedes, ac domicilium collocare. quod còmodum non mediocre populi R. est: tantum ciuium R. numerum, tam propè ab domo, tam bonis fructuosisq; rebus detineri. Et quoniam quasi quædam prædia populi R. sunt uectigalia nostra, atque provincie: quemadmodum propinquis uos uestris prædijs maxime delectamini, sic populo R. iucunda suburbanitas est huiusce provincie. iam uero hominum ipsorum iudices ea patientia, uirtus, frugalitasq; est, ut proxime ad nostram disciplinam illam ueterem, non hanc, quæ nunc increbuit, uideantur accedere. nihil cæterorum simile Græcorum, nulla desidia, nulla luxuria: contra summus labor in publicis, priuatisq; rebus, summa parsimonia, summa diligentia. sic porro nostros homines diligunt, ut his solis neque publicanus, neque negotiator odio sit. magistratuum autem nostrorum iniurias ita multorum tulerunt, ut nunquam ante hoc tempus ad aram legum præsidiumq; uestrum publico consilio confugerent. tamen si illum annum pertulerant, qui sic eos affligerat, ut salui esse non possent, nisi C. Marcellus quasi aliquo fato uenisset, ut bis ex eadem familia salus

LIBER IIII.

Siciliæ constitueretur, postquam M. Antonij infinitum illud imperium senserant. sic à maioribus suis acceperāt, tāta populi R. in Siculos esse beneficia, ut etiam iniurias nostrorum hominum perferendas putarēt. in neminem ciuitates ante hunc testimonium publice dixerunt. hunc deniq; ipsum pertulissent, si humano modo, si usitato more, si deniq; uno aliquo in genere peccasset. sed cum perferre non possent luxuriam, crudelitatem, auaritiam, superbiam; cum omnia sua cōmoda, iura, beneficia senatus, populiq; R. unius scelere, ac libidine perdidissent: hoc statuerunt, aut istius iniurias per uos ulcisci, & persequi, aut, si uobis indigni essent uisi, quibus opem auxiliumq; ferretis, urbes, ac sedes suas relinquere, quandoquidem iam ante istius iniurijs exagitati reliquissent. hoc consilio à L. Metello legationes uniuersæ petiuerunt, ut quamprimum isti succederet: hoc animo toties apud patronos de suis miseris deplorarunt: hoc commoti dolore postulata Consulibus, quæ non postulata, sed in istum crimina uiderentur esse, ediderunt: fecerunt etiam, ut me, cuius fidem, continentiamq; cognouerāt, propè de uitæ meæ statu dolore, ac lacrymis suis deducerēt, ut ego istum accusarem, à quo mea longissime ratio uoluntasq; abhorrebat. quanq̃ in hac causa multo plures partes mihi defensionis, quàm accusationis suscepisse uideor. postremo homines ex tota prouincia nobilissimi, primiq; publice priuatimq; uenerūt. grauissima, atq; honestissima quæq; ciuitas uehementissime suas iniurias persecuta ē. at quæ admodum iudices uenerunt? uideor enim mihi liberius apud uos iam pro Siculis loqui debere, quàm forsità ipsi uelint: saluti enim eorum potius consulam, quàm uo-

luntati. eequem existimatis unquam ulla in provincia
reum absentem, contra inquisitionem accusatoris, tantis
opibus, tanta cupiditate esse defensum? Quæstores utri=
usq; provinciae, qui isto Prætoris fuerant, cum fascibus
mibi præsto fuerunt. hi porro, qui successerunt, ueheme=
ter istius cupidi, liberaliter ex istius cibarijs tractati, nõ
minus acres contra me fuerunt. uidete, quid potuerit, qui
quatuor in provincia Quæstores studiosissimos defenso=
res, propugnatoresq; habuerit, Prætorẽ uero cohortemq;
totam sic studiosam, ut facile appareret, non tam illis Si=
ciliam, quam inanem offenderant, q̃ Verrem ipsum, qui
plenus decesserat, provinciam fuisse. minari Siculis, si de=
cressent Legationem, quæ cõtra istum diceret: minari, si
qui essent profecti: alijs, si laudaret, benignissime promit=
tere: grauissimos priuatarum rerũ testes, quibus nos præ=
sentibus denuntiauius, eos uĩ custodysq; retinere. quæ
cum omnia facta sint, tamen unam solam scitote esse ci=
uitatem Mamertinam, quæ publice Legatos, qui istũ lau=
darẽt, miserit. eius autem Legationis principem ciuitatis
nobilissimum C. Heium iuratum dicere audistis, isti na=
uem onerariam maximam Messanæ esse publice coactis
operis ædificatam. idemq; Mamertinorũ Legatus, istius
laudator, non solum istum bona sua, uerum etiã sacra,
deosq; penates à maioribus traditos ex ædibus suis eri=
puisse dixit. præclara laudatio, cum duabus in rebus Le=
gatorum una opera consumitur, in laudando, atq; repe=
tendo. atq; ea ipsa ciuitas qua ratione illi amica sit, dice=
tur certo loco: reperietis. n. quæ causæ beneuolentiæ sint
Mamertinis erga istum, eas ipsas causas satis iustas esse
dånationis. alia ciuitas nulla iudices publico consilio lau

LIBER IIII.

dat. uis illa summi imperij tantum potuit apud per pau-
 cos homines, non ciuitates, ut aut leuissimi quidā ex mi-
 serrimis, desertissimisq; oppidis inuenirentur, qui iniussu
 populi, ac senatus profiscerentur, aut ij, qui contra istū
 Legatos decreuerant, & testimonium publicum, manda-
 taq; acceperant, ui ac metu retineretur. quod ego in pau-
 cis tamen usu uenisse non moleste fero, quo reliquæ tot,
 & tātæ, & tam graues ciuitates, tota deniq; Sicilia plus
 auctoritatis apud uos haberet, cum uideretis nulla ui re-
 tineri, nullo periculo prohiberi posse, quo minus experi-
 rentur, ecquid apud uos querimoniæ ualerent antiquissi-
 morum, fidelissimorumq; sociorum. nam quod fortasse
 non nemo uestrum audierit, istum à Syracusanis publi-
 ce laudari: id tamen si priore actione ex Heracly Syracu-
 sani testimonio, cuiusmodi esset, cognouistis; tamen uobis
 alio loco, ut se tota res habeat, quod ad eā ciuitatem atti-
 net, demonstrabitur: intelligetis. n. nullis hominibus quæ-
 quam tanto odio, quanto istum Syracusanis, esse, & fuis-
 se. at enim istum soli Siculi persequuntur, ciues R. qui in
 Sicilia negotiantur, defendunt, diligunt, saluum esse cu-
 piunt. primū, si ita esset, tamen uos in quaestione de pecu-
 nijs repetundis, quæ sociorum causa cōstituta est, lege in-
 dicioq; sociali, sociorum querimonias audire oporteret.
 sed intelligere potuistis priore actione ciues R. ex Sicilia
 plurimos, honestissimos, maximis de rebus, & quas ipsi
 acceperant iniurias, & quas scirent alijs esse factas, pro
 testimonio dicere. ego hoc, quod intelligo iudices, sic con-
 firmo. uideor mihi gratum fecisse Siculis, q̃ eorum iniu-
 rias meo labore, inimicitias periculo sim persecutus. non
 minus hoc gratū me nostris ciuibus intelligo fecisse: qui

hoc existimāt, iuris, libertatis, rerum, fortunarumq; sua
 rum salutem in istius damnatione consistere. quapropter
 de istius Prætura Siciliensi, nō recuso, quin ita me audia
 tis, ut, si cuiquam generi hominum, siue Sicularum, siue
 nostrorum ciuium, siue cuiquam ordini, siue aratorum,
 siue pecuariorum, siue mercatorum probatus sit, si non
 horum omnium communis hostis, prædoq; fuerit, si
 cuiquam deniq; ulla in re unquam temperauerit, ut uos
 quoq; temperetis. Qui, simul atq; ei sorte prouincia Si
 cilia obuenit, statim Romæ, & ad Urbem, antequā pro
 ficisceretur, querere ipse secum, et cogitare cum suis cœ
 pit, quibusnam rebus in ea prouincia maximam uno an
 no pecuniam facere posset. nolebat in agēdo discere (tā
 etsi nō prouinciæ rudis erat, & tyro) sed in Siciliam pa
 ratus ad prædam, meditatusq; uenire cupiebat. ò præcla
 re coniectum à uulgo in illam prouinciam omen cōmu
 nis famæ, atq; sermonis, cū ex nomine istius, quid in pro
 uincia facturus esset, perridiculi homines augurabatur.
 etenim quis dubitare posset, cum istius in Quæstura fu
 gam, & furtum recognosceret, cum in Legatione, oppi
 dorum, fanorumq; spoliationes cogitaret, cum uideret in
 foro latrocinia Præturæ, qualis iste in quarto actū im
 probitatis futurus esset? atq; ut intelligatis eum Romæ
 quæsisse non modo genera furādī, sed etiam nomina: cer
 tissimum accipite argumentum, quo facilius de singu
 lari eius impudentia existimare possitis. quo die Siciliā
 tetigit (uidete, satis ne paratus ex illo omine urbano ad
 euerrendam prouinciam uenerit) statim Messana lite
 ras Halesam mittit, quas ego istum in Italia scripsisse
 arbitror: nam simul atque ē naui egressus est, dedit

LIBER IIII.

operam, ut Halesinus ad se Dio cōtinuo ueniret, se de hæ-
reditate uelle cognoscere, quæ eius filio à propinquo ho-
mine Apollodoro Laphirone uenisset. ea erat iudices per-
grādis pecunia. hic est Dio iudices nūc beneficio Q. Me-
telli ciuis R. factus: de quo multis uiris primarijs testi-
bus, multorumq; tabulis uobis priore aēctione satisfactū
est, HS undecies numeratū esse, ut eam causam, in qua
ne tenuissima quidem dubitatio posset esse, isto cognoscē-
te obtineret: præterea greges nobilissimarum equarum
abactos: argenti, uestisq; stragula, domi quod fuerit, esse
direptum: ita HS undecies Q. Dionem, q̄ hæreditas ei
obuenisset, nullam aliam ob causam, perdidisse. quid? hæc
hæreditas quo Pratore Dionis filio uenerat? eodem, quo
P. Annij senatoris filia; eodem, quo M. Liguri senatori
C. Sacerdote Pratore. quid? tū nemo molestus Dioni fue-
rat? non plus, quā Liguri Sacerdote Pratore. quid? ad
Verrem quis detulit? nemo: nisi forte existimatis ei qua-
druplatores ad fretum præsto fuisse. ad urbem cum es-
set, audiuit, Dioni cuidā Siculo permagnam uenisse hæ-
reditatem, heredem statuas iussu esse in foro ponere;
nisi posuisset, Veneri Erycinæ esse mulctatum. tametsi po-
sitæ essent ex testamento: putabat tamen, quoniam Vene-
ris nomen esset, causam pecuniæ se reperturū. itaq; appo-
nit qui petat Veneri Erycinæ illam hæreditatem: non. n.
Quæstor petit (ut est consuetudo) is, qui Erycum mōtem
obtinebat. petit Neuius Turpio, quidam istius excursor
et emissarius, homo omnium ex illo cōuentu quadrupla-
torum deterrimus, C. Sacerdote Pratore condēnatus in-
iuriarum. etenim erat eiusmodi causa, ut ipse Prator cū
quæreret calumniatorem, paulo tamen consideratiorem

reperire non posset. hunc hominem Veneri absoluit, sibi
 cōdemnat. maluit uidelicet homines peccare, quā deos :
 se potius à Dione, quod nō licebat, quā Venerem, quod
 non debebatur, auferre. quid ego nunc hic Sex. Pompeij
 Clori testimonium recitem ? qui causam egit Dionis: qui
 omnibus rebus interfuit: hominis honestissimi; tametsi
 ciuis R. uirtutis causa iandiu est, tamen omniū Siculo=
 rum primi, ac nobilissimi. quid ipsius Q. Cæcilij Dionis,
 hominis probatissimi, ac prudentissimi? quid L. Vetecily
 Liguris, T. Manly, L. Caleni? quorū omnium testimonys
 de hac Dionis pecunia cōfirmatum est. dixit hoc idem M.
 Lucullus, se de his Dionis incommodis pro hospitio, quod
 sibi cū eo esset, iam ante cognosse. quid? Lucullus, qui tum
 in Macedonia fuit, melius hæc cognouit, q̄ tu Hortensi,
 qui Romæ fuisti? ad quem Dio confugit: qui de Dionis
 iniurijs grauissime per literas cum Verre questus es. no
 ua tibi hæc sunt, & inopinata? nunc primum hoc aures
 tuæ crimen accipiūt? nihil de Dione, nihil de socru tua,
 fœmina primaria, Seruilia, uetere Dionis hospita audi=
 sti? nō ne multa mei testes, quæ tu scis, nesciūt? nō ne te
 mihi testem in hoc crimine eripuit nō istius innocētia, sed
 legis exceptio? TESTIMONIA M. L. V. C. V. L. L. I,
 CHLORIDIONIS. satis ne uobis magnam pecu=
 niam Venerius homo, qui ē Chelidonis sinu in prouinciā
 profectus esset, Veneris nomine quasisse uidetur? accipi=
 te aliam in minore pecunia nō minus impudētem calū=
 niam. Sosippus & Epicrates fratres sunt Agyrinen=
 ses. horū pater ab hinc duos & XX annos est mortuus.
 in cuius testamento quodam loco, si cōmissum quid esset,
 mulcta erat Veneri. ipsos XX annos, cum tot interea

LIBER III.

Prætores, tot Questores, tot calumniatores in provincia fuissent, hereditas ab his Veneris nomine petita non est. causam Verres cognoscit: per Volcatium pecuniam accepit, ferè ad HS CCCC millia ab duobus fratribus. multorum testimonium audistis antea: uicerunt Agrinenses fratres, ita, ut egentes inanesq; discederent. at enim ad Verrem pecunia ista non peruenit. quæ est ista defensio? utrum, asseueratur in hoc, an tentatur? mihi enim noua res est. Verres calumniatores apponebat: Verres adesse iubebat: Verres cognoscebat: Verres indicabat: pecunie maxime dabatur: qui dabant, causas obtinebant: tu mihi ita defendas? nõ est ista Verri numerata pecunia. adiuvio te: mei quoq; testes idem dicunt: Volcatio dicunt sese dedisse. quæ uis erat Volcatio tanta, ut HS CCCC millia duobus hominibus auferret? ecquis Volcatio, si sua sponte uenisset, unam libellam dedisset? ueniat nunc, experiatur: tecto recipiet nemo. at ego amplius dico. HS quadringentis accepisse te arguo contra leges: nego, tibi ipsi ullum numum esse numeratum: sed cum ob tua decreta, ob imperata, ob iudicata pecunie dabatur, non erat querendum, cuius manu numeraretur, sed cuius iniuria cogeretur. comites illi tui delecti, manus erant tue: præfecti, scribæ, medici, accensi, aruspices, præcones, manus erant tue: quo quisq; te maxime cognatione, affinitate, necessitudine aliqua attingebat, ita maxime manus tua putabatur: cohors tota illa tua, quæ plus mali Siciliæ dedit, quàm si centum cohortes fugitiuorum fuissent, tua manus sine controuersia fuit. quicquid ab horum quopiam captum est, id nõ modo tibi datum, sed tua manu numeratum iudicari necesse est. nam si hanc defen-

tionem probabitur: non accepit ipse: licet omnia de pecunijs repetundis iudicia tollatis: nemo unquā tam reus, tam nocens adducetur, qui ista defensione non possit uti. etenim cum Verres utatur: quis erit unquam posthac reus tam perditus, qui nō ad Q. Mutij innocentiam referatur, si cum isto conferatur? neq; nunc tam mihi isti Verrem defendere videntur, quā in Verre defensionis tentare rationē. qua de re iudices vobis magnopere providendum est. pertinet hoc ad summam Reip. & ad estimationem ordinis, salutemq; sociorum. si enim innocentes existimari volumus, nō solum nos abstinentes, sed etiam nostros comites pręstare debemus. primū omnium opera tanta danda est, ut eos nobiscum ducamus, qui nostrę famę, capitiq; consulant. deinde si in hominibus eligendis nos spes amicitie fefellerit, ut vindicemus, missos faciamus, semper ita uiuamus, ut rationem reddendam nobis arbitremur. Africani est hoc, hominis liberalissimi. ueruntamen ea liberalitas est probanda, quę sine periculo estimationis est, ut in illo fuit. cum ab eo quidam uetus affectator ex numero amicorū non impetraret, ut se pręfectum in Africā duceret, & id ferret moleste: noli, inquit, mirari, si tu à me hoc nō impetras: ego iam pridem ab eo, cui meam estimationem caram fore arbitror, peto, ut mecum pręfectus proficiascatur, et adhuc impetrare nō possum. etenim re uera multo magis est petendum ab hominibus, si salui esse uolumus, ut eant nobiscū in prouinciā, q̄ hoc illis in beneficij loco deferendum. sed tu, cū et tuos amicos in prouinciā quasi in prędam inuitabas, ac cum illis, ac per eos prędabare, & eos in cōcione annulis aureis donabas: nō statuebas, tibi non

LIBER IIII.

solum de te, sed etiā de illorum factis rationem esse reddendam? cum hos sibi questus constituisset magnos, atque uberes ex ijs causis, quas ipse instituerat in cōsilio, hoc est cum sua cohorte, cognoscere: tum infinitum genus inuenerat ad innumerabilem pecuniā corripendam. dubium nemini est, quin omnes omniū pecuniæ posita sint in eorum potestate, qui iudicia dant, et eorum, qui iudicant: quin nemo nostrum possit aedes suas, nemo fundum, nemo bona patria obtinere, si, cum hæc à quopiā uestrum petita sunt, Prætor improbus, cui nemo interdicare possit, det quem uelit iudicem, iudex nequam et leuis, quod Prætor iusserit, iudicet. si uero illud quoque accedet, ut Prætor in ea uerba iudicium det, ut uel Octavius Balbus iudex, homo et iuris et officij peritissimus, nō possit aliter iudicare: sit eiusmodi L. Octavius iudex. esto. si apparet fundū Capenatem, quo de agitur, ex iure eum P. Seruiliū esse, neque is fundus Q. Catulo restituetur: nō necesse erit L. Octauio iudici cogere P. Seruiliū. Q. Catulo fundū restituere, aut cōdemnare eum, quem non oporteat? eiusdemmodi totum ius prætorium, eiusdemmodi omnis res iudiciaria fuit in Sicilia per triennium Verre Prætoris. decreta eiusmodi. SI NON ACCIPIT QVOD TE DEBERE DICIS, ACCUSES. SI PETIT, DVCAS. C. Fuscium duci iussit petito rem, L. Suetium, L. Raciliū. iudicia huiusmodi. QVI CIVES R. ERANT, SICVLI ESSENT, TVM SI EORVM LEGIBVS DARI OPORTERET. QVI SICVLI, SI CIVES R. ESSENT. uerum ut totum genus amplectamini iudiciorū, prius iura Siculorum, deinde istius

instituta cognoscite. Siculi hoc iure sunt, ut, quod ciuis cum ciue agat, domi certet suis legibus: quod Siculus cum Siculo, non eiusdem ciuitatis, ut de eo Prætor iudices ex P. Rupilij decreto, quod is de decem Legatorū sententia statuit, quam legem Siculi Rupiliam uocant; sortitur, quod priuatus à populo petit, aut populus à priuato, senatus ex aliqua ciuitate, qui iudicet, datur, cum alternæ ciuitates reiectæ sunt. quod ciuis Romanus à Siculo petit, Siculus iudex datur. quod Siculus à ciue R. ciuis R. datur. cæterarum rerum selecti iudices ex ciuium R. conuentu proponi solent. inter aratores & decumanos lege frumentaria, quam Hieronicam appellant, iudicia fiunt. hæc omnia isto Prætoris nō modo perturbata, sed planè & Siculis, & ciuibus R. erepta sunt. primum suæ leges, quod ciuis cum ciue ageret, aut eum iudicem, quem cōmodum erat, præconem, aruspice, medicum suum dabat, aut, si legibus erat iudicium constitutum, et ad ciuem suum iudicem uenerant, libere ciui iudicare nō licebat: edictum. n. hominis cognoscite: quo edito omnia iudicia redegerat in suam potestatem: si quis perperā indicasset, se cogniturū: cum cognosset, animaduersurum. idq; cum faciebat, nemo dubitat, quin cum iudex aliū de suo iudicio putet iudicaturū, seq; in eo capitis periculum aditurū, uoluntatem spectet eius, quem statim de capite suo putet iudicaturū. selecti è conuentu, aut propositi ex negotiatoribus iudices, nulli. hæc copia, quā dico, iudicum, cohors non Q. Scauolæ, qui tamen de cohorte sua dare nō solebat, sed C. Verris, cuiusmodi cohortem putatis hoc principe fuisse? sicuti uideris edictū. SI QUID PERPERAM IUDICARIT SE

LIBER IIII.

NATVS. eum quoq; ostendam, si quando sit datus, co-
 actū istius, quod nō senserit, indicasse. ex lege Rupilia sor-
 titio nulla, nisi cū nihil intererat istius. lege Hieronica iu-
 dicia plurimarum cōtrouersiarum sublata uno nomine
 omnia. de cōuentu, ac negotiatoribus nulli iudices. quan-
 tam potestatem habuerit, uidetis: quas res gesserit, cogno-
 scite. Heraclius est Hieronis filius Syracusanus, homo
 in primis domi suæ nobilis, & ante hūc Prætorem uel pe-
 cuniosissimus Syracusanorū, nunc nulla alia calamitate,
 nisi istius auaritia, atq; iniuria pauperrimus. huic heredi-
 tas facile ad HS tricies uenit testamento propinqui sui
 Heracly: plena domus cælati argēti optimi, multaq; stra-
 gula uestis, pretiosissimorumq; mācipiorū. quibus in re-
 bus istius cupiditates, et insaniā quis ignorat? erat in ser-
 mone res, magnā Heracly pecuniam uenisse, non solum
 Heracly diuitem, sed etiam ornatū suppellectili, argēto,
 ueste, mancipijs futurū. audit hæc etiam Verres: & pri-
 mo, illo suo leuiore artificio Heracly aggredi conatur,
 ut eum roget inspicienda, quæ nō reddat: deinde à qui-
 busdam Syracusanis admonetur. hi autem quidam erāt
 affines istius, quorū uxores iste nunquā alienas existima-
 uit, Cleomenes, & Aescario: qui quantū apud istum, & q̃
 turpi de causa potuerint, ex reliquis criminibus intellige-
 ris. hi, ut dico, hominem admonēt, rem esse præclarā, re-
 fertam omnibus rebus: ipsum autē Heracly hominem
 esse maiorem natu, nō promptissimū: & eū, præter Mar-
 cellos, patronū, quem iure suo adire, aut appellare posset,
 habere neminem: esse in eo testamēto, quo ille hæres esset,
 scriptū, ut statuas in palæstra deberet ponere. faciemus,
 ut palæstricæ negent ex testamēto esse positas: petāt hæ-

reditatem, q̄ eam palæstræ commississe dicant. placuit ratio Verri: nā hoc animo prouidebat; cū tanta hereditas in cōtrouersiam uenisset, iudiciōq; peteretur, fieri nō posse, ut sine præda ipse discederet. approbat cōsiliū: auctor est, ut quamprimū agere incipiant, hominemq; id ætatis minime litigiosum quātumultuosissime adoriatur. scribitur Heraclio dica. primo miratur omnes improbitatem calumniæ. deinde, qui istum nossent, partim suspicabantur, partim planè uidebāt adiectum esse oculum hereditati. interea dies aduenit, quo die sese ex instituto, ac lege Rupilia dicas sortiturū Syracusis iste edixerat: paratus ad hanc dicam sortiendā uenerat. tum eum docet Heraclius nō posse eo die sortiri, q̄ lex Rupilia uetaret diebus XXX sortiri dicā, quibus scripta esset. dies XXX non dum fuerant. sperabat Heraclius, si illum diem effugisset, ante alteram sortitionē Q. Arriū, quem prouincia tum maxime expectabat, successurū. iste omnibus iudicys diem distulit, & eam diem cōstituit, ut hanc Heracliy dicam sortiri post dies XXX ex lege posset. posteaquam ea dies uenit, iste incipit simulare se uelle sortiri, Heraclius cum aduocatis adit, & postulat, ut sibi cū palæstritis, hoc est cū populo Syracusano, a quo iure disceptare liceat. aduersary postulant, ut in eam rem iudices dentur ex ijs ciuitatibus, quæ in id forum cōuenirent, elekti qui Verri uiderentur. Heraclius cōtra, ut iudices è lege Rupilia dentur, ut ab institutis superiorum, ab auctoritate senatus, ab iure omnium Siculorum ne recedatur. quid ego istius in iure dicendo libidinem demonstrēm? quis uestrum non ex urbana iurisdictione cognouit? quis unquam isto Prætore Chelidone inuita lege agere

LIBER IIII.

potuit? non istum, ut non neminem, provincia corripit: idem fuit, qui Romæ. cum id, quod omnes intelligebat, diceret Heraclius, ius esse certum Siculis, inter se quo iure certarent; legem esse Rupiliam, quā Prator Rupilius ex S. C. de decem Legatorum sententia dedisset; hoc omnes semper in Sicilia Consules Pratoresq; seruasse: negauit se iudices è lege Rupilia sortituros: quinque iudices, quos cōmodum ipsi fuit, dedit. quid huic homini facias? quod supplicium dignum libidini eius inuenies? præs scriptum tibi cum esset homo deterime, et impudētissime, quem admodum inter Siculos iudices dares; cum imperatoris populi R. auctoritas, Legatorū decem summorum hominum dignitas, S. C. intercederet, cuius cōsulto P. Rupilius Prator ex Legatorū sententia leges in Sicilia cōstituerat; cum omnes ante te Pratores Rupilias leges in ceteris rebus, et in iudicijs maxime obseruassent: tu ausus es pro nihilo præ tua præda tot res sactissimas ducere? tibi nulla lex fuit? nulla religio? nullus existimationis pudor? nullus iudicij metus? nullius apud te grauis auctoritas? nullum exemplum, quod sequi uelles? uerū, ut institui dicere, quinque iudicibus nulla lege, nullo instituto, nulla religione, nulla sorte, ex libidine istius datis, non qui causam cognoscerent, sed qui, quod imperatū esset, iudicarent: eo die nihil actum est: adesse iubentur postridie. Heraclius interea cum omnes insidias à Pratore fortunis suis fieri uideret, capit consilium de amicorum, et propinquorum sententia, non adesse ad iudiciū: itaq; Syracusis illa nocte profugit. iste postero die mane, cum multo maturius, q̄ unquam antea, surrexisset, iudices citari iubet: ubi cōperit Heracliū non adesse, cogere incipit eos, ut absentem

Heraclium

Heracium condemnarent. illi eum comonefaciunt, ut, si ei uideatur, utatur instituto suo, nec cogat ante horam decimam de absente secundum praesentem iudicare. impetrant. interea sane perturbatus & ipse, & eius amici, & consiliarii, moleste ferre coeperunt, Heracium profugisse: putabant absentis damnationem, praesertim tanta pecunia, multo inuidiosorem fore, quam si praesens damnatus esset. eo accedebat, quod iudices ex lege Rupilia dati non erant, multo etiam rem turpiorem, & iniquiorem visum iri intelligebant. itaque hoc dum corrigere uult, atque pertior eius cupiditas, improbitasque facta est: nam illis quinque iudicibus uti sese negat: iubet id, quod initio ex lege Rupilia fieri oportuerat, citari Heracium, & eos, qui dicam scripserant: aitque iudices ex lege Rupilia uelle sortiri. quod ab eo pridie, cum multis lacrymis eum oraret, atque obsecraret Heracius, impetrare non potuerat: id ei postera die uenit in mentem, ex lege Rupilia sortiri dicam oportere. educit ex urna tres. ut, ut absentem Heracium condemnent, imperat: itaque condemnant. quare (malum) ista fuit amentia? ecquando te rationem factorum tuorum redditurum putasti? ecquando his de rebus tales uiros audituros existimasti? petatur hereditas ea, quae nulla debetur, in praedam Praetoris? interponatur nomen ciuitatis? imponatur honestae ciuitati turpissima persona calumniae? neque hoc solum, sed ita res agatur, ut ne simulatio quidem aequitatis ulla adhibeatur? nam per deos immortales, quid interest, utrum Praetor imperet, uel cogat aliquem de suis bonis omnibus decedere; an huiusmodi iudicium det, quo iudicio indicta causa fortunis omnibus euertere necesse sit? profecto enim negare non potes, te ex lege Rupilia sorte

Cic. Orat.

Q

LIBER IIII.

tiri iudicium debuisse, cum præsertim Heraclius id postularet. sin illud dices, te Heraclij uoluntate ab lege recessisse: ipse te impedies, ipse tu tua defensione implicaberet: quare enim primum ille ipse adesse noluit, cum ex eo numero iudices haberet, quos postularat? deinde tu cur post illius fugam iudices alios sortitus es, si eos, qui erant antea dati, utriusq; dederas uoluntate? deinde ceteras dicas omnes illo foro M. Posthumius Quæstor sortitus est: hanc solam tu illo conuentu reperire sortitus. ergo, inquiet aliquis, donauit populo Syracusano illam hæreditatem. primum, si id confiteri uelim, tamen istum condēnetis necesse est: neq; enim permissum est, ut impune nobis liceat, quod alicui eripuerimus, id alteri tradere. uerum ex ista reperietis hæreditate ita istum prædatum, ut perpauca occulte fecerit; populum quidem Syracusanum in maximam inuidiā sua infamia, alieno præmio peruenisse; paucos Syracusanos, eos qui se nunc publice laudationis causa uenisse dicunt, & tunc participes prædæ fuisse, & nunc non ad istius laudationem, sed ad cōmunem litium æstimationem uenisse. posteaquam damnatus est absens: non solum illius hæreditatis, de qua ambigebatur, quæ erat HS tricies, sed omnium bonorū paternorum ipsius Heraclij, quæ non minor erat pecunia, palæstræ Syracusanorum, hoc est Syracusanis, possessio traditur. quæ est ista Prætura? eripis hæreditatem, quæ uenerat à propinquo, uenerat testamento, uenerat legibus: quæ bona is, qui testamētum fecit, huic Heraclio ante aliquāto, q̄ est mortuus, omnia utenda ac possidenda tradiderat: cuius hæreditatis, cum ille aliquanto ante te Pratorem esset mortuus, cōtrouersia fuerat nulla, men-

tionem fecerat nemo. uerū esto, eripe hereditatē propin-
 quis, da palæstritis prædare in bonis alienis nomine ciui-
 tatis: euertere leges, testamēta, uoluntates mortuorum, iu-
 ra uiuorum: num etiam patrijs Heracium bonis extur-
 bare oportuit? qui simul ac profugit: quā impudenter,
 quā palām, quā acerbē, dū immortales, illa bona di-
 repta sunt: quā illa res calamitosa Heraclio, quæstiosa
 Verri, turpis Syracusanis, miserāda omnibus uidebatur:
 nam illud quidem statim curatur, ut, quicquid celati ar-
 genti fuit in illis bonis, ad istum deferatur; quicquid Co-
 rinthiorum uasorum, stragula uestis. hæc, nemo dubi-
 tabat, quin non modo ex illa domo capta & oppressa,
 uerum ex tota prouincia ad istum cōportari necesse es-
 set. mancipia, quæ uoluit, abduxit: alia diuisit: auctio
 facta est: in qua cohors istius inuicta dominata est. uerū
 illud est præclarum. Syracusani, qui præfuerant his He-
 raclij bonis uerbo redigendis, re dissipandis, reddebant
 eorum negotiorum rationem in senatu: dicebant, scypho-
 rum paria complura, hydrias argenteas, pretiosam uestē
 stragulam, multa mancipia pretiosa Verri data esse: di-
 cebant, quantum cuique eius iussu nummorum esset da-
 tum. gemitabant Syracusani, sed tamen patiebantur. re-
 pente recitatur, uno nomine HS CCL millia iussu Præ-
 toris data. fit maximus clamor omnium, nō modo opti-
 mi cuiusque, neque eorum, quibus indignum semper ui-
 sum erat, bona priuati, populi nomine, per sum-
 mam iniuriam erepta: uerum etiam ipsi illi auctores
 iniuriæ, & ex aliqua particula socij prædæ, ac rapina-
 rum clamare cœperunt, sibi ut haberet hereditatem.
 tātus in curia clamor factus est, ut populus cōcurreret.

LIBER IIII.

res ab omni conuentu cognita celeriter domum nuntia-
tur. homo inimicus ijs, qui recitassent; hostis omnibus, qui
acclamaissent; exarsit iracūdia, ac stomacho; uerū tamen
fuit tum sui dissimilis. nostis os hominis: nostis audaciā:
tamen tum rumore populi, & clamore, & furto mani-
festo grandis pecuniæ perturbatus est. ubi se collegit: uo-
cat ad se Syracusanos: quia non posset negare, ab illis pe-
cuniam datam; non quæsiuit procul alicunde (neq; enim
probareret) sed proximum penē alterum filium, quem il-
lam pecuniam diceret abstulisse, ostendit se reddere co-
etūrum. qui posteaquam id audiuit: habuit dignitatis, et
ætatis, & nobilitatis suæ rationem: uerba apud senatum
fecit: docuit, ad se nihil pertinere: de isto id, quod omnes
uidebāt: neq; ille quidem obscure locutus est. itaq; illi Sy-
racusani statuam postea statuerunt: & is ubi primū po-
tuit, istum reliquit, de provinciaq; decessit. et tamen aiunt
eum queri solere nonnunquam, se miserum, q̃ non suis,
sed suorum comitum peccatis, & criminibus prematur.
triennium prouinciam obtinuisti: gener electus adolescēs
unum annum tecum fuit: sodales uiri fortes Legati tui
primo anno te reliquerunt: unus Legatus P. Tadius, qui
erat reliquus, non ita multum tecum fuit: qui si semper
unā fuisset, tamen summa cura tū tuæ, tum multo etiā
magis suæ famæ pepercisset. quid est, quod tu alios accu-
ses? quid est, quamobrem putes te tuam culpam non mo-
do deriuare in aliquem, sed cōmunicare cum aliquo pos-
se? numerantur illa HS ducenta quinquaginta Syracu-
sanis. ea quemadmodum ad istum postea per pseudory-
ron reuertatur, tabulis uobis & testibus iudices planum
faciam. ex hac iniquitate istius, & improbitate iudices,

q̄ praeda ex illis bonis ad multos Syracusanos inuito po-
 pulo senatūq; Syracusano uenerat, & illa scelera quoq;
 per Theomnastum, & Aeschionem, & Dionysodorum,
 & Cleomenem inuitissima ciuitate facta sunt: primum
 ut urbs tota spoliaretur: qua de re alius mihi locus ad di-
 cendum est constitutus: ut omnia signa iste per eos homi-
 nes, quos nominauī, omne ebur ex aedibus sacris, omnes
 undiq; tabulas pictas, deorum deniq; simulacra, quae uel-
 let auferret: deinde ut in curia Syracusis, quem locū illi
 Buleuterium uocant, honestissimo loco, & apud illos cla-
 rissimo, sub illius ipsius M. Marcelli, qui cum Syracusa-
 nis locum eum eripere belli ac uictoriae lege posset, con-
 seruauit et reddidit, statua ex aere facta, ibi inauratam
 isti, & alteram filio statuam posuerint: ut, dum istius ho-
 minis memoria maneret, senatus Syracusanus sine lacry-
 mis & gemitu in curia esse non posset. per eosdem istius
 iniuriarum, furtorum, uxorūq; socios istius imperio
 Syracusis Marcellaea tolluntur maximo gemitu, luctūq;
 ciuitatis: quem illi diem festum cum recentibus beneficijs
 M. Marcelli debitum reddebant, tum generi, nomini, fa-
 miliae Marcellorum maxima uoluntate tribuebant. Mi-
 thridates in Asia, cum eam prouinciam totam occupas-
 set, Mutia non sustulit. hostis, et hostis in ceteris rebus ni-
 mis ferus & immanis, tamen honorem hominis deorum
 religione consecratū uiolare noluit. tu Syracusanis unū
 diem festum Marcellis impertiri uetuiisti, per quos illi a-
 depti sunt, ut ceteros dies festos agere possent. at uero
 praeclarum diem reposuisti, Verrea ut agerent, & ut ad
 eum diem, quae sacris epulisq; opus essent, in complures
 annos locarentur, iam in tanta istius impudentia remit-

LIBER III.

tendū aliquid uidetur, ne omnia contendamus, ne omnia cum dolore agere uideamur: nā me dies, uox, latera deficiant, si hoc nunc uociferare uelim, q̄ miserum indignumq; sit, istius nomine apud eos diem festum esse, qui sese istius opera funditus extinctos esse arbitrentur. o Verrea praeclara, quoquam si accessisti, quod non attuleris tecum istum diem: etenim quam tu domum, quā urbem adusti, quod fanum deniq; quod non euersum, atq; extersum reliqueris? quare appellētur sanē ista Verrea, quae non ex nomine, sed ex manibus, naturāq; tua constituta esse uideantur. q̄ facile serpat iniuria, & peccandi consuetudo, q̄ non facile reprimatur, uidete indices. Bidis oppidum est tenue sanē, non longe à Syracusis. huius longe primus ciuitatis est Epicrates quidam. huic hæreditas HS quingentorum millium uenerat à muliere quadam propinqua, atq; ita propinqua, ut, ea etiam si intestata esset mortua, Epicratem Bidinorum legibus hæredem esse oporteret. recens Syracusana erat illa res, quā ante demonstravi, de Heraclio Syracusano, qui bona nō perdidisset, nisi ei uenisset hæreditas. huic quoq; Epicrati uenerat, ut dixi, hæreditas. cogitare cœperunt eius inimici, nihilo minus eodem Prætorē hunc euertere bonis posse, quo Heraclius esset euerfus. rē occulte instituunt, ad Verrem per eius interpretes deferūt: ita causa componitur, ut item palæstritæ Bidentes peterent ab Epicrate hæreditatem, quemadmodum palæstritæ Syracusani ab Heraclio petissent. nunquam uos Prætorē tam palestricum uidistis. uerum ita palæstritas defendebat, ut ab illis ipse unctior discederet. qui statim cum præsensisset, iubet cuiusdam suorum amicorum numerari HS LXXX. res

occultari satis non posse. per quendam eorum, qui inter-
 fuerat, fit Epicrates certior. primo negligere & contēne-
 re cœpit, q̄ causa prorsus, quod dubitari posset, nihil ha-
 bebat. deinde cū de Heraclio cogitaret, & istius libidinē
 nosset: cōmodissimum putauit esse, de provincia clā abi-
 re: itaq; fecit: profectus est Rhegium. quod ubi auditum
 est: astuare illi, qui dederant pecuniam: putare nihil agi
 posse absente Epicrate: nam Heraclius tamē affuerat, cū
 primum dati sunt iudices. de hoc, qui, anteq̄ in ius aditū
 esset, anteq̄ deniq; mentio controuersiae facta esset, disces-
 sisset, putabant nihil agi posse. homines Rhegium profici-
 scuntur: Epicratem conueniunt: demonstrant id, quod il-
 le sciebat, se HS LXXX dedisse: rogāt eū, ut id, quod
 ab ipsis abisset pecunia, curet: ab sese caueat, quemadmo-
 dum uelit: de illa hēreditate cum Epicrate neminem esse
 acturum. Epicrates homines multis uerbis male a se ac-
 ceptos dimisit. redeunt illi Rhegio Syracusas: queri cum
 multis, ita ut fit, incipiunt: sese HS LXXX nummū
 frustra dedisse. res percrebuit: in ore, atque sermone o-
 mnium cœpit esse. Verres refert illam suam Syracusas
 nā: ait sese uelle de illis HS LXXX cognoscere: aduo-
 cat multos: dicunt Bidini Volcatio se dedisse: illud nō ad-
 dunt, iussu istius. Volcatium uocat: pecuniam referri im-
 perat. Volcatius animo æquissimo nummos affert, qui ni-
 hil amitteret. reddit inspectantibus multis: Bidini num-
 mos auferunt. dicet aliquis: quid ergo in hoc Verrem
 reprehendis? qui non modo ipse fur non est, sed ne a-
 lium quidem passus est esse. attendite: iam intelligetis
 hanc pecuniam, qua uia modo uisa est exire ab isto,
 eadem semita reuertisse: quid enim debuit Prætor? cum

Q iiij

LIBER IIII.

consilio re cognita, cum comperisset suum comitem, iuris, decreti, iudicii corrumpendi causa, qua in re ipsius Prætoris caput, existimatioq; ageretur, pecuniam accepisse; Bidinos autem contra Prætoris famam, ac fortunas dedisse: non & in eum, qui accepisset, animaduertisse, & in eos, qui dedissent? tu, qui institueras in eos animaduertere, qui perperam iudicassent: quod sæpe per imprudentiā fit: hos pateris impune discedere, qui ob tuum decretum, ob tuum iudiciū pecuniam aut dandam, aut accipiendā putarāt? Volcatius idē apud te postea fuit, eques R. tāta accepta ignominia. nā quid est turpius ingenuo, quid minus libero dignum, q̄ in cōuentu maximo cogi à magistratu furtum reddere? qui si eo animo esset, quo non modo eques R. sed quiuus liber debet esse: afficere te postea non potuisset: inimicus, hostis esset tanta contumelia accepta, nisi tecum collusisset, & tuæ potius existimationi seruisset, q̄ suæ. qui q̄ tibi amicus non modo tum fuerit, quandiu tecum in provincia fuit; uerum etiam nūc sit, cum iam à cæteris amicis sis relictus: & tu intelligis, & nos existimare possumus. an hoc solum argumentum est, nihil isto imprudente factum, quod Volcatius ei non succensuit? quod iste nec in Volcatiū, nec in Bidinos animaduertit? est magnum argumentum, uerum illud maximum, quod illis ipsis Bidinis, quibus iratus esse debuit, ut à quibus comperit, quod iure agere cum Epicrate nihil possent, etiam si adesset, iccirco suum decretum pecunia esse tentatum: his inquā ipsi non modo illam hereditatem, quæ Epicrati uenerat, sed, ut in Heraclio Syracusano, item in hoc, paulo etiam atrocius, quod Epicrates appellatus omnino non erat, bona patria, fortunasq;

eius Bidini tradidit: ostēdit enim nouo modo, si quis quid ab absente peteret, se auditurum. adeunt Bidini: petunt hereditatem: procuratores postulant, ut se ad leges suas reiciat, aut ex lege Rupilia dicā scribi iubeat. aduersarij non audebant contradicere: exitus nullus reperiebatur. insimulant hominem fraudādi causa discessisse: postulant, ut bona possidere liceat. debebat Epicrates ullum nummum nemini. amici, si quis quid peteret, iudicio secum agi passuros, iudicatum solui satisfacturos esse dicebant. cum omnia consilia frigerent, admonitu istius insimulare cœperūt, Epicratem literas publicas corrupisse: à qua suspicione ille aberat plurimum. actionem eius rei postulant. amici recusare, ne quod nouū iudiciū, ne qua ipsius cognitio illo absente de existimatione eius constitueretur: & simul idem illud postulare nō desistebant, ut se ad leges suas reuiceret. iste amplam occasionem calumniæ natus, ubi uidet esse aliquid, q̃ amici absentem Epicratem nollent defendere: assēuerat se eius rei in primis actionem esse daturum. cum omnes perspicerent ad istum nō modo illos nummos, qui per simulationem ab isto exierant, reuertisse, sed multo etiam plures eum postea nummos abstulisse: amici Epicratem defendere destiterunt. iste Epicratis bona Bidinos omnia possidere, & sibi habere iussit. ad illa HS D millia hereditaria accessit ipsius antiqua HS quindecies pecunia. utrum res ab initio ita ducta est, an ad extremum ita perducta est? an ita parua est pecunia? an is homo Verres, ut hæc, quæ dixi, gratis facta esse uideantur? hic nūc de miseria Siculorū iudices audite. & Heraclius ille Syracusanus, & hic Bidinus Epicrates expulsi bonis omnibus Romā uenerūt: for=

didati maxima barba, & capillo Romæ biennium propè fuerūt. cū L. Metellus in prouinciā profectus est, tum isti bene cōmēdati cū Metello unā proficiscūtur. Metellus simul ac uenit Syracusas, utrūq; rescindit, et de Epicrate, & de Heraclio. in utriusq; bonis nihil erat, quod restitui posset, nisi quod moueri loco nō poterat. fecerat hæc egregie primo aduētū Metellus, ut omnes istius iniurias, quas modo posset, rescinderet, & irritas faceret. Heractiū restitui iusserat: nō restituebatur: quisquis erat ductus senator Syracusanus ab Heraclio, duci iubebat: itaq; permulti ducti sunt. Epicrates quidē cōtinuo restitutus est. alia iudicia Lilybæi, alia Agrigenti, alia Panormi restituta sunt. cēsus, qui isto Prætoris sunt habiti, nō seruaturū se Metellus ostēderat: decumas, quas iste cōtra legem Hieronicam uēdiderat, sese uenditurū Hieronica lege dixerat. omnia erant Metelli eiusmodi, ut nō tam suā Præturam gerere, q̄ istius Præturam retexere uideretur. simul atq; ego in Siciliā ueni, mutatus est. uenerat ad eum illo biduo Letilius quidā, homo non alienus à literis: itaq; eo iste tabellario semper usus est. is epistolas cōplures attulerat, in his unā domo, quæ totū immutarat hominem. repente cœpit dicere, se omnia Verris causa uelle, sibi cum eo amicitiam, cognationemq; esse. mirabātur omnes, hoc ei tum deniq; in mētē uenisse, posteaq; tam multis eum factis, decretisq; ingulasset. erāt, qui putarent Letiliū legatum à Verre uenisse, qui gratiā, amicitiam, cognationemq; cōmemoraret. ex illo tempore à ciuitatibus laudationē petere, testes nō solum deterrere uerbis, sed etiā uī retinere cœpit. quōd ego nisi meo aduētū illius conatus aliquātulum repressissem, & apud Siculos non Metelli,

sed Glabronis literis, ac lege pugnassem: tã multos huc
euocare nō potuissē. uerū, quod institui dicere, miseras
cognoscite Siculorū. Heraclius ille, & Epicrates longe mi
hi obuiā cum suis omnibus processerūt: uenienti Syracu
sas egerunt gratias flentes: Romā decedere mecum cu
pierunt, quod erant mihi oppida cōplura etiam reliqua,
quæ adire uellem: cōstitui cum hominibus, quo die mihi
Messanæ præsto essent. cō mihi nuntium miserunt, se à
Pratore retineri. quibus ego testimonium denuntiaui,
quorum nomina edidi Metello, cupidissimi ueniendi, ma
ximis iniurijs affecti, adhuc non uenerunt. hoc iure sunt
socij, ut ijs ne deplorare quidem de suis incōmodis liceat.
iam Heracly Centuripini, optimi, nobilissimiq; adolescē
tis, testimonium audistis: à quo HS C millia per ca
lumniam malitiamq; petita sunt. iste pœnis, cōpromis
sisq; interpositis, HS CCC extorquēda curauit: quodq;
iudicium secundum Heraclium de cōpromissis factum
erat, quod ciuis Centuripinus inter duos ciues indicasset,
id irritum iussit esse, eumq; iudicem falsum iudicasse iu
dicauit: in senatu ne esset: locis, cōmodisq; publicis uti ue
ruit: si quis eum pulsasset, edixit sese iudicium iniuria
rum non daturum: quicquid ab eo peteretur, iudicem
de sua cohorte daturum, ipsi autē nullius actionem rei
sese daturum. quæ istius auctoritas tātum ualuit, ut ne
que illum pulsaret quisquam, cum Prator in prouincia
sua uerbo permitteret, re hortaretur: neq; quisquā ab eo
quicquā peteret, cū iste calūniæ licentiā sua auctoritate
præbuisset. ignominia autem illa grauis tādū in illo ho
mine fuit, quādiu iste in prouincia mansit. hoc iniecto
metu iudicibus, nouo more, nullo exemplo, ecquam rem

LIBER IIII.

putatis esse in Sicilia nisi ad nutum istius iudicatū? utrū id solum uidetur esse actum, quod est tamen actum, ut Heraclio pecunia eriperetur: an etiā illud, in quo praeda erat maxima, ut nomine iudiciorum, omnium bona, atq; fortunæ in istius unius essent potestate? iam uero in rerum capitaliū quæstionibus quid ego unāquanq; rē colligam, & causam? ex multis similibus ea sumam, quæ maxime improbitate excellere uidebuntur. Sopater quidam fuit Haliciensis, homo domi suæ cum primis locuples, atq; honestus, is ab inimicis suis apud C. Sacerdotem Prætorem rei capitalis cum accusatus esset, facile eo iudicio est liberatus. huic eidem Sopatro idem inimici ad C. Verrem, cum is Sacerdoti successisset, eiusdē rei nomen detulerunt. res Sopatro facilis uidebatur, et q̄ erat innocens, & q̄ Sacerdotis iudicium improbare istum ausurum nō arbitrabatur. citatur reus: causa agitur Syracusis: crimina tractantur ab accusatore, ea, quæ erāt antea nō solum defensione, uerū etiam iudicio dissoluta. causā Sopatri defendebat Q. Minutius eques R. in primis splendidus, atq; honestus, uobisq; iudices nō ignotus. nihil erat in causa, quod metuendum, aut omnino quod dubitandū uideretur. interea istius libertus, & accensus idem Timarchides, qui est, id quod ex plurimis testibus priore actione didicistis, rerum huiusmodi omnium transactionis, & administer, ad Sopatrum uenit: monet hominem, ne nimis iudicio Sacerdotis, & causæ confidat: accusatores, inimicosq; eius habere in animo pecuniam Prætori dare: Prætorem tamen ob salutem malle accipere: & simul malle, si fieri posset, rē iudicatam nō rescindere. Sopater, cū hoc illi improuisum, atq; inopinatū accidisset,

set, cōmotus est sanè, neq; in præsētia, Timarchidi quid responderet, habuit, nisi, se cōsideraturum, quid sibi de ea re esset faciendū: & simul ostendit, se in summa difficultate esse nūmaria. post ad amicos retulit. qui cū ei fuissent auctores redimendæ salutis, ad Timarchidem uenit: expositis suis difficultatibus, hominem ad HS LXXX perducit, eamq; ei pecuniā numerat. posteaquam ad causam dicendam uentū est: tum uero sine metu, sine cura omnes erant, qui Sopatrū defendebant: crimen nullum erat: res iudicata: Verres nūmos acceperat. quis posset dubitare, quidnam esset futurū? res illo die non peroratur: dimittitur iudiciū. iterum ad Sopatrum Timarchides uenit: ait accusatores eius multo maiorem pecuniam Prætori polliceri, q̄ quantam hic dedisset: proinde, si sciperet, uideret quid sibi esset faciendum. homo, quāquam erat & Siculus, & reus, hoc est & iure iniquo, & tempore aduerso: ferre tamen, atq; audire diutius Timarchidem nō potuit. facite, inquit, quod uobis libet: daturus nō sum amplius. idemq; hoc amicis eius, & defensoribus uidebatur, atq; eo etiam magis, q̄ iste quoquo modo se in ea quæstione præbebat, tamen in cōsilio habebat homines honestos è cōuentu Syracusano, qui sacerdotis quoq; in consilio fuerant, tum, cum esset idem hic Sopater absolutus. hoc rationis habebant, facere eos nullo modo posse, ut eodem crimine, ysdem testibus Sopatrum condemnarēt ydem homines, qui antea absoluisent. itaq; hac una spe ad iudiciū uenitur. quò posteaq̄ uentum est; cum in cōsiliū frequentes cōuenissent ydem, qui solebant, & hac una spe tota defensio Sopatri niteretur, consilij frequentia, et dignitate, & q̄ erant, ut dixi, ydem, qui antea So-

LIBER IIII.

patrum eodem illo crimine liberarant : cognoscite hominis apertam, ac non modo non ratione, sed ne dissimulatione quidem tectam improbitatem, & audaciam. M. Petilium equitem R. quem habet in consilio, iubet operam dare, quod rei priuatae iudex esset. Petilius recusabat, quod suos amicos, quos sibi in consilio esse uellet, ipse Verres retineret. iste, homo liberalis, negat se quenquam retinere eorum, qui Petilio uellent adesse : itaq; discedunt omnes : nam ceteri quoq; impetrant, ne retineantur : qui se uelle dicebant alterutri eorum, qui tum illud iudicium habebant, adesse. itaq; iste solus cum sua cohorte nequissima relinquitur. non dubitabat Minutius, qui Sopatrum defendebat, quin iste, quoniam consilium dimisisset, illo die rem illam quaesiturus non esset, cum repente iubetur dicere. respondet, ad quos ? ad me, inquit, si tibi idoneus uideor, qui de homine Siculo, ac Graculo iudicem. idoneus es, inquit : sed peruellem adessent ij, qui affuerant antea, causamq; cognorant. dic, inquit : illi adesse non possunt. nam hercule, inquit Q. Minutius, me quoq; Petilius, ut sibi in consilio adessem, rogauit : & simul a subsellijs abire cepit. iste iratus hominem uerbis uehementioribus prosequitur, atq; ei grauius etiam minari cepit, quod in se tantum crimen inuidiamq; conflaret. Minutius, qui Syracusis sic negotiaretur, ut sui iuris dignitatisq; meminisset ; & qui sciret, se ita in prouincia rem augere oportere, ut ne quid de libertate perderet : homini, quae uisa sunt, & quae tempus illud tulit, & causa, respondit : causam sese dimisso, atq; ablegato consilio defensurum negauit : itaq; a subsellijs discessit. idemq; hoc praeter Siculos ceteri Sopatri amici, aduocatiq; fecerunt. iste quamquam

est incredibili importunitate, et audacia, tamen subito solus destitutus pertimuit, et cōturbatus est. quid ageret, quò se uerteret, nesciebat. si dimisisset eo tempore quæstionem: post illis adhibitis, quos ablegarat, absolutum iri Sopatrum uidebat. sin autem hominem miserum, atq; innocentem cōdemnasset, cum ipse Prætor sine consilio, reus autem sine patrono, atq; aduocatis fuisset; iudiciumq; C. Sacerdotis rescidisset: inuidiam se sustinere non posse tantam arbitratur. itaq; æstuabat dubitatione: uersabat se in utranq; partem non solum mente, uerum etiam corpore: ut omnes, qui aderant, intelligere possent, in animo eius metum, cupiditatemq; pugnare. erat hominum conuentus maximus, summum silentium, summa expectatio, quoniam esset eius cupiditas eruptura. crebro dimittebat se accensus ad aurem Timarchides. tum iste aliquando, age dic, inquit. Sopatrus implorare hominum, atq; deum fidem, ut cum consilio cognosceret. tum repente iste testes citari iubet. dicit unus, et alter breuiter: nihil interrogatur. præco, dixisse, pronuntiat. iste, quasi metueret, ne Petilius priuato illo iudicio transacto, aut dilato, cum cæteris in consiliū reuenteretur, ita properans de sella exiuit, hominem innocentem, à Sacerdote absolutum, indicta causa, de sententiâ scribæ, medici, aruspiciq; cōdemnauit. retinete, retinete hominem in ciuitate iudices: parcite, et conseruate, ut sit qui uobiscum res iudicet, qui in senatu sine ulla cupiditate de bello, et pace sententiam ferat. tamen si minus id quidem nobis, minus populo R. laborandum est, qualis istius in senatu sententiâ futura sit: quæ enim eius auctoritas erit? quando iste sententiâ dicere audebit, aut poterit? quādo autem homo tanta luxuria, atq; desidia,

LIBER IIII.

nisi Februario mense, aspirabit in curiam? uerum ueniat
 sanè, decernat bellum Cretensibus: liberet Byzantios:
 Regem appellet Ptolemæum: quæ uult Hortensius, omnia
 dicat, et sentiat. minus hæc ad nos, minus ad uitæ nostræ
 discriminè, minus ad fortunarum nostrarum periculum perti-
 nent. illud, illud est capitale, illud est formidolosum, illud
 optimo cuique metuendum, quod iste, ex hoc iudicio si aliqua ui-
 se eripuerit, in iudiciis sit necesse est, sententiâ de capite
 ciuis R. ferat, sit in eius exercitu signifer, qui imperium iu-
 diciorum tenere uult. hoc populus R. recusat, hoc ferre non
 potest, clamat, permittitque uobis, ut, si istis hominibus de-
 lectemini, si ex hoc genere splendorem ordini, atque orna-
 mentum curiæ constituere uelit, habeatis sanè uobiscum
 istum senatorem, istum de uobis iudicem, si uultis, habea-
 tis. de se homines, si qui extra istum ordinem sunt, quibus
 ne reuocandi quidem amplius quam trium iudicum præ-
 claræ leges Corneliæ faciunt potestatem, hunc hominem
 tam crudelem, tam sceleratum, tam nefarium nolunt iudi-
 care. etenim si illud est tam flagitiosum (quod mihi omnium
 rerum turpissimum, maximeque nefarium uidetur) ob rem
 iudicandam pecuniâ accipere, pretio habere addictam fi-
 dem, et religionem: quanto illud flagitiosius, improbius,
 indignius, cum, à quo pecuniam ob absoluendum accepe-
 ris, cōdemnare, ut ne prædonum quidem Prætor in fide
 retinenda consuetudinem conseruaret? scelus est, accipe-
 re ab reo: quanto magis, ab accusatore? quanto etiam
 sceleratius, ab utroque? fidem cum proposuisses uenalem
 in provincia, ualuit apud te plus is, qui pecuniam ma-
 iorem dedit. concedo, forsitan aliquis aliquando eius-
 modi quippiam fecerit. cum uero fidem, ac religionem
 tuam

tuam alteri addictā pecunia accepta habueris, post ean-
dem aduersarijs tradideris maiore pecunia: utrunq; fal-
les? & trades, cui uoles? & ei, quem fefelleris, ne pecuniā
quidem reddes? quem mihi tu Bulbum? quem Stalenum?
quod unquam huiusmodi monstrum, aut prodigium au-
diuimus, aut uidimus, qui cum reo transigat, post cū ac-
cusatore decidat; honestos homines, qui causam norint,
ableget, consilioq; dimittat, ipse solus reum absolutum, a
quo pecuniam acceperit, condēnet, pecuniamq; non red-
dat. hunc hominem iudicum numero habebimus? hic alte-
ram decuriam senatoriam iudex obtinebit? hic de capite
libero iudicabit? huic iudicialis tabella cōmittetur? quam
iste nō modo cera, uerum etiam sanguine, si uisum erit,
notabit: quid enim horum se negat fecisse? illud uidelicet
unum, quod necesse est, pecuniam accepisse. quid ni iste ne-
get? at eques R. qui Sopatrum defendit, qui omnibus eius
consilijs, rebusq; interfuit, Q. Minutius iuratus dicit pe-
cuniam datam, iuratus dicit Timarchidem dixisse, maio-
rem ab accusatoribus pecuniam dari. dicent hoc Siculi
omnes, dicent omnes Halicienses, dicet etiam prætectatus
Sopatri filius: qui ab isto homine crudelissimo, patre in-
nocentissimo, pecuniāq; patria priuatus est. uerū si de pe-
cunia testibus planum facere non possem, illud negare
posses, aut nunc negabis, te consilio tuo dimisso, uiris pri-
marijs, qui in consilio C. Sacerdotis fuerant, tibiq; esse so-
lebant, remotis, de re iudicata iudicasse? teq; eum, quem
C. Sacerdos adhibito consilio, causa cognita absoluisset,
eundem remoto consilio, causa incognita condemnasse?
cum hæc cōfessus eris, quæ in foro palā Syracusis, in ore,
atq; oculis provinciae gesta sunt: negato sanē si uoles, pe-

Cic. Orat.

R

LIBER IIII.

cuniam accepisse: reperies, credo, aliquem, qui, cum hac, quae palam gesta sunt, uideat, quaerat quid tu occulte egeris, aut qui dubitet, utrum malit meis testibus, an tuis defensoribus credere. dixi iam antea, me non omnia istius, quae in hoc genere essent, enumeraturum, sed electurum ea, quae maxime excellerent. accipite nunc aliud eius facinus nobile, et multis locis saepe commemoratum, et eiusmodi, ut in uno omnia maleficia inesse uideantur: attendite. n. diligenter: inuenietis id facinus natum a cupiditate, auctum per stuprum, crudelitate perfectum, atque conclusum. Sthenius est, is qui nobis affidet, Thermitanus, antea multis propter summam uirtutem, summamque nobilitatem, nunc propter summam calamitatem, atque istius insignem iniuriam omnibus notus. huius hospitio Verres cum esset usus, et cum apud eum non modo Therms saepenumero fuisset, sed etiam habitasset: domo eius omnia abstulit, quae paulo magis animam cuiuspiam, aut oculos posset commouere: etenim Sthenius ab adolescentia paulo studiosius haec comparabat, suppellectilem ex aere elegantiorē et Deliacā, et Corinthiā, tabulas pictas, etiam argenti bene facti, prout Thermitani hominis facultates ferebāt, satis. quae, cum esset in Asia adolescēs, studiose, ut dixi, comparabat, non tam suae delectationis causa, quam ad inuitationes aduentusque nostrorum hominum, suorum amicorum, atque hospitum. quae posteaquam iste omnia abstulit, alia rogando, alia poscendo, alia sumendo, ferebat Sthenius ut poterat, tangebatur tamen animi dolore necessario, quod domum eius exornatam, atque instructam ferē iam iste reddiderat nudam, atque inanem. ueruntamen dolorē suum nemini impartiebat: Pratoris iniurias tacite, hosti

tis placide ferendas arbitrabatur. interea cupiditate iste illa sua nota, atq; apud omnes peruulgata, cui signa quædam pulcherrima, atq; antiquissima Thermis in publico posita uidisset, adamauit: a Sthenio petere cœpit, ut ad ea tollenda operam suam profiteretur, seq; adiuuaret. Sthenius uero non solum negauit, sed etiam ostendit id fieri nullo modo posse, ut signa antiquissima, monimenta P. Africani, ex oppido Thermitanorum incolumi illa ciuitate, imperioq; populi R. tollerentur. etenim, ut simul P. Africani quoq; humanitatem cognoscatis, oppidū Himera Carthaginenses quondam ceperāt, quod fuerat in primis Siciliæ clarum & ornatum. Scipio, qui hoc dignum populo R. arbitraretur, bello confecto socios suæ per nostrā uictoriam recuperare: Siculis omnibus Carthagine capta, quæ potuit, restituenda curauit. Himera deleta, quos ciues belli calamitas reliquos fecerat, ii sese Thermis collocarant in eiusdem agri finibus, neq; longe ab oppido antiquo. hi se patrum fortunā ac dignitatem recuperare arbitrabantur, cum illa maiorum ornamenta in eorum oppido collocabantur. erāt signa ex ære complura, in his mira pulchritudine ipsa Himera in muliebrem figurā, habitumq; formata, ex oppidi nomine, & fluminis. erat etiam Stesichori poetæ statua, senilis, incurua, cum libro, summo, ut putant, artificio facta ab eo, qui fuit Himera, sed est, & fuit tota in Græcia summo propter ingenium honore & nomine. hæc iste ad insaniam cōcupierat. etiā, quod penè præterij, capella quadā, ea quidē mire, ut etiā nos, qui rudes harū rerū sumus, intelligere possumus, scite facta & uenuste. hæc & alia Scipio non negligenter abiecerat, ut homo intelligens

R ij

LIBER IIII.

Verres auferre posset: sed Thermitanis restituerat: non quo ipse hortos, aut suburbanum, aut locū omnino, ubi ea poneret, nullum haberet: sed si domum abstulisset, non diu Scipionis appellarentur, sed eorum, ad quoscunq; ipsius morte uenissent: nūc us locis posita sunt, ut mihi semper Scipionis fore uideantur, itaq; dicātur. hæc cum iste posceret, agereturq; ea res in senatu, Sthenius uehementissime restitit, multa; ut in primis Siculorum in dicendo copiosus est, cōmemorauit: urbem relinquere Thermitanos esse honestius, q̄ pati tolli ex urbe monimenta maiorum, spolia hostium, beneficia clarissimi uiri, indicia societatis populi R. atq; amicitia. cōmoti animi sunt omnium. repertus est nemo, quin mori diceret satius esse. itaq; hoc adhuc oppidum Verres inuenit propè solum in orbe terrarum, unde nihil eiusmodi rerum de publico peruim, nihil occulte, nihil imperio, nihil gratia, nihil pretio posset auferre. ueruntamen hasce eius cupiditates exponam alio loco: nunc ad Sthenium reuertar. itaq; iste uehementer Sthenio infensus, hospitium ei renuntiat, domo eius emigrat, atq; adeo exit: nam iam ante migrarat. eū autem inimicissimi Sthenij domum suā statim inuitant, ut animum eius in Sthenium inflammarent, ementiendo aliquid, & criminando. hi autem erant inimici, Agathinus homo nobilis, et Dorotheus, qui habebat in matrimonio Callidamam Agathini eius filiam, de qua iste audierat: itaq; ad generū Agathini migrare maluit. una nox intercesserat, cum iste Dorotheum sic diligebat, ut diceret omnia inter eos esse communia: Agathinum ita obseruabat, ut aliquem affinem ac propinquum. contemnere etiam signum illud Himeræ iam uidebatur, quod eum

multo magis figura & liniamenta hospite delectabant. itaq; hortari homines coepit, ut aliquid Sthenio periculi crearent, criminisq; confingeret. dicebat se illi nihil habere, quod dicerent. tum iste his aperte ostendit, & confirmavit, eos, in Sthenium quicquid uellent dicerent, simul atq; ad se detulissent, probaturos. ita illi non procrastinat: Sthenium statim educunt: aiunt ab eo literas publicas esse corruptas. Sthenius postulat, ut secum sui ciues agant de literis publicis corruptis, eiusq; rei legibus Thermitanorum actio sit: cum senatus populusq; R. Thermitanis, q; semper in amicitia, fideq; mansissent, urbes, agros, legesq; suas reddidisset. Publiusq; Rupilius postea leges ita Siculis ex S. C. de decem Legatorum sententia dedisset, ut ciues inter se legibus suis agerent: idemq; hoc habuerit Verres ipse in edicto, ut de his omnibus causis se ad leges rei ceret. iste, homo omnium aequissimus, atq; a cupiditate omnium remotissimus, se cogniturum esse confirmat: paratum ad causam dicendam uenire hora octaua iubet. non erat obscurum, quid homo improbus, ac nefarius cogitaret: neq; enim ipse satis occultarat, nec mulier tacere poterat. intellectum est id ipsum agere, ut, cum Sthenium sine ullo argumento, ac sine teste damnasset, tum homo nefarius de homine nobili, atq; id aetatis, suoq; hospite uirgis supplicium crudelissime sumeret. quod cum esset perspicuum: de amicorum hospitumq; suorum sententia Theremis Sthenius Romam profugit: hiemi fluctibusq; sese committere maluit, quam non istam communem Siculorum tempestatem, calamitatemq; uitare. iste homo certus, & diligens ad horam octauam praesto est: Sthenium citari iubet: quem posteaquam uidet non adesse, dolore ardere, atq;

R ii

LIBER IIII.

Iracundia furere cœpit: Venerios in domū Sthenij mitte
 re: equites circū agros eius, villasq; dimittere. itaq; cū ex
 pectat quidnā sibi certi afferatur, ante horā tertiam no
 cētis de foro non discessit. postridie mane descendit: Aga
 thinū ad sese uocat: iubet eū de literis publicis in absen
 tem Stheniū dicere. erat eiusmodi causa, ut ille ne sine ad
 uersario quidē apud inimicū iudicē reperire posset, quid
 diceret. itaq; tantū uerbo posuit: Sacerdote Pratore Sthe
 niū literas publicas corrupisse. uix ille hoc dixerat, cum
 iste pronuntiat, Stheniū literas publicas corrupisse uide
 ri: & hæc præterea addidit homo Venerius nouo modo,
 nullo exēplo, ob eā rem HS quingenties Veneri Erycinæ
 de Sthenij bonis exacturū: bonaq; eius statim cœpit uen
 dere: & uendidisset, si tantulū moræ fuisset, quo minus ei
 pecunia illa numeraretur: ea posteaquā numerata est: cō
 tentus hac iniquitate non fuit: palam de sella, ac tribuna
 li pronuntiat: si quis absentem Stheniū rei capitalis reū
 facere uellet, sese eius nomen recepturū: & simul, ut ad
 causam accederet, nomenq; deferret, Agathinum nouū
 affinem, atq; hospitē cœpit hortari. tū ille clare, omnibus
 audientibus, sese id non esse facturū, neq; se usq; eō Sthe
 nio esse inimicū, ut eum rei capitalis affinem esse diceret.
 hic tū repente Pacilius quidā homo egens, & leuis, acce
 dit: ait, si liceret, nomē absentis deferre se uelle. iste uero,
 & licere, & fieri solere, & se recepturū. itaq; defertur.
 edicit statim, ut Cal. Dec. adsit Sthenius Syracusis. hic, qui
 Romā uenisset, satisq; feliciter anni iā aduerso tempore
 nauigasset, omniaq; habuisset æquiora, & placabiliora,
 quā animū Prætoris, atque hospitis: rem ad amicos
 suos detulit. quæ ut erant acerba, atque indigna, sic ui-

debantur omnibus. itaque in senatu continuo Cn. Lentulus, & Lucullus Coss. faciunt mentionem, placere statui, si patribus conscriptis uideretur, ne absentes homines in prouincijs rei fierent rerum capitalium: causam Sthenij totam, & istius crudelitatem, & iniquitatem senatum docent. aderat in senatu Verres pater istius, & fies unusquenk; senatorem rogabat, ut filio suo parceret: neq; tamen multum proficiebat: erat enim summa uoluntas senatus. itaq; sententiæ dicebantur: cū Sthenius absens reus factus esset, de absente iudicium nullum fieri placere; & si quod esset factum, id ratum esse non placere. eo die trāsigi nihil potuit, quod & id temporis erat, & ille pater istius inuenerat homines, qui dicēdo tēpus consumerent. postea senex Verres defensores, atq; hospites omnes Sthenij conuenit: rogat eos, atque orat, ne oppugnent filium suum, de Sthenio ne laborent: confirmat his, curaturum se esse, ne quid ei per filium suum noceretur, se homines certos eius rei causa in Siciliam & terra, & mari missurum. & erat spatium dierum ferē triginta ante Cal. Dec. quo iste, ut Syracusis Sthenius adesset, edixerat: commouentur amici Sthenij: sperant fore, ut patris literis, nuntijsq; filius ab incepto furore reuocetur. in senatu postea causa non agitur. ueniunt ad istum domestici nuntij, literasq; à patre afferunt ante Cal. Dec. cum isti etiam tum de Sthenio integra tota res esset: eodemq; ei tempore de eadem re literæ complures à multis eius amicis, ac necessarijs afferuntur. hic iste, qui prae cupiditate neque officij sui, neque periculi, neque pietatis, neque humanitatis rationem habuisset unquam, neque in eo, quod monebatur,

R iiij

LIBER IIII.

auctoritatem patris, nec in eo, quod rogabatur, uoluntatem anteponendam putauit libidini suæ. mane Cal. Dec. ut edixerat, Sthenium citari iubet. si abs te istam rem parens tuus alicuius amici rogatu, benignitate, aut ambitione inductus petisset: grauissima tamen apud te uoluntas patris esse debuisset. cum uero abs te tui capitis causa peteret, hominesq; certos domo misisset, hiq; eo tempore ad te uenissent, cum tibi in integro tota res esset: ne tū quidem te potuit si non pietatis, at salutis tuæ ratio ad officium, sanitatemq; reducere? citat reum: non respondet. citat accusatorem (attēdite quæso: uidete, quātopere istius amētiæ fortuna ipsa aduersata sit: & simul uidete, quis Sthenij causam casus adiuuerit) citatus accusator M. Pacilius nescio quo casu non respondit, non affuit. si præsens Sthenius reus esset factus, si manifesto in maleficio teneretur: tamen, cum accusator non adesset, Sthenium condēnari non oporteret: etenim, si posset reus absente accusatore damnari, non ego à Vibone Veliam paruulo nauigio inter fugitiuorum, ac prædonum, ac tua tela uenissem: quo tempore omnis illa mea festinatio fuit, cum periculo capitis, ob eam causam, ne tu ex reis eximerere, si ego nō affuissem ad diem. quod igitur erat in tuo iudicio optatissimum, me, cum citatus essem, non adesse: cur Sthenio non putasti prodesse oportere, cū eius accusator non affuisset? itaq; fecit ut exitus principio si millimus reperiretur. quem absentem reum fecerat, eum absente accusatore condēnat. nūtiabatur illi primis illis temporibus id, quod pater quoq; ad eū pluribus uerbis scripserat, agitatā rē esse in senatu, etiā in cōcione Tribunū pl. de causa Sthenij M. Palicanū esse questū, postremo me

ipsum apud collegium hoc Tribunorum pl. cum eorum omnium edicto non liceret quenquam Romæ esse, qui rei capitalis cōdemnatus esset, egisse causam Stheny, cū rem ita exposuisssem, quemadmodum nunc apud uos, docuisssemq; hāc damnationem duci nō oportere: Tribunos pl. hoc statuisse, idq; omniū sententia pronūtiatum esse, non uideri Sthenium impediri edicto, quo minus ei liceret Romæ esse. cum hāc ad istum afferrentur: timuit aliquando, & cōnotus est: uertit stilum in tabulis suis: quo facto causam omnem euertit suam: nihil enim sibi reliqui fecit, quod defendi aliqua ratione. posset. nam si ita defenderet, recipi nomē absentis licet, hoc fieri in prouincia nulla lex uetat: mala, & improba defensione, uerum aliqua tamen uti uideretur. postremo illo desperatissimo perfugio uti posset, se imprudētem fecisse, existimasse id licere. quāquam hāc perditissima defensio est: tamen aliquid dici uideretur. tollit ex tabulis id quod erat, & facit corā delatū esse. hic uidete, in quot laqueos se induerit, quorū ex nullo se unquam expediret. primū ipse in Sicilia sepe, & palām de loco superiore dixerat, & in sermone multis demonstrarat, licere nomen recipere absentis, se exemplo fecisse id, quod fecisset. hāc eum dictitasse priore aēione, & Sex. Pompeius Chlorus dixit, de cuius uirtute antea cōmemorauī; & Cn. Pōpeius Theodorus, homo Cn. Pompeij clarissimi uiri iudicio plurimis maximisq; in rebus probatissimus, & omniū existimatione ornatissimus; & Possides Matro Solentinus, homo summa nobilitate, existimatione, uirtute; & hac aēione q̄ uoletis multi dicet; et qui ex isto ipso audierint, uiri primarij nostri ordinis; & alij qui interfuerint, cum absentis

LIBER IIII.

nomen reciperetur. deinde Romæ cum res esset acta in senatu, omnes istius amici, in his etiam pater eius, hoc defendebat licere fieri: sæpe esse factum: istum, quod fecisset, aliorum exemplo, institutoque fecisse. dicit præterea testimonium tota Sicilia: quæ in communibus postulatis civitatum omnium Cōsulibus edidit, rogare, atque orare patres conscriptos, ut statuerent, ne absentium nomina reciperentur. quæ de re Cn. Lentulum patronum Siciliæ, clarissimum adolescentem, dicere audistis: Siculos, cum se causam, quæ pro his sibi in senatu agenda esset, docerent, de Stheny calamitate questos esse, propterque hanc iniuriā, quæ Sthenio facta esset, eos statuisse, ut, quod dico, postularetur. quæ cum ita essent: tanta ne amentia præditus, atque audacia fuisti, ut in re tam clara, tam testata, tam abs te ipso peruulgata tabulas publicas corrumpere auderes? at quemadmodum corrupisti? non ne ita, ut omnibus nobis tacentibus ipsæ te tuæ tabulæ cōdemnare possent? quæso, codicem circumfer, ostēde. uidetis ne totum hoc nomen, coram ubi facit delatum, esse in litura? quid fuit istic antea scriptum? quod mēdum ista litura correxit? quid à nobis iudices expectatis argumēta huius criminis? nihil dicimus: tabulæ sunt in medio: quæ se corruptas, atque interlitas esse clamāt. ex istis etiam tu rebus effugere te posse cōfidis? cum te nos nō opinione dubia, sed tuis uestigijs persequamur, quæ tu in tabulis publicis expressa, ac recentia reliquisti. is mihi etiā Stheniū literas publicas corrupisse causa incognita iudicavit, qui defendere nō potuerit se non ex ipsius Stheny nomine literas publicas corrupisse. uidete porrō aliā dementiā: uidete, ut, dum expedire sese uult, induat. cognitorem ascribit

Sthenio : quem ? cognatum aliquem, aut propinquum ? non: Thermitanū aliquem honestū hominem, ac nobilem ? ne id quidē : at Siculum, in quo aliquis splendor dignitasq; esset ? minime: quid igitur ? ciuem Romanum. cui hoc probari potest ? cum esset Sthenius ciuitatis suae nobilissimus, amplissima cognatione, plurimis amicitys, cū praeerea tota Sicilia multū auctoritate, & gratia posset: inuenire neminē Siculum potuit, qui pro se cognitor fieret ? hoc probabitis ? an ipse ciuem Romanū maluit ? cedo, cui Siculo, cū is reus fieret, ciuis Romanus cognitor factus unquā sit. omniū Praetorum literas, qui ante fuerunt, profer, explica: si unū inueneris, ego hoc tibi, quemadmodum in tabulis scriptū habes, ita gestum esse concedam. at credo Sthenius hoc sibi amplum esse putauit, eligere ē ciuium R. numero, ex amicorū, atq; hospitū suorum copia quem cognitorem daret. quē delegit ? quis in tabulis scriptus est ? C. Claudius C. filius Palatina. non quæro, quis hic sit Claudius, q̄ splendidus, q̄ honestus, quā idoneus, propter cuius auctoritatē & dignitatem Sthenius ab omniū Siculorum consuetudine discederet, & ciuem Romanū cognitorem daret. nihil horū quæro: fortasse. n. Sthenius nō splendorem hominis, sed familiaritatem secutus est. quid, si omniū mortaliū Sthenio nemo inimicior, quā hic C. Claudius tum semper, tum in his ipsis rebus, & temporibus fuit ? si de literis corruptis contrahenit ? si contra omni ratione pugnauit ? utrū potius, pro Sthenio inimicū cognitorem esse factū, an te in Stheny periculū inimici eius nomine abusum esse credemus ? ac ne quis forte dubitet, cuiusmodi totū sit negotiū: tametsi iadudum omnibus istius improbitatē perspicuam esse

LIBER IIII.

confido, tamen paululum etiam attendite. uidetis illum subrisso capillo, nigrum? qui eo uultu nos intuetur, ut sibi ipse peracutus esse uideatur? qui tabulas tenet? qui scribit? qui monet? qui proximus est? is est C. Clodius, qui in Sicilia sequester istius, interpres, confector negotiorum, prope collega Timarchidi numerabatur: nunc obtinebat eum locum, ut uix Apronio illi de familiaritate cōcedere uideatur, & qui se non Timarchidis, sed ipsius Verris collegam, & sociū esse dicebat. dubitare etiānum potestis, quin eum iste potissimū ex omni numero delegerit, cui improbam personā imponderet, quem et huic inimicissimū, & sibi amicum esse arbitraretur? hic uos dubitatis iudices tātam istius audaciam, tantam crudelitatem, tātam iniuriam uindicare? dubitatis exemplum iudicum illorū sequi, qui damnato Cn. Dolabella dānationem Philodami Opuntij resciderunt, q̄ is nō absens reus factus esset, quæ res iniquissima & acerbissima est; sed cum ei legatio Romā à suis ciuibus esset data? quod illi iudices multo in leuiore causa statuerūt, æquitatem secuti: uos id statuere in grauissima causa, præsertim aliorum auctoritate iam cōfirmatum, dubitabitis? at quem hominem C. Verres tanta, tam insigni iniuria affecisti? cuius absentis nomen recepisti? quem absentem non modo sine crimine, & sine teste, uerum etiam sine accusatore damnaſti? quem hominem dy immortales: nō dicam amicum tuum, quod apud homines charissimum est: non hospitem, quod sanctissimum est: nihil enim minus libenter de Sthenio cōmemoro: nihil aliud in eo, quod reprehendi possit, inuenio, nisi quod homo frugalissimus, atq; integerrimus te hominem plenum stupri, flagitij, scele-

ris do
Pomp
rump
nam
mon
natio
niam
runt
dore
tione
intellig
eiusmo
propter
lerand
res dom
magistr
maxim
decor
Sicilia
ria
incis
tamen
et am
Cn. Pa
propter
Remp
quod
ita
prima
datus

ris domum suam inuitavit : nisi q̄ qui C. Marij, & Cn. Pompeij, C. Marcelli, L. Sisennæ, tui defensoris, ceterorumq; fortissimorum hospes fuisset, atque esset, ad eum numerum clarissimorum hominum tuum quoque nomen ascripserit. quare de hospitio uiolato, & de isto tuo nefario scelere nihil queror. hoc dico, non his, qui Sthenium norunt, hoc est nemini eorum qui in Sicilia fuerunt : nemo enim ignorat, quo hic in ciuitate sua splendore, qua apud omnes Siculos dignitate, atque existimatione sit. sed ut illi quoq; qui in ea prouincia nō fuerūt, intelligere possint, in quo homine tu statueris exemplum eiusmodi, quod tum propter iniquitatem rei, tum etiam propter hominis dignitatem acerbum omnibus, atq; intolerandum uideretur : est ne Sthenius is, qui omnes honores domi suæ facillime cum adeptus esset, amplissime ac magnificentissime gessit ? qui oppidum non maximum maximis ex pecunia sua locis cōmunibus, monumentisq; decorauit ? cuius de meritis in Remp. Thermitanorum, Siculosq; uniuersos fuit ænea tabula fixa Thermis in curia ? in qua publice erat de huius beneficijs scriptum, & incisum. quæ tabula tum imperio tuo reuulsa, nūc à me tamen reportata est, ut omnes huius honores inter suos, et amplitudinem possent cognoscere. est ne hic, qui, apud Cn. Pompeiū clarissimum uirum cum accusatus esset, q̄ propter C. Marij familiaritatem, & hospitium contra Remp. sensisse eum inimici & accusatores eius dicerent, quod tum magis inuidioso crimine, q̄ uero accersecetur : ita à Cn. Pompeio absolutus est, ut in eo ipso iudicio Pompeius hūc hospitio suo dignissimū statuerit ? ita porro laudatus defensusq; ab omnibus Siculis, ut idem Pompeius

LIBER IIII.

non ab homine solum, sed etiam à provincia tota se hu-
 ius absolutione inire gratiã arbitraretur? postremo est
 ne hic, qui & animũ in Remp. habuit eiusmodi, & tan-
 tum auctoritate apud suos ciues potuit, ut perficeret in
 Sicilia solus te Pratore, quod nõ modo Siculus nemo, sed
 ne Sicilia quidẽ tota potuisset, ut ex oppido Thermis nul-
 lum signũ, nullum ornamentũ, nihil ex sacro, nihil de pu-
 blico attingeres? cũ præsertim essent multa præclara, &
 tu omnia cõcupisses. deniq; nunc uide, quid inter te, cuius
 nomine apud Siculos dies festi agitatur, & præclara il-
 la Verrea celebratur, cui statua Romæ stant inaurata, à
 cõmunĩ Sicilia, quemadmodum inscriptũ uidemus, data:
 uide inquam, quid inter te, & hunc Siculum, qui abs te
 est patrono Siciliæ cõdemnatus, intersit. hunc ciuitates ex
 Sicilia permulta testimonio suo, legationibusq; ad eam
 rem missis publice laudant: te omniũ Siculorum patro-
 num una Mamertina ciuitas socia furtorũ, ac flagitiorũ
 tuorũ publice laudat, ita tamen nouo more, ut Legati la-
 dant, Legatio laudet. ceteræ quidem ciuitates publice li-
 teris, legationibus, testimonijs accusant, queruntur, argu-
 unt: si tu absolutus sis, funditus euerfas se esse arbitran-
 tur. hoc de homine, ac de huius bonis etiã in Eryco monte
 monumentũ tuorum flagitiorũ, crudelitatisq; posuisti: in
 quo Sthenij Thermitani nomen ascriptũ est. uidi argen-
 teum Cupidinẽ cum lĩpade. quid tãdem habuit argumẽ-
 ti, aut rationis res, quamobre in eo potissimũ Sthenianũ
 præmiũ poneretur? utrum hoc signũ cupiditatis tuæ, an
 tropheum necessitudinis, atq; hospitij, an amoris indicium
 esse uoluisti? faciunt hoc homines, quos in summa nequi-
 tia nõ solum libido, & uoluptas, uerum etiam ipsius ne-

quitia fama delectat, ut multis in locis notas, ac uestigia
scelerum suorum relinqui uelint. ardebat amore illius ho-
spite, propter quam hospitij iura uiolarat. hoc non solum sci-
ri tum, uerum etiam commemorari semper uolebat. itaque ex
illa ipsa re, quam accusante Agathino gesserat, Veneri po-
tissimum deberi primum statuit, quam illam totam accusa-
tionem, iudiciumque; conflare. putarem te gratum in deos;
si hoc donum Veneri non de Sthenij bonis dedisses, sed de
tuis: quod facere debuisti, praesertim cum tibi illo ipso
anno a Chelidone uenisset hereditas. hic ego si hanc cau-
sam non omnium Siculorum rogatu recepissem, si hoc a me
muneris non uniuersa provincia poposcisset, si me animus,
atque amor in Rempublicam existimatioque; offensa nostri ordinis,
ac iudiciorum non hoc facere coegisset, atque haec una causa
fuisset, quod amicum, atque hospitem meum Sthenium, quem ego
in Quaestura mea singulariter dilexissem, de quo optime
existimassem, quem in provincia existimationis mea studio-
sissimum, cupidissimumque; cognossem, tam crudeliter, scele-
rate, nefarieque; tractasses: tamen digna causa esset, cur ini-
micitias hominis improbissimi susciperem, ut hostitis sa-
lutem, fortunasque; defenderem. fecerunt hoc multi apud ma-
iores nostros: fecit etiam nuper homo clarissimus Cn. Do-
mitius, qui M. Syllanum consularem uirum accusauit pro-
pter Egritomari transalpini hostitis iniurias. putare me
idoneum, qui exemplum sequerer humanitatis, atque officij,
proponeremque; spem meis hospitibus, ac necessarijs, quo
tutorem uitam sese meo praesidio uicturos esse arbitra-
retur. cum uero in communibus iniurijs totius provinciae
Sthenij quoque; causa contineatur, multique; uno tempore a
me hospites, atque amici publice, priuatimque; defendantur:

LIBER IIII.

profecto uereri non debeo, ne quis hoc, quod facio, non existimet summi officij ratione impulsus, coactumq; suscepisse. Atq; ut aliquādo de rebus ab isto cognitis, iudicatisq; & de iudicys datis dicere desistamus, & quoniam facta istius in his generibus infinita sunt: nos modum aliquem, et finē orationi nostræ, criminibusq; faciamus: pauca ex alijs generibus sumemus. Audistis, ob ius dicendū, Q. Variū dicere, procuratores suos isti centum & triginta millia nummū dedisse: meministis Q. Varij testimoniū, remq; hāc totam C. Sacerdotis hominis ornatissimi testimonio cōprobari: scitis Cn. Sertiū, M. Modium equites R. sexcētos præterea ciues R. multosq; Siculos dixisse, isti pecuniā ob ius dicendū dedisse. de quo crimine quid ego disputem, cum totū positū sit in testibus? quid porro argumēter, qua de re dubitare nemo possit? an hoc dubitabit quisquam omnium, quin is uenalem in Sicilia iurisdictionem habuerit, qui Romæ totum edictū, atq; omnia decreta uendiderit? et quin ab Siculis ob decreta interponenda pecuniā acceperit, qui M. Octauium Ligurem ob ius dicendū poposcerit? quod enim est præterea genus pecuniæ cogendæ, quod præterijt? quod non, ab omnibus alijs præteritū, excogitauit? ecquæ res apud ciuitates Siculas expetitur, in qua aut honos aliquis sit, aut potestas, aut procuratio, quin eam rē tu ad tuū questum, nūdinationemq; hominum traduxeris? dicta sunt priore actione & priuatim, & publice testimonia: Legati Centuripini, Halesini, Catinenses, Panormitaniq; dixerunt, multarū præterea ciuitatū, iam uero priuatim plurimi: quorū ex testimonijs cognoscere potuistis, tota Sicilia per triennium neminem ulla in ciuitate senatorem factum

factum esse gratis; neminem, ut leges eorum sunt, suffragiis; neminem nisi istius imperio, aut liceris: atq; in his omnibus senatoribus cooptandis non modo suffragia nulla fuisse, sed ne genera quidem spectata esse, ex quibus in eum ordinem cooptari liceret; neq; census, neq; ætatis, neq; cætera Siculorum iura ualuisse: quicumq; senator uoluerit fieri, quamuis puer, quamuis indignus, quamuis ex eo loco, ex quo non liceret; si is pretio apud istum fieret idoneus ut uinceret, factum esse semper: non modo Siculorum nihil in hac re ualuisse leges, sed ne ab senatu quidem populorq; R. datas: quas enim leges socijs amicisq; dat is, qui habet imperium à populo R. auctoritatem legum dandarum à senatu, hæc debent et populi R. et senatus existimari. Halesini pro multis et magnis suis maioruq; suorum in Remp. nostram meritis, atq; beneficijs suo iure nuper L. Licinio Q. Mutio Coss. cum haberent inter se controuersias de senatu cooptando, leges ab senatu nostro petiuerunt. decreuit senatus honorifico S. C. ut his C. Claudius Appij filius Pulcher Prætor de senatu cooptando leges cõscriberet. C. Claudius adhibitis omnibus Marcellis, qui tum erant, de eorum sententia leges Halesinis dedit: in quibus multa sanxit; de ætate hominum, ne quis minor triginta annis natu; de quæstu, quem qui fecisset, ne legeretur; de censu, de cæteris rebus. quæ omnia ante istum Prætorem, et nostrorum magistratuum auctoritate, et Halesinorum summa uoluntate ualuerunt. ab isto et præco, qui uoluit, istum ordinem pretio mercatus est: et pueri annorum senū, septenumq; denū senatoriū nomen nundinati sunt: et quod Halesini antiquissimi et fidelissimi socij, atq; amici Romæ impetrarant, ut apud

Cic. Orat.

S

LIBER IIII

se ne suffragijs quidem fieri liceret, id pretio ut fieri posset, effecit. Agrigentini de senatu cooptando Scipionis leges antiquas habet: in quibus & eadem illa sancta sunt, & hoc amplius. cum Agrigentinorum duo genera sint, unum ueterum, alterum colonorum, quos T. Manlius Praetor ex S. C. de oppidis Siculorum deduxit Agrigentum: cautum est in Scipionis legibus, ne plures essent ex colonorum numero, quam ex uetere Agrigentinorum. iste, qui omnia iura pretio exaquaasset, omniumque rerum delectum, atque discrimen pecunia sustulisset: non modo illa, quae erant aetatis, ordinis, quaestusque, permiscuit, sed etiam in his duobus generibus, ciuium nouorum, ueterumque, delectum, ordinemque turbauit. nam cum esset ex ueterum numero quidam senator demortuus, & cum ex utroque genere par numerus reliquus esset: ueterem cooptari necesse erat legibus, ut his amplius numerus esset. quae cum ita se res haberet, tamen ad istum uenerunt emptum locum illum senatorium non solum ueteres, sed etiam noui. fit, ut pretio nouus uincat, literasque a Praetore auferat. Agrigentini ad istum Legatos mittunt, qui cum leges doceant, consuetudinemque omnium annorum demonstrent, ut iste intelligeret, ei se illum locum uendidisse, cui ne commercium quidem esse oporteret. quorum oratione iste, cum pretium iam accepisset, ne tantulum quidem commotus est. idem fecit Heraclea: nam eodem quoque colonos P. Rupilius deduxit, legesque similes de cooptando senatu, ac de numero ueterum, ac nouorum dedit. ibi non solum iste, ut apud ceteros, pecuniam accepit, sed etiam genera ueterum, ac nouorum, numerumque permiscuit. nolite expectare, dum omnes obeam oratione mea ciuita

tes: hoc uno complector crimine omnia, neminē isto Præ-
tore senatorem fieri potuisse, nisi qui isti pecuniam dedis-
set. hoc idem transfero in magistratus, curationes, sacer-
dotia: quibus in rebus nō solum hominum iura, sed etiā
deorum religiones immortalium omnes repudiavit.
Syraculis lex est de religione, quæ in annos singulos Io-
vis sacerdotē sortito capi iubeat: quod apud illos amplis-
simum sacerdotium putatur. cum suffragiis tres ex tri-
bus generibus creati sunt, res reuocatur ad sortem. per-
fecerat iste imperio, ut pro suffragio Theomnastus fami-
liaris suus in tribus illis renuntiaretur. in sorte, cui impe-
rare non poterat, expectabāt homines, quidnam acturus
esset. homo, id quod erat facillimum, primo uetat sortiri:
iubet extra sortem Theomnastum renuntiari. negant id
Syracusani per religionē sacrorū ullo modo fieri posse,
fas deniq; negant esse. iubet ille sibi legem legi. recitatur:
in qua scriptum erat: ut, quot essent renuntiati, tot in hy-
driam sortes conijcerentur: cuius nomen exisset, ut ijs ha-
beret sacerdotium. homo ingeniosus, & peracutus, opti-
me, inquit. nempe scriptum ita est, quot renuntiati erūt:
quot ergo sunt renuntiati? responsum, tres. nunquid igitur
oportet nisi tres sortes conijci, unā educi? nihil. conij-
ci iubet tres, in quibus omnibus scriptum esset nomen
Theomnasti. fit clamor maximus, cum id uniuersis in-
dignum, atque nefarium uideretur. ita Iouis illud sacer-
dotium amplissimum per hanc rationem Theomnasto
datur. Cephædi mensis est certus, quo mense sacerdotē
maximum creari oporteat. erat eius honoris cupidus
Arthenio quidam, Climachias cognomine, homo sanē
locuples, & domi nobilis: sed is fieri nullo modo poterat,

LIBER IIII.

si Herodotus quidam adesset. ei locus ille, atq; honos in il-
 lum annum ita deberi putabatur, ut ne Climachias qui-
 dem contradiceret. res ad istum deferretur, & istius mo-
 re deciditur. toreumata sanè nota ac pretiosa auferun-
 tur. Herodotus Romæ erat: satis putabat se ad comitia tē-
 pore uenturum, si pridie uenisset. iste, ne aut alio mense,
 ac fas erat, comitia haberentur, aut Herodoto præsentī
 honos adimeretur, id quod iste nō laborabat, Climachias
 minime uolebat, excogitat (dixi iādudum: non est homo
 acutior quisquam, nec fuit) excogitat inquā, quemad-
 modum mense illo legitimo comitia haberentur, nec ta-
 men Herodotus adesse posset. est consuetudo Siculorum,
 cæterorumq; Græcorum, q̄ suos dies mensesq; congrue-
 re uolunt cum solis lunæq; ratione, ut nonnunquam, si
 quid discrepet, eximant unum aliquem diem, aut, sum-
 mum, biduum ex mense: quos illi ^{ἐξαιρέσιμον} dies nomi-
 nant. item nonnunquam uno die longiorem mensem fa-
 ciunt, aut biduo. quæ iste cum cognouisset, nouus astrolo-
 gus, qui non tam cæli rationem, q̄ cæli argenti duce-
 ret, eximi iubet nō diem ex mense, sed ex anno unum di-
 midiatumq; mensem, hoc modo, ut, quo die, uerbi causa,
 esse oporteret Idus Ianuarias, eo die Calendas Martias
 proscriberet: itaq; fit omnibus recusantibus, & implorā-
 tibus. dies is erat legitimus comitijs habendis. eo modo sa-
 cerdos Climachias renūtiatus est. Herodotus cum Roma
 reuertitur, dies, ut ipse putabat, quindecim ante comitia,
 offendit eum mensem comitiale, comitijs iam ab hinc
 triginta diebus habitis. tunc Cephaleditani decreuerunt
 intercalarium XLV dies longum, ut reliqui menses in
 suā rationem reuenteretur. hoc si Romæ fieri posset, cer-

te aliqua ratione expugnasset iste, ut dies XLV inter
 binos ludos tollerentur, per quos solos iudicium fieri pos-
 set. Iam uero Censores quæadmodum in Sicilia isto Præ-
 tore creati sunt, operæpretiū est cognoscere: ille enim est
 magistratus apud Siculos, qui diligentissime mandatur
 à populo propter hanc causam, quod omnes Siculi ex cen-
 su quotannis tributa conferunt, in censu habendo pote-
 stas omnis æstimationis habendæ, summæque faciundæ Cē-
 sori permittitur. itaque cum populus, cui maximam fidem
 suarum rerum habeat, maxima cura deligit, et propter
 magnitudinem potestatis hic magistratus à populo sum-
 ma ambitione contenditur. in ea re nihil obscure facere
 uoluit, non in sortitione fallere, neque dies de fastis exime-
 re: nihil sanè uafre, nec malitiose facere conatus est: sed,
 ut studia cupiditatesque honorum, atque ambitiones ex omni-
 bus ciuitatibus tolleret, quæ res euertendæ Reip. causa so-
 lent esse, ostendit sese in omnibus ciuitatibus Censores esse
 facturum. tanto mercatu Prætoris indiēto, cōcurritur un-
 dique ad istum Syracusas: flagrabat domus tota prætoris
 studio hominum, et cupiditate: nec mirum, omnibus co-
 mitibus tot ciuitatum unam in domum reuocatis, tantæque
 ambitione prouinciæ totius in uno cubiculo inclusa. ex-
 quisitis palam pretiis, et licitationibus factis, describebat
 Censores binos in singulas ciuitates Timarchides. is suo la-
 bore, suisque accessionibus, huius negotij, atque operis mole-
 stiā consequebatur, ut ad istum sine ulla sollicitudine sum-
 ma pecunia referretur. iam hic Timarchides quantam
 pecuniā fecerit, plane adhuc cognoscere nō potuistis: ue-
 runtamen priore actione, quæ uarie, quæ improbe prædatus
 esset, multorum ex testimoniis cognouistis. sed, ne miremini

LIBER IIII.

qua ratione hic tantum apud istum libertus potuerit :
 exponā uobis breuiter, quid hominis sit: ut & istius ne-
 quitia, qui illum secum habuerit, eo præsertim numero,
 ac loco, & calamitatem provincie cognoscatis. in mulie-
 rū corruptelis, & in omni eiusmodi luxuria, atq; nequi-
 tia mirādum in modū reperiēbā hunc Timarchidem ad
 istius flagitiosas libidines, singularemq; nequitia natum,
 atq; aptum fuisse: inuestigare, adire, appellare, corrūpe-
 re, quiduis facere in eiusmodi rebus, quāuis callide, quā-
 uis audacter, quāuis impudenter: eundem mira quādā
 excogitare genera furādi: nā ipsum Verrem tantū sem-
 per auaritia hianse, atq; imminenti fuisse, ingenio, & co-
 gitatione nulla, ut, quicquid sua sponte faciebat, item ut
 uos Romæ cognouistis, eripere potius, q̄ fallere uidere-
 tur. hæc uero eius erat ars, & malitia miranda, q̄ acu-
 tissime tota provincia, quid cuiq; esset necesse, indagare,
 & odorari solebat, omnium inimicos diligenter cogno-
 scere, colloqui, attentare, ex utraq; parte causas, uolunta-
 tes perspicere, facultates, & copias, quibus opus esset, me-
 rum afferre, quibus expediret, spem ostendere: accusato-
 rum, & quadruplatorum quicquid erat, habebat in po-
 testate: quod cuiq; negotij conflare uolebat, nullo labore
 faciebat: istius omnia decreta, imperia, literas, peritissime
 & callidissime uenditabat: ac non solū erat administer
 istius cupiditatū, uerum etiam ipse sui meminerat æque:
 non solū nummos, si qui isti exciderāt, tollere solebat, ex
 quibus pecuniā maximā fecit, sed etiā uoluptatum, flagi-
 tiorumq; istius ipse reliquias colligebat. itaque in Sicilia
 non Athenionem, qui nullum oppidum cepit, sed Timar-
 chidem fugitiuū omnibus oppidis per triennium scitote

regni
 triqui
 lias
 march
 nescit
 casus
 enim
 conu
 facti
 dedec
 gibus
 niam
 rebat
 homin
 au gen
 nauic
 nescit
 pra m
 nescit
 rebat
 pro
 rioni
 cilia
 quod
 strati
 geret
 censu
 Resp
 su ex
 impe

regnasse, in Timarchidis potestate sociorum populi R. antiquissimorum, atq; amicissimorum liberos, matresfamilias, bona, fortunasq; omnes fuisse, is igitur, ut dico, Timarchides in omnes ciuitates accepto pretio Censores dimisit. comitia isto Prætoris Censorum ne simulandi quidē causa fuerunt. iam hoc impudentissime. palām (licebat enim uidelicet legibus) singulis Censoribus denarij trecenti ad statuā Prætoris imperati sunt. Censores CXXX facti sunt. pecuniā illam ob Censurā contra leges clam dederunt, ac denariū XXXIX. M. palām saluis legibus contulerunt in statuā. primum quò tantam pecuniā, deinde quā obrem Censores ad statuam tibi conferebāt? ordo aliquis Censorum est collegiū? genus aliquod hominum? nā aut publice ciuitates istos honores habent, aut generatim homines, ut aratores, ut mercatores, ut nauicularij. Censores quidem qui magis, q̄ Aediles? ob beneficium? ergo hoc fatebere, abs te hæc petita esse: nā erepta non audebis dicere. te eos magistratus hominibus beneficij, nō Reip. causa permisisse? hoc autem cum tute fatebere, quisquam dubitabit, quin tu istam apud populos provincie istius inuidiam, atque offensionem non ambitionis, neq; beneficiorum collocandorum, sed pecunie conciliandæ causa susceperis? itaq; Censores fecerunt idem, quod in nostra Rep. solent ij, qui per largitionem magistratus adepti sunt: dederunt operam, ut ita potestatem gererent, ut illam lacunam rei familiaris explerent. sic census habitus est te Prætoris, ut eo censu nullius ciuitatis Resp. posset administrari: nam locupletissimi cuiusq; census extenuarant, tenuissimi auxerant: itaque in tributis imperandis tantum oneris plebi imponebatur, ut, etiam

LIBER IIII.

si homines tacerent, res ipsa illum censum repudiaret. id
 quod intelligi facillime re ipsa potest: nā L. Metellus, qui,
 posteaq̃ ego inquirendi causa in Siciliā ueni, repente Le-
 tiliy aduentu istius non modo amicus, uerū etiam cogna-
 tus factus est, is, q̃ uidebat istius censum stare nullo mo-
 do posse, eū censum obseruari iussit, qui uiro fortissimo,
 atq; innocentissimo Sex. Peduceo Pratore habitus esset.
 erant enim tū Censores legibus facti, delecti à suis ciui-
 ratibus: quibus, si quid commisissent, pœnæ legibus erant
 constitutæ. te autem Pratore qui Cēsor aut legem metue-
 rit, qua non tenebatur, quoniā creatus lege non erat: aut
 animaduersionem tuā, cum id, quod abs te emerat, uen-
 didisset? teneat iam sanè meos testes Metellus: cogat alios
 laudare, sicut in multis conatus ē: modo hæc faciat, quæ
 fecit: quis enim unquā tanta à quoquā contumelia, quis
 tanta ignominia affectus est? quinto quoq; anno Sicilia
 tota cēsetur. erat censa Pratore Peduceo. quintus annus
 cum te Pratore incidisset, censa denuo est. postero anno
 L. Metellus mentionē tui census fieri uetat: Censores dicit
 de integro sibi creari placere: interea Peduceanū censum
 obseruari iubet. hoc si tuus inimicus tibi fecisset, tamen, si
 animo æquo prouincia tulisset, inimici iudiciū graue ui-
 deretur. fecit amicus recens, & cognatus uoluntarius:
 aliter enim, si prouinciam retinere, si saluus ipse in pro-
 uincia uellet esse, facere non potuit. expectas etiam, quid
 hi iudicent? si tibi magistratū abrogasset, minore ignomi-
 nia te affecisset q̃ cum ea, quæ in magistratu gessiisti, su-
 stulit, atq; irrita iussit esse. neq; in hac re sola fuit ciusmo-
 di, sed, anteq̃ ego in Siciliam ueni, in maximis rebus, ac
 plurimis: nam & Heraclio Syracusano tuos illos palæ-

stritas bona restituere iussit, & Epicrati Bidinos, & pu-
 pillo Drepanitano A. Claudium; & nisi mature Leti-
 lius in Siciliam uenisset cum literis, minus XXX die-
 bus Metellus totam triennij Præturam rescidisset. Et
 quoniam de ea pecunia, quam tibi ad statuam Censores
 contulerunt, dixi: non mihi prætermittendum uidetur ne
 illud quidem genus pecuniæ conciliatæ, quæ tu à ciuita-
 tibus statuarum nomine coegisti: uideo enim eius pecu-
 niæ summā esse pergrandem, ad HS CXX millia. tan-
 tum conficitur ex testimonijs, ac literis ciuitatum: et iste
 hoc concedit, nec potest aliter dicere. quare cuiusmodi pu-
 tamus esse illa, quæ negat, cū hæc tam improba sunt, quæ
 fatetur? quid enim uis cōstitui? consumptā esse omnem
 istam pecuniam in statuis? fac ita esse: tamen hoc feren-
 dum nullo modo est, tantam ab socijs pecuniam auferri,
 ut omnibus in angiportis prædonis improbissimi statuæ
 ponantur, quæ uix tuto transire posse uideamur. uerum
 ubi tandem, aut in quibus statuis ista tanta pecunia con-
 sumpta est? consumetur, inquires: scilicet expectemus le-
 gitimum illud quinquenniū: si hoc interuallo non con-
 sumpserit, tum denique nomen eius de repetundis pecu-
 nijs statuarum nomine deferemus. reus est maximis plu-
 rimisq; criminibus in iudicium uocatus: HS CXX mil-
 lia ex hoc uno genere capta uidemus. si condēnatus eris,
 non opinor id ages, ut ista pecunia in quinquennio consu-
 matur in statuis. sin absolutus eris, quis erit tam amens,
 qui te ex tot tantisq; criminibus elapsū, post quinquen-
 niū statuarum nomine accersat? ita si neq; adhuc con-
 sumpta ista pecunia est, & est perspicuum non consum-
 ptum iri: licet iam intelligamus inuentam esse rationem,

LIBER IIII.

quare & iste HS CXX millia uno genere conciliarit,
 & ceperit, & ceteri, si à uobis hoc erit cōprobatum, quā
 uolent magnas hoc nomine pecunias capere possint, ut
 iam uideamur non à pecunijs capiendis homines abster=
 rere, sed, cum genera quædam pecuniarum capiendarum
 comprobaremus, honesta nomina turpissimis rebus impo=
 nere. etenim si C. Verres HS CXX millia populum, uer=
 bi gratia, Cēturipinū poposcisset, eamq; ab his pecuniam
 abstulisset: nō, opinor, esset dubium, quin eum, si tum id
 planum fieret, cōdemnari necesse esset. quid, si eundem po=
 pulum HS CCC millia poposcit, eaq; coegit, atq; abstu=
 lit, num iccirco absoluetur, quōd ascriptum est, eam pecu=
 niam datam statuarum nomine? non, opinor: nisi forte
 id agimus, non ut magistratibus nostris morā accipien=
 di, sed ut socijs causam dandi auferre uideamur. quōd
 si quem statuæ magnopere delectant, & si quis earū ho=
 nore & gloria ducitur: is hæc tamen constituat, necesse
 est: primum auerti pecuniam domū non placere: dein=
 de ipsarum statuarum modum quendam esse oportere:
 deinde illud certe, ab inuitis exigī nō oportere. ac de auer=
 tenda pecunia, quæro abs te, utrum ipsæ ciuitates solitæ
 sint statuas tibi faciundas locare ei, cui possent optima
 conditione locare, an aliquem curatorem præficere, qui
 statuis faciundis præesset, an tibi, an cui tu imperasses,
 adnumerare pecuniam? nam si per eos statuæ fiebant,
 à quibus tibi iste honos habebatur: audio, sin Timarchi=
 di pecunia numerabatur: desine, quæso, simulare, te, cum
 in manifesto furto tenere, gloriæ studiosum, ac moni=
 mentorum fuisse. quid uero modum statuarum haberi
 nullum placet? atqui habeatur necesse est: etenim sic

considerate. Syracusana ciuitas (ut eam potissimum
nominem) dedit ipsi statuam : est honos. & patri : bel-
la hæc pietatis, & quæstiosa simulatio. & filio : ferri
hoc potest : hunc enim puerum non oderant. uerum quo-
ties, & quot nominibus à Syracusanis statuas auferes ?
ut in foro statuerent, abstulisti : ut in curia, coegisti : ut
pecuniã conferrent in eas statuas, quæ Romæ poneretur,
imperasti : ut ydem darët homines aratorũ nomine, de-
derunt : ut ydem pro parte in cõmune Siciliæ cõferreret,
etiam id cõtulerunt. una ciuitas cum tot nominibus pe-
cuniam cõtulerit, idemq; hoc ciuitates ceteræ fecerint : nõ
res ipsa uos admonet, ut putetis, modũ aliquem huic cu-
piditati cõstitui oportere? q; si hoc uoluntate sua nulla ci-
uitas fecit; si omnes imperio, metu, ui, malo adductæ ti-
bi pecuniam statuarũ nomine contulerunt: per deos im-
mortales, num cui dubiũ esse poterit, quin, etiã si quis sta-
tuerit accipere ad statuas licere, idẽ tamen statuam eripe-
re certe nõ licere? primũ igitur in hanc rem testem to-
tam Siciliam citabo: quæ mihi una uoce statuarũ nomis-
ne magnã pecuniam coactam esse demonstrat: nã Lega-
tiones omniũ ciuitatum in postulatib; cõmunib; quæ fer-
rẽ omnia ex tuis iniurijs nata sunt, etiam hoc ediderunt,
ut statuas ne cui, nisi cum is de provincia decessisset,
pollicerentur. tot Prætores in Sicilia fuerũt: toties apud
maiores nostros Siculi senatum adierunt, toties hac me-
moriam: tamen huiusce noui postulati genus, atq; prin-
cipium tua Prætura attulit: quid enim tam nouum nõ
solum re, sed genere ipso postulandi? nam cetera, quæ
sunt in ysdem postulatib; de iniurijs tuis, sunt noua, sed
tamen nõ nouo modo postulantur, rogāt. & orāt Siculi

LIBER IIII.

patres conscriptos, ut nostri magistratus posthac decumas lege Hieronica uendant. tu primus contra uendideras : audio. ne, in cellam quod imperatur, aestiment : hoc quoque propter tuos ternos denarios nunc primum postulat : sed genus istud postulandi non est nouum. ne absens nomen recipiatur : ex Sthenij calamitate, et tua natum est iniuria. cetera non colligam. sunt omnia Siculo- rum postulata eiusmodi, ut crimina collecta in unum te reum esse uideatur. quae tamen omnia nouas iniurias habent, sed postulationum formulas usitatas. hoc postulat de statu is ridiculum esse uideatur ei, qui rem, sententiamque non perspiciat : postulant, n. non, ut ne cogantur statuere : quid igitur ? ut ipsis ne liceat. quid est hoc ? petis a me, quod in tua potestate est, ut id tibi facere ne liceat ? pete potius, ne quis te inuitum polliceri, aut facere cogat. nihil ergo, inquit : negabunt enim omnes se coegisse. si me saluum esse uis, mihi impone istam uim, ut omnino mihi ne liceat polliceri. ex tua Praetura primum nata est haec postulatio. qua cum utuntur, hoc significant, atque adeo aperte ostendunt, sese pecunia metu, ac malo coactos, inuitissimos contulisse. quid, si hoc non dicant ? tibi non necesse sit ipsi id confiteri ? uide, et perspice, qua defensione sis usus : iam intelliges, hoc tibi de statu is confitendum esse : mihi enim renuntiatur, ita constitui a tuis patronis hominibus ingeniosis causam tuam, et ita eos abs te institui, et doceri, ut quisque ex prouincia Sicilia grauior homo, atque honestior testimonium uehementius dixerit, sicuti Siculi multi primarium multa dixerunt, te statim hoc istis tuis defensoribus dicere : inimicus est propterea, quod arator est. itaque uno genere opinor circumscribere habetis in animo genus

hoc at
dicat
coro in
risset
id genus
a quo r
tinetur
torum
datur
cis : pr
ria sunt
rae su
fendit
quand
statuam
tum eni
in aut
in pro
tum et
benter
illud
ad sta
mihi
deris
cos die
de per
reum
sua uol
amicos
tu : ob

hoc aratorum, quod eos infenso animo, atque inimico uenisse dicatis, quia fuerit in decumis iste uehementior. ergo aratores inimici, omnes aduersarij: nemo eorum est, quin perrisse te cupiat. omnino praeclare te habes, cum is ordo, atque id genus hominum, quod optimum, atque honestissimum est, a quo uno et summa Reip. et illa prouincia maxime continetur, tibi est inimicissimum. uerum esto, alio loco de aratorum animo, et iniurijs uidero: nunc, quod mihi abs te datur, id accipio, eos tibi esse inimicissimos. nempe ita dicis: propter decumas. concedo: non quaero, iure, an iniuria sint inimici. quid ergo illae sibi statuae equestres inauratae uolunt, quae populi R. oculos, animosque maxime offendunt, propter aedem Vulcani? nam scriptum esse uideo, quandam ex his statuam aratores dedisse. si honoris causa statuam dederunt, inimici non sunt. credamus testibus: tum enim honori tuo, nunc iam religioni suae consulunt. sin autem metu coacti dederunt, confiteare necesse est, te in prouincia pecuniam statuarum nomine per uim, ac metum coegisse. utrum tibi commodum est, elige. equidem libenter hoc iam crimen de statujs relinquam, ut mihi tu illud concedas, quod tibi honestissimum est, aratores tibi ad statuam honoris tui causa uoluntate sua contulisse. da mihi hoc: iam tibi maximam partem defensionis praecideris: non enim poteris aratores tibi iratos esse, atque inimicos dicere. o causam singularem: o defensionem miseram, ac perditam: nolle hoc accipere reum ab accusatore, et eum reum, qui Praetor in Sicilia fuerit: aratores ei statuam sua uoluntate statuisse, aratores de eo bene existimare, amicos esse, saluum esse cupere. metuit, ne hoc uos existimetis: obruitur enim aratorum testimonijs. utar eo, quod dat

LIBER IIII.

tur. certe ita uobis hoc iudicandum est: eos, qui isti inimicissimi sunt, ut ipse existimari uult, ad istius honores, atque monimenta pecuniam non uoluntate sua contulisse. atque ut hoc tamen facillime intelligi possit: quæ uoles eorum testium, quos produxero, qui in Sicilia testes sunt, siue ciuem Romanum, uel siue Siculum, rogato, et eum, qui tibi inimicissimus esse uidebitur, qui se spoliatum à te dicet, ecquid suo nomine in tuam statuam contulerit? neminem reperies, qui neget: etenim omnes dederunt. quenquam igitur putas dubitaturum, quin is, quem inimicissimum tibi esse oporteat, qui abs te grauissimas iniurias acceperit, pecuniam statuæ nomine dederit ui, atque imperio adductus, non officio, ac uoluntate? et huius ego pecuniæ iudices, quæ per magna est, impudentissimeque coacta ab inuitis, non habui rationem, neque habere potui, quantum ab aratoribus, quantum ab negotiatoribus, qui Syracusis, qui Agrigenti, qui Panormi, qui Lilybaei negotiatur, esset coactum, quoniam intelligitis ipsius quoque confessione ab inuitissimis coactam esse. Venio nunc ad ciuitates Siciliae: de quibus facillime iudicium fieri uoluntatis potest. an etiam Siculi inuiti contulerunt? non est probabile: etenim sic C. Verrem Præturam in Sicilia gessisse constat, ut, cum utrisque satisfacere non posset, et Siculis, et togatis, officij potius in socios, quam ambitionis in ciues rationem duxerit. itaque eum non solum patronum istius insulae, sed etiam sothera inscriptum uidi Syracusis. hoc quantum est? ita magnum, ut latino uno uerbo exprimi non possit. is est nimirum sother, qui salutem dedit. huius nomine etiam dies festi agitur, pulchra illa Verrea, non quasi Marcellea, sed pro Marcelleis, quæ illi istius iussu sustulerunt. huius fornix in foro Syracusis est, in quo nudus filius stat: ipse autem ex

equo nudatam ab se prouinciam prospicit. huius statuæ omnibus locis erectæ sunt, quæ hoc demonstrare uidentur, propemodum non minus multas statuas istum posuisse Syracusis, quàm abstulisse. huic etiam Romæ uidemus in basi statuarum maximis literis incisum, à cõmunis Sicilia datas. quamobrem qui hoc probari potest cuiusquam, tantos honores habitos esse ab inuitis? hic tibi etiã multo magis, quàm ante in aratoribus, uidendum, & considerandum est, quid uelis. magna res est. utrum tibi Siculos publice priuatimq; amicos, an inimicos existimari uis? si inimicos, quid te futurum est? quod confugies? ubi nitere? modo aratorum honestissimorum hominum, & locupletissimorum maximum numerum abs te abalienasti. nunc de Siculis ciuitatibus quid ages? dicces, tibi Siculos esse amicos? qui poteris? qui, quod nullo in homine antea fecerunt, ut in eũ publice testimonium dicerent, cum præsertim ex ea prouincia condemnati sint complures, qui ibi Prætores fuerunt, duo soli absoluti; huc conueniunt cum literis, ueniunt cum mandatis, ueniunt cum testimonijs publicis. qui si te publice laudarent, tamen id more potius suo, quàm merito tuo facere uiderentur: hi cum de tuis factis publice conqueruntur, non ne hoc indicant, tantas esse iniurias, ut multo maluerint de suo more decedere, quàm de tuis moribus non dicere? confitendum est igitur tibi necessario, Siculos inimicos esse, qui quidem & in te grauissima postulata Consulibus ediderunt, & me, ut hanc causam, salutisq; suæ defensionem susceperem, obsecrarunt. qui cum à Præторе prohiberentur, à quatuor Quæstoribus impedirentur: omnium minas, atq; omnia pericula præ

LIBER IIII.

salute sua leuia duxerūt: qui priore actione ita testimo-
nia grauit̃, uehementerq; dixerūt, ut Artemonem Cen-
turipinum Legatum, & publice testem Q. Hortensius
accusatorem, nō testem esse diceret: etenim cum propter
uirtutem, & fidem cum Androne homine honestissimo,
& certissimo, tum etiam propter eloquentiam Legatus
à suis ciuibus electus est, ut posset multas istius, & ua-
rias iniurias quamapertissime uobis, planissimeq; expli-
care. dixerunt Halesini, Catinenses, Tyndaritani, Ennen-
ses, Herbitenses, Agyrinenses, Netinenses, Segestani. nume-
rare omnes non est necesse. scitis, quā multi, & quā
multa priore actione dixerunt. nunc & illi, & reliqui
dicent. omnes denique hoc in hac causa intelligent, hoc
animo esse Siculos, ut, si in istum animaduersum non sit,
sibi relinquendas domos, ac sedes suas, & ex Sicilia dece-
dendum, atq; adeo fugiendum esse arbitrentur. hos homi-
nes, tu persuadebis, ad honores, atq; amplitudinem tuam
pecunias maximas uoluntate sua contulisse? credo, qui
te in tua ciuitate incolumē esse nollent, y monumenta tue
formæ, ac nominis in suis ciuitatibus esse cupiebant. res
declarauit, ut cupierint. iandudū enim mihi nimium te-
nuiter Siculorum erga te uoluntatis argumenta collige-
re uideor, utrū statuas uoluerint tibi statuere, an coacti
sint. de quo homine auditum est unquam, quod tibi ac-
cidit, ut eius in prouincia statuæ in locis publicis posi-
tæ, partim etiam in ædibus sacris, per uim, per uniuersam
multitudinem deicerentur? tot homines in Asia no-
centes, tot in Africa, tot in Hispania, Gallia, Sardinia, tot
in ipsa Sicilia fuerunt: ecquo de homine hoc unquam
audiuimus? nouum est indices: in Siculis quidem, & in
omnibus

omnibus Græcis monstri simile. non crederem hoc de statu-
 tuis, nisi iacentes, reuulsasq; uidissem: propterea q; apud
 omnes Græcos hic mos est, ut honorem hominibus habitū
 in monumentis huiusmodi, nonnulla religione deorū, con-
 secrari arbitrentur. itaq; cum Rhody bellum illud pro-
 pè soli superius cum Mithridate rege gesserint, omnesq;
 eius copias, acerrimumq; eius impetum à mœnibus, lito-
 ribus, classibusq; suis exceperint, cum & regis inimici
 præter ceteros essent: statuam eius, quæ erat apud ipsos
 in celeberrimo urbis loco, ne tum quidē in ipsis urbis pe-
 riculis attigerunt. forsitan uix conuenire uideretur; quē
 ipsum hominem cuperent euertere, eius effigiem, simula-
 crumq; seruare. sed tamē uidebam, apud eos cum essem,
 & religionem esse quandā in his rebus à maioribus tra-
 ditam, & hoc disputare; cum statua se eius habuisse tem-
 poris rationem, quo posita esset; cū homine uero, quo ge-
 reret bellum, atq; hostis esset. uideris igitur consuetudinē,
 religionemq; Græcorum, quæ monumenta hostium in bel-
 lo ipso soleat defendere, eam summa in pace Prætoris po-
 puli R. statuīs præsidio non fuisse. Taurominitani, quorū
 est ciuitas fœderata, homines quietissimi, qui maxime ab
 iniurijs nostrorum magistratuum remotissimi consue-
 uerant esse præsidio fœderis, hi tamen istius euertere sta-
 tuam non dubitarunt. qua ablata, basin tamen in foro
 manere uoluerunt, quòd grauius in istum fore putabāt,
 si scirent homines statuam eius à Taurominitanis esse
 deiectam, quàm si nullam unquam positam arbitraren-
 tur. Tyndaritani deiecerunt in foro, & eadem de causa
 equum inanem reliquerunt. Leontini misera in ciuitate,
 atque inani, tamen istius in gymnasio statua deiecta est.

Cic. Orat.

T

LIBER IIII.

nam quid ego de Syracusanis loquar, quod non est proprium Syracusanorum, sed & illorum commune, & cōuentus illius, ac prope totius prouinciæ? quāta illuc multitudo, quanta uis hominum conuenisse dicebatur, tum, cum statuæ sunt illius deiectæ, atq; euerse: at quo loco? celeberrimo, ac religiosissimo, ante ipsum Iouem, in primo aditu, uestibuloq; templi. quod nisi Metellus hoc tam grauius egisset, atq; illam imperio, edictoq; prohibuisset: uestigium statuarum istius in tota Sicilia nullum esset relictum. atq; ego hoc non uereor, ne quid horum non modo impulsu, uerum omnino aduentu meo factum esse uideatur. omnia ista ante facta sunt, non modo q̄ ego Siciliam, uerum etiam q̄ iste Italiam attigit. dum ego in Sicilia sum, nulla statua deiecta est. posteaquam illinc discessi, quæ sunt gesta, cognoscite. Centuripinorum senatus decreuit, populusq; iussit, ut quæ statuæ C. Verris ipsius & patris, & filij essent, eas Quæstores demoliendas locarent; dumq; ea demolitio fieret, senatores triginta nō minus adessent. uidete grauitatem ciuitatis, & dignitatem. neq; eas in urbe sua statuas esse uoluerunt, quas inuiti per uim, atq; imperium dedissent: neq; eius hominis, in quem ipsi cum grauissimo testimonio, quod nunquā antea, Romam mandata legatosq; misissent. & id grauius esse putauerunt, si publico cōsilio, q̄ si per uim multitudinis factum uideretur. cum hoc consilio statuas Cēturipini publice sustulisset, audit Metellus, grauius fert, euocat ad se Centuripinum magistratum, & decem primos: nisi restituissent statuas, uehementer is minatur. illi ad senatum renūtiāt: statuæ, quæ istius causæ nihil prodesse, reponuntur. hic ego aliud alij concedo: Metello

homini sapienti prorsus nō possum ignoscere, si quid stulte facit. quid? ille hoc putabat Verri criminosum fore, si eius statuæ essent deiectæ? quod sæpe uento, aut alia quo casu fieri solet. non erat in hoc neque crimē ullum, neque reprehensio. ex quo igitur crimen, atque accusatio nascitur? ex hominum iudicio, & uoluntate. ego, si Metellus statuas reponere Centuripinos nō coegisset, hæc dicerem. uidete iudices, quantum, & quā acerbū dolorem sociorum, atque amicorum animis inusserint istius iniuriæ, cum Centuripinorum amicissima, & fidelissima ciuitas, quæ tantis officijs cum populo R. coniuncta est, ut non solum Remp. nostram, sed etiam in quouis homine priuato nomen ipsum Romanorum semper dilexerit, ea publico consilio, atque auctoritate iudicarit, C. Verris statuas esse in urbe sua non oportere. recita rem decreta Centuripinorum: laudarem illam ciuitatem: id quod uerissime possem: commemorarem decem millia ciuium Centuripinorum fortissimorum, fidelissimorumq; sociorum, eos omnes statuisset monumentū istius in sua ciuitate nullum esse oportere. hæc tum dicerem, si statuas Metellus non reposuisset. uelim quærere nunc ex ipso Metello, quidnam sua ui, & auctoritate mihi ex hac oratione præciderit. eadem opinor omnia conuenire: neque enim, si maxime statuæ deiectæ essent, eas ego uobis possem iacentes ostendere: hoc uno uterer, ciuitatem tam grauem statuas iudicasse C. Verris demolendas. hoc mihi Metellus non eripuit: hoc etiam addidit, ut quærerer, si mihi uideretur, tam iniquo iure socijs, atque amicis imperari, ut ijs ne in suis quidem beneficijs libero iudicio uti liceret: ut uos rogarem, ut coniecturam

LIBER IIII.

faceretis, qualem in ijs rebus in me L. Metellū fuisse pu-
 taretis, in quibus rebus obesse mihi posset, cum in hac re
 tam aperta cupiditate fuerit, in qua nihil obfuit. sed ego
 Metello non irascor: neq; ei suā purgationem eripio, qua
 ille apud omnes utitur, ut nihil malitiose, neq; cōsulto fe-
 cisse uideatur. iam igitur est ita perspicuum, ut negare
 non possis, nullam tibi statuam uoluntate cuiusquā da-
 tam, nullam pecuniam statuarum nomine nisi uī expres-
 sam, & coactam. quo quidem in crimine non illud solū
 intelligi uolo, te ad statuas HS CXX millia coegisse;
 sed multo etiam illud magis, quod simul demonstrandū
 est, quantum odium in te aratorum, quantum omnium
 Siculorū sit, & fuerit. in quo quæ uestra defensio futu-
 ra sit, coniectura assequi non queo. Oderunt Siculi:
 togatorū enim causa multa feci. at hi quidem acerrimi,
 inimicissimiq; sunt. inimicos habeo ciues R. q̄ sociorum
 cōmoda, ac iura defendi. at socij in hostium numero se
 abs te habitos queruntur. aratores inimici sunt propter
 decumas. quid? qui agros immunes liberosq; arant, cur
 oderunt? cur Halesini? cur Cēturipini? cur Segestani? cur
 Halicyenses? quod genus hominū, quem numerum, quem
 ordinē proferre possis, qui te non oderit, siue ciuiū R. si-
 ue Siculorū? ut etiam si causam, cur te oderint, non pos-
 sim dicere, tamen illud dicendū putem, quē omnes mor-
 tales oderint, eum quoq; uobis odio esse oportere. an hoc
 dicere audebis: utrum de te aratores, utrū deniq; Siculi
 uniuersi bene existiment, ad rem id non pertinere? neque
 tu hoc dicere audebis, neq; si cupies, licebit. eripiunt tibi
 istam orationem contemnendorū Siculorum, atq; arato-
 rum statuæ illæ equestres, quas tu paulo ante, quā ad

Urbem uenires, poni inscribiq; iussisti, ut omnium inimi-
 corum animos, accusatorumq; tardares: quis enim tibi
 molestus esset, aut quis appellare auderet, cū uideret sta-
 tuas ab negotiatoribus, ab aratoribus, à communi Sici-
 lia? quod est aliud in illa prouincia genus humanū? nul-
 lum. ergo ab uniuerſa prouincia, generatimq; à singulis
 eius partibus non solum diligitur, sed etiam ornatur.
 quis hunc attingere audeat? potes igitur dicere, nihil tibi
 obesse oportere aratorum, negotiatorum, Sicularumq;
 omnium testimonia, cum eorum nominibus in statua-
 rum inscriptione positis omnem te sperabas inuidiā, at-
 que infamiam tuam extinguere posse? an quorum au-
 ctoritate tu statuas cohonestare tuas conatus es, eorum
 ego dignitate accusationem meam comprobare non po-
 tero? nisi forte, quod apud publicanos gratiosus fuisti, in
 ea re spes te aliqua consolatur. quæ gratia ne quid tibi
 prodesse posset, ego mea diligentia perfeci: ut etiam ob-
 esse deberet, tu tua sapientia curasti: etenim rem totam
 iudices breuiter cognoscite. in scriptura Siciliæ pro ma-
 gistro est quidam L. Carpinatius: qui & sui quæstus cau-
 sa, & fortasse q̄ sociorum interesse arbitrabatur, bene-
 penitus in istius familiaritatem sese dedit. is cum Præto
 rem circum omnia fora sectaretur, neq; ab eo unquam
 discederet: in eam iam uenerat familiaritatem, consuetu-
 dinemq; in uendendis istius decretis, & iudicijs, trasigen-
 disq; negotijs, ut propè alter Timarchides numeraretur.
 hoc erat etiam capitalior, quod idem pecuniam ijs, qui
 ab isto aliquid mercabatur, fœnori dabat. ea autem fœ-
 neratio erat huiusmodi iudices, ut etiā hic quæstus huic
 cederet: nam quas pecunias ijs ferebat expensas, quibus-

LIBER IIII.

cū cōtrahebat, aut scribæ istius, aut Timarchidi, aut etiā isti ipsi referebat acceptas. idem præterea pecunias istius extraordinarias grandes suo nomine fœnerabatur. hic primo Carpinatius, ante quam in istius tantam familiaritatem peruenisset, aliquoties ad socios literas de istius iniurijs miserat. Canuleius uero, qui in portu Syracusis operas dabat, furtiva quoque istius permulta nominatim ad socios perscripserat ea, quæ sine portorio Syracusis erant exportata: portum autem, & scripturas eadem societas habebat. ita factum est, ut essent permulta, quæ ex societatis literis dicere in istum, ac proferre possemus. uerū accidit, ut Carpinatius, qui iam cū isto summa cōsuetudine, præterea ratione coniunctus esset, crebras postea literas ad socios de istius summis officijs in rem cōmunem, beneficijque; mitteret: etenim tum iste omnia, quæcunque Carpinatius postulabat, facere, ac decernere solebat: tum ille etiā plura scribebat ad socios, ut, si posset, quæ antea scripserat, ea planè extingueret. ad extremum uero, cū iste iam decedebat, eiusmodi literas ad eos misit, ut huic frequentes obuiam prodirent, gratiasque; agerent; facturos esse, si quid imperasset, studiose polliceretur: itaque socij fecerunt: uetere instituto publicanorum, nō quo istum ullo honore dignum arbitrantur, sed quia sua interesse putabant, se memores, gratosque; existimari, gratias isti egerunt: Carpinatium saepe ad se de eius officijs literas misisse dixerunt. iste cum respondisset, ea se libenter fecisse, operasque; Carpinatij magnopere laudasset: dat amico suo cuidam negotium, qui tum magister erat eius societatis, ut diligenter caueret, atque prospiceret, ne quid esset in literis sociorum, quod contra suum caput, atque existimationem uae-

lere posset. itaq; ille multitudine sociorum remota, Decu-
 manos conuocat: rem defert. statuunt illi, atq; decernunt,
 ut ea literæ, quibus existimatio C. Verris læderetur, re-
 mouerentur, operaq; daretur, ne ea res C. Verri fraudi
 esse posset. si ostendo, hoc decreuisse Decumanos; si planū
 facio, hoc decreto remotas esse literas: quid expectatis am-
 plius? possum ne rem magis iudicatā afferre? magis reū
 cōdemnatum in iudicium adducere? at quorum iudicio
 condemnatum? nempe eorū, quos ij, qui seueriora iudicia
 desiderant, arbitrentur reos iudicare oportere: publicano-
 rum iudicio: quos uidelicet nunc populus iudices poscit:
 de quibus, ut eos iudices habeamus, legem ab homine non
 nostri generis, non ex equestri loco profecto, sed nobilissi-
 mo promulgatā uidemus. Decumani, hoc est principes,
 & quasi senatores publicanorum, remouendas de me-
 dio literas censuerunt. habeo ex ijs, qui affuerunt, quos
 producam, homines honestissimos, ac locupletissimos, istos
 principes equestris ordinis, quorum splendore uel maxi-
 me istius, qui legem promulgauit, oratio, & causa nita-
 tur. uenient in medium: dicent, quid statuerint: profes-
 cto si recte homines noui, non mentientur: literas enim
 communes de medio remouere potuerunt, fidem suam et
 religionem remouere non possunt. ergo equites R. te suo
 iudicio condemnari noluerunt. uos nunc, utrum illorum
 iudicium, an uoluntatem sequi malitis, considerate. at ui-
 de, quid te amicorum tuorum studium, quid tuum con-
 silium, quid sociorū uolūtas adiuuat. dicā paulo amplius:
 neq; n. iam uereor, ne quis hoc me magis accusatorie, q̃
 libere dixisse arbitretur. si istas literas nō decreto Decu-
 manorū magistrī remouissent, tantū possem in te dicere,

T iiij

LIBER IIII.

quantum in literis inuenissem. nunc decreto isto factō,
 literisq; remotis, tantum mihi licet dicere, quantum pos-
 sum; tantum iudici suspicari, quantum uelit. dico te ma-
 ximum pondus auri, argenti, eboris, purpuræ, plurimā
 uestem Melitēsem, plurimam stragulam, multam Delia-
 cā suppellectilem, plurima uasa Corinthia, magnū nu-
 merum frumenti, uim mellis maximam Syracusis expor-
 tasse: his pro rebus, q̄ portorium non esset datum, literas
 ad socios misisse L. Canuleiū, qui in portu operas daret.
 satis ne magnum hoc crimen uidetur? nullum, opinor,
 maius. quid defendet Hortensius? postulabit, ut literas
 Canuley proferam? crimen huiusmodi, nisi literis confir-
 metur, inane esse dicet? clamabo, literas remotas esse de
 medio, decreto sociorum erepta mihi esse istius indicia, ac
 monimenta furtorum. aut hoc contendat nunquam esse
 factum: aut omnia tela excipiat, necesse est. negas esse fa-
 ctum? placet mihi ista defensio: descendo: æqua enim con-
 ditio, æquumq; certamen proponitur. producam testes, et
 producam plures eodem tempore. quoniam tum, cum a-
 ctum est, unā fuerūt, nunc quoq; unā sunt. cum inter-
 rogabuntur, obligentur non solū iurisiurandi, atq; exi-
 stimationis periculo, sed etiam cōmuni inter se conscien-
 tia. si planum sit, hoc ita, quēadmodum dico, esse factū:
 non poteris dicere Hortēsi, nihil in istis fuisse literis, quod
 Verrem laderet. non modo id non dices, sed ne illud qui-
 dem tibi dicere licebit, tantum, quantum ego dicam, non
 fuisse. ergo hoc uestro consilio, & gratia perfecistis, ut,
 quemadmodū paulo ante dixi, & mihi summa facultas
 ad accusandū daretur, et iudicibus libera potestas ad cre-
 dedū. quod cū ita sit, nihil fingā tamē, meminero me nō

sumpsisse, quem accusarem; sed recepisse, quos defende-
rem; uos ex me causam non à me prolatam, sed ad me
delatam audire oportere; me Siculis satis esse facturū,
si, quæ cognoui in Sicilia, quæ accepi ab ipsis, diligenter
exposuero; populo R. si nullius uim, nullius potentia per-
timuero; uobis, si facultatem uere, atq; honeste iudican-
di fide & diligentia mea fecero; mihi in eo, si ne mini-
mum quidē de eo curriculo uitæ, quod mihi semper pro-
positū fuit, decessero. quapropter nihil est, quod metuas,
ne quid mecum fingam: etiam, quod latere, habes: mul-
ta enim, quæ scio abs te esse cōmissa, quod aut nimium tur-
pia, aut parum credibilia sunt, prætermittam: tantum
agam de hoc toto nomine societatis, ut uerū scire possitis.
quæram, decretum ne sit. cum id inuenero, quæram res
motæ ne sint literæ. cum id quoq; cōstabit, uos iam me ta-
cito intelligetis, si illi, qui hoc istius causa decreuerūt, equi-
tes R. nunc ydem in eum iudices essent, istum sine dubio
cōdemnarent, de quo literas eas, quæ istius furta indica-
rent, & ad se missas, & suo decreto remotas scirent esse.
quem igitur ab ijs equitibus R. qui istius causa cupiunt
omnia, qui ab eo benignissime tractati sunt, condemnari
necessē esset: is à uobis iudices nulla ui, aut ratione absol-
ui potest. ac ne forte ea, quæ remota de medio, atq; ere-
pta uobis sunt, omnia ita cōdita fuisse, atq; ita abdite la-
tuisse uideantur, ut hac diligentia, quam ego à me expe-
ctari maxime puto, nihil horum inuestigari, nihil assequi
potuerit: quæ cōsilio aliquo, aut ratione inueniri potue-
runt, inuēta sunt iudices: manifestis in rebus hominem
iam teneri uidebitis. nam q̄ in publicanorum causis uel
plurimū ætatis meæ uersor, uehementerq; illum ordinem

LIBER IIII.

obseruo : satis cōmode mihi uideor eorum cōsuetudinem
 usu, tractandoq; cognouisse. itaq; ut hoc cōperi, remotas
 esse literas societatis: habui rationem annorum, per quos
 iste in Sicilia fuisset : deinde quāsiui, quod erat inuentu
 facillimum, qui per eosdem annos magistri istius societa-
 tis fuissent : sciebam enim hanc magistrorum, qui tabu-
 las haberent, cōsuetudinem esse, ut, cum tabulas nouo ma-
 gistro traderent, exempla literarum ipsi habere non nol-
 lent. itaq; ad L. Vibium equitem R. uirum primum,
 quem reperiēbam magistrum fuisse eo ipso anno, qui mi-
 hi maxime quærendus erat, primum ueni. sanē homini
 præter opinionem improviso incidi. scrutatus sum quæ
 potui, & quāsiui omnia : inueni duos solos libellos ab L.
 Canuleio missos socijs ex portu Syracusis, in quibus erat
 ratio scripta mensium cōplurium, rerum exportatarum
 istius nomine sine portorio : itaq; obsignaui statim. erāt
 hæc ex genere, quod ego maxime genus ex sociorū literis
 reperire cupiebam. uerum tantum inueni iudices, quod
 apud uos quasi exempli causa proferre possem. sed tamē
 quicquid erit in his libellis, quantulūcunq; uidebitur esse,
 hoc quidem certe manifestum erit. de cæteris ex hoc con-
 iecturam facere debebitis. recita mihi quæso hunc primū
 libellum, deinde illum alterū libellum Canuleij. iam non
 quæro, unde C C C amphoras mellis habueris, unde tā-
 tam Melitēsem uestem, unde quinquaginta tricliniorum
 lectos, unde tot candelabra, non inquam iam quæro un-
 de hæc habueris, sed quò tibi tantū opus fuerit, id quæ-
 ro. mitto de melle : sed tantum ne Melitensium, quasi
 etiam amicorū uxores : tantum lectorum, quasi etiam
 omnium istorum uillas ornaturus esses? cum hæc pauco-

rum mensium ratio in his libellis sit, facite ut uobis triennij totius ueniat in mentem. sic contendo, ex his paruis libellis apud unum magistrum societatis repertis uos iam cōiectura assequi posse, cuiusmodi prædo iste in illa provincia fuerit, quàm multas cupiditates, quàm uarias, quàm infinitas habuerit, quantā pecuniam nō solum numeratam, uerū etiam huiuscemodi in rebus positam confecerit. quæ nobis alio loco planius explicabuntur. nunc hoc attendite. his exportationibus, quæ recitatae sunt, scribit HS LX socios perdidisse ex uicesima portorij Syracusis. pauculis igitur mēsis, ut hi pusilli & contempti libelli indicant, furta Prætoris, quæ essent HS duodecies, ex uno oppido solo exportata sunt. cogitate nunc, cum illa sit hæc insula, quæ undique exitus maritimos habeat, quid ex cæteris locis exportatum putetis, quid Agrigeto, quid Lilybæo, quid Panormo, quid Thermis, quid Halesa, quid Catina, quid ex cæteris oppidis, quid uero Messana, quem iste sibi locum maxime tutū arbitratur, ubi animo semper soluto, liberoq; erat, q̄ sibi iste Mamertinus delegerat, ad quos omnia, quæ aut diligentius seruanda, aut occultius exportanda erant, deportaret. his inuentis libellis, cæteri remoti, & diligentius sunt recoditi. nos tamen, ut omnes intelligat hoc nos sine cupiditate agere, his ipsis libellis contenti sumus. nunc ad sociorum tabulas accepti & expensi, quas remouere honeste nullo modo potuerunt, & ad amicum tuum Carpinatium reuertemur. inspiciebamus Syracusis à Carpinatio confectas tabulas societatis, quæ significabant, multis nominibus eos homines uersuram à Carpinatio fecisse, qui pecuniam Verri dedissent, erit uobis luce clarius

LIBER IIII.

iudices, cum eos ipsos produxero, qui dederunt: intelligetis enim, illa tempora, per quæ, cum essent in periculo, pretio sese redemerunt, cum societatis tabulis non solum Consulibus, uerum etiam mensibus conuenire. cum hæc maxime cognosceremus, & iam in manibus tabulas haberemus: repente aspiciamus lituras eiusmodi, quasi quædam uulnera tabularum recentia. statim suspitione offensi, ad ea ipsa nomina oculos, animumq; transtulimus. erant acceptæ pecuniæ à C. Verrutio, sic tamen, ut usq; alterum, & literæ constarent integræ, reliquæ omnes essent in litura. alterum, tertium, quartum, permulta erant eiusmodi nomina. cum manifesta res, tum flagitiosa tabularum, atq; insignis turpitudine teneretur, quærere incœpimus de Carpinatio, quisnam esset is Verrutius, qui cum tantæ pecuniæ rationem haberet. hæere homo, auersari, rubere. quòd lege excipiuntur tabulæ publicanorū, quo minus Romam deportentur, ut res quàm maxime clara, ac testata esse posset: in ius ad Metellum Carpinatiū uoco, tabulasq; societatis in forum defero. fit maximus concursus hominum, & quòd erat Carpinati nota cum isto Prætoris societas, ac fœneratio, summe expectabant omnes, quid in tabulis cōtineretur. rem ad Metellum defero: me tabulas perspexisse sociorum: in his tabulis magnam rationem C. Verruti permultis nominibus esse: meq; hoc perspicere ex Consulū mensumq; ratione, hunc Verrutium neq; ante aduentum C. Verris, neq; post decessionem quicquam cum Carpinatio rationis habuisse. postulo, mihi respōdeat, qui sit iste Verrutius, mercator, an arator, an pecuarius? in Sicilia sit, an decesserit? clamare omnes ex conuentu, neminem unquam ex Sicilia

fuisse Verrutium . ego instare, ut mihi responderet, ubi
 esset ? quis esset ? unde esset ? cur seruus societatis, qui ta-
 bulas confecerit, semper in Verrutij nomine certo ex lo-
 co mendosus esset ? atq; hæc postulabam: non quo illum
 cogi putarem oportere, ut ea mihi responderet inuitus :
 sed ut omnibus istius furta, illius flagitium, utriusq; au-
 dacia perspicua esse posset. itaq; illum iniuriæ metu, con-
 scientiæq; peccati mutum, atq; exanimatum, ac uix uiuū
 relinquo : tabulas in foro summa hominum frequentia
 exscribo : adhibentur in exscribendo de conuentu uiri
 primarij : literæ, lituræq; omnes assimilatae, expressæ, de
 tabulis in libros transferuntur. hæc omnia summa cura,
 & diligentia recognita, & collata, & ab hominibus ho-
 nestissimis obsignata sunt. si Carpinatius tum mihi respō-
 dere noluit: responde mihi nunc tu Verres, quæ esse hunc
 tuum penè gentilem Verrutium putes. fieri non potest,
 ut, quem uideo te Prætor in Sicilia fuisse, & quem ex
 ipsa ratione intelligo locupletem fuisse, eū tu in tua pro-
 uincia non cognoris. atq; adeo, hoc ne longius, aut obscu-
 rius esse possit, procedite in medium, explicatæ descriptio-
 nem, imaginemq; tabularum, ut omnes mortales istius
 auaritiæ non iam uestigia, sed ipsa cubilia uidere pos-
 sint. Videtis Verrutium ? uidetis primas literas inte-
 gras ? uidetis extremam partem nominis, caudam illam
 Verris, tanquam in luto, demersam esse in litura? sic ha-
 bent se tabulæ iudices, ut uidetis . quid expectatis ? quid
 queritis amplius ? tu ipse Verres quid sedes ? quid mo-
 raris ? nam aut exhibeas nobis Verrutium necesse est, aut
 te esse Verrutium fateare . laudantur oratores ueteres
 Crassi illi, & Antoni, quòd crimina diluere dilucide, q̃

LIBER IIII.

copiose reorum causas defendere solebant. nimirum illi non ingenio solum his patronis, sed fortuna etiam præstiterunt: nemo enim tunc ita peccabat, ut defensionis locum non relinqueret: nemo ita uiuebat, ut nulla eius uitæ pars summæ turpitudinis esset expers: nemo ita in manifesto peccato tenebatur, ut, cum impudens fuisset in factis, tum impudentior uideretur, si negaret. nunc uero quid faciat Hortensius? auaritiæ ne crimina frugalitatis laudibus deprecetur? at hominem flagitiosissimum, libidinosissimum, nequissimumq; defendit. an ab hac eius infamia nequitia uestros animos in aliam partem fortitudinis cōmemoratione traducat? at homo inertior, ignauior, magis uir inter mulieres nequam, impura inter uiros muliercula, proferri non potest. at mores commodi. quis contumacior? quis inhumanior? quis superbior? at hæc sine cuiusquam malo. quis acerbior? quis insidiosior? quis crudelior unquam fuit? in hoc homine, atque in eiusmodi causa quid facerent omnes Crassi, et Antoni? tantum, opinor, Hortensi ad hanc causam non accederent, ne in alterius impudentia sui pudoris existimationem amitterent: liberi enim ad causas, solutiq; ueniebant: neq; cōmittebant, ut, si impudentes in defendendo esse nolissent, ingrati in deserendo existimarentur.

ACCUSATIONIS IN C. VER=
REM LIBER V.
ORATIO VIII.

OMNES, qui alterū iudices, nullis im=
 pulsi inimicitijs, nulla priuatim læsi in=
 iuria, nullo præmio adducti, in iudiciū
 Reip. causa uocant, providere debent,
 non solum quid oneris in præsentia tol=
 lant, sed etiam quantum in omnem uitam negotij susci=
 pere conentur: legem enim sibi ipsi indicunt innocentiæ,
 continentia, uirtutumq; omnium, qui ab altero rationem
 uitæ reposcunt, atq; eo magis, si id, ut ante dixi, faciunt
 nulla re cōmoti alia, nisi utilitate communi. nam qui sibi
 hoc sumpsit, ut corrigat mores aliorum, ac peccata re=
 prehēdat: quis huic ignoscat, si qua in re ipse ab religio=
 ne officij declinarit? quapropter hoc etiam magis ab om=
 nibus eiusmodi ciuis laudandus, ac diligendus est, qui
 non solum Reip. ciuem improbum remouet, uerū etiam
 se ipsum eiusmodi fore profitetur, ac præstat, ut sibi non
 modo cōmuni uoluntate uirtutis, atq; officij: sed etiam ut
 quadam magis necessaria ratione recte sit, honesteq; ui=
 uendum. ita hoc iudices ex homine clarissimo, atque elo=
 quētissimo L. Crasso sæpe auditum est, cum se nullius rei
 tam pœnitere diceret, quàm quòd C. Carbonem unquā
 in iudicium uocauisset: minus enim liberas omnium uo=
 luntates rerum habebat, & uitam suam pluribus, quàm
 uellet, obseruari oculis arbitratur. atq; ille ijs præsidys
 ingenij, fortunæq; munitus, tamen hac cura cōtinebatur,
 quam sibi nō dum confirmato consilio, sed ineunte ætate

LIBER V.

suscepit. quo minus etiam perspicitur eorum uirtus
 et integritas, qui ad hanc rem adolescentuli, quam qui
 iam firmata aetate descendunt: illi enim, antequam po-
 tuerunt existimare, quanto liberior uita sit eorum, qui ne-
 minem accusarint, gloriae causa, atque ostentationis accu-
 sant: nos, qui iam, et quid facere, et quantulum iudi-
 care possemus, ostendimus; nisi facile cupiditates nostras
 teneremus, nunquam ipsimet nobis praecideremus istam
 licentiam, libertatemque uiuendi. atque hoc ego plus oneris
 habeo, quam qui ceteros accusarunt (si onus est id appellan-
 dum, quod cum latitia feras, ac uoluptate) ueruntamen
 hoc ego amplius suscepi, quam ceteri, quod ita postulatur ab
 omnibus, ut ab ipsis se abstineant maxime uitis, in quibus
 alterum reprehenderunt. furem aliquem, aut rapacem
 accusaris: uitanda tibi semper erit omnis auaritia suspi-
 cio. maleficum quempiam adduxeris, aut crudelem: ca-
 uendum erit semper, nequa in re asperior, aut inhumana-
 nior fuisse uideare. corruptorem, adulterum: providendum
 diligenter, ne quod in uita uestigium libidinis appareat.
 omnia postremo, quae uindicaris in altero, tibi ipsi uehe-
 menter fugienda sunt: etenim non modo accusator, sed ne
 obiurgator quidem ferendus est is, qui, quod in altero ui-
 tium reprehendit, in eo ipse deprehenditur. ego in uno ho-
 mine omnia uitia, quae possunt in homine perditio, nefa-
 rioque esse, reprehendo: nullum esse indicium libidinis, sceleris,
 audaciae, quod non in unius istius uita perspicere possitis.
 ego in isto reo legem hanc iudices mihi statuo, uiuendum ita
 esse, ut isti non modo factis, dictisque omnibus, sed etiam
 oris, oculorumque illa contumacia, ac superbia, quam uide-
 tis, dissimillimus esse, ac semper fuisse uidear. patior non
 moleste

moleste iudices, eam uitam, quæ mihi sua sponte antea iucunda fuerit, nunc iam mea lege, & conditione necessariam quoque futuram. & in hoc homine sæpe a me quæris Hortensi, quibus inimicijs, aut qua iniuria adductus, ad accusandum descenderim? mitto iam rationem officij mei, necessitudinisque Siculorum: de ipsis tibi inimicijs respondere. an tu maiores ullas inimicitias putas esse, quam contrarias hominum sententias, ac dissimilitudines studiorum, & uoluntatum? fidem sanctissimam in uita qui putat, potest ei non inimicus esse, qui Quæstor Consulem suum, consilijs commissis, pecunia tradita, rebus omnibus creditis, spoliare, relinquere, prodere, oppugnare ausus sit? pudorem & pudicitiam qui colit, potest animo æquo istius quotidianæ adulteriae, meretriciæ disciplinæ, domesticum lenocinium uidere? qui religiones deorum immortalium retinere uult, ei, qui fana spoliare omnia, qui ex thesaurum orbis prædari sit ausus, inimicus non esse qui potest? qui iure æquo omnes putat esse oportere, is tibi non infestissimus sit, cum cogitet uarietatem, libidinemque decretorum tuorum? qui sociorum iniurijs, prouinciarumque incommodis doleat, is in te non expilatione Asiæ, uexatione Pamphyliae, squalore & lacrymis Siciliae concitetur? qui ciuium R. iura, ac libertatem sanctam apud omnes haberi uult, is non tibi plus etiam, quam inimicus, esse debeat, cum tua uerbera, cum secures, cum cruces ad ciuium R. supplicia fixas recordetur? an, si qua in re contra rem meam decreisset aliquid iniuria, iure me ei inimicum esse arbitrarer: cum omnia contra omnium bonorum rem, causam, rationem, utilitatem, uoluntatemque fecerit, quæris cur ei sim inimicus, cui populus R. infestus sit? qui præsertim

Cic. Orat.

V

LIBER V.

plus etiam, q̄ pars uirilis postulat, pro uoluntate populi R. oneris, ac muneris suscipere debeam. quid illa, quæ leuiora uidentur esse, non cuiusuis animum possunt mouere? q̄ ad tuam ipsius amicitiam, ceterorumq̄; omniū maiorum, atq̄; nobilium faciliorem aditum istius habet nequitia, & audacia, q̄ cuiusquam nostrum uirtus, & integritas. odistis hominum nouorum industrias: despicitis eorum frugalitatem: pudorem contemnitis: ingenium uero, & uirtutem depressam, extinctamq̄; cupitis. Verrem amatis. ita credo, si non uirtute, non industria, non innocentia, non pudore, nō pudicitia, at sermone, at literis, at humanitate eius delectamini. nihil horū est: contraq̄; sunt omnia, cum summo dedecore, ac turpitudine, tum singulari stultitia, atq̄; inhumanitate oblita. huic homini si cuius domus patet, utrū ea patere, an hiare, ac poscere aliquid uidetur? hunc uestri ianitores, hunc cubicularij diligunt: hunc liberti uestri, hunc serui, ancillæq̄; amant: hic cum uenit, extra ordinē uocatur, hic solus introducitur, ceteri sepe frugalissimi homines excluduntur. ex quo intelligi potest, eos uobis esse carissimos, qui ita uixerūt, ut sine uestro præsidio salui esse non possint. quid? hoc cuiquam ferendum putas esse, nos ita uiuere in pecunia tenui, ut prorsus nihil acquirere uelimus, ut dignitatē nostram, populiq̄; R. beneficia non copijs, sed uirtute tueamur. istum rebus omnibus undiq̄; ereptis impune eludentem circumfueri, atq̄; abūdare huius argento domos uestras, huius signis, & tabulis forum, comitiumq̄; ornari? præsertim cum uos uestro Marte his rebus omnibus abūdetis. Verrem esse, qui uestras uillas suis manubijs ornet? Verrem esse, qui cum L. Mummio certet? ut plures hic

sociorum urbes, & ille hostium spoliasse uideatur, plures hic solus uillas ornamentis fanorum, quàm ille fana spolijs hostium ornasse? & is erit ob eam rē uobis charior, ut ceteri libentius suo periculo uestris cupiditatibus seruiant? uerum hæc dicentur alio loco, & dicta sunt. nūc proficiscemur ad reliqua, si pauca ante erimus à uobis iudices deprecati. superiore omni oratione perattētos uestros animos habuimus. id fuit nobis gratum admodū, sed multo erit gratius, si reliqua uoletis attendere: propterea quòd in his omnibus, quæ antea dicta sunt, erat quædam ex ipsa uarietate, ac nouitate rerum, ac criminum delectatio: nunc tractare causam instituimus frumentariam, quæ magnitudine iniuriæ ferè criminibus ceteris antecellit, iucunditatis in agēdo, & uarietatis minus habebit. uestra autem auctoritate, & prudentia dignissimum est iudices, in audiendo diligentiam non minus religioni tribuere, quàm uoluptati. In hac causa frumentaria cognoscenda, hæc uobis proponite iudices, uos de rebus fortunisq; Siculorum omnium, de ciuium R. qui arant in Sicilia, bonis, de uectigalibus à maioribus traditis, de uita uictuq; populi R. cognituros. quæ si magna, atque adeo maxima uobis uidentur, quàm uarie, & quàm copiose dicantur, expectare nolite. nemi nem uestrum præterit iudices, omnem utilitatem, opportunitatemq; prouinciæ Siciliæ, quæ ad commoda populi R. adiuncta sit, consistere in re frumentaria maxime: in ceteris rebus adiuuamur ex illa prouincia, hac uero alimur, ac sustinemur. ea causa tripartita iudices erit in accusatione: primum enim de decumano, deinde de empto dicemus frumento, postremo de aestimato. inter

LIBER V.

Siciliam, ceterasq; provincias indices in agrorum uectigalium rationibus hoc interest, qd ceteris aut impositum uectigal est certum, quod stipendiarium dicitur, ut Hispanis, & plerisq; Pœnorum, quasi uictoriæ præmium, ac pœna belli; aut censoria locatio cōstituta est, ut Asia lege Sempronia. Siciliæ ciuitates sic in amicitia, fidemq; recepimus, ut eodem iure essent, quo fuissent: eadem conditione populo R. parerent, qua suis antea paruissent. per paucae Siciliæ ciuitates sunt bello à maioribus nostris subactæ: quarū ager cū esset publicus populi R. factus, tamen illis est redditus. is ager à Censoribus locari solet. fœderatæ ciuitates duæ sunt, quarum decumæ uenire non soleāt: Mamertina, & Taurominitana. quinq; præterea sine fœdere immunes ciuitates, ac liberæ: Centuripina, Halesina, Segestana, Halicyensis, Panormitana. præterea, omnis ager Siciliæ ciuitatū decumanus est, itemq; ante imperium populi R. ipsorum Siculorum uolūtate, & institutis fuit. uidete nunc maiorum sapientiam: qui, cum Sicilia tam opportunum subsidium belli, atq; pacis ad Remp. adiunxissent, tanta cura Siculos tueri, & retinere uoluerunt, ut non modo eorum agris uectigal nouum nullum imponerent, sed ne legem quidem uenditionis decumarum, ne ue uendundis aut tempus aut locum cōmutarent, ut certo tempore anni, ut ibidem in Sicilia, deniq; ut lege Hieronica uenderent. uoluerunt eos in suis rebus ipsos interesse, eorum animos nō modo lege noua, sed ne nomine quidem legis nouo cōmoueri. ita decumas lege Hieronica semper uendendas censuerunt, ut ijs iucūdius esset muneris illius functio, si eius regis, qui Siculis carissimus fuit, non solum instituta cōmutato imperio,

uerum etiam nomē maneret. hoc iure ante Verrem Præ-
torem Siculi semper usi sunt. hic primus instituta omni-
um, consuetudinem à maioribus traditam, conditionem
amicitiæ, ius societatis cōuellere, & cōmutare ausus est.
qua in re primum illud reprehendo, & accuso, cur in re
tam ueteri, tam usitata quicquam noui feceris? ingenio
aliquid affectus es? tot homines sapientissimos, qui illam
prouinciā ante te tenuerunt, prudentia, consilioq; uici-
si? est tuum, est ingenij prudentiaq; tuæ. do hoc tibi, &
concedo: scio te Romæ, cum Prætor esses, edicto tuo posses-
siones hereditatum ad alienos, à primis heredibus ad se-
cundos, à legibus ad libidinem tuam transtulisse: scio te
edicta superiorum omnium correxisse, et possessiones hæ-
reditatum non secundum eos, qui proferrent, sed secun-
dum eos, qui dicerent testamentum factum, dedisse: easq;
res nouas abs te prolatas, & inuentas magno tibi quæ-
stui fuisse scio: eundemq; te memini censorias quoq; le-
ges in sartis teclis exigendis tollere, & commutare, ne is
redimeret, cuius res esset; ne pupillo tutores, propinqui-
q; consulerent, quo minus fortunis omnibus euerteretur;
exiguam diem præfiniri operi, qua ceteros ab negotio ex-
cluderes, ipse in tuo redemptore nullam certam diem ob-
seruares. quamobrem nouam legē te in decumis statui-
se non miror, hominem in edictis prætoris, in censoris
legibus tam prudentem, tam exercitatum. nō inquam mi-
ror, te aliquid excogitasse: sed quod tua spē, iniussu po-
puli, sine senatus auctoritate iura prouinciæ Siciliæ mu-
taris, id reprehendo, id accuso. L. Octauio & C. Cotta
Coss. senatus permisit, ut uini, et olei decumas, & fru-
gum minutarum, quas ante te Quæstores in Sicilia uen-

LIBER V.

dere consueissent, Romæ uenderet, legemq; his rebus, quâ ipsis uideretur, edicerent. cum locatio fieret, publicani postularunt, quasdam res ut ad legem adderent, neq; tamen à censoris ceteris legibus recederent. contradixit is, qui casu tū Romæ fuit, tuus hospes Verres, hospes inquam, & familiaris tuus Sthenius hic Thermitanus. Cōsules causam cognouerunt: cum uiros primarios, atque amplissimos ciuitatis multos in consilium aduocassent, de consilij sententia pronuntiarunt, se lege Hieronica uēdituros. ita ne uero prudentissimi uiri, summa auctoritate præditi, quibus senatus legum dicendarum in locandis uectigalibus omnem potestatem permiserat, populusq; R. idem iusserat; Siculo uno recusante, cum amplificatio-
ne uectigalium nomē Hieronicæ legis mutare noluerūt. tu homo minimi consilij, nullius auctoritatis, iniussu populi, ac senatus, tota Sicilia recusante, cū maximo detrimento, atq; adeo exitio uectigalium totam Hieronicam legem sustulisti. at quam legem corrigit iudices, atq; adeo totam tollit: acutissime, ac diligentissime scriptam: quæ omnibus custodijs subiectum aratorem Decumano tradit, ut neque in segetibus, neque in areis, neq; in horreis, neque in amouendo, neque in asportando frumento grano uno posset arator sine maxima pœna fraudare Decumanum. scripta lex ita diligenter est, ut cum scripsisse appareat, qui alia uectigalia non haberet: ita acute, ut Siculum: ita seuerè, ut tyrannum. qua lege Siculis tamen arare expediret: nam ita diligenter constituta sunt iura Decumani, ut tamen ab inuito aratore plus decuma nō possit auferri. cum hæc essent ita constituta: Verres tot annis, atque adeo seculis inuentus est, qui hæc non com-

mutarit, sed euerterit, eaque, quæ iam diu ad salutem sociorum, utilitatemq; Reip. composita, comparataq; essent, ad suos improbissimos quæstus conuerteret: qui primum certos instituerit, nomine Decumanos, reuera ministros, ac satellites cupiditatum suarum: per quos ostendam sic provinciam per triennium vexatam, atque vastatam iudices, ut eam multis annis multorum innocentia, sapientiaq; recreare nequeamus. eorum omnium, qui Decumani vocabantur, princeps erat Q. ille Apronius, quem uidetis: de cuius improbitate singulari grauis simarum Legationum querimonias audistis. aspiciate iudices uultum hominis, & aspectum, & ex ea contumacia, quam hic in perditis rebus retinet, illos eius spiritus Sicilienses quos fuisse putetis, cogitate, ac recordamini. hic est Apronius, quem in provincia tota Verres, cum undique nequissimos homines conquisisset, & cum ipse secum sui similes duxisset non parum multos, nequitia, luxuria, audacia sui simillimum iudicauit. itaq; istos inter se per breui tempore non res, non ratio, non commendatio aliqua, sed studiorum turpitudine, similitudoq; cõiunxit. Veris mores improbos, impurosq; nostis: fingite uobis. si potestis, aliquem, qui in omnibus isti rebus par ad omnium flagitiorum nefarias libidines esse possit: is erat Apronius ille: qui, ut ipse non solum uita, sed etiam corpore, atque ore significat, immensa aliqua uorago est, aut gurges uitiorum, turpitudinumq; omnium. huc in omnibus stupris, hunc in fanorum expilationibus, hunc in impuris cõuiuijs principem adhibebat: tantamq; habebat morum similitudo cõiunctione, atq; cõcordia, ut Apronius, qui alijs inhumanus ac barbarus, isti uni cõmodus, ac disertus uideretur; ut,

LIBER V.

quē omnes odissent, neq; uidere uellēt, sine eo iste esse non posset; ut, cū ali; ne cōuiui; quidem iisdem, quibus Apronius, hic iisdem etiā poculis uteretur; postremo ut odor Apronii teterrimus oris, & corporis, quem (ut aiunt) ne bestiae quidem ferre possent, uni isti suauis, & iucundus uideretur. ille erat in tribunali proximus, in cubiculo solus, in conuiuiio dominus, ac tum maxime, cum, accubante praetextato Praetoris filio, in conuiuiio saltare nudus coeperat. hunc, uti dicere institui, principem Verres ad euertendas fortunas aratorum, uexandas, diripiendasq; esse uoluit: huius audaciae, nequitiae, crudelitati fidelissimos socios, optimosq; ciues scitote hoc Praetore traditos iudices, atq; addictos fuisse, nouis institutis, & edictis, tota Hieronica lege (quemadmodum antea dixi) reiecta et repudiata. primum edictum iudices audite praeclarum: quātum Decumanus edidisset aratorem sibi decumae dare oportere, ut tātum arator decumano dare cogeretur. quomodo? quantum poposcerit Apronius, dato. quid est hoc? utrum, Praetoris institutum in socios, an in hostes uictos insani edictum, atq; imperium tyranni? ego tantundem, quantum ille poposcerit? poscet omne, quantum exarauero. quid omne? immo plus etiam, inquit, si uolet. quid tum? quid cēses? aut dabis, aut cōtra edictū fecisse dānabere. per deos immortales, quid est hoc? uerisimile. n. non est. sic mihi persuadco iudices: tametsi omnia in istū hominem cōuenire putetis, tamē hoc uobis falsum uideri: ego enim, cū hoc tota Sicilia diceret, tamē affirmare nō aude rem, si haec edicta nō ex ipsius tabulis totidem uerbis recitare possē, sicuti faciā. da, quaeso, scribā. recitet ex codice. Recita edictū de professione. negat me recitare totū:

nam id nutu significare uidetur. quid prætereo? an il-
lud, ubi caues tamen Siculis, et miseros respicis aratores?
dicis enim te in Decumanum, si plura sustulerit quàm
debitum sit, in oëtplum iudicium daturum esse. nihil
mihi placet prætermitti. recita hoc quoque, quod postu-
lat, totum. Recita edictum de iudicio in oëtplum. iu-
dicio ut arator Decumanum persequatur? miserum, at-
que iniquum ex agro homines traduci in forum, ab ara-
tro ad subsellia, ab usu rerum rusticarum ad insolitam
litem, atq; iudicium. cum omnibus in alijs uectigalibus,
Asiæ, Macedonia, Hispaniæ, Galliæ, Africæ, Sardinia, ip-
sius Italiæ, quæ uectigalia sunt; cum in his inquam re-
bus omnibus publicanus petitor, ac pignerator, non ere-
ptor, neq; possessor soleat esse: tu de optimo, de iustissimo,
de honestissimo genere hominum, hoc est de aratoribus,
ea iura constituebas, quæ omnibus alijs essent contraria.
utrum est æquius, Decumanum petere, an aratorem re-
petere? iudicium integra re, an perdita fieri? eum, qui
manu quæserit, an eum, qui digito licitus sit, possidere?
quid, qui in singulis iugis arant, qui ab opere ipsi nō rece-
dunt, quo in numero magnus ante te Prætorem nume-
rus, magna multitudo Siculorū fuit: quid facient? cum
dederint Apronio, quod poposcerit, relinquent arationes?
relinquent larem familiarem suum? uenient Syracusas?
ut te Prætore uidelicet æquo iure Apronium, delicias, ac
uitam tuam, iudicio recuperatorio persequantur. uerum
esto: reperietur aliquis fortis, experiēs arator: qui cum
tantum dederit Decumano, quantum ille deberi dixerit,
iudicio repetat, & pœnam oëtpli persequatur. expecto
nim edicti, seueritatem Prætoris: faueo aratori, cupio

LIBER V.

oēdupli damnari Apronium. quid tandem postulat arator? nihil, nisi ex edicto iudiciū in oēduplum. quid Apronius? nō recusat. quid Prator? iubet Recuperatorū reijcere decurias. scribamus, quas decurias. de cohorte mea reijcies, inquit. quid? ista cohors quorum hominum est? Volusij aruspici, & Cornelij medici, & horum canum, quos tribunal meum uides lambere. nam de cōuentu nullum unquam iudicem, nec Recuperatorem dedit: iniquos Decumanis omnes dicebat esse, qui unā agri glebam possiderent. ueniendū erat ad eos cōtra Apronium, qui nondum etiam Aproniani cōuiui crapulam exhalassent. o praeclarum, & cōmemorandum iudiciū: o seuerū edictum: o tutum perfugiū aratorum. atq; ut intelligatis, cuiusmodi ista iudicia in oēduplum, cuiusmodi istius de cohorte Recuperatores existimati sint: sic attendite. ecquem putatis Decumanū hac licentia permissa, ut tātum ab aratore, quantum poposcisset, auferret, plus, q̄ deberetur, poposcisse? considerate cū uestris animis uosmet ipsi, ecquem pueritis: praesertim cum id nō solum sine auaritia, sed etiam impudentia accipere potuerit. multos, necesse est. at ego omnes dico, plus, quā decumas, abstulisse. cedo mihi unum ex triennio Præturae tuae, qui oēdupli damnatus sit. damnatus? immo uero in quem iudiciū ex edicto tuo postulatum sit. nemo erat uidelicet aratorum, qui iniuriam sibi factam queri posset: nemo Decumanorum, qui grano amplius, sibi quā deberetur, deberi professus esset. immo uero cōtra, rapiebat, & asportabat quantum à quoq; uolebat, Apronius: omnibus autem locis aratores spoliati, ac uexati querebantur: neq; tamē ullum iudiciū reperietur. quid est hoc? uiri forte

res, honesti, gratiosi, tot Siculi, tot equites R. ab homine nequissimo, ac turpissimo laesi, pœnam octupli sine ulla dubitatione commissam non persequébatur? quæ causa? quæ ratio est? una illa iudices, quam uidetis: q̃ ultro etiã illos se, & irritos ab iudicio discessuros uidebāt: etenim quod esset iudiciũ, cum è Verris turpissimo, flagitiosissimoq; comitatu tres Recuperatorum nomine affedissent, affectæ istius, nō à patre ei traditi, sed à meretricula cōmendati? ageret uidelicet causam arator: nihil sibi frumenti ab Apronio relietum, bona sua etiã direpta, se pulsatum, uerberatumq; diceret. cōferrent uiri boni capita: de comessatione loqueretur inter se, ac de mulierculis, si quas à Pratore abeuntes possent deprehendere: res agi uideretur. surrexisset Apronius, noua dignitas publicani, non, ut Decumanus, squaloris plenus, ac pulueris, sed unguētis oblitus, uino uigilijsq; languidus: omnia primo motu, ac spiritu suo, uini, unguētis, corporis odore cōpleisset: dixisset hæc, quæ uulgo dicere solebat, nō se decumas emisse, sed bona fortunãq; aratorũ; nō se Decumanum esse Aproniũ, sed Verrem alterum, dominũ illorũ, ac tyrannũ, quæ cum dixisset: illi uiri optimi de cohorte istius Recuperatores nō de absoluendo Apronio deliberarent, sed quærerent, quomodo petitorẽ ipsũ Apronio permisissent, ut, quātum uellet, posceret; quātum poposcisset, auferret. hoc tibi defensionis ad iudiciũ tuũ comparabas? habuisse te edictũ, Recuperatores daturũ in octuplum? si mehercule ex omni copia conuentus Syracusani splendidissimorum hominum, honestissimorumq; faceres potestatem aratori, non modo reuocandi, sed etiã sumendi Recuperatores: tamen hoc nouum

LIBER V.

genus iniuriæ ferre nemo posset: te, cum tuos omnes fructus publicano tradidisses, & rem de manibus amisisses, tum bona tua repetere, ac persequi lite, atq; iudicio? cum uero uerbo iudiciū sit in edicto, re quidem uera tuorum comitum, hominum nequissimorū, collusio cum Decumanis socijs tuis, atq; adeo procuratoribus: tamen audes illius iudicii mentionem facere? præsertim cum id nō modo oratione mea, sed etiā re ipsa refellatur: cum in tantis incōmodis aratorum, iniurijsq; Decumanorum nullum ex isto præclaro edicto nō modo factum, sed ne postulatum quidem iudiciū inueniatur. erit tamen in aratores lenior, q̄ uidetur. nā qui in Decumanos octupli iudicium se daturum edixit, idem habuit in edicto, se in aratorem in quadruplum daturum, quis hunc audet dicere aratoribus infestum, aut inimicū fuisse? quanto lenior est, q̄ in publicanum. edixit, ut, quod Decumanus edidisset sibi dari oportere, id ab aratore magistratus Siculus exigeret. quid dereliquit iudicii, quod in aratorem dari posset? nō malum est, inquit, esse istam formidinem, ut cum exactum sit ab aratore, tamen ne se cōmoueat, reliquus metus iudicii sit? si iudicio à me uis exigere, remoue Siculum magistratum. si hāc uim adhibes, quid opus est iudicio? quis porrò erit, qui non malit Decumanis tuis dare quod poscerent, q̄ ab affeclis tuis quadrupli condemnari? illa uero præclara est clausula edicti, q̄ omnium controuersiarū, quæ essent inter aratorem, & Decumanum, si uter uelit, edicit se Recuperatores daturū. primū quæ potest esse controuersia, cum is, qui petere debet, auferet? & cum is, nō quantum debetur, sed quantum cōmodum est, auferat? ille autem, unde ablatum est, iudi-

cio suum recuperare nullo modo potest? deinde in hoc ho-
mo lynceus, etiam callidus, ac ueterator esse uult, q̄ ita
scribit: si uter uolet, Recuperatores dabo. q̄ lepide se fu-
rari putat? utriq; facit potestatem. sed utrum ita scripse-
rit: si uter uolet, an, si Decumanus uolet: nihil interest:
arator enim tuos istos Recuperatores nūquid uolet? quid?
illa cuiusmodi sunt, quæ ex tempore ab Apronio admo-
nitus edixit? Q. Septitio honestissimo homine, equitēq;
R. resistēte Apronio, & affirmāte se plus decuma nō da-
turum: exoritur peculiare edictum repentinū: ne quis
frumentū de area tolleret, antequā cum Decumano pa-
ctus esset. ferebat hāc quoq; iniquitatem Septitius, & im-
bri frumentum corrumpi in area patiebatur: cum illud
edictum repente uberrimū, & quæstuosissimū nascitur:
ut ante Cal. Sext. omnes decumas ad aquam deportatas
haberent. hoc edicto nō Siculi (nam eos quidem iam su-
perioribus edictis satis perdididerat, atq; afflixerat) sed illi
ipsi equites R. qui suū ius retinere se cōtra Aproniū posse
erant arbitrati, splendidi homines, & alijs Prætoribus
gratosi, uincti Apronio traditi sunt: attēdite enim, cui-
usmodi edicta sunt. ne tollat, inquit, ex area, nisi erit pa-
ctus. satis hęc magna uis est ad inique paciscendū: malo
enim plus dare, quā nō mature ex area tollere. at ista uī
Septitiū, & nōnullos Septitiij similes non coercet: qui ita
dicūt: ne tollam potius, quā paciscar. his hoc apponitur.
deportatū habeas ante Cal. Sext. deportabo igitur. nisi pa-
ctus eris, non cōmouebis. sic deportandi dies præstituta
tollere cogebat ex area: cohibitio tollendi, nisi pactus es-
set, uim adhibebat pactioni nō uoluntatem. iam uero il-
lud non solum contra legem Hieronicam, nec solum con-

LIBER V.

tra consuetudinem superiorum, sed etiam contra omnia iura Siculorum, quæ habent à senatu, populoq; R. ne extra suum forum uadimonium promittere cogantur. statuit iste, ut arator Decumano, quod uellet Decumanus, uadimonium promitteret: ut hic quoq; Apronio, cum ex Leontino usq; Lilybæum aliquem uadaretur, ex miseris aratoribus calumniandi quæstus accederet. quāquam illa fuit ad calumniam singulari consilio reperta ratio, q̄ edixerat, ut aratores iugerationum suarum profiterentur. quæ res cum ad pactiones iniquissimas magnam uim habuit, sicut ostēdemus, nec ad ullam utilitatem Reip. pertinuit: tum uero ad calumnias, in quas omnes incideret, quos uellet Apronius: ut enim quisq; contra uoluntatem eius dixerat, ita in eum iudiciū de professione iugerum postulabatur. cuius iudiciū metu magnus à multis frumenti numerus ablati, magnæq; pecuniæ coactæ sunt: nō quo iugerum numerū uere profiteri esset difficile, aut amplius etiā profiteri (quid enim in eo periculi esse posset?) sed causa erat iudiciū postulandi, q̄ ex edicto professus nō esset. iudicium autem quod fuerit isto Pratore, si, quæ cohors, & qui comitatus fuerit, meministis, scire debetis. quid igitur est, quod ex hac iniquitate nouorum edictorum intelligi uelim iudices? iniuriam ne factam socys? at uidetis. auctoritatem superiorū repudiata? non audebit negare. tantum Aproniū isto Pratore potuisse? cōfiteatur, necesse est. sed uos fortasse, quod uos lex cōmonet, id in hoc loco quæretis, num quas ex hisce rebus pecunias ceperit. docebo, cepisse maximas, omnesq; eas iniquitates, de quibus antea dixi, sui quæstus causa irrupisse conuincam, si prius illud propugnaculum, quo contra

omnes meos impetus usurum se putat, ex defensione eius deiecero. magno, inquit, decumas uēdidi. quid ais? an tu decumas homo audacissime, atq; amētissime uēdidisti? tu partes eas, quas te senatus populusq; R. uoluit, an fructus integros, atq; adeo bona, fortunasq; aratorū omnes uēdidisti? si palam præco iussu tuo prædicasset, nō decumas frumētī, sed dimidias uenire partes; & ita emptores accessissent, ut ad dimidias partes emendas; si pluris uēdidisses tu dimidias, q̄ cæteri decumas: cuiā mirū uideretur? quid uero? si præco decumas pronūtiavit: reuera, hoc est lege, edicto, cōditione plus etiā quā dimidiæ uenierūt: tamē hoc tibi præclarū putabis, te pluris, quod nō licebat, quā cæteros, quod oportebat, uēdidisse? pluris uēdidi decumas, quā cæteri. quibus rebus id affecutus es? innocentia? aspice ædem Castoris: deinde, si audes, fac mētionē innocentiae, diligētiæq; codicis lituras tui contēplare in Stheny Thermitani nomine: deinde aude te dicere diligētem ingenio? qui testes interrogari priore actione nolueris, & ijs tacitum os tuū præbere malueris: quāuis, et te & patronos tuos ingeniosos esse dicito. qua re igitur id, quod ais, affecutus es? magna est enim laus, si superiores cōsilio uicisti, posterioribus exēplū atq; auctoritatē reliquisti. tibi fortasse idoneus fuit nemo, quē imitare. at te uidelicet inuētorē rerū optimarū, ac principem imitabūtur omnes. quis aratorū te Prætorē decumam dedit? quis duas? quis nō maximo se affectū beneficio putauit, cū tribus decumis pro una defungeretur? præter paucos, qui propter societatem furtorū tuorum nihil omnino dederūt. uide, inter importunitatem tuam, senatusq; bonitatem quid intersit. senatus, cum tempore

LIBER V.

bus Reip. cogitur, ut decernat, ut alteræ decumæ exigantur : ita decernit, ut pecunia pro his decumis solvatur aratoribus, ut, quod plus sumitur quā debetur, id nō auferri putetur. tu, cum tot decumas nō S. C. sed novis edictis tuis, nefarijsq; institutis exigeres, & eriperes, magnū te fecisse arbitrare, si pluris uēdideris, quā L. Hortensius pater istius Q. Hortensij, quā Cn. Pōpeius, quā M. Marcellus : qui ab æquitate, ab lege, ab institutis non recesserunt. an tibi unius anni, aut biēnij ratio habenda fuit, salus provinciæ, commoda rei frumentariæ, ratio Reip. in posterū fuit negligenda ? cum ita rem cōstitutā accepisses, ut & populo R. satis frumētī ex Sicilia suppediaretur, & aratoribus tamen arare, atq; agros colere expediret. quid effecisti ? quid affecutus es ? ut Pratore te nescio quid ad decumas accederet, deferendas arationes, relinquēdasq; curasti. successit tibi L. Metellus. tu innocērior, q̄ Metellus ? tu laudis, et honoris cupidior ? tibi enim Cōsulatus quærebatur, Metello paternus honor, & amicitus negligebatur. multo minoris uēdidit, nō modo q̄ tu, sed etiā q̄ qui ante te uēdiderūt. quaro, si ipse excogitare non poterat, quemadmodū quā plurimo uēderet : ne tua quidē recētia proximi Pratoris uestigia persequi poterat, ut tuis præclaris, abs te principe inuentis, & excogitatis edictis, atq; institutis uteretur ? ille uero tum se Metellū minime fore putasset, si te ulla in re imitatus esset. qui ab urbe Roma, quod nemo unquā post hominū memoriā fecit, cū sibi in provinciā proficiendū putaret, literas ad Siciliæ ciuitates misit, per quas hortatur, & rogat, ut arēt, ut serāt in beneficio populi R. hoc petit aliquāto ante aduentū suū : et simul ostēdit se lege Hieronica uēditurum,

turum, hoc est in omni ratione decumarum nihil isti simile facturū. atq; hæc non cupiditate aliqua scribit adductus, ut in alienam provinciam mittat litteras ante tempus: sed consilio, ne si tempus sationis præterisset, granū in provincia Sicilia nullum haberemus. cognoscite Metelli litteras. Recita epistolā L. Metelli. hæc literæ iudices L. Metelli, quas audistis, hoc, quantum est, ex Sicilia frumenti hornotini exarauerunt. glebam cōmisset in agro decumano Siciliae nemo, si Metellus hanc epistolam non misisset. quid, Metello diuinitus hoc uenit in mentem, an ab Siculis, qui Romam frequentissimi cōuenerant, negotiatoribusq; Siciliae doctus est? quorum quanti cōuentus ad Marcellos antiquissimos Siciliae patronos, quanti ad Cn. Pompeium Cos. designatum, ceterosq; illius provinciae necessarios fieri soliti sint, quis ignorat? quod quidem iudicium nullo unquam de homine factū est, ut absens accusaretur ab ijs palam, quorū in bona, liberosq; summum imperium, potestatemq; haberet. tanta uis erat iniuriarum, ut homines quiduis perpeti, q̄ nō de istius prauitate, & iniurijs deplorare, & conqueri mallent. quas litteras cum ad omnes ciuitates propē suppliciter misisset Metellus, tamen antiquum modum sationis nulla ex parte exequi potuit: diffugerāt enim permulti, id quod ostēdam: nō solum arationes, sed etiā sedes suas patrias istius iniurijs exagitati reliquerant. non mehercule criminis augēdi causa dicam iudices: sed quem accepi ipse oculis, animoq; sensum, hunc uere apud uos, & ut potero planissime exponam. nam cum quadriēnio post in Siciliam uenissem: sic mihi affecta uisa est, ut cæ terræ solent, in quibus bellum acerbum, diuturnumq; uersatū est. quos

Cic. Orat.

X

LIBER V.

ego campos antea, collesq; nitidissimos, uiridissimosq; uidi-
dissem, hos ita uastatos nūc, ac desertos uidebā, ut ager ip-
se cultorem desiderare, ac lugere dominū uideretur. Her-
bitensis ager, Ennensis, Murgentinus, Assorinus, Ma-
charensis, Agyrinensis ita relictus erat ex maxima par-
te, ut non solum iugerum, sed etiam dominorum multi-
tudinem quæreremus. Aetnensis uero ager, qui solebat
esse cultissimus, & quod caput est rei frumentariae, cam-
pus Leontinus, cuius antea species hāc erat, ut, cum obsi-
tum uidisses, annonae caritatem nō uererere: sic erat de-
formis, atq; horridus, ut in uberrima Siciliae parte Sici-
liam quæreremus: labefactarat enim uehementer arato-
res iam superior annus, proximus uero funditus euerte-
rat. tu mihi etiam audes mentionem facere decumarum?
tu in tanta acerbitate, in tot, & tantis iniurijs, cū in ara-
tionibus, & in earum rerum iure prouincia Sicilia con-
sistat; euer sis funditus aratoribus, relictis agris, cum in
prouincia tam locuplete, ac referta non modo rem, sed
ne spem quidem ullam reliquam cuiquā feceris, aliquid
te populare putabis habere, cum dices te pluris, q̄ cate-
ros, decumas uēdidisse? quasi uero aut populus R. hoc uo-
luerit, aut senatus hoc tibi mandauerit, ut, cum omnes a-
ratorum fortunas decumarum nomine eriperes, in po-
sterum fructu illo, commodoq; rei frumentariae populū
R. priuares: deinde si quam partem tuae praedae ad sum-
mam decumarum addidisses, bene de populo R. meritis
uiderere. atq; hāc perinde loquor, quasi in eo sit iniqui-
tas eius reprehendenda, q̄ propter gloriae cupiditatem,
ut aliquos summa decumarum uinceret, acerbiorē le-
gem, duriora edicta interposuerit, omnium superiorum

auētoritatem repudiarit. magno tu decumas uendidisti. quid, si doceo te non minus domum tuam auertisse, q̄ Romam misisse decumarum nomine? quid habet popolare ratio tua, cum ex prouincia populi R. æquam partem tu tibi sumpseris, atq; populo R. miseris? quid, si, duabus partibus, doceo, te amplius frumenti abstulisse, quàm populo R. misisse? tamen ne putamus patronum tuum in hoc crimine ceruiculam iactaturum, & populo se ad coronam daturum? hæc uos antea iudices audistis: uerū fortasse ita audistis, ut auēto rem rumorem haberetis, sermo nemq; omnium. cognoscite nunc innumerabilem pecuniam frumentario nomine ereptam, ut simul illam quoque eius uocem improbam agnoscatis: qui se uno quæstu decumarum omnia sua pericula redempturum esse dicebat. Audiuius hoc iandiu iudices: nego quenquam esse uestrum, quin sæpe audierit, socios istius fuisse Decumanos. nihil aliud arbitror in istum falsò esse dictū ab ijs, qui male de isto existimarint, nisi hoc. nam socij putadi sunt, quos inter res communicata est. ego rem totam, fortunasq; aratorum omnes istius fuisse dico: Aproniū, Veneriosq; seruos, quod isto Prætore fuit nouum genus publicanorum, cæterosq; Decumanos, procuratores istius quæstus, & ministros rapinarum dico fuisse. quomodo hoc doces? quomodo ex locatione illa columnarum docui istum esse prædatum? opinor ex eo maxime, quòd iniquā legem, nouamq; dixisset: quis enim unquam conatus est iura omnia, & consuetudinem omnium commutare cū uituperatione, sine quæstu? pergam, atque insequar longius. iniqua lege uendebas, quo pluris uenderes. cur, iam addictis, & uenditis decumis, cum iam ad

LIBER V.

summam decumarum nihil, ad tuum quæstum multum posset accedere, subito atq; ex tempore noua nascebantur edicta? nam ut uadimonium Decumano, quocumque is uellet, promitteretur; ut ex area, nisi pactus esset, arator ne tolleretur; Cal. Sext. decumas deportatas haberent: hæc omnia, uenditis decumis, anno tertio te edixisse dico. quæ si Reip. causa faceres: in uendendo essent pronuntiata: quia tua causa faciebas, quod erat imprudentia prætermisum, id quæstu, ac tempore admonitus reprehendisti. illud uero cui probari potest, te sine tuo quæstu, ac maximo quæstu, tantam tuam infamiam, tantum capitis tui, fortunarumq; periculum neglexisse? ut, cum totius Siciliæ quotidie gemitus, querimoniasq; audires; cum, ut ipse dixisti, reum te fore putares; cum huiusce iudicii discrimen ab opinione tua nõ abhorreret: paterere tamen aratores indignissimis iniurijs uexari, ac diripi. profecto, quanq̃ es singulari crudelitate, & audacia: tamẽ abs te tota alienari prouincia, tot honestissimos tibi inimicissimos fieri nolles, nisi hæc ratione, & cogitatione salutis tuæ, pecunie cupiditas, ac præsens illa præda superaret. etenim quonia summam, & numerum iniuriarum iudices uobis non possum exponere, sigillatim autem de uniuscuiusq; incommodo dicere infinitum est: genera ipsa iniuriarum, quaeso, cognoscite. Nympho est Ceturipinus, homo nauus, & industrius, experientissimus, ac diligentissimus arator. is cum arationes magnas conductas haberet, quod homines etiam locupletes, sicut ille est, in Sicilia facere consueuerunt; easq; magna impesa, magno instrumento tueretur: ita ab isto iniquitate oppressus est, ut non modo arationes relinqueret, sed etiam ex Sicilia

profugeret, Romanique cum multis una ab isto eiectis ue-
niret. fecit, ut Decumanus Nymphonem uocaret ex edi-
cto illo præclaro: quod nullam ad aliam rem, nisi ad his
iusmodi quaestus, pertinebat: numerum iugerum profes-
sum non esse. Nympho cum se uellet æquo iudicio defen-
dere: iste uiros optimos Recuperatores dat, eundem illum
medicum Cornelium (is est Artemidorus Pergamenus,
qui in sua patria dux isti quondam, & magister ad de-
spoliandum Dianæ templum fuit) & aruspitem Volu-
sianum, & Valerium præconem. Nympho, antequam pla-
ne constitit, condemnatur. quanti, fortasse quaeritis. nul-
la erat edicti pœna certa. frumenti eius omnis, quod in
areis esset. sic Apronius Decumanus non decumam debi-
tam, non frumentum remotum, atque celatum, sed tritici
septem millia medimnū ex Nymphonis arationibus edi-
cta pœna, non redemptionis aliquo iure tollit. Xeno-
nis Meneni, nobilissimi hominis, uxoris fundus erat colo-
no locatus: colonus, quod Decumanorum iniurias ferre nō
poterat, ex agro profugerat. Verres in Xenonem iudici-
um dabat illud suum damnatorium de iugerum profes-
sione. Xenon ad se pertinere negabat, fundum eum loca-
tum esse dicebat. dabat iste iudiciū, si pateret iugera eius-
modi fundi esse plura, quā colonus esset professus, tum Xe-
no damnaretur. dicebat ille, non modo non arasse se id,
quod in satis erat, sed nec dominum eius esse fundi, nec
locatorem; uxorem esse, eam ipsam suum negotium gere-
re, ipsam locauisse. defendebat Xenonem homo summo
splendore, & summa auctoritate præditus M. Cossertius.
iste nihilo minus iudiciū HS LXXX dabat. ille tam-
etsi Recuperatores de cohorte latronū sibi parari uide-

bat: tamen iudicium accepturum se esse dicebat. tum iste magna uoce Venerijs imperat, ut Xenonem adirent; dū res iudicaretur, hominem ut asseruarent; cum iudicātū sit, ad se adducant. & illud simul dixit, se non putare illum, si propter diuitias pœnas damnationis cōtemneret, etiam uirgas contemnere. hac ille ui, & hoc metu adductus tantum Decumanis, quantū iste imperauit, exoluit.

Polemarchus est Murgentinus, uir bonus, atque honestus. is, cum pro iugeribus quinquaginta, medimna DCC decumæ imperarentur, quod recusabat, domum ad istum in ius deductus est: & cum iste etiam cubaret, in cubiculum introductus est: quod, nisi mulieri, & Decumano, patebat alijs nemini. ibi cum pugnis & calcibus concisus esset, qui DCC medimnis decidere noluisset, mille promisit.

Ebulides est Grosphus Centuripinus, homo cum uirtute, et nobilitate domi suæ, tum etiam pecunia princeps. huic homini iudices honestissimæ ciuitatis honestissimo, non modo frumenti scitote, sed uitæ, & sanguinis tantum relictum esse, quantum Apronij libido tulit: nam ui, malo, plagis adductus est, ut frumenti daret, non quantum haberet, sed quantum cogeretur. Sostratus, & Numenius, & Nymphodorus eiusdem ciuitatis, cum ex agris tres fratres cōsortes profugissent, q̄ ijs plus frumenti imperabatur, quàm quantum exararāt: hominibus coactis, in eorum arationes Apronius uenit, omne instrumentum diripuit, familiam abduxit, pecus abegit. postea, cum ad eum Nymphodorus uenisset Actnam, & oraret, ut sibi sua restituerentur: hominem corripit, ac suspēdi iussit in oleastro quadam, quæ est arbor iudices in foro. tandiu pepēdit in arbore socius, amicusq;

populi R. in sociorum urbe, ac foro colonus, aratorq; ue-
ster, quandiu uoluntas Apronij tulit. Genera iandu-
dum innumerabilium iniuriarum iudices singulis nomi-
nibus profero: infinitam multitudinem iniuriarum præ-
termitto. uos ante oculos, animosq; uestros tota Sicilia
Decumanorum hos impetus, aratorum direptiones, hu-
ius importunitatem, Apronij regnū proponite. contēpsit
Siculos: nō duxit homines: nec ipsos ad persequēdum ue-
hementes fore, & uos eorum iniurias leuiter laturus exi-
stimauit. esto: falsam de illis habuit opinionē, malam de
uobis. uerūtamen cum de Siculis male mereretur, ciues
R. coluit, his indulxit, eorū uoluntati & gratia deditus
fuit. iste ciues R. at nullus inimicior, aut infestior fuit.
mitto uincla, mitto carcerem, mitto uerbera, mitto secu-
res, crucem denique illam prætermitto, quam iste ciuibus
R. testem humanitatis in eos, ac beneuolentiæ suæ uoluit
esse: mitto inquam hæc omnia, atque in aliud dicendi tē-
pus reycio: de decumis, de ciuium R. conditione in aratio-
nibus disputo. qui quemadmodum essent accepti iudices,
audistis ex ipsis: bona sibi erepta esse dixere. uerum hæc
huiusmodi casus affuit, ferenda sunt: nihil ualuisse æ-
quitatem, nihil consuetudinem: damna denique iudices
nulla tanta sunt, quæ non uiri fortes magno, & libero
animo affecti ferenda arbitrentur. quid, si equitibus R.
non obscuris, neque ignotis, sed honestis, & illustribus
manus ab Apronio, isto Pratore, sine ulla dubitatio-
ne afferebantur? quid expectatis? quid à me amplius
dicendum putatis? an id agendum, ut eo celerius de
isto transigamus, quo maturius ad Apronium possi-
mus, id quod ego illi iam in Sicilia pollicitus sum,

LIBER V.

uenire? qui C. Matrinium iudices, summa uirtute hominem, summa industria, summa gratia, Leontinis in publico biduum tenuit, atq; ab Apronio iudices, homine in dedecore nato, ad turpitudinem educato, ad Verris flagitia, libidinesq; accommodato, equitem R. scitote biduum cibo, tectoq; prohibitum, biduum Leontinis in foro custodijs Apronii retentum, atq; seruatum, neq; ante dimissum, quam ad conditiones eius depaetus est. Nam quid ego de Q. Lollio iudices dicam, equite R. spectato, atq; honesto? clara res est, quam dicturus sum, tota Sicilia celeberrima, atq; notissima: qui cum araret in Aetnensi, cum is ager in Apronio cum ceteris agris esset traditus, equestri uetere illa & auctoritate, & gratia fretus affirmavit, se Decumanis plus, quam deberet, non daturum. refertur eius sermo Apronio. enimvero iste ridere, ac mirari Lollium nihil de Matrinio, nihil de ceteris rebus audisse. mittit ad hominem Venerios (hoc quoq; attendite, apparitores à Praetore assignatos habuisse Decumanum: si medio cre argumentum uideri potest, istum Decumanorum nomine ad suos questus esse abusum) adducitur à Venerijs, atq; adeo attrahitur Lollius comode, cum Apronius è palaestra redisset, & in triclinio, quod in foro Aetnae strauerat, decubisset. statuitur Lollius in illo tempestiuo gladiatorum conuiuium. non mehercule, quae loquor, credere iudices, tamen si uulgo audieram, nisi mecum ipse senex, cum mihi, atq; huic uoluntati accusationis meae lacrymans gratias ageret, summa cum auctoritate esset locutus. statuitur, ut dico, eques R. propè annos LXXXX natus in Apronii conuiuium, cum interea Apronius caput, atq; os suum unguento perfricaret. quid est Lolli, inquit? tu, nisi malo

coactus, recte facere nescis? homo, quid ageret; taceret, responderet; quid faceret denique illa auctoritate, et aetate praeclatus nesciebat. Apronius interea cenam, ac pocula poscebat. serui autem eius, qui et moribus iisdem essent, quibus dominus, et eodem genere, ac loco nati, praeter oculos Lollii haec omnia ferebant. ridere conuiuiae, cachinnari ipse Apronius: nisi forte existimatis, eum in uino, ac luxu non risisse, qui nunc in periculo, ac exitio suorum tenere non possit. ne multa iudices: his contumeliis scitote Q. Lollium coactum ad Apronii leges, conditionesque uenisse. Lollius aetate, et morbo impeditus, ad testimonium dicendum uenire non potuit. quid opus est Lollio? nemo hoc nescit: nemo tuorum amicorum, nemo abs te interrogatus, nunc se primum hoc dicet audire. M. Lollius filius eius, adolescens lectissimus, praesto est: huius uerba auditis. nam Q. Lollius eius filius, qui Calpurnium accusauit, adolescens et bonus, et fortis, et in primis disertus, cum his iniuriis contumeliisque commotus in Siciliam esset profectus, in itinere occisus est. cuius mortis causam fugitiui sustinent: re quidem uera nemo in Sicilia dubitat, quin eo sit occisus, qui habere clausa non potuerit sua consilia de Verre. iste porro non dubitabat, quin is, qui antea alium studio adductus accusasset, sibi aduenienti praesto esset futurus, cum esset parens iniuriis, et domestico dolore commotus. iam ne intelligitis iudices, quae pestis, quae immanitas in uestra antiquissima, fidelissima, proximaeque provincia uersata sit? iam uidetis, quam ob causam Sicilia tot hominum antea furta, rapinas, iniquitates, ignominiasque perpeffa, non potuerit nouum, ac singulare, atque incredibile genus iniuriarum, contumeliae

LIBER V.

rumq; ferre? iam omnes intelligunt, cur uniuersa pro-
 uincia defensorem suæ salutis eum quæsiuit, cuius iste fi-
 dei, diligentia, perseverantia nulla ratione eripi possit. tot
 iudicijs interfuistis: tot homines nocetes et improbos ac-
 cusatos & uestra & superiorum memoria scitis esse: ec-
 quem uidistis, ecquæ audistis in tantis furtis, in tam aper-
 tis, in tanta audacia, tanta impudentia esse uersatum?
 Apronius stipatorios Venerios secum habebat: ducebat
 eos circum ciuitates: publice sibi conuiuia parari, sterna
 triclinia etiam in foro iubebat, eò uocari homines hone-
 stissimos, nò solum Siculos, sed etià equites R. ut, quocum
 inire conuiuium nemo unquam, nisi turpis, impurusq; uo-
 luisset, ad eius conuiuium spectatissimi, atque honestissimi
 uiri tenerentur. hæc tu omnium mortalium profligatissi-
 me, ac perditissime cū scires, cum audires quotidie, cum
 auderes; si sine tuo maximo quæstu fierent, cum tanto pe-
 riculo tuo fieri paterere, atq; concederes? & tantū apud
 te quæstus Apronij, tantum eius sermo inquinatissimus,
 & blanditiæ flagitiosæ ualuerunt, ut nūquam animum
 tuum cura tuarum fortunarum, cogitatioq; tangeret?
 cernitis iudices, quod, & quantum incendium Decuma-
 morum impetu non solum per agros, sed etiam per reli-
 quas fortunas aratorum, non solum per bona, sed etiam
 per iura libertatis, & ciuitatis isto Prætoris peruasit.
 uidetis pendere alios ex arbore, pulsari autem alios, &
 uerberari, porrò alios in publico custodiri, destitui alios
 in conuiuium, cōdemnari alios à medico, & præcone Præ-
 toris, bona tamen interea nihilo minus eorum omnium
 ex agris auferri, ac diripi. quid est hoc populi R. impe-
 rium? populi R. leges? iudicia? socij fideles? prouin-

cia suburbana? non ne omnia potius eiusmodi sunt, quæ,
si Athenio uicisset, in Sicilia non fecisset? non in qua iu-
dices esset ullam partem istius nequitie fugitiuorum in-
solentia consecuta priuatim hoc modo. quid publice? ci-
uitates quemadmodum tractatæ sunt? audistis permul-
ta indicia, & testimonia ciuitatum, & reliquarum au-
dietis. ac primum de Agyrinensi populo fideli, & illustri
breuiter cognoscite. Agyrinensis est in primis honesta
ciuitas Siciliae, hominū ante hūc Pratorem locupletium,
summorūq; aratorum. eius agri decumas cum emisset
idem Apronius, Agyrinū uenit. qui cum eō cum apparito-
ribus, id est cum minis, ac uī uenisset, poscere pecuniam
grādem cœpit, ut accepto lucro discederet. nolle se nego-
tiū quicquam habere dicebat, sed accepta pecunia quam-
primum aliam ciuitatem occurrere. sunt homines Siculi
nō contemnēdi, si per nostros magistratus liceat; sed ho-
mines & satis fortes, & satis planē frugi, ac sobrii; &
in primis hæc ciuitas, de qua loquor iudices. itaq; homini
in primis improbissimo respōdent Agyrinenses, sese decu-
mas ei, quemadmodū deberent, daturos, lucrum, cum ille
magno præsertim emisset, nō addituros. Apronius certio-
rem facit istum, cuius res erat, quid rei esset. statim, tanq̃
cōiuratio aliqua Agyrin contra Remp. facta, aut Lega-
tus Prætoris pulsatus esset, ita Agyrin magistratus, &
quinque primi accitū istius euocantur. ueniunt Syracusas:
præsto est Apronius: ait eos ipsos, qui uenissent, cōtra edi-
ctum Prætoris fecisse. quærebant, quid? respondebat, se
ad Recuperatores esse dicturum. iste, æquissimus homo,
formidinem illam suam miseris Agyrinensibus iniicie-
bat, Recuperatores se de cohorte sua daturū minabatur.

LIBER V.

Agyrinēses uiri fortissimi iudicium se passuros esse dicebant. ingerebat iste Artemidorū medicum Cornelium, pictorem Tlepolemū, & eiusmodi Recuperatores: quorum ciuis R. nemo erat, sed Græci sacrilegi, iam pridem improbi, repēte Corneliū uidebāt Agyrinenses, quicquid ad eos Recuperatores Apronius attulisset, illum per facile probaturum: condemnari cum istius inuidia, infamiaq; malebant, quā ad eius conditiones, pactionesq; accedere. querebāt, quæ in uerba Recuperatores daret: respondēbat, si pateret aduersus edictum fecisse, quæ in iudicio dicturum esse dicebat. iniquissimis uerbis, improbissimis Recuperatoribus, confictari malebant, quā quicquam cum isto sua uoluntate decidere. summittebat iste Timarchidem, qui moneret eos, si scaperent, ut transigerent. pernegabant. quid ergo? in singulos HS quinquagenis milibus damnari mauultis? malle dicebant. tum iste clare omnibus audiētib; qui damnatus erit, inquit, uirgis ad necem cadetur. hic illi flentes rogare, atque orare cœperunt, ut sibi suas segetes, fructusq; omnes, arationesq; uacuas Apronio tradere liceret, ut ipsi sine ignominia, molestiaq; discederēt. hac lege iudices decumas uēdidit Verres. dicat licet Hortensius, si audet, magno Verrem uendidisse. hæc conditio fuit isto Prætorē aratorū, ut secum præclare agi arbitrarētur, si uacuos agros Apronio tradere liceret: multas enim cruces propositas effugere cupiebant. quantum Apronius edidisset deberi, tantum ex edicto dandum erat. etiā ne si plus edidisset, quā quantum natum esset? etiam. quomodo? magistratus ex ipsius edicto exigere debebant. at arator repetere poterat. uerum Artemidoro Recuperatore. quid, si minus arator

dedisset, quàm poposcisset Apronius? iudicium in aratorum in quadruplum. ex quo iudicium numero? ex cohorte Prætoris, præclara, honestissimorum. quid amplius? minus te iugerum professum esse dico: Recuperatores reiſce, quod aduersum edictum feceris. ex quo numero? ex eadem cohorte. quid erit extremum? si dānatus eris (nam dubitatio damnationis illis Recuperatoribus quæ poterat esse?) uirgis te ad necem cædi necesse erit. his legibus, his conditionibus, erit quisquā tam stultus, qui decumas uenisse arbitretur? qui aratori nouem partes reliquas fæctas esse existimet? qui non intelligat istum sibi quæstui, prædæque habuisse bona, possessiones, fortunas aratorum? uirgarum metu Agyrinenses, quod imperatum esset, fæcturos se esse dixerunt. accipite nunc, quid imperarit: et dissimulate uos, si potestis, uos intelligere, ipsum Prætorem, quod tota Sicilia perspexerit, redemptorē decumarum, atque adeo aratorum dominum, ac regem fuisse. imperat Agyrinensibus, ut decumas ipsi publice accipiant, Apronio lucrum dent. si magno emerant: quoniam tu es, qui diligentissime pretium exquisisti, qui, ut ais, magno uendidisti, quare putabas emptori lucrum addi oportere? esto: putabas. quamobrem imperabas, ut adderēt? quid est aliud capere, et cōciliare pecunias, in quo te lex tenet; si hoc non est, uis, atque imperio cogere inuitos lucrum dare alteri, hoc est pecuniā dare? age, quid tum? si Apronio, delicijs Prætoris, lucelli aliquid iussi sunt dare, putate Apronio datum, si Apronianum lucellum, ac non Prætoria præda uobis uidebitur. imperas, ut decumas accipiant, Apronio dent lucrum, tritici medimna XXXIII. quid est hoc? una ciuitas ex uno agro ple-

LIBER V.

bi Romanæ propè mēstrua cibaria Prætoris imperio donare Apronio cogitur. tu magno decumas uendidisti? cū tantum lucri Decumano sit datum: profecto si pretium exquisisses diligenter, tum, cum uendebas, X medimna potius addidissent, quàm HS DC postea. magna præda uidetur. audite reliqua, & diligenter attendite, quo minus miremini Siculos re necessaria coactos auxiliū à patronis, à Cōsulibus, ab senatu, ab legibus, à iudicijs petiuisse. ut probaret Apronius hoc triticum, imperat Agyrinēsi- bus Verres, uti in medimna singula dentur Apronio HS III. quid est hoc? tanto numero frumētī in lucri nomen imperato, expresso, nummi præterea exiguntur, ut probe- tur frumētum? an poterat nō modo Apronius, sed qui- uis, exercitui si metiūdum esset, improbare Siculum fru- mentum, quod illi ex area, si uellet, admetiri licebat? fru- menti tantus numerus imperio tuo datur, & cogitur. nō est satis. nūmi præterea imperantur. dantur. parū est. pro decumis hordei, alia pecunia cogitur. iubet HS XXX lucri dari, ita ab una ciuitate ui, minis, imperio, iniu- riāq; Prætoris eripiuntur tritici medimna XXXIII, et præterea HS LX. an hæc obscura sunt? aut, si omnes ho- mines uelint, obscura esse possunt? quæ tu palam egisti: in cōuentu imperasti: omnibus inspectantibus coegisti: qua de re Agyrinenses magistratus, & quinqueprimi, quos tui quæstus causa euocasti, acta, & imperia tua do- mum ad senatum suū renuntiauerunt: quorū renuntia- tio legibus illorū, literis publicis mandata est: quorū Le- gati homines nobilissimi Romæ sunt, qui hoc idē pro testi- monio dixerūt. cognoscite Agyrinēsiū publicas literas, deinde testimoniū publicum ciuitatis. Recita literas pu-

blicas. TESTIMONIUM PVBLICVM. ani-
 maduertistis in hoc testimonio iudices, Apollodorum, cui
 Pyragri cognomen est, principem suæ ciuitatis lacryman-
 tem testari, ac dicere, nuquā, post populi R. nomē ab Si-
 culis auditū, et cognitum, Agyrinenses cōtra quenquam
 infimum ciuem R. dixisse, aut fecisse quippiā: qui nunc
 cōtra Prætorem populi R. magnis iniurijs, et magno do-
 lore publice testimoniū dicere cogerentur? unī mehercu-
 le huic ciuitati Verres obsistere tua defensione non potes.
 tanta auctoritas est in eorum hominū fidelitate, tantus
 dolor iniuriæ, tanta religio in testimonio. uerū non una
 te, sed uniuersæ similibus afflictæ incōmodis, legationi-
 bus, ac testimonijs publicis persequentur. etenim deinceps
 uideamus, Herbitensis ciuitas honesta, & antea copiosa,
 quemadmodū spoliata ab isto, ac uexata sit. at quorum
 hominū? summorū aratorū, remotissimorū à foro, iudi-
 cijs, & cōtrouersijs: quibus parcere, & consulere homo
 impurissime, & quod genus hominū studiosissime cōser-
 uare debuisti. primo anno uenierūt eius agri decumæ tri-
 tici medimna XVIII. accensus istius, itē minister in de-
 cumis, cum emisset, & præfecti nomine cū uenisset Her-
 bitam cum Venerijs, locusq; ei publice, quò diuerteretur,
 datus esset: cogūtur Herbitenses ei lucri dare tritici mo-
 diū XXXVII millia, cū decumæ uenissent tritici mo-
 diū XVIII. atq; hoc triticum lucri cogūtur dare pu-
 blice, cū iam priuatim aratores ex agris spoliati, atq; exa-
 gitati Decumanorū iniurijs profugissent. anno secūdo cū
 emisset Apronius decumas tritici modīū XXV millibus,
 & ipse Herbitam cum illa prædonis copia, manuq; ue-
 nisset: populus publice coactus est ei cōferre lucri tritici

LIBER V.

modium XXVI, & accessionem HS MM. de accessio-
 ne dubito an Apronio ipsi data sit merces operæ, pre-
 tiumq; impudentiæ. de tritici quidem numero tãto, quis
 potest dubitare, quin ad istum prædonem frumentariũ,
 sicut Agyrinẽ se frumentũ, peruenerit? anno uero tertio
 in hoc agro cõsuetudine usus est regia. solere aiunt bar-
 baros reges Persarũ, ac Syrorũ plures uxores habere, his
 autẽ uxoribus ciuitates attribuere, hoc modo: hæc ciui-
 tas mulieri redimiculum præbeat, hæc in collum, hæc in
 crines. ita populos habet uniuersos nõ solum cõscios libi-
 dinis suæ, uerũ etiã administros. eandẽ istius, qui se Regẽ
 Siculorũ esse dicebat, licetia, libidinemq; fuisse cognosci-
 te. Aeschriõis Syracusani uxor est Pippa, cuius nomen
 istius nequitia tota Sicilia peruulgatũ est. de qua mulie-
 re uersus plurimi supra tribunal, & supra Prætoris ca-
 put scribebãtur. hic Aeschrio Pippæ uir adumbratus, in
 Herbitensibus decumis nouus instituitur publicanus. Her-
 bitenses cũ uiderent, si ad Aeschrionem pretium redisset,
 se ad arbitrium libidinosissimæ mulieris spoliatum iri: li-
 citi sunt usque eò, quoad se efficere posse arbitrabãtur. su-
 pra adiecit Aeschrio: neque enim metuebat, ne Prætorẽ
 Verre decumana mulier dãno affici posset. addicitur me-
 dimnis MM, dimidio ferẽ pluris, quàm superiore anno.
 aratores funditus euertebãtur, & eo magis, q̃ iam supe-
 rioribus annis exhausti erant, ac penè perditĩ. intellexit
 iste ita magno uenisse, ut amplius ab Herbitensibus ex-
 primi nõ posset. demit de capite medimna DC: iubet in
 tabulas pro medimnis MMMVII, referri DMM D
 & IIII. hordei decumas eiusdem agri Docimus eme-
 rat. hic est Docimus, qui ad istum deduxerat Tertiam

Isidori

Isidori mimi filiam, ui abductam ab Rhodio tibicine. hu-
 ius Tertiae plus etiam, quam Pippæ, plus quam ceterarū,
 ac propè dicam tantum apud istum in Siciliensi Pratu-
 ra auctoritas ualuit, quantum in urbana Chelidonis. ue-
 niunt Herbitam duo Prætoris æmuli nō molesti, mulier-
 ularum deterrimarum improbissimi cognitores: incipi-
 unt postulare, poscere, minari: non poterant tamen, cum
 cuperent, Apronium imitari: Siculi Siculos nō tam per-
 timescebant. cum omni ratione tamen illi calumniaren-
 tur: promittunt Herbitenses uadimonium Syracusas. eo
 posteaquam uentum est: coguntur Aescrioni, id est Pippæ,
 dare tantum, quantum erat de capite demptum, tritici
 modios M M M D C. mulierculæ publicanæ noluit ex
 decumis nimium lucri dare, ne forte ab nocturno suo
 quæstu animum ad uectigalia redimenda transferret.
 transactum putabant Herbitenses, cum iste, quid de hor-
 deo, inquit, & Docimo amiculo meo? qd cogitatis? at hoc
 agebat in cubiculo iudices, atq; in lectulo suo. negabāt il-
 li sibi quicquam esse mandatū. non audio: numerate HS
 X V. quid facerent miseri? aut quid recusarent? præser-
 tim cum in lectulo decumanæ mulieris uestigia uiderēt
 recentia, quibus illum inflā mari ad perseverandū intel-
 ligebant. ita ciuitas una sociorum, atq; amicorū, duabus
 deterrimis mulierculis Verre Prætorē uectigalis fuit.
 atq; ego nunc, eum frumenti numerū, et eas publice pe-
 cunias Decumanis ab Herbitensibus datas esse dico. quo il-
 li frumento, & quibus pecunijs tamen à Decumanorū
 iniurijs ciues suos non redemerunt: perditis enim, & di-
 reptis aratorū bonis, hæc Decumanis merces dabatur, ut
 aliquando ex eorū agris, atq; ex urbibus abirent. itaq; cū

Cic. Orat.

Y

LIBER V.

Philinus Herbitensis, homo disertus, & prudens, & domi nobilis, de calamitate aratorum, et de fuga, & de reliquorum paucitate publice diceret: animaduertistis iudices gemitum populi R. cuius frequentia huic causæ nunquam defuit. qua de paucitate aratorum alio loco dicā. nunc illud, quod penè præterij, non omnino relinquendū uidetur. nam per deos immortales, quod de capite ipsi dempsit, quo tandem modo ferendum, uerum etiam animaduertendum uidetur? unus adhuc fuit post Romam conditam (dij immortales faxint, ne sit alter) cui Resp. totam se tradidit, temporibus coacta, & malis domesticis, L. Sylla. hic tantum potuit, ut nemo illo inuito nec bona, nec patriam, nec uitam retinere posset: tantum animi habuit ad audaciam, ut dicere in concione nō dubitaret, bona ciuium R. cum uēderet, se prædam suam uendere. eius omnes res gestas nō solum obtinemus, uerum etiam propter malorum, incommodorū, & calamitatum metum publica auctoritate defendimus: unum hoc illius S. C. reprehensum, decretumq; est, ut quibus ille de capite dempsisset, ij pecunias in ærarium referrent. statuit senatus hoc, ne illi quidem esse licitum, cui concesserat omnia, à populo factarum, quæsitarumq; rerum summas imminuere. illum uiris fortissimis iudicarunt patres cōscripti dimittere de summa non potuisse. te mulieri deterri-
mæ recte remisisse senatores iudicabunt? ille, de quo lege populus R. iusserat, ut ipsius uoluntas populo R. esset pro lege, tamen in hoc uno genere ueterum religione legum reprehenditur. tu, qui omnibus legibus implicatus tenebare, libidinem tibi tuam pro lege esse uoluisti? in illo reprehenditur, q̃ ex ea pecunia remisit, quam ipse quæsie-

rat. tibi concedetur, qui de capite uectigalium populi R. remisisti? atq; in hoc genere audacie multo etiam impudentius in decumis Segestensium uersatus est. quas cum addixisset eidem illi Docimo, hoc est tritici modium quinq; millia, & accessionem ascripsisset HS MD: coegit Segestenses à Docimo tantidem publice accipere. id quod ex Segestensium publico testimonio cognoscite. Recitata testimonium publicum. audistis, quanti decumas acceperit à Docimo ciuitas, tritici modium quinq; millia, & accessionem. cognoscite nunc, quanti se uendidisse retulerit. **LEX DECUMIS VENDUNDIS C. VERRE PR.** hoc nomine uidistis tritici modium, MMM de capite esse dempta. quæ cū de populi R. uictu, de uectigalium neruis, de sanguine detraxisset ararum: Tertiae mimæ condonauit. utrum, impudentius à sociis abstulit, an turpius meretrici dedit? an improbius populo R. ademit? an audacius tabulas publicas commutauit? ex horum seueritate te ulla uis, aut ulla largitio eripiet? sed si eripuerit, non intelligit hæc, quæ iandum loquor, ad aliam quæstionem, atq; ad peculatus iudicium pertinere. itaque hoc mihi reseruabo genus integrum totum: ad illam, quam institui, causam frumenti, ac decumarum reuertar. qui cum agros maximos, ac feracissimos per se ipsum, hoc est per Apronium Verrem alterum, depopularetur, ad minores ciuitates habebat alios, quos, tamquam canes, immitteret, neque homines, et improbos, quibus aut frumentum, aut pecuniam publice cogebat dari.

A. Valentinus est in Sicilia interpret, quo iste interprete non ad linguam graecam, sed ad furta, et flagitia uiri solebat. fit interpret hic, homo leuis, atq; egens, repete Decumanus:

Y ij

emite agri Liparenfis miseri, atque ieiuni decumas tritici medimnis D C. Liparenfes uocantur: ipsi accipere decumas, & numerare Valentio coguntur lucri HS XXX millia. per deos immortales, utrum tibi sumes ad defensionem? tanto ne minoris tibi decumas uendidisse, ut ad medimna D C, HS XXX millia lucri statim sua uoluntate ciuitas adderet, hoc est tritici medimna II millia: an, cum magno decumas uendidisset, te expressisse ab inuitis Liparensibus hanc pecuniã? sed quid ego ex te quaero, quid defensurus sis potius, quam cognoscam ex ipsa ciuitate quid gestum sit? Recita testimonium publicum Liparensium: deinde, quãadmodum Valẽtio nũmi sint dati.

TESTIMONIUM PUBLICUM; QVOMODO SOLVTVM SIT LITERIS PUBLICIS. etiam ne hæc tam parua ciuitas, tã procul à manibus tuis, atq; à conspectu remota, seiuncta à Sicilia, in insula inculta tenuiq; posita, cumulatã alijs tuis maioribus iniurijs, in hoc quoq; frumẽtario genere prædæ tibi, & quaestui fuit? quam tu totam insulam cuidã tuorum sodalium, sicut aliquod munusculum, condonaras, ab hac etiam hæc frumentaria lucra tãquam à mediterraneis exigebantur? itaq; qui tot annis agellos suos ante te Prætorem redimere à piratis solebant, idẽ se ipsos à te pretio imposito redemerunt. quid ergo? à Tifensibus, per parua & tenui ciuitate, & aratoribus laboriosissimis, frugalissimisq; hominibus, non ne plus lucri nomine eripitur, quam quantum frumenti omnino exararãt? ad quos tu Decumanum Diognetum Veneriũ misisti, nouum genus publicani. cur hoc auctore non Romæ serui publici ad uectigalia accedant? anno secundo Tif-

senfes HS XXI lucri dare coguntur inuiti: tertio anno HS MM modium tritici lucri Diogneto Venerio dare coacti sunt. hic Diognetus, qui ex publicis uectigalibus tanta lucra facit, uicarium nullum habet, nihil omnino peculij. uos etiam nunc dubitate, si potestis, utrum tantum numerum tritici Venerius apparitor istius sibi acceperit, an huic exegerit. atque haec ex publico Tiffensium testimonio cognoscite. TESTIMONIUM PUBLI CVM TISSENSIUM. obscure iudices Prator ipse Decumanus est: cum eius apparitores frumentum à ciuitatibus exigant, pecunias imperent, aliquanto plus ipsi auferant, quam quantum populo R. decumarum nomine daturi sunt. haec aequitas in tuo imperio fuit, haec Pratoris dignitas, ut seruos Venerios sicularum dominos esse uelles. hic delectus, hoc discrimen te Pratore fuit, ut aratores in seruorum numero essent, serui in publicanorum.

Quid Ameſtratinum miseri, impositis ita magnis decumis, ut ipsis reliqui nihil fieret: non ne tamen numerare pecunias coacti sunt? addicuntur decumae M. Casio, cum adessent legati Ameſtratinum. statim cogitur Heraclius Legatus numerare HS XXII. quid hoc est? quae est ista praeda? quae uis? quae direptio sociorum? si erat Heraclio ab senatu mandatum, ut emeret: emisset. si non erat: qui poterat sua sponte pecuniam numerare? Casio renuntiat se dedisse. cognoscite renuntiationem ex literis. Recita ex literis publicis. quo. S. C. erat hoc Legato permisum: nullo. cur fecit? coactus est. quis hoc dicit? tota ciuitas. Recita testimonium publicum. ab hac eadem ciuitate anno secundo simili ratione extortam esse pecuniam, et Sex. Vennonio datam, ex eodem testimonio co-

gnouistis. at Amestratinos homines tenues, cū eorum decumas med. DCCC uendidisses: Banobali Venerio (cognoscite nomina publicanorum) cogis eos plus lucri addere, q̄ quanti uenierant, cum magno uenissent, dant Banobali med. DCCC, HS, MD. profecto nunquā iste tam amens fuisset, ut ex agro populi R. plus frumenti seruo Venerio, quā Pratori tribui pateretur, nisi omnis ea praeda serui nomine ad istū ipsum perueniret. Petri ni, cum eorum decumae magno addictae essent, tamē inuitissimi P. Neuius Turpioni improbissimo homini, qui iniuriarum Sacerdote Pratore damnatus est, HS VII dare coacti sunt. ita ne dissolute decumas uendidisti, ut, cum medimnū XV millibus uenissent, hoc est HS XXXXV, ut lucri Decumano HS MMM dareretur? at per magno decumas eius agri uendidisti. uidelicet gloria tur nō Turpioni lucrū datum, sed Petrinis pecuniae erepte. Quid Halicyenses, quorū incolae decumas dāt, ipsi agros immunes habent: non ne huic eidem Turpioni, cū decumae C med. uenissent, HS XV dare coacti sunt? si id, quod maxime uis, posses probare, haec ad Decumanos lucra uenisse, nihil te attingisse: tamē haec pecunia per uim atq; iniuriam tuam capta, & conciliata, tibi fraudi, & damnationi esse deberent. cum uero hoc nemini persuadere possis, te tam amentem fuisse, ut Apronium, ac Turpionem seruos homines, tuo, liberorumq; tuorum periculo diuites fieri uelles: dubitaturum quenq̄ existimas, quin illis emissarius haec tibi omnis pecunia quaesita sit? Segesta item ad immunem ciuitatem Venerius Symmachus Decumanus immititur. is ab isto literas affert, ut sibi cōtra iura omnia, contraq; legem Rupiliam, extra forum ua-

dimonium promittant aratores . audite literas , quas ad
 Segestanos miseri . LITERAE C. VERRIS . hic
 Venerius quemadmodum aratores eluserit , ex una pa-
 Etione hominis honesti , gratiosi q; cognoscite : in eodem
 enim genere sunt cetera . Diocles est Panormitanus ,
 Phimes cognomine , homo illustris , ac nobilis arator . is
 agrum in Segestano (nam commercium in eo agro Pa-
 normitanis est) conductum habebat HS sex millibus .
 pro decuma cum pulsatus à Venerio esset , dedit HS sex-
 decim millia , & DCLIII . id ex tabulis ipsius cogno-
 scite . NOMEN DIOCLIS PANORMITA-
 NI . huic eidem Symmacho . Anneius Brochus senator ,
 homo eo splendore , ea uirtute , qua omnes existimatis ,
 nummos præter frumentum coactus est dare . Venerio
 ne seruo te Prætor talis uir , senator populi R . quasi ui-
 fuit ? hunc ordinē , si dignitate antecellere non existi-
 mas , ne hoc quidem sciebas , iudicare ? antea , cum eque-
 ster ordo iudicaret , improbi & rapaces magistratus in
 prouincijs inserviebant publicanis , ornabant eos , quicū-
 que in operis erant : quemcunque equitem R . in pro-
 uincia uiderant , beneficijs , ac liberalitate prosequen-
 bantur : neque tantum illa res nocentibus proderat ,
 quantum obsuit multis , cum aliquid contra utili-
 tatem eius ordinis , uoluntatemq; fecissent . retine-
 batur hoc tum nescio quo modo quasi communi con-
 silio ab illis diligenter , ut , qui unum equitem R . con-
 tumelia dignum putasset , ab uniuerso ordine malo
 dignus iudicaretur . tu sic ordinem senatorium de-
 spexisti , sic ad iniurias libidinesq; tuas omnia coe-
 quasti , sic habuisti statutum cum animo , ac deliberatū ,

Y iiij

LIBER V.

omnes, qui habitarent in Sicilia, aut qui Siciliam te Praetore attigissent, iudices reijcere: ut illud non cogitares, tamen ad eiusdem ordinis homines te iudices esse uenturum? in quibus, si ex ipsorum domestico incommodo nullus dolor insideret, tamen esset illa cogitatio, in alterius iniuria sese despectos, dignitatemque ordinis contemptam, et abiectam. quod mehercule iudices mihi non mediocriter ferendum uidetur: habet enim quendam aculeum contumelia, quem pati prudentes, ac uiri boni difficillime possunt. spoliasti Siculos: solent enim multi esse in iniurijs suis provinciales. uexasti negotiatores: inuicti enim Romam rarioque decedunt. equitem R. ad Apronij iniurias dedisti: quid enim iam nocere possunt, quibus non licet iudicare? quid, cum senatores summis iniurijs afficiantur? quid aliud dicis, nisi hoc? cedo mihi etiam istum senatorem: ut hoc amplissimum nomen senatorum non modo ad inuidiam imperitorum, sed etiam ad contumeliam improborum natum esse uideatur. neque hoc in uno fecit Anneio, sed in omnibus senatoribus, ut ordinis nomen non tantum ad honorem, quantum ad ignominiam ualeret. in C. Cassio, uiro clarissimo, et fortissimo, cum is eo ipso tempore, primo istius anno Cos. esset, tanta improbitate usus est, ut, cum eius uxor foemina primaria paternas haberet arationes in Leontino, frumentum omne in decumas auferre iusserit. hunc tu in hac causa testem Verres habebis, quoniam, iudicem ne haberes, prouidisti. uos autem iudices putare debetis, esse quiddam nobis inter nos commune, atque coniunctum. multa sunt imposita huic ordini munera, multi labores, multa pericula, non solum legum, ac iudiciorum, sed etiam rumorum, ac temporum. sic est hic ordo

quasi propositus, atque editus in altum, ut ab omnibus
 uentis inuidiæ circumflari posse uideatur. in hac misera,
 & indigna conditione uitæ ne hoc quidem retinebimus
 iudices, ut magistratibus nostris, in obtinendo iure nostro,
 ne contemptissimi, ac despectissimi esse uideamur? Ther-
 mitani miserunt, qui decumas emerent agri sui. magni
 sua putabant interesse, publice potius quamuis magno-
 emi, quam in aliquem istius emissarium incidere. apposi-
 tus erat Venuleius quidam, qui emeret. is liceri non desti-
 tit. illi, quoad uidebatur ferri aliquo modo posse, contem-
 derunt: postremo liceri destiterunt. addicitur Venuleio
 tritici mod. VII C. Legatus Possidorus renunciat. cum
 omnibus hoc intolerandum uideretur, tamen Venuleio
 datur, ne accedat, tritici mod. V I. præterea HS MM mil-
 lia: ex quo facile apparet, quæ merces Decumani, quæ
 Prætoris præda esse uideatur. cedo Thermitanorum mi-
 hi literas, et testimonium. TABULAE THERMI-
 TANORVM, ET TESTIMONIUM. Imacharenses iam omni frumento ablato, iam omnibus ini-
 iurijs suis exinanitos, tributum ferre miseros, ac perdi-
 tos coegisti, ut Apronio darēt HS XX millia. recita de-
 cretum de tributis, & publicum testimonium. S. C. DE
 TRIBUTO CONFERENDO. TESTI-
 MONIUM IMACHARENSIVM. En-
 nenses, cum decumæ uenissent agri Ennensis medimnū
 MMM CC, Apronio coacti sunt dare tritici mod.
 LXX MMM, & HS III millia. quæso attendite
 quancus numerus frumenti cogatur ex omni agro de-
 cumano. nam per omnes ciuitates, quæ decumas debent,
 percurrit oratio mea: & in hoc genere nūc iudices uere

LIBER V.

sor, in quo non sigillatim aratores euerſi bonis omnibus
 ſunt, ſed quæ publice Decumanis lucra data ſunt, ut ali-
 quando ex eorum agris, atque urbibus expleti, atq; ſatu-
 rati cum hoc cumulo queſtus decederent. Calatinis
 quamobrem imperaſti anno tertio, ut decumas agri ſui,
 quas Calatæ dare conſueuerant, Ameſtrati M. Caſio De-
 cumano darent? quod neq; ante te Prætorē illi fecerunt,
 neq; tu ipſe hoc ita ſtatueras antea per biennium. Theo-
 mnæſtus Syracuſanus in agrum Muticenſem cur abs te
 remiſſus eſt? qui aratores ita uexauit, ut illi in alteras
 decumas, id quod in alijs quoq; ciuitatibus oſtendam, tri-
 ticum emere neceſſario propter inopiam cogerentur.
 Iam uero ex Hyblenſium pactionibus intelligetis, quæ pa-
 ctæ ſint cum Decumano Cn. Sergio, ſexies tantum, quam
 quantum ſatum ſit, ablatum eſſe ab aratoribus. Reci-
 ta ſationes & pactiones ex literis publicis. recita ex lite-
 ris publicis. Cognoscite pactiones Menenorum cum Ve-
 nerio ſeruo. Recita ex literis publicis. cognoscite itē pro-
 feſſiones ſationum, & pactiones Menenorum. Recita ex
 literis publicis. Patiemiſi iudices, à ſocys, ab aratori-
 bus populi R. ab ijs, qui uobis laborāt, uobis ſeruiunt, qui
 ita plebem Romanam ab ſeſe ali uolunt, ut ſibi, ac liberis
 ſuis tantum ſuperſit, quo ipſi ali poſſint; ab his per ſum-
 mam iniuriam, per ſummas contumelias plus aliquanto
 ablatum eſſe, quam natum ſit? ſentio iudices moderan-
 dum mihi eſſe iam orationi meæ, fugiendamq; ueſtram
 ſatietatem: non uerſabor in uno genere diutius, & ita
 cætera de oratione mea tollam, ut in cauſa relinquam.
 audietis Agrigentinarum fortiffimorum uiroꝝ, dili-
 gentiffimorumq; querimonias: cognoscetis iudices En-

tellinorum summi laboris, summæq; industria, dolorem
 & iniurias: Heracliensium, Iciliensium, Aetnensium, So-
 lentinorum incômoda proferentur: Catinensium locu-
 pletissimorum hominum, amicissimorumq; agros uexa-
 tos ab Apronio cognoscetis. Tyndaritanam nobilissimam
 ciuitatem, Cephaleditanam, Halentinam, Apollonien-
 sem, Eggynam, Capitinâ perditas esse hac iniquitate De-
 cumanorum intelligetis: Murgentinis, Assorinis, Elori-
 nis, Ennensibus, Letinis nihil omnino relictum: Ciratari-
 nos, Acherinos, paruarum ciuitatum homines omnino
 abiectos esse, ac perditos: omnes denique agros decuma-
 nos per triennium populo R. ex parte decuma, C. Verri
 ex omni reliquo uectigales fuisse: & plerisq; aratori-
 bus nihil omnino superfuisse: quibus quod tum aut re-
 missum, aut relictum sit, id fuisse tantum, quantum ex eo,
 quo istius audritia cõtenta fuit, redundarit. duarum mi-
 hi ciuitatum reliquos feci agros iudices ferè optimos, ac
 nobilissimos, Aetnensiu, & Leontinoru. horum agrorum
 ego missos faciam quæstus triennij: unum annum eli-
 gam, quo facilius id, quod institui, explicare possim. su-
 mam annum tertium, q̃ & recentissimus est, & ab isto
 ita administratus, ut, cum se certe decessuru uideret, non
 laboraret, si aratore nullum in Sicilia omnino esset reli-
 cturus. agri Aetnensis, & Leontini decumas agemus. at-
 tendite iudices diligetèr. agri sunt feraces, annus tertius,
 Decumanus Apronius. de Aetnensibus per pauca dicam:
 dixerunt enim ipsi priore actione publice: memoria
 tenetis, Artemidorum Aetnensem, Legationis eius prin-
 cipem, publice dicere, Apronium uenisse Aetnam cum
 Veneris, uocasse ad se magistratum, imperasse, ut

LIBER V.

in foro sibi medio lecti sternerentur: quotidie solitū esse non modo in publico, sed etiā de publico conuiuari: cum in eis cōuiujs symphonia caneret, maximiq; poculis ministraretur, retinere solitum esse aratores, atq; ab ijs non modo per iniuriam, sed etiam per cōtumeliam tantum exprimi frumenti, quantum Apronius imperasset. audistis hæc iudices: quæ nunc ego omnia prætereo, ac relinquo. nihil de luxuria Apronij loquor, nihil de insolentia, nihil de singulari nequitia, ac turpitudine: tantum de quæstu, ac lucro dicam unius agri, et unius anni, quo facilius uos coniecturam de triennio, et de tota Sicilia facere possitis. sed mihi Aetnensium breuis est oratio: ipsi enim uenerūt: ipsi publicas literas deportarunt: docuerunt uos, quid lucelli fecerit homo nō malus, familiaris Prætoris, Apronius. id quæso ex ipsorū testimonio cognoscite. Recita testimoniū Aetnensium. quid ais? dic, dic quæso clarius, ut populus R. de suis uectigalibus, de suis aratoribus, de suis socijs, atque amicis audiat. L. M E D I M N A. per deos immortales. unius ager uno anno CCC millia mod. tritici, et præterea L. millia lucri dat Apronio? tanto ne minoris decumæ uenierunt, q̄ fuerunt: an, cum satis magno uenissent, hic tantus tamen frumētū, pecuniæq; numerus ab aratoribus per uim ablatu est? utrum enim horum dixeris, in eo culpa, et crimen hærebit. nam illud quidem nō dices: quod utinam dicas: ad Aproniū non peruenisse tantum. ita te nō modo publicis tenebo, sed etiā priuatis aratorū pactionibus, ac literis: ut intelligas nō te diligentiolem in faciendis furtis fuisse, quā me in deprehendendis. hoc tu feres? hoc quisquam defendet? hoc hi, si aliter de te statuere uoluerint, iusti-

nebunt? uno aduentu, ex uno agro Q. Apronium, præter eam, quam dixi, pecuniam numeratam, CCC millia mod. tritici lucri nomine sustulisse? quid? hoc Aetnenses soli dicunt? immo etiam Centuripini, qui agri Aetnensis multo maximam partem possident. quorum Legatis, hominibus nobilissimis, Androni, et Arthemoni senatus ea madata dedit, quæ publice ad ciuitatem ipsorum pertinebant. de ijs iniurijs, quas ciues Centuripini non in suis, sed in aliorum finibus acceperunt, senatus et populus Ceturipinus Legatos noluit mittere: ipsi aratores Ceturipini, qui numerus est in Sicilia maximus, honestissimorum, et locupletissimorum, tres Legatos ciues suos delegerunt, ut eorum testimonio non unius agri, sed propè totius Siciliae calamitates cognosceretis: arant enim tota Sicilia ferè Ceturipini: et hoc in te grauiores, certioresq; testes sunt, quod ceteræ ciuitates suis solum incommodis commouetur, Centuripini, quod in omnibus ferè finibus habent possessiones, etiam ceterarum ciuitatum damna, ac detrimenta senserunt. uerum, ut dixi, ratio certa est Aetnensium, et publicis, et priuatis literis consignata mea diligentia. pensum magis in Leontino agro est exigendum, propter hanc causam, quod ipsi Leontini publice non sanè me multum adiuuerunt: neq; enim eos isto Prætoris hæc Decumanorum iniuriæ læserunt, potius etiam adiunxerunt. mirum fortasse hoc uobis, aut incredibile uideatur, in tantis aratorum incommodis Leontinos, qui principes rei frumentariæ fuerunt, expertes incommodorum, atq; iniuriarum fuisse. hoc causæ est iudices, quod in agro Leontino, præter unam Mnasistrati familiam, glebam Leontinorum possideret nemo. itaque Mnasistrati hominis honestissimi, atque opti-

LIBER V.

mi uiri testimonium iudices audietis. ceteros Leontinos, quibus non modo Apronius in agris, sed ne tēpestas quidem ulla nocere potuit, expectare nolite: etenim nō modo incōmodi nihil ceperunt, sed etiam in Apronianis illis rapinis, in quāstu sunt, compendioq; uersati. quapropter, quoniā me Leontina ciuitas, atq; Legatio propter eā, quā dixi, causam defecit: mihi met inuenda ratio, et uia reperienda est, qua ad Apronii quāstum, siue ad eo qua ad istius ingētem immanemq; praeda possim peruenire. agri Leontini decumae anno tertio uenierunt tritici medimnis XXXVI, hoc est tritici mod. CCXVI, magno iudices, magno: neq; enim hoc possum negare: itaq; necesse est, aut damnū, aut certe non magnum lucrū fecisse Decumanū: hoc enim solet usu uenire us, qui magno redemerūt. quid, si ostēdo in hac una emptione lucri fieri tritici modios C? quid, si CC? quid, si CCCC? dubitabitis etiam, cui ista tanta praeda quāsitā sit? iniquū me esse quispiam dicet, qui ex lucri magnitudine cōiecturam faciā furti, atq; praeda. quid, si doceo iudices, eos, qui CCCC millia mod. lucri faciūt, damnū facturos fuisse, si, ut tua iniquitas fuit, ex cohorte Recuperatores non intercederent: num quis poterit in tanto lucro, tantāq; iniquitate dubitare, quin propter iniquitatē tam magnos quāstus feceris, propter magnitudinē quāstus improbus esse uolueris? quomodo igitur hoc assequar iudices, ut sciā, lucri quantum factum sit? nō ex Apronii tabulis, quas ego cum cōquirerem, nō inueni: et cū in ius ipsum eduxi, expressi ut, cōficere tabulas se, negaret. si mētiebatur: quamobrem remouebat, si hae tabulae nihil tibi erāt obfuturā? si omnino nullas confecerat literas: ne id qui-

dem satis significabat, illum nō suum negotium gessisse? ea est enim ratio decumarū, ut sine plurimis literis confici non possit: singula enim nomina aratorum, & cum singulis pactiones decumarū, literis persequi, & cōficere necesse est. iugera professi sunt aratores omnes imperio, atq; instituto tuo. nō opinor quenquam minus esse professum, q̄ quātum arasset, cum tot cruces, tot iudicia, tot ex cohorte Recuperatores proponerētur. in iugere Leontini agri medimnum ferē tritici seritur, perpetua, atque æquabili satione: ager efficit, cum octavo bene ut agatur: uerū, ut omnes di adiuuēt, cū decimo. quod si quādo accidit, tum fit, ut tantum decumæ sit, quātum seueris, hoc est, ut, quot iugera sunt sata, totidē medimna decumæ debeantur. hoc cum ita esset: primū illud dico, pluribus millibus medimnū uenisse decumas agri Leontini, quān quot millia iugerum sata erant in agro Leontino. quod si fieri nō poterat, ut plus quān decem medimna ex iugere ararent; medimnū autem ex iugere Decumano dari poterat, cum ager, id quod perraro euenit, cum decumo extulisset: quæ erat ratio Decumani, siquidem decumæ, ac non bona ueniebant aratorū, ut pluribus aliquanto medimnis decumas emeret, quān iugera erant sata? in Leontino iugerum subscriptio, ac professio non est plus XXX, decumæ XXXVI medimnum uenierunt. errauit, an potius insaniuit Apronius? immo tum insaniisset, si aratoribus, quod deberēt, licitum esset, & non, quod Apronius imperasset, necesse fuisset dare. si ostendo minus tribus medimnis in iugerū neminē dedisse decumæ: concedes opinor, ut cum decumo fructus arationis perceptus sit, neminem minus tribus decumis

LIBER V.

dedisse. atque hoc in beneficij loco petatum est ab Apronio, ut iugera singula ternis medimnis decidere liceret. nā cum à multis quaterna, etiam quina exigercntur; multis autem nō solum granum ullum, sed ne palea quidem ex omni fructu, atq; ex annuo labore relinquercntur: tum aratores Centuripini, qui numerus in agro Leontino maximus est, unum in locum conuenerunt, hominem suæ ciuitatis in primis honestum, ac nobilem Andronem Centuripinum legarunt ad Apronium, eundem, quē hoc tempore ad hoc iudicium Legatū et testem Centuripina ciuitas misit; ut is apud eum causam aratorum ageret, ab eoq; peteret, ut ab aratoribus Centuripinis ne amplius in iugera singula, quā terna medimna exigeret. hoc uix ab Apronio in summo beneficio, pro ijs qui etiam tum incolumes erāt, impetratum est. id cum impetrabatur, hoc uidelicet impetrabatur, ut pro singulis decumis ternas decumas dare liceret. quōd si tua res non ageretur, à te potius postularēt, ne amplius quā singulas, quā ab Apronio, ut ne plus, quā ternas decumas darent. nunc, ut hoc tempore ea, quæ regie, seu potius tyrannice statuit in aratores Apronius, prætermittam, neq; eos appellem, à quibus omne frumentum eripuit, et quibus nihil nō modo de fructu, sed ne de bonis quidem suis reliqui fecit: ex his ternis medimnis (quod beneficij, gratiæq; causa cōcessit) quid lucri fiat, cognoscite. professio est agri Leontini ad iugera XXX mil. hæc sunt ad tritici medimna XC idest tritici mod. D XL millia. deductis tritici mod. CCXVI quanti decumæ uenierunt, reliqua tritici CCCXXIII. adde totius summæ D XL millia mod. tres quinquagesimas, idest tritici mod. XXXII

CCCC.

CCC
ma
trici
duo
licet
prom
multi
mā, for
XC
exem
mag
dio p
mas
effec
uoc
am
lus B
rum
Ve
tas
T
cio
don
tus
der
ger
mor
quid
mag
fili

CCCC. ab omnibus enim ternæ, præterea quinquagesimæ exigebantur. sunt hæc iam ad HS CCCXL mod. tritici. at ego CCCC lucri facta esse dixeram: non enim duco in hac ratione eos, quibus ternis medimnis non est licitum decidere. uerum ut hac ipsa ratione summā mei promissi cōpleam, ad singula medimna multi HS duo, multi HS quinque accessionis cogebantur dare: qui minimū, singulos nummos. hoc minimū ut sequamur, quoniā XC medimnas duximus: accedant eodē nouo, pessimoq; exemplo ad HS XC mil. hic mihi etiam dicere audebit, magno se decumas uendidisse, cum ex eodem agro, dimidio plus abstulerit, q̄ populo R. miserit. CCXVI decumas agri Leontini uendidisti: si ex lege, magno: si, ut lex esset libido tua, paruo: si, ut, quæ dimidiæ essent, decumæ uocaretur, paruo uendidisti: multo enim pluris fructus annui Siciliæ uenire potuerunt, si id te senatus, aut populus R. facere uoluisset: etenim sæpe decumæ tanti uenerunt, cum lege Hieronica uenirent, quanti nunc lege Verrea uenerunt. cedo mihi C. Norbani decumas uenditas C. NORBANI DECUMAE VENDITAE AGRI LEONTINI. atq; tum neq; iudicium de modo iugerum dabatur: neq; enim erat Artemidorus Cornelius Recuperator: neq; ab aratore magistratus Siculus tantum exigebat, quātum Decumanus ediderat: nec beneficium petebatur à Decumano, ut in iugera singula ternis medimnis decidere liceret: nec nummorum accessionem cogebatur arator dare, nec ternas quinquagesimas frumenti addere: & tamen populo R. magnus frumenti numerus mittebatur. quid uero istæ sibi quinquagesimæ? quid porro nummorum accessio=

Cic. Orat.

Z

LIBER V.

nes uolunt? quo id iure, atq; adeo quo id potius ore feci-
 sti? nummos dabat arator. quomodo? aut unde? qui, si lar-
 gissimus esse uellet, cumulatione mensura uteretur, ut an-
 tea solebant facere in decumis, cum æqua lege, & condi-
 tione ueniebant. is nummum dabat. unde? de frumento?
 quasi habuisset te Prætor quod uederet. de uiuo igitur
 erat aliquid refecandum, ut esset, unde Apronio ad illos
 fructus arationum hoc corollarium nummorum adde-
 retur. iam id porro' utrum libentes, an inuiti dabant? li-
 bentes? amabant credo Apronium. inuiti? qua re, nisi ui,
 & malo cogebantur? iam iste homo amentissimus in uen-
 dundis decumis nummorum faciebat accessiones ad sin-
 gulas decumas: neq; multum, bina aut terna millia adde-
 bat. fiunt per triennium HS fortasse D millia. hoc neq;
 exemplo cuiusquam, neq; ullo iure fecit: neq; eam pecu-
 niam retulit: neq; hoc paruum crimen quemadmodum
 defensor sit, homo quisquam unquā excogitauit. quod
 cum ita sit: audes dicere te magno decumas uendidisse?
 cum sit perspicuum, te bona, fortunasq; aratorum, non
 populi R. sed tui quæstus causa uendidisse. ut, si quis uil-
 licus ex fundo, cui HS dena merces esset, excisis arbori-
 bus, ac uenditis, demptis tegulis, instrumento, pecore ab-
 alienato, domino XX millia nummū pro X miserit,
 sibi alia præterea centū confecerit: primo dominus igna-
 rus incommodi sui gaudeat, uillicoq; delectetur, quod tā-
 to sibi plus mercedis ex fundo refectum sit; deinde cum
 audierit, eas res, quibus fundi fructus, & cultura conti-
 nentur, amotas, & uenditas, summo supplicio uillicum
 afficiat, & secum male actum putet: item populus R. cū
 audit pluri decumas uendidisse C. Verrem, quā inno-

centissimum hominē, cui iste successit, C. Sacerdotem, pu-
 rat se bonum in arationibus, fructibusq; suis habuisse cu-
 stodem, ac uillicum: cum senserit istum omne instrumen-
 tum aratorum, omnia subsidia uectigalium uendidisse,
 omnem spem posteritatis auaritia sua sustulisse, aratio-
 nes, & agros uectigales uastasse, atq; exinanisse, ipsum
 maximos quæstus, prædasq; fecisse, intelliget secum actū
 esse pessime, istum autem summo supplicio dignum exi-
 stimabit. unde ergo hoc intelligi potest? ex hoc maxime,
 q̄ ager decumanus prouinciæ Siciliæ propter istius aua-
 ritiam desertus est. neq; id solum actum est, uti hi minus
 multis iugis arent, si qui in agris remanserunt; sed etiam,
 ut permulti locupletes homines, magni, et naui aratores
 agros latos, ac fertiles desererent, totasq; arationes dere-
 linquerent. id adeo sciri facillime potest ex literis publi-
 cis ciuitatum: propterea q̄ lege Hieronica numerus ara-
 torū quotannis apud magistratus publice subscribitur.

Recita tandem, quot acceperit aratores agri Leontini
 Verres. OCTVAGINTA TRES. quot anno ter-
 tio profiteantur. TRIGINTA DVO. unum &
 quinquaginta aratores ita uideo deiectos, ut his ne uica-
 ry quidem successerint. quot aratores adueniente te fue-
 runt agri Muticēsis, uideamus ex literis publicis. CEN-
 TVM OCTVAGINTA OCTO. quid? anno
 tertio? CENTVM ET VNVS. octuaginta septē
 aratores unus ager istius iniuria desiderat, atq; adeo no-
 stra Resp. quoniam illa populi R. uectigalia sunt, hūc tot
 patrūfamilias numerū desiderat, et reposcit. ager Herbi-
 cēsis primo anno habuit aratores ducētos quinquaginta se-
 ptē, tertio centū uiginti. hinc cētū triginta septē patres fa-

LIBER V.

milias extorres profugerūt. Agyrinensis, ager quorū ho=
 minum? q̄ honestorum? quā locupletū? ducentos quin=
 quaginta aratores habuit primo anno Præturae tuæ. qd
 tertio anno? octuaginta, quemadmodū Legatos Agyri=
 nenses recitare ex publicis literis audistis. pro' dī immor=
 tales, si ex prouincia tota centum septuaginta eiecisses,
 posses ne seueris iudicibus saluus esse? unus ager Agyri=
 nensis centum septuaginta aratoribus inanior cum sit,
 uos coniecturam totius prouinciæ non facietis? atq; hoc
 peræque in omni agro decumano reperietis: quibus ali=
 quid tamen reliqui fuerit ex magno patrimonio, eos in
 agris minore instrumēto, minus multis iugis, minores re=
 mansisse, quod metuebant, si recessissent, ne reliquas for=
 tunas omnes amitterent: quibus autem iste nihil reliqui,
 quod perderent, fecerat, eos planè non solum ex agris,
 uerum ex ciuitatibus suis profugisse. illi ipsi, qui reman=
 serant, uix decuma pars aratorū, relicturi agros omnes
 erant, nisi ad eos Metellus Roma literas misisset, decumas
 lege Hieronica uenditurum; & nisi ab ijs hoc petiuisset,
 ut sererent quamplurimum: quod illi semper sua causa
 fecerant, cum eos nemo rogaret, quandiu intelligebant
 sese sibi, & populo R. non Verri, & Apronio serere, im=
 pendere, laborare. iam uero si Siculorum fortunas negli=
 gitis; si, quemadmodum socij populi R. à magistratibus
 nostris tractentur, non laboratis: at uos communem po=
 puli R. causam suscipite, atq; defendite. eiectos aratores
 esse dico: agros uectigales uexatos, atq; exinanitos à Ver=
 re: populatam, uexatamq; prouinciā: hæc omnia doceo
 ciuitatum, & priuatis primariorum uirorū testimonijs.
 quid uultis amplius? num expectatis, dum L. Metellus, is,

qui multos in istū testes imperio, & potestate deterruit, idē absens de istius scelere, improbitate, audacia testimonium dicat? non, opinor. at is optime, qui successit isti, potuit cognoscere. ita est, uerum amicitia impeditur. at debet nos certiores facere, quo pacto se habeat provincia. debet, uerūtamen non cogitur. num quis in Verrem L. Metelli testimonium requirit? nemo. num quis postulat? non, opinor. quid, si testimonio L. Metelli, ac literis hęc omnia uera esse docebo? quid dicetis? utrum, Metellum falsum scribere, an amicum lādendi esse cupidum? an Prætozem, quemadmodum prouincia affecta sit, nescire? Recita literas L. Metelli, quas ad Cn. Pompeiū, et M. Crassum Coss. quas ad M. Mumium Præt. quas ad Quæstores Urbis misit. EPISTOLA L. METELLI. DE CVMAS FRUMENTI LEGE HIERONICA VENDIDI. cum scribit se lege Hieronica uendidisse, quid scribit? ita se uendidisse, ut omnes præter Verre. cū scribit lege Hieronica uendidisse, qd scribit? se, per istum erepta, Siculis maiorū nostrorum beneficia, ius ipsorū, conditionē societatis, amicitia, fœderū reddidisse. dicit, quāti cuiusq; agri decumas uendiderit. deinde quid scribit? Recita de epistola reliqua. SVMMA DATA EST OPERA A ME, VT QVAMPLVRIMO DECUMAS VENDEREM. cur igitur Metelle non ita magno uendidisti? quia desertas arationes, inanes agros, prouinciā miserā, perditamq; offendi. quid? id ipsum, quod satū est, qua ratione quisq;, qui sereret, inuētus est? Recita literas. ait se misisse, & cōfirmasse, suā interposuisse auctoritatē. tantū quod aratoribus Metellus obfides nō dedit, se in nulla re Verri simi

LIBER V.

lem futurū. at quid est tandē, in quo se laborasse dicat?
 Recita. VT ARATORES, QVI RELIQVI
 ERANT, QVAMPLVRIMVM SERE=
 RENT. qui reliqui? quid hoc est? reliqui, quo ex bello?
 qua ex uastitate? quānā in Sicilia tanta clades, aut quod
 bellū tam diuturnum, tam calamitosum te Pratore uer=
 satum est, ut is, qui tibi successerit, reliquos aratores colle=
 gisse, & recreasse uideatur? cum bellis Carthaginensibus
 Sicilia uexata est, & post nostram, patrumq; memoriā
 cum bis in ea prouincia magnæ fugitiuorum copiae uer=
 satae sint: tamen aratorum internicio facta nulla est. tū
 semente prohibita, aut messe amissa, fructus annuus in=
 teribat: tamē incolumis numerus manebat dominorum,
 atq; aratorum. tum qui M. Leuino, aut P. Rupilio, aut
 M. Aquilio Prætoribus in eam prouinciam successerant,
 aratores reliquos non colligebant. tanto ne plus Verres
 cum Apronio prouinciæ Siciliæ calamitatis importauit,
 quā aut Hasdrubal cum Pænorū exercitu, aut Athe=
 nio cum fugitiuorum maximis copijs, ut temporibus il=
 lis, simul atq; hostis superatus eēt, ager araretur omnis,
 neq; aratori Prætor per literas supplicaret, neq; eū præ=
 sens oraret, ut quamplurimum sereret: nunc autem ne
 post abitum quidem huius importunissimæ pestis quis=
 quam reperiretur, qui sua uoluntate araret? pauci essent
 reliqui, qui L. Metelli auctoritate in agros, atq; ad suum
 larem familiarem redirent? his te literis homo audacissi=
 me atq; amentissime iugulatum sentis? nō uides, cum is,
 qui tibi successit, aratores reliquos appellet, hoc eū diser=
 te scribere, reliquos hos esse, nō ex bello, neq; ex aliqua hu=
 iusmodi calamitate, sed ex tuo scelere, importunitate, a=

uauitia, crudelitate? Recita cetera. TAMEN PRO
EO, UT ET TEMPORIS DIFFICVL-
TAS, ARATORVM QVE PENVRIA TV-
LIT. aratorum, inquit, penuria. si ego accusator toties
de re eadem dicerem, uererer ne animos uestros offende-
rem iudices. clamat Metellus: Nisi literas misissem: nō est
satis: Nisi presens confirmassem: ne id quidem satis est. Re-
liquos, inquit, aratores. reliquos? propē lugubri uerbo ca-
lamitatem provinciae Siciliae significat. addit: Aratorum
penuria. expectate etiam iudices, si potestis, auctoritatem
accusationis meae. dico aratores istius auaritia eieetos: scri-
bit Metellus reliquos ab se esse cōfirmatos. dico agros re-
lictos, arationesq; desertas esse: scribit Metellus aratorum
esse penuriam. hoc cum scribit, illud ostēdit, deieetos, eie-
etos, fortunis omnibus expulsos esse populi R. socios, atq;
amicos. quibus si qua calamitas propter istum saluis ue-
etigalibus nostris accidisset: animaduertere in eum uos
oportebat, praesertim cum ea lege iudicaretis, quae so-
ciorum causa esset constituta. cum uero perditis, pro-
fligatisq; socijs ueetigalia populi R. sint diminuta, res
frumentaria, commeatus, copiae, salus urbis, atque
exercituum nostrorum in posteritatem istius auaritia
interijt: saltem commoda uestra respicite, si socijs fide-
lissimis prospicere non laboratis. Atque ut intelligatis
ab isto praelucro, praedaq; praesenti nec ueetigalium, nec
posteritatis habitam esse rationem: cognoscite, quid ad
extremum scribat Metellus. in reliquum tempus ait se
ueetigalibus prospexisse. non scriberet se ueetigali-
bus prospexisse, nisi hoc uellet ostendere, te ueeti-
galia perdidisse: quid enim erat, quod ueetigalibus

LIBER V.

prospiceret Metellus in decumis, & in tota re frumenta-
ria, si iste non uectigalia populi R. suo quaestu peruertis-
set? atq; ipse Metellus, qui uectigalibus prospicit, qui reli-
quos aratores colligit, quid assequitur, nisi hoc? ut arent,
si qui possunt, quibus aratru saltem aliquod satelles istius
Apronius reliquum fecit: qui tamē in agris spe, atq; ex-
pectatione Metelli remanserunt. quid ceteri Siculi? quid
ille maximus numerus aratorum, qui nō modo ex agris
eiekti sunt, sed etiam ex ciuitatibus suis, ex provincia, de-
niq; bonis, fortunisq; omnibus ereptis profugerunt: qua
ratione ū reuocabuntur? quot Pratorum innocentia, sa-
pientiāq; opus est, ut illa aratorum multitudo aliquan-
do in suis agris, ac sedibus collocetur? ac ne miremini tan-
tam multitudinem profugisse, quantam ex literis publi-
cis, aratorumq; professionibus cognouistis: scitote tātam
acerbitatem istius, tantum scelus in aratores fuisse (incre-
dibile dictu est indices: sed & factū, & tota Sicilia per-
uulgatum) ut homines propter iniurias, licentiamq; De-
cumanorum mortem sibi ipsi consciuerint. Centuripinū
Dioclem, hominem locupletem, suspendisse se constat, quo
die sit ei nuntiatum Apronium decumas redemisse. Dyr-
rachinum primum ciuitatis eadem ratione mortem op-
petisse, dixit apud uos homo nobilissimus Archonidas E-
lorinus, cum audisset tantum Decumanū professum esse
ex edicto istius sibi deberi, quantum ille bonis suis omni-
bus efficere nō posset. hæc tu, tametsi omnium hominum
dissolutissimus, crudelissimusq; semper fuisti, tamen nun-
quam perpeterere, quod illi gemitus, luctusq; provincie
ad tui capitis periculum pertinebant, non inquam perpe-
terere, ut homines iniuriæ tuæ remedium morte, ac su-

spendio quærent, nisi ea res ad quæstum, & ad præ-
 dam tuam pertineret. quid? illud perpetere? attendite
 iudices: omnibus enim nervis mihi cõtendendum est, atq;
 in hoc laborandum, ut omnes intelligant, quàm impro-
 bam, quàm manifestam, quàm confessam rē pecunia re-
 dimere contentur. graue crimen est hoc, & uehemens, &
 post hominum memoriam, iudiciaq; de pecunijs repetun-
 dis cõstituta grauissimum, Prætorem populi R. socios ha-
 buisse Decumanos. nō hoc nunc primum audit priuatus
 de inimico, reus ab accusatore: iam antea in sella sedens
 Prætor, cum prouinciā Siciliam obtineret, cū ab omni-
 bus nō solum id, quod cōmune est, propter imperium, sed
 etiam id, quod istius præcipuū est, propter crudelitatem
 metueretur; millies audiuit, cum eius animū ad perse-
 quendū non negligentia tardaret, sed cōscientia sceleris,
 auaritiāq; suā frenaret. loquebātur enim Decumani pa-
 lām, & præter ceteros is, qui apud istum plurimū pote-
 rat, maximosq; agros populabatur, Apronius: per paruū
 ex illis magnis lucris ad sese peruenire, Prætorem esse so-
 cium. hoc cū palām Decumani tota prouincia loqueren-
 tur, tuumq; nomē in re tam turpi, nefariāq; interpone-
 rent: nihil ne tibi uenit in mētem existimationi tuæ con-
 sulere? nihil deniq; capiti, ac fortunis tuis providere? cū
 tui nominis terror in auribus, animisq; aratorum uersa-
 retur; cum Decumani aratoribus ad pactiones facien-
 das non suam uim, sed tuū scelus, ac nomen opponerent:
 ecquod iudiciū Romæ tam dissolutum, tam perditū, tam
 nummarium fore putasti, quo ex iudicio te ulla salus ser-
 uare posset? cum planū fieret, decumis contra instituta,
 legis, cōsuetudinēq; omniū uenditis, in aratorum bonis

LIBER V.

fortunisq; diripiēdis Decumanos dictitasse tuas esse par-
 tes, tuam rem, tuā prædam, idq; te tacuisse, & cum dissi-
 mulare non posses, potuisse tamen perpeti, & perferre,
 quod magnitudo lucri obscuraret periculi magnitudi-
 nem, plusq; aliquanto apud te pecuniæ cupiditas, quàm
 iudicij metus posset. esto: cætera negare non potes. ne
 illud quidem tibi reliquum fecisti, ut hoc posses dicere,
 nihil eorum te audisse, nihil ad tuas aures de infamia
 tua peruenisse. querebantur cum luctu, & gemitu ara-
 tores. tu id nesciebas? fremebat tota provincia. nemo
 id tibi renuntiabat? Romæ querimoniæ de tuis iniurijs,
 conuentusq; habebantur. ignorabas hæc? ignorabas hæc
 omnia? quid? cum palàm Syracusis te audiente, maxi-
 mo conuentu, P. Rubrius Q. Apronium sponsione la-
 cessiuit, ni Apronius dictitaret, te sibi in decumis esse so-
 cium, hæc te uox non perculit? non perturbauit? non,
 ut capiti, et fortunis tuis prospiceres, excitauit? tacuisti,
 sedasti etiā lites illorū: & sponsio illa ne fieret, laborasti.
 prò dij immortales, hoc aut innocēs homo perpeti potuif-
 set, aut, quāuis nocēs, qui modo iudicia Romæ forē putaret,
 nō aliqua se simulatione existimationi hominū uindicas-
 set? quid est hoc? spōsio fit de capite, ac fortunis tuis: tu
 sedes? & quiescis? nō persequeris? nō perseueras? nō
 perquiris, cui dixerit Apronius? quis audierit? unde hoc
 natum? quemadmodū prolatū sit? si quis tibi ad aurem
 accessisset, & dixisset Aproniū dictitare, te sibi esse sociū:
 cōmoueri te oportuit, uocare Aproniū, nec illum ante ti-
 bi satisfacere, q̄ tu omniū existimationi satisfacisses. cum
 uero in foro celeberrimo, tanta frequētia, hoc uerbo, &
 simulatione Apronio, re uera tibi obiectum esset: tu un-

quam tantam plagam tacitus accipere potuisses, nisi hoc ita statuisses, in re tã manifesta, quicquid dixisses, te deterius esse facturum? Quæstores, Legatos, Præfectos suos, Tribunos multi missos fecerunt, et de prouincia decedere iusserunt, quòd eorum culpa se minus cõmode audire arbitrarentur, aut q̃ peccare illos aliqua in re iudicarent. tu Apronium, hominem uix liberum, cõtaminatum, perditum, flagitiosum, qui nò modo animum integrum, sed ne animam quidem puram conseruare potuisset, eum in tanto tuo dedecore profecto ne uerbo quidẽ grauiore appellasses, neq; apud te tã sancta religio societatis fuisset, ut tui capitis periculum negligeres, nisi rem tam notam esse omnibus, et tam manifestam uideres. cum eodem Apronio postea P. Scandilius eques R. quem uos omnes nostis, eandem sponsonem de societate fecit, quam Rubrius facere uoluerat. institit, oppressit, nò remisit: facta est sponso HS V mil. cœpit Scandilius Recuperatores, aut iudicem postulare. satis ne uobis Pratori improbo circumdati cœcelli uidetur in sua prouincia, immo uero in sella, ac tribunali, ut aut de suo capite iudiciũ fieri patiatur præsens, ac sedens, aut cõfiteatur se omnibus iudicis cõuinci necesse esse? sponso est, ni te Apronius in decumis sociũ esse dicat: prouincia tua est: ades: abs te iudiciũ postulatur. quid facis? quid decernis? Recuperatores dicis te daturũ. bene agis. tametsi qui erunt tãtis ceruicibus Recuperatores, qui audeant in prouincia, cũ Prætor adsit, nò solum cõtra uoluntatem eius, sed etiã cõtra fortunas iudicare? uerũ esto, manifesta res est: cũ nemo esset, quin hoc se audisse liquido diceret; locupletissimus quisq; certissimus testis esset: nemo erat Sicilia tota, qui

LIBER V.

nesciret decumas esse Prætoris nemo, qui non audisset, ita Apronium dictitasse. præterea conuentus honestus Syracusis, multi equites R. uiri primarij, ex qua copia Recuperatores reijci oporteret, qui aliter iudicare nullo modo possent. instat Scandilius poscere Recuperatores. tum iste homo innocens, qui illam suspensionē leuare, atq; ab se remouere cuperet, Recuperatores dicit se de cohorte sua daturum. prò deū hominumq; fidem, quem ego accuso? in quo meam industriā, ac diligentiam spectari uolo? quid est, quod ego dicendo, aut cogitando efficere, aut assequi debeam? teneo in medys uetigalibus populi R. in ipsis fructibus prouinciæ Siciliæ furem manifesto auertentem rem frumentariam omnem, pecuniam maximam: teneo inquam ita, ut negare non possit: nam quid hic dicet? sponsio facta est cum cognitore tuo Apronio de fortunis tuis omnibus, ni sociū tibi in decumis esse dictitaret. expectant omnes, quāta tibi ea res curæ sit, quemadmodum hominū existimationi te, atq; innocentiam tuam probari uelis. hic tu medicū, & aruspitem, et præconem tuum Recuperatores dabis? aut etiam illum ipsum, quē tu in cohorte tua Cassianum iudicem habebas, si qua res maior esset, Papiriū Potamonem, hominem seuerum, ex uetere illa equestri disciplina. Scandilius postulare de cōuentu Recuperatores. tum iste negat se de existimatione sua cuiquā nisi suis cōmissurum. negotiatores putāt esse turpe, id forum sibi iniquum eiurare, ubi negotientur. Prætor prouinciam suam totam sibi iniquā eiurat. ò impudentiam singularē. hic postulat se Romæ absolui, qui in sua prouincia iudicauit se absolui nullo modo posse, qui plus existimet apud lectissimos senatores pecuniam, q̄

apud tres negotiatores metū ualere. Scandilius uero negat sese apud Artemidorum Recuperatorem uerbū esse facturum, & tamen auget, atq; onerat te bonis cōditionibus, si tu uti uelis. si ex provincia Sicilia tota statuas idoneū iudicem, aut Recuperatorem nullum posse reperiri, postulat à te, ut Romā reijcias. hic enim uero tu exclamas, hominem improbū, qui postulet ibi de tua existimatione iudiciū fieri, ubi te inuidiosum esse intelligebat: negas te Romam reiecturum: negas de cōuentu Recuperatores daturū, cohortem tuā proponis. Scandilius rem se totam relicturū dicit, & suo tempore esse rediturum. quid tu ibi tum? quid facis? Scādiliū cogis: quid? spon- sionem acceptam facere? impudenter tollis expectatum existimationis tuæ iudiciū. non facis. quid ergo? Apronio permittis, ut, quos uelit, de cohorte sumat Recuperatores? indignū, unī potius ex iniquis sumendi, quā utrisq; ex æquis reijciendi fieri potestatem. neutrum facis eorum. quid ergo? est aliquid, quod improbius fieri potest: cogit enim Scandiliū quinq; illa millia nummū dare, atq; adnumerare Apronio. quid potuit elegātius facere Prator cupidus existimationis bonæ, qui ab sese omnē sufficionē propulsaret, qui se eripere ex infamia cuperet? aduētus erat in sermonem, inuidiam, uituperationem: dictitabat homo improbus, atq; impurus Apronius, socium esse Præ- torem: uenerat res in iudicium, atq; discrimen: potestas erat isti hominī integro, atq; innocenti data, ut, in Apro- nium cum animaduertisset, sese grauissima leuaret infa- mia. quid excogitat pænæ? quid animaduersionis in Apronium? cogit Scandilium Apronio ob singularem improbitatem, atq; audaciam, prædicationemq; nefarie

LIBER V.

Societatis, HS V millia mercedis nomine, ac præmij dare. quid interfuit homo audacissime, utrum hoc decerneres, an id, quod Apronius dictitabat, tu de te proferres, ac di-
 ctitares? quem hominem, si quis pudor in te, atq; adeo si quis metus fuisset, sine supplicio dimittere nō debuisti, hunc abs te sine præmio discedere noluiisti. omnia simul intelligere potuistis iudices ex hoc uno crimine Scandiliano: primum, hoc non esse Romæ natum de societate decumarum, non ab accusatore fictum, non, ut solemus interdum in defensionibus dicere, crimen domesticum, ac uernaculum, non ex tempore periculi tui cōstitutum, sed uetus, excogitatū iam, & te Prætorē iactatum, & nō ab inimicis Romæ cōpositum, sed Romam de prouincia exportatum. simul intelligi potest illud istius in Apronium studium, Apronij de isto nō modo cōfessio, uerum etiam cōmemoratio. eodem accedit, quōd hoc quoq; intelligere potestis, istum statuissē in prouincia sua, existimationis suæ iudicium extra cohortem suam cōmittendum fuisse nemini. ecquis est iudex, cui non ab initio decumani criminis persuasum sit, istum in aratorū bona, fortunasq; impetū fecisse? quis hoc non ex eo statim iudicauit, quod ostendi, istum decumas noua lege, atque adeo nulla lege, contra omnium cōsuetudinem, atq; instituta uendidisse? uerum, ut istos ego iudices tam seueros, tam diligentes, tam religiosos nō haberem, ecquis est, ex iniuriarum magnitudine, improbitate decretorū, iudiciorum iniquitate qui hoc non iandudū statuerit, & iudicarit? etiam sanè, sit aliquis dissolutior in iudicando, legum, officij, Reip. sociorum, atq; amicorum negligentior. quid is? possit ne de istius improbitate dubitare, cum tanta lucra facta, tam

iniquas pactiones ui, et metu expressas cognouerit? cum tanta præmia, ciuitates ui, atq; imperio, uirgarū, ac mortis metu nō modo Apronio, atq; eius similibus, uerū etiā Venerijs seruis dare coactas? q̄ si quis sociorū incōmodis minus mouetur; si quem aratorū fugæ, calamitates, exilia, suspēdia deniq; nō permouent: nō possum dubitare, quin is tamē, cum uastatā Siciliā, relictos agros ex ciuitatū literis, et epistola L. Metelli cognouerit, statuatur fieri nō posse, ut de isto nō seuerissime iudicetur. erit etiā aliquis, qui hæc omnia dissimulare, ac negligere possit. attuli spōsiones ipso præsente factas de decumarum societate, ab ipso prohibitas iudicari. quid est, quod posset quisq; manifestius hoc desiderare? nō dubito, quin uobis satisfecerim iud. uerūtamen progrediar longius: nō me hercule quo magis hoc uobis persuadeatur, q̄ iam persuasum esse cōfido: sed ut ille aliquādo impudentiæ suæ finem faciat, aliquādo desinat, ea se putare posse emere, quæ ipse semper habuit uenalia, fidē, iusiurandū, ueritatem, officiū, religionem; desinant amici eius ea dictitare, quæ detrimento, maculæ, inuidiæ, infamiæ nobis omnibus esse possint. at qui amici? ò miserum, atque inuidiosum, offensumq; paucorum culpa, atque indignitate ordinem senatorium. Albam Aemilium sedentem in faucibus macelli loqui palam, uicisse Verrem, emptos habere iudices, alium HS CCCC millibus, alium HS D; quem minimo, CCC? atq; ei cum responsum esset, fieri non posse, multos testes esse dicturos, me præterea causæ non defuturum: licet hercules, inquit, omnes omnia dicant: in illo nisi ita res manifesta erit allata, ut responderi nihil possit, uicimus, bene agis Alba: ad tuam

LIBER V.

ueniam conditionem. nihil putas ualere in iudicijs coniecturam, nihil suspicionem, nihil anteaetæ uitæ existimationem, nihil bonorum uirorum testimonia, nihil ciuitatum auctoritates, ac testimonia, literas manifestas quaeris. non quaero iudices Cassianos, ueterem iudiciorum seueritatem non requiro: uestram in hoc fidem, dignitatem, religionem in iudicando non imploro: Albam habeo iudicem, eum hominem, qui se ipse scurræ improbißimum existimari uult, qui à scurris potius semper gladiator, quàm scurræ appellatus sit. afferam rem eiusmodi in decumis, ut Alba fateatur, istum in re frumentaria, & in bonis aratorum aperte, palamq; esse prædatum.

Decumas agri Leontini magno dicit se uendidisse. ostēdi iam illud initio, non existimandum magno uendidisse eum, qui uerbo decumas uendiderit, re, & conditione, & lege, & edicto, et licentia Decumanorum decumas aratoribus nullas reliquas fecerit. etiam illud ostendi, uendidisse alios magno decumas agri Leontini, ceterorumq; agrorum, & lege Hieronica uendidisse, & pluris etiam, quàm te, uendidisse, nec aratorem quenquā esse questum: nec enim fuit quod quisquā queri posset, cum lege æquissime scripta uenirent. neq; illud unquam aratoris inter fuit, quanti decumæ uenirent: non enim ita est, ut, si magno uenierint, plus arator debeat; si paruo, minus. ut frumenta nata sunt, ita decumæ ueneunt. aratoris autē interest, ita se frumenta habere, ut decumæ quamplurimo uenire possint. dū arator ne plus decuma det, expedit ei decumæ esse q̄ maximā. uerū hoc, ut opinor, esse uis caput defensionis tuæ, magno te decumas uendidisse, agri uero Leontini, qui plurimum efficit, tritici mod. CCVI millibus

millibus. si doceo, pluris aliquanto potuisse te uedere, neque his uoluisse addicere, qui contra Apronium licerentur, & Apronio multo minoris, quàm alijs potueris, tradidisse: si hoc doceo, poterit ne te Alba, tuus antiquissimus non solum amicus, uerum etiam amator, absolueret? dico equitem R. hominem in primis honestum, Q. Minutium cum sui similibus, ad decumas agri Leontini tritici mod. non M, non MM, non MMM, sed ad unas unius agri decumas tritici mod. XXX uoluisse addere, & ei potestatem emendi non esse factam, ne res abiret ab Apronio. negare hoc, nisi forte negare omnia constituisti, nullo modo potes. palam res gesta est, maximo conuentu, Syracusis: testis est tota prouincia, propterea quod undique ad emendas decumas solent eo conuenire. quod siue fateris, siue conuinceris: quot & quam maximis in rebus teneare, non uides? primum tuam rem illam, & praedam fuisse: nam nisi ita esset, cur tu Apronium malebas, quem omnes tuum procurare in decumis negotium loquebantur, quam Minutium decumas agri Leontini sumere? deinde immensum, atque infinitum lucrum esse factum: nam si DXXX mod. tritici tu commotus non esses, certe hoc idem lucri Minutius Apronio libenter dedisset. si ille accipere uoluisset. quantam igitur illi spem praedae propositam arbitramur fuisse, qui tantum praesens lucrum nulla opera insumpta contempserit, atque despexerit? deinde ipse Minutius nunquam tanti habere uoluisset, si decumas tu lege Hieronica uenderes: sed quod tuis nouis edictis, & iniquissimis institutis plus aliquanto se, quam decumas ablaturum uidebat, iccirco longius progressus est. at Apronio semper plus etiam multo abs te permissum est, quam quod

Cic. Orat.

A A

LIBER V.

edixeras. quātum igitur quāstum putamus factum esse per eum, cui quiduis licitum sit, cum tantum lucri uoluerit addere is, cui, si decumas emisset, idem non liceret? postremo illa quidem certe tibi praecisa defensio est, in qua tu semper omnia tua furtiva, atque flagitia latere posse arbitratus es: magno te decumas uendidisse, plebi R. consuluisse, annonae prospexisse. non potest hoc dicere is, qui negare non potest, se unius agri decumas XXX mod. minoris quam potuerit, uendidisse. ut etiam, si tibi hoc concedam, Minutio ideo te non tradidisse, quod iam addixisses Apronio (aiunt enim te ita dictitare: quod ego expecto, cupioque; te illud defendere) uerum ut ita sit: tamen non potes hoc quasi praecclarum aliquid praedicare, magno te decumas uendidisse, cum fuisse fateare, qui multo pluris uoluerint emere. tenetur igitur iam iudices, et manifesto tenetur auaritia, cupiditas hominis, scelus, improbitas, audacia. quid, si haec, quae dico, ipsius amici, defensoresque iudicarunt? quid uultis amplius? aduentu L. Metelli Praetoris, cum omnes eius comites iste sibi suo illo panchresto medicamento amicos redemisset, aditum est ad Metellum: eductus est Apronius: eduxit uir primarius C. Gallius senator: a L. Metello, ut ex edicto suo iudicium daret in Apronium, quod per uim, aut metum abstulisset; quam formulam Octavianam et Romae Metellus habuerat, et habebat in provincia; non impetrat, cum hoc diceret Metellus, praedictum se de capite C. Verris per hoc iudicium nolle fieri. tota Metelli cohors, hominum non ingratorum, aderat Apronio. C. Gallius, homo nostri ordinis, a suo familiarissimo L. Metello iudicium ex edicto non potest impetrare. non reprehendo Metellum. pepercit homini ami-

co, & quemadmodum ipsum dicere audiui, necessario non reprehendo inquam Metellum: sed hoc miror, quomodo, de quo homine praeiudicium noluerit fieri per Recuperatores, de hoc ipso non modo praeiudicari, uerum grauiissime, ac uehementissime iudicari: primum enim, si Apronium absolutum iri putaret, nihil erat, quod ullum praeiudicium uereretur: deinde, si, condemnato Apronio, coniunctam cum eo Verris causam omnes erant existimaturi, Metellus quidem certe iam hoc iudicabat, eorum rem, causamque esse coniunctam, qui statuerit, Apronio condemnato, de isto praeiudicium futurum. & si mul una res utrique rei est argumento: & aratores ui, & metu coactos Apronio multo plus, quam debuerint, dedisse: & Apronium istius rem suo nomine egisse, cum L. Metellus statuerit, non posse Apronium condemnari, quin simul de istius scelere, atque improbitate iudicaretur. Venio nunc ad epistolam Timarchidis, liberti istius, & accensi, de qua cum dixero, totum hoc crimen decumanum perorabo. haec epistola est iudices, quam nos Syracusis in aedibus Apronii, cum literas conquireremus, inuenimus. missa est, ut ipsa significat, ex itinere, cum Verres iam de provincia decessisset, Timarchidis manu scripta. Recita epistolam Timarchidis. TIMARCHIDES VERRIS ACCENSUS APRONIO SALUTEM DICIT. iam hoc quidem non reprehendo, quod ascripsit, accensus: cur enim sibi hoc scribae soli sumant? L. Papirius scriba. uolo ego hoc esse commune accensorum, licetorum, uiatorum. FAC DILIGENTIAM ADHIBEAS, QVOD AD EXISTIMATIONEM

LIBER V.

PRAETORIS ATTINET. cōmendat Apronio Verrem, & hortatur ut inimicis eius resistat. bono prasidio munitur existimatio tua, siquidem in Apronio constituitur diligentia, atque auctoritate. HABES VIRTUTEM, ATQVE ELOQVENTIAM. q̄ copiose laudatur Apronius à Timarchide? q̄ magnifice? cui ego nō putem illum placere oportere, qui tantopere Timarchidi probatus sit? HABES, SVMPTVM VNDE FACIAS. necesse est, quod redundaret de uestro frumentario quæstu, ad illum potissimum, per quē agebatis, defluxisse. SCRIBAS, APPARITORES RECENTES ARRIPE: CVM L. VVLTEIO, QVI PLVRIMVM POTEST, CAEDE, CONCIDE. uidete, q̄ ualde malitiæ suæ cōfidat Timarchides, qui etiam Apronio improbitatis præcepta det. iam hoc, cæde, concide, non uerba domo patroni depromere uidetur ad omne genus nequitiae accommodata? VOLO MIHI FRATERCVLO TVO CREDAS. consorti quidē in lucris, atq; furtis, gemino, et simillimo nequitia, improbitate, audacia. IN COHORTE CHARVS HABEARE. quid est hoc, in cohorte? quod pertinet? Apronium doces? quid in uestram cohortem te monitorē, an sua sponte perueniat? QVOD CUIQVE OPVS SIT, OPPONE. qua impudentia putatis eum in dominatione fuisse, qui in fuga tā improbus sit? ait, omnia pecunia effici posse: dare, profundere, opponere, si uelis uincere. non hoc mihi tam molestum est Apronio suadere Timarchidem, quàm quod hoc idē patrono suo præcipit. TE POSTVLANTE

OMNES VINCERE SOLENT. Verre quidem Pratore, non Sacerdote, non Peduceo, non ipso Metello. SCIS METELLVM SAPIENTEM ESSE. hoc uero ferri iam nō potest, irrideri uiri optimi L. Metelli ingenium, & contemni, ac despicī a fugituo Timarchide. SI VVLTEIUM HABEBIS, OMNIA LVDIBVNDVS PERFICIES. hic uehementer errat Timarchides, qui aut Vultcium pecunia corrumpi putet posse, aut Metellum unius arbitratu gerere Praturam. sed errauit coniectura domestica, quia multos per se, & per alios multa ludibundos libidine apud Verrem effecisse uidit. ad omnes, eosdem patere aditus arbitrabatur. facilius uos efficiebatis ludibundi quæ uolebatis a Verre, quod multa eius ludorum genera noratis. INCVLCA TVM EST METELLO ET VVLTEIO, TE ARATORES EVERTISSE. quis istuc Apronio attribuebat, cum aratorem aliquem euerterat? aut Timarchidi, cum ob iudicandum, aut decernendum, aut imperandum aliquid, aut remittendum pecuniam acceperat? aut Sestio liētori, cum aliquem innocentem securi percusserat? nemo. omne ei Verri tunc attribuebant, quem nunc condemnari uolunt. OBTVDERVNT EIVS AVRES, TE SOCIUM PRAETORIS FVISSE. uides ne, hoc quā clarum sit, & fuerit? cum etiam Timarchides hoc metuat: concedes, non hoc crimen nos in te confingere, sed iam pridem ad crimen aliquam defensionem libertum quærere? libertus, & accensus tuus, & tibi, ac liberis tuis omnibus in rebus coniunctus, ac proximus, ad Apronium scribit, uulgo esse ab omnibus ita

AA ij

LIBER V.

demonstratum Metello, tibi Apronium in decumis sociū
 fuisse. FAC SCIAT IMPROBITATEM
 ARATORVM. IPSI SVDABVNT, SI
 DII VOLENT. quod istuc per deos immortales,
 aut qua de causa excitatum esse dicamus in aratores tā
 infestum odium, atq; tantum? quantam iniuriam fece=
 runt Verri aratores, ut eos etiam libertus, & accensus
 eius tam irato animo, his literis insequatur? neq; ego hu=
 ius fugitiui iudices epistolam uobis recitassem, nisi ut ex
 ea totius familie præcepta, & instituta, & disciplinam
 cognosceretis. uidetis, ut moneat Aproniū, quibus rebus,
 ac muneribus insinuet in familiaritatem Metelli, Vulte=
 ium corrumpat? scribas, accensumq; pretio deliniat? ea
 præcipit, quæ uidit: ea monet alienū hominem, quæ do=
 mi didicit ipse. uerum in hoc errat uno, q̄ easdem existi=
 mat uias ad omnium familiaritates esse munitas. quan=
 quam merito sum iratus Metello: tamen hæc, quæ uera
 sunt, dicam. Apronius ipsum Metellū non pretio, ut Ver=
 rem, non conuiuio, non muliere, nō sermone incauto, at=
 que improbo posset corrumpere. quibus rebus nō sensim,
 atq; moderate ad istius amicitiam arripserat, sed breui
 tempore totum hominem, totamq; eius Præturā posse=
 derat. cohortē autem Metelli quā uocat, quid erat quod
 corrumpere? ex qua Recuperatores nulli dabantur. nā
 quod scribit Metelli filium puerum esse, uehementer er=
 rat: nō enim ad omnes Prætorū filios ydem aditus sunt.
 o Timarchide, Metelli est filius in prouincia, non puer,
 sed adolescens bonus, ac pudens, dignus illo loco, ac nomi=
 ne. uester ille puer prætextatus in prouincia quemadmo=
 dum fuisset, non dicerem, si pueri esse illa culpam, ac non

patris existimarem. tu ne, cum te, ac tuam uitam nosset,
 in Siciliam tecum grandem prae-textatum filium duce-
 bas: ut etiam si natura puerum à paternis uitijs, atq; à
 generis similitudine abduceret, consuetudo tamen eū, &
 disciplina degenerare non sineret: fac enim fuisse in isto
 C. Lelii, M. Catonis materiem, atq; indolem: quid ex eo
 boni sperari, atque effici potest, qui in patris luxurie sic
 uixerit, ut nullum unquam pudicum, neq; sobrium con-
 uuium uiderit? qui in epulis quotidianis adulta aetate
 per triennium inter impudicas mulieres, & intemperan-
 tes uiros uersatus sit? nihil unquam à patre audiuit, quo
 pudentior, aut melior esset? nihil unquam patrem agere
 uidit, quod cum imitatus esset, non, id quod turpissimū
 est, similis patri putaretur? quibus in rebus non solum fi-
 lio, uerū etiam Reip. fecisti iniuriā: susceperas enim li-
 beros nō solum tibi, sed etiam patriae, qui non modo tibi
 uoluptati, sed etiam qui aliquādo usui Reip. esse possent.
 eos instituere, atq; erudire ad maiorum instituta, atque
 ciuitatis disciplinam, non ad tuas turpitudines debui-
 sti. esset inertis, atq; impuro, & improbo parente nauus,
 & pudens, & probus filius: haberet aliquid abs te Resp.
 muneris. nunc pro te Verrem substituiisti alterū ciuitati:
 nisi hoc forte deterius est, si fieri potest, q̃ tu eiusmodi es-
 uasisti non in hominis luxuriosi, sed tantum in furis, ac
 diuisoris disciplina educatus. quid isto festiuus fore ar-
 bitramur, qui est tuus natura filius, consuetudine disci-
 pulus, uoluntate similis? quem ego iudices quamuis bo-
 num, fortemq; facile paterer euadere: nō enim me ini-
 micitiā commouent, si quae mihi cum isto futurae sint:
 nā si in omnibus rebus innocēs fuero, meiq; similis, quid

LIBER V.

mihi istius inimicitiae nocebunt? si aliqua in re Verri si-
 milis fuero, non magis mihi deerit inimicus, quam Ver-
 ri defuit: etenim iudices eiusmodi Resp. debet esse, et erit,
 seueritate iudiciorum constituta, ut inimicus neq; deesse
 nocenti possit, neq; obesse innocenti. quapropter nulla res
 est, quam obrem ego istum nolim ex paternis probris, ac
 uitis emergere: id quod tametsi isti difficile est, tamen
 haud scio an fieri possit, praesertim si (ut nunc fit) custo-
 des amicorum eum sectabuntur, quoniam pater tam ne-
 gligens, ac dissolutus est. uerum huc longius, quam uolu-
 tas fuit, ab epistola Timarchidis digressa est oratio mea.
 qua recitata, conclusurum me esse crimen decumarum
 dixeram: ex quo intellexistis, innumerabilem frumenti nu-
 merum per triennium auersum a Rep. esse, abreptumq;
 aratoribus. sequitur, ut de frumento empto uos iudices
 doceam, maximo, atq; impudentissimo furto: de quo du-
 certa, & pauca, & magna dicam breuiter, attendite.
 Frumentum emere in Sicilia debuit Verres ex S. C. et ex
 lege Terentia, & Cassia frumentaria. emundi duo gene-
 ra fuerunt, unum certarum decumanum, alterum, quod
 praeterea ciuitatibus aequaliter esset distributum. illius
 decumani tantum, quantum ex primis decumis fuisset
 tritici mod. DCCC millia: pretium autem constitutum
 decumano in modios singulos HS ternos, imperato HS
 IIII. ita in frumentum imperatum HS duodetrices
 in annos singulos Verri decernebatur, quod aratoribus
 solueret, in alteras decumas ferme ad nonagies. sic per
 triennium ad hanc frumenti emptionem Siciliensem pro-
 pe centies & tricies erogatum est. hanc pecuniam tan-
 tam, data tibi ex aerario inopi, atq; exhausto, datam ad

frumentum, hoc est ad necessitatem salutis, & uitæ, datam ut Siculis aratoribus, quibus tanta onera Resp. imponeret, solueretur, abs te sic laceratam esse dico, ut possim illud probare, si uelim, omnem te hanc pecuniam domum tuam auertisse: etenim sic hanc rem totam administrasti, ut hoc, quod dico, probari æquissimo iudici possit. sed ego habebō rationē auctoritatis meæ: meminero, quo animo, quo cōsilio ad causam publicā accesserim: nō agam tecum accusatorie: nihil fingam: nihil probari uelim me dicente, quod nō ante mihi met ipsi probatum sit. in hac pecunia publica iudices hæc insunt tria genera furtorū. primum eam, cum posita esset apud eas societates, unde erat attributa, binis centesimis fœneratus est: deinde permultis ciuitatibus pro frumento nihil soluit omnino: postremo si cui ciuitati soluit, tantum detraxit, quātum cōmodum fuit, nulli, quod debitū est, reddidit. ac primū hoc ex te quaero. tu, cui publicani ē Carpinatij literis gratias egerūt, pecunia publica ex arario erogata, ex uectigalibus populi R. ad emendū frumentū attributa fuerit ne tibi quaestui? pensitarit ne tibi binas centesimas? credo te negaturū: turpis enim est, & periculosa cōfessio. mihi autem hoc per arduū est demonstrare: quibus enim testibus? publicani tractati honorifice sunt: tacebunt. literæ eorū decreto Decumanorū remotæ sunt. quo me igitur uertā? rem tam improbā, crimen tantæ audaciæ, tantæq; impudentiæ propter inopiā testium, ac literarū prætermittam? nō faciam iudices: utar teste: quo? P. Vectio Chilone, homine equestri ordinis honestissimo, atq; ornatissimo: quī isti ita amicus & necessarius est, ut etiā si uir bonus nō esset, tamen, quod cōtra istum

LIBER V.

diceret, graue uideretur: ita uir bonus est, ut, etiam si inimicissimus isti esset, tamen eius testimonio credi oporteret. admiratur & expectat, quidnam Vectius dicturus sit. nihil dicet ex tempore, nihil ex sua uoluntate, nihil, ut ei utrūuis licuisse uideatur. misit in Siciliā literas ad Carpinatium, cum esset magister scripturæ, et sex publicanorum: quas ego Syracusis apud Carpinatium in literarū allatarū libris, Romæ in literarū missarū apud magistrū Tullium familiarem tuū inueni: quibus ex literis impudentiam fœnerationis quæso cognoscite. LITERAE MISSAE L. VECTII, L. SERVILII, C. ANTISTITIS MAGISTRORVM. præsto se tibi ait futurū Vectius, & obseruaturū quemadmodū rationes ad ærariū referas: ut, si hæc ex fœnore populo pecuniam nō retuleris, reddas societati. possumus hoc teste, possumus P. Seruiliū, & C. Antistitis magistrorum, primorū hominū, atq; honestissimorū, possumus auctoritate societatis, cuius literis utimur, quod dicimus obtinere, an aliqua firmiora, aut grauiora quærenda sūt? Vectius tuus familiarissimus, Vectius tuus affinis, cuius sororē habes in matrimonio, tuæ frater uxoris Vectius, frater tui Quæstoris, impudentissimum tuū furtum, certissimumq; peculatum: nā quo alio nomine pecuniæ publicæ fœneratio est appellanda? * Recita reliqua. scribam tuū dicit Verres huius perscriptorē fœnerationis fuisse. ei quoq; magistri minatur in literis. & casu scribæ tum duo magistri fuerunt cum Vectio. binas centesimas ab se ablatas ferundum non putant: et recte non putant: quis enim hoc fecit unquam, quis denique conatus est facere, aut posse fieri cogitauit, ut, cum

senatus publicanos usura sæpe iuuisset, magistratus à publicanis pecuniam pro usuris auderet auferre? certe huic homini spes nulla salutis esset, si publicani, hoc est si equites R. iudicaret, minor esse cura nunc iudices uobis disceptantibus debet, & tanto minor, quanto est honestius alienis iniurijs, quàm re sua commoueri. quid ad hæc respondere cogitas? utrum, factum negabis, an tibi hoc licitum esse defendes? negare qui potes? an ut tanta auctoritate literarum, tot testibus publicanis conuincare? licuisse uero quæ? si mehercule te tuam pecuniam, non populi R. in provincia fœneratum docerem, tamen effugere non posses. sed publicam, sed ob frumentum decretam, sed à publicanis fœnore accepto, hoc licuisse cuiquam probabis? quo non modo ceteri, sed ipse nihil audacius, improbiusq; fecisti. non mehercule hoc, quod omnibus singulare uidetur, de quo mihi deinceps dicendum est, possum iudices dicere audacius esse, aut impudentius, quod permultis ciuitatibus pro frumento nihil soluit omnino: maior hæc præda fortasse est: sed illa impudentia certe non minor. & quoniam de illa fœneratione satis dictum est: nunc de hac tota pecunia auersa quæso cognoscite. Siciliæ ciuitates multæ sunt iudices ornatae, atq; honestæ, ex quibus in primis numeranda est ciuitas Halesina: nullam enim reperietis aut officijs fidelio-rem, aut copijs locupletio-rem, aut auctoritate grauiorem. huic iste annos singulos cum sexaginta tritici millia modium imperauisset, pro tritico nummos abstulit, quanti erat in Sicilia triticum: quos de publico nummos acceperat, retinuit omnes. obstupui iudices, cum hoc mihi primum Halesæ demonstrauit in senatu Halesinorum homo

LIBER V.

summo ingenio, summa prudentia, summa auctoritate
 præditus Halesinus Aenias : cui senatus dederat publice
 causam, ut mihi, fratriq; meo gratias ageret, & simul
 qui nos ea, quæ ad iudicium pertinerent, doceret. demon-
 strat hanc istius cōsuetudinem, ac rationem fuisse ; cum
 omnis frumenti copia decumarum nomine penes istum
 esset redacta, solitum esse istum pecuniam cogere à ciui-
 tatibus, frumentum improbare ; quantum frumētū Ro-
 mam esset mittendum, tātum de suo quæstu, ac de sua co-
 pia frumenti mittere. posco rationes : inspicio literas : ui-
 deo frumenti granum Halesinos, quibus LX millia mo-
 diū imperata erant, nullum dedisse, pecuniam Volca-
 tio, Timarchidi, scribæ dedisse. reperio genus huiuscemo-
 di iudices prædæ, ut Prætor, qui frumentum emere debe-
 bat, nō emat, sed uendat: pecunias, quas ciuitatibus distri-
 buere debebat, eas omnes auertat, atq; auferat. non mihi
 iam furtum, sed monstrum, ac prodigium uidebatur, ci-
 uitatum frumentum improbare, pretium ei frumento
 constituere ; quod constituisset, id ciuitatibus auferre ;
 quod à populo R. accepisset, tenere. quot uultis esse in
 uno furto peccatorum gradus? ut, si singulis insistere ue-
 lim, progredi iste nō posset. improbas frumētum Siculū.
 quid? ipse quod mittis? peculiarem habes aliquam Sici-
 liam, quæ tibi ex alio genere frumentū suppeditare pos-
 sit? cum senatus decernit, ut ematur in Sicilia frumen-
 tum, aut populus iubet : hoc, ut opinor, intelligit, ex Sici-
 lia Siculum frumentū apportari oportere. tu, cum ciui-
 tatum Siciliae uulgo omne frumentū improbas, num ex
 Aegypto, aut ex Syria frumentū Romā mittis? impro-
 bas Halesinū, Cephaleditanū, Thermitanū, Amestratinū,

Tindaritanum, Herbitense, multarum prater ea ciuitatum. quid accidit eadem, ut horum populorum agri frumentum eiusmodi te Pratore ferrent, quod nunquam antea? ut neq; tibi, neq; populo R. posset probari: praesertim cum ex usdem agris, eiusdemq; anni frumentum ex decumis Romanam mancipem aduexissent. quid acciderat, ut ex eodem horreo decumanum probaretur, emptum non probaretur? dubium ne est, quin ista omnis improbatio cogenda pecuniae causa nata sit? esto: improbas Halesinum: habes ab alio populo, quod probes: eme illud, quod placet: missos fac eos, quorum frumentum improbasti. sed ab ijs, quos repudias, exigis tantum pecuniae, quantum ad eum numerum frumenti satis sit, quem ciuitati imperas. dubium est, quid egeris? in medimna singula uideo ex literis publicis tibi Halesinos HS quinos denos dedisse. ostendam ex tabulis locupletissimorum aratorum, eodem tempore neminem in Sicilia pluris frumentum uendidisse. quae ergo ista ratio, aut quae potius amentia, frumentum improbare id, quod ex eo loco sit, ex quo senatus, et populus R. emi uoluerit? ex eo aceruo, ex quo partem tu idem decumarum nomine probaris? deinde a ciuitatibus pecunias ad emendum frumentum cogere, cum ex arario acceperis? utrum te lex Terentia Siculorum pecunia frumentum emere a Siculis, an populi R. pecunia frumentum ab Siculis emere iussit? iam uero ab isto omnem illam ex arario pecuniam, quam his oportuit ciuitatibus pro frumento dari, lucrifactam uidetis: accipis enim HS XV pro medimno: tanti enim est illo tempore medimnum. retines HS XII: tanti enim est frumentum Siciliense ex lege aestimatum. quid interest, utrum hoc feceris, an frumē-

LIBER V.

tum non improbaris, sed frumento probato, & accepto, pecuniam publicam tenueris omnem, neq; quicquam ulli dissolueris ciuitati? cum aestimatio legis eiusmodi sit, ut cæteris temporibus tolerabilis Siculis, te Pratore etiã grata esse debuerit: est enim modius lege HS III aestimatus: fuit autem te Pratore, ut tu in multis epistolis ad amicos tuos gloriaris, HS II. sed fuerit HS III: quoniam tu tantum à ciuitatibus in modios singulos exegisti. cum, si solueres Siculis tantum, quantum te populus R. iusserat, aratoribus fieri gratissimum posset: tu nō modo eos accipere, quod oportebat, noluisti, sed etiã dare, quod non debebant, coegisti. atq; hæc ita gesta esse iudices cognoscite ex literis publicis ciuitatum, & ex testimonijs publicis: in quibus nihil fictū, nihil ad tempus accommodatum intelligatis. omnia, quæ dicimus, rationibus populorū non interpositis, neq; perturbatis, neq; repentinis, sed certis, institutis, ordine relata, atq; confecta sunt. Recita rationes Halesinorum. cui pecuniam datam dicit? dic, dic etiã clarius. VOLCATIO, TIMARCHIDE, MEVIO. quid est Verres? ne illam quidem tibi defensionem reliquam fecisti, mācipes in istis rebus esse uersatos, mancipēs frumentū improbasse, mancipēs pretio cum ciuitatibus decidisse, & eosdem abs te illarū ciuitatū nomine pecunias abstulisse, deinde ipsos sibi frumentū commisse, nihil hæc ad te pertinere. mala mehercule, ac misera defensio, Pratorem hoc dicere: ego frumentum neq; attigi, neq; aspexi; mācipibus potestate probandi, improbandiq; permisi: mancipēs à ciuitatibus pecunias extorsērunt; ego autem, quā pecuniā populis dare debui, mancipibus dedi: mala est hæc quidem, ut dixi, defensio cri-

minis : sed tamen, hac ipsa tibi, si uti cupias, nō licet. uetat te Volcatius, tuæ, tuorumq; delicia, mentionem mancipis facere. Timarchides autem, columen familie uestræ, premit fauces defensionis tuæ: cui simul, & Volcatio pecunia à ciuitate numerata est. iā uero scriba tuus annulo aureo suo, quē ex his rebus inuenit, ista te ratione uti non sinet. quid igitur est reliquū? nisi uti fateare, te Romam frumentū emptum Siculorū pecunia misisse, publicam pecuniam domū tuam conuertisse. o cōsuetudo peccandi quantam habes iucunditatem in improbis, & audacibus, cum pœna abfuit, et licentia cōsecuta est. iste in hoc genere peculatus non nunc primum inuenitur, sed nunc demū tenetur. uidimus, huic ab ærario pecuniā numerari Quæstori ad sumptum exercitus consularis: uidimus, paucis post mēsibus et exercitū, & Consulem spoliatum. illa omnis pecunia latuit in illa caligine, ac tenebris: quæ totam Remp. tum occupauerat. iterū gessit hæc rederariam Quæsturam cum Dolabella: magnā pecuniam auertit: sed eius rationem cū damnatione Dolabellæ permiscuit. cōmissa est pecunia tanta Pratori: nō reperietis hominem timide, nec leuiter hæc improbissima lucra ligurientem: deuorare omnem pecuniam publicam nō dubitauit. ita serpit illud insitum in natura malū cōsuetudine peccadi libera, finem ut audaciæ statuere ipse sibi nō possit. tenetur igitur aliquando, & in rebus tum maximis, tum manifestis tenetur. atq; in eam fraudem mihi uidetur diuinitus incidisse, nō solum ut eas pœnas, quas proxime meruisset, solueret, sed ut illa etiam scelera eius in Carbonē, & in Dolabellā uindicarētur. etenim noua quoq; alia res extitit iudices in hoc crimine, quæ tollat

LIBER V.

omnem dubitationem superioris illius decumani criminis. nam, ut illud missum faciam, per multos aratores in alteras decumas, & in hac D C C C millia modiu, quod emptum populo R. darent, non habuisse, sed à tuo procuratore, hoc est ab Apronio, emisse; ex quo intelligi potest, nihil te aratoribus reliqui fecisse: ut hoc præterea, quod in multis est testimoniis expositum: potest illo quicquam esse certius, in tua potestate, atq; in tuis horreis omne frumentum Siciliae per triennium, atque omnes fructus agri decumani fuisse? cum enim à ciuitatibus pro frumento pecuniam exigebas, unde erat frumentu, quod Romam mitteres, si tu id nõ omne clausum, & cõpressum possidebas? itaq; in eo frumento primus tibi ille quaestus fuit ipsius frumeti, quod erat ereptum ab aratoribus: alter, qd id frumentu improbissime partu, nõ semel, sed bis, neque uno, sed duobus pretys unu & idem frumentu uen didisti, semel ciuitatibus HS XV in medimnu, iterum populo R. à quo HS XII in medimna pro eodem illo frumeto abstulisti. at enim frumentu Centuripinoru, & Agrigentinoru, et nõnulloru fortasse præterea probasti, & his populis pecunia dissolui. sint aliqua ciuitates in eo numero, quarum frumentu improbare nolueris. quid tandem? his ciuitatibus omnis ne pecunia, quæ pro frumeto debita est, dissoluta est? unu mihi reperi nõ populum, sed aratorem: uide, quere, circûspice. si quis forte est ex ea prouincia, in qua tu triennium præfuisi, qui te noluit perisse: unum inquam da mihi ex illis aratoribus, qui uel ad statuam pecuniam contulerunt, qui sibi dicat pro frumento omne esse, quod oportuerit, solutum. confirmo indices, neminem esse dicturum. ex omni pecunia, quam
aratoribus

aratoribus soluere debuisti, certis nominibus deductiones fieri solebant, primum pro spectatione, & collybo, deinde pro nescio quo cerario. hæc omnia iudices non rerum certarum, sed furtorum improbissimorum sunt uocabula. nam collybus esse qui potest, cum utantur omnes uno genere nummorum? cerarium uero quid uocas? quomodo hoc nomen ad rationes magistratus, quomodo ad pecuniam publicam allatum est? nam illud genus tertium deductionis erat eiusmodi, quasi non modo liceret, sed etiam oporteret; nec solum oporteret, sed plane necesse esset. scribe nomine de tota pecunia binæ quinquagesimæ detrahebantur. quis tibi hoc concessit, quæ lex, quæ senatus auctoritas, quæ porro æquitas, ut tantam pecuniam scriba tuus auferret siue de aratorum bonis, siue de populi R. uectigalibus? nam si potest ista pecunia sine aratorum iniuria detrahi: populus R. habeat, præsertim in tantis ærarij angustiis. sin autem & populus id uoluit, & æquum ita est, solui aratoribus: tuus apparitor parua mercede populi conductus, de aratorum bonis prædabitur? & in hac causa scribarum ordinem in me concitabit Hortensius? & eorum commoda à me labefactari, atque oppugnari iniuria dicet? quasi uero hoc scribis ullo exemplo sit, aut ullo iure concessum. quid ego uetera repetam? aut quid eorum scribarum mentionem faciam, quos constat sanctissimos homines, atque innocentissimos fuisse? non me fugit iudices, uetera exempla pro fictis fabulis iam audiri, atque haberi. in his temporibus uersabor miseris, ac perditis. nuper Hortensi Quæstor fuisti. quid tui scribæ fecerint, tu potes dicere. ego de meis hoc dico: cum in eadē ista Sicilia pro frumēto ciuitatibus pecuniam soluerem,

Cic. Orat.

BB

LIBER V.

mecum duos frugalissimos homines scribas haberem, L. Mamilium, & L. Sergium; nō modo istas duas quinquagesimas, sed omnino nummū nullum cuiquam esse deductum. dicerem, hoc mihi totum esse attribuendum iudices, si illi unquam à me hoc postulassent, si unquam omnino cogitassent. quamobrem enim scriba deducat, ac non potius mulio, qui adduxerit? tabellarius, cuius aduentu certiores facti petiuerunt? præco, qui adesse iussit? uiator, ac Venerius, qui fiscum sustulit? quæ pars operæ, aut opportunitatis in scriba est, cur ei nō modo merces tanta detur, sed cur cum eo tantæ pecuniæ partitio fiat? ordo est honestus. quis negat? aut quid ea res ad hanc rem pertinet? est uero honestus, quod eorū hominum fidei tabulæ publicæ, periculaq; magistratuum committuntur. itaq; ex ijs scribis, qui digni sunt illo ordine, patribus familias, uiris bonis, atq; honestis, percontamini, quid sibi istæ quinquagesimæ uelint: iam omnes intelligetis nouam rem totam, atq; indignam uideri. ad eos me scribas reuoca, si placet: noli hoc colligere, qui nummulis corrogatis de nepotum donis, ac de scenicorum corollarijs, cum decuriam emerunt, ex primo ordine exploforum in secundum ordinem ciuitatis se uenisse dicunt. eos scribas tecū disceptatores huius criminis habebō, qui istos scribas esse moleste ferunt. tamen si, cum in eo ordine uideamus esse multos non idoneos, qui ordo industriæ propositus est, et dignitati: mirabimur turpes aliquot in eo esse, quod cui uis licet pretio peruenire? tu ex pecunia publica HS terdecies scribam tuum permissu tuo cum abstulisse fateare, reliquam tibi ullam defensionem putas esse? hoc ferre quengquam posse, hoc quengquam deniq; nūc tuorum ad-

uocatorum animo æquo audire arbitrare? qua in ciuitate C. Catoni clarissimo uiro, consulari homini HS XV = III millibus lis æstimata sit: in eadem ciuitate apparito ri tuo esse cōcessum, ut HS uno nomine terdecies auferet: hinc ille est annulus aureus, quo tu istum in concione donasti. quæ tua donatio singulari impudentia prædita, noua Siculis omnibus, mihi uero incredibilis uidebatur: sæpe enim nostri imperatores superatis hostibus, optime Rep. gesta scribas suos annulis aureis in concione donarunt: tu uero quibus rebus gestis, quo hoste superato, concionem donandi causa aduocare ausus es? neque enim solum scribam tuum annulo, sed etiam uirum fortissimum, ac tui dissimillimum, Q. Rubrium, excellenti uirtute, auctoritate, copijs, corona, et phaleris, et torque donasti; M. Cossutium sanctissimum uirum, atque honestissimum; M. Castritium summo splendore, ingenio, gloria præditum. quid hæc sibi horum trium ciuium R. dona uoluerunt? Siculos præterea potentissimos, nobilissimosq; donasti. qui non, quemadmodum sperasti, tardiores fuerunt, sed ornatiores tuo iudicio ad testimonia discunda uenerunt. quibus ex hostium spolijs, de qua uictoria, qua ex præda, aut manubijs hæc abs te donatio constituta est? an quòd te Prætore, paucorum aduentu myoparonum classis pulcherrima, Siciliae propugnaculum, præsidiumq; prouinciæ, piratarum manibus incensa est? an quòd ager Syracusanus prædonum incendijs te Prætore uastatus est? an quòd forum Syracusanum nauarchorum sanguine redundauit? an quòd in portu Syracusano piraticus myoparo nauigauit? nihil possum reperire, quamobrem te in istam amen-

LIBER V.

amentiam incidisse arbitrer: nisi forte id egisti, ut hominibus ne obliuisci quidem rerum tuarum male gestarū liceret. annulo est aureo scriba donatus: & ad eam donationem concio est aduocata. quod erat os tuum, cum uidebas in concione eos homines, quorum ex bonis iste annulus aureus donabatur, qui ipsi annulos aureos posuerant, liberisq; suis detraxerant, ut esset unde scriba tuus hoc tuum munus, ac beneficiū tueretur? quæ porro præfatio tuæ donationis fuit: illa scilicet uetus, atq; imperatoria: quando tu quidem in prælio, in bello, in re militari: cuius ne mentio quidem te Prætoris ulla facta est. an illa? quandoquidem tu nulla unquam mihi in cupiditate, ac turpitudine defuisti, omnibusq; in iisdem flagitijs mecum & in Legatione, & in Prætura, & hic in Sicilia uersatus es: ob hæc res, quoniam te locupletauit, hoc annulo aureo dono. uera hæc fuisset oratio: non enim iste annulus aureus abs te datus, istum uirum fortem, sed hominem locupletem esse declarat. ita eundem annulum ab alio datum testem uirtutis duceremus, abs te donatū comitem pecuniæ indicamus. Dictū iudices est de decumano frumento: dictum de empto: extremum & reliquum est de aestimato. quod tum magnitudine pecuniæ, tum iniuriæ genere quemuis debet commouere, te uero eo magis, q̃ ad hoc crimen non ingeniosa aliqua defensio; sed improbissima confessio comparatur. nam cum ex S. C. & ex legibus frumentum ei in cellam sumere liceret, idq; frumentum senatus ita aestimasset, quaternis HS tritici modium, binis ordeï: iste numero ad summam tritici adiecto, tritici modios singulos cum aratoribus denarijs ternis aestimauit. non est in hoc crimen Hortensi, ne for-

ad hoc meditare, multos sepe viros bonos, & fortes, & innocentes cum aratoribus, & cum ciuitatibus frumentum, in cellam quod sumi oporteret, aestimasse, & pecuniam pro frumento abstulisse. scio, quid soleat fieri: scio, quid liceat. nihil, quod antea fuerat in consuetudine bonorum, nunc in istius facto reprehenditur: hoc reprehendo, quod, cum in Sicilia HS II modius esset, ut istius epistola ad te missa declarat, summum HS ternis, id quod & testimonijs omnibus, et tabulis aratorum planum factum antea est, tum iste pro tritici modys singulis ternos ab aratoribus denarios exegit. hoc crimen est: ut intelligas non ex aestimatione, neque ex ternis denarijs pendere crimen, sed ex coactione annonae, atque aestimationis. etenim haec aestimatio nata est iudices initio non ex Praetorum, aut Consulum, sed ex aratorum, atque ciuitatum commodo: nemo enim fuit initio tam impudens, qui, cum frumentum deberetur, pecuniam posceret. certe hoc ab aratore primum est profectum, aut ab ea ciuitate, cui imperabatur. cum aut frumentum uendidisset, aut seruare uellet, aut in eum locum, quod imperabatur, frumentum portare nollet: petiuit in beneficij loco, & gratia, ut sibi pro frumento, quanti frumentum esset, dare liceret. ex huiusmodi principio, atque ex liberalitate, atque accommodatione magistratum, consuetudo aestimationis introducta est. secuti sunt auariores magistratus: qui tamen in auaritia sua non solum uiam quaestus inueniunt, uerum etiam exitum, ac rationem defensionis instituerunt. semper ad ultima, ac difficillima loca apportandum frumentum imperare, ut uecturae difficultate ad quam uellent aestimationem perueniret. in hoc genere fa-

LIBER V.

cilior est existimatio, q̄ reprehensio: ideo q̄ eum, qui hoc facit, auarum possumus existimare, crimen in eo consti-
tuere non tam facile possumus: q̄ uidetur concedendum magistratibus nostris esse, ut ijs, quo loco uelint, frumen-
tum accipere liceat. itaq; hoc est, quod multi fortasse fe-
cerunt, & ita multi, ut ijs, quos innocentissimos memini-
mus, aut audiuius, non fecerint. quero nunc à te Hor-
tensi, cum ueris tandem istius factum collaturus es? cum
ijs credo, qui benignitate adducti per beneficium, et gra-
tiam ciuitatibus concesserunt, ut nummos pro frumen-
to darent. ita credo, petuisse ab isto aratores, ut, cum His-
ternis tritici modium uendere non possent, pro singulis
modys. ternos denarios dare liceret. an, quoniā hoc non
audes dicere, illuc confugies? uecturae difficultate addu-
ctos, ternos denarios dare maluisse. cuius uecturae? quo
ex loco? in quem locum ne portarent? Philomelo ne Ephe-
sum? uideo, quid inter annonam interesse soleat: uideo,
quot dierum uia sit: uideo Philomelensibus expedire: quā-
ti Ephesi sit frumentum, tātum dare potius in Phrygia,
q̄ Ephesum portare, aut ad emendum frumentum Ephe-
sum pecuniam, & Legatos mittere. in Sicilia uero quid
eiusmodi? Enna mediterranea est maxime. coge, ut ad a-
quam tibi, id quod summi iuris est, frumentum Ennen-
ses metiantur, uel Plutiam, uel Halesam, uel Catinam,
loca inter se maxime diuersa: eodem die, quo iusseris, de-
portabunt. tametsi ne uectura quidem opus est: nam to-
tus quæstus hic iudices aestimationis ex annonæ natus est
uarietate: hoc enim magistratus in prouincia assequi po-
test, ut ibi accipiat, ubi est carissimum. ideo ualet ista ra-
tio aestimationis in Asia: ualet in Hispania: ualet in ijs

provincijs, in quibus unum pretium frumento esse nō so-
 let. in Sicilia uero quid cuiusquā intererat, quo loco da-
 ret? neq; enim portandum erat. & quō quisq; uehere ius-
 sus esset, ibi tantidem frumentum emeret, quanti domi
 uendidisset. quamobrem si quid Hortensi docere uis, ali-
 quid ab isto simile æstimatione, atq; à cæteris esse factū:
 doceas oportet, aliquo in loco Siciliæ Prætor Verre ter-
 nis denarijs tritici modium fuisse. uide, quam tibi defen-
 sionem patefecerim, q̄ iniquam in socios, q̄ remotam ab
 utilitate Reip. q̄ seiunctam à uoluntate, atq; sententia
 legis. tu, cum tibi ego frumentum in meis agris, atq; in
 mea ciuitate, deniq; cum in ijs locis, in quibus es, uersaris,
 rem geris, provinciam administras, paratus sim dare: an-
 gulum mihi aliquem eligas provincie recōditum, ac de-
 relictum? iubeas ibi me metiri, quō portare nō expediat?
 ubi emere non possum? improbum facinus iudices, non
 ferendum, nemini lege concessum, sed fortasse adhuc in
 nullo etiam uindicatum. tamen ego hoc, quod ferri nego
 posse, Verri iudices cōcedo, & largior. si ullo in loco eius
 provincie frumentum tanti fuit, quanti iste æstimauit:
 hoc crimen in istum reum ualere oportere nō arbitror.
 uerum enim uero, cum esset HS binis, aut etiam ternis
 quibusuis in locis provincie, duodenos sestertios exegisti.
 si mihi tecum neque de annona, neque de æstimatione
 tua potest esse controuersia: quid sedes? quid expectas?
 quid defendes? utrum tibi pecunie conciliatæ uidentur
 aduersum leges, aduersum Remp. cum maxima socio-
 rū iniuria, an uero id recte, ordine, è Rep. sine cuiusquā
 iniuria factū esse defendes? cū tibi senatus ex ærario pec-
 unia prōpsisset, & singulos tibi denarios adnumerasset,

LIBER V.

quos tu pro singulis modijs aratoribus solueres: quid facere debuisti? si, quod L. Piso ille Frugi, qui legem de pecunijs repetundis primus tulit: cū emisset, quanti esset, quod superaret pecuniā, retulisses. si, ut ambitiosi homines, aut benigni: cum pluris senatus aestimasset, q̄ quanti esset annonā; ex senatus aestimatione, non ex annonae ratione soluisses. sin, ut pleriq; faciūt, in quo etiam erat aliquis quaestus, sed is honestus, atq; concessus: frumentum, quoniam uilius erat, ne emisset: sumpsisses id nummorum, quod tibi senatus cellae nomine cōcesserat. hoc uero quid est? quā habet rationem, non quero aequitatis, sed ipsius improbitatis, atq; impudētiā? neq; enim est ferē quicquam, quod homines palam facere audeant in magistratu, quamuis improbi, quin eius facti si non bonam, at aliquam rationem afferre soleant. hoc quid est? uenit Prætor: frumentum, inquit, me abs te emere oportet. optume. modiū denario. benigne, ac liberaliter: nā ego tribus HS non possum uendere. mihi frumento nō opus est: nummos uolo. non speraueram, inquit arator, me ad denarios peruenturum: sed, si ita necesse est, quanti frumentum sit, considera. uideo esse binis HS. quid ergo à me tibi nummorum dari potest, cum senatus tibi quaternos nūmos dederit? quid poscit, attendite. & uos quaeso simul iudices aequitatem Prætoris attendite. quaternos HS, quos mihi senatus decreuit, & ex ærario dedit, ego habeo, et in cistā transferā ex fisco. quid postea? quid? pro singulis modijs, quos tibi impero, tu mihi octonos HS dato: qua ratione? quid quaeris rationem? non tantam rationem res habet, quam tam utilitatem, atq; prædam. dic, inquit ille, planius. senatus te uoluit mihi nummos dare, me tibi frumentū metiri:

tu eos nūmos, quos mihi senatus dare uoluit, ipse habebis?
à me, cui singulos denarios dari oportuit, binos aufers?
Et huic praeda, ac direptioni cellae nomen imponis? haec
deerat iniuria, Et haec calamitas aratoribus te Praetore,
qua reliquis fortunis omnibus euerterentur. nam quid
esse reliqui poterat ei, qui per hanc iniuriam non modo
frumentum omne amittere, sed etiam omne instrumen-
tum uendere cogeretur? quod enim se uerteret, non habe-
bat. ex quo fructu nummos, quos tibi daret, inueniret?
decumarum nomine tantum erat ablatum, quantum uo-
luntas tulerat Apronij: pro alteris decumis, emptorq; fru-
mento aut nihil datum, aut tantum datum, quantum re-
liqui scriba fecerat, aut ultro etiam, id quod didicistis,
ablatum. cogantur etiam nūmi ab aratore. quomodo? quo
iure? quo exemplo? nam cum fructus diripiebantur ara-
torum, atq; omni lacerabatur iniuria: uidebatur id per-
dere arator, quod aratro ipse quaesisset, in quo elaboras-
set, quod agri, segetesq; extulissent. quibus iniurijs gra-
uissimis tamen illud erat miserum solatiū, qd id perdere
uidebatur, quod alio Praetore, eodem ex agro reparare
posset. nummos uero ut daret arator, quos non aratro, ac
manu quaerit: boues, Et aratrum ipsum, Et omne instru-
mentum uendat, necesse est. non enim debetis hoc cogitare:
habet idem in nūmis: habet idē in urbanis praedijs. nam
cum aratori onus aliquod imponitur: nō hominis, si quae
sunt praeterea, facultates, sed arationis ipsius uis, ac ra-
tio considerata est, quid ea sustinere, quid pati, quid ef-
ficere possit, ac debeat. quanquam illi quoq; sunt homines
ab isto omni ratione exinaniti, ac perditī: tamen hoc uo-
bis est statuendum, quid aratorem ipsum arationis no-

LIBER V.

mine muneris in Remp. fungi, ac sustinere uelitis. imponitis decumas, patiuntur : alteras, temporibus uestris seruendum putant. dent emptum præterea : dabunt, si uoletis. hæc quàm sint graua, & quid his rebus detractis possit ad dominos puri, ac reliqui peruenire, credo uos ex uestris rebus rusticis coniectura assequi posse. addite nunc eodem istius edicta, instituta, iniurias: addite Apronij, Venetiorumq; seruorum in agro decumano regna, ac rapinas : quâquam hæc omitto : de cella loquor. placet ne uobis in cellâ magistratibus nostris frumentum Siculos gratis dare ? quid hoc indignius ? quid iniquius ? atqui hoc scitote aratoribus hoc Prætor optandum, ac petendum fuisse. Sositenus est Entellinus, homo cum primis ciuitatis prudens, & domi nobilis : cuius uerba audistis : qui ad hoc iudiciû Legatus publice cum Arthemone, et Menisco primarijs uiris missus est. is cum in senatu Entellino multa mecum de istius iniurijs ageret, hoc dixit, si hoc de cella, atq; hac æstimatione concederetur, uelle Siculos senatui polliceri frumentum in cellam gratis, ne posthac tantas pecunias magistratibus nostris decerneremus. perspicere uos certo scio, Siculis quantopere hoc expediat, non ad æquitatis conditionem, sed ad minima malorum eligenda. nam qui mille modium Verri suæ partis in cellam gratis dedisset, duo millia nummum, aut summum tria dedisset : idem nunc pro eodem numero frumenti HS VIII millia dare coactus est. hoc arator assequi per triennium certo fructu suo non potuit : uendiderit instrumentum, necesse est. quod si hoc munus, & uetigal aratio tolerare, hoc est Sicilia ferre, ac pati potest: populo R. ferat potius, quàm nostris magistratibus, magna est pecunia,

magnum præclarumq; uectigal. si modo id salua pro-
uincia, si sine iniuria sociorū percipere possitis, nihil de-
traho. magistratibus tantundem detur in cellam, quan-
tum semper datum est. quod præterea Verres imperat :
id, si facere nō possunt, recusent: si possunt, populi R. po-
tius hoc sit uectigal, q̄ præda Prætoris. deinde cur in uno
genere solo frumenti ista æstimatio constituitur? si est
æqua, & ferenda: populo R. Sicilia decumas det, pro sin-
gulis tritici modys ternos denarios, sibi habeat frumen-
tum. data tibi pecunia est Verres: una, qua frumentum
tibi emeris in cellam: altera, qua frumentum emeris à ci-
uitatibus, quod Romā mitteres. tibi datam pecuniam do-
mi retines: & præterea pecuniā permagnam tuo nomi-
ne aufers. fac idem in eo frumēto, quod ad populum R.
pertinet: exige eadem æstimatione pecuniā à ciuitatibus,
& refer quam accepisti. tum refertius erit ararium po-
puli R. q̄ unquam fuit. at enim istā rem in publico fru-
mento Sicilia nō ferret: hanc rem in meo frumento tu-
lle: proinde quasi aut æquior sit ista æstimatio in tuo, q̄
in populi R. cōmodo: aut ea res, quam ego dico, & ea,
quā tu fecisti, inter se genere iniuriæ, nō magnitudine pe-
cuniæ differat. uerū istam ipsam cellam ferre nullo modo
possunt. ut omnia remittātur, ut omnibus iniurijs, & ca-
lamitatibus, quas te Prætor tulerunt, in posterum li-
berentur; istam se cellam, atq; istam æstimationem ne-
gant ullo modo ferre posse. multa Sophocles Agrigenti-
nus apud Cn. Pompeium Cos. nuper homo disertissimus,
& omni doctrina, & uirtute ornatissimus pro tota Sici-
lia de aratorum miserijs grauiter, ac copiose dixisse, ac
deplorassee dicitur. ex quibus hoc ijs, qui aderant (nam

LIBER V.

magno conuentu acta res est) indignissimum uideba-
 tur: qua in re senatus optime, ac benignissime cum ara-
 toribus egisset, large, liber aliterq; aestimasset, in ea re præ-
 dari Prætozem, bonis euertere aratores, & id nō modo fie-
 ri, quasi liceat, concessumq; sit. quid ad hæc Hortensius?
 falsum esse crimen? hoc nuquam dicet. nō magnam hæc
 ratione pecuniam captam? ne id quidem dicet. non iniu-
 riam factam Siculis, atq; aratoribus? qui poterit dicere?
 quid igitur dicet? fecisse alios? quid est hoc? utrum cri-
 mini defensio, an comitatus exilio quæritur? tu in hac
 Rep. atque in hac hominum libidine, & ut adhuc habuit
 se status iudiciorum, etiam licentia; non ex iure, non ex
 æquitate, non ex lege, non ex eo, quod licuerit; sed ex eo,
 quod aliquis fecerit, id, quod reprehenditur, recte fa-
 ctum esse defendes? fecerunt aliqui alia quàm multa.
 cur in hoc uno crimine isto genere defensionis uteris?
 sunt quædam omnino in te singularia, quæ in nullum
 alium hominem dici, neq; conuenire possint: quædam ti-
 bi cum multis cōmunia. ergo ut omittā tuos peculatus,
 ut ob ius dicendum pecunias acceptas, ut eiusmodi cate-
 ra, quæ forsitan alij quoq; etiam fecerint: illud, in quo
 te grauissime accusaui, q̄ ob iudicandam rem pecuniam
 accepisses, eadem ista ratione defendes, fecisse alios? ut
 ego assentiar orationi, defensionem tamen non probabo:
 potius enim te damnato, cæteris angustior locus impro-
 bitatis defendendæ relinquetur, quàm te absoluto, alij,
 quod audacissime fecerunt, recte fecisse existimentur. lu-
 gent omnes prouinciæ: queruntur omnes liberi populi:
 regna deniq; iam omnia de nostris cupiditatibus, & in-
 iurijs expostulant: locus intra Oceanum iam nullus est

neque tam longinquus, neq; tam reconditus, quò non per
 hæc tempora nostrorum hominũ libido, iniquitasq; per=
 uaserit: sustinere iam populus R. omnium nationum nõ
 uim, non arma, nõ bellum, sed luctum, lacrymas, queri=
 monias nõ potest. in eiusmodi re, ac moribus, si is, qui erit
 adductus in iudicium, cum manifestis in flagitijs tenebi=
 tur, alios eadem fecisse dicet: illi exempla non deerunt,
 Reip. salus deerit, si improborum exemplis improbi iu=
 dicio, ac periculo liberabuntur. placent uobis hominum
 mores? placet ita geri magistratus, ut geruntur? placet
 socios sic tractari, quod restat, ut per hæc tempora tra=
 ctatos uideris? cur hæc à me opera consumitur? quid
 sedetis? cur nõ in media oratione mea consurgitis, atq;
 disceditis? uultis autem istorum audacias, ac libidines ali=
 qua ex parte resecare? desinite dubitare, utrũ sit utilius,
 propter multos improbos uni parcere, an unius improbi
 supplicio multorũ improbitatem coercere. tametsi quæ
 ista sunt exempla multorum? nam cum in causa tanta,
 cum in crimine maximo dici à defensore cœptum est, fa=
 ctitatũ esse aliquid: expectant ij, qui audiũt, exempla ex
 uetere memoria, & monumentis, ac literis, plena dignita=
 tis, plena antiquitatis: hæc plurimũ solent & auctorita=
 tis habere ad probandũ, & iucunditatis ad audiendum.
 Africanos mihi, & Catones, & Lælios cõmemorabis? et
 eos fecisse idem dices? quãuis res nõ placeat, tamen cõtra
 hominũ auctoritatem pugnare nõ potero. an cum eos nõ
 poteris proferre, hos recentes, Q. Catulum patrem, C.
 Marium, Q. Scauolam, M. Scaurum, Q. Metellum?
 qui omnes prouincias habuerunt, & frumentum cellæ
 nomine imperauerunt, magna est hominum auctoritas,

LIBER V.

Et tanta, ut etiam delicti suspensionem tegere possit. non
 habes ne ex his quidem hominibus, qui nuper fuerunt, ul-
 lum auctorem istius aestimationis. quò me igitur, aut ad
 quæ exempla reuocas? ab illis hominibus, qui tum uersa-
 ti sunt in Rep. cum et optimi mores erant, et hominum
 existimatio grauis habebatur, et iudicia seuera fiebant;
 ad hanc hominū licentiā, et libidinem me abducis? et in
 quos aliquid exēpli populus R. statui putat oportere, ab
 ijs tu defensionis exēpla quæris? nō fugio ne hos quidem
 mores, dūmodo ex his ea, quæ probat populus R. exēpla,
 nō ea quæ cōdemnat, sequamur. nō circūspiciā, nō quæ-
 ram foris, cum habeas iudices principes ciuitatis, P. Serui-
 lium, Q. Catulum: qui tāta auctoritate sunt, tātis re-
 bus gestis, ut in illo antiquorū, et clarissimorū hominū,
 de quibus antea dixi, numero reponātur. exempla quæri-
 mus, et ea nō antiqua. modo uterq; horum exercitū ha-
 buit. quære Hortensi, quoniam te recentia exempla dele-
 etant, quid fecerint. ita ne uero? Q. Catulus frumēto
 est usus, pecuniam non coegit: P. Seruilius quinquēniū
 exercitui cū præffet, et ista ratione innumerabilem pe-
 cuniā facere posset, nō statuit sibi quicquā licere, quod
 non patrem suū, non auū Q. Metellum facere uidisset:
 C. Verres reperietur, qui, quod expediat, id licere dicat?
 quod nemo nisi improbus fecerit, id aliorū exēplo se fe-
 cisse defendat? at in Sicilia factitatū est. quæ est ista con-
 ditio Siciliae? cur, quæ optimo iure propter uetustatem,
 fidelitatem, propinquitatem esse debet, huic præcipua lex
 iniuriæ definitur? sed in ista ipsa Sicilia nō quæram exem-
 plum foris, hoc ipso ex cōsilio utar exemplis. C. Marcel-
 le te appello, Siciliae provincia, cum esses pro Cōsule, præ-

fuiſti: num quæ in tuo imperio pecuniæ cellæ nomine co-
actæ ſunt? neq; ego hoc in tua laude pono. alia ſunt tua
facta, atq; conſilia ſumma laude digna, quibus illam tu
prouinciã afflictam, & perditam erexiſti, atq; recreaſti.
nam hoc de cella ante Lepidus quidẽ fecerat, cui tu ſuc-
ceſſiſti. quæ ſunt tibi igitur exẽpla in Sicilia cellæ, ſi hoc
crimen non modo Marcelli factõ, ſed ne Lepidi quidem
potes defendere? an me ad M. Antoniũ æſtimationẽ fru-
menti, exactionemq; pecuniæ reuocaturus es? ita, inquit:
ad M. Antoniũ: hoc enim mihi ſignificaffe, & annuiſſe
uiſus eſt. ex omnibus ne igitur populi R. Prætoribus, Con-
ſulibus, imperatoribus M. Antonium delegiſti, & eius
unum improbiſſimum factum, quod imitarere? & hic
utrũ mihi difficile eſt dicere, an his exiſtimare? ita ſe in
illo infinito imperio M. Antonium geſſiſſe, ut multo iſtĩ
perniciõſius ſit dicere, ſe in re improbiſſima uoluiſſe An-
tonium imitari, q̃ ſe poſſit defendere, nihil in uita ſe M.
Antonio ſimile feciſſe. homines in iudijs ad crimen de-
fendendum, non quid fecerit quiſpiam, proferre ſolent,
ſed quid probarint: Antoniũ, cum multa contra ſocio-
rum ſalutem, multa contra uoluntatem prouinciãrum
& faceret, & cogitaret, in medijs eius iniurijs, & cupi-
ditatibus mors oppreſſit. tu mihi, quaſi eius omnia facta,
atq; conſilia ſenatus populusq; R. iudices comprobarint,
ita Antoniũ exemplo iſtius audaciam defendis. at idem fe-
cit Sacerdos. hominem innocentem, & ſumma pruden-
tia præditum nominas: ſed tum idem feciſſe erit exiſti-
mandus, ſi eodem cõſilio fecerit. nam genus æſtimationis
ipſum à me nunquam eſt reprehẽſum: ſed eius æquitas
aratorum cõmodo, & uoluntate perpenditur. nõ poteſt

LIBER V.

reprehendi illa aestimatio, quæ aratori non modo incommoda non est, sed etiam grata est. Sacerdos ut in prouinciam uenit, frumentum in cellam imperauit. cum esset ante nouū tritici mod. HS XV, petiuerunt ab eo ciuitates ut aestimaret. remissior aliquanto eius fuit aestimatio, quàm annona: nam aestimauit denarijs III. uides eandem aestimationem propter temporis dissimilitudinem in illo laudis causam habere, in te criminis? in illo beneficij, in te iniuriæ? eodem tēpore Antonius III denarijs aestimauit post messem, summa in uilitate, cū aratores frumentum dare gratis malebant, & aiebat, se tātidem aestimasse, q̄ti sacerdotem: neq; mētiebatur: sed eadem ista aestimatione alter subleuaret aratores, alter euerterat. q̄ nisi omnis frumētī ratio ex temporibus esset, & annona, nō ex numero, neq; ex summa considerata: nunq̄ tam grati hī sesquimodij Q. Hortensi fuissent: quos tu cum ad mensuræ tam exiguam rationem populi R. in capita descripsisses, gratissimū omnibus fecisti: caritas enim annonæ faciebat, ut istuc, quod re paruum uidebatur, tempore magnum uideretur. idem istuc si in uilitate populo R. largiri uoluisses, derisum tuū beneficium esset, atq; contemptum. noli igitur dicere istum idem fecisse, quod sacerdotem: quoniam non eo tempore, neq; simili fecit anno. dicito potius, quoniā habes auctorem idoneum; quod Antonius uno aduentu, & uix mensuris cibarijs fecerit, id istum per triennium fecisse: & istius innocentiam M. Antonij factō, atque auctoritate defendito. nam de Sex. quidem Peduceo fortissimo, atq; innocentissimo uiro quid dicitis? de quo quis unquam arator questus est? aut quis non ad hoc tempus innocentissimam omnium, diligentissimamq;

diligentissimamq; Præturam illius hominis existimauit? biennio prouinciam obtinuit, cum alter annus in uilitate, alter in summa caritate fuerit: nū aut in uilitate nūmū arator quisquam dedit, aut in caritate de aestimatio ne frumenti questus est? at uberiora cibaria facta sunt caritate. credo: neq; id est nouum, neq; reprehendendum. modo C. Sctium uidimus, hominem uetere illa, ac singulari innocentia præditum, propter caritatem frumenti, quæ fuerat in Macedonia, permagnam ex cibarijs pecuniam reportare. quamobrem non ego inuideo tuis cōmodis, si qua ad te lege uenerunt: iniuriam queror: improbitatem arguo: auaritiam in crimē, & in iudicium uoco. q̃ si suspensiones inijcere uoletis, ad plures homines, & ad plures prouincias crimen hoc pertinere: nō ego istam defensionem uestram pertimescam, sed me omnium prouinciarum defensorem esse profitebor: etenim hoc dico, & magna uoce dico: ubicunq; hoc factum est, improbe factum est: quicunq; hoc fecit, supplicio dignus est. nā per deos immortales uidete iudices, et prospicite animis, quid futurum sit. multi magnas pecunias ab inuitis ciuitatibus, atq; ab inuitis aratoribus ista ratione cellæ nomine coegerunt (omnino ego neminem uideo, præter istum: sed do hoc uobis, & cōcedo, esse multos). in hoc homine rem adductam in iudiciū uidetis. quid facere potestis? utrū, cum iudices sitis de pecunia capta, conciliata, tantam pecuniam captam negligere, an, cum lex sociorum causa rogata sit, sociorum querimonias nō audire? uerum hoc quoq; uobis remitto: negligite præterita, si uultis: sed, ne reliquas spes turbetis, atq; omnes prouincias euertatis, id provideate; ne auaritiæ, quæ antehac occultis itineribus,

Cic. Orat.

CC

atq; angustius uti solebat, auctoritate uestra uiam pate-
 faciatis illustrem, atq; latam. nam si hoc probatis, & si
 hoc licere, pecunias isto nomine capi, iudicatis: certe hoc,
 quod adhuc nemo nisi improbissimus fecit, posthac ne-
 mo nisi stultissimus nō faciet. improbi sunt, qui pecunias
 cōtra leges cogunt: stulti, qui, quod licere iudicatum est,
 prātermittunt. deinde iudices uidete, q̄ infinitam sitis ho-
 minibus licentiam pecuniarum eripiendarum daturi. si,
 ternos denarios qui coegit, erit absolutus: quaternos, de-
 nos deniq; aut uicenos coget alius: quæ erit reprehensio?
 in quo primum iniuriæ gradu resistere incipiet seueritas
 iudicis? quotus erit iste denarius, qui non sit ferendus? &
 in quo primum æstimationis iniquitas, atq; improbitas
 reprehendatur? non enim à uobis summa, sed genus æsti-
 mationis est comprobatum: neq; hoc potestis iudicare, ter-
 nis denarijs æstimare licere: ubi enim semel ab annonæ
 ratione, & ab aratorum uoluntate res ad Prætoris libi-
 dinem translata est, non est iam in lege, atq; in officio, sed
 in uoluntate hominum, atq; audacia positus modus æsti-
 mandi. quapropter si uos semel in iudicando finem æqui-
 tatis, & legis transieritis: scitote uos nullum ceteris in æ-
 stimādo finem improbitati, & auaritiæ reliquisse. uide-
 te igitur, q̄ multa simul à uobis postulentur. absoluite
 eum, qui se fateatur maximas pecunias cum summa so-
 ciorum iniuria cepisse. non satis. sunt alij quoq; complu-
 res, qui idem fecerint. absoluite etiam illos, si qui sunt: ut
 uno iudicio quamplurimos improbos liberetis. ne id qui-
 dem satis est. facite, ut ceteris posthac idem liceat. licebit.
 at hoc parum est. permittite, ut liceat: quāti quisq; uelit,
 tanti æstimet. æstimabit. uidetis iam profecto iudices, hac

æstimatione à uobis comprobata, neq; modum posthac
 auaritiæ cuiusquam, neq; pœnam improbitatis futurâ.
 quas ob res, quid agis Hortensius? Consul es designatus: pro
 uinciâ sortitus es: de æstimatione cum dices frumenti, sic
 te audiemus, quasi id, quod ab isto recte factum esse de-
 fendes, te facturum profiteare, & quasi, quod isti licitū
 esse dices, uehementer cupias tibi licere. atqui si id licebit,
 nihil est, quod putetis quenquā posthac commissurum, ut
 de pecunijs repetundis condemnari possit: quantam enim
 quisq; concupierit pecuniam, tantam licebit per cellæ no-
 men æstimationis magnitudine consequatur. at enim est
 quiddā, quod etiā si palām in defendendo non dicit Hor-
 tensius, tamen ita dicit, ut uos id suspicari, & cogitare
 possitis: pertinere hoc ad commodum senatorium, perti-
 nere ad utilitatem eorum, qui iudicent, qui in prouincijs
 cum potestate, aut cum legatione se futuros aliquando
 arbitrentur. præclaros uiros existimas iudices nos habere,
 quos alienis peccatis concessuros putes, quo facilius ipsos
 peccare liceat. ergo id uolumus populum R. id prouin-
 cias, id socios, nationesq; exterâs existimare, si senatores iu-
 dicent, hoc certe unum genus infinitæ pecuniæ per sum-
 mam iniuriam cogendæ nullo modo posse reprehendi?
 quod si ita est: quid possumus contra illum Pratorem di-
 cere, qui quotidie templum tenet, qui Remp. sistere negat
 posse, ni ad equestrem ordinē iudicia referantur? q̄ si ille
 hoc unū agitare cœperit, esse aliquod genus cogendæ pecu-
 niæ, senatorū cōmune, & iā propè cōcessum ordini, quo
 genere ab socijs maxima pecunia per summā iniuriā au-
 feratur, neq; ullo modo senatorijs iudicijs reprehēdi pos-
 se, idq; dū equester ordo iudicaret, nunq̄ esse cōmissum:

LIBER V.

quis obstat, quis erit tam cupidus uestri, tam fautor ordinis, qui de transferendis iudicijs possit recusare? atq; utinam posset aliqua ratione hoc crimē, quamuis falsa, modo humana, atq; usitata defendere. minore periculo uestro, minore periculo prouinciarum omnium iudicaretis. negaret hic aestimatione se usum. uos id credidisse homini, non factum comprobasse uideremini. nullo modo negare potest: urgetur à tota Sicilia: nemo est ex tātō numero aratorum, à quo pecunia cellæ nomine non sit exacta. uellem etiam hoc posset dicere, nihil ad se istam rationem pertinere, per Quæstores rem frumentariam esse administratā. ne id quidem ei licebit dicere: propterea quod ipsius literæ recitatur ad ciuitates de ternis denarijs misse. quæ est igitur defensio? feci, quod arguis: coegi pecunias maximas cellæ nomine: sed hoc mihi licuit: uobis, si prospicitis, licebit. periculosum prouincijs, genus iniuriæ confirmari iudicio. perniciosum nostro ordini, populum R. existimare, nō posse eos homines, qui ipsi legibus teneantur, leges in iudicando religiose defendere. Atq; isto Prætorē iudices non solum aestimandi frumenti modus non fuit, sed ne imperandi quidem: neq; enim id, quod debebatur, sed quātum commodum fuit, imperauit. summam faciam uobis ex publicis literis, & testimonijs ciuitatum frumenti in cellam imperati. reperietis quinque tanto iudices amplius istum, q̄ quantum ei in cellam sumere licitum sit, ciuitatibus imperasse. quid ad hanc impudentiam addi potest, si & aestimauit tanti, ut homines ferre non possent, & tanto plus, quàm erat ei concessum legibus, imperauit? quapropter cognita tota re frumentaria iudices, iam facillime perspicere potestis, amissam

esse populo R. Siciliam fructuosissimam, atq; opportunis-
simam provinciam, nisi eam uos istius damnatione recu-
peratis: quid est enim Sicilia, si ei agri cultionem sustule-
ris, & si aratorum numerum, ac nomē extinxeris? quid
enim potest esse in calamitate residui, quod non ad mise-
ros aratores isto Pratore per summam iniuriam, igno-
miniamq; peruenierit? quibus, cū decumas dare deberent,
uix ipsis decumæ relictæ sunt: cum pecunia deberetur, so-
luta non est: cum optima æstimatione senatus frumentū
eos in cellam dare uoluisset, etiam instrumēta agrorum
uendere coacti sunt. dixi iam antea iudices, ut has omnes
iniurias tollatis, tamē ipsam rationem arandi spe magis,
& iucunditate quadam, q̄ fructu, atq; emolumento te-
neri: etenim ad incertum casum, & euetum certus quot
annis labor, & certus sumptus impenditur. annona por-
rò pretium, nisi in calamitate fructuum, nō habet. si au-
tem ubertas in percipiendis fructibus fuit, consequitur
uilitas in uendendis, ut aut male uendendum intelligas,
si processit; aut male perceptos fructus, si recte licet uen-
dere. totæ autem res rusticæ eiusmodi sunt, ut eas non ra-
tio, neq; labor, sed, res incertissimæ, uenti, tēpestatesq; mo-
derentur. hinc cum unæ decumæ lege, & conditione tra-
hantur, alteræ nouis institutis propter annonæ rationem
imperentur, ematur præterea frumentum quotannis pu-
blice, postremo etiam in cellam magistratibus, et Legatis
imperetur: quid, aut quantum præterea est, quod aut li-
berum possit habere ille arator, ac dominus in potestate,
suorum fructuum, aut in ipsis fructibus solutum? quòd
si hæc ferūtur omnia; si uobis potius, ac populo R. quàm
sibi, & suis commodis, opera, sumptu, labore deseruiunt:

LIBER V.

etiam ne hæc noua debent edicta, et imperia Prætorum,
 & Apronij dominationem, & Veneriorum seruorum
 furta, rapinasq; perferre? etiam ne frumentum pro em-
 pto gratis dare? etiam ne, in cellam cum cupiant gratis
 dare ultro, pecuniam grãdem dare? etiam ne hæc tot de-
 trimenta, atque damna cum maximis iniurijs, contume-
 lysq; perferre? itaq; hæc iudices, quæ pati nullo modo po-
 tuerunt, non pertulerunt. arationes tota Sicilia deser-
 tas, atque à dominis relictas esse cognoscitis: neque quic-
 quam aliud agitur hoc iudicio, nisi ut antiquissimi socij,
 fidelissimiq; Siculi, coloni populi R. atque aratores, ue-
 stra seueritate, & diligentia, me duce, atque auctore in
 agros, atque in sedes suas reuertantur.

ACCUSATIONIS IN C. VER-
REM LIBER VI.
ORATIO IX.

V ENIO nūc ad istius, quemadmodum
ipse appellat, studiū; ut amici eius, mor-
bum, & insaniam; ut Siculi, latrocinium.
ego, quo nomine appellem, nescio. rem
uobis proponam: uos eam suo nominis
pondere penditote. genus ipsum prius cognoscite iudices:
deinde fortasse nō magnopere quæretis, quo nomine ap-
pellandum puteris. nego in Sicilia tota, tam locuplete, tā
ueterē prouincia, tot oppidis, tot familijs, tam copiosis,
ullum argenteum uas, ullum Corinthium, aut Deliacum
fuisse: nego ullam gemmam, aut margaritam fuisse, aut
quicquam ex auro, aut ebore factum, signum ullum æ-
neum, marmoreum, eburneum: nego ullā picturam ne-
que in tabulis, neq; textilem fuisse, quin quæsierit, inspe-
xerit; quod placitum sit, abstulerit. magnum uideor dice-
re. attendite, etiam quemadmodum dicam: non enim uer-
bi, neq; criminis causa augendi complector omnia. cum
dico nihil istum eiusmodi rerum in tota prouincia reli-
quisse: latine me scitote, nō accusatorie loqui. etiā planius:
nihil in ædibus cuiusquam, ne in oppidis quidem, nihil in
locis communibus, ne in fanis quidem, nihil apud Si-
culum, nihil apud ciuem R. nihil denique istum, quod
oculos, animumq; accenderit, neque priuati, neque
publici, neque profani, neque sacri tota in Sicilia
reliquisse. unde igitur potius incipiam, quā ab ea
ciuitate, quæ tibi una in amore, atque in delicijs

CC iiij

LIBER VI.

fuit? aut ex quo potius numero, quàm ex ipsis laudatoribus tuis? facilius enim perspicietur, qualis apud eos fueris, qui te oderunt, qui accusant, qui persequuntur; cū apud tuos Mamertinos inueniāre improbiſſima ratione eſſe prædatus. C. Heius eſt Mamertinus (omnes hoc mihi facile concedent, qui Meſſanam acceſſerunt) omnibus rebus in illa ciuitate ornatiffimus: huius domus eſt uel optima Meſſanæ, notiffima quidem certe, & noſtris hominibus apertiffima, maximeq; perhoſpitalis. ea domus ante aduentum iſtius ſic ornata fuit, ut urbi quoq; eſſet ornamento: nam ipſa Meſſana, quæ ſitu, mœnibus, portuq; ornata ſit, ab his rebus, quibus iſte delectatur, ſanè uacua, atq; nuda eſt. erat apud Heium ſacrarium cum magna dignitate in ædibus à maioribus traditum, per antiquū: in quo ſigna pulcherrima quatuor ſummo artificio, ſumma nobilitate, quæ non modo iſtum hominem ingenioſum, atq; intelligentem, uerum etiam quemuis noſtrum, quos iſte idiotas appellat, delectare poſſent: unum Cupidinis marmoreum, Praxitelis (nimirum didici etiā, dum in iſtum inquirō, artificum nomina). idem opinor artifex eiſdem modi Cupidinem fecit illū, qui eſt Theſpys: propter quem Theſſiæ uiſuntur: nam alia uiſendi cauſa nulla eſt. itaq; ille L. Mummius, cum Theſpys ea, quæ ad ædem Felicitatis ſunt, ceteraq; profana ex illo oppido ſigna tolleret, hunc marmoreum Cupidinem, quod erat conſecratus, non attigit. uerum ut ad illud ſacrariū redeam: ſignum erat hoc, quod dico, Cupidinis è marmore. ex altera parte Hercules egregie factus ex ære. is dicebatur eſſe Myronis, ut opinor, & certe. item ante hoſce deos erant tabulæ, quæ cuius ſacrarij religionem

significare possent : erant anea præterea duo signa non maxima, uerum eximia uenustate, uirginali habitu, atq; uestitu, quæ manibus sublatis sacra quædam more Atheniensium uirginum reposita in capitibus sustinebāt. Canephora ipsæ uocabātur. sed earum artificem quēnam ? recte admones. Polycletum esse dicebant. Messanam ut quisq; nostrū uenerat, hæc uisere solebat : omnibus hæc ad uisendum patebant quotidie : domus erat nō domino magis ornamento, quā ciuitati. C. Claudius, cuius Aedilitatem magnificentissimā scimus fuisse, usus est hoc Cupidine tandiu, dum forum dys immortalibus, populoq; R. habuit ornatum : Et cum esset hospes Heiorū, Mamerini autem populi patronus, ut illis benignis usus est ad cōmodandum, sic ipse diligens fuit ad reportādum. nuper homines nobiles eiusmodi iudices : ecquid dico, nuper ? immo uero modo, ac planè paulo ante uidimus, qui forum, ac basilicas nō solum prouinciarū, sed ornamentis amicorum, cōmodis hospitum, nō furtis nocentium ornarent : qui tamen signa, atq; ornamenta sua cuiq; reddebant, non, ablata ex urbibus sociorū quatrīdū causa per simulationem Aedilitatis, domū deinde, atq; ad suas uillas auferebāt. hæc omnia, quæ dixi, signa iudices ab Heio de sacrario Verres abstulit : nullum in quā horum reliquit, neq; aliud ullum tamen, præter unum peruetus ligneum, Bonam fortunam. ut opinor, eam iste domi suæ habere noluit. prò deū hominūq; fidem, quid hoc est ? quæ hæc causa ? quæ hæc impudentia est ? quæ, dico, signa, antequam abs te sublata sunt, nemo Messanā cum imperio uenit, quin uiderit. tot Prætores, tot Consules in Sicilia tum in pace, tum etiam in bello fuerunt : tot ho-

LIBER VI.

mines cuiusq; modi : non loquor de integris, innocētibus, religiosis : tot cupidi, tot improbi, tot audaces : quorum nemo sibi tam uehemens, tam potēs, tam nobilis uisus est, qui ex illo sacrario quicquam poscere, aut tollere, aut attingere auderet. Verres, quod ubiq; erit pulcherrimum, auferet ? nihil habere præterea cuiquam licebit ? tot domus locupletissimas domus istius una capiet ? iccirco nemo superiorum attigit, ut iste tolleret ? ideo C. Claudius Pulcher retulit, ut C. Verres posset auferre ? at nō requirebat ille Cupido lenonis domum, ac meretriciam disciplinam : facile illo sacrario patrio continebatur : Heio se à maioribus relictum esse sciebat : ad hæreditatem sacrorum nō quærebat meretricis hæredem. sed quid ego tam uehemēter inuehor ? uerbo iam uno repellar. emi, inquit. ò dy immortales, præclaram defensionem. mercatorem cum imperio, ac securibus in prouinciam misimus, qui omnia signa, tabulas piētas, omne argentū, aurum, ebur, gemmas coemeret, nihil cuiquā relinqueret : hæc enim mihi ad omnia defensio patefieri uidetur, emisse. primum, si id, quod uis, tibi ego concedā, ut emeris, quoniam in toto hoc genere hac una defensione usus es : quæro cuiusmodi tu iudicia Romæ putaris esse, si tibi hoc quenquam concessurū putasti, te in Prætura, ac imperio tot res, tam pretiosas, omnes deniq; res, quæ alicuius pretij fuerint, tota ex prouincia coemisse ? uidete maiorum diligentiam, qui nihil dum etiā istiusmodi suspicabatur, ueruntamen ea, quæ paruis in rebus accidere poterāt, providebāt. neminem, qui cum potestate, aut legatione in prouinciā esset profectus, tam amentem fore putarūt, ut emeret argentum ; dabatur enim de publico : ut uestem ; præbe-

batur enim legibus: mancipium putauerunt: quo & omnes utimur, & non præbetur a populo. sanxerunt, ne quis emeret mancipiū, nisi in demortui locum. si quis Romæ esset demortuus? immo si quis ibidem: nō enim te instruere domum tuam uoluerunt in prouincia, sed illum usum prouinciæ supplere. quæ fuit causa, cur tam diligenter nos in prouincijs ab emptionibus remouerēt? hæc iudices, q̃ putabant ereptionem esse, nō emptionem, cum uenditori suo arbitrato uēdere non liceret. in prouincijs, intelligebāt, si is, qui esset cum imperio, ac potestate, quod apud quenq; esset, emere uellet, idq; ei liceret; fore, uti, quod quisq; uellet, siue esset uenale, siue non esset, quanti uellet, auferret. dicet aliquis: noli isto modo agere cum Verre: noli eius facta ad antiquæ religionis rationem exquirere: concede, ut impune emerit, modo ut bona ratione emerit, nihil ab inuito, nihil per iniuriam. sic agam. si quid uenale habuit Heius, si id, quanti aestimabat, tanti uendidit: desino quærere, cur emerēs. quid igitur nobis faciundum est? num argumentis utēdum in re eiusmodi? quærendum est credo, Heius iste num æs alienum habuerit, num auctionem fecerit: si fecit, num tāta difficultas eum rei nummarie tenuerit, tanta egestas, tanta uis oppresserit, ut sacrarium suum spoliaret, ut deos patrios uenderet. at hominem uideo auctionem fecisse nullam, uendidisse præter fructus suos nihil unquam: non modo in ære alieno nullo, sed in suis nummis multis esse, ac semper fuisse: si hæc contra, ac dico, essent omnia; tamen illum hæc, quæ tot annos in familia, sacrarioq; maiorum fuissent, uenditurum non fuisse. quid, si magnitudine pecuniæ persuasum est ei? uerisimile non

LIBER VI.

est, ut ille homo tam locuples, tã honestus religioni suæ,
monimentisq; maiorum pecuniã anteponeret. sunt ista :
ueruntamen abducuntur homines nōnunquã etiã ab in=
stitutis suis magnitudine pecuniæ. uideamus, quãta ista
pecunia fuit, quæ potuerit Heium, hominem maxime lo=
cupletem, minime auarum, ab humanitate, & pietate, ab
religione deducere. ita iussisti, opinor, ipsum in tabulas
referre : hæc omnia signa Praxitelis, Myronis, Polyclети
HS VI mil. Verri uendita sunt. Recita ex tabulis.
iuuat me, hæc præclara nomina artificũ, quæ isti ad cœ=
lum ferunt, Verris æstimatione sic concidisse, Cupidinem
Praxitelis HS MDC. profecto hinc natum est : malo
emere, quã rogare. dicet aliquis : quid ? tu ista perma=
gno æstimas ? ego uero ad meã rationem, usumq; non
æstimo. ueruntamen à uobis ita arbitror spectari oport=
tere, quãti hæc eorum iudicio, qui studiosi sunt harũ re=
rum, æstimentur, quãti uenire soleant, quãti hæc ipsa, si
palam libereq; uenirent, uenire possent, deniq; ipse Ver=
res quãti æstimet : nunquã enim, si denarius quadrin=
gentis Cupidinem illum putasset, commississet, ut propter
eum in sermonem hominum, atque in tãtam uituperationem
ueniret. quis uestrum igitur nescit, quãti hæc æsti=
mentur ? in auetione signum æneum non magnum HS
CXX millibus uenire non uidimus ? quid, si uelim no=
minare homines, qui aut nō minoris, aut etiã pluris eme=
rent : non ne possum ? etenim quĩ modus est in his rebus
cupiditatis, idem est æstimationis : difficile est enim finem
facere pretio, nisi libidini feceris. uideo igitur Heium ne=
que uoluntate, neq; difficultate aliqua temporis, neq; ma=
gnitudine pecuniæ adductum esse, ut hæc signa uederet,

teq; ista simulatione emptionis, ui, metu, imperio, fascibus ab homine eo, quem unà cum ceteris socijs nō solum potestati tuæ, sed etiam fidei populus R. commiserat, eripuisse atq; abstulisse. quid mihi tam optādum iudices potest esse in hoc crimine, quàm ut hæc eadē dicat ipse Heius? nihil profecto. sed ne difficilia optemus. Heius est Mamertinus. Mamertina ciuitas istum publice communi cōsilio sola laudat: omnibus iste ceteris Siculis odio est: ab his solis amatur. eius autem legationis, quæ ad istum laudandum missa est, princeps est Heius: etenim est primus ciuitatis. ne forte, dum publicis mandatis seruiat, de priuatis iniurijs reticeat. hæc cum scirem, & cogitarem, cōmisi tamen me iudices Heio: produxi eū prima actione: neq; id tamen ullo periculo feci: quid enim poterat Heius respondere, si esset improbus? si sui dissimilis? signa illa domi suæ esse, non apud Verrem? qui poterat quicquam eiusmodi dicere? ut homo turpissimus esset, impudentissimq; mentiretur: hoc diceret, illa se habuisse uenalia, eaq; sese, quanti uoluerit, uendidisse. homo domi suæ nobilissimus, qui uos de religione sua, ac dignitate uere existimare maxime uellet, primo dixit se istum publice laudare, q̄ sibi ita mandatum esset; deinde neq; se habuisse illa uenalia, neq; ulla cōditione, si, utrum uellet, liceret, adduci unquā potuisse, ut uenderet illa, quæ in sacrario fuissent à maioribus suis relicta, & tradita. quid sedes Verres? quid expectas? quid te à Centuripina ciuitate, à Catinenſi, ab Halesina, Tyndaritana, Ennensi, Agyrinenſi, ceterisq; Sicilia ciuitatibus circūueniri, atq; opprimi dicis? tua te altera patria, quemadmodum dicere solebas, Messana circūuenit, tua inquam Messana

LIBER VI.

tuorum adiutrix scelerum, libidinum testis, prædarum,
 ac furtorum receptorix: adest enim uir amplissimus eius
 ciuitatis, Legatus huiusce iudicii causa domo missus, prin-
 ceptis laudationis tuæ, qui te publice laudat: id enim man-
 datum, atq; imperatum est. tametsi rogatus de Cybea,
 tenetis memoria, quid responderit: ædificatâ publicis ope-
 ris publice coactis, eiq; ædificandæ publice Mamertinum
 senatorem præfuisse. idem ad uos priuatim iudices cõsu-
 git: utitur hac lege, qua iudicium est cõmunis, et priua-
 tæ rei sociorum. tametsi lex est de pecunijs repetundis, ille
 se negat pecuniam repetere, quam ereptam nõ tantopere
 desiderat: sacra se maiorum suorum repetere abs te di-
 cit: deos penates à te patrios reposcit. ecqui pudor est? ec-
 quæ religio Verres? ecqui metus? habitasti apud Heium
 Messanæ: res illû diuinas apud deos in suo sacrario pro-
 pè quotidie facere uidisti. nõ mouetur pecunia: deniq;
 quæ ornamentis causa fuerunt, non requirit: habe Cane-
 phoras: deorum simulacra restitue. quæ quia dixit, quia
 tẽpore dato modeste apud uos socius, amicusq; populi R.
 questus est; quia religioni suæ non modo in dys patrijs
 repetundis, sed etiam in ipso iureiurando, ac testimonio
 proximus fuit: hominem missum ab isto scitote esse Mes-
 sanam de Legatis unum, illum ipsum, qui naui istius ædi-
 ficandæ publice præfuit, qui à senatu peteret, ut Heius
 ignominia afficeretur. homo amētissime quid putasti? te
 impetraturum? q̃ti is à ciuibus suis fieret, q̃ti auctoritas
 eius haberetur, ignorabas? uerũ fac te impetrauisse: fac
 aliquid grauius in Heium statuisse Mamertinos: quan-
 tam putas auctoritatem laudationis eorũ futuram, si in
 eum, quem cõstet uerum pro testimonio dixisse, pœnam

constituerent? tametsi quæ est ista laudatio, cum laudator interrogatus ledat necesse est? quid? isti laudatores tui nõ ne testes mei sunt? Heius est laudator: læsit gravissime. producā ceteros: reticebunt, quæ poterūt, libenter: dicent, quæ necesse erit, ingratis. negent isti onerariā nauem maximā edificatam esse Messanæ? negēt, si possint. negēt ei naui faciundæ senatorem Mamertinū publice præfuisse? utinā negent. sunt etiā cetera: quæ malo integra reservare, ut quæ minimum sit illis tēporis ad meditando, confirmandumq; periuriū. hæc tibi laudatio procedat in numerū. hi te homines auctoritate sua subleuēt: qui te neq; debēt adiuuare, si possint; neq; possunt, si uelint: quibus tu priuatim iniurias plurimas, cōtumeliasq; imposuisti: quo in oppido multas familias totas in perpetuū infames tuis stupris, flagitijsq; fecisti. at publice commodaſti. nõ sine magno quidem Reip. prouinciæq; Siciliæ detrimento. tritici modiū L X millia emptā populo R. dare debebant, & solebant. abs te solo remissum est. Resp. detrimentū fecit, q̄ per te imperij ius una in ciuitate imminutū est: Siculi, q̄ hoc nõ de summa frumenti detractum est, sed translātū in Cēturipinos, & Halesinos immunes populos; & hoc plus impositum, q̄ ferre possent. nauem imperare ex fœdere debuisti: remisisti in triennium. milite nullum unquā poposcisti per tot annos: fecisti item uti prædones solent: qui cum cōmunes hostes sint omnium, tamen aliquos sibi instituūt amicos, quibus non modo parcant, uerum etiam præda quos augeant, & eos maxime, qui habent oppidum opportuno loco, quod sæpe adeundum sit nauibus, nõnunquam etiam necessario. Phaselis illa, quam cepit P. Seruilius, non fuerat urbs

LIBER VI.

ante Cilicum, atq; prædonum: Lyci illam Græci homines incolebant. sed q̄ erat eiusmodi loco, atq; ita proiecta in altum, ut et exeuntes è Cilicia prædones sæpe ad eam necessario deuenirent, & cum ex hisce se locis reciperēt, eodem deferrentur: asciuerunt illud sibi oppidum piratæ, primo cōmercio, deinde etiam societate. Mamertina ciuitas improba antea nō erat, etiā erat inimica improborum: quæ C. Catonis illius, qui Consul fuit, impedimenta retinuit: at cuius hominis? clarissimi, potentissimiq;. qui tamen, cum Consul fuisset, condemnatus est. ita? C. Cato duorum hominum clarissimorum nepos, L. Pauli, & M. * Catonis, & P. Africani sororis filius: quo damnato, tum cum seuera iudicia fiebant, HS XVIII millibus lis æstimata est. huic Mamertini irati nō fuerunt, qui maiorem sumptum, quàm quanti Catonis lis æstimata est, in Timarchidis prandium sæpe fecerūt. uerum hæc ciuitas isti prædoni, ac piratæ Siciliensi Phaselis fuit. huc omnia undiq; deportabantur, apud istos relinquebantur: quod celari opus erat, habebant sepositum, ac reconditum: per istos, quæ uolebat, in nauem clam imponenda, occulte exportada curabat: nauem deniq; maximam, quam onustam furtis in Italiam mitteret, apud istos faciendam, ædificandamq; curauit. pro hisce rebus uacatio data est ab isto sumptus, laboris, militiæ, rerum deniq; omnium. per triennium soli nō modo in Sicilia, uerum, ut opinio mea fert, his quidem in temporibus in omni orbe terrarum uacui, expertes, soluti, ac liberi fuerunt ab omni sumptu, molestia, munere. hinc illa Verrea nata sunt. hinc in conuiuium Sex. Cominiū protrahi iussit, in quem scyphum de manu iacere conatus est, quem obtorta gula de conuiui

uiuio in uincula, atque in tenebras abripi iussit. hinc illa
 crux, in quam ciuem R. iste multis inspectantibus sustu-
 lit: quam nō ausus est usquā defigere, nisi apud eos, qui-
 buscum omnia scelera sua, ac latrocinia communicasset.
 laudatum etiam uos quenquam uenire audetis? qua au-
 floritate? utrum, quam apud senatorium ordinem, an-
 quā apud populum R. habere debetis? ecquæ ciuitas est,
 nō modo in provincijs nostris, uerum in ultimis nationi-
 bus aut tam potēs, aut tam libera, aut etiam tam imma-
 nis, ac barbara; Rex deniq; ecquis est, qui senatorem po-
 puli R. tecto, ac domo non inuitet? qui honos non homini
 solum habetur, sed primū populo R. cuius beneficio nos
 in hunc ordinē uenimus: deinde ordinis auctoritati: quæ
 nisi grauis erit apud socios atq; exterarum nationes, ubi erit
 imperij nomen, & dignitas? Mamertini me publice non
 inuitauerunt. me cum dico, leue est. senatorem populi R.
 si non inuitauerunt, honorem debitum detraxerunt non
 homini, sed ordini: nam ipsi Tullio patebat domus locu-
 pletissima, & amplissima C. Pompei Basilici: quod, etiam
 si esset inuitatus à uobis, tamē diuertisset: erat etiam Per-
 cenniorum, qui nunc item Pompeij sunt, domus honestis-
 sima: qua L. frater meus, summa illorum uoluntate di-
 uertit. senator populi R. quod in uobis fuit, in uestro op-
 pido iacuit, & pernoctauit in publico. nulla hoc alia ci-
 uitas unquam comisit. amicum enim nostrum in iudiciū
 uocabas. tu, quid ego priuatim negotij geram, interpreta-
 bere in minuendo honore senatorio? uerum hæc tum que-
 remur, si quid de uobis per eum ordinem agetur, qui or-
 do à uobis adhuc solis contemptus est. in populi R. quidē
 conspectum quo ore uos commisistis? nec prius illam cru-

Cic. Orat.

D D

LIBER VI.

cem, quæ etiam nunc ciuis R. sanguine redundat, quæ fixa est ad portū, urbemq; uestrā, reuellistis, neq; in profundum abiicistis, locumq; illum omnem expiastis, q̄ Romam, atq; in horum cōuentum adiretis? in Mamertinorum solo fœderato, atq; pacato monumentum istius crudelitatis constitutum est. uestra ne urbs electa est, ad quā cum adirēt ex Italia, crucem ciuis R. prius, quā quam amicum uiderent populi R? quam uos Rheginis, quorum ciuitati inuideris, item incolis uestris, ciuibus R. ostendere soletis, quominus sibi arrogant, minusq; uos de spiciant, cum uideant ius ciuitatis illo supplicio esse mutatum. Verum hæc emisse te dicis. quid illa Attalica, tota Sicilia nominata, ab eodē Heio peripetasmata emere oblitus es? licuit eodem modo, ut signa: quid. n. actum est? an literis pepercisti? uerum hominem amētem hoc fugit. minus clarum putauit fore quod de armario, quā quod de sacrario esset ablatum. at quomodo abstulit? nō possum dicere planius, quā ipse apud uos dixit Heius. cum quæsissem, nunquid aliud de bonis eius peruenisset ad Verrem: respondit, istum ad se misisse, ut sibi mitteret Agrigentum peripetasmata. quæsiui, an misisset: respondit id, quod necesse erat, scilicet dicto audientem fuisse Prætori, misisse. rogauī, peruenissent ne Agrigentum: dixit, peruenisse. quæsiui, an domum reuertissent? negauit adhuc reuertisse. risus populi, atq; admurmuratio omniū facta est. hic tibi in mentē nō uenit, iubere, ut hæc quoq; referret HS D se tibi uendidisse: metuisti ne æs alienum tibi cresceret, si HS VI millibus D tibi constarent ea, quæ tu facile posses uendere HS CC millibus. fuit tanti, mihi crede: haberes, quod defenderes: nemo quæreret,

quanti illa res esset: si modo te posses docere emisse, facile cui uelles tuam causam, & factum probares. nunc de peripetasmatis quemadmodum te expedias, non habes. quid? à Philarcho Centuripino, homine locuplete, ac nobili, phaleras pulcherrime factas, quæ Regis Hieronis fuisse dicuntur, utrū tandem abstulisti, an emisti? in Sicilia quidem cum essem, sic à Centuripinis, sic à cæteris audiebam: non enim parum res erat clara. tam te has phaleras à Philarcho Centuripino abstulisse dicebant, quàm alias item nobiles ab Aristo Panormitano, quàm tertias à Cratippo Tyndaritano. etenim si Philarchus uendidisset, non ei, postea quàm reus factus es, redditurū te promisisses. quod quia uidisti plures scire: cogitasti, si ei reddidisses, te minus habiturum, rem nihilo minus testatam futuram: nō reddidisti. dixit Philarchus pro testimonio, se, quòd nosset tuum istum morbum, ut amici tui appellant, cupisse te celare de phaleris: cum abs te appellatus esset, negasse habere sese: apud alium quoque eas habuisse depositas, ne quā inuenirētur: tuam tantam fuisse sagacitatem, ut eas per illum ipsum inspiceres, ubi erant depositæ: tum se deprehensum negare non potuisse: ita ab se inuito ablatas phaleras gratis. iam, ut hæc omnia reperire, ac perscrutari solitus sit iudices, est operæ pretium cognoscere. Cybiratæ sunt fratres quidam Tlepolemus, & Hiero: quorum alterum fingere opinor è cera solitum esse, alterum esse pictorem. hosce, opinor, Cybiræ, cum in suspitionē uenissent suis ciuibus, fanum expilasse Apollinis, ueritos pœnam iudicij, ac legis, domo profugisse. q̃ Verrem artificij sui cupidum cognouerāt, tum, cum iste, id quod ex testibus didicisti, Cybiram cū

DD ij

LIBER VI.

inanibus sygraphis uenerat: domo profugientes ad eum se exules, cum iste esset in Asia, contulerunt. habuit secum eos ab illo tempore: & in Legationis prædis, atque furtis multum illorum opera, consilioque usus est. hi sunt illi, quibus in tabulis retulit sese Q. Tadius dedisse iussu istius Græcis pictoribus. eos iam bene cognitos, & re probatos secum in Siciliam duxit. quod posteaquam uenerunt, mirandum in modum canes uenaticos diceret: ita odorabatur omnia, & peruestigabant, ut, ubi quicquid esset, aliqua ratione inuenirent. aliud minitendo, aliud pollicendo, aliud per seruos, aliud per liberos, per amicum aliud, aliud per inimicum inueniebant. quicquid illis placuerat, perdendum erat. nihil aliud optabant, quorum poscebatur argentum, nisi ut Hieroni & Tlepolemo displiceret. uere mehercules hoc iudices dicam. memini Pamphilum Lilybatanum hospitem meum, & amicum, nobilem hominem, mihi narrare: cum iste ab sese Hydriam Boeti manu factam, præclaro opere, et grandi pondere, per potestatem abstulisset, se sanè tristem, & conturbatum domum reuertisse, quod uas eiusmodi, quod sibi à patre, & à maioribus esset relictum, quo solitus esset uti ad festos dies, ad hospitum aduentum, à se esset ablatum. cum sederem, inquit, domi tristis: accurrit Venerius: iubet me scyphos sigillatos ad Prætorem statim afferre. permotus sum, inquit: binos habebam: iubeo promi utrosque, ne quid plus mali nasceretur, & mecum ad Prætoris domum ferri. eo cum uenio: Prætor quiescebat: fratres illi Cybiratæ ambulabant. qui simul ut me uiderunt, ubi sunt Pamphile, inquiunt, scyphi? ostendo tristis. laudant. incipio queri, me nihil habiturum, quod alicuius esset pretij, si etiā scyphi

essent ablati. tum illi, ubi me conturbatum vident: quid
 vis nobis dare, isti ne auferatur abs te? ne multa, HS CC
 me, inquit, poposcerunt: dixi me C daturū. uocat interea
 Prætor: scyphos poscit. tum illos cæpisse Prætori dicere,
 putasse se, id quod audissent, alicuius pretij scyphos esse
 Pamphili: luteum negotium esse, non dignū, quod in suo
 argento Verres haberet. ait ille idem sibi uideri. ita Pam
 philus scyphos optimos aufert. & mehercules ego antea,
 tametsi hoc nescio quid nugatoriū sciebam esse, ista intel
 ligere, tamen mirari solebam, istum in his ipsis rebus ali
 quem sensum habere, quem scire nulla in re quicquam
 simile hominis habere. tum primum intellexi ad eam rē
 istos fratres Cybiratas fuisse, ut iste in furando manibus
 suis, oculis illorū uteretur. at ita studiosus est huius præ
 claræ existimationis, ut putetur in hisce rebus intelligēs
 esse: ut nuper (uidete hominis amentiam) posteaquam est
 comperēdinatus, cum iam pro damnato, mortuoq; esset,
 ludis Circensibus mane apud L. Sisennam uirum prima
 rium, cum essent triclinia strata, argentumq; expositum
 in ædibus, cum pro dignitate L. Sisennæ domus esset ple
 na hominum honestorum, accesserit ad argentum, con
 templari unumquodq; otiose, & considerare cæperit. mi
 rari stulticiam alij, q̄ in ipso iudicio eius ipsius cupidita
 tis, cuius insimularetur, suspicionem augeret: alij amen
 tiam, cui comperēdinato, cum tam multi testes dixissent,
 quicquam illorum ueniret in mentem. pueri autem Sisen
 næ, credo qui audiuiissent quæ in istum testimonia essent
 dicta, oculos de isto nusquam deycere, neq; ab argento
 digitū discedere. est boni iudicis, paruis ex rebus cōiectu
 ra facere uniuscuiusq; & cupiditatis, & incontinentiæ.

DD ii

LIBER VI.

qui reus lege, & reus comperendinatus, re, & opinione hominum penè damnatus, temperare non potuerit maximo conuentu, quin L. Sisennæ argentum tractaret, et consideraret, hunc in prouincia Prætorem quisquam putabit à Siculorum argento cupiditatem, aut manus abstinere potuisse? Verum uti Lilybæum, unde digressa est, oratio reuertatur: Diocles est Pamphili gener illius, à quo Hydria ablata est, Popillius cognomine. ab hoc abaci uasa omnia, ut exposita fuerant, abstulit. dicat se emisse: etenim hic propter magnitudinem furti sunt, ut opinor, literæ factæ. iussit Timarchidem aestimare argentum, quo modo? quo, qui unquā tenuissime in donatione histrionum aestimauit. tamen si iandudum erro, qui tam multa de tuis emptionibus uerba faciam, & quæram, utrum emeris, & quomodo, & quanti emeris, quod uerbo transigere possum. ede mihi scriptum: quid argenti in prouincia Sicilia pararis, unde quidq; aut quāti emeris. quid fit? quanquam non debebam ego abs te has literas poscere: me enim tabulas tuas habere, & proferre oportebat. uerum negas te horum annorum aliquot cōfecisse. cōpone hoc, quod postulo, de argento: de reliquo uidero. nec scriptum habeo: nec possum edere. quid futurum igitur est? quid existimas hosce iudices facere posse? domus plena signorū pulcherrimorū iam etiam ante Præturam, multa ad uillas tuas posita, apud amicos multa deposita, multa alijs data, atq; donata: tabulæ nullum in dicant emptum: omne argentum ablatum ex Sicilia est: nihil cuiquam, quod suum dici uellet, relictum. fingitur improba defensio, Prætorem omne id argentum coemisse: tamen id ipsum tabulis demonstrari nō potest: si quas

tabulas proferas, in his, quid habeas, quomodo habeas, scriptū non est. horū autem temporū cū te plurimas res emis-
se dicas, tabulas omnino nullas proferas: nō ne te et pro-
latis, et nō prolatis tabulis condēnari necesse est? tu à M.
Celio, equite R. lectissimo adolescente, quæ uoluisti uasa
argentea Lilybæi abstulisti: tu P. Cacurij, promptissimi
hominis, et experientis, et in primis gratiosi, supellectilē
omnē auferre non dubitasti: tu maximā, et pulcherrimā
mensam citreā à Q. Lutadio Diodoro, qui Q. Catuli
beneficio à L. Sylla ciuis R. factus est, omnibus scientibus
Lilybæi abstulisti. nō tibi obijcio, quod hominē dignissi-
mū tuis moribus, Apolloniū Niconis filiū Drepanitanū,
qui nūc A. Clodius uocatur, omni argento optime facto
spoliasti, ac depeculatus es. taceo: non. n. putat ille sibi in-
iuriā factā, propterea q̄ hominī iam perditō, et collū in
laqueū inferenti subuenisti, quū pupillis Drepanitanis bo-
na patria erepta cū illo partitus es. gaudeo etiam, si quid
ab illo abstulisti, et abs te nihil rectius factū esse dico. à
Lisone uero Lilybatano, primo homine, apud quē diuer-
satus es, Apollinis signū ablatū certe eē nō oportuit. at di-
ces te emisē. scio: HS M. ita opinor. scio inquā. proferā
literas: et tamen id factū non oportuit. à pupillo Heio,
cui Marcellus tutor est, à quo pecuniam grādem eripue-
ras, scaphia cum emblematis Lilybæi utrum empta esse
dicis, an confiteris erepta? sed quid ego istius in eiusmodi
rebus mediocres iniurias colligo, quæ tantūmodo in fur-
tis istius, et damnis eorum, à quibus auferebat, uersata
esse uideantur? accipite, si uultis, iudices rem eiusmodi, ut
amentiā singularem, ut furorē iam, nō cupiditatem eius
per spicere possitis. Melitēsis Diodorus est: qui apud uos

DD iiij

LIBER VI.

antea testimonium dixit. is Lilybæi multos iam annos habitat, homo & domo nobilis, & apud eos, quò se còtulit, propter uirtutem splendidus, & graciosus. de hoc Verri dicitur, habere eū perbona toreumata, in his pocula duo quædā, quæ Heraclia nominātur, Mentor's manu summo artificio facta. quod ubi iste audiuit, sic cupiditate inflāmatu's est non solum inspiciundi, uerū etiam auferendi, ut Diodorū ad se uocaret, ac posceret. ille, qui illa non inuitus haberet, respondit se Lilybæi non habere, Melitæ apud quendam propinquū suum reliquisse. tum iste continuo mittit homines certos Melitam: scribit ad quosdam Melitenses, ut ea uasa perquirāt: rogat Diodorum, ut ad illum suum propinquum det literas. nihil ei longius uidebatur, quā dum illud uideret argentū. Diodorus, homo frugi, ac diligens, qui sua seruare uellet, propinquo suo scribit, ut is, qui à Verre uenissent, responderet, illud argentū ē paucis illis diebus misisse Lilybæum. ipse interea recedit. abesse ab domo paulisper maluit, quā præsens illud optime factū argētum amittere. quod ubi audiuit iste, usq; eò est cōmotus, ut sine ulla dubitatione insanire omnibus, ac furere uideretur: quia non potuerat argētum eripere, ipse à Diodoro erepta sibi uasa optime facta dicebat, minitari absenti Diodoro, uociferare palām, lacrymas interdum uix tenere. Eriphylam accepimus in fabulis ea cupiditate, ut, cum uidisset monile, ut opinor, ex auro, & gemmis, pulchritudine eius incensa salutem uiri proderet. similis istius cupiditas, hoc etiā acrior, atque insanior, quòd illa cupiebat id, quod uiderat, huius libidines non solum oculis, sed etiam auribus excitabantur. conquiri Diodorum tota provincia

iubet. ille ex Sicilia castra iam mouerat, & uasa collegerat. homo, ut aliquo modo illum in prouinciam reuocaret, hanc excogitauit rationem: si hæc ratio potius, quàm amentia nominanda est. apponit de suis canibus quendam, qui dicat se Diodorum Melitensem rei capitalis reum uel uel facere. primo mirum omnibus uideri, Diodorū reum, hominem quietissimum, ab omni non modo facinore, uerum etiam minimi errati suspitione remotissimū: deinde esse perspicuum, fieri omnia illa propter argentum. isti non dubitat iubere, nomen deferri. & tum primum opinor istum absentis nomen recepisse. reclamat Sicilia tota, propter cælati argenti cupiditatem reos fieri rerum capitalium; neque solum præsentibus reos fieri, sed etiam absentes. Diodorus Romæ sordidatus circum patronos, atque hospites cursare, rem omnibus narrare. literæ mittuntur isti à patre uehementes, ab amicis item, uideret quid ageret de Diodoro quò progrediretur, rem claram esse, & inuidiosam, insanire hominem, periturū hoc uno crimine, nisi cauisset. iste etiam tum patrem si non in parentis, at in hominum numero putabat: ad iudiciū nondum se satis instruxerat: primus annus erat prouinciæ, non, ut in Sthenio, iam refertus pecunia. itaque furor eius paululum non pudore, sed metu, ac timore repressus est. cõdemnare Diodorū non audebat, absentem de reis eximit. Diodorus interea Prætoris isto propè trienniū prouinciæ, domoque caruit. ceteri non solum Siculi, sed etiam ciues R. hoc statuerant: quoniam iste tantum cupiditate progrediretur, nihil esse, quod quisquam putaret se, quod isti paulo magis placeret, conseruare, aut domi retinere posse. postea uero quàm intellexerunt, isti uirum fortem,

LIBER VI.

quem summe provincia expectabat, Q. Arrium nō succedere : statuerunt se nihil tam clausum, neq; tam reconditum posse habere, quod non istius cupiditati apertissimum, promptissimumq; esset. tum iste ab equite R. splendido, & gratioso Cn. Calidio, cuius filium sciebat senatorem populi R. & iudicem esse, equuleos argenteos nobiles, qui Q. Maximi fuerant, aufert. imprudens huc incidi iudices : emit enim, non abstulit. nollem dixisse. iacabit se, & in his equitabit equuleis. emi : pecuniam solui. credo, etiam tabulae proferentur. est tanti. cedo tabulas. dilue sanè crimen hoc Calidianū, dum ego tabulas aspicere possim. uerūtamen quid erat, quod Calidius Romae quereretur, se, cum tot annos in Sicilia negotiaretur, abs te solo ita esse contemptum, ita despectum, ut etiam cum ceteris Siculis dispoliaretur ; si emeris ? quid erat quod confirmabat, se abs te argentum esse repetiturum. si tibi sua uoluntate uēdiderat ? tu porro posses facere, ut Cn. Calidio non redderes ? praesertim cum is L. Sisenna defensore tuo tam familiariter uteretur, cum & ceteris familiaribus Sisennae reddidisses. deniq; non opinor negaturum esse te, homini honesto, sed nō gratiosiori quā Cn. Calidius est, L. Cordio argentum per Potamonem amicum tuum reddidisse. qui quidem ceterorū causam apud te difficiliorem fecit. nam cum te cōpluribus confirmasset redditurum : posteaq; Cordius pro testimonio dixit te sibi reddidisse, finem reddendi fecisti, quod intellexisti te, praeda de manibus amissa, testimonium tamen effugere non posse. Cn. Calidio equiti R. per omnes Praetores licuit argentum habere bene factum : licuit posse domesticis copijs, cum magistratum, aut aliquem superiorem inui-

tasset, ornare, & apparare conuiuium. multi domi Cn.
 Calidus cum imperio, ac potestate fuerunt: nemo inuen-
 tus est tam amens, qui illud argentum tam præclarum,
 ac tam nobile eriperet: nemo tam audax, qui posceret:
 nemo tam impudens, qui postularet, ut uenderet: super-
 bum est enim iudices, & nõ ferendum, dicere Prætorem
 in prouincia homini honesto, locupleti, splendido, uende
 mihi uasa calata: hoc est enim dicere, non es dignus tu;
 qui habeas, quæ tam bene facta sint: meæ dignitatis ista
 sunt. tu dignior Verres, q̃ Calidius? qui, ut non cõferam
 uitam, atq; existimationem tuam cum illius (neq; enim
 est conferenda) hoc ipsum cõferam, quo tu te superio-
 rem fingis: quod HS LXXX millia diuisoribus, ut
 Prætor renuntiarere, dedisti: trecenta accusatori, ne tibi
 odiosus esset. ea re cõtēpnis equestrem ordinem, ac despi-
 cis? ea re indignũ tibi uisum est, quicquam, quod tibi pla-
 ceret, Calidium potius habere, q̃ te? iacetat se iandudum
 de Calidio: narrat omnibus, se emissee. num etiam de L.
 Papirio, uiro primario, locuplete, honestoq; equite R. thu-
 ribulum emisisti? qui pro testimonio dixit, te, cum inspi-
 ciendum poposcisses, auulso emblemate remisisse: ut intel-
 ligatis, in homine intelligentiam esse, non auariciam; ar-
 tificy cupidum, non argenti fuisse. nec solum in Papirio
 fuit hac abstinentia: tenuit hoc institutum in thuribu-
 lis omnibus, quæcunq; in Sicilia fuerunt. incredibile est
 autem, quàm multa, & quàm præclara fuerint. credo
 tum, cum Sicilia florebat opibus, & copys, magna artifi-
 cia fuisse in ea insula: nã domus erat ante istum Præto-
 rem nulla paulo locupletior, qua in domo hac nõ essent,
 etiã si præterea nihil esset argenti: patella grandis, cum

LIBER VI.

figillis ac simulacris deorum, patera, qua mulieres ad res diuinas uterentur: thuribulum. hæc autem omnia antiquo opere, et summo artificio facta: ut hoc liceret suspicari, fuisse aliquando apud Siculos per æqua proportionem cætera: sed quibus multa fortuna ademisset, tamē apud eos remansisse ea, quæ religio retinisset. dixi iudices, multa fuisse ferē apud Siculos omnes: ego idem confirmo, nūc ne unum quidem esse. quid hoc est? quod monstrum? quod prodigiū in prouinciam misimus? non ne uobis id egisse uidetur, ut nō unius libidinē, non suos oculos, sed omniū auarissimorum insanias, cum Romā reuertisset, expleret? qui simul atq; in oppidum quoppiam uenerat: immittebātur illi cōtinuo Cybiratici canes, qui inuestigabāt, et perscrutabātur omnia. si quod erat grāde uas, et maius opus inuentum, læti auferēbāt. si minus eiusmodi quippiā uenari poterāt, illa quidē certe pro lepusculis capiebātur, patellæ, pateræ, thuribula. hic quos putatis fletus mulierū, quas lamentationes fieri solitas esse in hisce rebus? quæ forsitan uobis parua esse uideātur: sed magnū et acerbum dolorem cōmouent, mulierculis præsertim, cum eripiūtur ē manibus ea, quibus ad res diuinas uti cōsueuerunt, quæ à suis acceperūt, quæ in familia semper fuerūt. Hic nolite expectare, dum ego hoc crimen agam hostiatim: ab Aeschilo Tindaritano istum paterā abstulisse, à Thrasone itē Tindaritano patellam, à Nymphodoro Agrigentino thuribulum. cū testes ex Sicilia dabo: quem uolet, eligat, quem ego interrogem de patellis, pateris, thuribulis: non modo oppidum nullum, sed ne domus quidem ulla paulo locupletior expers huius iniuriæ reperietur. qui cum in cōuiuium uenisset, si

quicquam calati aspexerat, manum abstinere iudices nō poterat. Cn. Pompeius est Philo : qui fuit Tindaritanus. is cœnā isti dabat apud uillā in Tindaritano. fecit, quod Siculi non audebāt. ille, ciuis R. q̄ erat, impuniū id se facturum putauit. apposuit patellam, in qua sigilla erant egregia. iste cōtinuo ut uidit, non dubitauit illud insigne penatium, hospitaliumq; deorum ex hospitali mēsa tollere. sed tamen, quod antea de istius abstinentia dixeram, sigillis auulsis reliquū argentum sine ulla auaritia reddidit. quid? Eupolemo Calactino, homini nobili, Lucullorum hostiti, ac perfamiliari, qui nunc apud exercitum cum L. Lucullo est, non idem fecit? cœnabat apud eum. argentum illi cæterum purum apposuerat, ne purus ipse relinqueretur, duo pocula non magna, ueruntamen cum emblematis. hic quasi festiuū acroama ne sine corollario de cōuiuio discederet, ibidem cōuiuis inspectantibus emblemata auellenda curauit. neq; ego nunc istius facta omnia enumerare conor : neq; opus est : nec fieri ullo modo potest. tantūmodo uniuscuiusq; de uaria improbitate generis indicia apud uos, & exēpla profero : neq; enim ita se gessit in his rebus, tanquā rationem aliquando esset redditurus : sed prorsus ita, quasi aut reus nunquā esset futurus, aut, quo plura abstulisset, eo minore periculo in iudicium esset uenturus, qui hæc, quæ dico, iam nō occulte, nō per amicos, atq; interpretes, sed palām de loco superiore ageret pro imperio, & potestate. Catinam cum uenisset, oppidum locuples, honestum, copiosum : Dionysiarchum ad se Pardiorum, hoc est summum magistratum uocari iubet. ei palām imperat, ut omne argentum, quod apud quenque esset Catinae, cōquirendum curaret,

LIBER VI.

Et ad se transferendum. Philarchum Centuripinum, pri-
 marium hominem genere, uirtute, pecunia, no hoc idem
 iuratum dicere audistis? sibi istum negotium dedisse, atq;
 imperauisse, ut Centuripis, in ciuitate totius Siciliae mul-
 to maxima, et locupletissima, omne argentum coquire-
 ret, et ad se coportari iuberet. Agyrio similiter istius im-
 perio uasa Corinthia per Apollodorum, quem testem au-
 distis, Syracusas deportata sunt. illa uero optima, q cum
 Haluntium uenisset Prætor laboriosus, et diligens, ipse
 in oppidum accedere noluit, q erat difficili ascensu, atq;
 arduo: Artagathum Haluntinum, hominem non solum
 domi suæ, sed tota Sicilia in primis nobilem, uocari ius-
 sit. ei negotium dedit, ut quicquid Haluntii esset argenti
 calati, aut si quid etiam Corinthiorum, ut omne statim
 ad mare ex oppido deportaretur. ascendit in oppidum
 Artagathus, homo nobilis: qui à suis et amari, et dili-
 gi uellet, ferebat grauius, illam sibi ab isto prouinciam
 datam: nec, quid faceret, habebat: pronuntiat, quid sibi
 imperatum esset: iubet omnes proferre, quæ haberent.
 metus erat summus: ipse enim tyrannus non discedebat
 longius: Artagathum, et argentum in lectica cubans ad
 mare infra oppidum expectabat. quem concursum factum
 in oppido putatis? quæ clamorem? quæ porro fletum mu-
 lierum? qui uiderent: equum Troianum introductum, urbem
 captam esse diceret. efferri sine thecis uasa, extorqueri alia
 de manibus mulierum, effringi multorum fores, reuelli clau-
 stra: quid enim putatis? scuta siquando conquiruntur à
 priuatis in bello, ac tumultu, tamen homines inuiti dant,
 etsi ad salutem communem dari sentiunt, ne quem putetis
 sine maximo dolore argentum calatum domo, quod al-

ter eriperet, protulisse. omnia deferuntur. Cybira fratre
 tres uocatur, pauca improbat. quæ probat, iis crusta,
 aut emblemata detrahuntur. sic Haluntini excussis deli-
 cijs, cū argēto puro domū reuerterūt. quod unquā iudi-
 ces huiusmodi euerriculū ulla in provincia fuit? auer-
 tere aliquid de publico quā obscurissime per magistratū
 solebant. etiā aliquid de priuato nōnunq̃ occulte aufere-
 bant. & illi tamen condēnabātur. & si quæritis, ut ego
 met mihi detrahā: illos ego accusatores puto fuisse, qui
 huiusmodi hominū furta odore, aut aliquod leuiter pres-
 so uestigio persequēbātur. nā nos quidē quid facimus in
 Verre, quē in luto uolutatū totius corporis uestigys in-
 uenimus? permagnū est in eum dicere aliquid, qui præ-
 teriēs, lectica paulisper deposita, nō per præstigia, sed pa-
 lām per potestatem, uno imperio, hostiatim, totum oppi-
 dum cōpilarit? attamen ut possit se dicere emisse, Arta-
 gatho imperat, ut aliquid illis, quorū argentum fuerat,
 nummorum dicis causa daret. inuenit Artagathus pau-
 cos, qui uellent accipere: his dedit. eos nūmos tamen iste
 Artagatho non reddidit. uoluit Romæ petere Artaga-
 thus: Cn. Lentulus Marcellinus dissuasit, sicut ipsum di-
 cere audistis. atque hac tota de re audistis Artagathi,
 & Lentuli testimonium. & ne forte hominem existime-
 tis hanc tantam uim emblematum sine causa coaceruas-
 re uoluisse, uidete quanti uos, quanti existimationem po-
 puli R. quanti leges, & iudicia, quanti testes Siculos, ne-
 gotiatoresq; fecerit. posteaquam tantam multitudinem
 collegerat emblematum, ut ne unū quidem cuiquam re-
 liquisset: instituit officinam Syracusis. in regiam maxi-
 mam palām artifices omnes, celatores, ac uasculares

LIBER VI.

conuocari iubet, & ipse suos complures habebat. eò con-
 ducit magnam hominum multitudinem. mēses octo con-
 tinuos opus his non defuit, cum uas nullum fieret nisi au-
 reum. tum illa, ex patellis, & thuribulis quæ uellerat, ita
 scite in aureis poculis illigabat, ita apte in scyphis aureis
 includebat, ut ea ad illam rem nata esse diceret. ipse ta-
 men Prætor, qui sua uigilantia pacē in Sicilia dicit fuis-
 se, in hac officina maiorem partem diei cum tunica pul-
 la sedere solebat, & pallio. hæc ego iudices non auderem
 proferre, ni uererer ne forte plura de isto ab alijs in ser-
 mone, quàm à me in iudicio audisse uos diceretis: quis
 enim est, qui de hac officina, qui de uasis aureis, qui de
 istius pallio, tunica pulla nō audierit? quem uoles de cō-
 uentu Syracusanorū uirum bonum nominato. producā.
 nemo erit, quin hoc se aut uidisse, aut audisse dicat. ò tem-
 pora: ò mores. nihil nimiū uetus proferā. sunt uestrum
 iudices quā multi, qui L. Pisonem cognouerūt, huius L. Pi-
 sonis, qui Prætor fuit, patrem. is cū esset in Hispania Præ-
 tor, qua in prouincia occisus est: nescio quo pacto dum
 armis exercetur, annulus aureus, quem habebat, fractus
 est, & cōminutus. cum uellet sibi annulum facere, aurifi-
 cem iussit uocari in foro, ad sellam, Cordubæ: & ei pa-
 lām appendit aurū. hominem in foro sellam iubet pone-
 re, et facere annulum omnibus præscentibus. nimum for-
 tasse dicet aliquis hūc diligentem. hætenus rēprehēdat, si
 quis uolet: nihil amplius. uerū fuit ei cōcedēdum: filius
 enim L. Pisonis erat eius, qui primus de pecunijs repetun-
 dis legem tulit. ridiculum est nūc de Verre me dicere, cū
 de Pifone Frugi dixerim. ueruntamen, quantū intersit, ui-
 dete. iste cum aliquot abacorum faceret uasa aurea, non
 laborauit,

laborauit, quin nō modo in Sicilia, uerum etiam Romæ in iudicio audiret. ille in auri semuncia totam Hispaniā scire uoluit, unde Prætori annulus fieret. nimirū ut hic nomen suum comprobauit, sic ille cognomē. nullo modo possum omnia istius facta aut memoria consequi, aut oratione complecti. genera ipsa cupio breuiter attingere, ut hic modo me commonuit Pisonis annulus, quod totum effluxerat. Quā multis istum putatis hominibus honestis de digitis annulos aureos abstulisse? nunquā dubitauit, quotiescūq; alicuius aut gemma, aut annulo delectatus est. incredibilem rem dicam, sed tam claram, ut ipsum negaturum nō arbitrer. cum Valentio eius interpreti epistola Agrigenti allata esset, casu signum iste animaduertit in cretula: placuit ei: exquisiuit, unde esset epistola: respondit, Agrigēto. iste literas, ad quos solebat, misit, ut is annulus ad se primo quoq; tempore afferretur. ita literis istius patrifamilias L. Titio cuidam ciui R. annulus de digito detractus est. illa uero eius cupiditas incredibilis est: nam ut in singula conclauia, quæ iste non modo Romæ, sed omnibus in uillis habet, tricenos lectos optime stratos cum cæteris ornamentis conuiuij quæreret, nimium multa comparare uideretur. nulla domus in Sicilia locuples fuit, ubi iste non texttrinam instituerit. mulier est Segestana perdiues, & nobilis, Lamia nomine. per triēnium isti plena domo telarum stragulam uestem confecit, nihil non conchylio tinctum. Attalus homo pecuniosus nec uulgo Lilybæi, Chritolaus Ennæ, Syracusis Aeschrio, Cleomenes, Theomnastus, Pelori Archonides, Megistus. uox me citius defecerit, q̄ nomina. ipse dabat purpuram tantum: amici operas: credo: iam enim

Cic. Orat.

E E

LIBER VI.

non libet omnia criminari: quasi hoc mihi nō satis sit ad crimē, habuisse tam multum, quod daret: uoluisse deportare tam multa: hoc deniq; quod concepit, amicorū operis esse in huiusmodi rebus usum. iam uero lectos aëratos, & candelabra aenea num cui præter istum Syracusis per triēnium facta esse existimatis? emebat, credo. sed tantum uos certiores iudices facio, quid iste in prouincia Prætor egerit, ne cui forte nimium negligens fuisse uideatur, neq; se satis, cum potestatem habuerit, instruxisse & ornasse. Venio nunc non ad furtum, non ad auaritiam, non ad cupiditatem, sed ad eiusmodi facinus, in quo omnia nefaria contineri mihi, atq; inesse uideantur: in quo dij immortales uiolati, existimatio, atq; auctoritas nominis populi R. imminuta, hospitium spoliatum ac proditum, ab alienati scelere istius à nobis omnes Reges amicissimi, nationesq; quæ in eorum regno, ac ditione sunt: nā reges Syriæ regis Antiochi filios pueros scitis Romæ nuper fuisse, qui uenerant nō propter Syriæ regnū: nam id sine controuersia obtinebant, ut à patre, & à maioribus acceperant: sed regnum Aegypti ad se, & ad Selinem matrem suam pertinere arbitrabantur. hi postquam temporibus populi R. exclusi, per senatum agere, quæ uoluerant, non potuerunt: in Syriam in regnum patrium profecti sunt. eorū alter, qui Antiochus uocatur, iter per Siciliam facere uoluit. itaq; isto Prætor uenit Syracusas. hic Verres hæreditatem sibi uenisse arbitratu est, q̃ in eius regnum, ac manus uenerat is, quem iste & audierat multa secum præclara habere, et sufficabatur. mittit homini munera satis large, hæc ad usum domesticum, uini, olei, quod uisum erat; etiam tritici, quod

satis esset, de his decumis. deinde ipsum Regem ad cœnā uocauit. exornat ample, magnificeq; triclinium: exponit ea, quibus abundabat, plurima, ac pulcherrima uasa argentea: nāq; hæc aurea nondum fecerat. omnibus curat rebus instructum, & paratū, ut sit cōuiuium. quid multa? Rex ita discessit, ut & istum copiose ornatum, & se honorifice acceptum arbitraretur. uocat ad cœnam deinde ipse Prætorem, exponit suas copias omnes, multum argentum, non pauca etiam pocula ex auro: quæ, ut mos est regius, & maxime in Syria, gemmis erant distincta clarissimis. erat etiam uas uinariū ex una gēma pergrandi, trulla excauata cum manubrio aureo: de qua, credo, satis idoneum, satis grauem testem Q. Minutium dicere audistis. iste unumquodq; uas in manus sumere, laudare, mirari. Rex gaudere Prætori populi R. satis iucundum, & gratum illud esse conuiuium. posteaq; inde discessum est, cogitare iste nihil aliud, q̄, id quod ipsa res declarauit, nisi quemadmodum Regem ex prouincia spoliatum, expilatumq; dimitteret. mittit rogatum uasa ea, quæ pulcherrima apud illum uiderat: ait se suis calatoribus uelle ostendere. Rex, qui istum non nosset, sine ulla suspitione libentissime dedit. mittit etiam trullam gemmeā rogatū, uelle eā se diligentius cōsiderare. ea quoq; ei mittitur. nūc reliquū iudices attēdite, de quo & uos audistis, & populus R. nō nūc primū audiet, & in exteris nationibus usq; ad ultimas terras peruagatū est. cādela-brū ē gēmis clarissimis, opere mirabili perfectū, Reges hi, quos dico, Romā cū attulissent, ut in Capitolio ponerent, q̄ nondum etiā perfectū templū offenderant, neq; ponere, neque uulgo ostendere, ac proferre uoluerunt;

LIBER VI.

ut & magnificentius uideretur, cum suo tempore in cella Iouis Optimi Maximi poneretur; & clarius, cum pulchritudo eius recens ad oculos hominū, atq; integra perueniret. statuerunt id secum in Syriam reportare, ut, cū audissent simulacrum Iouis Optimi Maximi dedicatum, Legatos mitterent, qui cum cæteris rebus illud quoq; eximium, atq; pulcherrimum donum in Capitolium afferrent. peruenit res ad istius aures nescio quo modo: nam Rex id cælatum uoluerat: non quo quicquam metueret, aut suspicaretur, sed ut ne multi illud ante perciperent oculis, q̄ populus R. iste petit a Rege, & eum pluribus uerbis rogat, uti ad se mittat: cupere se dicit inspicere, neq; se alijs uidendi potestatem esse facturū. Antiochus, qui animo et puerili esset, & regio, nihil de istius improbitate suspicatus est: imperat suis, ut id in Prætorium inuolutum quam occultissime deferrent. quò posteaquam attulerunt, inuolucrisq; reiectis constituerunt: iste clamare cæpit, dignam rem esse regno Syriæ, dignam regio munere, dignam Capitolio: etenim erat eo splendore, qui ex clarissimis, & plurimis gemmis esse debebat; ea uarietate operum, ut ars certare uideretur cū copia; ea magnitudine, ut intelligi posset, non ad hominum apparatus, sed ad amplissimi templi ornamentum esse factum. quod cum satis iam perspexisse uideretur, tollere incipiunt, ut referrent. iste ait, se uelle illud etiam, atq; etiam considerare, nequaquam se esse satiatum. iubet illos discedere, et candelabrum relinquere. sic illi tum inanes ad Antiochū reuertuntur. Rex primo nihil metuere, nihil suspicari. dies unus, alter, plures: non referri. tū mittit Rex ad istū: si sibi uideatur, ut reddat. iubet iste posterius ad se reuer

ti. mirum illi uideri. mittit iterum. nō redditur. ipse ho-
minem appellat: rogat, ut reddat. os hominis, insignemq;
impudentiam cognoscite. quod sciret, quodq; ex ipso Rege
audisset in Capitolio esse ponēdū, quod Ioui Optimo Ma-
ximo, quod populo R. seruari uideret, id sibi ut donaret,
rogare, & uehementer petere cœpit. cum ille se & reli-
gione Iouis Capitolini, & hominum existimatione impe-
diri diceret, q̄ multæ nationes testes essent illius operis, ac
muneris: iste homini minari acerrime cœpit. ubi uidet eū
nihil magis minis, q̄ precibus permoueri: repente homi-
nem de prouincia iubet ante noctem discedere: ait se cō-
perisse ex eius regno piratas in Sicilia esse uenturos. Rex
maximo conuētū Syracusis, in foro, ne quis forte me in
crimine obscuro uersari, atq; affingere aliquid suspitione
hominum arbitretur, in foro inquā Syracusis flens deos,
hominesq; contestans clamare cœpit, cādelabrum factū
ē gemmis, quod in Capitolium missurus esset, quod in tē-
plo clarissimo, populo R. monimentum suæ societatis, ac
amicitiæq; esse uoluisset, id sibi C. Verrem abstulisse. de cæ-
teris operibus ex auro, & gemmis, quæ sua penes illum
essent, se non laborare: hoc sibi eripi, miserum esse, & in-
dignū. id etsi antea iā mente, et cogitatione sua, fratrisq;
sui consecratum esset: tamen tum se in illo conuentu ciui-
um R. dare, donare, dicare, consecrare Ioui Optimo Ma-
ximo, testemq; ipsum Iouem suæ uoluntatis, ac religionis
adhibere. quæ uox? quæ latera? quæ uires huius unius cri-
minis querimoniam possint sustinere? Rex Antiochus, qui
Romæ ante oculos omnium nostrū biennium ferē comi-
tatu regio, atq; ornatu fuisset, is cum amicus, & socius
populi R. esset, amicissimo patre, auo, maioribus, antiquis

EE ij

LIBER VI.

simis, & clarissimis Regibus, opulentissimo, & maximo regno, præceptus è provincia populi R. exturbatus est. quemadmodum hoc accepturas nationes exterar, quemadmodum huius tui facti famam in regna aliorum, atque in ultimas terras peruenturam putasti, cum audierint à Prætorè populi R. in provincia uiolatum Regem, spoliatum hospitem, eiectum socium populi R. atq; amicum nomen uestrum populiq; R. odio, atq; acerbitati sci totè nationibus exteris iudices futurum, si istius hæc tanta iniuria impunita discesserit. sic omnes arbitrabuntur, præsertim cum hæc omnino fama de nostrorum hominum auaritia, & cupiditate percrebruerit: non istius solius hoc esse facinus, sed eorum etiam, qui approbarint. multi Reges, multæ liberæ ciuitates, multi priuati opulenti, ac potentes habent profecto in animo Capitolium sic ornare, ut templi dignitas, imperiūq; nostri nomen desiderat. qui si intellexerint, interuerso regali hoc dono, graui ter uos tulisse: grata fore uobis, populoq; R. sua studia, ac dona arbitrabitur. sin hoc uos in Rege tam nobili, in re tam eximia, in iniuria tam acerba neglexisse audierint: non erunt tam amentes, ut operam, curā, pecuniam impendant in eas res, quas uobis gratas fore non arbitrentur. hoc loco Q. Catule te appello: loquor enim de tuo clarissimo, pulcherrimoq; monumento. non iudicis solum seueritatem in hoc crimine, sed propè inimici, atq; accusatoris uim suscipere debes: tuus est. n. honos in illo templo senatus populiq; R. beneficio: tui nominis æterna memoria simul cum templo illo consecratur. tibi hæc cura suscipienda, tibi hæc opera sumenda est, ut Capitoliū, quomodo magnificentius est restitutum, sic copiosius orna-

tum sit, q̄ fuit, ut illa flamma diuinitus extitisse uideatur, non quæ deleteret Iouis Optimi Maximi templum, sed quæ præclarius magnificētiusq; deposceret. audisti Q. Minutium Rufum dicere, domi suæ diuersatum esse Antiochum Regem Syracusis, se illud scire ad istum esse delatum, se scire non redditum. audisti, & audies omni e conuentu Syracusano qui ita dicant, sese audientibus illud Ioui Optimo Maximo dicatum esse ab Rege Antiocho, & consecratum. si iudex non esses, & hæc ad te delata res esset: te potissimum hoc persequi, te petere, & agere oporteret. quare non dubito, quo animo iudex huius criminis esse debeas, qui apud alium iudicē multo acrior, q̄ ego sum, actor, accusatorq; esse deberes. uobis autē iudices quid hoc indignius, aut quid minus ferendum uideri potest? Verres ne habebit domi suæ candelabrum Iouis Optimi maximi e gemmis auroq; perfectum? cuius fulgore collucere, atque illustrari Iouis Optimi Maximi templum oportebat, id apud istum in eiusmodi cōuiuijs cōstituetur, quæ domesticis stupris, flagitijsq; flagrabūt? in istius lenonis turpissimi domo simul cum cæteris Chelidonis hereditarijs ornamentis Capitolij ornamenta ponentur? quid huic sacri unquam fore, aut quid fuisse religiosi putatis, qui nunc tanto scelere se obstrictum esse non sentiat? qui in iudicium ueniat, ubi ne precari quidē Iouem Optimum Maximum, atq; ab eo auxilium petere more omnium possit? à quo etiam dy immortales sua repetunt in eo iudicio, quod hominibus ad suas res repetundas est constitutum. miramur Athenis Minervam, Deli Apollinem, Iunonem Sami, Pergæ Dianam, multos præterea ab isto deos tota Asia, Græciāq; uiolatos, qui à

E E iij

LIBER VI.

Capitolio manus abstinere nō potuerit? quod priuati homines de suis pecunijs ornāt, ornaturiq; sunt, id C. Verres ab Regibus ornari nō est passus. itaq; hoc nefario scelere concepto, nihil postea tota in Sicilia neq; sacri, neq; religiosi esse duxit. ita sese in ea prouincia per trienniu gessit, ut ab isto non solum hominibus, uerum etiam dijs immortalibus bellum indictum putaretur. Segesta est oppidum peruetus in Sicilia iudices, quod ab Aenea fugiente à Troia, atq; in hac loca ueniente conditum esse demonstrant. itaq; Segestani non solum perpetua societate, atq; amicitia, uerum etiam cognatione se cum populo R. coniunctos esse arbitrantur. hoc quondam oppidum, cum illa ciuitas cum Pœnis suo nomine, ac sua spōte bellaret, à Carthagenensibus uī captum, atq; deletum est, omniaq; quæ ornamento urbi esse possent, Carthaginem sunt ex illo loco deportata. fuit apud Segestanos ex ære simulacrum Dianæ, tum summa, atq; antiquissima præditum religione, tū singulari opere, artificioq; perfectū. hoc translatum Carthagine locū tantum, hominesq; mutarat, religionem quidem pristinam cōseruabat: nā propter eximiam pulchritudinem etiam hostibus digna, quā sanctissime colerent, uidebatur. aliquot seculis post P. Scipio bello Punico tertio Carthaginem cepit. qua in uictoria (uidete hominis uirtutem, & diligentiam, ut & domesticis præclarissimæ uirtutis exemplis gaudeatis, et eo maiore odio dignam istius incredibilem audaciam iudicetis) cōuocatis Siculis omnibus, q̄ diutissime, sepiissimeq; Siciliam uexatam à Carthagenensibus esse cognorat, iubet omnia conquiri, sibi pollicetur magnæ curæ fore, ut omnia ciuitatibus, quæ cuiusq; fuissent, restituerentur.

tum illa, quæ quondam fuerant Himera sublata, de quibus antea dixi, Thermitanis sunt reddita. tum alia Gelensibus, alia Agrigentinis. in quibus etiâ ille nobilis Taurus, quem crudelissimus omnium tyrannorum Phalaris habuisse dicitur, quò uiuos supplicij causa demittere homines, & subycere flammam solebat. quem Taurum Scipio cum redderet Agrigentinis, dixisse dicitur, æquū esse illos cogitare, utrum esset Siculis utilius, suis ne seruire, an populo R. obtemperare, cum idem monimētum & domesticæ crudelitatis, & nostræ mansuetudinis haberent. illo tempore Segestanis maxima cum cura hæc ipsa Diana, de qua dicimus, redditur. reportatur Segestâ: in suis antiquis sedibus summa cum gratulatione ciuium. & lætitia reponitur. hæc erat posita Segestæ, sanè excelsa in basi, in qua grandibus literis P. Africani nomen erat incisum, eumq; Carthagine capta restituisse perscriptum. colebatur à ciuibus: ab omnibus aduenis uiscebatur. cum Quæstor essem, nihil mihi ab illis est demonstratū prius. erat admodum amplum, & excelsum signum cum stola: ueruntamen inerat in illa magnitudine ætas, atq; habitus uirginalis: sagittæ pendebant ab humero: sinistra manu retinebat arcum: dextra ardentem facem præferebat. hanc cum iste sacrorum omnium hostis, religionumq; prædo uidisset; quasi ipsa illa face percussus esset, ita flagrare cupiditate, atq; amentia cœpit. imperat magistratibus iste, ut eam demoliantur, & sibi dent: nihil sibi gratius ostendit futurum. illi uero dicere, id sibi nefas esse, seq; cum summa religione, tum summo metu legum, & indiciorum teneri. iste tum petere ab illis, tum minari, tum spem, tum metum ostendere. opponebant illi

LIBER VI.

interdum nomen Africani: donum populi R. illud esse dicebant: nihil se in eo potestatis habere, quod imperator clarissimus, urbe hostium capta, monumentum uictoriae populi R. esse uoluisset. cum iste nihilo remissius, atq; etiā multo uehementius instaret quotidie: res agitur in senatu: uehementer ab omnibus reclamatur. itaq; illo tēpore, ac primo istius aduētū pernegatur. postea quicquid erat oneris in nautis remigibusq; exigendis, in frumento imperando, Segestanis prāter ceteros imponebat aliquanto amplius, q̄ ferre possent. prāterea magistratus eorū euocabat: optimum, & nobilissimum quenq; ad se accersibat: circum omnia prouinciā fora rapiebat: sigillatim unicuiq; calamitati fore se denuntiabat: uniuersam se funditus illam euersurū esse ciuitatem minabatur. itaq; aliquando multis malis, magnoq; metu uicti Segastani Prātoris imperio parendū esse decreuerunt. magno cum luctu, & gemitu totius ciuitatis, multis cum lacrymis, et lamentatione uirorum, mulierumq; omniū, simulacrum Dianae tollendum locatur. uidete, quanta religione fuerit. apud Segestanos repertum esse iudices scitote neminem neq; liberum, neq; seruum, neq; ciuem, neq; peregrinum, qui illud signū auderet attingere. barbaros quosdā Lilybæo scitote aduocatos esse operarios. hi denique illud, ignari totius negotij, ac religionis, mercede accepta sustulerunt. quod cum ex oppido exportaretur, quem conuentum mulierum factum esse arbitrāmini? quem sletum maiorum natu? quorum nōnulli etiam illum diem memoria tenebant, cum illa eadem Diana Segestam Carthagine reuecta, uictoriam populi R. reditu suo nuntiasset. quā dissimilis hic dies illi tempori uidebatur. tum im-

perator populi R. uir clarissimus deos patrios reportabat Segestanis, ex urbe hostium recuperatos. nunc ex urbe sciorū Prator eiusdem populi turpissimus, atq; impurissimus eosdem illos deos nefario scelere auferebat. quid hoc tota Sicilia est clarius, quàm omnes Segestanas matronas, & uirgines conuenisse, cum Diana exportaretur ex oppido? unxisse unguentis? cōplesse coronis, & floribus? thure odoribusq; incensis usq; ad agri fines prosecutas esse? hanc tu tantam religionem si tum in imperio propter cupiditatem, atq; audaciam non pertimescebas, ne nunc quidem in tanto tuo, liberorumq; tuorum periculo perhorrescis? quem tibi aut hominem, inuitis dijs immortalibus, aut uero deum tantis eorum religionibus uiolatis auxilio futurum putas? tibi illa Diana in pace, atque in otio religionem nullam attulit? quæ cum duas urbes, in quibus locata fuerat, captas incensasq; uidisset, bis ex duorum bellorum flāma, ferroq; seruata est: quæ Carthaginensium uictoria loco mutato, religionem tamen non amisit: P. Africani uirtute, religionem simul cum loco recuperauit. quo quidem scelere suscepto, cum inanis esset basis, et in ea P. Africani nomen incisum, res indigna, atq; intoleranda uidebatur omnibus, non solum religiones esse uiolatas, uerum etiam P. Africani, uiri fortissimi, rerum gestarum gloriam, memoriam uirtutis, monumenta uictoriæ C. Verrem sustulisse. quod cum isti renuntiaretur de basi, ac literis, existimauit homines in obliuionem totius negotij esse uenturos, si etiam basim tanquam indicem sui sceleris sustulisset: itaq; tollendam istius imperio locauerunt. quæ uobis locatio ex publicis Segestanorum literis priore actione recitata est. te nunc

LIBER VI.

P. Scipio, te inquam letissimum, ornatissimumq; adolescentem appello, abs te officium tuum debitum generi, & nomini requiro, et flagito. cur pro isto, qui laudem, honoremq; familiae uestrae depeculatus est, pugnas? cur eum defensum esse vis? cur ego tuas partes suscipio? cur tuum onus sustineo? M. Tullius P. Africani monumenta requirit: P. Scipio eum, qui illa sustulit, defendit. cum mos à maioribus traditus sit, ut monumenta maiorum ita suorum quisq; defendat, ut ea ne ornari quidem nomine alieno sinat: tu isti aderis, qui non obtrusit aliqua ex parte monumenta P. Scipionis, sed funditus sustulit, ac deleuit? quisnam igitur per deos immortales tuebitur P. Scipionis memoriam mortui? quis monumenta, atq; indicia virtutis, si tu ea relinquis, ac deseris? neq; solum spoliata illa pati, sed etiā eorum spoliatorem, uexatoremq; defendes? adsunt Segestani clientes tui, socij populi R. atq; amici: certiores te faciunt, P. Africanum Carthagine deleta simulacrum Dianae maioribus suis restituisse, idq; apud Segestanos eius imperatoris nomine positū, ac dedicatum fuisse, hoc Verrem demoliendum, & asportandum, nomenq; omnino P. Scipionis delendū, tollendumq; curasse. orant te, atq; obsecrant, ut sibi religionem, generi tuo laudem, gloriamq; restituas: ut, quod ex urbe hostium per P. Africanum recuperarint, id per te ex praedonis domo conseruare possint. quid aut his respondere honeste potes, aut illi facere, nisi ut te, ac fidem tuam implorent? adsunt, & implorant. potes domesticae laudis amplitudinem Scipio tueri: potes: omnia in te sunt, quae aut fortuna hominibus, aut natura largitur. non praeterpo fructum officij tui: non alienam mihi laudem appeto: non

est pudoris mei, P. Scipione florentissimo adolescente ui-
uo, & incolumi, me propugnatorem monumentorum P.
Scipionis, defensoremq; profiteri. quamobrem si suscipis
domesticæ laudis patrociniū, me non solum silere de ue-
stris monumentis oportebit, sed etiam letari, P. Africani
eiusmodi esse fortunas mortui, ut eius honos ab ijs, qui ex
eadem familia sint, defendatur, neq; ullum aduentitium
requiratur auxilium. si istius amicitia te impedit; si hoc,
quod abs te postulo, minus ad officium tuum pertinere
arbitraberere: succedam ego uicarius tuo munere: susci-
piam partes, quas alienas esse arbitrabar, ne ista præcla-
ra nobilitas desinat queri populum R. hominibus nouis,
atq; industrijs libenter honores mandare, semperq; man-
dassee. non est querendum in ea ciuitate, quæ propter uir-
tutem omnibus nationibus imperat, uirtutem plurimum
posse. sit apud alios imago P. Africani: ornentur alij mor-
tui uirtute, ac nomine. talis ille uir fuit, ita de populo R.
meritus est, ut non uni familiæ, sed uniuersæ ciuitati cõ-
mendatus esse debeat. est aliqua mea pars uirilis, q̃ eius
ciuitatis sum, quam ille amplam, illustrem, claramq; red-
didit: præcipue q̃ in his artibus pro mea parte uersor,
quarum ille princeps fuit, æquitate, industria, temperan-
tia, defensione miserorum, odio improborū: quæ cognæ-
tio studiorum, & artium propemodum non minus est
coniuncta, quàm ista, qua uos delectamini, generis, et no-
minis. repeto abs te Verres monimētum P. Africani: cau-
sam Siculorum, quam suscepi, relinquo: iudicium de pe-
cunijs repetundis ne sit hoc tempore: Segestanorum iniu-
riæ negligentur: basis P. Africani restituatur: nomen
inuiētissimi imperatoris incidatur: signum pulcherri-

LIBER VI.

mum Carthagine captum reponatur. hæc abs te non Si-
 culorum defensor, non tuus accusator, non Segestani po-
 stulant, sed is, qui laudem, gloriamq; P. Africani tuen-
 dam, conseruandamq; suscepit. nō uereor, ne hoc officium
 meum P. Seruilio iudici non probem: qui cum res ma-
 ximas gesserit, monimenta; suarum rerum maxime con-
 stituat, atq; in his elaboret; profecto uolet hæc non so-
 lum suis posteris, uerum etiam omnibus uiris fortibus,
 & bonis ciuibus defendenda, nō spolianda improbis tra-
 dere. non uereor, ne tibi Q. Catule displiceat, cuius am-
 plissimum in orbe terrarum, clarissimumq; monimen-
 tum est, quamplurimos esse custodes monumentorum, &
 putare omnes bonos alienæ gloriæ defensionem ad offi-
 cium suum pertinere. et quidem cæteris istius furtis, at-
 que flagitijs ita moueor, ut ea reprehēdenda tantum pu-
 tem. hic uero tantum dolore afficior, ut nihil mihi indi-
 gnus ferendum uideatur. Verres Africani monumentis
 domum suam plenam stupri, plenam flagitijs, plenā de-
 decoris ornabit? Verres tēperatissimi, sanctissimiq; ui-
 ri monumentum, Dianæ simulacrum uirginis in ea do-
 mo collocabit, in qua semper meretricum lenonumq; fla-
 gitia uersantur? At hoc solum Africani monimētum
 uiolasti? quid? à Tindaritanis non eiusdem Scipionis be-
 neficio positum simulacrum Mercurij pulcherrime fa-
 ctum sustulisti? at quemadmodum, dy immortales,
 quā audaciter, quā libidinoſe, quā impudenter? au-
 distis nuper dicere Legatos Tindaritanos, homines hone-
 stissimos, ac principes ciuitatis: Mercurium, qui sacris
 anniuerſarijs apud eos, ac summa religione coleretur,
 quem P. Africanus Carthagine capta Tindaritanis non

solum suæ uictoriæ, sed etiam illorum fidei, societatisq;
monimentum, atq; indicium dedisset, huius ui, scelere, im-
perioq; esse sublatum. qui, ut primum in illud oppidum
uenit, statim, tanquam ita fieri non solum oporteret,
sed etiam necesse esset, tanquam hoc senatus mandasset,
populusq; R. iussisset, ita, continuo signum ut demoliren-
tur, & Messanam deportarent, imperauit. quod cum il-
lis, qui aderant, indignum; qui audiebant, incredibile ui-
deretur: non est ab isto primo illo aduentu perseuera-
tum. discedens mandat Proagoro Sopatro, cuius uerba
audistis, ut demoliat. cum recusaret, uehementer mina-
tur. ita tum ex illo oppido proficiscitur. Proagorus re-
fert rem ad senatum: uehementer undiq; reclamatur. ne
multa: iterum iste aliquanto post ad illos uenit, quærit
continuo de signo. respondetur ei, senatum non permit-
tere: pœnam capitis constitutam, si iniussu senatus quis-
quam attingisset: simul religio commemoratur. tum iste,
quam mihi religionem narras? quam pœnam? quem
senatum? uiuum te non relinquam: moriere uirgis, nisi
signum traditur. Sopater iterum flēs ad senatum defert
istius cupiditatem, minasq; demonstrat. senatus Sopatro
responsum nullum dat, sed cōmotus, perturbatusq; di-
scedit. ille Prætoris accersitus nūtio, rem demonstrat: ne-
gat ullo modo fieri posse. atq; hæc (nihil enim prætermit-
tendum de istius impudentia uidetur) agebantur in con-
uētū palā, de sella, ac de loco superiore. erat hiems sum-
ma, tempestas, ut ipsum Sopatru dicere audistis, perfrigi-
da, imber maximus, cum iste imperat liētoribus, ut Sopatrum de porticu, in qua ipse sedebat, præcipitem in forū
deiciant, nudumq; constituent. uix erat hoc planè etiam

LIBER VI.

imperatum, cum illum spoliatum, stipatumq; licitoribus
 uideres. omnes ideo putabant, ut miser, atq; innocens uir-
 gis caderetur. fefellit hæc homines opinio. uirgis iste cæ-
 deret sine causa socium populi R. atq; amicum? non usq;
 eò improbus: non omnia sunt in eo uno uitia: nūquam
 fuit crudelis. leniter hominem clementerq; accepit. eque-
 stres sunt medio in foro Marcellorum statuæ. sicuti ferè
 ceteris in oppidis siciliæ. ex quibus iste C. Marcelli statuā
 delegit: cuius officia in illa ciuitate, totaq; prouincia re-
 centissima erant, & maxima. in ea Sopatrum, hominem
 tum domi nobilem, tum summo magistratu præditum,
 diuaticari, ac deligari iubet. quo cruciatu sit affectus, ue-
 nire in mentem necesse est omnibus, cum esset uinctus nu-
 dus in aere, in imbri, in frigore. neq; tamen finis huic in-
 iuriæ, crudelitatiq; fiebat, donec populus, atq; uniuersa
 multitudo atrocitate rei, misericordiaq; cōmota, senatum
 clamore coegit, ut ei simulacrum illud Mercurij pollice-
 retur. clamabant fore, ut ipsi sese dy immortales ulcise-
 rentur, hominem interea perire innocentem non oportere.
 tum frequens senatus ad istum uenit, pollicetur signum.
 ita Sopater de statuā C. Marcelli, cū iam penè obriguisset,
 uix uiuus aufertur. nō possum disposite istum accusa-
 re, si cupiam. opus est nō solum ingenio, uerum etiā arti-
 ficio quodam singulari. unum hoc crimen uidetur esse, et
 a me pro uno ponitur: de Mercurio Tindaritano plura
 sunt: sed ea quo pacto distinguere, ac separare possim,
 nescio. est pecuniarū captarum, quòd signum à socijs pe-
 cuniæ magnæ sustulit. est peculatus, quòd publice populi
 R. signū, de præda hostium captum, positum imperatoris
 nostri nomine, nō dubitauit auferre. est maiestatis, quòd
 imperij

imperij nostri gloria rerumq; gestarum monumenta euertere, atq; asportare ausus est. est sceleris, q; religiones maximas uiolauit. est crudelitatis, q; in hominem innocentem, in socium nostrum, atq; amicum, nouum, ac singulare supplicij genus excogitauit. illud uero quid sit, iam non queo dicere: quo nomine appellem, nescio: quod in C. Marcelli statua. quid est hoc? patronus ne q; erat? quid tum? quod id spectat? utrum ea res ad opem, an ad calamitatem clientium, atq; hospitum ualere debebat? an ut hoc ostenderes, contra uim tuam in patronis praesidij nihil esse? quis hoc non intelligeret, in improbi praesentis imperio maiorem esse uim, q; in bonorum absentium patrocinio? an uero ex hoc illa tua singularis significatur insolentia, superbia, contumacia? detrahere uidelicet aliquid te de magnitudine Marcellorum putasti? itaq; nunc Siculorum Marcelli non sunt patroni: Verres in eorum locum substitutus est. quam in te tantam uirtutem esse, aut dignitatem arbitratus es, ut conarere clientelam tam illustrem, tam splendidae provinciae traducere ad te, auferre a certissimis, antiquissimisq; patronis? tu ista stultitia, nequitia, inertia, non modo totius Siciliae, sed unius tenuissimi Siculi clientelam tueri potes? tibi Marcelli statua pro patibulo in clientes Marcellorum fuit? tu ex illius honore in eos ipsos, qui honorem illi habuerant, supplicia quae rebas? quid postea? quid tandem tuis statuis fore arbitrare? an uero id, quod accidit? nam Tindaritani statuam istius, quam sibi propter Marcellos, altiore etiam basi poni iusserat, deturbarunt, simul ac successum isti audierunt. dedit igitur tibi fortuna Siculorum C. Marcellum iudicem, ut, cuius ad statuam Siculi te Pratore alligabatur,

Cic. Orat.

FF

LIBER VI.

eius religioni te eundem uinctum, astrictumq; dedamus. ac primo iudices hoc signum Mercurij dicebat iste Tindaritanos C. Marcello huic Aesernino uendidisse: atq; hoc sua causa etiam Marcellum ipsum sperabat esse dicturum. quod mihi nunquam uerisimile uisum est, adolescentem illo loco natum, patronum Siciliae, nomen suum isti ad translationem criminis comodaturum. ueruntamen ita res mihi tota praeuisa, atq; praecauta est, uti, si maxime esset inuictus, qui in se suscipere istius culpam, crimenq; cuperet, tamen is proficere nihil posset: eos enim testes deduxi, & eas literas deportaui, ut de istius facto dubium nemini esse posset. publicae literae sunt, deportatum esse Mercurium Messanam sumptu publico: dicunt, quanti: praefuisse huic negotio publice Legatum Poleam. quid is? ubi est? praesto est: testis est. Proagori Sopatri iussu. quis est hic? qui ad statum astrictus est. quid is? ubi est? testis est. uidistis hominem, & uerba eius audistis. demoliendum curauit Demetrius Gymnasiarchus, quod is ei loco praeerat. quid? hoc nos dicimus? immo uero ipse praesens: Romae, nuper istum esse pollicitum, sese id signum Legatis esse redditurum, si eius rei testificatio tolleretur, cautumq; esset eos testimonium non esse dicturos. dixit hoc apud uos Zosippus, et Hismenias, homines nobilissimi, et principes Tindaritanae ciuitatis. Quid Agrigento? non ne eiusdem P. Scipionis monumentum, signum Apollinis pulcherrimum, cuius in femine literulis minutis argenteis nomen Myronis erat inscriptum, ex Aesculapij religiosissimo fano sustulisti? quod iste iudices cum clam fecisset, cum ad suum scelus illud, furtumq; nefarios quosdam homines improbos duces, atque adiutores adhibuisset: uehementer com-

motā ciuitas est. uno eodem tempore Agrigentini beneficium Africani, religionem domesticam, ornamentum urbis, indicium uictoriae, testimonium societatis requirebant. itaque ab illis, qui principes in ea ciuitate erāt, praecipitur, & negotium datur Quæstoribus, & Aedilibus, ut noctu uigilias agerent ad ædes sacras: etenim iste Agrigenti (credo propter multitudinem illorum hominum, atque uirtutem, & quod ciues R. uiri fortes, ac strenui, & honesti permulti in illo oppido, coniunctissimo animo cum ipsis Agrigentinis uiuunt, ac negotiantur) non audebat palam tollere, aut poscere, quæ placebant. Hercules templum est apud Agrigentinos, non longe à foro, sanè sanctum apud illos, & religiosum. ibi est ex ære simulacrum ipsius Herculis: quo non facile quicquam dixerim me uidisse pulchrius (tamen si nō tam multum in istis rebus intelligo, quā multa uidi) usque eò iudices, ut rictus eius, ac mentum paulo sit attritius, quod in precibus, & gratulationibus non solum id uenerari, uerum etiam osculari solent. ad hoc templum, cum esset iste Agrigenti, duce Timarchide repente nocte intempesta seruorum armatorum fit cōcursus, atque impetus. clamor à uigilibus, faniq; custodibus tollitur. qui primo cum obsistere, ac defendere conarentur, male mulctati clauis, ac fustibus repelluntur. postea conuulsis repagulis, effractisq; ualuibus, demoliri signum, ac uectibus labefactare conantur. interea ex clamore fama tota urbe percrebuit, expugnari deos patrios, non hostium aduentu, neque repentino prædonum impetu, sed ex domo, atq; cohorte Prætoris manū fugitiuorum instructā, armatāq; uenisse.

LIBER VI.

nemo Agrigenti neq; etate tam affecta, neq; uiribus tā infirmis fuit, qui non illa nocte eo nuntio excitatus surrexerit, telūq; quod cuiq; sors offerebat, arripuerit. itaq; breui tempore ad fanum ex urbe tota concurritur. hora amplius iam in demoliendo signo permulti homines moliebantur: illud interea nulla lababat ex parte, cū alij uectibus subiectis conarentur commouere, alij deligatū omnibus membris rapere ad se funibus. repente Agrigē tini concurrunt: fit magna lapidatio: dant sese in fugam istius præclari imperatoris nocturni milites. duo tamen sigilla per paruula tollunt, ne omnino inanes ad istū prædonem religionum reuerterentur. nunquā tam male est sicutis, quin aliquid facite, & commodè dicant, uelut in hac re. aiebant in labores Herculis non minus hunc immanissimum Verrem, q̄ illum aprum Erymanthium referri oportere. hanc uirtutem Agrigentinarum imitati sunt Assorini postea uiri fortes, & fideles, sed nequaquā ex tam ampla, neq; tam ex nobili ciuitate. Chrysas est amnis, qui per Assorinorum agros fluit. is apud illos habetur deus, & religione maxima colitur. fanum eius est in agro, propter ipsam uiam, qua Assoro itur Ennam. in eo Chrysæ est simulacrum præclare factum ē marmore. id iste poscere Assorinos propter singularem eius fani religionem nō ausus est. Tlepolemo dat, Hieroniq; negotium. illi noctu facta manu, armatiq; ueniunt: fores ædis effringūt: æditui, custodesq; mature sentiunt: signū, quod erat notum uicinitati, buccina datur: homines ex agris concurrunt: eijcitur, fugaturq; Tlepolemus: neque quicquam ex fano Chrysæ, præter unum per paruulum signum ex ære, desideratum est. Matris magnæ fanū

apud Enguinos est: iam enim mihi non modo breuiter de unoquoq; dicendum est, sed etiam prætereunda uidetur esse permulta, ut ad maiora istius, & illustriora in hoc genere furta, & scelera ueniamus. in hoc fano loricas, galeasq; æneas, cælatas opere Corinthio, hydriasq; grandes simili in genere, atq; eadem arte perfectas idem ille P. Scipio, uir omnibus rebus præcellentissimus, posuerat, & suum nomen inscripserat. quid iam de isto plura dicam, aut querar? omnia illa iudices abstulit: nihil in religiosissimo fano, præter uestigia uiolatæ religionis, nomenq; P. Scipionis, reliquit. hostiũ stolia, monimenta imperatorum, decora, atq; ornamenta fanorum, posthac his præclaris nominibus amissis, in instrumẽto, ac suppellectili C. Verris numerabũtur. tu uidelicet solus uasis Corinthijs delectaris? tu illius æris temperationem, tu operum liniamenta solertissime perspicis? hæc Scipio ille non intelligebat, homo doctissimus, atq; humanissimus? tu sine ulla bona arte, sine humanitate, sine ingenio, sine literis intelligis, & iudicas? uide, ne ille nõ solum temperantia, sed etiam intelligentia te, atq; istos, qui se elegantes dici uolũt, uicerit: nam quia, q̃ pulchra essent, intelligebat, ideo existimabat ea nõ ad hominum luxuriam, sed ad ornatum fanorum, atq; oppidorum esse facta, ut posteris nostris monimenta religiosa esse uideantur. audite etiam singularem eius iudices cupiditatem, audaciã, amẽtiã, in ijs præsertim sacris polluendis, quæ non modo manibus attingi, sed ne cogitatione quidem uiolari fas fuit. Sacrarium Cereris est apud Catinenses, eadem religione qua Romæ, qua in cæteris locis, qua propè in toto orbe terrarũ. in eo sacrario intimo fuit signum Cereris per-

LIBER VI.

antiquum: quod uiri, non modo cuiusmodi esset, sed ne esse quidem sciebant: aditus enim in id sacrarium non est uiris: sacra per mulieres, ac uirgines confici solent. hoc signum noctu clam istius serui ex illo religiosissimo, atque antiquissimo fano sustulerunt. postridie sacerdotes Cere ris, atque illius fani antistites, maiores natu, probatae, ac nobiles mulieres, rem ad magistratus suos deferunt. omnibus acerbum, indignum, luētuosum denique uidebatur. tum iste permotus illa atrocitate negotij, ut ab se sceleris istius suspicio remoueretur, dat hospiti suo cuidam negotium, ut aliquem reperiret, quem ea fecisse insimularet, daretque operam ut is eo crimine damnaretur, ne ipse esset in crimine. res non procrastinatur: nam cum iste Catinā profectus esset, serui cuiusdam nomen defertur: is accusatur: fidei testes in eum dantur: rem cunctus senatus Catinensium legibus iudicat. sacerdotes uocantur: ex his queritur secreto in curia, quid esset factum, quemadmodum arbitrarentur signum esse ablatum. respondent illae, Praetoris in illo loco seruos esse uisos. res, quae esset antea non obscura, sacerdotum testimonio perspicua esse coepit. itur in consilium: seruus ille innocens omnibus sententijs absoluitur, quo facilius uos hunc omnibus sententijs condemnare possetis: quid enim postulas Verres? quid speras? quid spectas? quem tibi aut deorum, aut hominum auxilio putas futurum? eò ne tu seruos ad spoliandum fanum immittere ausus es, quò liberos adire ne orandi quidem causa fas erat? his ne rebus manus afferre non dubitasti, à quibus etiam oculos cohibere te religionum iura cogebant? tamen si ne oculis quidem captus in hanc fraudē tam sceleratā, ac tam nefariā decidisti: nā id con

cupisti, quod nunq̃ uideras: id inquam adamasti, quod
antea non aspexeras. auribus tu tantam cupiditatem cō-
cepisti, ut eam non metus, non religio, nō deorum uis, nō
hominum existimatio contineret. at ex uiro bono credo
audieras, & bono auctore. qui id potest? qui ne ex uiro
quidē audire potueris. audisti igitur ex muliere, quoniā
id uiri neq; uidisse, neq; nosse poterant. qualem porro il-
lam fœminam fuisse putatis iudices, quā pudicā, quæ
cum Verre loqueretur? quā religiosam, quæ sacrariū
spoliandi ostenderet rationem? at minime mirum; quæ sa-
cra per summā castimoniam uirorum, ac mulierū fiāt,
eadem per istius stuprum, ac flagitium esse uiolata. quid
ergo hoc solum auditione expetere cœpit, cum id ipse nō
uidisset? immo uero alia complura. ex quibus eligam spo-
liationem nobilissimī, atq; antiquissimī fani: de qua prio-
re actione testes dicere audistis. nūc eadem illa quæso au-
dite, & diligenter, sicut adhuc fecistis, attendite. In su-
la est Melita iudices, satis lato ab Sicilia mari, periculo-
sōq; disiūcta: in qua est eodem nomine oppidum, quō iste
nunquam accessit. quod tamen isti tetrinum per trien-
nium ad muliebre uestem conficiendam fuit. ab eo op-
pido non longe, in promontorio fanum est Iunonis anti-
quum: quod tanta religione semper fuit, ut non modo il-
lis Punicis bellis, quæ in his ferē locis nauali prælio ge-
sta, atque uersata sunt, sed etiam in hac prædonum mul-
titudine semper inuiolatum, sanctumq; fuerit. quin etiā
hoc memoriæ proditum est, classe quōdam Masinissæ Re-
gis ad eum locum appulsa, præfectum regium dentes ex
burneos incredibili magnitudine è fano sustulisse, & eos
in Africā portasse, Masinissæq; donasse: Regē qdē primo

LIBER VI.

delectatū esse munere: post, ubi audisset unde essent, statim certos homines in quinquerem misisse, qui eos dentes reportaret. itaq; in his inscriptum literis punicis fuit, Regem Masinissam imprudentem accepisse, re cognita reponendos, restituendosq; curasse. erat præterea magna vis eboris: multa ornamenta, in quibus eburnea uictoria antiquo opere, ac summa arte perfecta. hæc iste omnia, ne multis morer, uno impetu, atq; uno nūtio per seruos Venerios, quos eius rei causa miserat, tollenda, atq; asportanda curauit. prò dy immortales, quem ego hominem accuso? quē legibus, ac iudiciali iure persequor? de quo uos sententiam per tabellam feretis? dicūt Legati Melitenses publice, spoliatum templum esse Iunonis, nihil istum in religiosissimo fano reliquisse, quem in locum classes hostium sæpe acceperint, ubi piratæ ferè quotānis hiemare solebāt: quod neq; prædo uiolarit antea, neq; hostis attingerit, id ab uno isto sic spoliatum esse, ut nihil omnino sit relictum. hic nūc aut iste reus, aut ego accusator, aut hoc iudiciū appellabitur? criminibus enim coarguitur, aut suspicionibus in iudicium uocatur? dy ablati; fana uexata, nudata urbes reperiuntur. earum autem rerum nullam sibi iste neq; inficiandi rationem, neq; defendendi facultatem reliquit: omnibus in rebus coarguitur à me, cōuincitur à testibus, urgetur cōfessione sua, manifestis in maleficijs tenetur, et manet etiā, ac tacitus facta mecū sua recognoscit. nimium mihi diu uideor in uno genere uersari criminu: sentio iudices occurrēdū esse satietati aurium, animorūq; uestrorū. quāobrem multa prætermittā. ad ea autem, quæ dicturus sum, reficite uos quaso iudices per deos immortales, per eos ipsos, de quorū religione iandiu

dicimus, dum id eius facinus cōmemoro, & profero, quo
provincia tota cōmota est. de quo si paulo altius ordiri,
ac repetere memoriā religionis uidebor, ignoscite. rei ma-
gnitudo me breuiter perstringere atrocitatem criminis
non finit. Vetus est hęc opinio iudices, quæ constat ex
antiquissimis Græcorum literis, atq; monumentis: insu-
lam Siciliam totam esse Cereri, & Liberae consecratam.
hoc cum cæteræ gentes sic arbitrantur, tum ipsis Siculis
tam persuasum est, ut animis eorum insitum, atq; innæ-
tum esse uideatur: nā & natas esse has in his locis deas,
& fruges in ea terra primum repertas arbitrantur, &
raptam esse Liberam, quā eandem Proserpinam uocant,
ex Ennēsiū nemore, qui locus, q̄ in media est insula si-
tus, umbilicus Siciliae nominatur. quā cum inuestigare, et
conquirere Ceres uellet, dicitur inflāmasse tædas us igni-
bus, qui ex Aetnae uertice erumpunt: quas sibi cum ipsa
præferret, orbem omnium peragrasse terrarum. Enna
autem, ubi ea, quæ dico, gesta esse memorantur, est loco
præcelso, atq; edito: quo in summo est æquata agri pla-
nities, & aquæ perennes: tota uero omni aditu circunci-
sa, atq; dirempta est. quam circa lacus, luciq; sunt pluri-
mi, & lectissimi flores omni tempore anni: locus ut ipse
raptum illum uirginis, quē iam à pueris accepimus, de-
clarare uideatur: etenim propter est spelunca quædam,
cōuersa ad aquilonem, infinita altitudine, qua Ditem pa-
trem ferūt repēte cum curru exitisse, abreptamq; ex eo
loco uirginem secum asportasse, & subito nō longe à Sy-
racusis penetrasse sub terras, lacumq; in eo loco repente
exitisse: ubi usq; ad hoc tempus Syracusani festos dies
anniuersarios agunt, celeberrimo uirorum, mulierumq;

LIBER VI.

conuentu . propter huius opinionis uetustatem, q̄ eorum
 in his locis uestigia , ac propè incunabula reperiuntur
 deorum, mira quædam tota Sicilia priuatim, ac publice
 religio est Cereris Ennensis: etenim multa sæpe prodigia
 uim eius, numenq̄; declarant, multis sæpe in difficillimis
 rebus præsens auxilium eius oblatum est : ut hæc insula
 ab ea non solum diligi, sed etiã incoli, custodiriq̄; uidea=
 tur. nec solum Siculi, uerum etiam ceteræ gentes, natio=
 nesq̄; Ennensem Cererem maxime colunt. etenim si Athe=
 niensium sacra summa cupiditate expetuntur, ad quos
 Ceres in illo errore uenisse dicitur, frugesq̄; attulisse :
 quãtam esse religionem conuenit eorum, apud quos eam
 natam esse, & fruges inuenisse constat ? itaq; apud pa=
 tres nostros atroci, ac difficili Reip. tempore, cum Tib.
 Graccho occiso magnorum periculorum metus ex osten=
 tis portenderetur, P. Mutio, L. Calphurnio Coss. aditum
 est ad libros Sibyllinos : in quibus inuentum est, Cererem
 antiquissimam placari oportere. tum ex amplissimo col=
 legio Decemuirali sacerdotes populi R. cum esset in urbe
 nostra Cereris pulcherrimum, & magnificentissimum
 templum, tamen usq; Ennam profecti sunt : tanta enim
 erat auctoritas, & uetustas illius religionis, ut, cum illuc
 irent, non ad ædem Cereris, sed ad ipsam Cererem profi=
 cisci uiderentur . non obtundam diutius aures uestras :
 iandudum uereor, ne oratio mea aliena ab iudiciorum
 ratione, & quotidiana dicendi consuetudine esse uidea=
 tur. hoc dico, hanc ipsam Cererem, antiquissimam, reli=
 giosissimam, principem omnium sacrorum, quæ apud
 omnes gentes, nationesq̄; fiunt, à C. Verre ex suis tem=
 plis, ac sedibus esse sublatam. qui accessistis Ennam, uidi=

stis simulacrum Cereris è marmore, & in altero templo Liberæ. sunt ea per ampla, atque præclara, sed nò ita antiqua. ex ære fuit quoddam modica amplitudine, ac singulari opere, cum facibus, per antiquum, omniū illorum, quæ sunt in eo fano, multo antiquissimum. id sustulit. ac tamen eo contentus non fuit. ante ædem Cereris in aperto, ac propatulo loco signa duo sunt, Cereris unum, alterum Triptolemi, & pulcherrima, & per ampla. his pulchritudo periculo, amplitudo saluti fuit, quòd eorum demolitio, atque asportatio perdifficilis uidebatur. insistebat in manu Cereris dextra simulacrum pulcherrime factum Victoriæ. hoc iste è signo Cereris auellendum, asportandumq; curauit. qui tandem istius animus est nunc in recognitione scelerum suorum, cum ego ipse in cõmemoratione eorum non solum animo cõmouear, uerum etiam corpore perhorrescam? uenit enim mihi fani, loci, religionis illius in mētē: uersantur ante oculos omnia: dies ille, quo ego Ennam cum uenissem, præsto mihi sacerdotes Cereris cum infulis, ac uerbenis fuerunt: concio, conuentusq; ciuium, in quo ego cum loquerer, tanti fletus, gemitusq; fiebant, ut acerbissimus tota urbe luctus uersari uideretur. nò illi decumarum imperia, non bonorum direptiones, non iniqua iudicia, non importunissimas istius libidines, non uim, non contumelias, quibus operti, oppressiq; erant, conquerebantur: Cereris numen, sacrorum uetustatem, fani religionem, istius sceleratissimi, atque audacissimi supplicio expiari uolebant: omnia se cætera pati, ac negligere dicebant: hic dolor erat tantus, ut Verres alter Orcus uenisse Ennam, & non Proserpinam asportasse, sed ipsam

LIBER VI.

abripuisse Cererem uideretur: etenim urbs illa, non urbs uidetur, sed fanum Cereris esse: habitare apud sese Cererem Ennenses arbitrantur: ut mihi non ciues illius ciuitatis, sed omnes sacerdotes, omnes accolæ, atq; antistites Cereris esse uideantur. Ennæ tu simulacrum Cereris tollere audebas? Ennæ tu de manu Cereris victoriam diripere, & deam deâ detrudere conatus es? quorum nihil uiolare, nihil attingere ausi sunt, in quibus erant omnia, quæ sceleri propiora sunt, q̃ religioni: tenuerunt enim P. Popilio, P. Rupilio Coss. illum locum serui, fugitiui, barbari, hostes. sed neq; tam serui illi dominorum, quàm tu libidinum: neq; tam fugitiui illi à dominis, quàm tu à iure, & à legibus: neq; tam barbari lingua, & natione illi, quàm tu natura & moribus: neq; illi tam hostes hominibus, quàm tu dys immortalibus. quæ deprecatio est igitur ei reliqua, qui indignitate seruos, temeritate fugitiuos, scelere barbaros, crudelitate hostes uicerit? audistis Theodorum, & Numiniū, et Nicasionem Legatos Ennenses publice dicere, sese à suis ciuibus hæc habere mandata, ut ad Verrem adirent, & cum simulacrum Cereris, & Victoriæ reposcerent: id si impetrassent, tum ut morem ueterem Ennensium cōseruarent, publice in eum, tametsi uexasset Siciliā, tamen, quoniā hæc à maioribus constituta accepissent, testimonium ne quod dicerent. sin autem ea nō reddidisset, tum ut iudicio adessent, tum uti de eius iniurijs iudices docerent, sed multo maxime de religione quererentur. quas illorum querimonias nolite per deos immortales aspernari, nolite contemnere, ac negligere iudices. aguntur iniuriæ sociorum: agitur uis legum: agitur existimatio, ueritasq; iudiciorum. quæ

sunt
relig
istius
cuique
eam cu
tricipit
coplures
que ual
inculta
rijs imi
Sicilior
tus, fra
modem
auctorit
neq; alie
eo, qui
commu
maior
ta col
Græc
esse q
cherri
cōmen
do tot
nemo
à M. N
in ann
huius
ria, hui
huius

Sunt omnia permagna, uerum illud maximum : tanta religione obstricta tota prouincia est, tanta superstitio ex istius facto mētes omnium Siculorum occupauit, ut, quæcunque accidāt publice, uel priuatim incōmoda, propter eam causam scelere istius euenire uideātur. audistis Centuripinos, Agyrinenses, Catinenses, Herbitenses, Ennenses, cōplures alios publice dicere, quæ solitudo esset in agris, quæ uastitas, quæ fuga aratorum, quā desertā, quā inculta, q̄ relicta omnia. ea tamen si istius multis, & uarijs iniurijs acciderūt, tamen hæc una causa in opinione Siculorum plurimum ualet, q̄ Cerere uiolata, omnes cultus, fructusq; Cereris in his locis interuisse arbitrantur. medemini religioni sociorum iudices : conseruate uestram auctoritatem : neq; enim hæc externa nobis est religio; neq; aliena. q̄ si esset; si suscipere eam nolletis, tamen in eo, qui uiolasset, sancire uos uelle oporteret. nunc uero in communi omnium gentium religione, inq; his sacris, quæ maiores nostri ab exteris nationibus adscita, atq; accersita coluerunt; quæ sacra, ut erant re uera, sic appellari Græca uoluerunt : negligentes, ac dissoluti, si cupiamus esse qui possumus? Vnius etiam urbis omnium pulcherrimæ, atque ornatissimæ Syracusarum direptionem cōmemorabo, & in mediū proferam iudices, ut aliquando totam huius generis orationem cōcludam, ac definiā. nemo ferè uestrum est, quin, quemadmodum captæ sint à M. Marcello Syracusæ, sape audierit, nōnunquā etiam in annalibus legerit. conferte hanc pacem cum illo bello, huius Prætoris aduentum cum illius imperatoris uictoria, huius cohortem impurā cum illius exercitu inuictō, huius libidines cum illius continentia : ab illo, qui cepit,

LIBER VI.

conditas, ab hoc, qui constitutas accepit, captas dicetis Syracusas. ac iam illa omitto, quæ disperse à me multis locis dicentur, ac dicta sunt: forum Syracusanorū, quod introitu Marcelli à plurima cade seruatum est, id aduentu Verris Siculorum innocentium sanguine redundasse: portum Syracusanorum qui cum nostris classibus, et Carthaginensium clausus fuisset, eum isto Prætorè Ciliæ cum myoparoni, prædonibusq; patuisse. mitto adhibitam uim ingenuis, matres familias uiolatas, quæ tum urbe capta commissæ non sunt neq; odio hostili, neq; licentiæ militari, neq; more belli, neq; iure uictoriæ: mitto in quâ hæc omnia, quæ ab isto per triennium perfecta sunt. ea, quæ coniuncta cum illis rebus sunt, de quibus antea dixi, cognoscite. urbem Syracusas maximam esse Græcarum urbium, pulcherrimamq; omnium, sæpe audistis. est iudices ita, ut dicitur: nam et situ est cum munito, tum ex omni aditu uel terra uel mari præclaro ad aspectum: et portus habet propè in edificatione, aspectuq; urbis inclusos: qui cum diuersos inter se aditus habeant, in exitu coniunguntur, et cōfluunt. eorū coniunctione pars oppidi, quæ appellatur insula, mari disiecta angusto, ponte rursus adiungitur, et cōtinetur. ea tanta est urbs, ut ex quatuor urbibus maximis cōstare dicatur. quarū una est ea, quā dixi, Insula: quæ duobus portibus cinctæ, in utriusque portus ostium, aditumq; proiecta est: in qua domus est quæ Regis Hieronis fuit, quæ Prætores uti solent. in ea sunt ædes sacræ cōplures, sed duæ, quæ longe cæteris antecellunt: Dianæ una, et altera, quæ fuit ante istius aduentum ornatissima, Mineruæ. in hac Insula extrema est fons aquæ dulcis, cui nomen Arethusa est, incredibili ma-

gnitudine, plenissimus piscium: qui fluctu totus operiretur, nisi munitione, ac mole lapidum à mari disiunctus esset. altera autem est urbs Syracusis: cui nomen Acradina est: in qua forum maximū, pulcherrimæ porticus, ornatissimum Prytaneū, amplissima est curia, templūq; egregium Iouis Olympi: ceteraq; urbis partes una lata uia perpetua, multisq; trāsuerfis diuisæ. priuatis ædificijs continentur. tertia est urbs, quæ, & in ea parte Fortunæ fanum antiquū fuit, Tyche nominata est: in qua & gymnasium amplissimum est, & cōplures ades sacræ: coliturq; ea pars, & habitatur frequentissime. quarta autem est urbs: quæ, quia postrema ædificata est, Neapolis nominatur: quam ad summam theatrum est maximū: præterea duo templa sunt egregia, Cereris unū, alterum Liberæ, signūq; Apollinis, qui Thesmotes uocatur, pulcherrimum, & maximū: quod iste si portare potuisset, non dubitasset auferre. nunc ad Marcellum reuertar, ne hæc à me sine causa cōmemorata esse uideatur. qui cum tam præclaram urbem uideret, copysq; cepisset, non putauit ad laudem populi R. hoc pertinere, hanc pulchritudinē, ex qua præsertim nihil periculi ostenderetur, delere, & extinguere. itaq; ædificijs omnibus, publicis & priuatis, sacris, & profanis sic pepercit, quasi ad ea defendenda cum exercitu, non expugnanda uenisset. in ornatu urbis habuit uictoriæ rationem, habuit humanitatis. uictoriæ putabat esse, multa Romam deportare, quæ ornamento urbi esse possent: humanitatis, non plane spoliare urbem, præsertim quam conseruare uoluisset. in hac partitione ornatus non plus uictoria Marcelli populo R. appetiuit, quàm humanitas Syracusanis reseruauit.

LIBER VI.

Romam quæ asportata sunt, ad ædem Honoris, atq; Virtutis, itemq; alijs in locis uidemus. nihil in ædibus, nihil in hortis posuit, nihil in suburbano. putauit, si urbis ornamenta domum suam non contulisset, domum suam urbi ornamento futurâ. Syracusis autem permulta, atq; egregia reliquit, deum uero nullum uiolauit, nullum attigit. cōferre Verrem: non ut hominem cum homine cōparetis, nequa tali uiro mortuo fiat iniuria; sed ut pacem cū bello, leges cum ui, forum, et iurisdictionem cum ferro, & armis, aduētum, & comitatum cum exercitu, & uictoria cōferatis. Aedes Mineruæ est in insula, de qua ante dixi: quâ Marcellus non attigit, quâ plenam, atq; ornata[m] reliquit. quæ ab isto sic spoliata, atq; direpta est, nō ut ab hoste aliquo, qui tamen in bello religionum, & consuetudinis iura retineret, sed ut à barbaris prædonibus uexata esse uideatur. pugna erat equestris Agathoclis Regis in tabulis picta præclare. his autem tabulis interiores templi parietes uestiebatur: nihil erat ea pictura nobilius: nihil Syracusis, quod magis uisendum putaretur. has tabulas M. Marcellus, cum omnia illa uictoria sua profana fecisset, tamen religione impeditus non attigit. iste, cum illa iam propter diuturnā pacem, fidelitatemq; populi Syracusani sacra, religiosaq; accepisset: omnes eas tabulas abstulit: parietes, quorum ornatus tot secula māsarat, tot bella effugerat, nudos ac deformatos reliquit. & Marcellus, qui, si Syracusas cepisset, duo templa se Romæ dedicaturū uouerat, id, quod erat edificaturus, yis rebus ornare, quas ceperat, noluit: Verres, qui non Honori, neq; Virtuti, ut ille, sed Veneri, & Cupidini uota deberet, is Mineruæ tēplum spoliare conatus est. ille deos, deorum

deorum spolijs ornare noluit : hic ornamenta Mineruæ uirginis in meretriciâ domum trāstulit. uiginti & septē præterea tabulas pulcherrime pictas ex eadē æde sustulit: in quibus erāt imagines Sicilia Regum, ac tyrannorum: quæ non solum pictorum artificio delectabant, sed etiam cōmemoratione hominum, & cognitione formarum. ac uidete, quanto tetrrior hic tyrānus Syracusanis fuerit, quā quisquam superiorum, cum illi tamē ornarent templa deorum immortalium, hic etiā deorum monimenta, atq; ornāmēta sustulerit. iam uero quid ego de ualuis illius templi cōmemorem? uereor, ne, hæc qui non uiderunt, omnia me nimis augere, atq; ornare arbitrentur. quod tamen nemo suspicari debet, tam esse me cupidum, ut tot uiros primarios uelim, præsertim ex iudicū numero, qui Syracusis fuerint, qui hæc uiderint, eē temeritati, & mendacio meo conscios. confirmare hoc liquido iudices possum, ualuas magnificentiores ex auro, atq; ebore, perfectiores nullas unquam ullo tempore fuisse. incredibile dictu est, quā multi Græci de ualuarum harum pulchritudine scriptum reliquerint. nimium forsitiā hæc illi mirentur, atq; efferant. esto. ueruntamen honestius est Reip. nostræ iudices ea, quæ illis pulchra esse uideantur, imperatorem nostrum in bello reliquisse, quā Prætore in pace abstulisse. ex ebore diligentissime perfectā argumenta erant in ualuis: ea detrahēda curauit omnia. Gorgonis os pulcherrimum, crinitum anguib; reuellit, atq; abstulit: & tamen indicauit, se non solū artificio, sed etiā pretio, quæstūq; duci: nā bullas omnes aureas ex his ualuis, quæ erant & multæ, & graues, non dubitauit auferre: quarum iste non opere delectabatur, sed pondere.

Cic. Orat.

G G

LIBER VI.

itaq; eiusmodi ualuas reliquit, ut, quæ olim ad ornandū templū erant maxime, nunc tātum ad claudendū factæ esse uideantur. etiam ne gramineas hastas? uidi. n. uos in hoc non minime, cum testes dicerent, cōmoueri: q̄ erant huiusmodi, ut semel uidisse satis esset: in quibus neq; manu factum quicq̄, neq; pulchritudo erat ulla, sed tātum magnitudo incredibilis: de qua uel audire satis esset: nimirum, uidere plus q̄ semel. etiam ne id cōcupisti? nā Sappho, quæ sublata de Prytaneo est, dat tibi iustam excusationem, propè ut concedendum, atq; ignoscendum esse uideatur. M. Syllanionis opus tam perfectum, tam elegans, tam elaboratum quisquam nō modo priuatus, sed populus potius haberet, q̄ homo elegantissimus, atq; eruditissimus Verres? nimirum contra dici nihil potest: nostrū. n. unusquisq; qui tam beati, quàm iste est, nō sumus, tā delicati esse non possumus: si quando aliquid istiusmodi uidere uolet, eat ad ædem Felicitatis, ad monumentum Cæculi, in porticum Metelli: det operam, ut admittatur in alicuius istorum Tusculanum: spectet eorum ornatum, si quid iste suorum Aedilibus accōmodauit: Verres hæc habeat domi: Verres ornamentis fanorum, atq; oppidorum habeat plenam domum, uillas refertas. etiam ne huius operarij studia, ac delicias indices perferetis? qui ita natus est, ita educatus, ita factus & animo, & corpore, ut multo appositior ad deferenda, quàm ad auferenda signa esse uideatur. atq; hæc Sappho sublata quantum de siderium sui reliquerit, dici uix potest: nā tum ipsa fuit egregie facta, tum epigrāma græcum pernobile incisum habuit in basi: quod iste eruditus homo, et Græculus, qui hæc subtiliter indicat, qui solus intelligit, si unam literā

græcam scisset, certe non sustulisset: nunc. n. quod inscri-
ptum est inani in basi, declarat quid fuerit, & id ablatū
indicat. quid? signum Pæanis ex æde Aesculapij præcla-
re factum, sacrum, & religiosum nō sustulisti? quod o-
mnes propter pulchritudinem uisere, propter religionem
colere solebant. quid? ex æde Liberi simulacrum Aristei
non tuo imperio palam ablatum est? quid? ex æde Iouis
religiosissimum simulacrū Iouis imperatoris, quem Græ-
ci Vrion nominant, pulcherrime factum non ne abstuli-
sti? quid? ex æde Liberi parū illud caput pulcherrimū,
quod uisere solebamus, num dubitasti tollere? atque ille
Pæan sacrificijs anniuersarijs simul cum Aesculapio a-
pud illos colebatur. Aristeus, qui, ut Græci ferunt, Liberi
filius, inuentor olei esse dicitur, unā cum Libero patre a-
pud illos eodem erat in templo consecratus. Iouem autē
imperatorem quāto honori in suo templo fuisse arbitra-
mini? hinc colligere potestis, si recordari uolueritis quan-
ta religione fuerit eadem specie, atq; forma signū illud,
quod ex Macedonia captū, in Capitolio posuerat Flami-
nius. etenim tria ferebantur in orbe terrarum signa Iou-
is imperatoris uno in genere pulcherrime facta: unū, il-
lud Macedonicum, quod in Capitolio uidemus: alterum
in Ponti ore, & angustius: tertium, quod Syracusis ante
Verrem Prætorem fuit. illud Flaminus ita ex æde sua
sustulit, ut in Capitolio, hoc est in terrestri domicilio Iou-
is poneret. quod autem est ad introitum Ponti, id cum
tam multa ex illo mari bella emergerint, tam multa por-
rō in Pontum inuecta sint, usque ad hanc diem inte-
grum, inuiolatumq; seruatum est. hoc tertium, quod erat
Syracusis, quod M. Marcellus armatus, et uictor uiderat,

LIBER VI.

quod religioni concesserat, quod ciues, atq; incolæ Syracu-
 sani colere, aduenæ non solum uisere, uerum etiam uene-
 rari solebāt, id Verres ex templo Iouis sustulit. ut sæpius
 ad M. Marcellū reuertar iudices, sic habetote: plures esse
 à Syracusanis istius aduentu deos, quàm uictoria Mar-
 celli homines desideratos. etenim ille requisisse dicitur etiā
 Archimedem illum, summo ingenio hominē, ac discipli-
 na: eumq; cum audisset interfectum, permoleste tulisse.
 iste omnia, quæ requisiiuit; non ut seruaret, uerum ut a-
 sportaret, requisiiuit. iam illa, quia leuiora uidebuntur, si
 hoc loco dicerentur, ideo præteribo, q̃ iste mensas Delphi-
 cas ē marmore, crateras ex ære pulcherrimas, uim maxi-
 mam uasorum Corinthiorum ex omnibus ædibus sacris
 Syracusis abstulit. itaq; iudices hi, qui hospites ad ea, quæ
 uisenda sunt, ducere solent, & unuquicq; ostendere, quos
 illi Mystagogos uocant: conuersam iam habent demon-
 strationem suam: nam ut ante demonstrabāt, quid ubiq;
 esset; ita nunc, quid undiq; ablatū sit, ostendunt. quid tu?
 mediocri ne tandem dolore eos affectos esse arbitrāmini?
 non ita est iudices: primū, q̃ omnes religione mouentur,
 & deos patrios, quos à maioribus acceperunt, colendos
 sibi diligenter, & retinendos esse arbitrantur: deinde hic
 ornatus, hæc opera, atq; artificia, signa, tabulæ pictæ Græ-
 cos homines nimio opere delectant. itaq; ex illorum que-
 rimonijs intelligere possumus, hæc illis acerbissima uide-
 ri, quæ forsitan nobis leuia, & contemnenda esse uidean-
 tur. mihi credite iudices (tamen si uosmet ipsos hæc eadem
 audire certo scio) cum multas acceperint per hosce annos
 socij, atq; exteræ nationes calamitates, & iniurias: nullas
 Græci homines grauius tulerunt, nec ferunt, quàm hu-

iuscemodi spoliationes fanorum, atq; oppidorū. licet iste dicat, emissee se, sicuti solet dicere: credite mihi iudices, nulla unquam ciuitas tota Asia, & Græcia signum ullum, tabulam pietam, nullum deniq; ornamentum urbis sua uoluntate cuiquam uēdidit: nisi forte existimatis, posteaquam iudicia seuera Romæ fieri desierint, Græcos homines hæc uendere cœpisse: quæ tum non modo: non uendebant, cum iudicia fiebant, uerum etiam coemebāt: nisi arbitramini L. Crasso, Q. Scauolæ, C. Claudio potētissimis hominibus, quorum Aedilitates ornatissimas uidimus, cōmercium istarum rerū cum Græcis hominibus nō fuisse; his, qui post iudiciorū dissolutiones Aediles facti sunt, fuisse. acerbiorē etiā scitote esse ciuitatibus falsam istā, & simulatam emptionem, quā si quis clam surripiat, aut eripiat palām, atq; auferat: nā turpitudinem summam esse arbitrantur, referri in literas publicas, pretio adductam ciuitatem, et pretio paruo ea, quæ acceperat à maioribus, uendidisse, atq; alienasse: etenim mirandum in modum Græci rebus istis, quas nos contemnimus, delectantur. itaq; maiores nostri facile patiebātur, hæc esse quamplurima apud socios, ut imperio nostro quamornatissimi, florentissimiq; essent. apud eos autem, quos uectigales, aut stipendiarios fecerant, tamen hæc relinquebāt, ut illi, quibus ea iucunda sunt, quæ nobis leuia uidebantur, haberēt hæc oblectamēta, & solatia seruitutis. quid arbitramini Rheginos, qui iā ciues R. sunt, mereri uelle, ut ab ijs marmorea Venus illa ne auferatur? quid Tarētiinos, ut ne Europam in Tauro sedētem amittant? ut Satyrū, qui apud illos in æde Vestæ est? ut cætera? quid Thespieneses, ut Cupidinis signū, propter quod unū uisuntur

G G iij

LIBER VI.

Thespiæ? quid Gnidos, ut Venerem marmoream? quid, ut pictam, Coos? quid Ephesios, ut Alexandrum? quid Cyzicenos, ut Aiace, aut Medeam? quid Rhodios, ut Ialysum? quid Athenienses, ut ex marmore Iacchum, aut Parthalam pictum, aut ex ære Myronis buculā? lōgum est, & nō necessarium cōmemorare, quæ apud quosq; uisenda sunt tota Asia, & Græcia. uerum illud est, quamobrem hæc cōmemorari; q̄ existimare uos hoc uolo, mirum quendam dolorem accidere ijs, ex quorum urbibus hæc auferantur. atq; ut ceteros omittamus, de ipsis Syracusanis cognoscite: ad quos ego cum uenissem, sic primo existimabam, ut Romæ ex istius amicis acceperam, ciuitatem Syracusanam propter Heraclij hæreditatem non minus esse isti amicam, quàm Mamertinam propter prædarium, ac furtorum omnium societatem: simul & uerebar, ne mulierum nobilium, et formosarum gratia, quarum iste arbitrio Præturam per triēnium gesserat, uiro rumq; quibuscum illæ nuptæ erant, nimia in istum non lenitudine, sed etiam liberalitate oppugnarer, si quid ex literis Syracusanorum conquirerem. itaq; Syracusis cū ciuib; R. eram: eorū tabulas exscribebā: iniurias cognoscebam. cum diutius in negotio, curaq; fuerā: ut requiescerem, curamq; animi remitterem, ad Carpinatij præclaras tabulas reuertebar. ubi cū equitibus R. ex illo conuentu honestissimis illos Verrutios, de quibus ante dixi, explicabam: à Syracusanis prorsus nihil adiumenti neq; publice, neq; priuatim expectabam, neq; erat in animo postulare. cum hæc agerē, repente ad me uenit Heraclius is, qui tum magistratum Syracusis habebat, homo nobilis, qui sacerdos Iouis fuisset: q̄ honos apud Syracusanos

est amplissimus. agit mecum, & cum fratre meo, ut, si nobis uideretur, ad eorum senatum: frequentes esse in curia: se iussu senatus à nobis petere, ut ueniremus. primo nobis fuit dubium, quid ageremus. deinde cito uenit in mentem, non esse uitandum nobis illum conuentum, & locum. itaque in curiam uenimus. honorifice sanè consurgitur. nos rogatu magistratus assedimus. incipit is loqui, qui et auctoritate, & etate, & ut mihi uisum est, usu rerum antecedeat, Diodorus Timarchides: cuius omnis oratio hanc habuit primo sententiam: senatum populūq; Syracusanum moleste, grauiusq; ferre, quod ego, cum in ceteris Siciliae ciuitatibus senatum populūq; docuissim, quid eis utilitatis, quod salutis asferrem, et cum ab omnibus mandata, Legatos, literas, testimoniaq; sumpsissem, in illa ciuitate nihil eiusmodi facere. respondit, neq; Romae in conuentu Sicularum, cum à me auxilium comuni omnium Legationum consilio petebatur, causaq; totius ad me Siciliae deferabatur, Legatos Syracusanorum affuisse; neq; me postulare, ut quicquid contra C. Verrem decerneretur in ea curia, in qua inaurata C. Verri statuam uiderem. quod posteaquam dixi: tatus est gemitus factus aspectu statuæ, & commemoratione, ut illud in curia positum monumentum scelerum, non beneficiorum uideretur. tum pro se quisque, quantum dicendo assequi poterat, docere me cepit ea, quæ paulo ante commemorauimus. spoliata urbem, sana direpta, ex Heraclii hereditate, quam palæstritis concecessisset, multo maximam partem ipsum abstulisse: neq; postulandum fuisse, ut ille palæstritas diligeret, qui etiam inuentore olei deum suslulisset: neq; illam statuam esse ex pecunia publica, neq; publice datam, sed eos, qui hereditatis diripiendæ participes fuissent, faciendam, statuendamq; curasse:

GG iiij

LIBER VI.

eosdē Romæ fuisse legatos, illius adiutores improbitatis,
 socios furtorū, cōscios flagitiorū: eo minus mirari me o-
 portare, si illi cōmuni Legatorū uolūtati, et salutī Siciliae
 defuissent. ubi eorū dolorē ex illius iniurijs nō modo mi-
 norē, sed propē maiore, q̄ caterorū Siculorū, esse cogno-
 ui, tū meū animū in illos, tū mei cōsiliū, negotijq; totius su-
 scepti causā, rationemq; proposui: tū eos hortatus sum, ut
 causae cōmuni, salutiq; ne deessent, ut ei illā laudationē,
 quā se ui, ac metu coactos paucis illis diebus decreesse di-
 cebant, tollerent. itaq; iudices Syracusani hāc faciunt
 istius clientes, atq; amici: primum mihi literas publicas,
 quas in arario sanctiore conditas habebant, proferunt:
 in quibus ostendunt omnia, quae dixi ablata, esse perscri-
 pta, & plura etiā, quā ego potui dicere: perscripta au-
 tem hoc modo, q̄ ex aede Mineruae hoc, & illud abesset:
 q̄ ex aede Iouis, q̄ ex aede Liberi. ut quisq; eis rebus tuen-
 dis, conseruandisq; praefuerat, ita perscriptum erat, cum
 rationem ex lege redderet, et, quae acceperat, deberet tra-
 dere: petisse, ut sibi, quod hae res abesset, ignosceretur: ita-
 que omnes liberatos discessisse: et esse ignotum omnibus.
 quas ego literas obsignādas publico signo, deportandasq;
 curavi. de laudatione autem ratio sic reddita est: primū
 cum à Verre literae aliquanto ante aduētum meum de
 laudatione uenissent, nihil esse decretum: deinde, cū qui-
 dam ex illius amicis cōmonerent, oportere decerni, maxi-
 mo esse clamore, & cōuitio repudiatos; & postea quā
 meus aduētus appropinquarit, imperasse eum, qui sum-
 mam potestatem haberet, ut decernerent: decretū ita esse,
 ut multo plus illi laudatio mali, quā boni possit affer-
 re. id adeo iudices, ut mihi ab illis demonstratum est, sic

uos ex me cognoscite. mos est Syracusis, ut, si qua de re ad senatum referatur, dicat sententiā, qui uelit. nominatim nemo rogatur. & tamen, ut quisq; honore, & ætate antecedit, ita primus solet sua sponte dicere, idq; à cæteris ei cõceditur. si quando taceant omnes, tunc sortito coguntur dicere. cum hic mos esset, refertur ad senatū de laudatione Verris. in quo primum, ut aliquid esset moræ, multi interpellant: de Sex. Peduceo, qui de illa ciuitate, totaq; provincia optime meritus esset, sese antea, cum audissent ei negotiū faceßitum, cumq; eum publice pro plurimis eius, & maximis meritis laudare cuperent, à C. Verre prohibitos esse: iniquum esse, tametsi Peduceus eorū laudatione iam non uteretur, tamen nō id prius decernere, quod aliquando uoluissent, q̃ quod tum cogerentur. conclamant omnes, & approbāt ita fieri oportere. refertur de Peduceo. ut quisq; ætate, et honore antecederet, ita sententiam dixit ex ordine. id adeo ex ipso S. C. cognoscite: nā principiū sententiæ perscribi solet. Recita. QVOD VERBA FACTA SVNT DE SEX. PEDUCEO. dicit, qui primi suaserint. decernitur. refertur deinde de Verre. dic, quæso, quomodo? QVOD VERBA FACTA SVNT DE C. VERRE. quid postea scriptū est? CVM SVRGERET NEMO, NEQVE SENTENTIAM DICERET. quid hoc est? SORS DVCITVR. quāobrem? nemo erat uoluntarius laudator Præturæ tuæ? defensor periculorum tuorum? præsertim cum inire à Prætore gratiam posset? nemo. ipsi illi tui conuiuæ consiliarij, & conscj uerbum facere non audebant. in qua curia statua tua stabat, & nuda filij, in ea nemo fuit, quem ne

LIBER VI.

nudus quidem filius in nuda prouincia commoueret. atq;
 etiam hoc me docent, eiusmodi S. C. sese fecisse laudatio=
 nem, ut omnes intelligere possent, nō laudationem, sed po=
 tius irrisionem esse illam, quæ commonefaceret istius tur=
 pem, calamitosamq; Præturā. etenim scriptum esse ita;
 QV O'D iste uirgis neminem cecidisset; à quo cogno=
 scitis nobilissimos homines, atq; innocentissimos securi esse
 percussos: QV O'D uigilanter prouinciā administras=
 set; cuius omnes uigilias in stupris constat, adulterysq;
 esse cōsumptas. hoc autem scriptum etiam, quod profer=
 re non auderet reus, accusator recitare non desineret,
 QV O'D prædones procul ab insula Sicilia prohibuis=
 set Verres, quos etiam intra Syracusanam insulam rece=
 pissent. quæ posteaquā ex illis cognoui, discessi cum fratre
 ē curia, ut nobis absentibus, si quid uellent, decernerent.
 decernunt statim: primum, ut L. fratri hospitium publi=
 ce fieret, quod is eandem uoluntatem erga Syracusanos
 suscepisset, quam ego semper habuissem. id nō modo tum
 scripserunt, uerum etiam in ære incisum nobis tradide=
 runt. ualde hercle te Syracusani tui, quos crebro cōme=
 morare soles, diligunt: qui cum accusatore tuo satis ius=
 tam causam coniungendæ necessitudinis putant, quod te
 accusaturus sit, & quod ad inquirendum in te uenerit.
 postea decernitur, ac non uarie, sed propè coniunctis sen=
 tentys, ut laudatio, quæ C. Verri decreta esset, tollere=
 tur. at uero, cum iam nō solum discessio facta esset, sed
 etiam per scriptum, atq; in tabulas relatum, Prætor ap=
 pellatur. at quis appellat? magistratus aliquis? nemo. se=
 nator? ne id quidem. Syracusanorum aliquis? minime.
 quis igitur Prætozem appellat? qui Quæstor istius fue=

rat, Cæcilius. ò rem ridiculam : ò desertum hominem: ò desperatū, ac relictum . à magistratu Siculo, ne S. C. Siculi homines facere possent, ne suū ius, suis moribus, suis legibus obtinere possent, non amicus istius, nō hospes, non deniq; aliquis Siculus, sed Quæstor Prætorem appellat. quis hoc uidit? aut quis audiuit? Prætore æquus, & sapiens dimitti iubet senatū. concurrit ad me maxima multitudo. primum senatores clamare, eripi sibi ius, eripi libertatem, populus senatum laudare, gratias agere, ciues R. à me nusquam discedere. quo quidem die nihil ægrius factum est multo labore meo, q̄ ut manus ab illo appellatore abstinerentur. cum ad Prætorem in ius adissemus, excogitat sane diligenter, & caute, quid decernat : nam anteq̄ uerbum facerem, de sella surrexit, atq; abiit. itaq; tum de foro, cū iam ad uesperasceret, discessimus. postridie mane ab eo postulo, ut Syracusanis liceret S. C. quod pridie fecissent, mihi reddere. ille enim uero negat: & ait indignum facinus esse, q̄ ego in senatu Græco uerba fecissem, q̄ quidem apud Græcos græce locutus essem, id ferri nullo modo posse. respondi homini, ut potui, ut uolui, ut debui : tum multa, tum etiam hoc me memini dicere : facile esse perspicuum, quantum inter hunc & illum Numidicum uerum & germanū Metellum interesset : illum noluisse sua laudatione iuuare L. Lucillum sororis uirum, quicum optime conuenisset ; hunc hominī alienissimo à ciuitatibus laudationes per uim, & metum cōparare. quod ubi intellexi, multum apud illum recētes nuntios, multum tabulas non cōmendatitias, sed tributarias ualuisse, admonitu ipsorum Syracusanorum impetum in eas tabulas facio, in quibus singula perscripta

LIBER VI.

erant. ecce autem noua turba, atq; rixa: ne tamen istum omnino Syracusis sine amicis, sine hospitibus planè nudū esse, ac desertū putetis. retinere cœpit tabulas Theomnastus quidam, homo ridicule insanus: quem Syracusani Theoractum uocant: qui illic eiusmodi est, ut eum pueri secētentur, ut omnes, cum loqui cœperit, irrideāt. huius tamē insania, quæ ridicula est alijs, mihi tum molesta sanè fuit. nam cum spumas ageret in ore, arderent oculi, uoce maxima, uim me sibi afferre, clamaret: copulati in ius peruenimus. hic ego postulare cœpi, ut mihi tabulas obsignare, ac deportare liceret, ille contra. instare ego, omnium mihi tabularū, & literarū fieri potestatem oportere: contra, ille furiosus urgere, nihil ad se nostras leges pertinere. Prætor intelligens, negare sibi placere, quod S. C. ratum esse non deberet, id me Romam deportare. quid multa? nisi uehementius homini minatus essem, nisi legum sanctionē, pœnamq; recitassem: tabularū mihi potestas facta nō esset. ille autem insanus, qui pro isto contra me uehementissime declamasset, postq̃ non impetrauit, credo ut in gratiā mecum rediret, libellū mihi dat, in quo istius furta Syracusana perscripta erant: quæ ego antea iam ab illis cognoram, & acceperā. laudent te sanè iam Mamerтини, qui ex tanta prouincia soli sunt, qui te saluū uelint: ita tamen laudēt, ut Heius, qui eius princeps Legationis est, adsit: ita laudent, ut ea, quæ rogati erūt, mihi parati sint respondere. ne subito à me opprimantur, hæc sum rogaturus, nauem debeāt ne? fatebūtur: præbuerint ne Prætor C. Verre? negabūt: edificauerint ne nauem onerariā maximā publice, quā Verri dederūt? negare nō poterūt: frumentū ne ab his sumpserit Verres,

quod
quid
nullu
furta
runt:
deniq;
cum i
tibi h
cusa
esse d
gitio
rum h
etiam
retur,
liffere
Syrac
stium
ille c
nis i
lum
nia d
ut ei
norm
milia
stos d

quod populo R. mitteret, sicuti superiores? negabunt: quid militum, aut nautarum per triennium dederunt? nullum datum dicent: fuisse Messanam omnium istius furtorum, ac prædæ reciptricem? negare non poterunt: permulta multis nauibus illinc exportata? hanc denique nauem maximam à Mamertinis datam, onustam cum isto Prætoris profectam? fatebuntur. quamobrem tibi habere sanè istam laudationem Mamertinam: Syracusanam quidem ciuitatem, ut abs te affecta est, ita in te esse animatam uidemus: apud quos etiam Verrea illa flagitiosa sublata sunt: etenim minime cõueniebat, ei deorum honores haberi, qui simulacra deorum sustulisset. etiam mehercule illud in Syracusanis merito reprehenderetur, si, cum diem festum ludorum de fastis suis sustulissent celeberrimum, & sanctissimum, quod eo ipso die Syracusæ à Marcello captæ esse dicuntur, eodem diem festum Verris nomine agerent, cum iste Syracusanis, quæ ille calamitosus dies reliquerit, ademisset. at uidete hominis impudentiam, atque arrogantiam iudices, qui nō solum Verrea hæc turpia, hæc ridicula ex Heraclii pecunia constituerit, uerum etiam Marcellea tolli imperarit, ut ei sacra facerent quotannis, cuius opera omnium annorum sacra, deosque patrios amiserant; eius autem familiæ dies festos tollerent, per quam ceteros quoque festos dies recuperarent.

ACCUSATIONIS IN C. VERRE
LIBER VII.
ORATIO X.

NEMINI uideo dubium esse iudices,
quin apertissime C. Verres in Sicilia sa-
cra, profanaq; omnia & priuatim, &
publice spoliarit, uersatusq; sit sine ulla
non modo religione, uerum etiam dissi-
mulatione in omni genere furandi, atq; prædandi. sed
quædam mihi magnifica, et præclara eius defensio osten-
ditur: cui quemadmodum resistam, multo mihi ante est
iudices providendum: ita enim causa constituitur, pro-
uinciam Siciliam uirtute eius, et uigilantia singulari du-
bys, formidolosisq; temporibus à fugitiuis, atq; à belli pe-
riculis tutam esse seruata. quid agam iudices? quò ac-
cusationis meæ rationem conferam? quò me uertam? ad
omnes enim meos impetus, quasi murus quidam, boni no-
men imperatoris opponitur. noui locum: uideo, ubi se ia-
Etaturus sit Hortensius, belli pericula, tempora Reip. im-
peratorum penuriam cōmemorabit. tum deprecabitur à
uobis, tum etiam pro suo iure contendet, ne patiamini
talem imperatorem populo R. Siculorum testimonijs eri-
pi, ne uel obteri laudem imperatoriam criminibus auari-
tiæ uelitis. non possum dissimulare iudices. timeo, ne C.
Verres propter hanc uirtutem eximiam in re militari
omnia, quæ fecit, impune fecerit: uenit enim mihi in men-
tem, in iudicio M. Aquilij q̄tum auctoritatis, quantum
momenti oratio M. Antonij habuisse existimata sit: qui,
ut erat in dicendo non solum sapiens, sed etiam fortis,

causa propè perorata, ipse arripuit M. Aquilium, constituitq; in cōspectu omnium, tunicamq; eius à pectore abscedit, ut cicatrices populi R. iudicesq; afficerent aduerso corpore exceptas. simul & de illo uulnere, quod ille in capite ab hostium duce acceperat, multa dixit, eoq; adduxit eos, qui erant iudicaturi, uehementer ut uererentur, ne, quem uirum fortuna ex hostium telis eripuisset, cum sibi ipse non pepercisset, hic non ad populi R. laudem, sed ad iudiciū crudelitatem uideretur esse seruatus. hæc eadem nunc ab illis defensionis ratio, uiaq; tentatur: idem queritur, sit fur, sit sacrilegus, sit flagitiorum omnium, uictiorumq; princeps: at est bonus imperator, & felix, & ad dubia Reip. tempora reseruandus. nō agam summo iure tecum: nō dicam id, quod debeam forsitan obtinere; cum iudiciū certa lege sit cōstitutum, nō quid in re militari fortiter feceris, sed quemadmodū manus ab alienis pecunijs abstinueris, abs te doceri oportere. nō inquā sic agam: sed ita queram, quemadmodum te uelle intelligo, quæ tua opera, & quāta fuerit in bello. quid dices? an bello fugitiuorum Siciliam uirtute tua liberatam? magna laus, & honesta oratio: sed tamen quo bello? nos enim post id bellum, quod M. Aquilius confecit, sic accepimus, nullum in Sicilia fugitiuorum bellum fuisse. at in Italia fuit. fateor: & magnum quidem, ac uehemens. num igitur ex eo bello partem aliquam laudis appetere conaris? num tibi illius uictoriæ gloriā cum M. Crasso, aut Cn. Pompeio cōmunicandā putas? non arbitror hoc etiam deesse tuæ impudentiæ, ut quicquam eiusmodi dicere audeas. obstitisti uidelicet, ne ex Italia transire in Siciliam fugitiuorum copiæ possent. ubi? quando? qua

LIBER VII.

ex parte? cum aut nauibus, aut ratibus conarentur accedere? nos enim nihil unquam prorsus audiuius: & illud audiuius, M. Crassi fortissimi uiri uirtute, consilioq; factum, ne ratibus coniunctis freto fugitini ad Messanam transire possent. à quo illi conatu nō tantopere prohibendi fuissent, si ulla in Sicilia praesidia ad illorum aduentum opposita putarētur. at cum in Italia bellum tam propè à Sicilia, tamen in Sicilia non fuit? quid mirum? ne cum in Sicilia quidem fuit, eodem interuallo pars eius belli in Italiā ulla peruasit. etenim propinquitas ad utram partem hoc loco profertur? utrū, aditum facilem hostibus, an contagionem imitandi eius belli periculosam fuisse? aditus omnis hominibus sine ulla facultate nauium nō modo disiunctus, sed etiam clausus fuit: ut illis, quibus Siciliam propinquam fuisse dicis, facilius fuerit ad Oceanum peruenire, q̄ ad Peloridem accedere. cōtagio autem ista seruilis belli cur abs te potius, q̄ ab ijs omnibus, qui ceteras prouincias obtinuerūt, praedicatur? an quòd in Sicilia iam ante bella fugitiuorum fuerunt? at ea ipsa causa est, cur ipsa prouincia minimo in periculo sit, & fuerit: nam posteaquā illinc M. Aquilius decessit, omnium instituta, atque edicta Praetorum fuerunt eiusmodi, ut ne quis cum telo seruus esset. uetus est quod dicam, & propter seueritatem exempli nemini fortasse uestrum inauditum: L. Domitium Praetorem in Sicilia, cum aper ingēs ad eum allatus esset, admiratum requisisse, quis eum percussisset: cum audisset, pastorem cuiusdam fuisse, eum ad se uocari iussisse, illum cupide ad Praetorem, quasi ad laudem, atq; ad premiū accurrisse: quæsisse Domitiū, qui tantam bestiam percussisset? illum respondisse,

respondisse, uenabulo: statim deinde iussu Pratoris in crucem esse sublatum. durum hoc fortasse uideatur: neque ego ullam in partem disputo: tantum intelligo, maluisse Domitium crudelem in animaduertendo, quam in praetermittendo dissolutum uideri. ergo his institutis provinciae, iam tum, cum bello fugitiuorum tota Italia arderet, homo non acerrimus, nec fortissimus, Cn. Norbanus in summo otio fuit: per facile enim sese Sicilia tuebatur, ne quod in ipsa bellum posset existere. etenim cum nihil tam coniunctum sit, quam negotiatores nostri cum Siculis usu, re, ratione, concordia; et cum ipsi Siculi res suas ita constitutas habeant, ut his pacem expediat esse; imperium autem populi R. sic diligant, ut id imminui, aut commutari minime uelint; cumque haec ab seruorum bello pericula et Pratorum institutis, et dominorum disciplina prouisa sint: nullum est malum domesticum, quod ex ipsa provincia nasci possit. quid igitur? nulli ne motus in Sicilia seruorum Verre Praetore? nullae ne consensiones factae esse dicuntur? nihil sane, quod ad senatum populumque R. peruenerit: nihil, quod iste Romam publice conscripserit. et tamen ceptum esse in Sicilia moueri aliquot locis seruitium suspicor. id adeo non tam ex re, quam ex istius factis, decretisque cognosco. ac uidete, quam non inimico animo sim acturus. ego ipse haec, quae ille quaerit, quae adhuc nunquam audistis, commemorabo, et proferam. in Tricalino, quem locum fugitiui iam ante tenuerunt, Leonidae cuiusdam Siculi familia in suspicionem uocata est coniurationis. res delata ad istum. statim (ut par fuit) iussu eius homines, qui nominati erant, comprehensi sunt, adductique Lilybaeum: domino denuntiatum est, ut adesset: causa dicta damnati

Cic. Orat.

HH

LIBER VII.

sunt. quid deinde? quid censetis? furtum fortasse, aut prædam expectatis aliquam? nolite usquequaq; eadem quærere. in metu belli, furandi qui locus potest esse? etiam si qua hic fuit in hac re occasio, prætermissa est. tū potuit à Leonida nummorum aliquid auferre, cum denuntiavit, ut adesset. fuit nundinatio aliqua, & isti non noua, ne causam diceret. etiam alter locus, ut absoluerentur. damnatis quidem seruis, quæ prædandi potest esse ratio? produci ad supplicium necesse est: testes enim sunt, qui in consilio fuerunt: testes publicæ tabulæ: testis splendidissima ciuitas Lilybætana: testis honestissimus, maximusq; conuentus ciuium R. nihil potest. producendi sunt itaq; producuntur, & ad palum alligantur. etiamnum mihi expectare uidemini iudices, quid deinde factū sit, q̃ iste nihil unquam fecit sine aliquo quæstu, atq; præda. quid in eiusmodi re fieri potuit? quod cōmodum est? expectate facinus quàm uultis improbum: uincam tamen expectationem omniū. nomine sceleris, coniurationisq; dānati, ad supplicium traditi, ad palum alligati, repente multis millibus hominū inspectantibus soluti sunt, & Leonida illi domino redditi. quid hoc loco potes dicere homo amentissime? nisi id, quod ego non quero, quod deniq; in re tam nefaria, tametsi dubitari non potest, tamen, ne si dubitetur quidem, quæri oporteat: quid, aut quantū, aut quomodo acceperis. remitto tibi hoc totum, atq; ista te cura libero: neq; enim metuo, ne hoc cuiquā persuadeatur, ut, ad quod facinus nemo, præter te, ulla pecunia adduci potuerit, id tu gratis suscipere conatus sis. uerū de ista furādi, prædādiq; rōne nihil dico: de hac imperatoria iā tua laude disputo. quid ais bone custos, defensorq; pro=

uinciae? tu quos seruos arma capere, ac bellū facere in Si-
 cilia uoluisse cognoras, et de cōsiliū sentētia iudicaras, hos
 ad supplicium iam more maiorū traditos, & ad palū alli-
 gatos, ex media morte eripere, ac liberare ausus es, ut
 quā damnatis seruis crucem fixeras, hanc indemnatis ci-
 uibus R. reseruares? perditæ ciuitates, desperatis omnibus
 rebus, hos solēt exitus exitiales habere, ut damnati in in-
 tegrū restituantur, uinēli soluantur, exules reducantur,
 res iudicatæ rescindantur. quæ cum accidunt, nemo est,
 quin intelligat ruere illam Remp. hæc ubi ueniūt, nemo
 est, qui ullam spem salutis reliquam esse arbitretur. atq;
 hæc sicubi facta sunt, facta sunt, ut homines populares,
 aut nobiles supplicio, aut exilio leuantur, ut non ab ijs
 ipsis, qui iudicassent, ut non statim, ut non eorum facino-
 rum damnati, quæ ad uitam, & fortunas omnium per-
 tinerent. hoc uero nouum, et eiusmodi est, ut magis pro-
 pter reum, q̄ propter rem ipsam credibile esse uideatur,
 ut homines seruos, ut ipse qui iudicaret, ut statim è me-
 dio supplicio dimiserit, ut eius facinoris dānatos seruos,
 quod ad omnium liberorum caput, & sanguinem perti-
 neret. o' præclarum imperatorem, nec iam cum M. Aquī-
 lio fortissimo uiro, sed uero cū Paulis, Scipionibus, Ma-
 rius conferendum. tantum ne uidisse in metu, periculoq;
 prouinciae? cum seruitiorum animos in Sicilia suspensos
 propter bellum Italiae fugitiuorum uideret; ne quis se cō-
 mouere auderet, quantum terroris iniecit? comprehendi
 iussit: quis non pertimescat? causam dicere dominos: quid
 seruis tam formidolosum? fecisse uideri. pronūtiavit. ex-
 ortam uidetur flāmam paucorum dolore, ac morte re-
 stinxisse. quid deinde sequitur? uerbera, atq; ignes, & illa

HH ij

LIBER VII.

extrema ad supplicium damnatorum, metum ceterorū,
 cruciatus, & crux. hisce omnibus supplicijs sunt libera-
 ti. quis dubitet, quin seruorum animos summa formidi-
 ne oppresserit, cum uiderent ea facilitate Prætorem, ut
 ab eo seruorum sceleris, coniurationisq; damnatorū ui-
 ta uel ipso carnifice internuntio redimeretur. quid? hoc
 in Apolloniensi Aristodamo? quid? in Leonte Magarensi
 non idem fecisti? quid? iste motus seruorum, belliq; subita
 suspicio utrum tibi tandem diligentia custodienda pro-
 uinciae, an nouam rationem improbissimi quaestus attu-
 lit? Halyciensis Eumenidae, nobilis hominis, & honesti, ma-
 gnae pecuniae uillicus cum impulsu tuo insimulatus esset,
 HS LX à domino accepisti. quod nuper ipse iuratus do-
 cuit, quemadmodum gestum esset. ab equite R. C. Matri-
 nio absente, cum is esset Romae, q̃ eius uillicos, pastoresq;
 tibi in suspicionem uenisse dixeras, HS centum abstuli-
 sti. dixit hoc L. Flauius, qui tibi eam pecuniam numerauit,
 procurator C. Matrinij: dixit ipse C. Matrinus: dicet
 clarissimus uir Cn. Lentulus Censor, qui Matrinij hono-
 ris causa, recenti negotio ad te literas misit, mittendasq;
 curauit. quid? de Apollonio Diocli filio Panormitano, cui
 Gemino cognomen est, prateriri potest? ecquid hoc tota
 Sicilia clarius? ecquid indignius? ecquid manifestius pro-
 ferri potest? quem is, uti Panormum uenit, ad se uocari,
 & de tribunali citari iussit, concursu magno, frequen-
 tiaq; conuentus. homines statim loqui, mirari, q̃ Apollo-
 nius homo pecuniosus t=diu ab isto maneret integer: ex-
 cogitauit: nescio quid attulit: profecto homo diues, repen-
 te à Verre non sine causa citatur: expectatio summa o-
 mnium, quidnam id esset: cū exanimatus subito ipse ac-

currit cum adolescente filio: nā pater grandis natu ian-
 diu lecto tenebatur. nominat iste seruū, quem magistrū
 pecoris esse diceret: eum dicit coniurasse, & alias fami-
 lias concitasse. is omnino seruus in familia nō erat. eum
 statim exhiberi iubet. Apollonius affirmat seruū se o-
 mnino illo nomine habere neminem. iste hominem arripi
 à tribunali, & in carcerem conijci iubet. ille clamare, cū
 raperetur, nihil se miserum fecisse, nihil commississe, pecu-
 niam sibi esse in nominibus, numeratam in præsentia nō
 habere. hæc cum maxime summa hominum frequentia
 testificaretur, ut quivis intelligere posset, eum, q̃ pecuniā
 non dedisset, iccirco illa tam acerba iniuria affici; cū ma-
 xime, ut dico, hoc de pecunia clamaret, in uincla conie-
 ctus est. uidete constantiam Pratoris, & eius Pratoris,
 qui nunc reus non ita defendatur, ut mediocris Prator;
 sed ita laudetur, ut optimus imperator. cum seruorum
 bellum metueretur; quo supplicio dominos indemnatos
 afficiebat, hoc seruos damnatos liberabat. Apollonium, lo-
 cupletissimum hominem, qui, si fugitiui bellum in Sici-
 lia facerent, amplissimas fortunas amitteret; belli fugiti-
 uorum nomine, indicta causa, in uincla coniecit: seruos,
 quos ipse cum consilio belli faciendi causa consensisse iu-
 dicauit, eos sine consilij sententia, sua sponte, omni suppli-
 cio liberauit. quid, si ab Apollonio aliquid commissum est,
 quamobrem iure in eum animaduerneretur: tamen ne
 hanc rem sic agemus, ut crimini, aut inuidiæ reo pute-
 mus esse oportere, si quo de homine seuerius iudicauit? nō
 agam tam acerbè: non utar ista accusatoria consuetudi-
 ne; si quod est factum clementer, ut dissolute factum cri-
 miner; si quid vindicatum seuerè est, ut ex eo crudelita-

LIBER VII.

tis inuidiam colligam. non agam ista ratione: tua sequar
 iudicia: tuam defendam auctoritatem, quoad tu uoles. si
 mul ac tute cœperis tua iudicia rescindere, mihi succen
 sere desinito: meo enim iure contendam, eum, qui suo iu
 dicio condemnatus sit, iuratorum iudicum sententijs dā
 nari oportere. non defendam Apollonij causam, amici,
 atq; hospitis mei, ne tuum iudicium uidear rescindere: ni
 hil de hominis frugalitate, uirtute, diligentia dicam: præ
 termittam illud etiam, de quo antea dixi, fortunas eius
 ita constitutas fuisse familia, pecore, uillis, pecunijs credi
 tis, ut nemini minus expediret, ullum in Sicilia tumultū,
 aut bellum commoueri: nō dicam ne illud quidem, si ma
 xime in culpa fuerit Apollonius, tamen in hominem ho
 nestissimum, ciuitatis honestissimæ, tā grauiter animad
 uerti causa indicta non oportuisse: nullam inuidiam in
 te ne ex illis quidem rebus concitabo; cum esset talis uir
 in carcere, in tenebris, in squalore, in sordibus, tyrannicis
 interdictis tuis patri exacta ætate, & adolescēti filio ad
 eundi ad illum miserum potestatem nunquam esse fa
 ctam: etiam illud præteribo; quotiescunq; Panormum
 ueneris illo anno, & sex mensibus (nam tādīu fuit in car
 cere Apollonius) toties ad te senatum Panormitanum ad
 disse supplicem cum magistratibus, sacerdotibusq; publi
 cis, orantem, atq; obsecrantem, ut aliquando ille miser,
 atq; innocens calamitate illa liberaretur. relinquam hæc
 omnia: quæ si uelim persequi, facile ostendam, tua crude
 litate in alios, omnes tibi aditus misericordiæ iudicū iam
 pridem esse præclusos. omnia igitur ista concedam, & re
 mittam: præuideo enim, quid sit defensurus Hortensius.
 fatebitur, apud istum neq; senectutem patris, neq; ado=

leſcentiã filij, neq; lacrymas utriuſq; plus ualuiſſe, quã
 utilitatẽ, ſalutẽq; provinciæ. dicet, Remp. adminiſtra
 ri ſine metu, ac ſeueritate non poſſe. quæret, quãobrem
 faſces Prætoribus præferantur, cur ſecures datæ, cur car
 cer ædificatus, cur tot ſupplicia ſint in improbos more
 maiorum conſtituta. quæ cum omnia grauiter, ſeuereq;
 dixerit: quæram, cur hunc eundem Apollonium Verres
 idem, repente, nulla noua re allata, nulla defenſione, ſine
 cauſa de carcere emitti iuſſerit: tantumq; in hoc crimine
 ſuſpicionis eſſe affirmabo, ut iam ipſis iudicibus ſine mea
 argumentatione coniecturam facere permittam, quod
 hoc genus prædandi, quã improbum, quã indignum,
 quãq; ad magnitudinẽ quæſtus immẽſum, infinitumq;
 eſſe uideatur: nam quæ iſte in Apollonio fecit, ea primũ
 breuiter cognoſcite quot, & quanta ſint: deinde hæc ex
 pendite, atq; æſtimate pecunia: reperiẽtis, iccirco hæc in
 uno homine pecunioſo tot conſtituta, ut cæteris formidĩ
 nes ſimilium incommodorum, atq; exempla periculorũ
 proponerentur. primum inſimulatio eſt repentina, capi
 talis, atq; inuidioſi criminis. ſtatuite, quanti hoc putetis,
 et quã multos redemiſſe. deinde crimẽ ſine accuſatore,
 ſententia ſine conſilio, damnatio ſine defenſione. æſtima
 te harum rerum omnium pretia: & cogitate, in hiſ inĩ
 quitatibus unum hæſiſſe Apollonium, cæteros proſecto
 multos ex hiſ incommodis pecunia ſe liberaſſe. poſtremo
 tenebræ, uincla, carcer, incluſum ſupplicium, atque à
 conſpectu parentum, ac liberum, denique à libero ſpiri
 tu, & comuni luce ſecluſum. hæc uero, quæ uel uita
 redimi recte poſſunt, æſtimare pecunia non queo. hæc o
 mnia ſero redemit Apollonius, iam mærore, ac miſerijs

LIBER VII.

perditus: sed tamē ceteros docuit, ante istius auaritiæ, ac sceleri occurrere: nisi uero existimatis hominem pecuniosissimum sine aliqua causa quæstus iniectum ad tam incredibile crimen, aut sine eadem causa repente ē carcere emissum, aut hoc prædandi genus ab isto in illo uno adhibitum, ac tentatum, et nō per illum omnibus pecuniosis Siculis metum propositum, et iniectum. cupio mihi iudices ab illo subijci, quoniam de militari eius gloria dico, si quid forte prætereo: nam mihi uideor de omnibus iam rebus eius gestis dixisse, quæ quidem ad belli fugitivorum pertinerent suspicionem: certe nihil sciens prætermisi. habetis hominis consilia, diligentiam, uigilantiā, custodiam, defensionemq; provincie. summa illuc pertinet, ut sciatis, quoniam plura genera sunt imperatorum, ex quo genere iste sit. ne diutius in tanta penuria uirorum fortium talem imperatorem ignorare possitis: non ad Q. Maximi sapientiam, neq; ad illius superioris Africani in re gerenda celeritatem, neq; ad huius, qui postea fuit, singulare cōsiliū, neq; ad Pauli rationem, ac disciplinam, neque ad C. Marij uim, atque uirtutem, sed ad aliud genus imperatorum sanē diligenter retinendum, et conseruandum, quæso, cognoscite. itinerum primum laborem, qui uel maximus est in re militari iudices, et in Sicilia maxime necessarius, accipite quā facile sibi iste, et iucundum ratione, consilioq; reddiderit. primum temporibus hibernis ad magnitudinē frigorum, et ad tēpestatū uim, ac fluminū præclarū sibi hoc remediū cōparat. urbē Syracusas elegerat: cuius hic situs, atq; hæc natura esse loci, cæliq; dicitur, ut nullus unq̄ dies tā magna, turbulentq; tēpestate fuerit, quin aliquo tēpore solem eius

diei homines uiderent. hic ita uiuebat iste bonus imperator hibernis mensibus, ut cum non facile nō modo extra tectum, sed ne extra lectum quidem quisquam uideret. ita diei breuitas cōuiuijs, noctis longitudo stupris, et flagitijs conterebatur. cum autem uer esse cōperat, cuius initium iste non à fauonio, neq; ab aliquo astro notabat; sed, cum ros. m uiderat, tunc incipere uer arbitrabatur: dabat se labori, atq; itineribus. in quibus usq; eō se præbebat patientem, atq; impigrum, ut eum nemo unquam in equo sedentem uideret. nam, ut mos fuit Bithyniæ Regibus, lectica octophoro ferebatur: in qua puluinus erat perlucidus Melitensi rosa farctus. ipse autem coronam habebat unam in capite alterā in collo: reticulumq; ad nares sibi apponebat tenuissimo lino, minutis maculis, plenum rosæ. sic confecto itinere, cum ad aliquod oppidum uenerat, eadem lectica usq; ad cubiculum deferrebat. eō ueniebant Siculorum magistratus, ueniebant equites R. id quod ex multis iuratis audistis: cōtrouersia secreto deferrebantur: paulopost palam decreta auferebantur. deinde ubi paulisper in cubiculo pretio, nō æquitate iura descripserat: Veneri iam, & Libero reliquum tempus deberi arbitrabatur. quo loco mihi nō prætèrmittenda uidetur præclari imperatoris egregia, ac singularis diligentia: nam scitote esse oppidum in Sicilia nullum, ex us oppidis, in quibus Prætores consistere, & cōuentum agere solent, quo in oppido nō isti ex aliqua familia non ignobili delecta ad libidinem mulier esset. itaq; nonnullæ ex eo numero in cōuiuium adhibebantur palam. si quæ castiores erant, ad tempus ueniebant, lucem, cōuentumq; nitabant. erant autem cōuiuiā non illo silentio Præto-

LIBER VII.

rum, atq; imperatorū; neq; eo pudore, qui in magistratuum cōuiuijs uersari solet; sed cum maximo clamore, atq; cōiutio. nōnunquam etiam res ad manus, atq; ad pugnam ueniebat: iste enim, Prætor seuerus, ac diligēs, qui populi R. legibus nunq̃ paruisset, illis diligenter legibus, quæ in poculis ponebantur, obtemperabat. itaq; erant exilius eiusmodi, ut alius inter manus è cōuiuijs, tanq̃ è prælio, auferretur, alius tanquā occisus relinqueretur, pleriq; fusi sine mente, ac sine ullo sensu iacerent; quinis ut, cum aspexisset, non se Prætoris cōuiuium, sed ut Cannensem pugnam nequitie uidere arbitraretur. cū uero æstas summa esse iam cœperat, quod tēpus omnes Sicilia semper Prætores in itineribus consumere consueuerunt, propterea q̃ tum putant obeundam esse maxime prouinciam, cum in areis frumenta sunt, q̃ & familie congregantur, & magnitudo seruitij perspicitur, & labor operis maxime offenditur, & frumenti copia cōmonet, tempus anni non impedit: tum inquam, cum concursant cæteri Prætores, iste nouo quodā ex genere imperator, pulcherrimo Syracusarum loco statina sibi castra faciebat: nam in ipso aditu, atq; ore portus, ubi primum ex alto sinus ad urbem ab litore inflectitur, tabernacula carbaeis intenta uelis collocabat. huc ex illa domo prætoria, quæ Regis Hieronis fuit, sic emigrabat, ut per eos dies nemo istum extra illum locum uidere posset. in eum autem ipsum locum aditus erat nemini, nisi qui aut socius, aut minister libidinis esse posset. huc omnes mulieres, quibuscum iste consueuerat, conueniebant. quarum incredibile est quanta multitudo fuerit Syracusis. huc homines digni istius amicitia, digni uita illa, conuiuijsq; ue-

niebant. inter eiusmodi viros, ac mulieres adulta aetate fi-
 lius uersabatur : ut eum, etiam si natura à parentis simi-
 litudine abriperet, consuetudo tamen, ac disciplina patri
 similem esse cogeret. huc Tertia illa perducta per dolum,
 atq; insidias ab Rhodio tibicine, maximas in istius castris
 effecisse turbas dicitur, cum indigne pateretur uxor Cleo-
 menis Syracusani, nobilis mulier, itemq; Aeschionis ho-
 nesto loco nata, in conuentum suum mimi Isidori filiam
 uenisse. iste autem Annibal, qui in suis castris uirtute pu-
 taret oportere, non genere certari, sic hanc Tertiam dile-
 xit, ut eam secum ex prouincia exportaret. ac per eos dies
 cum iste cū pallio purpureo, talariq; tunica uersaretur
 in cōuiuijs muliebribus, non offendebatur homines in eo,
 neq; moleste ferebāt, abesse à foro magistratum, non ius-
 dici, nō iudicia fieri : lucum illum litoris percrepare to-
 tum mulierum uocibus, cantuq; symphoniam, in foro silen-
 tium esse summum causarum, atq; iuris, non ferebāt ho-
 mines moleste : nō enim ius abesse uidebatur à foro, neq;
 iudicia, sed uis, & crudelitas, & bonorū acerba, atq; in-
 digna direptio. hunc tu igitur imperatorem esse defendis
 Hortensi ? huius furta, rapinas, cupiditatem, crudelita-
 tem, superbiam, scelus, audaciam rerum gestarum ma-
 gnitudine, atq; imperatorijs laudibus tegere conaris ? hic
 scilicet est metuendū, ne ad exitū defensionis tuæ uetus il-
 la Antoniana dicendi ratio, atq; auctoritas proferatur :
 ne excitetur Verres, ne denudetur à pectore, ne cicatrices
 populus R. aspiciat, ex mulierū morsu uestigia libidinis,
 atq; nequitiae. dū faciant, ut rei militaris, ut belli mentio-
 nem facere audeas : cognoscetur enim omnia istius æra
 illa uetera : ut, nō solū in imperio, uerū etiā in stipendijs

LIBER VII.

qualis fuerit, intelligatis. renouabitur prima illa militia, cum iste è foro abduci, non ut ipse prædicat, perduci solebat. aleatoris Placentini castra cōmemorabuntur: in quibus cum frequens fuisset, tamen ære dirutus est. multa eius in stipendys damna proferentur: quæ ab isto atatis fructu dissoluta, & cōpensata sunt. iam uero, cum in eiusmodi patientia turpitudinis, aliena, non sua satietate obduruisset, qui uir fuerit, quot præsidia, q̄ munita pudoris, & pudicitia, ui, & audacia ceperit, quid me attinet dicere, aut coniungere cum istius flagitio cuiusquam præterea dedecus? non faciã indices. omnia uetera prætermittam. duo sola recentia sine cuiusquã infamia ponam, ex quibus coniecturam facere de omnibus possitis: unum illud, quod ita fuit illustre, notumq; omnibus, ut nemo tam rusticanus homo L. Lucullo, et M. Cotta Coss. Romã ex ullo municipio uadimonij causa uenerit, quin sciret iura omnia populi R. nutu, atq; arbitrio Chelidonis meretriculæ gubernari: alterum, q̄, cum paludatus exisset, uotaq; pro imperio suo, cōmuniq; populi R. nuncupasset, noctu stupri causa lætica in Urbem introferri solitus est ad mulierem, nuptam uni, propositam omnibus, contra fas, contra auspicia, cōtra omnes diuinas, atq; humanas religiones. ò dij immortales, quid interest inter mentes hominum, & cogitationes. ita mihi meam uoluntatem, spemq; reliquæ uitæ uestra, populiq; R. existimatio cōprobet, ut ego quos adhuc mihi magistratus populus R. mandauit, sic eos accepi, ut me omniũ officiorum obstringi religione arbitrarer. ita Quæstor sum factus, ut mihi honorem illum tum nō solum datum, sed etiam creditum, ac cōmissum putarem. sic obtinui Quæsturam

in provincia Sicilia, ut omnium oculos in me unum con-
iectos arbitrarer, ut me, Quasturamq; meam quasi in
aliquo orbis terræ theatro uersari existimarēt, ut omnia
semper, quæ iucunda uidentur esse, nō modo his extraor-
dinarijs cupiditatibus, sed etiā ipsi naturæ, ac necessitati
denegarem. nunc sum designatus Aedilis: habeo ratio-
nem, quid à populo R. acceperim: mihi ludos sanctissi-
mos maxima cum cerimonia Cerevi, Libero, Liberaq; fa-
ciendos, mihi Floram matrem populo, plebiq; R. ludorum
celebritate placandam, mihi ludos antiquissimos, qui pri-
mi Romani sunt nominati, maxima cū dignitate, ac reli-
gione Ioui, Iunoni, Minervæq; esse faciundos, mihi sacra-
rum ædium procurationem, mihi totam urbem tuendam
esse cōmissam: ob earum rerum laborem, & sollicitudi-
nem fructus illos datos, antiquiorem in senatu sententiæ
dicendæ locum, togam prætextam, sellam curulem, ius,
imagines ad memoriā, posteritatemq; prodendam. ex his
ego rebus omnibus iudices, ita mihi deos omnes propitios
esse uelim, ut, tamen si mihi iucundissimus est honos popu-
li, tamen nequaquā tantum capio uoluptatis, quantum so-
licitudinis, & laboris: ut hæc ipsa Aedilitas, nō quia ne-
cesse fuerit, alicui candidato data, sed, quia sic oportue-
rit, recte collocata, & iudicio populi digno in loco posita
esse uideatur. tu cum esses Prætor renunciatus quoquo
modo (mitto enim, & prætereo, quid tum sit actum) sed
cum esses renunciatus, ut dixi, nō ipsa præconis uoce exci-
tatus es, qui te totiens seniorum, iuniorumq; centurijs illo
honore affici pronūtiavit, ut hoc putares, aliquam Reip.
partem tibi creditam? annū tibi illum unū domo caren-
dum esse meretricis? cum tibi sorte obligisset, ut ius dice-

LIBER VII.

res; quantum negotij, quid oneris haberes, nunquam cogitasti; neq; illud rationis habuisti, si forte expergescere te posses, eam provinciã, quam tueri singulari sapientia, atq; integritate difficile esset, ad summam stultitiam, nequitiamq; uenisse. itaq; non modo domo tua Chelidonem in Prætura extrudere noluisti, sed in Chelidonis domum Præturam tuam totam detulisti. secuta provincia est: in qua tibi nunquã uenit in mentem, non tibi iccirco fasces, & secures, & tãtam imperij uim, tantamq; ornamentorum omniũ dignitatem datam, ut earum rerũ ui, & auctoritate omnia repagula iuris, pudoris, & officij perfringeres, ut omniũ bona prædam tuam duceres, nullius res tuta, nullius domus clausa, nullius uita septa, nullius pudicitia munita cõtra tuam cupiditatem, & audaciam posset esse: in qua tu te ita gessisti, ut, cum omnibus tenere rebus, ad bellum fugitiuorum confugas: ex quo iam intelliges, nõ modo tibi nullam defensionem, sed maximam uim criminũ exortam: nisi forte Italici belli fugitiuorum reliquias, atq; illud Thempsanũ incõmodum proferes. ad quod recēs cũ te peropportune fortuna obtulisset, si quid in te uirtutis, atq; industrie fuisset, idem, qui semper fueras, inuentus es. cũ ad te Valentini uenissent, et pro his homo disertus, et nobilis M. Marius loqueretur, ut negotium susciperes, ut, cum penes te pratoriũ imperiũ, ac nomen esset, ad illam paruam manum extinguendam ducem te, principemq; præberes: non modo id refugisti, sed eo ipso tempore, cũ esses in litore, Tertia illa tua, quã tecum deportabas, erat in omniũ conspectu. ipsis autem Valentinis ex tam illustri, nobiliq; municipio, tantis de rebus resposum nullum dedisti, cum esses cum tu-

nica pulla, & pallio. quid hunc proficiscentem, quid in ipsa provincia fecisse existimatis, qui cum iam ex provincia non ad triumphum, sed ad iudicium decederet, ne illam quidem infamiam fugerit, quam sine ulla uoluptate capiebat? o diuina senatus frequentis in aede Bellonae admurmuratio. memoria tenetis iudices; cum ad uesperasceret, et paulo ante esset de hoc Thempsano incommodo nuntiatum, cum inueniretur nemo, qui in illa loca cum imperio mitteretur, dixisse quendam, Verrem esse non longe a Thempsa, quam ualde uniuersi admurmurarent, quam palam principes contradixerint. Et is tot criminibus, testimonijsque coniectus, in eorum tabellis spem sibi aliquam ponit, quorum omnium palam, causa incognita, uoce damnatus est. esto: nihil ex fugitiuorum bello, aut suspicione belli laudis adeptus est, quod neque bellum eiusmodi, neque belli periculum fuit in Sicilia, neque ab isto prouisum est, ne quod esset. at uero contra bellum praedonum classem habuit ornata, diligentiamque in eo singularem: itaque isto Praetore praeclare defensa provincia est. sic de bello praedonum, sic de classe Siciliensi iudices dicam, ut hoc iam ante confirmem, in hoc uno genere omnes inesse culpas istius maximas auaritia, maiestatis, dementia, libidinis, crudelitatis. haec dum breuiter expono, quaeso, ut fecistis adhuc, diligenter attendite. Rem naualem primum ita dico esse administratam, non uti provincia defenderetur, sed ut classis nomine pecunia quaereretur. superiorum Praetorum consuetudo cum haec fuisset, ut naues ciuitatibus, certusque numerus nautarum, militumque imperaretur, maxima, et locupletissima ciuitati Mamertinae nihil horum imperauisti, ob quam rem quid tibi Mamertini clauis dederint

LIBER VII.

pecuniæ, post uidebitur, ex ipsorū literis, & testibus quæ-
remus. nauē uero Cybeam maximā, triremis instar, pul-
cherrimam, atq; ornatissimā, palam edificatam sumptu
publico, sciente Sicilia, per magistratum, senatumq; Ma-
mertinum, tibi datā, donatamq; esse dico. hæc nauis onu-
sta præda Siciliensi, cum ipsa quoq; esset ex præda, simul
cum iste decederet, appulsa Veliam est cum plurimis res-
bus, & ijs, quas ante Romam mittere cum cæteris furtis
noluit, quod erant charissimæ, maximæq; cum delecta-
bant. eam nauem nuper egomet uidi Velie, multiq; alij
uiderunt, pulcherrimam, atq; ornatissimam iudices. quæ
quidem omnibus, qui eam aspexerant, prospectare iam
exilium, atq; explorare fugam domini uidebatur. quid
mibi hoc loco respōdebis? nisi forte id, quod tamen si pro-
bari nullo modo potest, tamen dici quidem in iudicio de
pecunijs repetundis necesse est, de tua pecunia constare
ædificatam esse eam nauem. aude hoc saltem dicere, quod
necesse est. noli metuere Hortensi, ne quæram, qui licue-
rit ædificare nauem senatori. antiquæ sunt istæ leges, &
mortuæ, quemadmodum tu soles dicere, quæ uetant. fuit
istā reprehensio quondam, fuit ista seueritas in iudicijs,
ut istam rem accusator in magnis criminibus obijci-
endam putaret. quid enim tibi naue opus fuit? qui si quo-
publice profiscereris, et præsidij, et uecturæ causa sum-
ptu publico nauigia præberentur. priuatim autem nec
proficisci quoquam potes, nec accersere res transmarinas
ex ijs locis, in quibus tibi habere, mercari nihil licet. dein-
de cur quicquam contra leges parasti? ualeret hoc cri-
men in illa ueteri seueritate, ac dignitate Reip. nunc non
modo te hoc crimine non arguo, sed ne illa quidem com-

muni

muni uituperatione reprehendo. postremo tu tibi hoc nū
 quam criminofum, nunquam inuidiofum fore putasti,
 celeberrimo loco palàm tibi edificari onerariam nauem
 in ea prouincia, quā tu cum imperio obtinebas? quid eos
 loqui, qui uidebant; quid existimare eos, qui audiebāt, ar-
 bitrabare? inanem te nauem esse in Italiam deducturū?
 nauiculariam te, cum Romam uenisses, esse facturum?
 ne illud quidem quisquam poterat suspicari, te habere in
 Italia maritimum fundum, & ad fructus deportandos
 onerariam nauem cōparare. eiusmodi de te uoluisti ser-
 monem esse omnium, palàm ut loquerentur, te illam na-
 uem parare, quæ prædam ex Sicilia deportaret, & quæ
 ad ea furti, quæ reliquisses, cōmearet? uerū hæc omnia, si
 doces nauem de tua pecunia edificatam, remitto, atque
 concedo. sed hoc homo amentissime non intelligis priore
 ædificatione ab istis ipsis tuis Mamertinis laudatoribus esse
 sublatum: nam dixit Heius princeps ciuitatis, princeps
 istius Legationis, quæ ad tuam laudationem missa est, na-
 uem tibi operis publicis Mamertinorum esse edificatam,
 eiq; faciendæ senatorem Mamertinum publice præfuisse
 se. reliqua est materies: hanc Rheginis, ut ipsi dicunt, (tā-
 etsi tu negare non potes) publice, q̃ Mamertini materiē
 non habent, imperauisti. si, & ex quo fit nauis, & qui fa-
 ciunt, imperio tibi tuo, non pretio præsto fuerunt: ubi tā-
 dem istuc latet, quod tu de tua pecunia dicis impensum?
 at Mamertini in tabulis nihil habent. primum uideo po-
 tuisse fieri, ut ex ærario nihil darent: (etenim uel Capito-
 lium, sicut apud maiores nostros factū est, publice gra-
 tis coactis fabris, operisq; imperatis exedificari, atq; effi-
 ci potuit) deinde id, quod perspicio, & quod ostendā, cū

Cic. Orat.

II

LIBER VII.

istos produxero, ipsorum ex literis, multas pecunias isti
 erogatas in operum locationes falsas, atque inanes, esse per
 scriptas: nam illud minime mirum est, Mamertinos, à quo
 summum beneficium acceperant, quem sibi amiciorem,
 quam populo R. esse cognouerāt, eius capiti literis suis peper
 cisse. sed si argumento est Mamertinos pecunias tibi non
 dedisse, quia scriptum non habent: sit argumētum, tibi gra
 tis cōstare nauem, quid, quid emeris, aut quid locaueris,
 scriptum proferre nō potes: at. n. iccirco nauem Mamer
 tinis non imperasti, quod sunt fœderati. dii approbent. ha
 bemus hominē in Fœcialiū manibus educatum, unum,
 præter ceteros, in publicis religionibus fœderū sanctū,
 et diligentem. omnes, qui ante te Prætores fuerunt, dedā
 tur Mamertinis, quod ipsi nauem contra pactionem fœde
 ris imperarint. sed tamē tu sancte homo, ac religiose cur
 Taurominitanis item fœderatis nauē imperasti? an hoc
 probabis, in æqua causa populorum, sine pretio uarium
 ius, et disparem cōditionem fuisse? quid, si eiusmodi esse
 hæc duo fœdera duorum populorum iudices doceo, ut
 Taurominitanis nominatim cautum, et exceptū sit fœ
 dere, ne nauem dare debeant; Mamertinis in ipso fœdere
 sanctum, atque per scriptum sit, uti nauē dare necesse sit?
 istum autem contra fœdus et Taurominitanis imperas
 se, et Mamertinis remisisse? num cui dubiū poterit esse,
 quin Verre Prætorē plus Mamertinis Cybea, quam Tauro
 minitanis fœdus opitulatum sit? recitentur fœdera. isto
 igitur tuo, quemadmodū ipse prædicas, beneficio, ut res
 indicat, pretio, atque mercede, minuiſti maiestatem Reip.
 minuiſti auxilia populi R. minuiſti copias maiorum uir
 tute, ac sapiētia cōparatas: sustulisti ius imperij, cōditio=

nem sociorum, memoriā fœderis. qui ex fœdere ipso na-
uem uel usq; ad Oceanum, si imperassemus, sumptu, peri-
culoq; suo armatam, atq; ornatam mittere debuerunt:
hi, ne in freto ante sua teeta, & domos nauigarent, ne
sua mœnia, portusq; defenderent, pretio abs te ius fœde-
ris, & imperij conditionem emerunt. quid censetis in hoc
fœdere faciundo uoluisse Mamertinos impendere labo-
ris, operæ, pecuniæ, ne hæc biremis ascriberetur, si id ullo
modo possent à nostris maioribus impetrare? nam cum
hoc munus imperaretur tã graue ciuitati, inerat nescio
quo modo in illo fœdere societatis quasi quædam nota
seruitutis. quod tũ recentibus suis officijs, integrare, nul-
lis populi R. difficultatibus à maioribus nostris fœdere
assequi nō potuerunt, id nunc nullo nouo officio suo, tot
annis post, iure imperij nostri quotannis usurpato, ac sem-
per retento, summa in difficultate nauium, à C. Verre pre-
tio assecuti sunt. at non hoc solum assecuti, ne nauem da-
rent. ecquem nautam, ecquem militem, qui aut in classe,
aut in præsidio esset, te Prætor per triënium Mamerti-
ni dederunt? deniq; cum ex S. C. itemq; ex lege Terentia,
& Cassia frumentum æquabiliter emi ab omnibus Sici-
liæ ciuitatibus oporteret, id quoq; munus leue, atq; cōmu-
ne Mamertinis remisisti. dices frumentum Mamertinos
non debere. quomodo nō debere? an, ut ne uenderent? non
n. erat hoc genus frumenti ex eo genere, quod exigere-
tur; sed ex eo, quod emeretur. te igitur auctore, & inter-
prete, ne foro quidem, & cōmeatu Mamertini populum
R. iuuare debuerūt. quæ tandē ciuitas fuit, quæ deberet?
qui publicos agros arāt, certũ est qd ex lege cīсорia dare
debeat. cur ijs q̄c̄q̄ præterea ex alio genere imperauisti?

LIBER VII.

quid Decumani? nunquid præter singulas decumas ex lege Hieronica debent? cur is quoque statuisti, quantum ex hoc genere frumenti empti darent? qui sunt immunes, certe nihil debent. at is non modo imperasti, uerum etiam, quo plus darent, quam poterant, hæc sexagena millia modiorum, quæ Mamertinis remiseras, addidisti. neque hoc dico, cæteris non recte imperatum esse. Mamertinis, qui erant in eadem causa, et quibus superiores omnes Prætores, item ut cæteris, imperarant pecuniam, qui ex S. C. et ex lege dissoluerant, his dico non recte remissum. et ut hoc beneficium, quemadmodum dicitur, trabali clauo figeret, cum consilio causam Mamertinorum cognoscit, et de consilij sententia Mamertinis se frumentum non imperare pronuntiat. audite decretum mercenarij Prætoris ex ipsius commentario, et cognoscite quanta in scribendo grauitas, quanta in constituendo iure sit auctoritas. Recita commentarium. libenter ait se facere: itaque perscribit. quod, si hoc uerbo non esses usus, libenter? nos uidelicet inuitum te quæstum facere putaremus? ac de consilij sententia: præclarum recitari consilium iudices audistis. utrum uobis consilium recitari tandem Prætoris uidebatur, cum audiebatis nomina, an prædonis improbissimi societas, atque comitatus? en fœderum interpretes, societatis pactores, religionis auctores. nunquam in Sicilia frumentum publice est emptum, quin Mamertinis pro portione imperaretur, antequam hoc delectum, præclarumque consilium iste dedit, ut ab his nummos acciperet, ac sui similis esset. itaque tantum ualuit istius decreti auctoritas, quantum debuit eius hominis, qui, à quibus frumentum emere debuisset, is decretum uendidisset: nam statim L. Metellus,

ut isti successit, ex C. Sacerdotis, & Sex. Peducei institu-
to, ac literis frumentum Mamertinis imperavit. tum illi
intellexerūt, se id, quod à malo auctore emissent, diutius
obtinere nō posse. age porro tu, qui te tā religiosum exi-
stimari uoluisti interpretem fœderum, cur Tauromini-
tanis frumentum, cur Netinis imperasti? quarū ciuitatū
utraq; fœderata est. ac Netini quidē sibi non defuerunt:
nam simul ac pronuntiasti, libenter te Mamertinis qui-
dem remittere, te adierunt, et eandem suam causam fœ-
deris esse docuerunt. tu aliter decernere in eadem causa
non potuisti: pronuntias, Netinos frumentum dare non
oportere: & ab his tamen exigis. cedo mihi eiusdem Præ-
toris literas & rerū decretarum & frumenti imperati,
& rerū decretarū tritici empti. quid potius in hac tāta,
ac tā turpi inconstātia suspicari possumus iudices, quā
id, quod necesse est, aut isti à Netinis pecuniam, cū posce-
ret, non datā; aut id esse actum, ut intelligerent Mamer-
tini, bene se apud istū tam multa pretia, ac munera collo-
casse, cum idem alij iuris ex eadem causa non obtinerēt?
hic mihi etiam audebit mentionē facere Mamertinæ lau-
dationis. in qua quā multa sint uulnera, quis est uestrū
iudices quin intelligat? primū, ut in iudicijs, qui decē lau-
datores dare non potest, honestius est ei nullū dare, quā
illum quasi legitimū numerū consuetudinis non exple-
re. tot in Sicilia ciuitates sunt, quibus tu per triennium
præfuisi: arguunt ceteræ: pauca, & parua metu repres-
sæ silent: una laudat. hoc quid est, nisi intelligere, quid ha-
beat utilitatis uera laudatio? sed tamē ita Verres provin-
ciæ præfuisi, ut hac utilitate necessario tibi sit carendū.
deinde, id quod alio loco ante dixi, quæ est ista tandem

LIBER VII.

laudatio, cuius laudationis Legati principes & publice tibi nauem ædificatam, et priuatim se ipsos abs te spoliatos, expilatosq; esse dixerunt? postremo quid aliud isti faciunt, cum te soli ex Sicilia laudant, nisi testimonio nobis sunt, te omnia sibi esse largitum, quæ tu de Rep. nostra de traxeris? quæ colonia est in Italia tam bono iure, quod tam immune municipium, quod per hos annos tam comoda uacatione sit usum omnium rerum, quæ Mamertina ciuitas per triennium? soli, ex fœdere quod debuerunt, non derunt: soli isto Prætore omnium rerum immunes fuerunt: soli in istius imperio ea conditione uitæ fuerunt, ut populo R. nihil darent, Verri nihil denegarent. uerum ut ad classem, quo ex loco sum digressus, reuertar: accepisti à Mamertinis nauem contra legem, remisisti contra fœdera. ita in una ciuitate bis improbus fuisti; cum & remisisti, quod non oportebat; & accepisti, quod non licebat. exigere te oportuit nauem, quæ contra prædones, non quæ cum præda nauigaret; quæ defenderet, ne prouincia spoliaretur, non quæ noua prouinciæ spolia portaret. Mamertini tibi & urbem, quod furti undiq; portares; & nauem, qua exportares, præbuerunt. illud tibi oppidum receptaculum prædæ fuit: illi homines testes, custodesq; furtorum: illi tibi, & locum furtis, & furtorum uehiculum comparauerunt. itaq; ne tum quidem, cum classem auaritia, ac nequitia tua perdidisti, nauem Mamertinis imperare ausus es. quo tempore in tanta inopia nauium, tantaq; calamitate prouinciæ, etiam si precario essent rogandi, tamē ab his impetraretur: reprimebat. n. tibi et imperandi uim, & rogandi conatum præclara illa non populo R. reddita biremis, sed Prætori donata Cybea. ea fuit merces im-

perij, auxilium iuris, cōsuetudinis, fœderis. habetis uni=
 us ciuitatis firmum auxilium amissum, ac uenditum pre=
 tio. cognoscite nunc nouam prædandi rationē ab hoc pri=
 mum excogitatam. Sumptum omnem in classem fru=
 mento, stipendio, cæterisq; rebus Nauarcho suo quaq; ci=
 uitas semper dare solebat. is neq; ut accusaretur à nau=
 tis, cōmittere audebat, & ciuibus suis rationem referre
 debebat: in illo omni negotio non modo labore, sed etiam
 periculo suo uersabatur. erat hoc, ut dico, factitatū sem=
 per, nec solum in Sicilia, sed in omnibus provincijs, etiā
 in sociorū, & Latinorum stipendio, ac sumptu, tum cum
 illorum auxilijs uti solebamus. Verres post imperium cō=
 stitutum primus imperauit, ut ea pecunia omnis à ciui=
 tatibus sibi adnumeraretur, ut is eam pecuniā tracta=
 ret, quem ipse præfecisset. cui potest esse dubium, quam=
 obrem & omnium consuetudinem ueterem primus im=
 mutaris, & tantā utilitatem per alios tractanda pecu=
 niæ neglexeris, & tantā difficultatem cum crimine, mo=
 lestiam cum suspitione susceperis? deinde alij quæstus in=
 stituuntur: ex uno genere nauali uidete q̃ multi: accipe=
 re à ciuitatibus pecunias, ne nautas darent: pretio certo
 missos facere nautas: missorum omne stipendium lucra=
 ri: reliquis, quod deberet, non dare. hæc omnia ex ciuita=
 tum testimonijs cognoscite. Recita testimonia ciuitatū.
 hunc cine hominem? hanc cine impudentiā iudices: hanc cī=
 ne audaciā? ciuitatibus pro numero militum pecuniarū
 summas describere: certo pretio sexcentenos numos nau=
 tarum missione constituere. quos qui dederat, commea=
 tum totius æstatis abstulerat. iste, quod & nauta nomi=
 ne pro stipendio, frumentoq; acceperat, lucrabatur. itaq;

LIBER VII.

quæstus duplex unius missione fiebat. atq; hæc homo a-
 mentiſſimus in tanto prædonū impetu, tantoq; periculo
 prouinciæ ſic palam faciebat, ut & ipſi prædones ſciret,
 & tota prouincia teſtis eſſet. cū, propter iſtius hanc tā-
 tam auaritiā, nomine clāſſis, eſſent in Sicilia re quidem
 uera naues inanes, quæ prædam Prætori, nō quæ prædo-
 nibus metum afferrent: tamen, cum P. Ceſecius, & P. Ta-
 dius decē nauibus his ſemiplenis nauigarēt, nauem quā-
 dam piratarum præda refertam nō ceperunt, ſed abdu-
 xerunt onere ſuo planē captam, atq; depreſſam. erat ea
 nauis plena iuuentutis formoſiſſimæ, plena argenti fa-
 ſci, atq; ſignati, multa cum ſtragula ueste. hæc una nauis
 ex claſſe noſtra non capta eſt, ſed inuenta ad Megaridē:
 qui locus eſt non longe à Syracuſis. quod ubi iſti nuntia-
 tum eſt; tametſi noctu cum mulierculis iacebat ebrius,
 erexit ſe tamen, & ſtatim Quæſtori, Legatoq; ſuo custo-
 des miſit complures, ut omnia ſibi integra quamprimū
 exhiberentur. appellitur nauis Syracuſas: expectatur ab
 omnibus: ſupplicium ſumi de captiuis putatur. iſte quaſi
 præda ſibi aduecta, non prædonibus captis, ſi qui jenes,
 aut deformes erāt, eos in hoſtiū numero ducit: qui aliqd
 formæ, ætatis, artifiçijq; habebant, abducit omnes: non-
 nullos ſcribis ſuis, filio, cohortiq; diſtribuit: ſymphonia-
 cos ſex cuidā amico ſuo Romā muneri miſit. nox illa to-
 ta exinanienda nauī conſumitur. archipiratam ipſum
 uidet nemo: de quo ſupplicium ſumi oportuit: hodieq; o-
 mnes ſic habent perſuaſum (quid eius ſit, uos coniectura
 quoq; aſſequi debetis) iſtum clā à piratis ob hunc archi-
 piratam pecuniam accepiſſe. coniectura bona eſt. iudex
 eſſe bonus nemo poteſt, qui ſuſpicionē certa nō mouetur.

hominem nostis, consuetudinemq; omnium tenetis; qui
ducem prædonū aut hostium ceperit, quā libenter cum
palām ante oculos omnīū esse patiatur. hominem in tan-
to conuentu Syracusis uidi neminem iudices, qui archipi-
ratam captum uidisse se diceret, cum omnes, ut mos est,
ut solet fieri, concurrerent, quærerent, uidere cuperent.
quid accidit, cur tantopere iste homo occultaretur, ut eū
ne casu quidem quisquam aspicere posset? homines ma-
ritimi Syracusis, qui sæpe istius ducis nomē audissent, sæ-
pe timuissent, cū eius cruciatu, atq; supplicio pascere ocu-
los, animumq; exaturare uellent: potestas aspiciendi ne-
mini facta est. unus plures prædonum duces uiuos cepit
P. Seruilius, quā omnes antea. ecquando igitur isto fru-
ctu quisquam caruit, ut uidere piratam captum non li-
ceret? at contra, quacunq; iter fecit, hoc iucundissimum
spectaculum omnibus uinctorū, captorumq; hostiū præ-
bebat. itaq; ei cōcursus undiq; fiebant, ut nō modo ex his
oppidis, quā ducebātur, sed etiā ex finitimis uisendi causa
conuenirent. ipse autem triūphus quāobrem omnīū trium-
phorum gratissimus populo R. fuit, atq; iucundissimus?
quia nihil est uictoria dulcius. nullum est autem testimo-
nium uictoriæ certius, q̄, quos sæpe metueris, eos te uin-
ctos ad supplicium duci uidere. hoc tu quamobrem non
fecisti? quamobrem ita iste pirata celatus est, quasi eum
aspicere nefas esset? quāobrem suppliciū non sumpsisisti?
quā ob causam hominem reseruasti? ecquem audisti in
Sicilia antea captum archipiratam, qui non securi per-
cussus sit? unum cedo auctorem tui facti: unius profer
exemplum. uiuum tu archipiratam seruabas, quem per
triumphum credo, quem ante currum tuū duceres: neq;

LIBER VII.

enim quicquam erat iam reliquum, nisi ut classe populi
 R. pulcherrima amissa, provinciâq; lacerata, triumphus
 navalis tibi decerneretur. age porro, custodiri ducē præ-
 donum nouo more, quàm securi feriri omnium exemplo
 magis placuit. quæ sunt istæ custodiæ? apud quos homi-
 nes? quemadmodum est asseruatus? Lautumias Syracu-
 sanas omnes audistis, pleriq; nostis. opus est ingēs, magni-
 ficum, Regum, ac tyrānorum: totum est ex saxo in mi-
 randam altitudinem depresso, & multorum operis peni-
 tus exciso. nihil tam clausum ad exitus, nihil tam septum
 undiq; nihil tam tutum ad custodias nec fieri, nec cogi-
 tari potest. in has Lautumias, si qui publice custodiendi
 sunt, etiam ex cæteris oppidis Siciliæ deduci imperantur.
 eò q̃ multos captiuos ciues R. coniecerat, & q̃ eodem cæ-
 teros piratas contrudi imperarat: intellexit, si hunc sub-
 dititium archipiratam in eandem custodiâ dedisset, fore,
 ut à multis illis in Lautumys uerus ille dux quæreretur.
 itaq; hominem huic optimæ, tutissimæq; custodiæ non au-
 det cōmittere. deniq; Syracusas totas timet. amandat ho-
 minem: quo? Lilybæum fortasse? uideo: tamen homi-
 nes maritimos non planè reformidat. minime indices. Pa-
 normum igitur? audio: quāquam Syracusis, quoniā in
 Syracusano captus erat, maxime si minus supplicio affi-
 ci, ac custodiri oportebat. ne Panormū quidem. quid igi-
 tur? quò putatis? ad homines à Piratarum metu, & su-
 spicione alienissimos, à nauigando, rebusq; maritimis re-
 motissimos, ad Centuripinos, homines maxime mediterræ-
 neos, summos aratores, qui nomen nunquam timuissent
 maritimi prædonis, unum te Prætoře horruissent Apro-
 nium terrestrem archipiratam. & ut quiuīs facile per-

spiceret, id ab isto actum esse ut ille suppositus facile, &
 libenter se illum, qui nō erat, esse simularet: imperat Cen-
 turipinis, ut is uictu, caterisq; rebus quamliberalissime,
 cōmodissimēq; habeatur. interea Syracusani, homines pe-
 riti, & humani, qui nō modo ea, quæ perspicua essent, ui-
 dere, uerū etiam occulta suspicari possent: habebant ra-
 tionem omnes quotidie piratarū, qui securi ferirentur:
 quā multos esse oporteret, ex ipso nauigio, quod erat fa-
 ctum sex remorum numero, coniciebant. iste q̄ omnes,
 qui artificy aliquid habuerant, aut formæ, remouerat,
 atq; abduxerat: reliquos si, ut consuetudo est, uniuersos
 ad palum alligasset, clamorem populi fore suspicabatur,
 cum tanto plures abducti essent, quā relictī. propter
 hanc causam cum instituisset alios alio tempore produ-
 cere: tamen in tanto conuentu nemo erat, quin rationē,
 numerumq; haberet, & reliquos non desideraret solum,
 sed etiam posceret, et flagitaret. cum maximus numerus
 deesset, tum iste homo nefarius in eorū locū, quos domū
 suam de piratis abduxerat, substituere, & supponere cœ-
 pit ciues R. quos in carcerem antea cōiecerat. quorū alios
 Sertorianos milites fuisse insimulabat, & ex Hispania fu-
 gientes ad Siciliā appulsos esse dicebat: alios, qui à præ-
 donibus erant capti, cum mercaturas facerent, aut ali-
 quam ob causam nauigarent, sua uoluntate cum piratis
 fuisse arguebat. itaq; alij ciues R. ne cognoscerētur, capi-
 tibus obuolutis è carcere ad palū, atq; ad necē rapiebantur.
 alij, cum à multis ciuibus R. recognoscerentur, ab o-
 mnibus defenderētur, securi feriebat. quorum ego de
 acerbissima morte, crudelissimoq; cruciatu dicā, cū eum
 locū tractare cœpero: et ita dicā, ut, si me in ea queri-

LIBER VII.

monia, quā sum habiturus de istius crudelitate, & de ci-
 uū R. indignissima morte, nō modo uires, uerū etiā uita
 deficiat, id mihi praeclarum, & iucūdam putem. haec igi-
 tur est gesta res, haec uictoria praeclara: myoparone pi-
 ratō capto, dux liberatus: symphoniaci Romam missi:
 formosi homines, & adolescentes, & artifices domū ab-
 ducti: in eorum locum, & ad eorum numerū ciues R.
 hostilem in modū cruciati, & necati: omnis uestis abla-
 ta: omne aurum, & argentum & ablatum, & auer-
 sum. at quemadmodum ipse sese induit priore actione?
 qui tot dies tacuisset, repente in M. Anny hominis splen-
 didissimi testimonio, cum is ciues R. dixisset, & archipira-
 tam negasset securi esse percussū, exiuit, conscientia sce-
 leris, & furore ex maleficis cōcepto excitatus: dixit se,
 q̄ sciret sibi crimini datum iri, pecuniam accepisse, neq;
 de uero archipirata sumpsisse supplicium, ideo securi nō
 percussisse: domi esse apud sese archipiratas dixit duos.
 o clementiam populi R. seu potius patientiam miram, ac
 singularem. ciuem R. securi esse percussū Annus eques
 R. dicit: taces. archipiratam negat: fateris. fit in eo gēmi-
 tus omnium, & clamor, cum tamen à praesenti supplicio
 tuo se cōtinuit populus R. & repressit, & salutis tuae ra-
 tionem iudicū seueritati reseruauit. qui sciebas tibi cri-
 mini datum iri? quamobrem sciebas? quāobrem etiam
 suspicabare? inimicum habebas neminem. si haberes, ta-
 men non ita uixerās, ut metum iudicij propositum habe-
 re deberes. an te, id quod fieri solet, conscientia timidum,
 suspiciosumq; faciebat? qui igitur, cum esses in imperio
 iam tum iudicium, & crimē horrebas: reus cum tot te-
 stibus coarguare, potes de damnatione dubitare? uerum

si cri-
 ceres-
 dem-
 coacti-
 possi-
 syracu-
 ferire-
 lo rep-
 itaq; il-
 prater-
 finem-
 causam
 quos pi-
 lucis u-
 luid lib-
 ne pri-
 duces
 sem,
 cap-
 ad p-
 lane-
 est la-
 hoste-
 tius c-
 quad-
 sua re-
 actus
 duces
 tuas
 facer-

si crimen hoc metuebas, ne quis abs te suppositum esse di-
 ceret, qui pro archipirata securi feriretur: utrum tan-
 dem tibi ad defensionem firmitus fore putasti, in iudicio
 coactus, atque efflagitatu meo producere ad ignotos tanto
 post eum, quem archipiratam esse diceres, an recenti re,
 Syracusis apud notos, inspectante Sicilia penè tota, securi
 ferire? uide, quid intersit, utrum faciendum fuerit. in il-
 lo reprehensio nulla esse potuit: hic defensio nulla est.
 itaque illud semper omnes fecerunt: hoc quis ante te, quis
 præter te fecerit, quaero. piratam uiuū tenuisti. quem ad
 finem? dum cum imperio fuisti? quamobrem? quā ob
 causam? quo exemplo? cur tandiu? cur inq̃ ciuibus R.
 quos pirata cepere, securi statim percussis, ipsis piratis
 lucis usuram tam diuturnā dedisti? uerū esto: sit tibi il-
 lud liberū omne tempus, quod cum imperio fuisti. etiam
 ne priuatus? etiā ne reus? etiā ne penè dānatus hostium
 duces priuata in domo retinuisi? unum, alterum men-
 sem, propè annū deniq; domi tuæ piratæ, à quo tempore
 capti sunt, quoad per me licitum est, fuerūt, hoc est quo-
 ad per M. Acilium Glabrimonem licitum est: qui postu-
 lante me, produci, atque in carcerē condi imperauit. quod
 est huiusce rei ius? quæ consuetudo? quod exemplum?
 hostem acerrimum, atque infestissimum populi R. seu po-
 tius cōmunem hostem gentium, nationumq; omnium quis-
 quam omnium mortalium priuatus intra mœnia domi
 suæ retinere poterit? quid, si pridie, quàm à me tu co-
 actus es confiteri, ciuibus R. securi percussis prædonum
 ducem uiuere, apud te habitare: si inquam pridie domo
 tua profugisset, si aliquam manum contra populum R.
 facere potuisset, quid diceres? apud me habitauit: me-

LIBER VII.

cum fuit: ego illum ad iudicium meum, quo facilius crimen inimicorum diluere possem, uiuum, atq; incolumem reseruau. ita ne uero? tu tua pericula cōmuni periculo defendes? tu supplicia, quæ debentur hostibus uictis, ad tuum, non ad populi R. tempus conferes? populi R. hostis priuatis custodys asseruabitur? at etiam qui triumphant, eoq; diutius uiuos hostium duces seruant, ut his per triumphum ductis pulcherrimū spectaculum, fructumq; uictoriae populus R. percipere possit: tamen, cum de foro in Capitolium currum flectere incipiūt, illos duci in carcerem iubent, idemq; dies & uictoribus imperij, & uictis uitæ finem facit. est nunc, credo, cuiquam dubium, quin tu id cōmissurus non fueris: præsertim cum statuisses, ut ais, tibi causam esse dicendam, ut ille archipirata non potius securi feriretur, quā, quod erat ante oculos positum, tuo periculo uiueret. si enim esset mortuus: tu, qui crimen ais te metuisse, quæro cui probares? cum constaret istum Syracusis ab nullo uisum esse archipiratam, ab omnibus desideratū; cum dubitaret nemo, quin abs te pecunia liberatus esset; cum uulgo loquerentur, suppositū in eius locū, quem pro illo probare uelles; cum tute fassus esses, te id crimen tanto ante metuisse: si eum diceres esse mortuū, quis te audiret? nunc cū uiuū istum nescio quem produces, tamen ne id credi uoles? quid, si aufugisset? si uincla rupisset, ita ut Nico ille nobilissimus pirata fugit, quem P. Seruilius, qua felicitate ceperat, eadem recuperauit. quid diceres? uerum hoc erat: si ille semel uerus archipirata securi percussus esset, pecuniam illam non haberes: si hic falsus esset mortuus, aut profugisset, nō esset difficile alium in suppositi locum suppo-

mere.
men e
præ
gram.
refere
ne lo
dam, m
nō solū
ser: nā
re pro
tanto p
pore d
Regis P
fuit: t
bus est
ta uel
Syrac
tiam
mot
stos,
con
præ
ram
etiam
tem n
prop
quæ
plur
cilia
tur.

nere. plura dixi, quàm uolui, de illo archipirata: & ta-
men ea, quæ certissima sunt huius criminis argumenta,
prætermisi: uolo enim mihi totum esse crimen hoc inte-
grum. est certus locus, certa lex, certum tribunal, quò hoc
reſeruetur. hac tanta præda auctus, mancipijs, argento,
ueste locupletatus, nihilo diligentior ad classem ornan-
dam, milites reuocandos, alendosq; esse cœpit, cum ea res
nò solum prouinciæ saluti, uerùm etiã ipsi prædæ esse pos-
set: nam æstate summa, quo tempore ceteri Prætores obi-
re prouinciã, & concursare consueuerunt, aut etiam in
tanto prædonum metu, & periculo ipsi nauigare, eo tẽ-
pore ad luxuriam, libidinesq; suas domo sua regia, quæ
Regis Hieronis fuit, qua Prætores uti solent, cõtentus non
fuit: tabernacula, quemadmodum cõsueuerat tempori-
bus æstiujs, quod antea iam demonstrauit, carbaseis inten-
ta uelis collocari iussit in litore: quod est litus in insula
Syraculis post Arethusæ fontem, propter ipsum introi-
tum, atq; ostium portus, amœno sanè, & ab arbitris re-
moto loco. hic dies æstiuos sexaginta Prætor populi R. cu-
stos, defensorq; prouinciæ sic uixit, ut muliebria quotidie
conuiuia essent, uir accumberet nemo præter ipsum, &
prætextatum filium. tametsi recte sine exceptione dixe-
ram, uirum, cum isti essent, neminem fuisse. nònunquam
etiam libertus Timarchides adhibebatur: mulieres au-
tem nuptæ nobiles, præter unã mimi Isidori filiã, quã iste
propter amorem ab Rhodio tibicine abduxerat, Pippa
quædam, uxor Aeschryonis Syracusani: de qua muliere
plurimi uersus, qui in istius cupiditatẽ facti sunt, tota Si-
cilia percelebrantur. erat Nice facie eximia, ut prædica-
tur, uxor Cleomenis Syracusani. hãc Cleomenes uir ama-

LIBER VII.

bat, uerūtamen huius libidini aduersari nec poterat, nec
 audebat. & simul ab isto donis, beneficijsq; plurimis de-
 uinciebatur. illo autem tempore iste, tametsi ea est homi-
 nis impudentia, quā nostis, ipse tamen, cum uir esset Sy-
 racusis, uxorem eius parum poterat animo soluto, ac li-
 bero tot in aēta dies secum habere. itaq; excogitat rem
 singularem. naues, quibus Legatus praefuerat, Cleomeni
 tradit: classi populi R. Cleomenem Syracusanū praesse
 iubet, atq; imperat. hoc eo facit, ut ille nō solum abesset à
 domo, tum cum nauigaret; sed etiam libenter cum ma-
 gno honore, beneficioq; abesset; ipse autem remoto, atq;
 ablegato uiro, non liberius, quā ante (quis enim un-
 quam istius libidini obstitit?) sed paulo solutiore tamen
 animo secum illam haberet, si non tanquam uirum, at
 tanq̃ æmulum remouisset. accipit nauem sociorum, atq;
 amicorum Cleomenes Syracusanus. quid primum aut
 accussem, aut querar iudices? siculo ne homini Legati,
 Quæstoris, Prætoris deniq; potestatem, honorem, aucto-
 ritatem dari? si te impediēbat ista conuiuiorum, mulie-
 rumq; occupatio: ubi Quæstores? ubi Legati? ubi ter-
 nis denarijs æstimatū frumentū? ubi muli? ubi taberna-
 cula? ubi tot, tantaq; ornāmēta magistratibus, et Lega-
 tis à senatu, populoq; R. permissa, et data? deniq; ubi præ-
 fectionis, & Tribuni tui? si ciuis R. dignus isto negotio ne-
 mo fuit, quid ciuitates, quæ in amicitia, fideq; populi R.
 perpetuo māsērāt? ubi Segestana? ubi Cēturipina ciui-
 tas? quæ tum officijs, fide, uetustate, tum etiā cognatione
 populi R. nomē attingūt. ò dy immortales. quid, si harū
 ipsarū ciuitatū militibus, nauibus, Nauarchis Syracusa-
 nus Cleomenes iussus est imperare? non omnis honos ab
 isto

isto dignitatis, æquitatis, officiūq; sublatus est? ecquod in
 Sicilia bellum gessimus, quin Centuripinis socijs, Syracu-
 sanis hostibus uteremur? atq; hæc omnia ad memoriam
 uetustatis, non ad contumeliā ciuitatis referri uolo. itaq;
 ille uir clarissimus, summusq; imperator M. Marcellus,
 cuius uirtute captæ, misericordia conseruata sunt Syra-
 cusæ, habitare in ea parte urbis, quæ insula est, Syracusa-
 num neminem uoluit. hodie inquam Syracusanum in ea
 parte habitare non licet: est. n. locus, quem uel pauci pos-
 sunt defendere. cōmittere igitur eum non fidelissimis ho-
 minibus noluit: simul q̄ ab illa parte urbis nauibus adi-
 tus ex alto est. quamobrem qui nostros exercitus sæpe ex-
 cluserant, ijs claustra loci cōmittenda non existimauit.
 uide, quid intersit inter tuā libidinē, maiorumq; auctori-
 tatem; inter amorē, furorēq; tuū, & illorum consiliū,
 atq; prudentiam. illi aditum litoris Syracusanis ademe-
 runt: tu maritimum imperium concessisti. illi habitari in
 eo loco Syracusanum, quod naues accedere possent, nolue-
 runt: tu classi, et nauibus Syracusanum præesse uoluisti.
 quibus illi urbis suæ partem ademerunt, ijs tu nostri im-
 perij partem dedisti: & quorum sociorum opera Syracu-
 sani nobis dicto audientes sunt, eos Syracusanis dicto au-
 dientes esse iussisti. egreditur Centuripina quadriremi
 Cleomenes e portu: sequitur Segestana nauis, Tyndarita-
 na, Herbitensis, Heracliensis, Apolloniensis, Halutina, præ-
 clara classis in speciem, sed inops, & infirma propter di-
 missionem propugnatorum, atq; remigum. tandiu in im-
 perio suo classem iste Prætor diligens uidit, quādiu con-
 uiuium eius flagitiosissimum præteruecta est. ipse autē,
 qui uisus multis diebus non esset, tum se tamen in cōspex

Cic. Orat.

KK

LIBER VII.

Etum nautis paulisper dedit. stetit soleatus Prætor populi R. cū pallio purpureo, tunicāq; talari, muliercula nixus in litore. iam hoc ipso istum uestitu Siculi, ciuesq; R. per multi sæpe uiderūt. posteaquā paulum prouecta classis est, et Pachynum quinto die deniq; appulsa est: nautæ fame coacti, radices palmarum agrestium, quarū erat in illis locis, sicut in magna parte Sicilia, multitudo, colligebant, & his miseri, perditiq; alebantur. Cleomenes autē, qui alterum se Verrem cum luxuria, atq; nequitia, tum etiam imperio putaret, similiter totos dies, in litore tabernaculo posito, perpotabat. ecce autem repente, ebrio Cleomene, esurientibus ceteris, nuntiatum piratarum naues esse in portu Edisse: nam ita is locus nominatur. nostra autem classis erat in portu Pachyni. Cleomenes autem, quærat terrestre præsidium non re, sed nomine, sperabat ijs militibus, quos ex eo loco deduxisset, explere se numerū nautarum, & remigū posse. reperta est eadem istius hominis auarissimi ratio in præsijs, quæ in classibus: nam erant perpauci reliqui, ceteriq; dimissi. princeps Cleomenes in quadriremi Centuripina malum erigi, uela fieri, præcidi anchoras imperauit: & simul, ut se ceteri sequerentur, signum dari iussit. hæc Centuripina nauis erat incredibili celeritate uelis: nam scire isto Prætore nemo poterat, quid quæq; nauis remis facere posset: etsi in hac quadriremi propter honorem, et gratiam Cleomenis minime multi remiges, & milites deerant. euolat iam è conspectu ferè fugiens quadriremis, cum etiam tūc ceteræ naues suo in loco moliebantur. erat animus in reliquis: quanquā erant pauci, quoquo modo sese res habebat, pugnare tamen se uelle clamabant, & quod reliquum

vite,
re uo
aliqu
Lailla
ceteri
tur, ser
uideret
su, cur
uer, pas
ita ran
per, do
mus, id
nauem
timoris
bilis p
flea p
to re
nauis
dum
tus p
drir
fectu
si nec
fene,
ti sum
ter sp
tiq; o
expul
infir
que

uitæ, uiriumq; fames fecerat, id ferro potissimum redde-
 re uolebant. quod si Cleomenes non tanto ante fugisset,
 aliqua tamen ad resistendum ratio fuisset: erat enim so-
 la illa naus constrata, & ita magna, ut propugnaculo
 ceteris posset esse: quæ, si in prædonum pugna uersare-
 tur, urbis instar habere inter illos piraticos myoparones
 uideretur. sed tunc inopes relictæ a duce, præfectoq; clas-
 sis, eundem necessario cursum tenere cœperunt. Pelorum
 uersus, ut ipse Cleomenes, ita ceteri nauigabant. neque
 ita tamen tam prædonum fugiebant impetum, quàm im-
 peratorem sequebantur. tum ut quisque in fuga postre-
 mus, ita periculo princeps erat: postremam enim quanq;
 nauem piratæ primam adoriebantur. ita prima Halun-
 tinorum naus capitur: cui præerat Halutinus homo no-
 bilis Philarchus: quem ab illis prædonibus Locenses po-
 stea publice redemerunt: ex quo uos priore actione iura-
 to rem omnem, causamq; cognostis. deinde Apolloniensis
 naus capitur, et eius præfectus Anthropinus occiditur.
 dum hæc aguntur, interea Cleomenes iam ad Pelori li-
 tus peruenerat, iam sese in terram e naui eiecerat, qua-
 drirememq; in salo fluctuantem reliquerat. reliqui præ-
 fecti nauium, cum in terram imperator exisset, cum ip-
 si neque repugnare, neque mari effugere ullo modo pos-
 sent, appulsis ad Pelorum nauibus Cleomenem persecu-
 ti sunt. tunc prædonum dux Heracleo, repente, præ-
 ter spem, non sua uirtute, sed istius auaritia, nequi-
 tiaq; uictor, classem pulcherrimam populi R. in litus
 expulsam, & eiectam, cum primum ad uesperasceret,
 inflammari, incendiq; iussit. o tempus miserum, at-
 que acerbum provincie Siciliæ: o casum illum multis

KK ij.

LIBER VII.

innocentibus calamitosum, atq; funestum: o' istius nequitiam, ac turpitudinem singularem. una, atq; eadem nox erat, qua Prætor amoris turpissimi flamma, ac classis populi R. prædonum incendio conflagrabat. affertur nocte intempesta grauis huiusce mali nuntius Syracusas: curritur ad Prætorium, quod istum est conuiuium illo præclaro reduxerant paulo ante mulieres cum cantu, atq; symphonia. Cleomenes, quanquā nox erat, tamen in publico esse non audet, includit se domi: neq; aderat uxor, quæ consolari hominem in malis posset. huius autem præclari imperatoris ita erat seuera domi disciplina, ut in re tanta, in tam graui nuntio nemo admitteretur, nemo esset, qui auderet aut dormientem excitare, aut interpellare uigilantem. iam uero, re ab omnibus cognita, cōcursabat urbe tota maxima multitudo: non. n. sicut antea consuetudo erat, prædonum aduentum significabat ignis est specula sublatus, aut tumultus, sed flamma ex ipso incendio nauium & calamitatem acceptam, & periculum reliquū nuntiabat. cum Prætor quæreretur, & cōstaret ei neminem nuntiasse: fit ad domum eius cum clamore concursus, atq; impetus. tum iste excitatus exit: audit rem omnem ex Timarchide: sagum sumit. lucebat iam fere: procedit in mediū, uini, somni, stupri plenus. excipitur ab omnibus eiusmodi clamore, ut ei Lampfaceni periculi similitudo uersaretur ante oculos. hoc etiā maius hoc uidebatur, qd in odio simili multitudo hominum hæc erat maxima. tum istius acta cōmemorabantur, tum flagitiosa illa cōuiuium: tum appellabantur à multitudine mulieres nominatim: tū quærebat ex ipso palam, tot dies continuos, per quos nunquam uisus esset, ubi fuisset? quid egisset? tū

imperator ab isto præpositus Cleomenes flagitabatur: neque quicquam propius est factum, quam ut illud uticæ exemplum de Adriano transferretur Syracusas, ut duo sepulcra duorum Prætorum improborum, duabusque in provinciis constituerentur. uerum habita est à multitudine ratio temporis, habita est tumultus, habita etiam dignitatis, existimationisque communis, quæ is est conuentus Syracusis ciuium R. ut non modo illa provincia, uerum etiam hac Rep. dignissimus existimetur, confirmant ipsi se, cum is etiam tum semisomnis stupeat: arma capiunt: totum forum, atque insulam, quæ est urbis magna pars, complent. unam illam solam noctem prædones ad Pelorum commorati, cum fumantes etiam nostras naues reliquissent, accedere incipiunt ad Syracusas. qui uidelicet sæpe audissent, nihil esse pulchrius, quam Syracusarum mœnia, ac portus: statuerant sese, si ea Verre Prætoris uidissent, nunquam esse uisuros. ac primo ad illa æstiuæ Prætoris accedunt, ipsam illam ad partem litoris, ubi iste per eos dies tabernaculis positis castra luxuriæ collocarat. quem posteaquam inanem locum offenderunt, & Prætores commouisse ex eo loco castra senserunt: statim sine ullo metu in portum ipsum penetrare cœperunt. cum in portum dico iudices, (explanandum est enim diligentius eorum causa, qui locum ignorant) in urbem dico, atque in urbis intimam partem uenisse piratas: non enim portum illud oppidum clauditur, sed urbe portus ipse cingitur, et concluditur: non ut alluantur à mari mœnia extrema, sed influat in urbis sinum portus. hic te Prætor Heracleo archipirata cum quatuor myoparonibus paruis ad arbitrium suum nauigauit. pro di immortales, pirati=

LIBER VII.

cus myoparo, cum imperium populi R. nomen, ac fasces
 essent Syracusis, usq; ad forum & ad omnes urbis crepi-
 dines accessit: quod neq; Carthaginensium gloriosissimæ
 classes, cum mari plurimum poterant, multis bellis sæpe
 conatæ, unquam aspirare potuerunt; neq; populi R. inui-
 cta ante te Prætorem gloria illa naualis, unquā tot Pu-
 nicis, Siciliensibusq; bellis penetrare potuit: qui locus eius
 modi est, ut ante Syracusani in mœnibus suis, in urbe, in
 foro hostem armatum, ac uictorem, q̄ in portu ullam
 hostium nauem uiderent. hic te Prætore prædonum na-
 uiculæ peruagatæ sunt, quod Atheniensium classis sola post
 hominum memoriam CCC nauibus ui, ac multitudine
 inuasit: quæ in eo ipso portu, loci ipsius, portusq; natura
 uicta, atq; superata est. hic primum opes ipsius ciuitatis
 uictæ, cōminutæ, depressæq; sunt: in hoc portu Athenien-
 sium nobilitatis, imperij, gloriæ naufragiū factum exi-
 stimatur. eò ne pirata penetravit, quod simul atq; adis-
 set, non modo à latere, sed etiam à tergo magnam par-
 tem urbis relinqueret? Insulam totam præteruectus est:
 quæ est urbis magna pars Syracusis suo nomine, ac mœ-
 nibus. quo in loco maiores (ut ante dixi) Syracusanum
 quēquam habitare uetuerunt, q̄, qui illam partem urbis
 tenerent, in eorum potestatem portum futurum intelli-
 gebant. at quemadmodum est peruagatus? radices pal-
 marum agrestium, quas in nostris nauibus inuenerat,
 iaciebat, ut omnes istius improbitatem, & calamitatem
 Siciliæ possent cognoscere. Siculos ne milites, aratorū ne
 liberos, quorum patres tantum labore suo frumenti ex-
 arabant, ut populo R. totiq; Italiæ suppeditare possent,
 eos ne in insula Cereris natos, ubi primum fruges inuen-

ta esse dicuntur, eo cibo esse, usos, à quo maiores eorum
 ceteros quoq; frugibus inuentis remouerunt. te Pratore
 Siculi milites palmarum stirpibus, prædones Siculo fru-
 mento alebantur. o' spectaculum miserum, atq; acerbū:
 ludibrio esse urbis gloriam, populi R. nomen; hominum
 conuentu, atq; multitudine, piratico myoparone, in por-
 tu Syracusano de classe populi R. triumphum agere pi-
 ratam, cum Prætoris nequissimi, inertissimiq; oculos præ-
 donum remi respergerent. posteaquam è portu piratæ
 non metu aliquo affecti, sed satietate exierant: tum cœpe-
 runt querere homines causam illius tantæ calamitatis:
 dicere omnes, & palàm disputare, minime esse miran-
 dum, si militibus, remigibusq; dimissis, reliquis egestate,
 & fame perditis, Prætor tot dies cum mulierculis per-
 potante, tanta ignominia, & calamitas esset accepta. hæc
 autem istius vituperatio, atque infamia confirmabatur
 eorum sermone, qui à suis ciuitatibus illis nauibus præ-
 positi fuerant: qui ex illo numero reliqui Syracusas clas-
 se amissa refugerant. dicebant, quos ex sua quisque nauis
 missos sciret esse. res erat clara: neque solum argumētis,
 sed etiam certis testibus istius audacia tenebatur. homo
 certior fit, agi nihil in foro, & conuentu toto die, nisi
 hoc queri à Nauarchis, quemadmodum classis esset a-
 missa: illos respondere, & docere unumquenque, missio-
 ne remigum, fame reliquorum, Cleomenis timore, &
 fuga. quod posteaquam iste cognouit, hanc rationem
 habere cœpit. causam sibi dicendam esse statuerat iam
 ante, quàm hoc usu uenerit, ita ut ipsum priore actio-
 ne dicere audistis. uidebat, illis Nauarchis testibus,
 tantum hoc crimen sustinere se nullo modo posse:

K K iij

LIBER VII.

consilium capit primo stultum, ueruntamen clemens: Cleomenem, & Nauarchos ad se uocari iubet: ueniunt. accusat eos, q̄ huiusmodi de se sermones habuerint: rogat, ut id facere desistant, & in sua quisq; navi dicat se tantum habuisse nautarum, quantum oportuerit, neque quenquam esse dimissum. illi enim uero se ostēdunt, quod uellet, esse facturos. iste non procrastinat: aduocat amicos statim: quærit ex his sigillatim, quot quisq; nautas habuerit. respondit unusquisq; ut erat præceptum. iste in tabellas refert: obsignat signis amicorum prouidens homo, ut contra hoc crimen, si quando opus esset, hac uidelicet testificatione uteretur. derisum credo esse hominē amentem à suis consiliarijs, & admonitum, hasce ei tabulas nihil profuturas, etiam plus ex nimia Prætoris diligentia suspicionis in eo crimine futurum. etiam iste erat hac stultitia multis in rebus usus, ut publice quoq; quæ uellet, in ciuitatum literis & tolli, et referri iuberet. quæ omnia nunc intelligit sibi nihil prodesse, posteaquam certis literis, testibus, auctoritatibusq; cōuincitur. ubi hoc uidet, illorum confessionem, testificationem suā, tabellas sibi nullo adiumento futuras: inquit consilium, non improbi Prætoris (nā id quidem esset ferendum) sed importuni, atq; amētis tyrāni. statuit, si hoc crimen extenuare uellet (nam omnino tolli posse nō arbitrabatur) Nauarchos omnes testes sui sceleris uita esse priuandos. occurrebat illa ratio: quid Cleomeni fiet? potero ne animadvertere in eos, quos dicto audiētes esse iussi? missum facere eum, cui imperiū, potestatemq; permisi? potero ne eos afficere supplicio, qui Cleomenem secuti sunt? ignoscere Cleomeni, qui secum fugere, & se consequi iussit? potero ne in eos

esse uehemens, qui naues inanes non modo habuerunt, sed etiam apertas? in eum dissolutus, qui solus habuerit constratam nauem, & minus exinanitam? pereat Cleomenes una. ubi fides? ubi execrationes? ubi dextra, completusque? ubi illud cotubernium muliebris militiae in illo delicatissimo litore? fieri nullo modo poterat, quin Cleomeni parceretur. Cleomenem uocat. dicit ei, se statuisse animaduertere in omnes Nauarchos, ita sui periculi rationes ferre, ac postulare. tibi uni parca: & totius istius culpa crimen, uituperationemque; incostantia potius suscipiam, quam aut in te sim crudelis, aut tot, tam graues testes uiuos, incolumesque; esse patiar. agit gratias Cleomenes: approbat consilium: dicit, ita fieri oportere. admonet tamen illud, quod istum fugerat, in Phalargum Centuripinum Nauarchum non posse animaduerti, propterea quod secum fuisset una in Centuripina quadriremi. quid ergo? iste homo ex eiusmodi ciuitate, adolescens nobilissimus, testis relinquetur? in praesentia, inquit Cleomenes: quoniam ita necesse est: sed post aliquid uidebimus, ne iste nobis obstare possit. haec posteaquam acta, & constituta sunt: procedit iste repente e pratorio inflamatus scelere, furore, crudelitate, in forum uenit, Nauarchos uocari iubet. qui nihil metuerent, nihil sufficerentur, statim accurrunt. iste hominibus miseris, innocentibusque; iniqui caenas imperat. implorare illi fidem populi R. & quare id faceret, rogare. tunc iste hoc causae dicit, quod classem praedonibus prodidissent. fit clamor, et admiratio populi, tantam esse in homine impudentiam, atque audaciam, ut aut alijs causam calamitatis attribueret, quae omnis propter auaritiam ipsius accidisset, aut, cum ipse praedonum

LIBER VII.

socius putaretur, alijs prodicionis crimen inferret: dein-
 de hoc quintodecimo die crimen esse natum, postquam
 classis esset amissa. cum hæc fierent, quærebatur, ubi esset
 Cleomenes: nõ quo illum ipsum, cuiusmodi esset, quisquã
 supplicio propter illud incommodum dignũ putaret: nam
 quid Cleomenes facere potuit (non enim possum quen-
 quam insimulare falso) quid inquam magnopere po-
 tuit Cleomenes facere, istius auaritia nauibus exinanitis?
 atq; eum uident sedere ad latus Prætoris, & ad aurẽ fa-
 miliariter, ut solitus erat, insusurrare. tum uero omni-
 bus indignissimũ uisum est, homines honestissimos, electos
 ex suis ciuitatibus, in ferrũ, atq; in uincla coniectos, Cleo-
 menem propter flagitiõrũ, ac turpitudinis societatem fa-
 miliarissimũ esse Prætoris. apponitur his tamẽ accusator
 Næuius turpio quidã, qui C. Sacerdote Prætoris iniuria-
 rum damnatus est, homo bene appositus ad istius auda-
 ciam: quem iste in decumis, in rebus capitalibus, in omni
 calumnia præcursores habere solebat, & emissariũ. ue-
 niunt Syracusas parentes, propinquiq; miserorum adole-
 scentium, hoc repentino calamitatis suæ cõmoti nuntio:
 uinctos aspiciunt cathenis liberos suos, cum istius auari-
 tiæ pœnam collo, & ceruicibus suis sustinerent: adsunt,
 defendunt, proclamant, fidem tuam, quæ nusquã erat,
 nec unquam fuit, implorant. pater aderat Dexio Tyn-
 daritanus homo nobilissimus, hospes tuus, cuius tu domi
 fueras, quem hospitem appellaras. eũ cum illa auctorita-
 te, & miseria uideres præditum, nõ te eius lacrymæ, non
 senectus, nõ hospitij ius, atq; nomen à scelere aliquam ad
 partem humanitatis reuocare potuit. sed quid ego hospi-
 tij iura in hac tam immani bellua cõmemoro? qui Sche-

nium Thermitanum hospitem suum, cuius domum per
 hospitium exhausit, & exinanivit, absentem in reos retu-
 lerit, causa indicta capite damnarit; ab eo nunc hospi-
 tiorum iura, atq; officia quæramus? cum homine enim
 crudeli nobis res est, an cum fera, atq; immani bellua? te
 patris lacrymæ de innocentis filij periculo non movebāt?
 cum patrem domi reliquisses, filium tecum haberes: te
 neq; præsens filius de liberorum charitate, neque absens
 pater de indulgentia patria cômonebat? cathenas habe-
 bat hospes tuus Aristeus, Dexionis filius. quid ita? prodi-
 derat classem. quod ob præmium? deseruerat exercitum.
 quid Cleomenes? ignavus fuerat: at eum tu ob uirtu-
 tem corona aurea donaras. dimiserat nautas: at ab o-
 mnibus tu mercedem missionis acceperas. alter parens ex
 altera parte erat Herbitensis Ebulida, homo domi suæ
 clarus & nobilis: qui quia Cleomenem in defendendo fi-
 lio læserat, nudus penè est destitutus. quid erat autem,
 quod quisquam diceret, aut defenderet? Cleomenem no-
 minare nō licet. at causa cogit. moriere, si appellaris: nū-
 quam enim iste est cuiquam mediocriter minatus. at re-
 miges non erant. Prætorem tu accusas? frange ceruicē,
 si neq; Prætorem, neq; Prætoris æmulum appellare lice-
 bit: cum in his duobus tota causa sit, quid futurū est? di-
 cit etiam causam Heraclius Segestanus, homo domi suæ
 summo loco natus. audite, ut uestra humanitas postulat
 iudices: audietis enim de magnis incōmodis, iniurijsq; so-
 ciorum. hūc scitote fuisse Heracliū in ea causa, qui pro-
 pter grauem morbum oculorum tum non nauigavit, et
 iussu eius, qui potestatem habuit, in commeatu Syracusis
 remanserit. iste certe neque prodidit classem, neque metu

LIBER VII.

perterritus fugit, neq; exercitum deseruit: etenim tunc
 esset hoc animaduersum, cum classis Syracusis proficisce-
 batur. is tamen in eadem causa fuit, quasi esset in aliquo
 manifesto scelere deprehensus, in quem ne falso quidem
 causa conferri criminis potuit. fuit in illis Nauarchis He-
 racleusis quidam Furius (nam habent illi nonnulla hu-
 iusmodi latina nomina) homo, quādiu uixit, domi suae,
 non solum post mortem tota Sicilia clarus, & nobilis. in
 quo homine tantum animi fuit, non solum ut istum li-
 bere laderet (nam id quidem, quoniam moriendum ui-
 debat, sine periculo se facere intelligebat) uerum morte
 proposita, cum lacrymans in carcere mater noctes, diesq;
 assideret, defensionem causae suae scripsit: quam nūc, ne-
 mo est in Sicilia, quin habeat, quin legat, quin tui scele-
 ris, & crudelitatis ex illa oratione comonescat. in qua do-
 cet, quot à ciuitate sua nautas acceperit, quot, & quanti-
 quenq; dimiserit, quot secū habuerit: item de ceteris na-
 uibus, dicit. quæ cum apud te diceret, uirgis oculi uerbe-
 rabatur. ille morte proposita, facile dolorem corporis pa-
 tiebatur. clamabat, id quod scriptū reliquit, facinus esse
 indignum, plus impudicissimæ mulieris apud te de Cleo-
 menis salute, quàm de sua uita lacrymas matris ualere.
 deinde etiā illud uideo esse dictum, quod, si recte uos po-
 pulus R. cognouit, non falso ille iam in ipsa morte de uo-
 bis prædicauit: non posse Verrem testes interficiēdo cri-
 mina sua extinguere: grauiorem apud sapientes iudices
 se fore ab inferis testem, quàm si uiuus in iudicium pro-
 duceretur: tum, auaritiæ solum, si uiueret; nunc, cum
 ita esset necatus, sceleris, audaciæ, crudelitatis testem fo-
 re: iam illa præclara, non testium modo cateruas, cum

tua res ageretur, sed tum à dijs manibus innocentium pœnas, sceleratorumq; furias in tuum iudicium esse uenturas: sese ideo leuiorem casum suum fingere, q̃ iam ante aciem securium tuarum, sestiq; tui carnificis uultum, & manum uidisset, cum in cōuentu ciuium R. iussu tuo securi ciues R. ferirentur. ne multa iudices, libertatē quā uos socijs dedistis, hac ille in acerbissimo supplicio miserimæ seruitutis abusus est. cōdemnat omnes de cōsilijs sententia: tamen neq; iste in tanta re, tot hominum, totq; ciuium causa P. Veetiū ad se accersit Quæstorem suum, cuius consilio uteretur, neq; P. Ceruiū talem uirum Legatum, qui, quia Legatus isto Pratore in Sicilia fuit, prius ab isto iudex reiectus est: sed de latronum, hoc est de comitum suorum sententia cōdemnat omnes. hic cuncti Siculi fidelissimi, atq; antiquissimi socij, plurimis affecti beneficijs à maioribus nostris, grauius cōmouentur, & de suis periculis, fortunisq; omnibus pertimescunt. illam clementiam, mansuetudinemq; nostri imperij in tantam crudelitatem, inhumanitatemq; esse cōuersam? condemnari tot homines uno tempore nullo crimine? defensionem suorum furtorū Pratorem improbum ex indignissima morte innocentium quærere? nihil addiam uidetur iudices ad hanc improbitatem, amentiam, crudelitatemq; posse: & recte nihil uidetur: nam, si cum aliorū improbitate certet, longe omnes, multumq; superabit: sed secum ipse certat: id agit, ut semper superius suū facinus nouo scelere uincat. Phalargum Centuripinum dixeram exceptum esse à Cleomene, quod in eius quadriremi Cleomenes uectus esset: tamē quia peruiuerat adolescens, quod eandem suam causam uidebat

LIBER VII.

esse, quam illorum, qui innocentes peribant, ad hominem accedit Timarchides : à securi negat esse ei periculum : uirgis ne caderetur, monet ut caueat. ne multa : ipsum dicere adolescentem audistis, se ob hunc uirgarum metum pecuniam Timarchidi numerasse. leuia sunt hæc in hoc reo crimina. metum uirgarum Nauarchus nobilissimæ ciuitatis pretio redemit : humanū. alius, ne condēneretur, pecuniam dedit : usitatum est. non uult populus R. obsoletis criminibus accusari Verrem: noua postulat: inaudita desiderat : non de Prætoris Siciliæ, sed de crudelissimo tyranno fieri iudicium arbitratur. includitur in carcerem condemnati. supplicium constituitur in illos, sumitur de miseris parentibus Nauarchorum : prohibentur adire ad filios suos, prohibentur liberis suis cibū, uestitumq; ferre. patres hi, quos uidetis, iacebant in limine, matresq; miserae pernoctabant ad ostiū carceris, ab extremo complexu liberū exclusæ : quæ nihil aliud orabant, nisi ut filiorum extremū spiritum excipere sibi liceret. aderat ianitor carceris, carnifex Prætoris, mors, terrorq; sociorum, & ciuium, licetor Sestius : cui ex omni gemitu, doloreq; certa merces cōparabatur. ut adeas, tantum dabis : ut cibum tibi introferre liceat, tantū. nemo recusabat. quid, ut uno ictu securis afferam mortem filio tuo ? quid dabis ? ne diu crucietur ? ne sæpius feriat ? ne cum sensu doloris aliquo, aut cruciatu spiritus auferatur ? etiam ob hanc causam pecuniam licetori dabatur. ò magnū, atq; intolerandū dolorem : ò grauem, acerbamq; fortunam. non uitam liberū, sed mortis celeritatem pretio redimere cogebantur parentes. atque ipsi etiam adolescentes cum Sestio de eadem plaga, & de uno

illo t
berio
cunila
rentib
curem
di crua
erunt
tur. h
pelien
nobiler
uarch
sis dice
primar
cit. iac
rit e qu
tura
Tim
ping
caba
duc
fuit
præ
ria c
ita c
aliem
ferius
phas
Verr
rum
ne el

illo ictu loquebantur : idq; postremum parentes suos liberi orabant, ut leuandi cruciatus sui gratia licitori pecunia daretur . multi , & graues dolores inuenti parentibus , & propinquis : multi . ueruntamen mors sit exirema : non erit . est ne aliquid ultra , quò progressi crudelitas possit ? reperietur : nam illorum liberi cum erunt securi percussi , ac necati , corpora feris obijciuntur . hoc si luctuosum est parenti , redimat pretio sepeliendi potestatem . Onasum Segestanum , hominem nobilem , dicere audistis , se ob sepulturam Heraclij Nauarchi pecuniam Timarchidi dinumerasse : hoc ne possis dicere : patres enim ueniunt amissis filiis irati . uir primarius , homo nobilissimus , dicit , neque de filio dicit . iam hoc , quis tum fuit Syracusis , qui non audierit ? quin sciat , has per Timarchidem pactiones sepulturae cum uiuis etiam illis esse factas . non palàm cum Timarchide loquebantur ? non omnes hominum propinqui adhibebantur ? non palàm uiuorum funera locabantur ? quibus rebus omnibus actis , atq; decisis , producuntur è carcere , & deligantur ad palum . quis tam fuit illo tempore durus , et ferreus , quis tam inhumanus , pràter unum te , qui non illorum aetate , nobilitate , miseria commoueretur ? ecquis fuit , quin lacrymaretur ? quin ita calamitatem putaret illorù , ut fortunam tamen non alienam , periculum autem commune agi arbitraretur ? feriuntur securi . letaris tu in omnium gemitu , et triumphas : testes auaritiae tuae gaudes esse sublato . errabas Verres , & uehementer errabas , cum te maculas furto- rum , et flagitiorum tuorù , sociorum innocentium sanguine eluere arbitrare : praeceptis amentia ferebare , qui te

LIBER VII.

existimares auaritia uulnera crudelitatis remedijs posse sanare: etenim, quāquā illi sunt mortui sceleris tui testes, tamen eorū propinqui neq; tibi, neq; illis desunt, tamen ex illo ipso numero Nauarchorū aliqui uiuunt, & ad- sunt: quos, ut mihi uidetur, ab illorum innocentium pœna fortuna ad hāc causam reseruauit. adest Philarchus Haluntinus: qui quia cum Cleomene nō fugit, oppressus à prædonibus, et captus est: cui calamitas saluti fuit: qui nisi captus à piratis esset, in hūc prædonem sociorum incidisset. dicet is pro testimonio de missione nautarū. de fame, de Cleomenis fuga. adest Centuripinus Phalargus, in amplissima ciuitate amplissimo loco natus. eadem dicit: nulla in re discrepat. per deos immortales iudices quo eādem animo feretis? aut hāc quemadmodum auditis? utrū ego desipio, & plus, q̄ satis opus est, doleo in tanta calamitate, miseriāq; sociorum, an uos quoq; hic acerbissimus innocentium cruciatus, & mœror pari sensu doloris afficit? ego enim cū Herbitensem, cum Heracliensem securi esse percussum dico, uersatur mihi ante oculos indignitas calamitatis. eorū ne populorū ciues, eorū ne agrorum colonos, ex quibus maxima uis frumenti quotannis plebi Romanæ illorum operis, ac laboribus quaeritur qui à patribus spe nostri imperij, nostrāq; æquitatis suscepti, educatiq; sunt, ad C. Verris nefariā immanitatem, et ad eius securem funestā esse seruatos? cū mihi Tyndaritani illius uenit in mētem, cum Segestani, tum iura simul ciuitatū, atq; officia considero. quas urbes P. Africanus etiam ornandas esse spolys hostium arbitratus est, eas C. Verres non solum illis ornamentis, sed etiam uiris nobilissimis nefario scelere priuauit. en quod Tyndaritani libenter prædicent:

prædicent: nos in septemdecim populis Siciliae nō eramus: nos semper in omnibus Punicis, Siciliensibusq; bellis amicitiam fidemq; populi R. secuti sumus: à nobis omnia populo R. semper & belli adiumenta, & pacis ornamenta administrata sunt. Multum uero hæc his iura profuerūt in istius imperio ac potestate. Vestros quondam nauas contra Carthaginem Scipio duxit. at nunc naues contra prædones penè inanes Cleomenes ducit. Vobiscum Africanus hostium spolia, & præmia laudis cōmunicauit. at nunc per me spoliati, naue à prædonibus abducta, ipsi in hostium numero, locoq; ducemini. Quid uero illa Segesta norū non solum literis tradita, neq; cōmemorata uerbis, sed multis officiis illorū usurpata & cōprobata cognatio, quos tandem fructus huiusce necessitudinis in istius imperio tulit? nempe hoc fuit iure iudices, ut ex sinu patris nobilissimus adolescens, & è cōplexu matris ereptus innocens filius istius carnifici Sestio dederetur. cui ciuitati maiores nostri maximos agros atq; optimos concesserunt, quā immunem esse uoluerūt: hæc tanta apud te cōgnationis, fidelitatis, uetustatis, auctoritate, ne hoc quidē iuris obtinuit, ut unius honestissimi atque innocentissimi ciuis mortem & sanguinem deprecaretur. Quò confugient socij? quem implorabunt? qua spe deniq; ut uiuere uelint tenebuntur, si uos eos deseritis? ad Senatum deuenient, qui de Verre supplicium sumat? non est usitatū, non senatoriū. ad populum R. confugient? facilis est causa populi. legem enim sociorum causa iussisse, & ei legi custodes ac iudices præposuisse dicet. Hic locus ē igitur unus, quò per fugiant: hic portus, hæc arx, hæc ara sociorum: quò quidem nunc non ita confugiunt, ut antea in

LIBER VII.

suis repetendis rebus solebant. non argentum, non aurū,
 non uestem, non mancipia repetunt, non ornamenta, quæ
 ex urbibus fanisq; erepta sunt: metuunt homines imperi
 ti, ne iam hæc populus R. concedat, & iam fieri uelit. pa
 timur. n. iam multos annos, & silemus, cū uideamus ad
 paucos omnes omnium nationum pecunias peruenisse.
 quod eo magis ferre æquo animo, atque concedere uide
 mur, quia nemo istorum dissimulat, nemo laborat, ut ob
 scura sua cupiditas esse uideatur. In urbe nostra pulcher
 rima atq; ornatissima quod signū, quæ tabula picta est,
 quæ non ab hostibus uictis capta, atq; apportata sit? at
 istorum uillæ sociorum fidelissimorum & plurimis, &
 pulcherrimis spolijs ornata refertæq; sunt. ubi pecunias
 exterarum nationum esse arbitramini, quibus nunc o
 mnes egent, cum Athenas, Pergamum, Cyzicum, Miletū,
 Chion, Samon, totam deniq; Asiam, Achaïam, Græciam,
 Sicilia iam in paucis uillis inclusas esse uidetis? Sed hæc,
 ut dico, omnia iam socij uestri relinquunt, & negligunt
 iudices. ne publice à populo R. spoliarentur, officijs ac fi
 de prouiderunt. paucorum cupiditati, tum cum obsistere
 non poterant, tamen sufficere aliquo modo poterant. nūc
 uero iam adempta est non modo resistendi, uerum etiā
 suppeditandi facultas. itaq; res suas negligunt. pecunias,
 quo nomine iudiciū hoc appellatur, non repetunt, relin
 quunt & negligunt. hoc iam ornatu ad uos cōfugiunt.
 aspiciate, aspiciate iudices squalorem, sordesq; sociorum. est
 Sthenius hic Thermitanus cum hoc capillo atq; ueste: do
 mo sua tota expilata, mentionem tuorum furtorum nō
 facit: sese ipsum abs te repetit, nihil amplius: totum enim
 eua libidine & scelere ex sua patria, in qua multis uir=

tutibus & beneficijs princeps fuit, sustulisti. Dextro hic quem uidetis, non quæ publice Tyndari, non quæ priuatum sibi eripuisti, sed unicum miser abs te filium optimum atque innocentissimum flagitat. non ex litibus æstimatis tuis pecuniam domum, sed ex tua calamitate cineri atque ossibus filij sui solatium uult aliquod reportare. Hic iam grandis natu Eubulida, hoc tantum exacta ætate laboris itinerisq; suscepit, non ut aliquid ex huius bonis recuperaret, sed ut quibus oculis cruentas ceruices filij sui uiderat, iisdem te condemnatum uideret. Si per L. Metellum licitum esset iudices, matres illorum, uxores, sororesq; ueniebant. quarum una, cum ego ad Heracliam noctu accederem, cū omnibus matronis eius ciuitatis, & cum multis facibus mihi obuiam uenit: & ita me suam salutem appellans, te suum carnificem nominans, filij nomen implorans, mihi ad pedes misera iacuit: quasi ego excitare filium eius ab inferis possem. faciebant hoc idem in cæteris ciuitatibus grandes natu matres, & item paruuli liberi miserorum: quorū utrorumque ætas laborem & industriam meam, fidem & misericordiam uestram requirebat. Itaque ad me iudices præter cæteras hanc querimoniam Sicilia detulit lacrymis. ego ad hoc non gloria inductus accessi, sed ne falsa damnatio, ne carcer, ne catenæ, ne uerbera, ne secures, ne cruciatus sociorum, ne sanguis innocentium, ne denique etiam exanguium corpora mortuorum, ne mæror parentum, ac propinquorum magistratibus nostris quæstui posset esse. Hunc ego si metum Sicilia, damnatione istius per uestram fidem & seueritatem deiecro iudices, satis officio meo, satis il-

LIBER VII.

lorum uoluntati, qui à me hoc petiuerunt, factum esse arbitror. Quapropter si quem forte inueneris, qui hoc nauale crimen conetur defendere, ista defendat, illa communia, quæ ad causam nihil pertinent, prætermittat: me culpam fortunæ assignare, calamitatem crimini dare, me amissionem classis obycere, cum multi uiri fortes in cōmuni incertoq; periculo belli, & terra, & mari sæpe offenderint. Nullam tibi obijcio fortunam: nihil est, quod cæterorum res minus commodè gestas proferas: nihil est, quod multorum naufragia fortunæ colligas. ego naues inanes fuisse dico: remiges, nautasq; dimissos: reliquos stirpibus uixisse palmarum: præfuisse classi populi R. Siculum, perpetuo socys atq; amicis Syracusanum: te illo tempore ipso superioribusq; diebus omnibus in litore cum mulierculis perpotasse dico. harum rerum omnium auctores testesq; produco. Nū tibi insultare in calamitate, num intercludere perfugium fortunæ, nū casus bellicos exprobrare, aut obycere uideor? tametsi solent ij fortunam sibi obijci nolle, qui se fortunæ cōmiserunt, qui in eius piculis sunt ac uarietate uersati. istius quidē calamitatis tua fortuna particeps non fuit. homines enim in prælijs, non in conuiujs belli fortunam tētare ac periclitari solent. in illa autem calamitate non Martem fuisse cōmunem, sed Venerem possumus dicere. q̄ si fortunam obijci tibi non oportet, cur tu fortunæ illorum innocētium ueniam ac locum non dedisti? Et iam illud prædices licet, q̄ supplicium more maiorū sumpseris, securiq; percusseris, iccirco à me in crimen & inuidiam uocari. non in supplicio crimen meum uertitur: non ego securi nego quenquam feriri debere: non ego metum ex re militari,

non seueritatem imperij, non penam flagitij tolli dico oportere: fateor nō modo in socios, sed etiam in ciues militesq; nostros presape esse seuerē ac uehementer uindictam. quare hęc quoq; pratermittas licet. Ego culpā non in Nauarchis, sed in te fuisse demonstro: precio milites remigesq; dimisisse arguo. hoc Nauarchi reliqui dicūt, hoc Netinorum fœderata ciuitas publice dicit, hoc Herbitenses, hoc Amestratini, hoc Ennenses, hoc Agyrinenses, Tyn daritani, Locrenses publice dicunt: tuus deniq; testis, tuus Imperator, tuus hospes Cleomenes hoc dicit, sese in terrā esse egressum, uti Pachyno, ē terrestri præsidio milites colligeret, quos in nauibus collocaret. quod certe nō fecisset, si suum numerum naues haberent. ea est enim ratio instructarum ornatarumq; nauū, ut nō modo plures, sed ne singuli quidem possint accedere. Dico praterea illos ipsos reliquos nautas fame atq; inopia rerum omnium confectos fuisse ac perditos. dico aut omnes exera culpam fuisse: aut si uni attribuēda culpa sit, in eo maximā fuisse, qui optimam nauem, plurimos nautas haberet, summum imperiū obtineret: aut si omnes in culpa fuerint, non oportuisse Cleomenem cōstitui spectatorem illorum mortis atq; cruciatus. dico etiam, in illo supplicio mercedem lacrymarum, mercedem uulneris atq; plagæ, mercedem funeris ac sepulturæ constitui nefas fuisse. Quapropter si mihi respondere uoles: hęc dicito, classē instructam atq; ornatam fuisse, nullum propugnatorem abfuisse, nullū uacuum transtrū fuisse, remigi rem frumentariam esse suppeditatam, mentiri Nauarchos, metiri totā & tam graues ciuitates, mentiri etiam Siciliam totam, proditum esse te à Cleomene qui se dixerit exisse in terrā

LIBER VII.

ram, ut Pachyno deduceret milites: animum illis, non co-
 pias defuisse: Cleomenem acerrime pugnans ab his re-
 lictum esse atque desertum: nummum ob sepulturam da-
 tum nemini. quæ si dices, tenebere. Sin alia dices, quæ à
 me dicta sunt, non refutabis. Hic tu etiam dicere aude-
 bis, est in iudicibus ille familiaris meus, est paternus ami-
 cus ille: non, ut quisque maxime est, quicum tibi aliquid
 sit: ita tui huiusmodi criminis maxime eum pudet? Pa-
 ternus amicus est. ipse pater si iudicaret, per deos immor-
 tales quid facere posset, cum tibi hæc diceret? tu in pro-
 uincia populi R. Prætor, cum tibi maritimum bellum es-
 set administrandum, Mamertinis, ex fœdere quam debe-
 rent nauem, per triennium remisisti: tibi apud eosdem pri-
 uatim naus oneraria maxima publice est ædificata: tu à
 ciuitatibus pecunias classis nomine coegisti: tu pretio re-
 miges dimisisti: tu, cum naus esset à Quæstore, & ab Le-
 gato capta prædonum, archipiratam ab omnium oculis
 remouisti: tu, qui ciues R. esse dicerentur, qui à multis co-
 gnoscerentur, securi ferire potuisti: tu tuam domum pi-
 ratas abducere, in iudicium archipiratam domo produ-
 cere ausus es: tu in prouincia tam splendida, apud socios
 fidelissimos, ciues R. honestissimos, in metu periculoq; pro-
 uinciæ dies continuos complures in litore conuiujsq; id-
 cuisti: te per eos dies nemo domi tuæ conuenire, nemo in
 foro uidere potuit: tu sociorum atq; amicorum ad ea cõ-
 uiuia matres familias adhibuisti: tu inter eiusmodi mulie-
 res prætextatum tuum filium, nepotem meum collocaui-
 sti, ut ætati maxime lubricæ atq; incertæ exempla nequi-
 tiæ parentis uita præberet: tu Prætor in prouincia cum
 tunica pallioq; purpureo uisus es: tu propter amorē libi

dinemq; tuam, imperium nauium Legato populi R. ademi-
 misti, Syracusano tradidisti: tui milites in provincia Sici-
 liae frugibus, frumentoq; caruere: tua luxuria atq; auaritia
 classis populi R. capta et incensa est: post Syracusas
 conditas quem in portu nunquam hostis accesserat, in eo te
 Praetore primum piratae nauigauerunt. neq; haec tot tan-
 taq; dedecora dissimulatione tua, neq; obliuione hominum
 ac taciturnitate tegere uoluisti: sed etiam nauium praefe-
 ctos sine ulla causa de complexu parentum suorum, hosti-
 umq; tuorum ad mortem cruciatumq; rapuisti: neq; in
 parentum luctu atq; lacrymis te mei nominis comemo-
 ratio mitigauit: tibi hominum innocentium sanguis non
 modo uoluptati, sed etiam quaestui fuit. Haec si tibi tuus
 parens diceret: posses ab eo ueniam petere? posses, ut tibi
 ignosceret, postulare? Satis est factum Siculis, satis officio
 ac necessitudini iudices, satis promisso muneri ac rece-
 pto. reliqua est ea causa iudices, quae non iam recepta, sed in-
 nata; neq; delata ad me, sed in anima sensuq; meo peni-
 tus affixa atq; insita est: quae non ad sociorum salutem,
 sed ad ciuium R. hoc est ad uniuscuiusq; nostrum uitam
 & sanguinem pertinet. In qua nolite a me, quasi dubium
 sit aliquid, argumenta iudices expectare. omnia, quae di-
 cam de supplicio ciuium R. sic erunt clara & illustra,
 ut ad ea probanda totam Siciliam testem adhibere pos-
 sim. furor enim quidam sceleris et audaciae comes, istius
 effrenatum animum, importunamq; naturam tanta oppressit
 amentia, ut nunquam dubitaret in conuentu palam supplicia,
 quae in conuictos maleficij seruos constituta sunt, ea in ci-
 ues R. expromere. uirgis quam multos ceciderit, quid ego
 commemorare? tantum breuissime dico iudices. nullum fuit omni-

LIBER VII.

no isto Pratore in hoc genere discrimē. Itaq; iam consue-
tutine ad corpora ciuū R. etiā sine istius nutu ferebatur
manus ipsa liētoris. Num potes hoc negare Verres? in fo-
ro Lilybæi, maximo conuentu, C. Seruiliū ciuē R. in
conuentu Panormitano ueterem negotiatorem, ad tribu-
nal, ante pedes tuos, ad terrā uirgis & uerberibus abie-
ctum? aude hoc primum negare, si potes. nemo Lilybæi
fuit, quin uiderit: nemo in Sicilia, quin audierit. Plagis
confectū dico à liētoribus tuis ciuē R. ante oculos tuos
concidisse: ob quam causam dū immortales? tametsi inui-
riam facio cōmuni causæ, & iuri ciuitatis: quasi enim
possit esse ulla causa, cur hoc cuiquam ciui R. iure acci-
dat; ita quæro, quæ in Seruilio causa fuerit. ignoscite in
hoc uno iudices: in ceteris enim nō magnopere causas re-
quiram. Locutus erat liberius de istius improbitate atq;
nequitia. quod isti simul ac renunciatum est, hominem in-
bet Lilybæum uadimonium Venerio seruo promittere.
promittit. Lilybæum uenitur. cogere eum cōpit, cum a-
geret nemo, nemo postularet, HS duobus millibus spon-
sionem facere cum liētoře suo, nī furtis quæstū faceret.
Recuperatores de cohorte sua dicit daturum. Seruilius
& recusare, & deprecari, ne iniquis iudicibus, nullo ad-
uersario, iudicium capitis in se constitueretur. Hæc cum
maxime loqueretur, sex liētores circumsistunt ualentissi-
mi, & ad pulsandos uerberandosq; homines exercitatissi-
mi: cedunt acerrime uirgis: deniq; proximus liētor (de
quo sæpe iam dixi) Sestius, conuerso bacillo oculos mise-
ro tundere uehementissime cōpit. itaq; illi cum sangui-
os oculosq; compleisset, concidit: cū illi nihilo minus iacen-
ti latera tunderentur: ut aliquando spondere se diceret.

sic ille affectus illinc tum pro mortuo sublatus, breui
postea est mortuus. iste autē homo Venerius, & affluens
omni lepore, & uenustate, de bonis illius in æde Veneris
argenteū Cupidinem posuit. sic etiam fortunis hominum
abutebatur ad nocturna uota cupiditatum suarū. nam
quid ego de ceteris ciuiū R. supplicis sigillatim potius,
quā generatim, atq; uniuerse loquar? carcer ille, qui est
à crudelissimo tyranno Dionysio factus Syracusis, quæ
Lautumia uocantur, in istius imperio domiciliū ciuium
R. fuit. ut quisq; istius animum, aut oculos offenderat, in
Lautumias statim coniciebatur. indignū hoc uideo uide
ri omnibus iudices: et id iam priore actione, cum hæc tes
tes dicerent, intellexi: retineri. n. putatis oportere iura li
bertatis nō modo hic, ubi Tribuni pl. sunt, ubi ceteri ma
gistratus, ubi plenum forum iudiciorum, ubi senatus au
toritas, ubi existimatio populi R. & frequentia: sed ubi
cunq; terrarū, et gentium uiolatum ius ciuium R. sit, sta
tuitis id pertinere ad cōmunem causam libertatis & di
gnitatis. in externorum hominū et maleficorum, scelera
torumq; in prædonum hostiumq; custodias tu tantū nu
merum ciuiū R. includere ausus es? nunquā ne tibi iudi
cū, nunquā concionis, nunquam huius tantæ frequentie,
quæ nūc animo te iniquissimo infestissimoq; intuetur, ue
nit in mentem? nunquā tibi populi R. absentis dignitas,
nunquā species ipsa huiuscemodi multitudinis, in oculis
animoq; uersata est? nunquā te in horū conspectum re
diturum, nunquā in forum populi R. ueturum, nūquam
sub legum & iudiciorum potestatem casurum esse pu
tasti? at quæ erat ista libido crudelitatis exercendæ? quæ
tot scelerum suscipiendorum causa? nulla iudices, præ

LIBER VII.

ter prædandi nouam singularemq; rationem. nam ut il-
 li, quos à poetis accipimus, sinus quosdam obsedisse ma-
 ritimos, aut aliqua promontoria, aut prærupta saxa te-
 nuisse dicuntur, ut eos, qui essent appulsi nauigijs, interfi-
 cere possent: sic iste in omnia maria infestus ex omnibus
 Siciliæ partibus imminebat. quæcunq; nauis ex Asia, quæ
 ex Syria, quæ Tyro, quæ Alexandria uenerat, statim cer-
 tis indicibus & custodibus tenebatur: uectores omnes in
 Lautumias conijciebantur: onera atq; merces in Præto-
 riam domum deferrebantur. uersabatur in Sicilia longo
 intervallo alter, non Dionysius ille, nec Phalaris (tulit. n.
 illa quondam insula multos & crudeles tyrannos) sed
 quoddam nouum monstrum, ex uetere illa immanitate,
 quæ in ijsdem locis uersata esse dicitur: non enim Caryb-
 din tam infestâ, neq; Scyllam nautis, quàm istum in eo-
 dem freto fuisse arbitror: hoc etiam iste infestior, q̃ mul-
 to se pluribus et maioribus canibus succinxerat. Cyclops
 alter, multo importunior. hic enim totam insulam obtine-
 bat: ille Aetnam solam, & eam Siciliæ partem tenuisse
 dicitur. at quæ causa tum subijciebatur ab ipso iudices
 huius tam nefariæ crudelitatis? eadem quæ nunc in de-
 fensione commemorabitur. quicunq; accesserant ad Sici-
 liam paulo pleniores, eos Sertorianos milites esse, atq; à
 Dianio fugere dicebat. illi ad deprecandum periculum
 proferebant aliq purpuram Tyriam: thus aliq atq; odo-
 res, uestemq; lintheam: gemmas aliq, & margaritas: uina
 nonnulli Græca, uenalesq; Asiaticos: ut intelligeretur ex
 mercibus, quibus ex locis nauigarent. nō intelligebant eas
 ipsas sibi causas esse periculi, quibus adiumentis se ad sa-
 lutem uti arbitrabantur. iste. n. hæc eos ex piratarum so-

cietate adeptos esse dicebat : ipsos in Lautumias abducti
 imperabat : naues eorum atq; onera diligenter asseruan-
 da curabat. his institutis cum cōpletus iam mercatorum,
 carcer esset, tum illa fiebant, quæ L. Suetium equitem R.
 lectissimum uirum dicere audistis, quæ ceteros audietis
 ceruices in carcere frangebantur indignissime ciuiū R.
 ut etiam illa uox, & illa imploratio, cuius R. sum, quæ sæ-
 pe multis in ultimis terris opem inter barbaros & salu-
 tem tulit, ea mortem illis acerbiores, & supplicium ma-
 turius ferret. quid est Verres? quid ad hæc cogitas respon-
 dere? num mentiri me? num fingere aliquid? num au-
 gere crimen? num quid horum dicere istis defensoribus
 tuis audes? cedo mihi quæso ex ipsius sinu literas Syracu-
 sanorum, quas iste ad arbitrium suum cōfectas esse arbi-
 tratur. cedo rationem carceris, quæ diligentissime confici-
 tur, quo quisq; die datus in custodiam, quo mortuus, quo
 necatus sit. LITERAE SYRACUSANORVM.
 Videtis ciues R. gregatim coniectos in Lautumias: uidetis
 indignissimo in loco coaceruatam multitudinem uestro-
 rum ciuiū. querite nunc uestigia, quibus exitus illorum
 ex illo loco cōpareant. nulla sunt. omnes ne mortui? si ita
 posset defendere, tamen fides huic defensioni non habere-
 tur. sed scriptum extat in iisdem literis, quod iste homo
 barbarus ac dissolutus neq; attendere unquā, neq; intelli-
 gere potuit. ἡ δὲ ἰκὼν δὴ οὕτως, inquit, hoc est, ut Siculi loquun-
 tur, supplicio affecti ac necati sunt. si quis Rex, si qua ciui-
 tas exterarum gentium, si qua natio fecisset aliquid in ci-
 uē R. eiusmodi, nō ne publice uindicaremus? nō bello per-
 sequeremur? possemus hæc iniuriā ignominiamq; nominis
 R. inultā impunitamq; dimittere? quot bella maiores no-

LIBER VII.

stros, et quanta suscepisse arbitramini, q̄ ciues R. iniuria affecti, q̄ nauicularij retenti, q̄ mercatores spoliati dicentur? at ego retentos non queror: spoliatos ferendū puto: nauibus, mancipijs, mercibus ademptis in uincula coniectos esse mercatores, & in uinculis ciues R. necatos esse arguo. Si hæc apud Scythas dicerem, nō hic in tanta multitudi-
 ne ciuium R. non apud senatores lectissimos ciuitatis, non in foro populi R. de tot & tam acerbis supplicijs ciuium R. tamen animos etiam barbarorum hominum permouerem. tanta enim huius imperij amplitudo, tanta nominis R. dignitas est apud omnes nationes, ut ista in nostros homines crudelitas nemini concessa uideatur. Nū ego tibi ullam salutem, ullum perfugium putem, cum te implicatum seueritate iudicij, circūretum frequentia populi R. esse uideam? Si mehercules (id quod fieri intelligo non posse) ex his laqueis te exueris, ac te aliqua ui ac ratione explicaris, in illas tibi maiores plagas incidendum est, in quibus te ab eodem me, superiore ex loco confici & concidi necesse est. cui si etiam, id quod defendit, uelim concedere: tamen illa ipsa defensio non minus esse ei perniciosa, quā mea uera accusatio debeat. quid. n. defendit? ex Hispania fugientes se excepisse, & supplicio affecisse dicit. quis tibi id permisit? quo id iure fecisti? quis idem fecit? qui tibi id facere licuit? forum plenum, & basilicas istorum hominum uidemus, & animo æquo uidemus. ciuili enim dissensionis, & siue amentiae, siue fati, seu calamitatis non est iste molestus exitus: in quo reliquos saltem ciues incolumes licet conseruare. Verres ille uetus proditor Consulis, translator Quæsturæ, auersor pecuniæ publicæ, tātum sibi auctoritatis in Rep.

suscepisse
 R. per o
 be, in R.
 crudeli
 tem sicut
 rum &
 Sertorian
 summo
 si supple
 & spem
 tus apud
 cuius null
 & crucia
 defensione
 tu defendi
 infumma
 quā m
 sum po
 guit: e
 inauditi
 non lice
 enim P
 ciuium m
 tim socia
 coniecto
 cussos eff
 ego P. G
 securi p
 coq: rep
 tibi fauo

suscepit, ut quibus hominibus per senatum, per populum R. per omnes magistratus in foro, in suffragiis, in hac urbe, in Rep. uersari liceret, ijs omnibus mortem acerbam crudelemq; proponeret, si fortuna eos ad aliquam partem Siciliae detulisset. ad Cn. Pompeium clarissimum uirum & fortissimum permulti occiso Perpenna ex illo Sertoriano numero militum confugerunt. quem non ille summo cum studio saluum incolumemq; seruauit? cui ciui supplici non illa dextera inuicta & fidem porrexit, & spem salutis ostendit? ita ne uero? quibus fuit portus apud eum, contra quem arma tulerunt; ijs apud te, cuius nullum in Rep. unquam monumentum fuit, mors & cruciatus erat constitutus? uide, quam commodam defensionem excogitaris. malo, malo mehercules id, quod tu defendis, his iudicibus populoq; R. quam id, quod ego insimulo, probari. malo inquam, te isti generi hominum, quam mercatoribus & nauicularijs inimicum atq; infestum putari. meum enim crimen auaritiæ te nimiae coarquit: tua defensio furoris cuiusdam, & immanitatis, et inaudita crudelitatis, & penè noua proscriptionis. sed non licet me isto tanto bono iudices uti, non licet. adsunt enim Puteoli toti: frequentissimi uenerunt ad hoc iudicium mercatores, homines locupletes atq; honesti, qui partim socios suos, partim liberos ab isto spoliatos, in uincla coniectos, partim in uinclis necatos, partim securi percussos esse dicent. hic uide quam me sis usus æquo. cum ego P. Granium testem produxero, qui suos liberos à te securi percussos esse dicat, qui à te nauem suam, mercesq; repetat: refellito si poteris: meum testem deseram, tibi fauebo, te inquam adiunabo: ostendito illos cum Ser

LIBER VII.

torio fuisse, à Dianio fugientes ad siciliam esse delatos. nihil est quod te malim probare. nullum. n. facinus, quod maiore supplicio dignū sit, reperiri, neq; proferri potest. reducam iterum equitem R. L. Flaviū. si uoles, quoniam priore actione, ut patroni tui dictitant, noua quadam sapientia; ut omnes intelligunt, cōscientia tua atq; auctōritate meorum testiū, testem nullum interrogasti: interrogetur Flavius, si uoles, quinā fuerit L. Herēnius is, quem ille argentariā Lepti fecisse dicit: qui cum amplius centum ciues R. haberet ex cōuentu Syracusarū, qui eum nō solum cognoscerent, sed etiā lacrymantes, ac te implorantes defenderent; tamen à te inspectantibus omnibus Syracusanis securi percussus est. hunc quoq; testem meū refelli, & illum Herēnium Sertorianū fuisse abs te demonstrari, & probari uolo. quid de illa multitudine dicemus eorum, qui capitibus inuolutis in piratarū captiuorumq; numero producebantur, ut securi ferirentur? quæ ista noua diligentia? quā ob causam abs te cogitata? an te L. Flauij, cæterorumq; de L. Herennio uociferatio cōmouebat? an M. Annij grauissimi atq; honestissimi uiri summa auctōritas paulo diligentiore timidioremq; fecerat? qui nuper pro testimonio, nō aduenam nescio quē, nec alienum, sed eum ciuem R. quī omnibus in illo cōuentu notus, quī Syracusis natus esset, à te securi percussus esse dixit. post hāc illorum uociferationem, post hanc cōmunem famam atq; querimoniam non mitior in supplicio, sed diligentior esse cœpit. capitibus inuolutis ciues R. ad necem producere instituit. quos tamen iccirco necabat palām, q̄ homines in conuentu (id quod antea diximus) nimium diligenter prædonum numerum requirebant.

hæcine
gotu ge
ne mule
da forte
bus equi
rem fuit
na optim
ues R. om
ut, qui u
apud ba
fuisse, q
riculu pr
iam dom
nio Consa
qua graui
dolor me
digna d
crimen
usurari
telliget
lacrym
ductus
rius, om
casu tuo
testimon
agam?
faria cr
rum eis
cōsump
uoi dicer

hæccine plebi R. te Prætor est constituta cōditio: hæc negotij gerendi spes: hoc capitis, uitæq; discrimin? parum ne multa mercatoribus sunt necessario pericula subeunda fortuna, nisi etiā hæc formidines ab nostris magistratibus atq; in nostris prouincijs impendebunt? ad eam ne rem fuit hæc suburbana ac fidelis prouincia Sicilia plena optimorū sociorum, & honestissimorum ciuium R. ciues R. omnes suis ipsa sedibus libētissime semper accepit, ut, qui usq; ex ultima Syria atq; Aegypto nauigarēt, qui apud barbaros propter togæ nomen in honore aliquo fuissent, qui ex prædonū insidijs, qui ex tempestatum periculis profugissent, in Sicilia securi ferirentur, cum se iam domū uenisse arbitrarētur? nam quid ego de P. Gauiō Consano municipe dicam iudices? aut qua uī uocis, qua gravitate uerborū, quo dolore animi dicam? tametsi dolor me nō deficit, ut, cætera mihi in dicendo digna re, digna dolore meo suppetāt, magis elaborādum est. quod crimen eiusmodi est, ut, cum primum ad me delatū est, usurum me illo nō putarem: tametsi. n. uerissimū esse intelligebam, tamen credibile fore non arbitrabar. coactus lacrymis omniū ciuium R. qui in Sicilia negotiātur: adductus Valentinorum hominum honestissimorū testimonijs, omniumq; Rhegynorū, multorumq; equitum R. qui casu tum Messanæ fuerunt, dedi tantum priore actione testimonium, res ut nemini dubia esse posset. quid nunc agam? cum iam tot horas de uno genere ac de istius nefaria crudelitate dicam, cum propè omnem uim uerborum eiusmodi, quæ scelere istius digna sunt, alijs in rebus cōsumpserim, neq; hoc prouiderim, ut uarietate criminū uos attentos tenerem, quemadmodum de tāta re dicam.

LIBER VII.

opinor unus modus atq; una ratio est. rem in medio ponam : quæ tantū habet ipsa gravitatis, ut neq; mea, quæ nulla est : neq; cuiusquam, ad inflammandos uestros animos eloquentia requiratur. Gaius hic, quem dico, Consanus, cum illo numero ab isto in uincula coniectus esset, et nescio qua ratione clam e Latomys profugisset, Messanamq; uenisset, qui propè iam Italiam, & mœnia Regynorū uideret, & ex illo metu mortis ac tenebris, quasi luce libertatis, & odore aliquo legum recreatus, reuixisset : loqui Messanæ cœpit, & queri, se ciuem R. in uincula esse coniectum, sibi recta iter esse Romā, Verri se præsto aduenienti futurū. non intelligebat miser, nihil interesse, utrum hæc Messanæ, an apud ipsum in prætorio loqueretur. nam, ut ante uos docui, hanc sibi iste urbem delegerat, quam haberet adiutricem scelerum, furtorum receptoricem, flagitiorum omnium sociam. itaq; ad magistratum Mamertinū statim deducitur Gaius, eoq; ipso die casu Messanam Verres uenit. res ad eum defertur, esse ciuem R. qui se Syracusis in Latomys fuisse quereretur : quem iam ingredientem nauem, & Verri nimis atrociter minitantem, à se retractum esse, & asseruatū, ut ipse in eū statueret, quod uideretur. agit hominibus gratias, & eorum erga se beneuolentiam diligētiamq; collaudat. ipse inflamatus scelere & furore, in forum uenit. ardebant oculi : toto ex ore crudelitas eminebat : expectabāt omnes quo tandem progressurus, aut quidnam acturus esset : cum repente hominem proripi atq; in foro medio nudari, ac deligari, & uirgas expediri iubet. clamabat ille miser, se ciuem esse R. municipem Consanum, meruisse se cum L. Pretio splendidissimo equite R. qui Panormi negotiaretur,

negotia
comper
bus fug
negotia
de inue
berari. C
iudices, c
miseri in
nisi hac o
omnia in
Eturum
uirgari
usurpare
& arum
comparat
nostra ci
ter de fide
buntia
ues R. in
eo, qui
gatus in
eoq; la
acerba
ciuium
gemere
sus ex quo
uellemen
sis enim
dio, &
egomes

negotiaretur, ex quo hæc Verres scire posset. tum iste se comperisse ait, eum speculandi causa in Siciliam ab duci bus fugitiuorum esse missum: cuius rei neq; index, neque uestigium aliquod, neq; suspicio cuiquam esset ulla. deinde iubet undiq; hominem proripi, uehementissimeq; uerberari. Cedeatur uirgis in medio foro Messanæ ciuis R. iudices, cum interea nullus gemitus, nulla uox alia istius miseri inter dolorem, crepitumq; plagarum audiebatur, nisi hæc. ciuis R. sum. hac se commemoratione ciuitatis omnia uerba depulsurum, cruciatum à corpore deieturum arbitratur. is non modo hoc non perfecit, ut uirgarum uim deprecaretur: sed cū imploraret sæpius, usurparetq; nomen ciuitatis, crux, crux inquam infelici & ærumnoso, qui nunquam istam potestatem uiderat, comparabatur. ò nomen dulce libertatis: ò ius eximium nostræ ciuitatis: ò lex Porcia, legesq; Sempronie: ò graui ter desiderata, & aliquando reddita plebi Romanæ Tribunitia potestas: huccine tandem omnia reciderunt? ut ci ues R. in prouincia populi R. in oppido fœderatorū, ab eo, qui beneficio populi R. fasces & secures haberet, deligatus in foro uirgis caderetur? quid cum ignes, candentesq; lamina, cateriq; cruciatus admouebantur? si te illius acerba imploratio, & uox miserabilis non inhibebat: ne ciuium quidem Romanorum, qui tum aderant, fletu & gemitu maximo commouebare? in crucem tu agere ausus es quenquam, qui se ciuem R. esse diceret? nolui tam uehementer agere hoc prima actione iudices, nolui: uidi stis enim ut animi multitudinis in istum dolore, & odio, & communis periculi metu concitarentur. statui egomet mihi tum modū orationi meæ, & C. Numitorio

M M

LIBER VII.

equiti R. primario homini, testi meo: & Glabrimonem id, quod sapiētissime fecit, facere latatus sum, ut repente cōsilio in medio testem dimitteret. etenim uerebatur, ne populus R. ab isto eas pœnas uī repetisse uideretur, quas, ueritus esset, ne iste legibus & uestro iudicio non esset persoluturus. nunc quoniam iam exploratum est omnibus, quo loco causa tua sit, & quid de te futurum sit: sic tecum agam. Gaium istum, quem repentinum speculatorem fuisse dicis, ostendam in Lautumias Syracusis à te esse coniectum: neq; id solum ex literis ostendam Syracusanorum, ne possis dicere me, quia sit aliquis in literis Gaiuius, hoc fingere, & eligere nomen, ut hunc illū esse possim dicere: sed secūdum arbitrium tuum testes dabo, qui istum ipsum Syracusis abs te in Lautumias coniectum esse dicant. producam etiam Cōsanos, municipes illius ac necessarios, qui te nunc sero doceant, iudices, non sero, illum P. Gaium, quem tu in crucem egisti, ciuem R. & municipem Consanum, non speculatorem fugitiuorum fuisse. cum hæc omnia, quæ polliceor, cumulate tuis proximis plana fecero: tum istuc ipsum tenebo, quod abs te mihi datur. eo contentum me esse dicam. quid enim nuper tu ipse, cum populi R. clamore atq; impetu perturbatus exiluisti, quid inquam locutus es illū, q̄ morā supplicio quæreret, ideo clamatasse, se esse ciuem R. sed speculatorem fuisse. iam mei testes ueri sunt. quid. n. dicit aliud C. Numitorius? quid M. & P. Coty nobilissimi homines, ex agro Taurominitano? quid Q. Luceius? qui argentariam Rhegy maximam fecit? quid. n. ceteri? adhuc. n. testes ex eo genere à me sunt dati, nō qui nouisse Gaium, sed qui se uidisse dicerent, cum is, qui se ciuem R. esse cla-

marit,
tu cōf
quid te
latione
plur al
tamen h
negligo
esse est
re non q
R. se esse
deprehen
clamat
quid ign
atq; ultim
mnes nom
tu in cru
se R. esse
moram
tatis q
uigant
ubi ne
gnitor
non ma
existim
Romano
societate
que uero
rum. tol
nus. cons
impune

maret, in crucem ageretur. hoc tu Verres idem dicis, hoc
 tu cōfiteris, illum clamitasse se ciuem esse Romanum: a=
 pud te nomen ciuitatis ne tātum quidem ualuisse, ut di=
 lationem aliquam crucis, ut crudelissimi teterrimi q; sup=
 plicy aliquam paruam moram saltem posset afferre. hoc
 teneo, hic hæreo iudices, hoc sum cōtentus uno. omitto ac
 negligo cætera: sua cōfessione induatur ac inguletur ne
 cesse est. qui esset, ignorabas? speculatorem esse suspicaba=
 re? non quæro, qua suspitione: tua te accuso oratione. ciuē
 R. se esse dicebat. si tu apud Persas, aut in extrema India
 deprehensus Verres, ad supplicium ducerere: quid aliud
 clamitares, nisi te ciuem esse Romanum? & si tibi ignoto
 apud ignotos, apud barbaros, apud homines in extremis
 atq; ultimis gentibus positos, nobile & illustre apud o=
 mnes nomē tuæ ciuitatis profuisset: ille, quisquis erat, quē
 tu in crucem rapiebas, qui tibi esset ignotus, cum ciuem
 se R. esse diceret, apud te Prætozem si non effugium, ne
 moram quidem mortis mentione atq; usurpatione ciui=
 tatis assequi potuit: homines tenues, obscuro loco nati na
 uigant: adeunt ad ea loca, quæ nunquā antea uiderunt:
 ubi neq; noti esse ijs, quod uenerunt, neq; semper cum co=
 gnitoribus esse possunt. hac una tamen fiducia ciuitatis
 non modo apud nostros magistratus, qui & legum &
 existimationis periculo continentur: neq; apud ciues solū
 Romanos, qui & sermonis, & iuris, & multarū rerum
 societate iuncti sunt, fore se tutos arbitrantur: sed quocū=
 que uenerint, hanc sibi rem præsidio sperant esse futu=
 rum. tolle hanc spem, tolle hoc præsidium ciuibz Roma=
 nis: constitue nihil esse opis in hac uoce, ciuis R. sum: posse
 impune Prætozem, aut alium quemlibet supplicium,

LIBER VII.

quod uelit, in eum constituere, qui se ciuem R. esse dicat, quod quis ignoret: iam omnes prouincias, iam omnia regna, iam omnes liberas ciuitates, iam omnem orbem terrarum, qui semper nostris hominibus maxime patuit, ciuibus R. ista defensione præcluseris. Quid si L. Pretium equitem R. qui tum in Sicilia, nominabat? etiā ne id magnum fuit? Panormum literas mittere, asseruisse hominem, custodijs Mamertinorum tuorū uinctum, clausum habuisse, dum Panormo Pretius ueniret: cognosceret hominem: aliquid de summo supplicio remitteres, si ignoraret: tum, si ita tibi uideretur, hoc iuris in omnes constitueres: ut qui neq; tibi notus esset, neq; cognitorem locupletē daret, quāuis ciuis R. esset, in crucē tolleretur. Sed quid ego plura de Gauio? quasi tu Gauio tum fueris infestus, ac non nomini, generi, iuri ciuium hostis. non illi inquam homini, sed causæ cōmuni libertatis inimicus fuisti. quid enim attinuit, cū Mamertini more atq; instituto suo crucem fixissent post urbem, in uia Pompeia: te iubere in ea parte figere, quæ ad fretum spectaret? Hoc addere, quod negare nullo modo potes, quod omnibus audientibus dixisti palā, te iccirco illum locū deligere, ut ille, qui se ciuem R. esse diceret, ex cruce Italiam cernere ac domū suam prospicere posset: itaq; illa crux sola iudices post cōditam Messanam illo in loco fixa est. Italia cōspectus ad eam rem ab isto delectus est, ut ille in dolore cruciatuq; moriens, per angusto freto diuisa seruitutis, ac libertatis iura cognosceret: Italia autem alumnum suum, seruitutis extremo summoq; supplicio affectum uideret. Facinus est, uinciri ciuem R. scelus, uerberari: propè parricidium necari: quid dicam in crucem tollere? uerbo satis digno

tam nefaria res appellari nullo modo potest. non fuit his omnibus iste cōtentus. spectet, inquit, patriam: in conspectu legum libertatisq; moriatur. non tu hoc loco Gaiū, non unum hominem nescio quem ciuem R. sed communem libertatis, & ciuitatis causam in illum cruciatum, & crucem egisti. iam uero uidete hominis audaciam. nōne eum grauer tulisse arbitramini, q̄ illam ciuib; R. crucem non posset in foro, non in comitio, non in rostris defigere? quod enim his locis in prouincia sua celebritate simillimum, regione proximum, potuit, elegit: monimentum sceleris audaciæq; suæ uoluit esse in cōspectu Italia, uestibulo Sicilia, præteruentione omnium, qui ultro citroq; nauigarent. Si hæc non ad ciues R. non ad aliquos amicos nostræ ciuitatis, non ad eos, qui populi R. nomen audissent; deniq; si non ad homines, uerum ad bestias; aut etiam, ut longius progrediar, si in aliqua desertissima solitudine ad saxa & ad scopulos hæc conqueri & depolare uellem: tamen omnia muta atq; inanima, tanta & tam indigna rerum atrocitate cōmouerentur. nunc uero cum loquar apud senatores populi R. legum iudiciorumq; & iuris auctores, timere non debeo, ne non unus iste ciuis R. illa cruce dignus, ceteri omnes simili periculo indignissimi iudicentur. paulo ante iudices lacrymas in morte misera atq; indignissima Nauarchorum non tenebamus, & recte ac merito sociorum innocentium miseria cōmouebamur. quid nunc in nostro sanguine tādē facere debemus? nam ciuium R. sanguis coniunctus existimandus est, quoniam id & salutis omnium ratio, & ueritas omnium postulat. omnes hoc loco ciues R. & qui adsunt, & qui ubicunq; sunt, uestrā seueritatem deside-

LIBER VII.

rant, uestram fidem implorant, uestrum auxilium requi-
runt: omnia sua iura, cōmoda, auxilia, totam deniq; liber-
tatem in uestris sententijs uersari arbitrantur. a me, tā-
etsi satis habent, tamen, si res aliter acciderit, plus habe-
bunt fortasse, quā postulant: nam & si qua uis istum
de uestra seueritate eripuerit, id quod neq; metuo iudi-
ces, neq; ullo modo fieri posse uideo: sed si in hoc me ratio
fefellerit, Siculi causam suam perisse querentur, & me-
cum pariter moleste ferent: populus quidem Romanus
breui, quoniam mihi potestatem apud se agēdi dedit, ius
suum, me agente, suis suffragijs ante Cal. Feb. recupera-
bit. ac si de mea gloria & amplitudine queritis iudices:
non est alienum meis rationibus, istum mihi ex hoc iudi-
cio ereptum ad illud populi R. iudicium reseruari. splen-
dida est illa causa, probabilis mihi & facilis, populo
grata atque incunda. Denique si uideor hic, id quod
ego non quāsiui, de uno isto uoluisse crescere: isto ab-
soluto, quod sine multorum scelere fieri non potest,
de multis mihi crescere licebit. sed mehercules uestra
reiq; publicae causa iudices nolo in hoc delecto consilio
tātum flagitium esse cōmissum: nolo eos iudices, quos ego
probarim atq; delegerim, sic in hac urbe notatos isto ab-
soluto ambulare, ut non cæra, sed cæno obliti esse uideā-
tur. quamobrem te quoq; Hortensi, quia monendi locus
est, ex hoc loco moneo, uideas etiam atq; etiam, & consi-
deres, quid agas, quō progrediare, quē hominem, & qua
ratione defendas. neq; de illo quicquam tibi præfinio, quo
minus ingenio mecum atq; omni dicendi facultate con-
tendas. cætera, si qua putas te occultius extra iudicium,
quæ ad iudicium pertinent, facere posse: si quid artificio,

consili
grop
ab illo
ne exti
periculi
quod et
fuerit
ornamen
gatio re
quod ad
domina
sed quo
ista nobi
reple su
tempore
qua reli
bus nobi
illa rati
ueher
la tibi
bus ex
diti rati
nulla
qua fa
rentur,
officiu
isti pati
tibi cons
per spec
ditiu

consilio, potentia, gratia, copijs istius moliri cogitas: magnopere censeo desistas: & illa, quæ tēta iam, & cōpta ab isto sunt, à me autē peruestigata & cognita, moneo ut extinguas, & longius progredi ne sinas. magno tuo periculo peccabitur in hoc iudicio, maiore quàm putas. quòd enim te liberatum iam existimationis metu, defunctum honoribus, designatum Cos. cogites: mihi crede ornamenta ista, & beneficia populi R. non minore negotio retinentur, quàm comparantur. tulit hæc ciuitas, quoad potuit, quoad necesse fuit, regiam istam uestram dominationem in iudicijs, & in omni Republica tulit. sed quo die populo R. Tribuni pl. restituti sunt, omnia ista uobis (si forte nondum intelligitis) adempta atque erepta sunt. omnium nunc oculi coniecti sunt hoc ipso tempore in unumquenq; nostrum, qua fide ego accusem, qua religione iudicet, qua tu rōne defendas. de omnibus nobis, si quis tantulū de recta regione deflexerit, non illa tacita existimatio, quā antea continere solebatis, sed uehemens ac liberū populi R. iudicium consequetur. nulla tibi Quinte cū isto cognatio est, nulla necessitudo: quibus excusationibus antea nimium in aliquo iudicio studiū tuum defendere solebas, earū habere in hoc homine nullā potes. quæ iste in prouincia palā dictitabat, cū ea, quæ faciebat, tua se fiducia facere dicebat: ea ne uera putentur, tibi maxime est prouidendū. ego mei iam rōnem officij cōfido esse omnibus iniquissimis meis persolutā. nā istū paucis horis primæ actionis omniū mortaliū sententys condēnaui. reliquū iudicium nō iam de mea fide, quæ perspecta est: neq; de istius uita, quæ dānata est: sed de iudicijs, & uere ut dicam, de te futurum est. at quo

M M iiij

LIBER VII.

tempore futurum est? nam id maxime providendum est. etenim cum omnibus in rebus, tum in Rep. permagni momenti est ratio atque inclinatio temporum. nempe eo, cum populus R. aliud genus hominum atque alium ordinem ad res iudicandas requirit: nempe ea lege de iudicijs iudicibusq; nobis promulgata, quam non is promulgavit, cuius nomine proscriptam videtis, sed hic reus. hic inquam sua spe atq; opinione, quam de vobis habet, legem illam scribendam promulgandamq; curavit. itaq; cum primo agere cepimus, lex non erat promulgata: cum iste uestra severitate permotus, multa signa dederat, quamobrem responsurus non uideretur, mentio de lege nulla fiebat. posteaquam iste recreari & confirmari visus est, lex statim promulgata est: cui legi cum uestra dignitas vehementer adversaretur, istius spes falsa & insignis impudentia maxime suffragatur. Hic si quid erit commissum à quoquam uestrum, quod reprehendatur: aut populus R. iudicabit de eo homine, quem iam antea iudicijs indignum putavit; aut ij, qui propter offensionem iudiciorum de veteribus iudicibus lege nova novi iudices erunt constituti. mihi porro, ut ego non dicam, quis omnium mortalium non intelligit, quam longe progredi sit necesse? potero silere Hortensius? potero dissimulare? cum tantum Resp. vulnus acceperit, ut expilata provincia, vexati socij, dij immortales spoliati, ciues R. cruciati & necati impune me actore esse videantur? potero hoc onus tantum aut in hoc iudicio deponere, aut diutius tacitus sustinere? non agitata res erit? non in medium proferenda? non populi R. fides imploranda? non omnes, qui tanto se scelere obstrinxerint, ut aut fidem suam corrupti pateretur, aut

iudiciu
di i qua
tanas i
dio quid
hilica, g
populi R.
mibi lega
rit enim
mi: qui
ri putat
gigni &
cepit mi
mam sen
ius humil
citus, mo
honores o
Celsum
contem
per luc
est nos
Etiam d
invidie
novoru
los deie
rimus f
esse nob
micitia
magis e
aperta.
faut p

iudicium corrumpere, in discrimen ac iudicium uocandi? quæret aliquis fortasse: tantum ne igitur laborem, tantas inimicitias, tot hominum suscepturus es? non studio quidem hercule ullo, neque uoluntate. sed non idem mihi licet, quod is, qui nobili genere nati sunt: quibus omnia populi R. beneficia dormientibus deferuntur: longe alia mihi lege in hac ciuitate, et cōditione uiuendum est. uenit enim mihi in mentem M. Catonis hominis sapientissimi: qui cum se uirtute, non genere populo R. cōmendari putaret, cum ipse sui generis initium ac nominis ab se gigni et propagari uellet, hominum potentissimorum suscepit inimicitias, et maximis in laboribus usque ad summam senectutem summa cū gloria uixit. posteaque Pōpeius humili atque obscuro loco natus, nō ne plurimis inimicitijs, maximisque suis periculis ac doloribus amplissimos honores est adeptus? modo L. Fimbriam, C. Marium, C. Celium uidimus nō mediocribus inimicitijs ac laboribus contendere, ut ad istos honores peruenirent, ad quos uos per ludum et per negligentiam peruenistis. hæc eadem est nostræ rationis regio et uia: horum nos hominū se etiam atque instituta persequimur. uidemus quanta sit in inuidia, quantoque in odio apud quosdam homines nobiles nouorum hominū uirtus et industria: si tantulum oculos deiecerimus, præsto esse insidias: si ullum locū aperuerimus suspiciōi aut crimini, accipiendū esse statim uulnus: esse nobis semper uigilādū, semper laborādū uidemus. inimicitiae sunt, subeātur: labores, suscipiātur. etenim tacitæ magis et occultæ inimicitiae timēdæ sunt, quā indiētæ et apertæ. hominū nobiliū nō ferè quisquā nostræ industriæ fauet, nullis nostris officijs beneuolentiā illorū allicere pos-

LIBER VII.

sumus: quasi natura & genere disiuncti sint, ita dissident à nobis animo ac uoluntate. quare quid habent eorum inimicitiae periculi, quorum animos iam ante habueris inimicos et inuidos, quam ullas inimicitias susceperis? quamobrem mihi iudices optandū est illud, in hoc reo finem accusandi facere, cum & populo R. satisfactum, et receptum officiū sicutis necessarius meis erit persolutum. deliberatum autem est, si res opinionem meā, quā de uobis habeo, fefellerit, non modo eos persequi, ad quos maxime culpa corrūpendi iudiciū, sed etiā illos, ad quos cōscientiae cōtagio pertinebit. proinde si qui sunt, qui in hoc reo aut potentes, aut audaces, aut artifices ad corrūpendum iudiciū uelint esse, ita sint parati, ut disceptante populo R. mecum sibi rem uideant futurā. & si me in hoc reo, quem mihi inimicum Siculi dederūt, satis uehementem, satis perseuerantem satis uigilantem esse cognorunt, existimet in ijs hominibus, quorum ego inimicitias populi R. salutis causa suscepero, multo grauiorem atq; acriorem futurū. Nunc te Iupiter Optime Maxime, cuius iste donum regale, dignū tuo pulcherrimo templo, dignū Capitolio atq; ista arce omnium nationū, dignū regio munere, tibi factum ab regibus, tibi dicatum atq; promissum, per nefariū scelus de regis manibus extorsit: cuiusq; sanctissimum & pulcherrimū simulacrum Syracusis sustulit: teq; Iuno regina, cuius duo fana duabus in insulis posita sociorū, Melitæ & Sami, sanctissima et antiquissima simili scelere idem iste omnibus donis ornamentisq; nudauit: teq; Minerva, quā item iste duobus in clarissimis & religiosissimis tēplis expilauit; Athenis, cum auri grāde pondus; Syracusis, cū omnia præter tectum et parietes abstru-

lit: eę
non fa
antiqu
impet
lit: eę
simulac
cōsecra
uictoria
ri, quem
sunt. R. A
doricam
uoluit q
tempo
lari ex fa
sima ma
ligis sū
modo A
monim
omniū
iudicio
ri, loc
sibi iste
omnes
dorum
religion
teq; Cer
num, ac
mis ceri
etia, leg
pla hanc

lie: teq; Latona, & Apollo, & Diana, quorum iste Deli
 non fanū, sed, ut hominum opinio, & religio fert, sedem
 antiquā, diuinumq; domiciliū nocturno latrocinio, atq;
 impetu cōpilauit: etiam te Apollo, quem iste Chio sustu-
 lit: teq; etiam atq; etiā Diana, quā Pergæ spoliauit, cuius
 simulacrum sanctissimum Segestæ, bis apud Segestanos
 cōsecratum, semel ipsorum religione, iterum P. Africani
 uictoria, tollendum, asportandumq; curauit: teq; Mercu-
 ri, quem Verres in uilla, et in priuata aliqua palæstra po-
 suit, P. Africanus in urbe sociorū, & in gymnasio Tyn-
 daritanorum iuuentutis illorum custodem, & praesidem
 uoluit esse: teq; Hercules, quem iste Agrigenti nocte in-
 tempesta, seruorum instructa & cōparata manu cōuel-
 lere ex suis sedibus, atq; auferre conatus est: teq; sanctis-
 sima mater Ideā, quā apud Enguinos augustissimo et re-
 ligiosissimo in templo sic spoliata reliquit, ut nūc nomen
 modo Africani, & uestigia uiolatæ religionis maneat,
 monimenta uictoriæ faniq; ornamenta nō extant: uosq;
 omniū rerum forensium, consiliorum maximorū, legum
 iudiciorumq; arbitri, & testes, celeberrimo in loco Præto-
 rij locati Castor, & Pollux, quorum è templo quæstum
 sibi iste, & prædam maximam improbiſſime cōparauit:
 omnesq; dy, qui uehiculis theſarum solennes cætus lu-
 dorum initis, quorum iter iste ad suum quæstum, non ad
 religionū dignitatem faciendum, exigendumq; curauit:
 teq; Ceres, et Libera, quarum sacra, sicut opiniones homi-
 num, ac religiones ferunt, longe maximis, atq; occultissi-
 mis ceremonijs continentur: à quibus initia uitæ atq; ui-
 ctus, legum, morum, mansuetudinis, humanitatis exem-
 pla hominibus, et ciuitatibus data, ac dispartita esse dicun-

LIBER VII.

tur : quarum sacra populus R. à Græcis ascita, & accepta, tanta religione & publice & priuatim tuetur, nō ut ab alijs huc allata, sed ut cæteris hinc tradita esse uideantur: quæ ab isto uno sic polluta, & uiolata sunt, ut simulacrū Cereris unū, quod à uiro nō modo tāgi, sed ne aspi-ci quidem fas fuit, è sacrario Catinæ cōuellendū auertendumq; curauerit: alterū autem Ennæ ex sua sede, ac domo sustulerit: quod erat tale, ut homines, cū uiderent, aut ipsam uidere se Cererem, aut effigiem Cereris nō humana manu factā esse, sed cœlo delapsam arbitrarentur : uos etiam atq; etiā imploro & appello sanctissimæ deæ, quæ illos Ennēses lacus, lucosq; colitis, cūctaq; Sicilia, quæ mihi defendenda tradita est, præsidentis : à quibus, inuentis frugibus, & in orbem terrarū distributis, omnes gentes, ac nationes uestri religione numinis cōtinentur: ceteros item deos deasq; omnes imploro atq; obtestor, quorū templis & religionibus iste nefario quodā furore et audacia insinētus bellum sacrilegū semper, impiūq; habuit indictum, ut si in hoc reo atq; in hac causa omnia mea cōsilia ad salutem sociorū, dignitatem populi R. fidem meā spectauerunt, si nullam ad rem, nisi ad officium & ueritatem omnes meæ curæ, uigiliæ cogitationesq; laborarunt : quæ mea mens in suscipienda causa fuit, fides in agenda, eadem uestra in iudicanda sit. deinde uti C. Verrem, si eius omnia sunt inaudita, & singularia facinora sceleris, audaciæ, perfidiæ, libidinis, auaritiæ, crudelitatis, dignus exitus eiusmodi uita, atq; factis uestro iudicio consequatur : utq; Resp. meaq; fides una hac accusatione mea contenta sit: mihiq; posthac bonos potius defendere liceat, quàm improbos accusare necesse sit.

Hoc
bus uer
à Gall
negotia
cur cor
atq; in
testes
poscend
audac
Gallia
sine ci
nullus
scenda
& cat
tur, in
niam F
norum
restem
du imm
uincia
ueribus
partim
diuina

PRO M. FONTEIO ORATIO, XI.

Desunt permulta.

Hoc Pratore oppressam esse ære alieno Galliã. à quibus uersuras tantarum pecuniarum factas esse dicunt? à Gallis? nihil minus. à quibus igitur? à ciuibus R. qui negotiantur in Gallia. cur eorum uerba non audimus? cur eorum tabulæ nullæ proferuntur? insector ultro, atq; insto accusatori iudices: insector inquam, ac flagito testis. plus ego in hac causa laboris, & operæ cōsumo in poscendis testibus, quàm ceteri defensores in refutandis. audacter hoc dico iudices, non temere confirmo. referta Gallia negotiatorū est, plena ciuium R. nemo Gallorum sine ciue R. quicquam negotij gerit, nummus in Gallia nullus sine ciuium R. tabulis comouetur. uidete quò descendam iudices, quàm longe uidear à cōsuetudine mea, & cautione, ac diligētia discedere. unæ tabulæ proferantur, in quibus uestigium sit aliquod, quod significet pecuniam Fonteio datam: unum ex toto negotiatorum, colorum, publicanorum, aratorum, pecuariorum numero testem producant: uere accusatum esse concedam. prò dy immortales, quæ est hæc causa? quæ defensio? prouinciæ Galliæ M. Fonteius præfuit, quæ constat ex ijs generibus hominum & ciuitatum, qui (ut uetera mittam) partim nostra memoria bella cum populo R. acerba, ac diuturna gesserunt: partim modo ab nostris imperato-

ORATIO

ribus subacti, modo bello domiti, modo triumphis ac monimentis notati, modo ab senatu agris urbibusq; mulctati sunt: partim, qui cum ipso M. Fonteio ferrum ac manus contulerunt, multoq; eius sudore ac labore sub populi R. imperium, ditionemq; ceciderunt. est in eadem provincia Narbo Martius, colonia nostrorum ciuium, specula populi R. ac propugnaculum istis ipsis nationibus oppositum & obiectum. est item urbs Massilia, de qua ante dixi, fortissimorum fidelissimorumq; sociorum, qui Gallicorum bellorum pericula populo R. copijs, armisq; propulsarunt. est praeterea numerus ciuium R. atq; hominum honestissimorum. huic provinciae, quae ex hac gentium uarietate constaret, M. Fonteius (ut dixi) praefuit: qui erant hostes, subegit: qui proximi fuerant, eos ex ijs agris, quibus erant mulctati, decedere coegit. ceteris, qui iccirco magnis saepe erat bellis superati, ut semper populo R. parerent, magnos equitatus ad ea bella, quae tum in toto orbe terrarum a populo R. gerebantur, magnas pecunias ad eorum stipendium, maximum frumenti numerum ad Hispaniense bellum tolerandum imperauit. haec qui gessit, in iudicium uocatur: uos, qui in re non interfuestis, causam unam cum populo R. cognoscitis. dicunt contra, quibus inuitissimis imperatum est: dicunt, qui ex agris ex Cn. Pompey decreto decedere sunt coacti: dicunt, qui ex bello, caede & fuga nunc primum audent contra M. Fonteium inermem consistere. quid coloni Narbonenses? quid uolunt? quid existimant? hunc per uos uolunt, se per hunc incolumes existimant esse. quid Massiliensium ciuitas? hunc praesentem ijs affecit honoribus, quos habuit amplissimos. Vos autem absens orat atq; obsecrat, ut

sua re
mos m
lunt as
de pro
arbitre
etiam, c
uestra d
colonis
tiquiss
quibus
delicate
homina
uirtuti
plus Gall
omnium
ximos q
moq; i
multi
ti ad e
ornati
tis me
ipsa fo
Prator
numera
ex eo m
tore et
illud, qu
hoc iudic
nisi eor
sua, se

sua religio, laudatio, auctoritas aliquid apud uestros an-
 mos momenti habuisse uideatur. quid? ciuium R. quæ uo-
 luntas est? nemo est ex tanto numero, quin hunc optime
 de provincia, de imperio, de socijs, et ciuibus meritum esse
 arbitretur. quoniam igitur uidetis qui oppugnet M. Fon-
 teium, cognoscitis qui defensum uelint, statuere nunc, quid
 uestra æquitas, quid populi R. dignitas postulet: utrum
 colonis uestris, negotiatoribus uestris, amicissimis atq; an-
 tiquissimis socijs et credere et cōsulere malitis: an his,
 quibus neq; propter iracundiam fidem, neq; propter infi-
 delitatem honorem habere debetis. quid si maiorem etiam
 hominum honestissimorum copiam affert, qui huius
 uirtuti, atq; innocentie testimonio possint esse? tamen ne
 plus Gallorum cōsensio ualebit, quam summa auctoritas
 omnium? cum Gallie Fonteius præfesset, scitis iudices ma-
 ximos populi R. exercitus in duabus Hispanijs, clarissi-
 mosq; imperatores fuisse, quam multi equites R. quā-
 multi Tribuni militum, quales et quot, et quoties lega-
 ti ad eos exercitus. præterea Cn. Pompeius maximus atq;
 ornatissimus hiemauit in Gallia, M. Fonteio imperante. sa-
 tis ne uobis multos, satis idoneos testes, et cōscios uidetur
 ipsa fortuna esse uoluisse earum rerum, quæ M. Fonteio
 Pratore gererentur in Gallia? quem ex tanto hominum
 numero testem in hac causa producere potestis? quis est
 ex eo numero, qui uobis auctor placeat? eo nos iam lauda-
 tore et teste utemur. dubitabitis etiā diutius iudices, quin
 illud, quod initio uobis proposui, uerissimum sit? aliud per
 hoc iudiciū nihil agi, nisi ut M. Fonteio oppresso testimo-
 nijs eorū quibus multa Reip. causa inuitissimis imperata
 sunt, segniores posthac ad imperadū ceteri sint, cū uideāt

LIBER VII.

eos oppugnari, quibus oppressis populi R. interitū incolu-
 me esse non possit. Obiectum est etiam, quæstum M. Fon-
 teium ex uiarum munitione fecisse: ut aut ne cogeret mu-
 nire: aut id, quod munitum esset, ne improbaret. si &
 coacti sunt munire omnes, & multorum opera impro-
 bata sunt, certe utrunq; falsum est: & ob uacationem
 pretium datum, cum immunis nemo fuerit: & ob pro-
 bationem, cum multa improbata sint. quid? si hoc crimen
 optimis hominibus delegare possumus, & ita, ut nō cul-
 pam in alios transferamus, sed uti doceamus, eos isti mu-
 nitioni præfuisse, qui facile officium suum, & præstare,
 & probare possunt? tamen ne uos omnia in M. Fōteium
 iratis testibus freti conferetis? cum maioribus Reip. ne-
 gotijs M. Fonteius impediretur; & cum ad Remp. perti-
 neret, uiam Domitiam munire: Legatis suis primarijs ui-
 ris C. Annio Bellieno, & C. Fonteio negotium dedit. itaq;
 præfuerunt, imperauerūt pro dignitate sua, quod uisum
 est, & probauerunt. quod uos, si nulla alia ex re, ex lite-
 ris quidem uestris, quas scripsistis, & missis & allatis cer-
 te scire potuistis. quas si antea non legistis, nunc ex nobis
 quid de ijs rebus Fōteius ad Legatos suos scripserit, quid
 ad eum illi rescripserint, cognoscite. Literæ ad C. An-
 nium Legatum, ad C. Fonteium Legatum. Literæ à C.
 Annio Legato, à C. Fōteio Legato. Satis opinor esse per-
 spicuum indices, hanc rationem munitionis neq; ad M.
 Fonteium pertinere, & ab ijs esse tractatam, quos nemo
 possit reprehendere. cognoscite nunc de crimine uinario,
 quod illi inuidiosissimum & maximum esse uoluerūt.
 Crimen à Pletorio iudices ita constitutum est: Fonteio
 non in Gallia primum uenisse in mentem, ut portorium
 uini

uini institueret, sed in Italia hac proposita ratione Ro=
ma profectum: itaque Titurium Tolosæ quaternos de=
narios in singulas uini amphoras portory nomine exe=
gisse, Crodimum Porcium & Numium ternos uictoria
* tos, Nulchalone serene Vmbinos & uictoriatos mille. at=
que in his locis se Crodimi & Nulchalone ab his porto=
rium esse exactum, si qui Cobiamacho, qui uicus inter
Tolosam & Narbonem est, diuerterentur, neque Tolo=
sam ire uellent. Elefiodolus tatum senos denarios ab his,
qui ad hostem portarent, exegisset. uideo iudices esse cri=
men, & genere ipso magnum: uectigal enim esse imposi=
tum fructibus nostris dicitur, et pecuniam permagnam
ratione ista cogi potuisse confiteor, & inuidiam: uel ma=
xime enim inimici hanc rem sermonibus diuulgare uo=
luerunt. sed ego ita existimo, quo maius crimē sit id, quod
ostendatur esse falsum, hoc maiorem ab eo iniuriam fie=
ri, qui id confingat: uult enim magnitudine rei sic occu=
pare animos eorum, qui audiunt, ut difficilis aditus ueri=
tati relinquatur.

Desiderantur quæ de crimine uinario erant reliqua, nec
non quæ ad bellum Vocontiorum, & dispositionem hi=
bernorum pertinebant.

ORATIO

At hoc Galli negant, actio rerum & uis argumentorum coargui potest. igitur testibus iudices non credere cupidis, & iratis, & coniuratis, & ab religione remotis non solum potestis, sed etiam debetis. etenim si, quia Galli dicunt, iccirco M. Fonteius nocens existimandus est, quid mihi opus est sapiente iudice? quid aequo quaesitore? quid oratore nō stulto? dicunt. n. Galli. negare non possumus. hic si ingeniosi, & periti, & æqui iudicis has partes esse existimatis, ut quoniam quidem testes dicunt, sine ulla dubitatione credendum sit, salus ipsa uirorum fortium innocentiam tueri non potest. sin autem in rebus iudicandis non minimam partem ad unamquāq; rem existimandam, momentoq; suo ponderandam sapientia iudicis tenet: nā multo uestre maiores grauiorēq; partes sunt ad cogitandum, quā ad dicendum meae: mihi enim semper unaquaq; de re testis non solum semel, uerum etiam breuiter interrogandus, & saepe etiam non interrogandus, ne aut irato facultas ad dicendum data, aut cupido auctoritas attributa esse uideatur. uos & saepius eandē re animis agitare, & diutius uno quoq; de teste cogitare potestis. et si quem nos interrogare nolumus, quae causa nobis tacendi fuerit, existimare debetis. quamobrem si hoc iudices praescriptum lege aut officio putatis, testibus credere: nihil est, cur alius alio iudice melior, aut sapientior existimetur. unum est enim, & simplex aurium iudiciū, & promiscue, & cōmuniter stultis ac sapientibus ab natura datum. quid est igitur, ubi elucere possit prudentia? ubi discerni stultus auditor & credulus ab religioso & sapienti iudice? nimirum illud, in quo ea, quae dicuntur à testibus, coniectura, & cogitatione traduntur, quāta au

ētoritate, quanta animi aq̄uitate, quanto pudore, quāta
fide, quanta religione, quāto studio existimationis bonae,
quanta cura, quanto timore dicantur. an uero uos id in
testimonijs hominum barbarorum dubitabitis, quod per
sape & nostra, & patrum memoria sapientissimi iudi-
ces de clarissimis nostrae ciuitatis uiris dubitandum non
putauerunt? qui Cn. & Q. Cepionibus, L. & Q. Metel-
lis testibus in Q. Pompeium hominem nouum non cre-
diderunt: quorū uirtuti, generi, rebus gestis fidem & au-
ētoritatē in testimonio cupiditatis atq; inimicitiarū suffi-
cio derogauit. ecquem hominē uidimus, ecquem uere cō-
memorare possumus parem consilio, grauitate, constan-
tia, ceteris uirtutibus, honoris, ingenij, rerum gestarum
ornamentis M. Aemilio Scauro fuisse? tamen huius, cuius
iniurati nutu propē terrarū orbis regebatur, iurati testi-
monio neq; in C. Fimbriam, neq; in C. Memmium credi-
tum est. Noluerunt ij, qui iudicabant, hanc patere inimi-
citijs uiam: quem quisq; odisset, ut eum testimonio posset
tollere. quantus in L. Crasso pudor fuerit, quod ingenū,
quanta auctōritas, quis ignorat? tamen is, cuius etiā ser-
mo testimonij auctōritatē habebat, testimonio ipso, quae
in M. Marcellum inimico animo dixit, probare non po-
tuit. Fuit, fuit illis iudicibus diuinum ac singulare iudi-
ces consilium, qui se non solum de reo, sed etiam de accu-
satore, de teste iudicare arbitrabātur, quid fctum, quid
fortuna ac tempore allatum, quid precio corruptū, quid
spe, aut metu deprauatum, quid à cupiditate aliqua, aut
inimicitijs profectum uideretur. quae si iudex nō ample-
ēteretur omnia consilio, non animo, ac mente circūspiciet,
si, quicquid ex illo loco dicetur, ex oraculo aliquo dici

NN ij

O R A T I O

arbitrabitur: profecto satis erit id, quod dixi antea, non
 surdum iudicem huic muneri atque officio præesse: nihil
 erit quãobrem ille nescio quis sapiens homo, ac multarũ
 rerũ peritus ad res iudicandas requiratur. an uero illi e-
 quites R. quos nos uidimus, qui nuper in Rep. iudicijsq;
 maximis floruerunt, habuerunt tantum animi, tantũ ro-
 boris, ut M. Scauro testi non crederent? uos Belgarũ atq;
 Allobrogum testimonijs non credere timetis? Si inimico
 testi credi non oportuit, inimicior Marcello Crassus, aut
 Fimbriæ Scaurus ex ciuilibus studijs atq; obtrectatione
 domestica, quã huic Galli? quorũ, qui optima in causa
 sunt, equites, frumentum, pecuniam semel atq; iterũ, ac
 sepius inuitissimi dare coacti sunt: ceteri, partim ex uete-
 ribus bellis agro mulctati, partim ab hoc ipso, bello supe-
 rati & oppressi. si, qui ob aliquod emolumentũ suum cu-
 pidius aliquid dicere uidentur, ijs credi non conuenit: cre-
 do maius emolumentum Cepionibus & Metellis proposi-
 tum fuisse ex Q. Pompeij dñatione, cum studiorũ suo-
 rum obtrectatorem sustulissent, quã cunctæ Galliæ ex
 M. Fonteij calamitate, in qua illa prouincia propè suam
 immunitatem ac libertatem positam esse arbitratur. an
 si homines ipsos spectare conuenit (id quod in teste profe-
 cto ualere plurimum debet) non modo cum summis ciui-
 tatis nostræ uiris, sed cum infimo ciue R. quisquam am-
 plissimus Galliæ comparandus est? scit Induciomarus qd
 sit testimonium dicere? mouetur eo timore quo nostrum
 unusquisq; cum in eum locum productus est? recordami-
 ni iudices quantopere laborare soleatis, non modo quid
 dicatis pro testimonio, sed etiam quibus uerbis utamini,
 ne quod minus moderate positũ, ne quod ab aliqua cupi-

ditate prolapsū uerbum esse uideatur. uultu deniq; laboratis, nequa significari possit suspicio cupiditatis: ut et, cū proditis, existimatio sit quædam tacita de uobis pudoris ac religionis: & cum disceditis, ea diligenter conseruata ac retenta uideatur. credo hæc eadem Induciomarū in testimonio timuisse, aut cogitasse: qui primū illud uerbum consideratissimum nostræ consuetudinis, arbitror, quo nos etiam tunc utimur, cū ea dicimus iurati, quæ cōperta habemus, quæ ipsi uidimus, ex toto testimonio suo sustulit, atq; omnia se scire dixit. uerebatur enim uidelicet, ne quid apud uos populumq; R. de existimatione sua perderet: nequa fama consequeretur eiusmodi, Induciomarū talem uirum tam cupide, tam temere dixisse: non intelligebat, se in testimonio nihil præter uocem, & os, et audaciā neq; ciuibus suis, neq; accusatoribus nostris præstare debere. an uero istas nationes religione iusiurandi, ac metu deorum immortalium in testimonijs dicendis cōmoueri arbitramini? quæ tantum à cæterarum gētium more ac natura dissentiant, quod cæteræ pro religionibus suis bella suscipiunt, istæ cōtra omnium religiones. illæ in bellis gerendis ab dijs immortalibus pacem ac ueniam petunt: istæ cum ipsis dijs immortalibus bella gesserunt. hæc sunt nationes, quæ quondam tā longe ab suis sedibus Delphos usq; ad Apollinem Pythium, atq; ad oraculum orbis terræ uexandum ac spoliandum profectæ sunt. ab ysdem gentibus sanctis, & in testimonio religionis obsessum Capitolium est, atq; ille Iupiter, cuius nomine maiores nostri sanctam testimoniorum fidem esse uoluerunt. postremo his quicquam sanctum ac religiosum uideri potest? qui etiā si quādo aliquo metu adducti deos

placandos esse arbitrantur, humanis hostijs eorum aras
ac templa funestant, ut ne religionem quidem colere pos
sint, nisi eā ipsam prius scelere uiolarent. quis. n. ignorat
eos usq; ad hanc diem retinere illā immanem ac barba
ram consuetudinem hominū immolādorū? quāobrem
quali fide, quali pietate existimatis esse eos, qui etiam deos
immortales arbitrentur hominū scelere & sanguine fa
cillime posse placari? cum his uos testibus uestrā religio
nem coniungetis, ab his quicquā sancte aut moderate di
ctum putabitis? hoc uestrae mentes tā castae, tam integrae
sibi suscipient, ut, cum omnes Legati nostri, qui illo trien
nio in Galliam uenerunt: omnes equites R. qui in illa pro
uincia fuerunt, omnes negotiatores eius provinciae: deni
que omnes in Gallia, qui sunt socij populi R. atq; amici,
M. Fonteij incolumem esse cupiant, iurati priuatim &
publice laudent: uos tamē Gallis credere malitis? quid ut
secuti esse uideamini? uoluntatem ne hominum? grauior
igitur uobis erit hostiū uoluntas, quā ciuium? an digni
tatem testiū? potestis igitur ignotos notis, iniquos aequis,
alienigenas domesticis, cupidos moderatis, mercenarios
gratuitis, impios religiosis, inimicissimos huic imperio ac
nomini, bonis ac fidelibus, & socijs & ciuibus anteferre?
an uero dubitatis iudices, quin insitas inimicitias istae gen
tes omnes & habeant & gerant cum populi R. nomine?
sic existimatis eos hic sagatos brachatosq; uersari animo
demisso atque humili, ut solent ij, qui affecti iniurijs, ad
opem iudicum supplices inferioresq; cōfugiunt? nihil ue
ro minus. hi contra uagantur lati atq; erecti passim to
to foro, cum quibusdam minis & barbaro atque imma
ni terrore uerborum: quod ego profecto non crederem,

nisi aliquoties ex ipsis accusatoribus uobiscum simul iudices audissem: cum præciperent, ut caueretis, ne hoc absolute, nouum aliquod bellum Gallicum concitaretur. si M. Fonteium iudices in causa deficerent omnia: si turpi adolescentia, uita infami, magistratibus, quos ante oculos uestros gessit, cōiūctis uirorum bonorum testimonijs, legationibus flagitiose obitis, inuisus suis omnibus in iudicium uocaretur: si in eo iudicio colonorū populi R. Narbonensium, fidelissimorum sociorum Massiliensium, ciuium R. omnium testimonijs tabulisq; premeretur: tamen esset uobis magnopere prouidendum, ne quos ita afflictos à uestris patribus maioribusq; acceperetis, ut contemnendi essent, eos pertimuisse, & eorum minis & terrore commoti esse uideremini. Nūc uero, cum lædat nemo bonus, laudent omnes uestri ciues atq; socij, oppugnet ij, qui sæpiissime hanc urbem & hoc imperium oppugnarunt: cūque inimici M. Fonteij uobis ac populo R. minentur, amici ac propinqui supplicent uobis: dubitabitis non modo uestris ciuibus, qui maxime gloria ac laude ducuntur, uerū etiam exteris nationibus ac gentibus ostendere, uos in sententijs ferēdis ciui parcere, quā hosti cedere maluisse? magna mehercule causa iudices absolutionis cum cæteris causis hæc est, nequa insignis huic imperio macula atque ignominia suscipiatur, si hoc ita perlatum erit in Galliam, senatum, equitesq; populi R. non testimonijs Gallorum, sed minis commotos, rem ad illorum libidinem iudicasse. ita uero, si illi bellum facere conabuntur, excitandus nobis erit ab inferis C. Marius, qui Induciomaro isti minaci atque arroganti par in belligerando esse possit: excitandus Cn. Domitius &

ORATIO

Maximus, qui nationem Allobrogum & reliquias suis iterum armis conficiat atque opprimat: aut quoniam id quidem non potest, orandus erit nobis amicus meus M. Pletorius, ut suos novos clientes à bello faciendo deterreat, ut eorum iratos animos atque horribiles impetus deprecetur: aut, si non poterit, M. Fabium scriptorem eius rogabimus, ut Allobrogum animos mitiget, quoniam apud illos Fabiorum nomen amplissimum: ut uelint isti aut quiescere, id quod uicti ac subacti solent: aut, cum minantur, intelligere, se populo R. non metum belli, sed se triumphum ostendere. Quod si in turpi reo patiendum non esset, ut quicquam isti se minis profecisse arbitarentur: quid faciendum uobis in M. Fonteio arbitramini? de quo homine iudices (iā. n. mihi uideor hoc propè causa duabus actionibus perorata debere dicere) de quo uos homine iudices ne ab inimicis quidem ullum fictum probrosum non modo crimen, sed ne maledictum quidem audistis. ecquis unquam reus, praesertim in hac uitae ratione uersatus, in honoribus petendis, in potestatibus, in imperiis gerendis, sic accusatus est, ut nullum probrum, nullum facinus, nulla turpitudine, quae à libidine, aut à petulantia, aut ab audacia nata esset, ab accusatore obijceretur, si non uera, attamen ficta, cum aliqua ratione ac suspitione? M. Aemilium Scaurum summum nostrae ciuitatis uirum scimus accusatum à M. Bruto. extant orationes, ex quibus intelligi potest, multa in illum ipsum Scaurum esse dicta, falso, quod negat? uerumtamen ab inimico dicta & obiecta. Quam multa M. Aquilius audiuit in suo iudicio? quam multa L. Cotta? denique P. Rutilius? qui etsi damnatus est, mihi uidetur tamen inter uiros optimos atque innocentissimos esse nume

randus . ille igitur ipse homo sanctissimus ac temperatissimus multa audiuit in sua causa, quæ ad suspicionem stuprorum ac libidinem pertinerent. extat oratio hominis (ut opinio mea fert) nostrorum hominum longe ingeniosissimi atq; eloquentissimi, C. Gracchi : qua in oratione permulta in L. Pisonem turpia ac flagitiosa dicuntur : at in quem uirum ? qui tanta uirtute atq; integritate fuit, ut etiam illis optimis temporibus, cū hominem inuenire nequam neminem posses, solus tamen Frugi nominaretur : quem cum in concionem Gracchus uocari iuberet, & uiator quæreret, quem Pisonem ? quod erāt plures. cogis me, inquit, dicere inimicum meum frugi. is igitur uir, quem ne inimicus quidem satis in appellando significare poterat, nisi ante laudasset : qui uno cognomine declarabatur, non modo quis esset, sed etiam qualis esset : tamen in falsam atq; iniquam probrorum insimulationem uocabatur. M. Fonteius ita duabus actionibus accusatus est, ut obiectum nihil sit, quo significari uestigium libidinis, petulantiae, crudelitatis, audaciae possit. non modo nullum facinus huius protulerūt, sed ne dictum quidem aliquod reprehenderunt. quod si aut quantam uoluntatem habent ad hunc opprimendum, aut quantam ad maledicendum licentiam, tantum haberent aut ad ementiendum animi, aut ad fingendum ingenij, non meliore fortuna ad probra nunc audienda Fonteius, quàm illi, de quibus antea commemorauī, fuisset. Frugi igitur hominem iudices, frugi inquam, & in omnibus uitæ partibus moderatum ac temperantem, plenum pudoris plenum officij, plenum religionis uidetis positum in uestra fide ac potestate, atque ita, ut commissus sit fidei,

O R A T I O

permissus potestati. uidete igitur utrum sit æquius: ho-
 minem honestissimum, uirum fortissimum, ciuem opti-
 mum dedi inimicissimis, atq; immanissimis nationibus,
 an reddi amicis? præsertim cum tot res sint, quæ ue-
 stris animis pro huius innocentis salute supplicent: pri-
 mum generis antiquitas: quam Tusculo ex clarissimo
 municipio profectam in monimentis rerum gestarum
 incisam ac notatam uidemus, tum autem continuæ Præ-
 turæ, quæ & cæteris ornamentis & existimatione inno-
 centiæ maxime floruerunt: deinde recens memoria pa-
 rentis, cuius sanguine non solum Asculanorum manus,
 à qua interfectus est, sed totum illud sociale bellum ma-
 cula sceleris imbutum est: postremo ipse cum in omni-
 bus uitæ partibus honestus atq; integer, tum in re mili-
 tati cum summi consilij & maximi animi, tum uero
 usu quoq; bellorum gerendorum in primis eorum homi-
 num, qui nunc sunt, exercitus. quare si etiam monendi
 estis à me, quod non estis iudices, uideor hoc leuiter pro
 mea auctoritate uobis præcipere posse, ut ex eo genere ho-
 mines, quorum cognita uirtus, industria, felicitas in re
 militari sit, diligenter uobis retinendos existimetis: fuit
 enim maior talium uirorum in hac Rep. copia: quæ cum
 esset, tamen eorum non modo salutem, sed etiam honori
 consulebatur. quid nunc uobis faciendum est, studiis mi-
 litaribus apud iuuentutem obsoletis, hominibus autem
 ac summis ducibus partim ætate, partim ciuitatis discor-
 dijs hac Reip. calamitate consumptis? cum tot bella aut
 à nobis necessario suscipiuntur, aut subito atq; improui-
 sa nascentur: nõ ne & hominem ipsum ad dubia Reip.
 tempora reseruandum, & cæteros studio laudis ac uir-

tutis inflammandos putatis? recordamini quos Legatos
nuper in bello L. Iulius, quos P. Rutilius, quos L. Cato,
quos Cn. Pompeius habuerit: scietis fuisse tum M. Cor-
nutum, L. Cinnam, L. Sullam Prætorios homines, belli ge-
rendi peritissimos: præterea C. Marium, P. Didium,
Q. Catulum, P. Crassum, non literis homines ad rei mi-
litaris scientiam, sed rebus gestis ac uictorijs eruditos.
age uero nunc inferte oculos in curiam, introspicite pe-
nitus in omnis Reip. partes: utrum uidetis nihil posse
accidere, ut tales uiri desiderandi sint? an, si acciderit,
eorum hominum copia populum R. abundare? quæ si
diligenter attendetis, profecto iudices uirum ad labo-
res belli impigrum, ad pericula fortem, ad usum ac
disciplinam peritum, ad consilia prudentem, ad ca-
sum fortunamq; felicem, domi uobis ac liberis uestris
retinere, quàm inimicissimis populi R. nationibus & cru-
delissimis tradere & condemnare maletis. at infestis
propè signis inferuntur Galli in Fonteium, & instant
atque urgent summo cum studio, summa cum auda-
cia: nos uero iudices & multis & firmis præsijs, uo-
bis adiutoribus isti immani atque intoleranda barbariæ
resistemus. primum obicitur contra istorum impe-
tus Macedonia fidelis & amica populo R. provincia:
quæ cum se ac suas urbes non solum consilio, sed etiam
manu Fonteij conseruatam esse dicat, ut illa per hunc à
Thracum aduentu ac depopulatione defensa fuit, sic ab
huius nunc capite Gallorum impetus terroresq; depellit.
constituitur ex altera parte ulterior Hispania, quæ pro-
fecto nō modo religione sua resistere istorum cupidita-
ti potest, sed etiam sceleratorum hominum periuria testi-

O R A T I O

monijs ac laudationibus suis refutare. atq; ex ipsa etiam Gallia fidelissima & grauissima auxilia sumuntur. uenit huic subsidio misero atq; innocēti Massiliensium cūcta ciuitas, quæ non solum ob eam causam laborat, ut huic, à quo ipsa seruata est, parem gratiā referre uideatur, sed etiam, q̃ ea cōditiōe atq; eo fato se in ijs terris collocatam esse arbitratur, ne quid nostris hominibus istæ gētes nocere possint. pugnat pariter pro salute M. Fonteij Narbonensis colonia, quæ per hūc ipsa nuper obsidione hostiū liberata, nūc eiusdem miserijs ac periculis cōmouetur. deniq; ut oportet bello Gallico, ut maiorum iura, moresq; præscribūt, nemo est ciuis R. qui sibi ulla excusatione utendum putet. omnes illius prouinciæ publicani, agricolæ, pecuarij, cæteri negotiatores uno animo M. Fonteium atq; una uoce defendūt. q̃ si tantas auxiliorū nostrorū copias Induciomarus ipse despexerit, dux Allobrogum cæterorumq; Gallorum, num etiā de matris hūc cōplexu lectissimæ miserrimæq; fœminæ uobis inspectantibus auellet atq; abstrahet? præsertim cum uirgo Vestalis ex altera parte germanū fratrem cōplexa teneat, uestramq; iudices ac populi R. fidem imploret: quæ pro uobis liberisq; uestris tot annos in dijs immortalibus placādis occupata est, ut ea nūc pro salute sua, fratrisq; sui animos uestros placare possit: cui miseræ quod præsidium, quod solatium reliquū est, hoc amisso? nam cæteræ fœminæ gignere ipsæ sibi præsidia, et habere domi fortunarum omnium socium participemq; possunt: huic uero uirginī quid est præter fratrem, quod aut iucundū, aut charū esse possit? nolite pati iudices aras deorū immortalium Vestæq; matris, quotidianis uirginis lamentationibus de uestro iudi-

cio co
Fon
crym
mar
tender
cuis uo
natu
ces uir
memor
perim
eudine
latia fa
liquiffet
modo on
acerbi
relinqu
poruiff
terea
gloria
perij
mis fa
dite i
stris t
plus
rem d
quā
bella
dignit
preces
uile

cio commoueri. prospicite ne ignis ille aternus nocturnis
 Fonteia laboribus uigilijsq; seruatus, sacerdotis Vestæ la-
 crymis extinctus esse dicatur. tēdet ad uos uirgo Vestalis
 manus supplices easdē, quas pro uobis dijs immortalibus
 tendere cōsuevit. cauete ne periculosum superbumq; sit,
 eius uos obsecrationē repudiare, cuius preces si dij asper-
 narētur, hæc salua esse nō possent. uidetis ne subito iudi-
 ces uirū fortissimū M. Fonteium parentis & sororis cō-
 memoratōne lacrymas profudisse? qui nunquā in acie
 pertimuerit, qui se armatus sæpe in hostiū manū multi-
 tudinemq; immiserit, cū in eiusmodi periculis eadē se so-
 latia suis relinquere arbitraretur, quæ suus pater sibi re-
 liquisset, idem nunc perturbato animo pertimescit, ne nō
 modo ornamento & adiuuētō non sit suis, sed etiā cum
 acerbissimo luētū dedecus aternū miseris atq; ignominia
 relinquat. o fortunā longe dispārem M. Fonteī, si deligere
 potuisses, ut potius telis tibi Gallorū, quā periurijs in-
 tereundū esset: tum enim uitæ socia uirtus, mortis comes
 gloria fuisset: nūc uero qui est dolor? uictoriæ te atq; im-
 perij pœnas ad eorū arbitrium sufferre, qui aut uicti ar-
 mis sunt, aut inuitissimi paruērūt? a quo periculo defen-
 dite iudices ciuem fortem atq; innocētem: curate ut no-
 stris testibus plus, quā alienigenis credidisse uideamini:
 plus salutī ciuiū, quā hostiū libidini cōsuluisse: grauiō-
 rem duxisse eius obsecrationem, quæ uestris sacris præsit,
 quā eorū audaciam, qui cum omnium sacris delubrisq;
 bella gesserunt. postremo prospicite iudices, id quod ad
 dignitatem populi R. maxime pertinet, ut plus apud uos
 preces uirginis Vestalis, quā minæ Gallorum ualuisse
 uideantur.

PRO A. CAECINA ORATIO, XII.

I, Quantum in agro, locisq; desertis au-
 dacia potest, tantum in foro atq; in iu-
 dicijs impudentia ualeret, non minus in
 causa cederet A. Caecina Sex. Ebutij im-
 pudentiæ, quàm tum in ui faciēda ces-
 sit audaciæ. uerum & illud considerati hominis esse pu-
 tauit, qua de re iure decertari oporteret, armis non con-
 tendere: & hoc constantis, quicum ui & armis certare
 nolisset, eum iure iudicioq; superare. ac mihi quidem cū
 audax præcipue fuisse uidetur Ebutius in cōuocandis ho-
 minibus & armandis, tum impudens in iudicio: non so-
 lum quòd in iudicium uenire ausus est, (nam id quidem
 tamen si improbe fit in aperta re, tamen malitia est iā usi-
 tatum) sed q̄ non dubitauit id ipsum, quod arguitur,
 confiteri: nisi forte hoc rationis habuit, quoniam si facta
 uis nō esset moribus superior in possessione retinenda nō
 fuisset: quia contra ius moremq; facta sit, A. Caecinam
 cum amicis metu perterritum profugisse: nūc quoq; in
 iudicio, si causa more institutoq; omnium defendatur, nos
 inferiores in agendo non futuros: sin ē consuetudine re-
 cedatur, se, quo impudentius egerit, hoc superiorem di-
 scessurum. quasi uero aut in iudicio possit idem improbi-
 tas, quod in ui confidentia: aut non eo libetius tum auda-
 ciæ cesserimus, quo nūc impudentiæ facilius obsisteremus.
 itaq; longe alia ratione Recuperatores ad agendam cau-
 sam hac actione uenio atq; initio ueneram: tum enim no-
 stræ causæ spes erat posita in defensione mea, nūc in con-
 fessione aduersary: tum in nostris, nunc uero in illorum

testibus : de quibus ego antea laborabam , ne, si improbi
essent , falsi aliquid dicerent : si probi existimarentur ,
quod dixissent , probarent. nunc sum animo æquissimo :
si enim sunt uiri boni, me adiuuant , cum id iurati di-
cunt, quod ego iniuratus in simulo: sin autem minus ido-
nei, me non lædūt, cum siue creditur his hoc ipsum, quod
nos arguimus, siue fides non habetur, de aduersary te-
stium fide derogatur : ueruntamen cum illorum causæ
actionem considero, nō uideo quid impudentius dici pos-
sit : cum autem uestram in iudicando dubitationem, ue-
reor ne id, quod uidentur impudenter fecisse, astute &
callide fecerint : nam si negassent uim hominibus ar-
matis esse factam, facile honestissimis testibus in re per-
spicua tenerentur : sin confessi essent , & id, quod nullo
tempore iure fieri potest , tum ab se iure factum esse
defenderent, sperarunt id, quod assecuti sunt, se iniectu-
ros uobis causam deliberandi & iudicandi iustam mo-
ram ac religionem. simul illud, quod indignissimum est,
futurum arbitrati sunt, ut in hac causa non de impro-
bitate Sex. Ebutij, sed de iure civili iudicium fieri uide-
retur. qua in re si mihi esset unius A. Cæcinæ causa agen-
da, profiterer satis idoneū esse me defensorem, propterea
q̃ fidem meam diligentiamq̃; præstarem: quæ cum sunt
in actore causæ, nihil est, in re præsertim aperta ac sim-
plici, q̃ excellens ingenium requiratur. sed cum de eo iu-
re mihi dicendū sit, quod pertineat ad omnes, quod cōsti-
tutum sit à maioribus, cōseruatum usq; ad hoc tempus ,
quo sublato non solū pars aliqua iuris diminuta, sed etiā
uis ea, quæ iuri maxime est aduersaria, iudicio cōfirma-
ta esse uideatur: uideo summi ingenij causam esse : nō uti

O R A T I O

demonstretur quod ante oculos est, sed ne, si quis uobis error in tanta re sit obiectus, omnes potius me arbitrentur causa, quam uos religioni uestrae defuisse. quāquam ego mihi sic persuadeo Recuperatores, non uos tam propter iuris obscurā dubiamq; rationem bis iam de eadem causa dubitasse, quam, quod uidetur ad summam illius estimationem hoc iudicium pertinere, moram ad condemnandum acquisisse, simul & illi spatiū ad sese colligendum dedisse. quod quoniam iam in cōsuetudinem uenit, & id uiri boni uestri similes in iudicādo faciunt, reprehendendum fortasse minus, querendū uero magis etiam uidetur: ideo q̄ omnia iudicia aut distrahendarum controuersiarum, aut puniēdorum maleficiorum causa reperiuntur: quorum alterum leuius est, propterea quod & minus laedit, & persaepe disceptatore domestico diiudicatur: alterum est uehementissimum, quod & ad grauiiores res pertinet, & non honorariā operam amici, sed seueritatem iudicis ac uim requirit. quod est grauius, & cuius rei causa maxime iudicia constituta sunt, id iam mala cōsuetudine dissolutū est. nam ut quaeq; res est turpissima, sic maxime, & maturissime iudicanda est: at ea, in qua existimationis periculum est, tardissime iudicatur. qui igitur conuenit, quae causa fuerit ad constituendum iudicium, eandem moram esse ad iudicandum? si quis, quod sponpondit, qua in re uerbo se uno obligauit, id non facit: maturo iudicio, sine ulla religione iudicis condemnatur: qui per tutelam, aut societatem, aut rem mandatam, aut fiduciae rationem fraudauit quempiam, in eo, quo delictum maius est, eo p̄na est tardior: est enim turpe iudicium, & facto quidem turpe. uidete igitur

tur

tur quàm inique accidat, quia res indigna sit, ideo tur-
pem existimationem sequi: quia turpis existimatio sequa-
tur, ideo rem indignam non iudicari. at si quis mihi hoc
iudex, Recuperator' ue dicat: potuisti. n. leuiore aetione cō-
fligere. potuisti ad tuum ius faciliore & cōmodiore iudi-
cio peruenire: quare aut muta aetionem, aut noli mihi
instare, ut iudicem: tamē is aut timidior uideatur, quàm
fortem, aut cupidior, quàm sapientem iudicem esse aequū
est. si aut mihi præscribat quemadmodum meum ius per-
sequar, aut ipse id, quod ad se delatum sit, non audeat iu-
dicare. etenim si Prætor, is, qui iudicia dat, nunquam pe-
titori præsstituit, qua aetione illū uti uelit: uidete quàm
iniquum sit, cōstituta iam re, iudicem, quid agi potuerit,
aut quid possit, non quid aetum sit, quærere. uerūtamen
nimia uestre benignitati pareremus, si alia ratione ius
nostrum recuperare possemus: nūc uero quis est, qui aut
uim armatis hominibus factam relinqui putet oportere,
aut eius rei leuiorem aetionem nobis aliquam demonstrā-
re possit? ex quo genere peccati, ut illi clamitant, uel iniu-
riarum, uel capitis iudicia constituta sunt, in eo potestis
atrocitatem nostram reprehendere? cum uideatis nihil
aliud aetum, nisi possessionem per interdictum esse repe-
titam? uerum siue uos existimationis illius periculum, siue
iuris dubitatio tardiores fecit adhuc ad iudicandum,
alterius rei causam uosmetipsi iam uobis sæpius prolato
iudicio sustulistis, alterius ego uobis hodierno die causā
profecto auferam, ne diutius de controuersia nostra, ac
de communi iure dubitetis. Et si forte uidebor altius ini-
tium rei demonstrandæ petisse, quàm me ratio iuris, &
ius, de quo iudicium est, & natura causæ coegerit, quæso

O R A T I O

ut ignoscatis: non enim minus laborat A. Cæcina, ne summo iure egisse, quàm ne certum ius non obtinuisse uideatur. M. Fulcinus fuit Recuperator e municipio Tarquiniesi, qui et domi suæ cū primis honestus existimatus est, & Romæ argentariam nō ignobilem fecit. is habuit in matrimonio Cesenniam, eodem è municipio, summo loco natam, & probatissimam fœminam, sicut & uiuus multis ipse rebus ostendit, & in morte sua testamēto declarauit. huic Cesennia fundū in agro Tarquinienensi uendidit temporibus illis difficillimis solutionis. cum uteretur dote uxoris numerata, quo mulieri esset res cautior, curauit ut in eo fundo dos collocaretur. aliquanto post iam argentaria dissoluta, Fulcinus huic fundo uxoris continentia quedam prædia atque adiuncta mercatur. moritur Fulcinus: multa enim, quæ sunt in re, quæ remota sunt à causa, prætermittam. testamento facit hæredem, quem habebat è Cesennia filium: usumfructum omnium bonorum suorum Cesennia legat, ut frueretur unà cum filio. magnus honos uiri iucundus mulieri fuisset, si diuturnum esse licuisset: frueretur enim bonis cum eo, quem suis bonis hæredem esse cupiebat, & ex quo maximum fructum ipsa capiebat: sed hunc fructum mature fortuna ademit: nam breui tempore M. Fulcinus adulescens mortuus est, hæredem P. Cesennium fecit, uxori grande pondus argenti, matriq; partem bonorum maiorem legauit. itaq; in partem mulieres uocatae sunt. Cum esset hæc auctio hæreditaria constituta, Ebutius iste, qui iā diu Cesennia uiduitate ac solitudine aleretur, ac se eius in familiaritatem insinuasset hac ratione, ut cum aliquo suo compendio negotia mulieris, si qua acciderent, contro-

uersasq; susciperet, uersabatur quoq; eo tempore in his
rationibus auctoris & partitionis, atq; etiam se ipse in
ferebat & intrudebat, & in eam opinionem Cesenniam
adducebat, ut mulier imperita nihil putaret agi callide
posse, ubi non adesset Ebutius. quam personam iam ex
quotidiana cognoscitis uita Recuperatores, mulierum as-
sentatoris, cognitoris uiduarum, defensoris nimium liti-
giosi, conciti ad rixam, inepti ac stulti inter uiros, inter
mulieres periti iuris & callidi: hanc personam imponite
Ebutio: is enim Cesenniae fuit Ebutius: ne forte quara-
tis, num propinquus? nihil alienius. amicus aut a patre,
aut a uiro traditus? nihil minus. quis igitur? ille, quem
supra deformauimus, uoluntarius amicus mulieris, non ne-
cessitudine aliqua, sed ficto officio, simulataq; sedulita-
te coniunctus, magis opportuna opera nonnunquam,
quam aliquando fideli. cum esset, ut dicere institueram,
constituta auctio Romae, suadebant amici cognatiq; Ce-
senniae id, quod ipsi quoque mulieri in mentem ueniebat:
quoniam potestas esset emendi fundum illum Fulcinia-
num, qui fundo eius antiquo continens esset, nullam esse
rationem, amittere eiusmodi occasionem, cum praesertim
pecunia ex partitione deberetur: nusquam eam posse me-
lius collocari. itaq; mulier facere constituit. mandat, ut
fundum sibi emat. cui tandem? cui putatis? an non in me-
te uenit omnibus hominis illius ad hoc munus, & ad om-
nia mulieris negotia parati: sine quo nihil satis caute,
nihil satis callide agi posset? recte atteditis. Ebutio negotium
datur. adest ad tabulam, licetur Ebutius: deterratur empto-
res multi, partim gratia Cesenniae, partim etiam pretio: fun-
dus addicitur Ebutio, pecuniam argentario promittit Ebu-

ORATIO

tius. quo testimonio nūc uir optimus utitur, sibi emptum esse. quasi uero aut nos ei negemus addictū, aut tum quisquam fuerit, qui dubitarit, quin emeretur Cesennia, cū id pleriq; scirent, omnes ferē audissent, hī coniectura asse qui possent, cum pecunia Cesennia ex illa hæreditate deberetur, eam porro in prædijs collocari maxime expediret, essent autem prædia, quæ mulieri maxime conuenirent, ea uenirent: liceret is, quem Cesennia dare operā nemo miraretur, sibi emere nemo posset suspicari. hac emptione facta, pecunia soluitur à Cesennia. cuius rei putat iste rationem reddi non posse, q̃ ipse tabulas auerterit: se autem habere argentarij tabulas, in quibus sibi expensa pecūia lata sit, acceptaq; relata, quasi id aliter fieri oportuerit. cum omnia ita facta essent, quemadmodum nos defendimus, Cesennia fundum possedit, locauitq; neq; ita multo post A. Cæcinæ nupsit. ut in pauca conferam, testamento facto mulier moritur. facit hæredem ex deince, & semuncia Cæcinam, ex duabus sextulis M. Fulcinium libertum superioris uiri, Ebutio sextulam aspergit. hanc sextulam illa mercedem isti esse uoluit assiduitatis et molestiæ, si quam susceperat. iste autē hac sextula se ansam retinere omnium controuersiarum putat. iam principio ausus est dicere, non posse hæredem esse Cesennia Cæcinā q̃ is deteriore iure esset, quā ceteri ciues, propter incōmodum Volaterranorum, calamitatemq; ciuilem. itaque homo timidus imperitusq; qui neq; animi neq; consilij satis haberet, non putauit esse tanti hæreditatem, ut de ciuitate in dubium ueniret: concessit credo Ebutio, quantum uellet de Cesennia bonis ut haberet: immo, ut uiro fortis ac sapienti dignum fuit, ita calumniam stultitiāq; ob-

triuuit ac contudit . in possessione bonorum cum esset, & cum ipse sextulam suam nimium exaggeraret , nomine heredis arbitrum familiae herciscundae postulauit . atq; illis paucis diebus, posteaquam uidet nihil se ab A. Caecina posse litium terrore abraderi, homini Romae in foro denuntiat, fundum illum, de quo ante dixi, cuius istum emptorem demonstraui fuisse mandato Cesenniae, suum esse, seq; sibi emisse. quid ais? istius ille fundus est, quem sine ulla controuersia quadriennium, hoc est, ex quo tempore fundus uenijt, quoad uixit, possedit Cesenia: usus enim inquit, eius & fructus fundi testamento uiri, fuerat Cesenniae. cum hoc nouae litis genus tam malitiose intendere, placuit Caecinae de amicorum sententia constituere, quo die in rem praesentem ueniretur, & de fundo Caecina moribus deduceretur. colloquuntur, dies ex utriusque commodo sumitur. Caecina cum amicis ad diem uenit in castellum Axiam: ex quo loco fundus is, de quo agitur, non longe abest. ibi certior fit a pluribus, homines permultos liberos atq; seruos coegisse & armasse Ebutium. cum id partim mirarentur, partim non crederent, ecce ipse Ebutius in castellum uenit, denuntiat Caecinae se armatos habere, abiturum eum non esse, si accessisset. Caecinae placuit & amicis, quoad uideretur saluo capite fieri posse, experiri. tum de castello descendunt, in fundum proficiunt. uidetur temere commissum. uerum, ut opinor, hoc fuit causa: tam temere istum re commissurum, quam uerbis nuntiabatur, nemo putauit. atq; iste ad omnes introitus, quae adiri poterat non modo in eum fundum, de quo controuersia fuerat, sed etiam in illum proximum, de quo nihil ambigebatur, armatos homines opponit. itaq; pri-

O R A T I O

mo cum in antiquum fundū ingredi uellet, quòd eà proxime accedi poterat, frequentes armati obstiterunt. quo loco depulsus Cæcina, tamen, quā potuit, ad eum fundū profectus, ex quo ex conuentu uim fieri oportebat. eius autem fundi extremam partem oleæ directo ordine definiunt. ad eas cum accederetur, iste cum omnibus copijs præsto fuit, seruumq; suum nomine Antiochum ad se uocauit, & clara uoce imperauit, ut eum, qui illum olearū ordinem intrasset, occideret. homo mea sententia prudentissimus Cæcina, tamen in hac re plus mihi animi quàm consilij uidetur habuisse: nam cum & armatorum multitudinem uideret, & eam uocem Ebutij, quam commemorauī, audisset, tamen accessit propius, & iam ingrediens intra finem eius loci, quem oleæ terminabant, impetum armati Antiochi, cæterorumq; tela atque incursum refugit. eodem tempore se in fugam conferunt unā amici aduocatiq; eius metu perterriti, quemadmodum illorum testem dicere audistis. his rebus ita gestis, P. Dolabella Prætor interdixit, ut est consuetudo, de uī hominibus armatis, sine ulla exceptione, tantum, ut, unde deiecisset, restitueret. restituisse se dixit. sponsio facta est. hac de sponsione uobis iudicandum est. Maxime fuit optandū Cæcinæ Recuperatores, ut cōtrouersie nihil haberet: secūdo loco, ut ne cū tā improbo homine: tertio, ut cū tā stulto hēret: etenim nō minus nos stultitia illius subleuat, quàm ledit improbitas. improbus fuit, q̄ homines coegit, armauit, coactis armatisq; uim fecit. læsit in eo Cæcinam. subleuauit ibidem: nam in eas ipsas res, quas improbiissime fecit, testimonia sumpsit, & eis in causa testimonijs utitur. itaque mihi certum est Recuperatores, antequam

ad meam defensionem, meosq; testes uenio, illius uti confessione & testimonijs: quid confitetur? atque ita libenter confitetur, ut non solum fateri, sed etiam profiteri uideatur Recuperatores? cōuocaui homines, coegi, armaui: terrore mortis ac periculo capitis, ne accederes, obstiti. ferro (inquit) ferro, & hoc dicit in iudicio, te reieci atq; perterruī. quid? testes quid aiunt? P. Vtilius propinquus Ebutij se Ebutio cū armatis seruis uenisse aduocatū. quid praterea? fuisse complures armatos. quid aliud? minatum esse Ebutium Cæcinæ. quid ego de hoc teste dicā, nisi hoc, Recuperatores? ut iccirco non minus ei credatis, quod homo minus idoneus habetur, sed ideo credatis, quod ex illa parte id dicit, quod illi causæ maxime est alienum. A. Terentius alter testis non modo Ebutium, sed etiam se ipsum arguit. in Ebutium hoc dicit, armatos homines fuisse. de se autem hoc prædicat: Antiocho Ebutij seruo imperasse, ut in Cæcinam aduenientem cum ferro inuaderet. quid loquar amplius hoc de homine? in quē ego dicere, cum rogarer a Cæcina, nunquam uolui, ne arguere illum rei capitalis uiderer: de eo dubito nūc, quomodo aut loquar, aut taceam, cum ipse hoc de se iuratus prædicet. deinde L. Celius non solum Ebutium cum armatis dixit fuisse compluribus, uerum etiam cū aduocatis perpaucis eō uenisse Cæcinam. de hoc ego teste detraham: cui æque atque meo testi ut credatis, postulo. P. Memmius secutus est, qui suum non paruum beneficium commemorauit in amicos Cæcinæ, quibus sese uiam per fratris sui fundum dedisse dixit, quā effugere possent, cum essent metu omnes perterriti. huic ego testi gratias agam, quod & in re mise-

O R A T I O

ricordem se praeuit, & testimonio religiosum. A. Attilius, & eius filius L. Attilius & armatos ibi fuisse, & se suos armatos adduxisse dixerunt, etiam hoc amplius: cum Ebutius Cæcinæ malum minaretur, ibi tum Cæcinam postulasse, ut moribus deductio fieret. hoc idem P. Rutilius dixit, & eo libentius dixit, ut aliquo in iudicio eius testimonio creditum putaretur. duo præterea testes nihil de ui, sed de ipsa emptione fundi dixerunt: P. Cæsennius auctor fundi, non tam auctoritate graui, quam corpore, & argentarius Sex. Clodius, cui nomen est Phormio, nec minus niger, nec minus confidens, quam ille Terentianus est Phormio, nihil de ui dixerunt, nihil præterea, quod ad uestrum iudicium pertineret. Decimo uero loco testis expectatus, & ad extremum reseruatus dixit Senator populi R. splendor ordinis, decus atque ornamentum iudiciorum, exemplar antiquæ religionis Fidiculanus Falcula: qui cum ita uehemens acerque uenisset, ut non modo Cæcinam periurio suo læderet, sed etiam mihi uideretur irasci: ita eum placidum mollemque reddidi, ut non auderet, sicut meministis, iterum dicere, quot milia fundus suus abesset ab urbe: nam cum dixisset minus abesse LIII, populus cum risu acclamauit ipsa esse: meminerant enim omnes, quantum in Albiano iudicio accepisset. in eum quid dicam? nisi id, quod negare non possit? uenisse in consilium publicæ questionis, cum eius consilij iudex non esset: & in eo consilio, cum causam non audisset, & potestas esset ampliandi, dixisse sibi liquere: dum incognita re iudicare uoluisset, maluisse condemnare, quam absolvere: cum, si uno minus damnarent, condemnari reus non pos-

set, non ad cognoscendam causam, sed ad explendam
damnationem praeſto fuisse. utrum grauius aliquid in
quempiam dici potest, quam ad hominem condemnan-
dum, quem nunquam uidisset, neq; audisset, adductum
pretio esse? an certius quicquam obici potest, quam quod
is, cui obicitur, ne nutu quidem infirmare conatur? ue-
runtamen is testis, ut facile intelligeretis eum non abfuisse
animo, cum ab illis causa ageretur, testesq; dicerent, sed
tantisper de aliquo reo cogitasse: cum omnes ante eum di-
xissent testes, armatos cum Ebutio fuisse complures; so-
lus dixit non fuisse. uisus est mihi primo ueterator intel-
ligere praeclare, quid causa optaret: & tantummodo er-
rare, quod omnes testes infirmaret, qui ante eum dixis-
sent: cum subito ecce idem qui solet, suos solos seruos ar-
matos fuisse dixit. quid huic tu homini facias? non ne con-
cedas interdum, ut excusatione summæ stultitiæ, summæ
improbitalis odium deprecetur? utrum Recuperatores
his testibus non credidistis, cum, quid liqueret, non habui-
stis? at controuersia non erat, quin uerum dicerent. an
in coacta multitudine, in armis, in telis, in præsenti metu
mortis, perspicuo periculo cadis dubium uobis fuit, an
esse uis aliqua uideretur, nec ne? quibus igitur in rebus
uis intelligi potest, si in his non intelligetur? an uero illa
defensio uobis praeclara uisa est: non deiecti, sed obstiti:
non enim te sum passus in fundum ingredi, sed armatos
homines opposui: ut intelligeres, si in fundo pedem po-
suisses, statim tibi esse pereundum. quid ais? is, qui armis
perterritus, fugatus, pulsus est, non uidetur esse deiectus?
posterius de uerbo uidebimus. nunc rem ipsam ponamus,
quam illi non negant: & eius rei ius actionemq; quæ-

ORATIO

ramus. Est hæc res posita, quæ ab aduersario non negatur: Cæcinam, cum ad constitutam diem, tempusq; uenisset, ut ius ac deductio moribus fieret, pulsum prohibitumq; esse uel coactis hominibus & armatis. cum hoc cõstet, ego homo imperitus iuris, ignarus negotiorum ac litium, hæc puto me habere actionem, ut per interdictum, meum ius teneam, atq; iniuriam tuam persequar. fac in hoc errare me, nec ullo modo posse per hoc interdictum id assequi, quod uelim: te uti in hac re magistro uolo. quero, sit ne aliqua huius rei actio, an nulla? conuocari homines propter possessionis controuersiam non oportet, armari multitudinem iuris retinendi causa non conuenit: nec iuri quicquam tam inimicum, quam uis: nec æquitati quicquam tam infestum est, quam conuocati homines & armati. quod cum ita sit, resq; eiusmodi sit, ut in primis à magistratibus animaduertenda esse uideatur, iterum quero, sit ne eius rei aliqua actio, an nulla? nullam esse dices? audire cupio qui in pace & otio, cum munum fecerit, copias pararit, multitudinem hominum coegerit, armarit, instruxerit, homines inermes, qui ad constitutum experiundi iuris gratia uenissent, armis, uiris, terrore periculoq; mortis repulerit, fugarit, auerterit, hoc dicat, feci equidem, quæ dicis, omnia, & ea sunt & turbulenta, & temeraria, & periculosa: quid ergo est? impune feci: nam, quid agas mecum ex iure civili ac prætorio, non habes. ita ne uero Recuperatores? hoc uos audietis? & apud uos dici patiemini sæpius? cum maiores nostri tanta diligentia prudentiaq; fuerint, ut omnia omnium non modo tantarum rerum, sed etiam tenuissimarum iura statuerint, persecutiq; sint, ut hoc genus

unum uel maximum pratermitterent, ut, si qui me exire
domo mea coegisset armis, haberem actionem. si qui in-
troire prohibuisset, non haberem? nōdum de Caecinae cau-
sa disputo, nōdum de iure possessionis nostrae loquor, tan-
tum de tua defensione C. Piso queror. quando ita dicis, et
ita constituis, si Caecina, cum in fundo esset, inde deiectus
esset, tum per hoc interdictum eū restitui oportuisse; nunc
uero deiectū nullo modo esse inde, ubi non fuerit; hoc in-
terdicto nihil nos affecutos esse: quaero, si te hodie domum
tuam redeuntem coacti homines & armati nō modo li-
mine tectoq; adium tuarū, sed primo aditu uestibuloq;
prohibuerint, quid acturus sis? monet amicus meus te L.
Calpurnius, ut idem dicas, quod ipse antea dixit, iniu-
riarum. quid ad causam possessionis? quid ad restituend-
um eum, quem oportet restitui? quid deniq; ad ius ciui-
le, aut ad aētoris aētionē, & ad animaduersionem ages?
iniuriarum? plus tibi ego largiar. non solum egeris, ue-
rum etiam cōdemnaris licet: nunquid magis possidebis?
aētio enim iniuriarum nō ius possessionis assequitur, sed
dolorem imminuta libertatis iudicio pœnaq; mitigat.
prator interea Piso tanta de re tacebit? quemadmodum
te restituat in aēdes tuas, non habebit? qui dies totos aut
uim fieri uetat, aut restitui factam iubet, qui de fossis,
de cloacis, de minimis aquarum itinerumq; controuersiis
interdicat, is repente obmutescet? in atrocissima re quid
faciat, non habebit? & C. Pisone domo tectisq; suis pro-
hibito, prohibito inquam per homines coactos & arma-
tos, Prator quemadmodum more & exemplo opitulari
possit non habebit? quid enim dicet? aut quid tu tam in-
signi accepta iniuria postulabis? unde uī prohibitus sis,

ORATIO

nemo unquam interdixit. nouum est, nō dico inusitatum,
uerum omnino inauditum. unde deiectus? quid profi-
cies, cum illi hoc respondebunt tibi, quod tu nunc mihi:
armatos se tibi obstitisse ne in aedes accederes: deici por-
rō nullo modo potuisse, qui nō accesserit. deicior ego, in-
quis, si quis meorum deicitur. omnino iam bene agis: à
uerbis enim recedis, & aequitate uteris: nam uerba ipsa
si sequi uolumus, quomodo tu deijceris, cum seruus tuus
deicitur? uerum ita est, uti dicis: te deiectum debeo in-
telligere, etiam si tactus non fueris. non ne? age nunc, si
sic quidem tuorum quisquā loco motus erit, atq; omnes
in aedibus adseruati ac retenti, tu solus prohibitus & à
tuis aedibus ui atq; armis perterritus: utrum hanc actio-
nem habebis, qua nos usi sumus, an aliam quampiam?
an omnino nullam? nullam esse actionem dicere in re
tam insigni, tamq; atroci, neq; prudentiae, neq; auctorita-
tis tuae est. alia si qua forte est, quae nos fugerit, dic quae
sit. cupio discere. haec si est, qua nos usi sumus, te iudice
uincamus necesse est: non enim uereor ne hoc dicas, in
eadem causa eodem interdicto te oportere restitui, Caci-
nam non oportere. etenim cui perspicuum non sit, ad in-
certum reuocari bona, fortunas, possessiones omnium, si
ulla ex parte sententia huius interdicti diminuta, aut in-
firmata sit: si auctoritate uirorum talium ius armato-
rum hominum iudicio approbatum uideatur, in quo iu-
dicio non de armis dubitatum, sed de uerbis quaesitū esse
dicatur? is ne apud uos obtinebit causam suam, qui se ita
defenderit: eieci ego te armatis hominibus, nō deieci: ut
tantum facinus non in aequitate defensionis, sed in una li-
tera latuisse uideatur? huiusce rei uos statueris nullam

esse actionem? nulli experiundi ius constitutum? quod
obstiterit armatis hominibus, qui multitudine coacta non
introitu, sed omnino aditu quempiam prohibuerit? quid
ergo? hoc quam habet uim? ut illa res aliquid aliqua ex
parte differre uideatur, utrum pedem cum intulero at-
que in possessionem uestigium fecero, tum expellar atq;
deiciar: an in eadem ui atque iisdem armis mihi an-
te occurratur, ne non modo intrare, uerum etiam aspi-
cere, aut aspirare possim. qui hoc ab illo differt? ut ille co-
gatur restituere, qui ingressum expulerit: ille, qui ingre-
dientem repulerit, non cogatur? uidete per deos immor-
tales quod ius nobis, quam conditionem uosmetipsis, qua
deniq; ciuitati legem constituere uelitis. huiusce generis
una est actio, per hoc interdictum, quo nos usi sumus,
constituta. ea si nihil ualet, aut si ad hanc rem non perti-
net, quid negligētius, aut quid stultius maioribus nostris
dici potest, qui aut tantæ rei prætermiserint actionem,
aut eam constituerint, quæ nequaquam satis uerbis cau-
sam et rationem iuris amplecteretur? periculosum est
dissolui hoc interdictum: captiosum est omnibus rem
ullam constitui eiusmodi, quæ cum armis gesta sit, rescin-
di iure non possit: ueruntamen est turpissimum illud,
tantæ stultitiæ prudentissimos homines condemnari, ut
uos iudicetis huius rei interdictum atq; actionem in men-
tem maioribus nostris non uenisse. queramur, inquit, licet,
tamen hoc interdicto Ebutius non tenetur. quid ita? quod
uis Cæcinæ facta non est. dici in hac causa potest, ubi ar-
ma fuerint, ubi coacta hominum multitudo, ubi instru-
cti et certis locis cum ferro homines collocati, ubi minæ, pe-
ricula terroresq; mortis, ibi uim non fuisse? nemo, inquit,

O R A T I O

occisus est, neq; saucius. quid ais? cum de possessionis con-
trouersia, & de priuatorum hominum contentione iuris
loquamur, tu uim negabis esse factam, si caedes & occisio
facta nō erit? ego exercitus maximos saepe pulsos & fu-
gatos esse dico terrore ipso, impetuq; hostium, sine cuius-
quam nō modo morte, uerum etiam uulnere. etenim Re-
cuperatores non ea sola uis est, quæ ad corpus nostrum,
uitamq; peruenit, sed etiam multo maior ea, quæ pericu-
lo mortis iniecto, formidine animum perterritum loco
saepe et certo de statu dimouet. itaq; saucij saepe homines,
cum corpore debilitantur, animo tamen non cedunt, neq;
eum relinquūt locum, quem statuerint defendere. at alij
pelluntur integri: ut non dubium sit, quin maior adhibi-
ta uis ei sit, cuius animus sit perterritus, quàm illi, cuius
corpus uulneratum sit. quòd si uī pulsos dicimus exerci-
tus esse eos qui metu ac tenui saepe suspitione periculi fu-
gerunt, & si non solum impulsu scutorum, neq; cōflictu
corporum, neq; ictu cōminus, neq; coniectione telorum,
sed saepe clamore ipso militum, aut instructione, aspe-
ctuq; signorum magnas copias pulsas esse & uidimus, et
audiuimus: quæ uis in bello appellatur, ea in otio nō ap-
pellabitur? & quod uehemens in re militari putatur, id
leue in iure civili iudicabitur? & quod exercitus arma-
tos mouet, id aduocationem togatorum nō uidebitur mo-
uisse? & uulnus corporis magis istam uim, quàm terror
animi declarabit? & sauciatio quaeretur, cum fugam fa-
ctam esse constabit? tuus enim testis hoc dixit, metu per-
territis nostris aduocatis, locum, quā effugerent, demon-
strasse. qui non modo ut fugerent, sed etiam ipsius fuga
tutam uiam quæsierunt, his uis adhibita non uidebitur?

quid igitur fugiebant? propter metū? quid metuebant?
uim uidelicet. potestis igitur principia negare, cum extre-
ma conceditis? fugisse perterritos confitemini: causam
fugæ dicitis eandem, quā omnes intelligimus, arma, mul-
titudinem hominum, incursionem atq; impetum armo-
rum: hæc ubi conceduntur esse facta, ibi uis facta nega-
bitur? at uero hoc quidem iam uetus est, & maiorum
exemplo multis in rebus usitatum: cum ad uim faciun-
dam ueniretur, si quos armatos quāuis procul conspe-
xissent, ut statim testificati discederēt, optime spon-
sionem facere possent, ni aduersus edictum Prætoris uis facta
esset. ita ne uero? scire esse armatos satis est, ut uim fa-
ctam probes: in manus eorū incidere non est satis? aspe-
ctus armatorum ad uim probandam ualebit: incursum
& impetus non ualebit? qui abierit, facilius sibi uim fa-
ctam probabit, quā qui effugerit? at ego dico hoc: si,
ut primo in castello Cæcinæ dixit Ebutius, se homines coe-
gisse & armasse, neq; illum, si eō accessisset, abiturum,
statim Cæcina discessisset; dubitare uos nō debuisse, quin
Cæcinæ facta uis esset. si uero, simulac procul cōspexit ar-
matos, recessisset: eo minus dubitaretis: omnis enim uis
est, quæ periculo aut decedere nos alicūde cogit, aut pro-
hibet accedere. quōd si aliter statueris, uidete ne hoc uos
statuatis, qui uiuus discesserit, ei uim nō esse factam: ne
hoc omnibus in possessionū controuersijs præscribatis, ut
confligendū sibi & armis decertādum putent: ne, quem-
admodum in bello pœna ignauis ab imperatoribus con-
stituitur, sic in iudicijs deterior causa sit eorum, qui fu-
gerint, quā qui ad extremum usq; contenderint. cum
de iure & legitimis hominum controuersijs loquimur, et

ORATIO

in his rebus uim nominamus, pertenuis uis intelligi debet. uidi armatos, quamuis paucos, magna uis est. decessi unius hominis telo perterritus, deiectus detrususque sum. hoc si ita statuetis, non modo non erit cur depugnare quisquam posthac possessionis causa uelit, sed ne illud quidem, cur repugnare. sin autem uim sine cæde, sine uulneratione, sine sanguine nullam intelligetis, statuetis homines possessionis cupidiores, quam uitæ esse oportere. age uero, de uī te ipsum habebo iudicem Ebuti: responde, si tibi uidetur: in fundum Cæcina utrum noluit tandem, an non potuit accedere? cum te obstitisse & repudiasse dicis, certe hunc uoluisse concedis. potes igitur dicere non ei uim fuisse impedimento, cui, cum cuperet, eoque consilio uenisset, per homines coactos non sit licitum accedere? si. n. id, quod maxime uoluit, nullo modo potuit, uis profecto quædam obstitit necesse est: aut tu dic quāobrem, cum uellet accedere, non accesserit. iam uim factā negare non potes. deiectus quemadmodum sit, qui non accesserit, id quaeritur: dimoueri enim & depelli de loco necesse est eū, qui deiiciatur. id autem accidere ei qui potest, qui omnino in eo loco, unde se deiectum esse dicit, nunquam fuit? quod si fuisset, & ex eo loco metu permotus fugisset, cum armatos uidisset, diceres ne esse deiectum? opinor. an tu, qui tam diligenter & tam callide uerbis controuersias, non æquitate dyiudicas, & iura non utilitate communi, sed literis exprimis, poteris ne dicere deiectum esse eum, qui tactus non erit? quid, detrusum dices? nam eo uerbo antea Prætores hoc interdicto uti solebant. quid ais? potest ne detrudi quisquam, qui non attingitur? non ne, si uerbum sequi uolumus, hoc intelligamus
necesse

necesse est, eum detrudi, cui manus afferantur? necesse est
inquam, si ad uerbum rem uolumus attingere, neminem
statu detrusum, qui non adhibita ui, manu demotus &
actus præceptis intelligatur. deiectus uero qui potest esse
quisquam, nisi in inferiorem locum de superiore motus?
potest pulsus, fugatus, eiectus denique: illud uero nullo
modo potest, deiectus esse quisquam, nō modo qui tactus
non sit, sed ne æquo quidem & plano loco. quid ergo, hoc
interdictum putamus eorum esse causa cōpositum, qui
se præcipitados ex locis superioribus dicerent? eos enim ue
re possumus dicere esse deiectos. an non, cum uoluntas et
cōsiliū & sententia interdicti intelligatur, impuden
tiam summam aut stultitiam singularem putabimus, in
uerborum errore uersari, rem & causam & utilitatem
communem non relinquere solum, sed etiam prodere? an
hoc dubium est, quin neque uerborum tanta copia sit, nō
modo in nostra lingua, quæ dicitur esse inops, sed ne in
alia quidem ulla, res ut omnes suis certis ac proprijs uo
cabulis nominentur: neque uero quicquam opus sit uer
bis, cum ea res, cuius causa uerba quasita sint, intelliga
tur? quæ lex, quod senatusconsultum, quod magistratus
ediētum, quod fœdus aut pæctio, quod (ut ad priuatas
res redeam) testamentum, quæ iudicia aut stipulationes,
aut pæcti & conuenti formula non infirmari, aut con
uelli potest, si ad uerba rem desleētere uelimus, cōsiliū
autem eorum, qui scripserunt, & rationem & auctori
tatem relinquamus? sermo hercule & familiaris, et quo
tidianus non cohærebit, si uerba inter nos aucupabimur.
deniq; imperium domesticum nullum erit, si seruulis hoc
nostris concesserimus, ut ad uerba nobis obediant, non ad

PP

O R A T I O

id, quod ex uerbis intelligi possit, obtemperent. Exemplis nunc uti uidelicet mihi necesse est harum rerum omnium. non occurrit unicuique uestrum aliud alij in omni genere exemplum, quod testimonio sit, non ex uerbis totum pendere ius, sed uerba seruire hominum consilijs & auctoritatibus? ornatè & copiose L. Crassus homo longe eloquentissimus, paulo ante quam nos in forum uenimus, iudicio centumuirali hanc sententiam defendit & facile, cum contra eum prudentissimus homo Q. Mutius diceret, probauit omnibus, M. Curium, qui hæres institutus esset ita, mortuo posthumo filio, cum filius non modo non mortuus, sed ne natus quidem esset, hæredem esse oportere. Quid? uerbis satis hoc cautum erat? minime. quæ res igitur ualuit? uoluntas. quæ si tacitis nobis intelligi posset, uerbis omnino non uteremur. quia non potest, uerba reperta sunt, non quæ impedirent, sed quæ indicarent uoluntatem. lex usum & auctoritatè fundi iubet esse biennium. at utimur eodem iure in ædibus, quæ in lege non appellantur. Si uia sit immunita, iubet, quæ uelit, agere iumentum. potest hoc ex uerbis intelligi, licere, si uia sit in Brutijs immunita, agere, si uelit, iumentum per M. Scauri Tusculanum. actio est in actorem præsentem his uerbis. quandoquidem te in iure conficio. hac actione Appius ille Cæcus uti non posset, si tam uere homines uerba consecretarentur, quam rem, cuius causa uerba sunt, non considerarent. testamento si recitatus hæres esset pupillus Cornelius, isque iam annos XX. haberet, uobis interpretibus amitteret hereditatem? ueniunt in mentem mihi per multa, uobis plura certo scio. uerum ne nimium multa complectamur, atque ab eo, quod propositum est, longius

abre
sidere
stus
uer
TV,
RAT
set non
recte ig
est quæ
milie
ter ex
à fami
si ad re
intellig
mo fam
la. sed
Pr
siliu
nihil
imma
tellige
ue me
sue
appel
est pr
aut
gerat
exqui
tatis
hoc g

aberret oratio: hoc ipsum interdictum, de quo agitur, cōsideremus. intelligetis enim in eo ipso, si in uerbis ius cōstituamus, omnem utilitatem nos huius interdicti, dum uersuti & callidi uolumus esse, amissuros. VNDE TV, AVT FAMILIA, AVT PROCURATOR TVVS. Si me uillicus tuus solus deiecisset, non familia deiecisset, ut opinor, sed aliq̃s de familia. recte igitur diceret te restituisse? quippe. quid. n. facilius est quā probari ijs, qui latine sciant, in uno seruulo familiae nomē nō ualere? si uero ne habeas quidē seruū præter eū, qui me deiecerit, clames uidelicet, si habeo familiā, à familia mea fateor te esse deiectū. neq; dubiū est, quin, si ad rem iudicandam uerbo ducimur, non re, familiam intelligamus, quæ cōstet ex seruis pluribus: quin unus homo familia non sit. uerbum certe hoc non modo postulat, sed etiam cogit. at uero ratio iuris, interdictūq; uis, & Prætorum uoluntas, & hominum prudentium consilium & auctoritas respuat hanc defensionem & pro nihilo putet. quid ergo isti homines latine non loquuntur? immo uero tantum loquuntur, quantum est satis ad intelligendam uoluntatem: cum sibi hoc proposuerint, ut si ue me tu deieceris, siue tuorū quispiam, siue seruorum, siue amicorum, ut seruos non numero distinguant, sed appellent uno familiae nomine. de liberis autem, quisquis est, procuratoris nomine appelletur: non quo omnes sint aut appellentur procuratores, qui negotij nostri aliquid gerant: sed in hac re, cognita sententia interdicti, uerba exquiri omnia noluerunt. non enim alia causa est æquitatis in uno seruo & in pluribus: non alia ratio iuris in hoc genere dūtaxat, utrū me tuus procurator deiecerit

ORATIO

is, qui legitime procurator dicitur omnium rerum eius, qui in Italia non sit, absit'ue Reip. causa, quasi quidam penè dominus, hoc ē alieni iuris uicarius; aut tuus colonus aut uicinus, aut cliens, aut libertus, aut quiuus, qui illam uim, deiectionemq; tuo rogatu, aut tuo nomine fecerit. quare si ad eum restituendum, qui uī deiectus est, eādem uim habet æquitatis ratio: ea intellecta certe nihil ad rem pertinet, quæ uerborum uis sit, ac nominum. tam restitues, si tuus me libertus deiecerit, nulli tuo præpositus negotio, quā si procurator deiecerit: non quo omnes sint procuratores, qui aliquid nostri negotij gerunt, sed quod in hac re queri nihil attinet. tam restitues, si unus seruulus, quā si familia deiecerit uniuersa: non quo idem sit seruulus quod familia, uerum quia, non quibus uerbis quidq; dicatur, queritur, sed quæ res agatur. etiam ut iam longius à uerbo decedamus, ab æquitate ne tantulū quidem: si tuus seruus nullus fuerit, & omnes alieni ac mercenarij, tamen & ipsi tuæ familiæ & genere & nomine continebuntur. Perge porrò hoc idem interdictum sequi. HOMINIBVS COACTIS. neminem coegeris, ipsi conuenerint sua sponte: certe cogit is, qui cōgregat homines & conuocat. coacti sunt ij, qui ab aliquo sunt unum in locum congregati. si non modo conuocati non sunt, sed ne conuenerunt quidem, sed ij modo fuerunt, qui etiam antea, non uis ut fieret, uerum colendi, aut pascendi causa esse in agro cōsueuerant: defendes homines coactos non fuisse, & uerbo quidem superabis, me ipso iudice, re autem ne consistes quidem ullo iudice: uim enim multitudinis restitui uoluerunt, non solum cōuocata multitudinis, sed, quia plerunque ubi multitudine

ne opus est, homines cogi solent, ideo de coactis composi-
tum interdictum est: quod etiam si uerbo differre uide-
bitur, re tamen erit unum, & omnibus in causis idem ua-
lebit, in quibus perspicitur una atque eadem causa æqui-
tatis. ARMA TIS V E. quid dicemus? armatos si la-
tine loqui uolumus, quos appellare uere possumus? opi-
nor eos, qui scutis, telisq; parati, ornatique sunt. quid igitur
si glebis, aut saxis, aut fustibus aliquē de fundo præ-
cipitem egeris, iussusq; sis, quem hominibus armatis deie-
ceris, restituere: restituisse te dices? uerba si ualent, si cau-
sa non ratione, sed uocibus ponderantur: me auctore di-
cito. uinces profecto non fuisse armatos eos, qui saxa iac-
cerent, quæ de terra ipsi tollerent: non esse arma cespites
neq; glebas: non fuisse armatos eos, qui prætereuntes ra-
mum defrangeret arboris: arma esse suis nominibus, alia
ad tegendum, alia ad nocendum: quæ qui nō habuerint,
eos inermes fuisse uinces. uerum si quidem erit armorū
iudicium, tum ista dicito. iuris iudicium cū erit & æqui-
tatis, caue in ista tam frigida, tam ieiuna calumnia deli-
tescas: non enim reperies quenquam iudicem, aut Recupe-
ratorē, qui, tanquam si arma militis inspiciunda sint,
ita probet armatum: sed perinde ualebit, quasi armatissi-
mi fuerint, si reperientur ita parati fuisse, ut uim uitæ,
aut corpori potuerint afferre. atque ut magis intelligas
quàm uerba nihil ualeant: si tu solus, aut quiuis unus cū
scuto, cum gladio imperum in me fecisset, atq; ego ita de-
iectus essem, auderes ne dicere, interdictum esse de arma-
tis hominibus, hic autem hominem armatum unum fuis-
se? non opinor tam impudens esses. atqui uide ne multo
nunc sis impudentior: nam tum quidem omnes mortales

ORATIO

implorare posses, quòd homines in tuo negocio latine lo-
qui obliuiscerentur: quòd inermes armati iudicarentur:
quòd, cum interdictum esset de pluribus, còmissa res esset
ab uno, unus homo plures esse homines iudicarentur. ue-
rum in his causis non uerba ueniunt in iudicium, sed ea
res, cuius causa uerba hæc in interdictum còiecta sunt.
uim, quæ ad caput & ad uitam pertinet, restitui sine ul-
la exceptione uoluerunt. ea fit plerunque per homines co-
actos armatosq;: quæ si alio consilio, eodem periculo fa-
cta sit, eodem iure esse uoluerunt: non enim maior est in-
iuria, si tua familia, quàm si tuus uillicus: non si tui ser-
ui, quàm si alieni ac mercenarij: non si tuus procurator,
quàm si uicinus aut libertus tuus: non si coactis homini-
bus, quàm si uoluntarijs, aut etiã assidujs, ac domesti-
cis: non si armatis, quàm si inermibus, qui uim haberent
armatorum ad nocendum: non si pluribus, quàm si uno
armato: quibus enim rebus plerunque uis fit, eiusmodi hæ-
res appellantur interdicto. si per alias res eadẽ facta uis
est: ea, tametsi uerbis interdicti non concluditur, tamen
sententia iuris atque auctoritate retinetur. uenio nunc
ad illud tuum: non deieci, si non suũ accedere. puto te ip-
sum Piso perspicere, quanto ista sit angustior iniquiorq;
defensio, quàm si illa uterere: non fuerunt armati, cum
fustibus & saxis fuerunt. si mehercule mihi non copio-
so homini ad dicendum, optio detur, utrum malim defen-
dere, non esse deiectum eum, cui uĩ & armis ingredien-
ti sit occursum; an armatos non fuisse eos, qui sine scutis
ac sine ferro fuerint: omnino ad probandum utranque
rem uideam infirmam nugatoriamq; esse: ad dicendum
autem, in altera uidear mihi aliquid reperire posse, non

fuisse armatos eos, qui neque ferri quicquam neque scu-
tum ullum habuerint: hic uero harem, si mihi defen-
dendum sit, eum, qui pulsus, fugatusq; sit, non esse de-
iectum. atque illud in tota defensione tua mihi maxi-
me mirum uidebatur, te dicere iurisperitorum aucto-
ritati obtemperari non oportere. quod ego, tametsi nō
nunc primum, neque in hac causa solum audio, tamen
admodum mirabar, abs te quamobrem diceretur: nam
ceteri tum ad istam hortationem decurrunt, cum se in
causa putant habere æquum & bonum, quod defen-
dant. si contra uerbis & literis, & (ut dici solet) sum-
mo iure contenditur, solent eiusmodi iniquitati & bo-
ni & æqui nomen dignitatemq; opponere. tum illud,
quod dicitur, * irrident: tum aucupio uerborum et
literarum tendiculas in inuidiam uocant: tum uocife-
rantur ex æquo & bono, non ex callido, uersutoq; iu-
re rem iudicari oportere: scriptum sequi, calumniato-
ris esse: boniq; iudicis uoluntatem scriptoris, auctori-
tatemq; defendere. in ista uero causa, cum tu sis is, qui
te uerbo, literaq; defendas, cum tuæ sint eæ partes,
unde deiectus es? an inde quod prohibitus es accedere?
eiectus, non deiectus: cum tua sit hæc oratio, fateor
me homines coegisse, fateor armasse, fateor tibi mortem
esse minitatum, fateor hoc interdicto prætoris uindicari,
si uoluntas & æquitas ualeat. sed ego inuenio in interdi-
cto uerbum unum, ubi delitescam. non deieci te ex eo lo-
co, quem in locum prohibui ne uenires. in ista defensione
accusas eos, qui consuluntur, qd æquitatis censeant ratio-
nem, non uerbi haberi oportere. & hoc loco Scenolam
dixisti causam apud centumuiros non tenuisse: quem

ORATIO

ego antea commemoravi, quod idem faceret, quod
tu nunc: tamen si ille in aliqua causa faciebat, tu innul-
la facis: tamen probasse nemini quod defendit, quia
verbis oppugnare aequitatem uidebatur. cum id miror,
te hoc in hac re alieno tempore, & contra quam ista cau-
sa postulasset, defendisse: tum illud uulgo in iudicijs &
nonnunquam ab ingeniosis hominibus defendi mihi mi-
rum uideri solet, nec iurisconsultis concedi, nec ius civile
in causis semper ualere oportere: nam qui hoc dispu-
tant, si id dicunt, non recte aliquid statueri eos, qui con-
sulantur, non hoc debent dicere, iuri civili, sed homi-
nibus stultis obtemperari non oportere: sin illos recte re-
spondere concedunt, & aliter iudicari dicunt oportere,
male iudicari oportere dicunt. neque enim fieri potest,
ut aliud iudicari de iure, aliud responderi oporteat; nec
ut quisquam iuris numeretur peritus, qui id statuatur esse
ius, quod non oporteat iudicari. at est aliquando con-
tra iudicatum. primum utrum recte, an perperam: si
recte, id fuit ius, quod iudicatum est: sin aliter, non du-
bium est, utrum iudices, an iurisconsulti uituperandi sint:
deinde si de iure uario quippiam iudicatum est, non po-
tius contra iurisconsultos statuunt, si aliter pronuncia-
tum est ac Mutio placuit, quam ex eorum auctoritate, sicut
ut Manilius statuebat, sic est iudicatum. etenim ipse Cra-
sus non ita causam apud centumuiros egit, ut contra i-
urisconsultos diceret, sed ut hoc doceret: illud, quod Sceuol
defendebat, non esse iuris. & in eam rem non solum rati-
ones afferret, sed etiam Q. Mutio socero suo, multisque pe-
rissimis hominibus auctoribus uteretur: nam qui i-
civile contemnendum putat, is uincula reuellit no-

modi
qui d
esse d
riti n
sed leg
profe
ter, qua
est, qua
quid d
unum
que iud
rum et
let, et in
babili na
cultas d
tum et
cuiusmo
proba
iecta d
gredi
bet. ill
cande
ant n
has co
sic. ius
lier for
tus et
que g
ne pr
est.

modo iudiciorum, sed etiam utilitatis, uitæq; communis. qui autem interpretes iuris vituperat, si imperitos iuris esse dicit, de hominibus non de iure civili detrahit: si peritis non putat esse obtemperandum, non homines lædit, sed leges, ac iura labefactat. quod uobis uenire in mentem profecto necesse est: nihil enim in ciuitate tam diligenter, quam ius civile retinendum. etenim hoc sublato, nihil est, quare exploratum cuiquam possit esse quid suum, aut quid alienum sit: nihil est, quod æquabile inter omnes, atque unum omnibus esse possit. itaque in cæteris cõtrouersiis atque iudicijs, cum queritur, aliquid factum, nec ne sit, uerum an falsum proferatur, et fictus testis subornari solet, et imponi falsæ tabulæ, nõnunquam honesto ac probabili nomine bono uiro iudici error obijci, improbo factus dari, ut, cum sciens perperam iudicari, testamentum aut tabulas secutus esse uideatur. in iure nihil est eiusmodi Recuperatores, non tabulæ falsæ, non testis improbus, denique nimia ista, quæ dominatur in ciuitate, potentia in hoc solo genere quiescit: quid agat, quomodo aggrediatur iudicem, quæ denique digitum proferat, non habet. illud enim potest dici iudici ab aliquo non tam uerecundo homine, quam gratiofo: iudica hoc factum esse, aut nunquam esse factum, uel cogitatum. crede huic testi: has comproba tabulas. hoc non potest. cui filius agnatus sit, eius testamentum non esse ruptum, iudica: quod mulier sine tutore auctore promiserit, deberi: non est aditus ad huiusmodi res neque potentia cuiusquam, neque gratia. denique quo maius hoc, sanctiusque uideatur, ne pretio quidem corrumpi iudex in eiusmodi causa potest. iste uester testis, qui ausus est dicere fecisse uideri

ORATIO

eum, de quo ne cuius rei argueretur quidem scire potuisset, ipse nunquam auderet iudicare, deberi viro dotem, quam mulier nullo auctore dixisset. ò rem præclaram, vobisq; ob hoc retinendam Recuperatores: quod enim est ius civile, quod neq; inflecti gratia neq; perfringi potentia, neq; adulterari pecunia possit? quod si non modo oppressum, sed etiam desertum aut negligentius adseruatum erit, nihil est, quod quisquam sese habere certum, aut à patre accepturum, aut relicturum liberis arbitretur. quid enim refert, ædes, aut fundum relictum à patre aut aliqua ratione habere bene partum: si incertum sit, quæ, cum omnia tua iure mancipij sint, ea possis ne retinere? si parum sit communium ius? si civili ac publica lege cōtra alicuius gratiam teneri non potest? quid inquam prodest fundum habere, si, quæ decentissime descripta à maioribus iura finium, possessionum, aquarum, itinerumq; sunt, hæc perturbari aliqua ratione, commutariq; possunt? mihi credite, maior hereditas venit unicuiq; uestrum in iisdem bonis à iure et à legibus, quàm ab iis, à quibus illa ipsa bona relictæ sunt: nam ut perueniat ad me fundus, testamento alicuius fieri potest: ut retineam quod meum factum sit, sine iure civili non potest. fundus à patre relinqui potest: at usucapio fundi, hoc est finis sollicitudinis ac periculi litium non à patre relinquitur, sed à legibus. aquæ ductus, haustus, iter, actus, à patre, sed rata auctoritas harum rerum omnium à iure civili sumitur. quapropter non minus diligenter ea, quæ à maioribus acceperitis, publica patrimonia iuris, quàm priuata rei uestre retinere debetis: non solum quòd hæc iure civili se-

pta sunt, sed etiam quod patrimonium unius incom-
modo dimittitur, ius amitti non potest sine magno
incommodo ciuitatis. in hac ipsa causa Recuperato-
res, si hoc nos non obtinebimus, ui armatis homini-
bus deiectum esse eum, quem ui armatis hominibus
pulsus, fugatumq; esse constet, Caecina rem non amit-
tet, quam ipsam animo forti, si tempus ita ferret,
amitteret: in possessionem in praesentia non restitue-
tur, nihil amplius: populi R. causa, ciuitatis ius, bona,
fortune, possessionesq; in dubium, incertumq; reuo-
cabuntur: uestra auctoritate hoc constituetur, hoc prae-
scribetur: quicum tu posthac de possessione contende-
re, eum si ingressum modo deieceris, in praedium resti-
tuas oportebit: sin autem ingredienti, cum armata mul-
titudine obuius fueris, & ita uenientem repuleris, fu-
garis, auerteris, non restitues. tum statueritis uim in
caede solum, non in animo libidinis: nisi cruor appa-
reat, uim non esse factam, iniuriarum delictum esse,
qui prohibitus sit, nisi ex eo loco, ubi uestigium im-
presserit, deici neminem posse, iuris retinere senten-
tiam & aequitatem plurimum ualere oportere, an uer-
bo ac litera ius omne torqueri, uos statuite Recupe-
ratores, utrum utilius esse uideatur. hoc loco percom-
mode accidit, quod non adest is, qui paulo ante affuit,
& adesse nobis frequenter in hac causa solet, uir or-
natissimus C. Aquilius. nam ipso praesente, de uirtu-
te eius & prudentia timidius dicerem, quod & ipse
pudore quodam afficeretur ex sua laude, & me similis
ratio pudoris a praesentis laude tardaret. cuius auctori-
tati dictum est ab illa causa concedi nimium non oportere.

O R A T I O

uereor de tali uiro ne plus dicam, quàm uos aut sentia-
 tis, aut apud uos commemorari uelit, quapropter hoc di-
 cam, nunquam eius auctoritatem nimium ualere, cuius
 prudentiâ populus R. in cauendo, non in decipiendo per-
 spexerit: qui iuris ciuilibus rationem nunquam ab æquita-
 te seiunxerit: qui tot annos ingenium, laborem, fidem
 suam populo R. promptam, expositamq; præbuerit: qui
 ita iustus & bonus uir est, ut natura, non disciplina con-
 sultus esse uideatur: ita peritus ac prudens, ut ex iure ci-
 uili non scientia solum quædam, uerum etiam bonitas na-
 ta; uideatur: cuius tantum est ingenium, ita prompta fi-
 de, ut, quicquid inde haurias, purum, liquidumq; te hau-
 rire sentias. quare permagnam initis à nobis gratiam,
 cum eum auctorem uestre defensionis esse dicitis. illud
 autem miror, cur uos aliquid contra me sentire dicatis,
 cum eum auctorem uos pro me appelleris, uestrum no-
 minetis. ueruntamen quid ait iste uester auctor? omni-
 bus, quicquid uerbis actum pronunciatumq; sit, conue-
 nit. ego ex isto genere consultorum non nominem, ut opi-
 nor, istum ipsum, quo uos auctore rem istam agere &
 defensionem causæ constituere dicitis. qui cum istam
 disputationem mecum ingressus esset, non posse probari
 quenquam esse deiectum, nisi ex eo loco, in quo fuisset:
 rem & sententiam interdicti mecum facere fatebatur,
 uerbo me excludi dicebat, à uerbo autem posse recedi nō
 * arbitrabatur. cum exemplis uterer multis, etiam illa ma-
 teria æquitatis, ab uerbo & ab scripto plurimis sæpe in
 rebus ius æqui boniq; rationem esse seiunctam, semperq;
 id ualuisse plurimum, quod in se auctoritatis habuisset
 æquitatisq; plurimum: consolatus est me, & ostendit in

hac ipsa causa nihil esse quod laborare: nam uerba ipsa
 sponsionis facere mecum, si uellem diligenter attendere.
 quonam inquā modo? quia certe, inquit, deiectus est Cæ-
 cina ui hominibus armatis aliquo ex loco: si non ex eo lo-
 co, quem in locum uenire uoluit, at ex eo certe, unde fu-
 git. quid tum? Prætor, inquit, interdixit, ut, unde deiectus
 esset, eò restitueretur, hoc est quicumq; is locus esset, unde
 deiectus esset. Ebutius autem, qui fatetur aliquo ex loco
 deiectum esse Cæcinam, is, quo modo se restituisse dixit,
 necesse est male fecerit sponsionem. quid est Piso? placet
 tibi pugnare uerbis? placet causam iuris, et æquitatis, et
 nō nostræ possessionis, sed omnino possessionum omnium
 constituere in uerbo? ego, quod mihi uideretur, quod a
 maioribus factitatum, quod horum auctoritate, quibus
 iudicandum est, dignum esset ostendi, id uerum, id æquū,
 id utile omnibus esse: spectari, quo consilio et qua sen-
 tentia, nō quibus quidq; uerbis esset actum. tu me ad uer-
 bum uocas et non ante uenio, quā recusaro. nego opor-
 tere, nego obtineri posse, nego ullam rem esse, quæ aut
 comprehendi satis, aut caueri, aut excipi possit, si aut
 præterito aliquo uerbo, aut ambigue posito, sententia
 et re cognita non id quod intelligitur, sed id quod di-
 citur, ualebit. quoniam satis recusauī, uenio iam quō
 uocas. quæro abs te, sim ne deiectus, non de Fulciniano
 fundo: neq; enim Prætor, si ex eo fundo essem deiectus,
 ita me restitui iussisset: sed eò, unde deiectus essem. sum
 ex proximi uicini fundo deiectus, quā adibam ad istum
 fundum: sum de uia, sum certe alicunde, siue de pri-
 uato siue de publico: eò restitui sum iussus. restituisse
 te dixisti: nego me ex edicto Prætoris restitutum esse.

ORATIO

quid ad hæc dicimus? aut tuo, quemadmodum dicitur, gladio, aut nostro defensio tua conficiatur necesse est. si ad interdicti sententiam confugis, & de quo fundo actum sit tum, cum Ebutius restituere iubebatur, id querendum esse dicis, neque æquitatem rei uerbi laqueo capi putas oportere: in meis castris, præsidijq; uersa-
ris, mea, mea est ista defensio, ego hoc uociferor, ego omnes homines deosq; testor: cum maiores uim arma-
tam nulla iuris defensione texerint, non uestigium eius, qui deiectus sit, sed factum illius, qui deiecerit, in iu-
dicium uenire: deiectum esse, qui fugatus sit: uim esse factam, cui periculum mortis sit iniectum. istum lo-
cum fugis & reformidas: & me ex hoc, ut ita dicam, campo æquitatis ad istas uerborum angustias & ad o-
mnes literarum angulos reuocas. in ijs ipsis interclude-
re insidijs, quas mihi conaris opponere. non deieci, sed eieci. peracutum hoc tibi uidetur: hic est mucro defensio-
nis tuæ: in eum ipsum causa tua incurrat, necesse est: ego enim tibi refero: si non sum ex eo loco deiectus, quò pro-
hibitus sum accedere: at ex eo sum deiectus, quò accessi, unde fugi. si Prætor nō distinxit locum, quò me restitui iuberet, & restitui iussit, nō sum ex edicto restitutus. ue-
lim Recuperatores, hoc totum si uobis uersutius, quàm mea cōsuetudo defendēdi fert, uidebitur, sic existimetis: primum alium, non me excogitasse: deinde huius rationis non modo nō inuentorem, sed ne probatorē quidem esse me: idq; me nō ad meam defensionem attulisse, sed illorū defensionē retulisse. me pro meo posse iure dicere: neq; in hac re, quam ego protuli, queri oportere, quibus uerbis Prætor interdixit, sed de quo loco sit actum, cum inter-

dixit
loco
do po
portet
quid
lum re
ita esse
attend
ingeni
re: non
quod i
ra casu
tineret
do eo
uictoria
rator
liam
qui
me
sed
uim
runt
atq;
bum
co.
ab
Gra
uerb
cum
iori

dixit : neque in ui armatorum spectari oportere, in quo loco sit facta uis, uerum sit ne facta. te uero nullo modo posse defendere : in qua re tu uelis, uerba spectari oportere : in qua re nolis, non oportere. ueruntamen equid mihi respondetur ad illud quod antea dixi, non solum re & sententia, sed uerbis quoque hoc interdictum ita esse compositum, ut nihil commutandum uideretur? attendite diligenter quaeso Recuperatores: est enim uestri ingenij, non meam, sed maiorum prudentiam cognoscere: non enim sum id dicturus, quod ego inuenerim, sed quod illos non fugerit. Cum de ui interdicitur, duo genera causarum esse intelligebat, ad quae interdictum pertineret: unum, si qui ex eo loco, in quo esset : alterum, si ab eo loco quo ueniret, ui deiectus esset. & horum utrunque, neque praeterea quicquam potest accidere Recuperatores. id adeo, si placet, considerate. si qui meam familiam de meo fundo deiecerit, ex eo me loco deiecerit. si qui mihi praesto fuerit cum armatis hominibus extra meum fundum & me introire prohibuerit, non ex eo, sed ab eo loco me deiecerit. ad haec duo genera rerum, unum uerbum, quod satis declararet utrasque res, inueniunt : ut siue ex fundo, siue a fundo deiectus essem, uno atque eodem interdicto restituerer. Vnde TV. hoc uerbum, unde, utrunque declarat, & ex quo loco & a quo loco. unde deiectus est Caecina? ex urbe. unde deieci? ab urbe. unde deiecti Galli? a Capitolio. unde qui cum Graccho fuerunt? ex Capitolio. uidetis igitur hoc uno uerbo significari res duas, & ex quo, & a quo loco. cum autem eo restitui iubet, ita iubet : ut si Galli a maioribus nostris postularent, ut eorum restituerentur, uno

ORATIO

de deiectione essent, & aliqua ui hoc assequi possent : non opinor eos in cuniculum, quā aggressi erant, sed in Capitolium restitui oportere. hoc enim intelligitur, unde deiectioni, siue ex quo loco, siue à quo loco, eò restituas. hoc iam simplex est, in eum locum restituas : siue ex hoc loco deiectioni, restitue in hunc locum : siue ab hoc loco, restitue in eum locum, non ex quo, sed à quo deiectionis. ut si qui ex alto, cum ad patriam accessisset, tempestate subito reiectionis optaret, ut cum esset à patria deiectionis, eò restitueretur ; hoc opinor optaret, ut à quo loco depulsus esset, in eum se fortuna restitueret, non in salum, sed in ipsam urbem, quam petebat : sic (quoniam uim uerborum necessario similitudine rerum aucupamur) qui postulat, ut à quo loco deiectionis est, hoc est unde deiectionis est, eò restituantur. cum uerba nos eò ducunt, tum res ipsa hoc sentire atq; intelligere cogit. etenim Piso (redeo nunc ad illa principia defensionis meae) si quis te ex aedibus tuis ui hominibus armatis deiectionis, quid ageres ? opinor, hoc interdicto, quo nos usi sumus, persequere. quid ? si qui iam de foro redeuntem armatis hominibus domum tuam te introire prohibuerit ? quid ages ? utere eodem interdicto. cum igitur Prætor interdixerit, unde deiectionis es, ut eò restituaris, tu hoc idem, quod ego dico & quod perspicuum est, interpretabere, cum illud uerbum unde, in utranq; rem ualeat, eoq; tu restitui sis iussus, tam te in aedes tuas restitui oportere, si e uestibulo, quā si ex interiore aedium parte deiectionis sis. ut uero iam Recuperatores nulla dubitatio sit, siue rem, siue uerba spectare uultis, quin secundum nos iudicetis,

india
ditis
non
bus
mera
mum
q neg
munc
deici
dictur
fideret
in hoc
tur. si
qui poss
deiectionis
cere sp
nisi qu
minib
Etus
tur e
ne co
ne an
Eta f
deiectionis
Etum
se, ut
is, qu
let, s
uel es
sione

iudicetis, exoritur hic iam obrutis rebus omnibus & per
ditis, illa defensio, eum deici posse, qui tum possideat: qui
non possideat, nullo modo posse: itaq; si ego sim à tuis edi-
bus deiectus, restitui non oportere: si ipse sis, oportere. nu-
mera quā multa in ista defensione falsa sint Viso. ac pri-
mum illud attende, te iam ex illa ratione esse depulsum,
q̃ negabas quēquam deici posse, nisi qui in eo loco esset:
nunc iam posse concedis: eum, qui non possideat, negas
deici posse. cur ergo aut in illud quotidianum inter-
dictum, unde ille me ui deiecit, additur, cum ego pos-
siderem, si deici nemo potest, qui non possidet: aut
in hoc interdictum, de hominibus armatis, non addi-
tur, si oportet quari, possederit, nec ne? negas deici nisi
qui possideat. ostēdo, si sine armatis, coactis ue hominibus
deiectus quisquam sit, eum, qui fateatur se deiecisse, uin-
cere sponsionem, si ostendat eū non possedisse. negas deici,
nisi qui possideat. ostēdo, ex hoc interdicto de armatis ho-
minibus, qui possit ostendere non possedisse eum, qui deie-
ctus sit, condemnari tamen sponsionis necesse esse, si fatea-
tur esse deiectum. dupliciter homines deiciuntur, aut si-
ne coactis, armatis ue hominibus, aut per eiusmodi ratio-
nē aut uim. ad duas dissimiles res duo deuincta interdi-
cta sunt. in illa ui quotidiana non satis est posse docere se
deiectum, nisi ostendere possit, cum possideret, tum deie-
ctum. ne id quidem satis est, nisi docet ita se possedis-
se, ut nec ui, nec clam, nec precario possederit. itaque
is, qui se restituisse dixit, magna uoce saepe confiteri so-
let, se ui deiecisse: uerum illud addit, non possidebat:
uel etiam, cum hoc ipsum concessit, uincit tamen spon-
sione, si planum facit, ab se illum aut ui, aut clam,

ee

ORATIO

aut precario possedisse. uidetis ne quot defensionibus eū,
qui sine armis ac multitudine uim fecerit, uti posse ma-
iores uoluerunt? hunc uero, qui ab iure, officio, bonis mo-
ribus ad ferrum, ad arma, ad cædem confugerit, nu-
dum in causa destitutūq; uidetis: ut, qui armatus de pos-
sessione contendisset, inermis planè de sponsione certa-
ret. ecquid igitur interest Piso inter hæc interdicta? ec-
quid interest, utrum hoc additum, cum A. Cæcina posse-
derit, nec ne? ecquid te ratio iuris, ecquid interdicto-
rum dissimilitudo, ecquid auctoritas maiorum commo-
uet? si esset additum, de eo quæri oporteret. additum
non est, tamen oportebit. atq; ego in hoc Cæcinam non
defendo: possedit enim Cæcina Recuperatores: & id
tametsi extra causam est, percurram tamen breuī, ut
non minus hominem ipsum, quàm ius commune defen-
sum uelitis. Cesenniam possedisse propter usumfructum
non negas. qui colonus habuit conductum de Cesennia
fundum, cum idem ex eadem conductiōe fuerit in fun-
do, dubium est, quin, si Cesennia tum possidebat, cum
erat colonus in fundo, post eius mortem hæres eodem
iure possederit? deinde ipse Cæcina, cum circuiret præ-
dia, uenit in istum fundum, rationes à colono accepit.
sunt in eam rem testimonia. postea cur Ebuti de isto po-
tius fundo, quàm de alio, si quem habes, Cæcinæ de-
nunciabas, si Cæcina non possidebat? ipse porrò Cæcina
cur se moribus deduci uolebat, idq; tibi de amicorum,
etiam de ipsius C. Aquilij sententia responderat? at
enim Sylla legem tulit. ut nihil de illo tempore, nihil de
calamitate Reip. querar, hoc tibi respondeo, adscripsis-
se eundem Syllam in eandem legem, si quid ius non es-

set
ius
se
quid
beret
me
tiam
* se
cedis
portet
berta
eodem
mel
enim
Quar
cum
tatis
tem
differ
ri, qu
tius
uiri
ta
dicat
la ui
qui
per
ane
peri
dub

set rogari, eius ea lege nihilum rogatum. quid est quod
ius non sit, quod populus iubere, aut uetare non pos-
sit? ut ne longius abeam, declarat ista ascriptio esse ali-
quid: nam nisi esset, hoc in omnibus legibus non adscri-
beretur. sed quæro abs te, putes ne, si populus iusserit
me tuum, aut item te meum seruum esse, id iussum ra-
tum atque firmum futurum? perspicis hoc nihil es-
* se ut in cæteris, quæ rogavi. primum illud con-
cedis, non, quicquid populus iusserit, ratum esse o-
portere. deinde nihil rationis affers, quamobrem si li-
bertas adimi nullo modo possit, ciuitas possit: nam &
eodem modo de utraq; re traditum nobis est: & si se-
mel ciuitas adimi potest, retineri libertas non potest. qui
enim potest iure Quiritum liber esse is, qui in numero
Quiritum non est? atq; ego hanc adolescentulus causam
cum agerem contra hominem disertissimum nostræ ciui-
tatis Cottam, probavi. cum Arretinæ mulieris liberta-
tem defenderem, & Cotta Decemuiris religionem inie-
cisset, non posse sacramentum nostrum iustum iudica-
ri, quod Arretinis adempta ciuitas esset, & ego uehemen-
tius contendissem ciuitatem adimi non potuisse: Decem-
uiri prima actione non iudicauerunt; postea re quæsi-
ta & deliberata, sacramentum nostrum iustum iu-
dicauerunt. atque hoc & contradicente Cotta, & syl-
la uiuo indicatum est. iam uero in cæteris, ut omnes,
qui in eadem causa sunt, & lege agant, & suum ius
persequantur, & omnes iure ciuili sine cuiusquam
aut magistratus, aut iudicis, aut periti hominis, aut im-
periti dubitatione utantur, quid ego commemorem?
dubium nemini uestrum est. certe quæri hoc solere

Q Q 4.

O R A T I O

me non præterit, ut ex me ea, quæ tibi in mentem non ueniunt, audias: quemadmodum, si ciuitas adimi non possit, in colonias latinas sepe nostri ciues profecti sint. aut sua uoluntate, aut legis mulcta profecti sunt: quam multa etiam si sufferre uoluissent, tamē manere in ciuitate potuissent. quid? quem pater patratus dedit, aut suus pater populus uendit, quo is iure amittit ciuitatem? ut religione ciuitas soluatur, ciuis R. traditur: qui cum est acceptus, est eorum, quibus est deditus. si non accipiunt, ut Mancinum Numantini, retinet integram causam et ius ciuitatis. si pater uendit, eum, quem in suam potestatem suscepit, ex potestate dimittit. iam populus cum eum uendit, qui miles factus non est, non adimit ei libertatem, sed iudicat non esse eum liberum, qui, ut liber sit, adire periculum noluit. cum autem incensum uendit, hoc iudicat: cum is, qui in seruitute iusta fuerint, censu liberetur, eum, qui, cum liber esset, censi noluerit, ipsum sibi libertatem abiudicasse. quod si maxime istæ rebus adimi libertas aut ciuitas potest, non intelligunt, qui hæc commemorant, si per has rationes adimi maiores posse uoluerunt, alio modo noluisse: nam ut hæc ex iure civili protulerunt, sic afferant uelim, quibus lege aut Romana ciuitas, aut libertas erepta sit. nam quod ad exilium attinet, perspicue intelligi potest quale sit. exilium enim non supplicium est, sed profugium portusque supplicij: nam qui uolunt poenam aliquam subterfugere aut calamitatem, eo solum uertunt, hoc est sedem ac locum mutant. itaque nulla in lege nostra reperietur, ut apud ceteras ciuitates, maleficium ullum exilio esse mulctatum. sed cum homines, uincula, neces, ignominiasque uitant, quæ

Sunt legibus constituta, confugiunt quasi ad aram in exilium: qui si in ciuitate legis uim subire uellent, non prius ciuitatem quam uitam amitterent: quia nolunt, non adimitur his ciuitas, sed ab his relinquitur atque deponitur: nam cum ex nostro iure duarum ciuitatum nemo esse possit, tum amittitur hæc ciuitas denique, cum is, qui profugit, receptus est in exilium, hoc est in aliam ciuitatem. non me præterit Recuperatores, tamen si de hoc iure multa prætereo, tamen me longius prolapsus esse, quam ratio uestri iudicii postularit. uerum id feci, ne quod uos in hac causa hanc defensionem desiderare arbitrarer, sed ut omnes intelligerent, nec ademptam cuiquam ciuitatem esse, nec adimi posse. hoc cum eos scire uolui, quibus Sylla uoluit iniuriam facere, tum omnes cæteros nouos, ueteresq; ciues: neque enim ratio afferri potest, cur si cuiquam nouo ciui potuerit adimi ciuitas, non omnibus antiquissimis ciuibus possit: nam ad hanc quidem causam nihil hoc pertinuisse, primum ex eo intelligi potest, quod uos ea de re iudicare non debetis: deinde quod Sylla ipse ita tulit de ciuitate, ut non sustulerit horum nexa atque hereditates: iubet enim eodem iure esse, quo fuerint Ariminenses: quos quis ignorat duodecim coloniarum fuisse, & à populo R. hereditates capere potuisse: quod si adimi ciuitas A. Caecina lege potuisset, magis illam rationem tamen omnes boni quaereremus, quæ admodum spectatissimum, prudentissimumq; hominem, summo consilio, summa uirtute, summa auctoritate domesticum præditum, leuatum iniuria ciuem retinere possemus, quam uti nunc, cum de iure ciuitatis nihil potuerit deperdere, quisquam existat, nisi tui Sexte similis &

O R A T I O .

stultitia & impudentia, qui huic ciuitatem ademptam
 esse dicat. qui quoniam Recuperatores suum ius non de
 seruit, neque quicquam illius audaciae, petulantiaeq; con=
 cessit, derelinquo iam communem causam, populiq; R.
 ius in uestra fide ac religione depono. is homo ita se pro
 batum uobis uestriq; similibus semper uoluit, ut id non
 minus in hac causa laborarit: nec cōtenderit aliud, quàm
 ne ius suum dissolute relinquere uideretur: nec minus
 uereretur, ne contemnere Ebutium, quàm de eo contem=
 ptus esse existimaretur. quapropter si quid extra iudi=
 cium est, quod homini tribuendum sit, habetis hominem
 singulari pudore, uirtute cognita, & spectata fide am=
 plissimum, Etruriae nomine totius in utraque fortuna co=
 gnitum multis signis & uirtutis, & humanitatis. si quid
 in contraria parte in homine offendendum sit, habetis
 eum, ut nihil dicam amplius, qui se homines coegisse fa=
 teatur. sin hominibus remotis de causa quæretis: cum iu=
 dicium de ui sit, is, qui arguitur, uim se hominibus arma=
 tis fecisse fateatur: uerbo se non æquitate defendere con=
 tur: id quoque ei uerbum ipsum ereptum esse uideatis:
 auctoritatem sapientissimorum hominum facere nobi=
 scum: in iudicium non uenire, utrum Cæcina possederit,
 nec ne: tamen doceri possedisse: multo etiam minus quæ=
 ri A. Cæcinæ fundus sit nec ne: me tamen id ipsum do=
 cuisse, fundum esse Cæcinæ: cū hæc ita sint, statuite quid
 uos tempora Reip. de armatis hominibus, quid illius con=
 fessio de ui, quid nostra decisio de æquitate, quid ratio
 interdicti de iure admoneant, ut iudicetis.

ABCDEF GHIKLMNOPQRST
VXYZ. AA BB CC DD EE FF GG
HH II KK LL MM NN OO PP QQ.

Omnes quaterniones præter QQ duernionem.

APVD ALDI FILIOS.

VENETIIS, M.D.XL. MENSE OCTOBRI.

0055 37313

